






PP 107



D E
SERVORUM DEI
BEATIFICATIONE



E T
BEATORUM
CANONIZATIONE

Liber Quartus, & Ultimus

PARS PRIMA


AUTHORE

PROSPERO DE LAMBERTINIS

S. R. E. CARDINALI

TIT. S. CRUCIS IN HIERUSALEM

ANCONÆ PRIMUM EPISCOPO, POSTEA ARCHIEPISCOPO BONONIÆ.



BONONIÆ MDCCXXXVIII.

Formis Longhi Excusoris Archiepiscopalis, Superiorum Facultate.

THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 10
PART 1
1880

LONDON:
PUBLISHED BY
H. K. LEY, 15, BEDFORD SQUARE, W.C.
1880

7

iiij

EMINENTISSIMIS
CARDINALIBUS
SACRORUM RITUUM CONGREGATIONI
PRÆPOSITIS
ET REVERENDISSIMIS
EJUSDEM CONGREGATIONIS
CONSULTORIBUS

PROSPER
CARDINALIS DE LAMBERTINIS
BONONIÆ ARCHIEPISCOPUS
FELICITATEM.



Ono denique Numine , cujus admirandum in primis , & latissimè patens fatemur auxilium , studio quoque , & labore , certè non parvo universum de Beatificatione Servorum Dei , & Sanctorum Canonizatione

a 2 tio-

tione Opus absolvimus . Cujus quidem Operis , quæ tria Typis excusa Volumina huc usque prodierant , gloriosis Maximorum Pontificum (quorum præclara in nos extant promerita) primum Clementis XII. feliciter Regnantis , secundum Clementis XI. tertium Benedicti XIII. nominibus scripta sunt . Nunc prælo quartum emittimus ; idque in duas Partes divisum Eminentissimis Cardinalibus Sacrorum Rituum Congregationi Præpositis , & Reverendissimis ejusdem Congregationis Consultoribus commendamus . Hæc videlicet ea Congregatio est , ad quam Summus Pontifex Sixtus V. non modò Causas Beatificationis , & Canonizationis universas , sed cætera etiam ejusdem generis ad Cultum Servorum Dei , Beatorum , Sanctorum quomodocumque pertinentia deferri mandavit . Hæc , cujus immensis laboribus , singularique diligentia obscura quæque , & difficillima , quæ passim in hanc materiam cadere solent , maturè discussa , atque explicata sunt , & ad hæc tempora mirificè , supra quàm aut optari , aut excogitari poterat , illustrata . Hæc , cui nostram ipsi , dum Advocati Consistorialis munere functi sumus , & scribendo , & verò etiam dicendo præstitimus operam non solum
in

in notissimis Causis Bononiensium Civium, Pii V. & Catharinæ Vigriæ, quæ nostro qualicumque patrocínio faustè cesserunt, sed & in aliis permultis, in quibus quantum studii diligentiaque posuerimus, nostra, quæ publicè circumferuntur, Scripta declarant. Quid quod amplissimo Clementis XI. beneficio ad eximium Promotoris Fidei munus evecti, quæcumque a nobis per integrum viginti annorum spatium in Causas Beatificationis, & Canonizationis, & in Beatorum Sanctorumque Cultum animadversa sunt, hujusmet Congregationis judicio credidimus omnia, atque subjecimus. Sic verò per idem tempus in Consultoris officio versati sumus, ut nullus fuerit ex crebris, qui in conspectu vel Summorum Pontificum, vel Cardinalium palam haberentur, Conventibus, qui præsentiam nostram aliquando desiderarit: ut alios mitteremus non paucos, quibus sive cum Cardinali in aliqua ex hujusmodi Causis Ponente, sive cum earundem Causarum Postulatoribus rem privatim agentes affuimus. Neque porrò aut multiplicia Romanæ Curia negotia, quæ nos primis a suscepto Promotoris, & Consultoris officio temporibus non mediocriter exercebant, aut nova, quibus deinceps

ceps liberaliter aucti sumus , eaque gravissima munera a Secretis Sacræ Congregationis Concilii , Consultoris Sancti Officii , Doctoris Sacrorum Canonum in Foro Pœnitentiariæ , aut alia quamplurima , in quibus sive considerandis , sive gerendis nostra assidue opera Summi Pontifices utebantur , nos aliquando tenuerunt , quominus & (quod Promotoris esset) accuratè scribendo , & (quod Consultoris) ad singulos Sacrorum Rituum Conventus sedulò accedendo utriusque officii partes implemus . In quo sanè a Benedicto XIII. Sacra donati Purpura , & in Cardinalium numerum eidem Congregationi Præpositorum relati , quandiu Romæ fuimus , vel illo ipso cæteroqui brevissimo temporis intervallo , nunquam defecimus . Quæ cum ita , sint , planè non dubitamus , fore , ut , hanc Epistolam quicumque legerit , facilè intelligat , quo potissimùm nomine Volumen hoc quartum in duas Partes , uti diximus , distributum , vobis , Eminentissimi Cardinales Sacræ Rituum Congregationi Præpositi , vobis , Reverendissimi ejusdem Congregationis Consultores , commendare instituerimus . Neque aliam dissimulabimus , quæ hanc maxime inscriptionem Operis sibi vindicat , non

exiguam , neque obscuram rationem , fructum nimirum , quem , ut ingenuè fateamur , uberrimum cepimus ex ipsis doctissimorum Cardinalium , & sapientum Consultorum Conventibus , quorum alii morte (heu nimium !) sublati sunt , alii etiamnum Congregationem hanc exornant mirum in modum , atque perficiunt . Quod quantum dicamus ex animo , tum sententiis manifestum est , quas , nunc Cardinali , nunc Consultore aliquo authoribus , in hæc Volumina identidem , ut occasio tulit , conferre non prætermisimus , tum verò etiam Decretis , quæ fideliter a nobis relata , & tamquam firmissimum opinionis nostræ fundamentum proposita & constituta sunt . Hem ergo vobis , Eminentissimi Cardinales , & Consultores Reverendissimi , universum Opus , dignum videlicet , quod vestrum potiori jure , quàm nostrum , appelletur , quando vestra magis , quàm doctrina nostra , comparatum atque confectum est . Hem propterea magnum ad bene sperandum argumentum , ut vobis hoc saltèm nomine non modò non inuisum , sed gratum etiam atque jucundum futurum sit : quod tamen ipsum vestræ erit humanitatis . Sed illud omnino erat obser-

vii

vantiæ nostræ , quantum vobis deberemus ,
hoc præsertim tempore meminisse , omnibus-
que palam facere , quanto animi studio di-
gnitatem , sapientiam , pietatem vestram me-
ritò coleremus.

INDEX

INDEX CAPITUM

PRIMÆ PARTIS LIBRI QUARTI.

Caput Primum.

D E Miraculis, & Miraculorum gradibus. Pag. 2.

Caput Secundum.

De causa efficiente Miraculorum; 14.

Caput Tertium.

De malis Angelis, Infidelibus, Hæreticis, & Antichristo quò ad Miraculorum patratiōem. 23.

Caput Quartum.

De Causa finali Miraculorum, & de differentiis inter vera, & falsa Miracula. 40.

Caput Quintum.

De Miraculorum necessitate in Causis Beatificationis, & Canonizationis. 50.

Caput Sextum.

De Miraculorum numero, & qualitate in Causis Beatificationis, & Canonizationis requisita. 67.

Caput Septimum.

In quo dicta in Capitibus præcedentibus aliquando confirmantur doctorum Virorum scriptis a Galliis ad nos delatis. 79.

Caput Octavum.

De miraculosa sanatione a morbis, & infirmitatibus. 93.

Caput Nonum.

De miraculosa Cæcorum illuminatione. 115.

Caput Decimum.

De concessis, aut restitutis loquela Mutis, & auditu Surdis per Miraculum. 126.

Caput Undecimum.

De miraculosa sanatione Claudorum, necnon aliquorum ambulare impotentium, necnon Gibborum. 135.

Caput Duodecimum.

De miraculosa sanatione Paralyticorum. 143.

Caput Decimum Tertium.

De miraculosa sanatione Epilepticorum, & passionis Hystericæ laborantium. 154.

Caput Decimum Quartum.

De miraculosa sanatione a Mania, & Hydrophobia. 162.

Caput Decimum Quintum.

De miraculosa sanatione Hydropicorum, ubi & alia de miraculosa sanatione ab Empyemate, & Hernia. 172.

Caput Decimum Sextum.

De miraculosa liberatione a fluxu sanguinis, & generatim ab hæmorrhagiis, & de miraculosa vulnerum sanatione. 189.

Caput Decimum Septimum.

De miraculosa sanatione a Lepra, Cancro, Gangræna, aliisque quibuldam morbis. 207.

b Caput

X

Caput Decimum Octavum.
De sanatione a Febri, quando sit
Miraculo adscribenda. 224.

Caput Decimum Nonum.
De miraculosis sanationibus a variis
Infirmitatibus. 247.

Caput Vigefimum.
De Partu Miraculoso. 264.

Caput Vigefimum Primum.
De Revocatione Mortuorum ad vi-
tam, seu de Refufcitatione. 286.

Caput Vigefimum Secundum.
De Miraculis negativis. 309.

Caput Vigefimum Tertium.
De rerum multiplicatione, & rerum
in alias res converfione. 325.

Caput Vigefimum Quartum.
De Miraculis refpicientibus domi-
nium fupra elementa, & irratio-
nales creaturas animatas. 334.

Caput Vigefimum Quintum.
De quibufdam Miraculis, quæ in Cæ-
lis, & in Terra contingunt. 345.

Caput Vigefimum Sextum.
De fudore fanguineo, & fanguineis
lacrymis a corpore, & oculis Ser-
vorum Dei manantibus, & de

lumine, & fplendore, quibus eo-
rum facies aliquando refulget. 356.

Caput Vigefimum Septimum.
De longa abftinentia a cibo, & po-
tu, an, & quando Miraculo fit
adscribenda. 374.

Caput Vigefimum Octavum.
De quibufdam fpiritualibus Miracu-
lis. 385.

Caput Vigefimum Nonum.
De Ejectione Dæmonum a corpori-
bis obfeffis. 392.

Caput Trigeftimum.
De Cadaverum Incorruptione. 406.

Caput Trigeftimum Primum.
De nonnullis Cadaverum qualitati-
bis, & de Sanguine, Liquore, &
Odore, qui a Cadaveribus proma-
nant, an Miraculo fint adscriben-
di. 428.

Caput Trigeftimum Secundum.
De Beatorum, & Sanctorum Appa-
ritionibus, an inter Miracula re-
cenferi poffint. 450.

Caput Ultimum.
De Imaginatione, & ejus viribus. 461.

INDEX CAPITUM

SECUNDÆ PARTIS LIBRI QUARTI.

Caput Primum.

DE Concessione Officii, & Mixtæ in honorem Beatorum Beatificatione formali. Pag. 3.

Caput Secundum.

De nonnullis Quæstionibus, quæ fiunt a Doctoribus quò ad ea, quæ in præcedenti Capite dicta sunt : 8.

Caput Tertium.

De Concessione Officii, & Mixtæ in honorem Beatorum Beatificatione æquipollenti, & signanter per Cultum immemorabilem. 16.

Caput Quartum.

De concessione Officii, & Mixtæ in honorem Beatorum Beatificatione æquipollenti, obiter quidem, quod attinet ad eos, qui ejusmodi sunt per Indulgentias Apostolicas, & per Patrum, Virorumque Sanctorum Scripta, fufius autem, quod ad omnes spectat. 23.

Caput Quintum.

De Concessione Officii, & Mixtæ in honorem nonnullorum Beatorum, qui sunt in antiqua Cultus possessione, vel antiqua habent Venerationis Indulgentia, licet in eorum Causis numquam confectus fuerit Processus super Casu excepto. 28.

Caput Sextum.

De concessione Officii, & Mixtæ in honorem Sanctorum Canonizatorum. 37.

Caput Septimum.

De nonnullis aliis Officiorum concessionibus pro quibusdam particularibus Locis. 30.

Caput Octavum.

De aliis rursum Officiorum concessionibus pro quibusdam particularibus Locis. 39.

Caput Nonum.

De Officiorum concessione ex iisdem titulis facta pro Ecclesia universalis. 67.

Caput Decimum.

De Concessione Officiorum propriorum. 75.

Caput Undecimum.

De Titulis Apostoli, aut Doctoris, quibus nonnulli Sancti appellantur in Divinis Officiis aut in particularibus Ecclesiis, aut in Ecclesia universalis. 92.

Caput Duodecimum.

In quo alia adduntur de Titulo Doctoris, alia autem exponuntur de Titulo Martyris, & de Titulo Virginis. 102.

Caput Decimum Tertium.

De Breviario Romano, & ejus auctoritate, aliisque nonnullis rebus, quæ pertinent ad Officia Divina. 110.

Xij

Caput Decimum Quartum.

De Electione Sanctorum in Patronos. 119.

Caput Decimum Quintum.

De Cultu Sanctis in Patronos electis exhibendo. 129.

Caput Decimum Sextum.

De Martyrologio Romano. 135.

Caput Decimum Septimum.

De Nominum Descriptione in Romano Martyrologio. 145.

Caput Decimum Octavum.

De Elogiis, quæ in Martyrologio Romano Nominibus Sanctorum in eo descriptis adduntur, & de nonnullis Decretis Sacræ Congregationis ad idem Martyrologium pertinentibus. 154.

Caput Decimum Nonum.

De Nominum Sanctorum additione in Litanis. 161.

Caput Vigefimum.

De Sacris Imaginibus, & nonnullis controversiis ad eas pertinentibus. 186.

Caput Vigefimum Primum.

De Translatione Corporum. 198.

Caput Vigefimum Secundum.

De modo, quo fieri debent Sanctorum Corporum Translationes. 208.

Caput Vigefimum Tertium.

De Identitate Sanctorum Corporum, & Reliquiarum. 216.

Caput Vigefimum Quartum.

De nonnullis Quæstionibus pertractatis in Sacrorum Rituum Congregatione quod ad Sanctorum Corporum identitatem. 225.

Caput Vigefimum Quintum.

De Loco, in quo Sancta Corpora, Sacræque Reliquiæ debent conservari, & de aliis ad Corpora, & Reliquias Sanctorum pertinentibus. 248.

Caput Vigefimum Sextum.

De Sanctis Baptizatis. 262.

Caput Vigefimum Septimum.

De extractione, custodia, & distributione Sanctorum Corporum, & Reliquiarum, quæ extrahuntur ex Cæmeteriis Urbis, & de Cultu illis debito. 273.

Caput Vigefimum Octavum.

De Cultu Sanctorum veteris Testamenti. 286.

Caput Vigefimum Nonum.

De Angelis, & eorum Cultu. 293.

Caput Trigefimum.

De nonnullis piis, sed periculo plenius petitionibus a Sacrorum Rituum Congregatione ut plurimum non admittis. 299.

Caput Ultimam.

De examine nonnullorum Miraculorum, quod aliquando fit in Sacrorum Rituum Congregatione Ordinaria. 324.

Iussu Reverendissimi P. Joannis Benedicti Zuanelli, Ordinis Prædicatorum, Magistri Sacri Palatii Apostolici, Librum legi in duas Partes divisum, cui Titulus = De Servorum Dei Beatificatione, & Beatorum Canonizatione. In ipso nihil prorsus offendi, quod vel a Fidei, vel a morum regulis absonum sit. Quinimmo ipsius Auctoris Eminentissimus, naturæ acutus, usu exercitatus, veritate promptissimus, ingenii simul, & doctrinæ velis latissime vectus, ubique singularis eruditionis, quæ præstat, exhibet argumenta. Quapropter in spem certissimam adducor, fore, ut Opus istud egregium, reipublica litteraria bono vulgatum, ipsius Ecclesiæ Catholica maximo opere profuturum sit. Ut enim cætera mittam, quæ vel priora Volumina spectant, vel de hoc uno dici possent, in his, quæ de Miraculis Eminentissimus Ecclesiæ Princeps docet, id omne reperire est, cujus ope Catholicus vera Miracula scernere possit a falsis. Hinc nullus dubito, quia Divino plane consilio factum sit, ut his potissimum diebus, quibus Hæresis Janseniana præstigiis, & id genus monstrosis fallaciis, incautos a Catholica Fide divellere tentat; unus ex augustissimo Turpuratorum Patrum Collegio, quæ pestilentes hæreses Magistri de Miraculis prædicant, ea non falsitatis solum, sed etiam turpis demerita convinceret: ac tot illa Jansenistarum, & Quæsnellistarum deliramenta ex eorumdem mentibus exturbanda curaret. Scilicet decebat, ut ex arce Romana Sedis, quæ, falli nescia, veritatis parens est ac magistra, Scriptor, Turpure splendore conspicuus, proferret elyceum, quem Catholici adversus Hæreticos ad præsidium, & tutelam, daret. Trudeat igitur, ut Romana Fides, quæ una vera est, majores in dies triumphos agat.

Ita sentio Roma in Canobio S. Maria supra Minervam die 7. Martii 1737.

Frater Antoninus Bremond Sac. Theol. Mag. & Reverendiss. P. Mag. Generalis Ordinis Fratrum Prædicatorum Socius.

Quartum hunc = De Servorum Dei Beatificatione, & Sanctorum Canonizatione = Librum in duas Partes distinctum, in quo Eminentissimus Auctor labori hac in materia suo, & item Operi coronidem, & coronam imponit, mandante Reverendissimo P. Fr. Joanne Benedicto Zuanelli Sac. Apost. Palatii Magistro, diligenter legi. Cumque in eo precipua, & potior tractatio de Miraculis sit, deque eorum gradibus, causis, fine, probationibus, varietate, diversitate, pondere, & veritate, rebus, qua multigenam Physicam, Moralem, Medicam, Theologicam cognitionem exigunt, miratus sum, quod tantū unus, tamque felici securitate, perspicuitate, ac eruditione omnia, qua ad Partem hanc pertinent, tractet, extricat, resolvat, conspergat: Pars altera (in qua de iis omnibus, qua in Sacrorum Rituum Congregatione Ordinaria ad eandem Beatificationis, & Canonizationis Causas spectantia pertractantur) cum perpetuo Resolutionum, Ordinationum, & Decretorum, tum ipsius Sacrae Congregationis, tum Summorum Pontificum illustretur lumine, & fuleatur robore, suo se ipsa fulgore, & pretio commendat. Quare absolutissimum ex omni capite Librum prelo, & publicā lucē ad publicam utilitatem, & commodum dignissimum cenfeo.

Dat. Roma in Collegio SS. Blasii, & Caroli ad Catenarios hac die 16. Martii 1737.

Don Marius Maccabei Præpositus Generalis Congregationis Clericorum Regularium S. Pauli, S. Congregationis Indicis, necnon SS. Rituum Consultor, ac Supremæ, & Universalis Inquisitionis Qualificator.

Roma die 1. Aprilis 1737.

*IMPRIMATUR vel in Urbe, vel extra Urbem ad placitum
EMINENTISSIMI AUTHORIS.*

Fr. Jo. Benedictus Zuanelli Ord. Præd.
Sac. Pal. Apost. Mag.

IMPRIMATUR.

Fr. Bonaventura Maria Grossi Inquisitor Generalis Bononiz &c.

Excu.

vxj.

Excusoris Bononiensis Monitum ad eos
in Serenis. Dominio Veneto
existentes.

NOverint Librorum Excusores sub Serenis. Ditione Veneta constituti, per peculiarem Constitutionem prohibitum esse, quo minùs ipsi Opus hoc typis suis intrà decennium, iterum imprimere audeant &c. quemadmodum ex Litteris Eminentissimi, ac Reverendissimi Domini Cardinalis Querini Romà 7. Novembris 1733. ad Eminentissimum, ac Reverendissimum Authorem datis certior is factus est; ubi scilicet exscripta sunt sequentia verba hac de re Venetiis ad illum missa = *Accompagnandoci poi le istanze del Signor Card. Lambertini, che sia impedita a questa parte l' impressione dell' Opera, ch' egli è per dare alla luce, e considerando Noi il merito del Soggetto, e particolarmente quello si è conciliato nella Causa del Santo Doge Orseolo, concorremo ben volentieri a gratificarlo, dandosi le commissioni, che si convengono, alli Riformatori dello Studio di Padova, onde per il corso d' anni dieci non possa l' Opera sopra espressa essere nello Stato Nostro ristampata.*



D E
SERVORUM DEI
BEATIFICATIONE,
ET BEATORUM
CANONIZATIONE

Liber Quartus, et Ultimus
PARS PRIMA.

In qua agitur de Miraculis.



Uamvis in præcedentibus Libris hujus Operis plura dicta sint de necessitate Miraculorum in Causis Beatificationis, & Canonizationis sive Confessorum, sive Martyrum, de rationibus, propter quas in præ-

dictis Causis Miracula sunt necessaria, de numero, & qualitate Miraculorum, an videlicet sufficiant Miracula patrata in vita, vel necessaria sint Miracula post obitum secuta, an pro Beatificatione, & Canonizatione sufficiant tertii generis Miracula, an aliqua sit differentia inter Signa, & Miracula, uti colligi potest *ex lib. 1. cap. 22. num. 10. cap. 26. num. 1. cap. 28. & sequentibus, cap. 30. num. 10.*

A cap.

2 De Serv. Dei Beatif. et Beat. Canoniz.

cap. 32. num. 2. & sequentibus, cap. 33. num. 15. & sequentibus, & rursus ex lib. 3. de dono Miraculorum aliqua annotata sint, dum sermo erat de Gratiis gratis datis; operæ nihilominus pretium esse nobis visum est hic specialiter de Miraculis agere, de quibus sedulum instituitur examen in

Sacrorum Rituum Congregatione non modò pro Beatificatione, sed etiam pro Canonizatione obtinenda, juxta ea, quæ in citato primo libro dicta sunt; arreptâque occasione, latius aliqua explicabuntur, quæ per transennam locis indicatis fuerunt exposita,

CAPUT PRIMUM.

De Miraculis, & Miraculorum gradibus.



Uplex est ordo totius nature creatæ a Deo institutus, alter naturalis, quo visibilis hic Mundus regitur, & gubernatur; alter supernatura-

lis, qui pertinet ad Gratiâ, & Gloriam Sanctorum; & quamvis, quæcumque ad hunc ordinem supernaturalem pertinent, miraculosa sint, si comparentur ad ordinem naturalem, cum cum longissimè excedant, quemadmodum sunt Incarnatio Filii Dei, Virginis Conceptus, & Partus, Resurrectio Chrilli, Missio Spiritus Sancti, Sacramentorum operatio, Corporum Glorificatio; hæc tamen non sunt ea Miracula, de quibus in præsentî agendum est, cum ad alium ordinem rerum a Deo institutarum, & nobis notum per Fidem revocentur. Ad hunc ordinem pertinet impij iustificatio, de qua aliqua infra; & licet hæc, spectato ordine supernaturali a Deo statuto, Miraculum

nec in eo ordine ut plurimum dici possit, inter Miracula tamen hujus ordinis recenseri potest, si contingat modo extraordinario, uti contigit Sancto Paulo Apostolo, luccæ videlicet de Cælo emissâ, voce Christi auditâ, corporis prostratione, oculorum excæcatione.

2 Sermo ergo noster ad ordinis naturalis, & sic inferioris Miracula restringitur, de quibus Exodi 11. hæc habentur: *Hæc dicit Dominus: Mediâ nocte ingrediar Ægyptum, & morietur omne primogenitum Ægyptiorum &c. eritque clamor magnus in universa terra Ægypti, qualis nec ante fuit, nec postea futurus est. Apud omnes autem filios Israël non mutiet canis ab homine usque ad pecus, ut sciatis, quanto Miraculo dividat Dominus Ægyptios, & Israël = & rursus Numer. 26. = Et factum est grande Miraculum, ut, Chore pereunte, filii illius non perirent.*

3 De essentia Miraculi, licet ordinis naturalis, est, quòd sit aliquod arduum, & insolitum, & admirandum, cum Miraculum dicatur quasi

ad-

admiratione plenum, nec admirationi locus esse potest, nisi effectus sit manifestus, & causa sit occulta, & occulta quidem non aliquibus, sed omnibus, & nisi in re aliquid sit, per quod, non juxta aliquorum opinionem, sed juxta rei veritatem aliter res eadem contingere deberet, juxta perspicuam doctrinam Divi Thomæ 1. part. quæst. 105. art. 7. quæst. 6. de Potentia Dei art. 2. & in 2. lib. Sent. dist. 18. quæst. 2. art. 3. ubi sapienter addit, causam eam occultam omnibus Deum esse. Et quamvis opponi posset, Cælum, Elementa, Animalia, Homines, Angelos hoc modo Miracula dici posse, cum Deus, qui est eorum causa, a nobis non cognoscatur; responderi nihilominus valet, vim Miraculi non tam in eo consistere, quod Deus ejus causa nobis est ignotus, quam in eo, quod ordo gubernationis, & providentiæ, juxta quam Miraculum facit, nobis omnino est obscurus; quocirca, licet creatio Animarum rationalium, disposita in utero Matris materiâ, solum Deum habeat autorem, Miraculum tamen non est, quia ordo, secundum quem Deus procedit, nobis cognitus est; e contra verò sanctio Socrus Petri, quod est longè minus, Miraculum fuit, utpote a Christo præter ordinem nobis notum providentiâ quadam singulari patratum; & ut de aliqua re, licet in ordine naturali, verificari possit, quod sit ardua, insolita, admiranda, excedere debet facultatem naturæ, & ordinem rerum, non considerando ordinem rerum, prout dependet a prima causa, si enim contra eum Deus ageret, ageret contra propriam præscientiam, sed considerando ordinem rerum, prout dependet ab aliqua

secundarum causarum, contra quem Deus, quando vult, agere potest, aut producendo effectus causarum secundarum sine ipsis, aut producendo aliquos effectus, ad quos causæ secundæ non se extendunt, uti benè docet idem Sanctus Thomas 1. part. quæst. 105. art. 6. & concordat Sanctus Bonaventura in 2. Sent. dist. 18. quæst. 2. in fine.

4 Salmanticenses fidelissimi Divi Thomæ discipuli expositam ejus doctrinam luculenter resumunt, & explicant tom. 6. *Cursor Theologici tract. 15. disput. 3. dub. 4.* Docent itaque cum Divo Thoma, vera Miracula a solo Deo fieri, de quo infra etiam a nobis multa subduntur. Docent cum eodem Divo Thoma, nomen Miraculi sumi ab admiratione, & admirationem adesse, quando effectus sunt manifesti, & causa est occulta. Docent cum eodem Sancto Doctore, esse de ratione Miraculi, quod sit insolitum, & Miraculum excedere totam naturæ facultatem. At strenuè contendunt, ex prædictis conditionibus, & qualitibus non posse concludens argumentum desumi pro Miraculo statuendo, ita ut, licet ille ad Miraculum desideretur, cum ipsa tamen, uti Scholæ loquuntur, non convertantur, tum quia Angeli creatio a solo Deo fieri potest, & ea, rigorosè loquendo, Miraculum dici non potest, juxta eundem Divum Thomam 1. part. quæst. 108. art. 10. tum quia, quæcumque a Deo aguntur circa prædestinatos, habent rationes summè latentes, juxta illud Apostoli ad Romanos = *O altitudo sapientia, & scientia Dei, quam incomprehensibilia sunt judicia ejus, & investigabiles viæ ejus* = & tamen Miracula non dicuntur; & demum in eo, quod attinet ad qualita-

4 De Serv. Dei Beatif. et Beat. Canoniz.

litatem, seu conditionem in Miraculo requisitam, quod sit insolitum, subdunt, id explicatione indigere, cum Sanctus Thomas conversionem panis in Corpus Christi dicat Miraculorum maximum, licet ea sit frequentissima, cum singulis diebus spatio annorum quadraginta Manna e Cælo descenderit circa castra Hebræorum, cum aqua Zelotypiæ putrescere faceret femur Adulteræ, & sanguis, qui in Sacrificiis antiquæ Legis effundebatur, Templum non inquinaret; quæ omnia cum inter Miracula antiquæ Legis referantur a Petro Galatino lib. 4. cap. 8. & 9. hinc Salmanticenses interunt, insolitum in re, de qua nunc agitur, non esse sumendum pro raro, sed pro excessu supra modum naturæ innatum, juxta doctrinam Sancti Doctoris in 2. Sent. dist. 18. quæst. 1. art. 3. ad secundum, ubi ait = *Insolitum, quod in definitione Miraculi ponitur, non dicit rationem facti, sed excludit solitum, eursum naturæ. Unde, etsi quotidie cæci illuminarentur, nihilominus Miraculum esset, quia præter eursum naturalem, qui nobis est consuetus, contingeret* = & sic concludunt, Miraculi rationem esse regulandam, non penes qualitatem effectus in se ipso, sed penes modum, quo fit, ita ut tunc alicujus rei productio dicatur naturalis, seu non miraculosa, quando fit secundum modum, quem potentia, & actus ei correspondens expofcunt, & miraculosa dicatur, quando fit contra, vel supra talem modum, sive id raro, sive frequenter, & sive in effectibus naturalibus, sive supernaturalibus contingat. Explicant id in Visione Beatifica, quæ supernaturalis est; sed, quia continetur in potentia supernaturali, quam vocant obedientialem, hominis elevata per lumen Gloriæ, miraculosa non

est, si a prædicto principio, seu Gloriæ lumine eliciatur, secus autem, si fieret alio modo. Explicant in resurrectione mortui; quia, quamvis anima sit forma naturalis, & secundum se præcontineatur exigitivè in potentia naturali materiæ, quia tamen petit, uniri modo naturali, mediâ generatione, & aliis dispositionibus, quæ in resurrectione non reperiuntur, resurrectio idcirco inter Miracula recensetur. Doctrina hæc Patrum Salmanticensium concordat cum his, quæ a nobis in paragrapho antecedenti dicta sunt, quod ita porro est, & esse debebat, cum eundem Magistrum sequamur, Sanctum videlicet Thomam; sed in eo, quod spectat ad veram rationem Miraculi constitutivam, quam memorati insignes Theologi reponunt in modo, quo effectus fit, de Miraculo ratione modi non dubitamus, cum id sit consonum doctrinæ Divi Thomæ a nobis infra referendæ, sed dubitamus, an in modo tantum ratio constitutiva Miraculi reponenda sit, cum dentur Miracula, quæ talia sunt ratione facti, non ratione modi, ut infra dicetur, & ipsi Salmanticenses admittunt: ex quibus proinde vera Miraculi substantia constituenda esse videtur in excessu supra vires, & facultatem naturæ.

3 Excessus autem pluribus modis contingere potest, & sic esse potest major, vel minor non comparativè ad Divinam Potentiam, cum quodcumque factum Divinæ Potentiæ comparatum minimum sit, sed comparativè ad facultatem naturæ, quam excedit: & hinc ortum habuit consideratio Divi Thomæ in 2. lib. Sent. dist. 18. quæst. 2. art. 3. in corpore, & in Quæstionibus disputatis de Potentia Dei quæst. 2. art. 2. quod

quoddam Miracula sunt supra naturam, quædam contra naturam, & quædam præter naturam, quam doctrinam amplectuntur Egidius Columna lib. 2. *Sens. diff.* 18. dub. 13. Vigner in *Institutionibus tit. de Gratia Divina cap. 2. §. 2. vers. 2.* & inter Scribentes de Canonizatione Sanctorum Rocca de *Canonizatione Sanctorum cap. 20.* Garzias de *Caralaps eodem Tractatu, in Digressione de Miraculis §. 7.* & pluribus sequentibus, Zacchias *Quest. Medico-Legal. lib. 4. tit. 1. quest. 2. num. 1.* & pluribus sequentibus, Pignatell. *Consult. 173. tom. 10.* & quoddam unum Miraculum dicitur majus alio, si excedit facultates naturæ quod ad substantiam facti, minus, si excedit, non quantum ad id, quod fit, sed quantum ad id, in quo fit, & inferiorius, seu ultimum, si excedit facultates naturæ quantum ad modum, & ordinem faciendi, juxta doctrinam sæpe citati Sancti Thomæ 1. part. *quest. 105. art. 8.* quam fusè etiam exponit lib. 3. contra *Gentiles cap. 101.*

6 Archidiaconus in *Can. Nec mirum num. 26. quest. 5.* & ibi Bellamera num. 3. non admittunt, nisi duos gradus Miraculorum, unum quod ad factum, alterum quod ad modum faciendi: sed Divi Thomæ doctrinæ tres gradus astruens Miraculorum communi calculo recepta est, Bartolus in *Tractatu Testium §. Qualitas autem num. 57.* Martinus de Laude super *Canonizatione Sancti Bernardini Senensis §. De Miraculis videamus, vers. Hæc autem tribus modis, Castellin. de Certitudine Gloria Sanctorum tit. de genere Miraculorum cap. 8. punct. 10.* Petrus in *Thaumasia vera Religiois lib. 1. in Proleg. num. 5.* & pluribus sequentibus, Rocca de *Canonizatione Sanctorum cap. 23.* & sequentibus, Matta

in eodem *Tractatu part. 3. cap. 8. num. 151* & sequentibus, Cardinalis de Lauræa in 3. lib. *Sens. tom. 4. disput. 20. de Miraculis art. 5. num. 79.* & pluribus sequentibus, Sebastianus Badus in suo *Opere de China China defensione lib. 1. cap. 14. §. 1.* & in alio *Opere ab eodem edito, cui titulus = DECORA CARDINALIS BELLARMINI = sect. 2. §. 1. §. Tripliciter, Bagatta de Admirandis Orbis Christiani tom. 1. prolegom. 2. per totum, Magnanus in Dissertatione Theologica de Lacrymis Sanctæ Mariæ de Gratiis Pinna Villorum, dissert. 1. part. in Prefatione num. 3.* & pluribus sequentibus, Castaldus de *Potestate Angelica tom. 1. disput. 2. quest. 1. art. 5. dub. 1. §. Gradum autem, Matthæucc. in sua Practica Theologo-Canonica ad Causas Beatificationis, & Canonizationis tit. 3. cap. 2. num. 5. & §. 1.* & pluribus sequentibus triplicemque hunc gradum Miraculorum admiserunt Rotæ Auditores in Relationibus Causarum, quas exarabant, uti videri potest in *Relatione Pavini in Causa Sancti Bonaventura part. 2. art. 4. in Relatione Jacobi Simonettæ in Causa Sancti Francisci de Paula post Vitam beatus Sancti editam ab Episcopo Permezio, in Relatione Sancti Hyacinthi tit. de Miraculis, in Relatione Sancti Raymundi art. 4. & art. 6. in Relatione Sancti Caroli Borromei 3. part. de Miraculis art. 26. in Relatione Sancti Andrea Corsini apud Lezanam Consult. 1. a. num. 184. usque ad num. 200. in Relatione Cause Sancti Thomæ de Villanova tit. de Miraculis post mortem apud Contelor. de Canonizatione Sanctorum, in Relatione Cause Sancti Pii V. tomo posthumo Annalium Blovii part. 4. tit. de Miraculis, in Relatione Causarum Sanctorum Isidori, Cayetani, & Paschalis de Baylon tit. de Miraculis: quod ipsum de.*

6 De Serv. Dei Beatif. et Beat. Canoniz.

deducitur ex ceteris Relationibus Causarum Sanctorum Joannis de Deo, Ignatii, Francisci Borgia, Francisci Xaverii, Petri de Alcantara, Tereſie ad tit. de Miraculis, ubi, ad evitandam repetitionem, ſe in puncto de gradibus Miraculorum iidem Auditores retulerunt ad ea, quæ tradiderant in cæteris ſupra dictis Relationibus; pro quo etiam facit Bulla Canonizationis Sancti Leopoldi Aſtria edita a Summo Pontifice Innocentio VIII. ubi leguntur hæc verba: Hujus Beati Leopoldi ſanctimoniam Deus omnipotens innumerabilibus Miraculis ad ejus invocationem edictis comprobavit; Miraculis profecto, quæ tum in facti ſubſtantia, tum in eo, quod factum fuit, tum in modo faciendi, & ordine vim, & poteſtatem, totius naturæ exceſſerunt.

7 Ut exemplis, quæ ſupra dicta ſunt, illuſtrentur, ſupra naturam ea dicuntur eſſe Miracula juxta Divum Thomam, in quibus vel forma inducitur a Deo, quæ a natura induci non poſſet, vel, ſi induci poſſet a natura, in eo tamen ſtatu induci non poſſet. Natura quippe poteſt vitam producere, ſed in mortuo vitam cauſare non valet. Lib. 3. Regum cap. 17. Elias a Deo impetravit, ut Filius Viduæ a mortuis revocaretur: Et expandit ſe, atque emenſus eſt ſuper puerum tribus vicibus, & clamavit ad Dominum, & ait: Domine Deus meus, revertatur anima pueri hujus in viſcera ejus. Et exaudivit Dominus vocem Eliæ, & reverſa eſt anima pueri intra eum, & revixit. Tulitque Elias puerum, & depoſuit eum de canaculo in inferiore domum, & tradidit matri ſuæ, & ait illi: En vivit filius tuus. Dixitque mulier ad Eliam: Nunc in iſto cognovi, quoniam Vir Dei es tu, & Verbum Domini in ore tuo verum eſt. De Eliſeo legitur lib. 4. Regum

cap. 4. Ingreſſus ergo Eliſeus domum, & ecce puer mortuus jacebat in lectulo ejus, ingreſſuſque clauiſit oſtium ſuper ſe, & ſuper puerum, & oravit ad Dominum, & aſcendit, & incubuit ſuper puerum, poſuitque os ſuum ſuper os ejus, oculos ſuos ſuper oculos ejus, & manus ſuas ſuper manus ejus, & incurſavit ſe ſuper eum, & calefacta eſt caro pueri. At ille reverſus deambulabat domi, ſemelque huc, atque illuc, & aſcendit, & incubuit ſuper eum, & oſcitant puer ſepies, aperuitque oculos. Franciſcus Valleſius de Sacra Philoſophia cap. 35. inquit, quod, ſi per Sanctam Eccleſiam Romanam liceret dicere, non fuiſſe puerum prædictum mortuum, ſed ſyncope correptum, omnia facillimè revocari poſſent ad cauſas naturales; ſed, ſi ita opinari non liceret, & dicendum eſſet, puerum verè mortuum fuiſſe, de Miraculo non eſſe dubitandum. Sententiam de morte pueri idem Valleſius fatetur eſſe magis communem, & verioſam: & Cornelius a Lapide in cit. cap. 4. lib. 4. Regum verſ. 34. ex narratione Sacre Scripturæ colligit, puerum verè fuiſſe mortuum, non ſyncope tantùm correptum. Miraculoſam fuiſſe pueri hujus reſurrectionem, & adumbraſſe vocationem Gentium ad Eccleſiam Chriſti, inſinuat Sanctus Cæſarius Arelatenſis Epiſcopus Serm. qui olim erat 206. de tempore inter Sermones Sancti Auguſtini, & nunc eſt 42. in Appendice Operum Sancti Auguſtini editorum operà, & ſtudio Monachorum Benediſtinorum Congregationis Sancti Mauri: Filius mulieris illius, dum Eliſeus abſens eſſet, mortuus eſt; ſic & filius Eccleſiæ, hoc eſt Populus Gentium, antequam Chriſtus veniret, peccatis mortuus erat. Deſcendente de monte Eliſeo, filius Viduæ huic vita redditur. Deſcendente de

Calo

Lib. IV. Pars Prima Cap. I. 7

Cato Christo, filius Ecclesie, id est Populus Gentium, suscitatur.

8 Contra naturam ea sunt Miracula, cum in natura remanet contraria dispositio effectibus, quos Deus facit. In Libro Josue cap. 10. legitur, quod, cum Josue laturus suppetias Gabaonitis, exercitu prope reducto, venisset, & multa hostium millia occidisset, prævidens tamen, noctem victis præsidio esse futuram, fuis ad Deum precibus, & incredibili fiduciâ animatus, Soli jam ad Occasum vergenti imperavit, ut staret, ejusque verbo, Deo volente, Sol obediens in medio Cæli stetit immotus unius diei spatio. En verba Sacri Textus: *Tunc locutus est Josue Domino in die, qua tradidit Amorrahæum in conspectu filiorum Israel, dixitque coram eis: Sol contra Gabaon ne movearis, & Luna contra Vallem Ajalon. Steteruntque Sol, & Luna, donec ulcisceretur se gens de inimicis suis. Nonne scriptum est hoc in Libro Josue? Stetit itaque Sol in medio Cæli, & non festinavit occumbere spatio unius diei. Non fuit antea, nec postea tam longa dies, obediens Domino voci hominis, & pugnante pro Israel.* De hoc Miraculo loquitur Sanctus Augustinus lib. 21. de Civitate Dei cap. 8. = Nos autem in Divinis Libris legimus, etiam Solem ipsum, & Lunam stetisse, cum hoc a Domino Deo petivisset Vir Sanctus Jesus Nave, donec captum prælium victoria terminaret, & retrorsum redisse, ut Regi Ezechia quindecim anni ad vivendum additi, hoc etiam prodigio promissioni Dei significarentur adjuncto. Postremis his verbis Sanctus Augustinus ea respicit, quæ leguntur lib. 4. Regum cap. 20. & Isaia 38. & in 2. Paralip. 32. Cum Rex etenim Ezechias gravissimo morbo laboraret, & Isaia jussu Domini ad ægrotum veniens incolumitatem

infra triduum annuntiasset, & poscente Ezechia, ut certo quodam signo fidem dictis astrueret, & proponente Isaia, an mallet, Solis umbram decem lineis procedere, vel tantumdem spatii recedere, & Rege hoc postremum præferente, converso ad preces Prophetâ, umbra decursas jam decem lineas in horologio Achaz iterum reverso cursu repetiit. Tostatus in cap. 10. Josue quasi. 88. & duabus sequentibus disputat, quæ major fuerit dies, an qua stetit Sol, pugnante Josue, an verò qua retrocessit, ægrotante Ezechia. At, quidquid sit de hac disputatione, Miracula hæc contra naturam facta dicenda sunt, cum Dei jussu steterit Sol, remanente in eo virtute suâ naturali, quæ exigebat, ut cursum suum progrediretur: & ad hanc eandem classem referendum est Prodigium illud, quod Deus in mirabili Israelitarum liberatione per Moysen patravit: cum enim Hebræi in conspectu maris venissent, & se obsideri a Pharaonis castris hinc regione locatis, & inde inaccessis montibus vidissent, & animo defecissent, elatâ jussu Dei a Moysè virgâ, Pelagus in duas partes divisum est, & stratis hinc inde aquis, trajicientibus Israelitis via per alveum patuit: Tu autem eleva virgam tuam (ait Deus Moysi cap. 14. Libri Exodi) & extendæ manum tuam super mare, & divide illud, ut gradientur filii Israel in medio mari per sicum = & Lib. Sapientia cap. 10. = Transfudit illos per mare rubrum, & transvexit illos per aquam nimiam; inimicos autem illorum demersit in mare = & cap. 5. Libri Juditha vers. 12. = Fugientibus his Deus Celi mare aperuit, ita ut hinc inde aqua, quasi murus, solidarentur, & isti pede sicco fundum maris perambulando transirent = & Psalm.

8 De Serv. Dei Beatif. et Beat. Canoniz.

Et Psalm. 135. = Qui divisit mare rubrum in divisiones, & eduxit Israel per medium ejus, & excussit Pharaonem, & virtutem ejus in mari rubro, quoniam in aeternum misericordia ejus. Natalis Alexander in *Historia Ecclesiastica veteris, & novi Testamenti tom. 2. Edit. Tarisien. anni 1714. dissert. 13. pag. 43. & dissert. 8. pag. 189.* Calmet in sua *Dissertatione de Transfretatione Erythraei per Hebraeos, & rursus in alia Dissertatione de Mandato Josue, qua Solem, & Lunam moratur est, & item in alia Dissertatione de Retrogradatione Solis in Horologio Acha, Graveson. in Historia veteris Testamenti tom. 2. pag. 130.* & pluribus sequentibus latè ostendunt, Solem, & Lunam re ipsà stetisse, Deo ad votum Josue Miraculum operante, nec audiendos eos, qui Solis, & Lunæ motum interruptum, aut impeditum negant, & non solares tantum umbras in horologio Achaz, sed Solis ipsius retrocessionem Ezechiz datam in signum fuisse, eoque Miraculo omnes Cælestes Orbes unà cum Sole retroactos, & horas plurimas nocti detractas, & diei additas fuisse; item, undequaque abjiciendum eorum assertum, seu Sacerdotum Ægyptiorum commentum, quodd exploratè videlicet a Moyse naturā fluentium, & refluentium aquarum, captatā recedentium aquarum opportunitate, vadum transeuntibus ita monstraverit, ut deinde eandem viam tentantes Ægyptios aquæ defluentes demergerent.

9 Præter naturam illa sunt, quæ natura producere posset, sed non illo modo, quo a Deo effectus producuntur. Orante Abrahamo, sanavit Deus Abimelech, & Uxorem ejus, ut in cap. 20. *Genesis* = Orante autem Abraham, sanavit Deus Abimelech, &

Uxorem, Ancillasque ejus, & pepererunt. Naaman Princeps Militiæ Syriæ a lepra mundatus est, postquam jussu Elisei septies in Jordane se lavit, quemadmodum habetur lib. 4. *Regum cap. 5.* = Descendit verò septies in Jordanem, & mundata est ejus caro, factaque ut pueri parvuli: licet enim, fortè Naaman a morbis, quibus laborabat, per naturæ vires aptis medicaminibus adjutas potuisset sanari, non eo tamen modo naturaliter sanari potuit, sicuti sanatus est; lepra quippe non erat recentior, sed eā multo tempore, & multum fuerat resperfus, nulla corporis præcellerat purgatio, & ideo pura natatio pluries repetita sanationi sufficere non poterat, neque vim tantam habere poterat accommodatam ad morbi curationem, ut, qui gravissimè ægrotabat, statim perfectè sanus evaderet, veluti latè ostendit Vallerius de *Sacra Philosophia cap. 38.* Simile est, quod habetur lib. 4. *Regum cap. 1.* ubi sic legitur: Respondens Elias ait: Si homo Dei ego sum, descendat ignis de Cælo, & devoret te, & quinquaginta tuos. Descendit ergo ignis de Cælo, & devoravit illum, & quinquaginta ejus; & quod habetur in *Libro Josue cap. 10.* ubi, post initum a Josue prælium cum quinque Regibus Chananxis Gabao-nem obsidione prementibus, & actos in fugam hostes, cum essent Chananzi in descensu versùs Civitatem Bethoron, Sacer Textus hæc narrat: Cùmque fugerent, videlicet Chananzi, filios Israel, & essent in descensu Bethoron, Dominus misit super eos lapides magnos de Cælo usque ad Avoca, & mortui sunt multò plures lapidibus grandinis, quàm quos gladio percusserant filii Israel. Juxta veriorē sententiam in *Textu Josue* non agitur de vulgari grandine, sed

sed de pluvia lapidea = Dominus misit super eos lapides magnos de Cælo = & lapidum nomine grando proprie non continetur, juxta illud Divi Augustini lib. 3. de Civitate Dei cap. 31. ubi sic loquitur: Cum pluit terrâ, cum pluit cretâ, cum pluit lapidibus, non ut grando appellari solet hoc nomine, sed omnino lapidibus; & quidquid sit, an ignis, an lapides ministerio Angelorum confecti fuerint, an verò ignis, & lapides naturaliter fuerint producti, de Miraculo præter naturam dubitari non potest, cum Divinæ Providentiæ virtute factum sit, ut in producendo effectu causæ secundæ certum temporis articulum, & opportunitatem servarent, & quod disposita Dei jussu, & Angelorum ministrante contingerent, ut ad vocem Elize ignis e Cælo descenderet, & Virum quinquagenarium, & alios quinquaginta viros devoraverit, & lapides multò plures absumperint ex Chanaanæis, quàm quos Israelitarum gladius abtulerat, juxta ea, quæ plenè habentur apud Calmet in sua Dissertatione de Pluvia lapidum in Chanaanæis, ubi utitur exemplo Coturnicum, quos in Hebræorum castra Deus induxit, & Muscarum, quas in Ægyptios immisit; novas etenim in Orbe creaturas non invenit, sed dispersas per Orbem congregavit, novæque inditæ dispositione, suis implendis consiliis determinavit. Aliorum similium Miraculorum præter naturam exempla habentur apud Viguer loc. cit. = Tertiò operatur Deus in Miraculis præter naturam, quando scilicet producit effectum, quem natura producere potest, non tamen illo modo, quo Deus producit, scilicet subito, vel quando deficient instrumenta, quibus natura operatur, sicut cum Christus convertit aquam in vinum, quod natura aliquo

modo facere potest, dum aqua in nutrimentum vitis assumpta suo tempore in succum vite perdigesta in vinum convertitur, vel quando Deus majora facit, quàm natura consueverit, ut cum fecit tantam multitudinem ranarum, vel quantum ad tempus, sicut cum aliquis statim curatur, quem natura processu temporis curare posset, ut accidit in Socra Simonis.

10 Spinosa in Tractat. Theologo-Politic. cap. 6 Miracula quæcumque explodit; negat enim cursum naturæ umquam præverti posse, cum naturæ leges sint ipsissima Dei volentis Decreta, quæ, si mutari umquam contingeret, ipso immutabilis Deus mutaretur. At impii Scriptoris sistema pluribus impugnatur a sæpe memorato Calmet in sua Dissertatione de veris, fictisque Prodigis, ubi scitè animadvertit, Spinosam, ut Dei ideam sibi semper constantis exponat, destrueret, ideam summi illius liberi sapientissimi, & potentissimi: licet enim, quando novi aliquid in Mundo accidit, sciamus, Deum tunc primò non cognoscere rem aliquam sibi antea occultam, neque novum de illa Decretum edere, & ulterius admitamus, connexionem secundarum causarum, earum subordinationem, & partium Universi inter se dispositionem esse, adeò inter se fixas, & constantes, ut ab uno tamen summè libero, cui omnia comperta sunt, dirigantur, hinc tamen ad exclusionem cujuscumque Miraculi inferri non potest, multòque minùs astrui valet, quòd, si ea contingerent, immutabilis Deus mutaretur, cum Miracula, & Prodigia libertatis voluntatis Dei sint opus, non voluntatis quidem generalis, atque consuetas naturæ leges dirigentis, sed peculiaris, quæ sibi pro sua libertate a-

10 De Serv. Dei Beatif. et Beat. Canoniz.

genda quædam insueta reservavit, & quæ, cum recedit a consuetis, & sibi præscriptis in rerum gubernatione legibus, tunc potissimum exequitur liberè illa suæ peculiaris voluntatis Decreta ab æterno fixa, & rata. Ceterum nec Spinozæ oppositio, nec Calmet responsio novæ sunt. Legi potest Divus Thomas in *Questionibus disputatis* quæst. 6. de *Miraculis* art. 1. ubi, propositâ quæstione: *Utrum Deus possit in rebus creatis aliquid operari præter causas naturales, vel contra naturam, vel contra cursum nature* = sibi sexto loco opponit Spinozæ argumentum: *Quædam Glossa dicit Ephef. 3. quod Deus contra causas, quas voluntate instituit, mutabili voluntate nihil facit: sed causas naturales Deus voluntate suâ instituit: ergo contra eas nihil facit, nec facere potest, sicut non potest esse mutabilis; mutabilitas enim voluntatis videtur, cum aliquis facit contra id, quod prius voluntate instituit; & huic oppositioni respondet iisdem rationibus, quibus utitur Calmet respondens argumento Spinozæ. En verba Sancti Doctoris: Ad sextum dicendum, quod Deus non facit contra rationes naturales mutabili voluntate; nam Deus ab æterno prævidit, & voluit se facturum, quod in tempore facit. Sic ergo instituit natura cursum, ut tamen præordinaretur in æterna sua voluntate, quod præter cursum istum quandoque facturus erat. Dicitur hoc ipsum a Sancto Doctore lib. 3. contra *Gentiles* cap. 99. = *Divina virtus quandoque aliquid facere potest sine providentia suâ præiudicio præter ordinem naturalium inditum rebus a Deo; ubi doctus Ferrariensis in Commentariis ita subdit: Sicut ab æterno Deus per sui providentiam ordinavit, ut talis ordo, & talis cursus in rebus naturalibus esset, ita ab æterno ordinavit, se quandoque facturum præter hunc ordinem**

rebus inditum; & ideo absque mutatione suâ providentia est, quod quandoque præter hunc ordinem institutum operetur. Ut res exemplo facis obvio firmeretur, Princeps eo temporis momento, quo legem aliquam statuit, statuit, se in talibus circumstantiis velle ejus vinculum solvere; & quando id facit, nemo est, qui ipsum inconstantiz, aut mutationis redarguere possit.

11 In Sacra Scriptura mentio fit non tantum Miraculorum, sed etiam prodigiorum, atque signorum, juxta illud *Deuteron. 6. = Dominus fecit signa, atque prodigia magna* = & illud *Joannis 4. = Nisi signa, & prodigia videritis, non creditis*; Item portentorum, monstrorum, & ostentorum, juxta illud *Deuteron. 4. = Tollens sibi gentem de medio nationum per tentationes, signa, atque portenta per pugnam* = & juxta illud 2. *Macchabæor. 5. = Quapropter omnes rogabant, in bonum monstra converteri* = & juxta illud *Exodi 4. = Vide, ut omnia ostenta, quæ posui in manu tua, facias coram Pharaone*; necnon virtutum, juxta illud *Matthæi cap. 7. = Multas virtutes fecimus* = & alterum 2. ad *Corinthios 12. = Tamen si nihil sum, signa tamen Apostolatus mei facta sunt super vos in omni patientia, in signis, & prodigiis, & virtutibus.* Mirabilium quoque, & gratiarum hic mentio sæpissimè apud Scriptores. Sanctus Thomas in 2. ad *Thessalonicenses* lect. 2. inquit, quod ea, quæ habent causam occultam alicui, & non simpliciter, dicuntur mira, & mirabilia, sed non Miracula; & sequitur Scæchus de *Notis, & Signis Sanctitatis* lect. 8. cap. 1. pag. 567. Idem Sanctus Doctor in *Comment. ad Epistolam Divi Pauli ad Hebræos* ad illud = *Comestante Deo Signis, & portentis* = ait, signa, & portenta esse minora, Miracula, puta fontanem claudi, vel

vel febris, & portenta esse majora. Miracula, puta suscitationem mortuis & 2. 2. *quest.* 178. *art.* 1. Ad tertium, addit, duo in Miraculis attendi posse, id videlicet, quod fit, & juxta hoc Miracula posse dici virtutes, item illud, propter quod Miracula fiunt, puta ad manifestandum aliquod supernaturale, & juxta hoc dici signa, & propter excellentiam portenta, vel prodigia, quasi procul aliquid ostendentia. Plura quò ad horum nominum explicationem legi possunt apud Cardinalem de Lauræa in 3. lib. *Sent.* tom. 4. *disput.* 20. de Miraculis *art.* 3. & 4. Viguierius in *Institutionibus ad Sacram Theologiam tit. de Gratia Divina* pag. 103. a tergo *vers.* 3. ita scribit: Miracula in Sacris Litteris dicuntur virtutes, signa, prodigia, & portenta &c. Quæ sic differunt, quia, in quantum excedunt facultates naturæ, dicuntur virtutes, in quantum verò sunt ordinata ad manifestationem Gratiæ, dicuntur signa, & propter excellentiam dicuntur portenta, atque prodigia, quasi procul aliquid ostendentia &c. Signum refertur ad minus Miraculum, prodigium ad maximum, & portentum dicitur, in quantum est contra naturam. Et in eo, quod attinet ad gratias, annotandum est, quod illæ non habent veram Miraculi rationem, sed ex aliqua temporis, loci, vel personæ circumstantia Miraculi speciem præferunt, puta, cum aliquis infirmus alicui Sancto se commendans, adhibitis medicamentis necessariis, convalescit, & fortasse citius, quam sperabatur vel medicamentorum efficaciam, vel dispositione temperamenti, quemadmodum benè explicant Scacchus *loc. cit.* pag. 368. Pignatell. *Consult.* 103. num. 28. tom. 9. Matthæucius in *Practica Theologia Canonica ad Causas Beatificationis, & Canonisationis*

nis tract. 3. cap. 1. § 9. num. 64. & sequentibus, Bordon. in *medit.* 1. de Miraculis *quest.* 7. num. 32. & sequentibus. Caltald. de *Potest. Angel.* *loc. cit.* §. Sed error. Quod dictum est de gratiis, dicendum est etiam de mirabilibus, ea videlicet non habere rationem Miraculi. Ad hanc classem referri possunt varia automata, Dædali videlicet apud Aristotelem, Archimedis, Archytæ, ac Boethii, item Caput æneum Beati Alberti Magni, si verum est, quòd locutum fuerit humano artificio, uti perhibent Medina, & Guilelmus Parisiensis, licet id negetur a Martino del Rio lib. 1. *Disquisit. Magic.* cap. 4. & lib. 2. ejusdem Operis *quest.* 27. *sect.* 1. At nec de gratiis, nec de mirabilibus ulla habetur ratio in Causis Beatificationis, & Canonizationis: quia, si quis alia scire cuperet de prædictis mirabilibus, legere potest Opus posthumum Joannis Hieronymi Sbaragli celeberrimi Medici Bononiensis de Anima Brutorum *disput.* 1. cap. 2. *sect.* 3. pag. 105. & sequentibus.

12 Quæres, an pro constituendo Miraculo necesse sit, ut aliquid excedat vires, & facultatem naturæ tum invisibilis, & incorporeæ, tum visibilis, & corporeæ, quod est idem ac querere, an, si aliquid excedat tantum vires naturæ visibilis, & corporeæ, & sit arduum, insolitum, & admirandum, Miraculum dici possit, etiam si non excedat vires naturæ invisibilis, & incorporeæ, hoc est Angeli. Juxta doctrinam Sancti Thomæ *part.* 1. *quest.* 110. *art.* 4. videtur, negativè respondendum; ibi enim docet, Miraculum esse, quando aliquid sit præter ordinem totius naturæ creatæ, & sic tum visibilis, & corporeæ, tum invisibilis, & incorporeæ: quod

12 De Serv. Dei Beatif. et Beat. Canoniz.

ipsum repetit eadem pars. 1. *quest.* 114. *art.* 4. *in corpore.* Idem autem Sanctus Doctor in cit. *quest.* 110. *art.* 4. *Ad secundum* docet, non omnem virtutem naturæ creatæ esse nobis notam, & sic Miraculum esse quod ad nos, cum aliquid sit præter ordinem naturæ creatæ nobis notæ per virtutem creatam nobis ignotam: quod ipsum quoque docuerat lib. 3. *contra Gentes* cap. 103. ubi, utentibus Angelis nonnullis rebus naturalibus tamquam instrumentis, inquit, quod sic effecta, quamvis Miracula simpliciter dici non possint, redduntur tamen nobis dupliciter mirabilia; uno modo ex hoc, quod per spirituales substantias tales cause modo nobis in consuetudinem ad proprios effectus apponuntur &c. alio modo ex hoc, quod causa naturales apposite ad effectus aliquos producentes aliquid virtutis fortituntur ex hoc, quod sunt instrumenta spiritualium substantiarum, & hoc magis accedit ad rationem Miraculi. Ex his autem inferri posse videtur, quod effecta insolita, & admiranda, quæ excedunt vires, & facultatem naturæ creatæ visibilis, & corporeæ nobis notæ, Miracula sunt, etsi non excedant vires, & facultatem naturæ creatæ invisibilis, & incorporeæ, Miracula, inquam, minora Miraculis, quæ excedunt vires, & facultatem naturæ non modò visibilis, & corporeæ, sed invisibilis, & incorporeæ. Ferraricensis in *Commentariis ad dictum* cap. 103. docet, duplici modo substantias spirituales operari aliquos effectus, qui nobis mirabiles sunt; quando videlicet operantur effectus, qui nobis mirabiles sunt, ex quo activa passivis applicantur modo nobis occulto, uti, si videremus secari lignum, & ferram occultè appositam non videremus, quo exemplo utitur idem Sanctus Thomas in eo cap. 103.

& quando effectus, qui produciuntur, a virtute corporea per se produci non possent, sed in tantum ab ea produciuntur, in quantum virtus incorporea utitur eâ virtute corporeâ tamquam instrumento, & de his pronuntiat, quod magis accedunt ad rationem Miraculi: *Hæc autem ad rationem Miraculi magis dicuntur accedere, quia tales effectus sunt magis supra virtutem naturæ creatæ nobis cognita, quæ est virtus corporea; quantum enim magis aliquid est supra facultatem naturæ nobis cognita, tantò magis de ratione Miraculi participat, cum de ratione Miraculi sit, quod sit supra facultatem naturæ aliquo modo.*

13 Miracula hæc agnovisse quoque videtur Sanctus Augustinus lib. 26. *contra Faustum*, ut ex sequentibus ejus verbis desumitur: *Dici autem humano more contra naturam esse, quod est contra naturæ usum mortalibus notum, nec nos negamus, scius illud est, quod Apostolus ait: Si tu ex naturali incisus oleastro contra naturam inseris es in bonam olivam. Id esse contra naturam dixit, quod est contra consuetudinem naturæ, quam notitia humana comprehendit &c. Deus autem creator, & conditor omnium creaturarum nihil contra naturam facit; id enim erit cuique rei naturale, quod ille fecerit, a quo omnis modus, numerus, & ordo naturæ &c. Sed contra naturam non incongruè dicimus aliquid Deum facere, quod facit contra id, quod novimus in natura. Hanc enim appellamus naturam cognitum nobis cursum, soliusque naturæ, contra quem Deus cum aliquid facit, magalia, & mirabilia operatur.*

14 At, redeundo ad doctrinam Sancti Thomæ, cum ipse in cit. *part.* 1. *quest.* 110. *art.* 3. probet, corpora Angelis obedire ad motum localem, ecquis erit, qui nonnulla ardua, insolita, & admiranda, quæ proveniunt

ab

ab ea corporum obedientia ad motum localem, Miraculo non adscribat, licet vires, & facultatem naturalem Angeli, & sic naturæ invisibilis, & incorporeæ non excedat? Huc referri potest illud Danielis *cap. 3.* ubi, cum iussu Regis Nabuchodonosor, Sidrach, Misach, & Abdenago missi fuissent in medium fornacis ignis ardentis, Angelus Domini descendit cum Azaria, & Sociis ejus in fornacem, excussitque flammam ignis de fornace, ita ut eos omnino ignis non tetigerit, neque contristaverit, nec quidquam molestiæ intulerit, obstupente Rege Nabuchodonosor, & dicente præsertationem, signum, & mirabile. Huc referri potest aliud Danielis *cap. 14.* ubi, cum Angelus Domini dixisset Habacuc, ut prandium, quod paraverat, deferret ad Danielem, qui erat in Babylone, & in medio lacu Leonum, Habacuc respondente, se numquam vidisse Babylonem, & lacum nescire, Angelus cum apprehendit in vertice, ipsum portavit capillo capitis sui, & posuit in Babylone supra lacum, & confestim loco suo restituit. Huc, ut sexcenta alia omitamus, referri potest id, quod habetur *lib. 4. Regum. cap. 19.* ubi unâ nocte Angelus Domini percussit in castris Assyriorum, & occidit centum octoginta millia hominum, sive id factum sit igne cxlitus delapso, qui Assyriorum corpora in cineres, & favillas redegerit, sive Assyrii intimo, & imperceptibili ulcere fuerint percussi, absque eo quodd in extrema cute aliquid apparuerit, juxta varias Interpretum sententias apud Calmet in sua *Dissertatione de dissipato exercitu Sennacherib.* Huc denique referri possunt Apparitiones Angelorum in corpore as-

sumpto, de quibus *Genesis cap. 18. 28. 32.* de quibus *Actuum 5. 7. 8. Lucæ 1. 2.* quæ utique vera Miracula fuerunt, ut infra demonstrabitur, cum de Apparitionibus agetur, quamvis non excedant vim, & facultatem Angeli, quemadmodum post relatas prædictas Apparitiones benè annotavit Thyræus de *Spiritu Apparitione cap. 6. num. 8.* = *Hæc hæc vires Angelorum non excedunt, ut qui in corpora vim habent summam.*

15 Abbas Huttevillus *Traſtatum* edidit Gallico idiomate *Parisiis impressum anno 1722. de Religione per facta probata.* Christianus Hollmannus extraordinarius Professor Philosophiæ in Academia Vittembergenſi *Commentationem philosophicam de Miraculis, & genuinis eorum criteriis Francfurti, & Lipsiæ anno 1727.* edidit, cujus Compendium exponitur in *Actis Eruditorum Lipsiæ editis anno 1728. pag. 28.* & sequentibus, ubi prædictus Christianus, licet Author heterodoxus, ad examen revocando nonnullas assertiones Abbatis Huttevilli, contendit, nonnulla dari vera Miracula, quæ vires totius naturæ creatæ non superant. Fuit id quoque animadvertum a Suarez in suo *Traſtatu de Angelis lib. 4. cap. 39.* sub num. 10. per hæc verba: *In quo etiam considerandum est, in presenti sermone esse de operibus sensibilibus, quæ hominibus miraculosa apparent, de quibus concedi potest, & debet, ut sint vera Miracula, necessarium, & sufficiens esse, ut superent omnem naturalem virtutem causarum naturalium visibilibus, & corporalium.* Subſcribit Pater Petrasanctus in *Thaumasia vera Religionis, in Prolegomenis §. 19.* ubi ait, in quibusdam effectis neque rem ipsam, neque modum superare vim, & potestatem naturæ invisibilis, &
in-

14 De Serv. Dei Beatif. et Beat. Canoniz.

incorporeæ, sed, hoc minimè ob-
stante, inter Miracula recenferi ra-
tione adjunctorum, live circumstan-
tiarum: & Matthæus Magnanus in sua
*Dissertatione de Lacrymis Imaginis San-
ctæ Mariæ de Gratiis Pinna Billorum,*
in *Præfatione* num. 4. & sequentibus di-
visionem constituit Miraculorum, in
Miracula videlicet, quæ superant om-
nem vim, & efficaciam totius natu-
ræ creatæ, & Miracula, quæ vim,
& efficaciam superant tantum naturæ
corporalis. Nonnulli primi generis
Miracula appellant *Miracula strictè*
sumpta, & Miracula secundi generis
appellant *Miracula largè accepta*. Ferrar-
iensis in *Notis* ad cap. 102. lib. 3. S. Tho-
mæ contra *Gentiles* inquit, primi generis

Miracula esse simpliciter Miracula:
Simpliciter autem Miraculum dicitur,
*quod fit præter ordinem totius naturæ crea-
tæ per virtutem secundum se a quocum-
que intellectu creato incomprehensibilem;*
& secundi generis Miracula vocat Mi-
racula quod ad nos: *Quod ad nos dicitur*
Miraculum, cum aliquid fit præter
ordinem naturæ creatæ nobis notæ per
virtutem creatam nobis ignotam, licet in
se cognoscibilis, & comprehensibilis sit ab
intellectu creato. At nos majoris cla-
ritatis gratiâ dicimus, Miracula ma-
jora excedere vires totius naturæ crea-
tæ, & Miracula minora excedere vi-
res naturæ tantum corporeæ, & vi-
sibilis: sed de hoc iterum infra tra-
ctabitur.

CAPUT SECUNDUM.

De causa efficiente Miraculorum.



1. **Plus Deus causa**
est efficiens prin-
cipalis Miraculo-
rum, indepen-
dens, & autho-
ritativa, juxta
doctrinam Divi
Thomæ 1. part.
quæst. 110. art. 4. in corpore = Respon-
deo, dicendum, quod Miraculum proprie
dicitur, cum aliquid fit præter ordinem
naturæ; sed non sufficit ad rationem Mi-
raculi, si aliquid fiat præter ordinem natu-
ræ alicujus particularis, quia sic, cum
aliquis projicit lapidem sursum, Miracu-
lum faceret, cum hoc fit præter ordinem
naturæ lapidis. Ex hoc ergo aliquid di-

citur esse Miraculum, quod fit præter or-
dinem totius naturæ creatæ: hoc autem
non potest facere, nisi Deus. Hoc ipsum
latè prosequitur Sanctus Doctor 3. lib.
contra *Gentes* cap. 102. ubi post plu-
ra concludit: *Solius igitur Dei est Mi-
racula facere; ipse enim est superior or-
dine, sub quo univèrsa continentur, sicut*
a cujus providentia totus hic ordo fuit:
*ejus etiam virtus, cum sit omnino infini-
ta, non determinatur ad aliquem specia-
lem effectum, neque ad hoc, quod effectus*
illius producat aliquo determinato modo,
vel ordine; & ante Sanctum Thomam
illud idem traditum fuerat a Sancto
Augustino lib. 10 de Civitate Dei cap.
12. ubi sic scribit: Porro autem qua-
cum-

cumque Miracula sive per Angelos, sive quocumque modo ita divinitus sunt, ut Dei unus, in quo solo beata vita est, Cultum, Religionemque commendent, ea verò ab eis, vel per eos, qui nos secundum veritatem, pietatemque diligunt, fieri, ipso Deo in illis operante, credendum est.

2 Apertis Scripturæ testimoniis, quæ dicta sunt, innituntur. Psalm. quippe 71. legitur: *Qui facit mirabilia solus* & Sacer Textus Miracula, quæ per Moysen, & Aaron in Ægypto patrata sunt, Deo uti auctori adscribit. Exodi quoque cap. 3. 20. ait Deus: *Extendam manum meam, & percutiam Ægyptum in cunctis mirabilibus meis, quæ facturus sum in medio eorum;* & cap. 15. post transitum Populi per mare sicco pede, & demerfione exercitus Pharaonis in eodem Moyses cecinit: *Quis similis tui in fortibus, Domine, quis similis tui, magnificus in Sanctitate, terribilis, atque laudabilis faciens mirabilia. Extendisti manum tuam, & devoravit eos terra;* & Psalm. 105. = *Obliti sunt Deum, qui fecit magnalia in Ægypto, mirabilia in terra Cham, terribilia in Mari rubro.* Confirmantur hæc ex Miraculis, quæ a Sanctis Viris eduntur. Actuum quippe cap. 3. cum Petrus, & Joannes Claudum a Matris utero sanarunt, ita locuti sunt: *In nomine Jesu Christi Nazareni surge, & ambula;* & Act. cap. 9. cum Petrus sanavit Æneam, & Tabitham a morte revocavit, ait: *Ænea, sanas te Dominus Jesus Christus: surge, & sterne tibi. Et continuò resurrexisti; præmissaque oratione ad Deum, vitam Tabithæ mortuæ reddidit: Ejecisti autem omnibus foras, Petrus ponens genua oravit, & conversus ad corpus dixit: Tabitha, surge. At illa aperuit oculos suos, & viso Petro refedit.*

3 Decentissimum, & maximopere conveniens fuisse, ut a Christo Domino Miracula fierent, latè probat Divus Thomas 3. part. quæst. 43. art. 1. cum enim hominibus manifestandum esset, quoddam Deus erat in eo per gratiam unionis, & non adoptionis, & quoddam ejus supernaturalis Doctrina erat a Deo, omnino decebat, & quodammodo oportebat, ut insignissima Miracula ab eo ederentur. Dictum est autem, decentissimum, & conveniens fuisse, non necessarium, ut a Christo Miracula ederentur, cum homines etiam independentes a Miraculis ad ei credendum essent obligati tum per interiorē vocationem, tum per doctrinam, & prædicationem exteriorē, ut idem Sanctus Doctor profecquitur quodlib. 2. quæst. 3. art. 6. Edita autem fuisse ab eo Miracula, colligitur ex Evangelio Matthæi, Marci, Lucæ, & Joannis; & Miracula, de quibus in Evangelio Matthæi, & Lucæ, versibus elegiacis, & ea, de quibus in Evangelio Marci, & Joannis, versibus heroicis Sanctus Gregorius Nazianzenus elegantissimè exposuit. Iosephus quoque inter Judæos magni nominis lib. 18. Antiqu. cap. 4. disertis verbis asserit, Christum mirabilium operum fuisse editorem: *Fuit hoc tempore Jesus vir sapiens, sita mentem virum illum oportet docere; erat enim mirabilium operum effector, magister hominum, qui vera libenter amplectantur: Et plurimos quidem ex Judæis, plurimos etiam ex Gentilibus ad se pertraxit. Hæc erat Christus: eumque eum a primoribus gentis sue accusatum Pilatus ad Crucem damnaasset, ab eo diligendo non absisterunt, qui primum eumperant. Nam post tertium diem rediit vivus ipsi apparuit, eum Divini Vates hæc, aliisque quamplurima adiuvanda de eo prædixissent. Neque ad hæc*

16 De Serv. Dei Beatif. et Beat. Canoniz.

diem defecit denominatum ab eo Christianorum genus. Hoc Josephi testimonium in dubium præpōtere a nonnullis vocatum vindicavimus lib. 1. cap. 1. num. 12. Præclara sunt, quæ pro dicto Josephi testimonio cumulavit Huetius in *Demonstratione Evangelica* proposit. 3. ubi hæc habet: *Facit constans, & perpetuus Codicum omnium Josephi sive exaratorum calamo, sive typis impressorum in eo retinendo consensus. Facit & Eusebii autoritas, qui illud & in Libris Demonstrationis Evangelicæ, & in Ecclesiastica Historia tamquam legitimum, & genuinum representavit. Expressit id quoque latine Hieronymus in Libro de Scripturis Ecclesiasticis &c. Suadet idem præterea & ratio; nec enim probabile est, Josephum Scriptorem non indiligentem, cum res Judæorum prosequeretur, de eo Viro tacuisse, qui maximos in ea Gente, ac per universum serè Orbem excitavit motus &c. Quis cum putet elogio dignos censuisse Joannem Baptistam, & Jacobum, indignum vèrò mentione Christum Jesum existimasse, cuius longè clarius nomen fuit? Cum præsertim Jacobum laudant, ut notum bene faceret, Fratrem esse scripserit Jesu, qui Messias dictus est, quem videlicet longè notiore esse seuebat &c. Consentit ad hæc oratoris stilum, & dictionis color, talis nimirum, qualis Hellenistarum esse solet. Locutiones etiam quasdam observare licet Josepho familiares. Julianus etiam Apostata, & Christi insensissimus hostis falsus est, ab eo edita fuisse Miracula, uti videri potest apud Sanctum Cyrillum lib. 6. = Christum sanasse claudos, & cæcos aliquos, & Dæmone correptos addibitis observationibus liberasse in vinculis Bethsaiidæ, & Bethaniæ Thomas Woolffsonius olim in Collegio Sidnæo Academiæ Cantabrigiæ Socius Londini anno 1727. *Dyscurum* edidit de Miraculis Salva-*

toris Nostri, quæ non minùs stultè, quàm impiè contendit ab Evangelicis fuisse conscripta tamquam emblemata representantia vitam spiritualem in hominum animabus, sed a Christo verè edita non fuisse. Porro præva hæc, perversa, & a nullo exco-gitata doctrina cum meritò in suspicionem infidelitatis adduxit: qua de causa autoritate Edmundi Archiepiscopi Londinensis appellati a Collegio expulsus est, & Senatus Regni Anglicani Libri perversitate motus cum igni damnavit, & Author impius, ut poenam subterfugeret, ad Judæorum cætum nefariè transivit, uti legitur tom. 9. *Actorum Eruditorum*, quæ Lipsiæ publicantur, in Supplementis anni 1729, pag. 449. & sequentibus.

4. Initium signorum Christi contingit in nuptiis in Cana Galilæa factis tunc, cum aquam convertit in vinum. Joannis quippe cap. 2. legitur: *Hæc fecit initium signorum Jesus: & ad rem subdit Tertullianus in Libro de Baptismo cap. 9. = Prima rudimenta potestatis sue vocatus ad nuptias aqua auspicatur; & concordat Sanctus Epiphanius hæres. 51. §. 16. = Tertio postea die nuptiæ factæ sunt in Cana Galilæa post biduum illud, idque primum prodigiorum omnium exitit: & hinc fit, ut meritò inter apocrypha recenscantur in Can. Sancta Romana dist. 15. Liber ille de Infantia Salvatoris, & alii similes, in quibus plura narrantur Miracula facta, dum erat infans, de quibus Sanctus Joannes Chrysostomus Homil. 16. in Evangelium Joannis hæc habet: *Constat, signa illa, & Miracula, quæ in Christi pueritia feruntur, vera non esse. Nam, si a puero Miracula facere cepisset, non sanè cum Joannes ignorasset, nec reliqua multitudo indignisset Magistro, qui ipsum manifestaret, quod & confirmat Ho-*
mil,*

mil. 22. = Post Baptisma Christum. Miracula facere cepisse, ante nullum; & ad rem Divus Thomas cit. *quest.* 43. *art.* 3. postquam iterum statuit, Miracula a Christo facta fuisse in confirmationem suæ doctrinæ, & ad ostendendam in se virtutem Divinam, subdit: *Est ideo, quantum ad primum, non debuit ante Miracula facere, quam docere inciperet; non autem debuit incipere docere ante perfectam ætatem, ut supra habitum est, cum de Baptismo ejus ageretur; quantum autem ad secundum, sic debuit per Miracula Deitatem ostendere, ut crederetur veritas humanitatis ipsius; & ideo, sicut dixit Chrysostomus super Joannem, decenter non capit signa facere in prima ætate, existimasset enim, phantasma esse Incarnationem, & ante opportunum tempus Cruci eum tradidissent; & in responsione ad tertium addit, ad laudem Discipulorum pertinuisse, quod Christum secuti sunt, cum nulla eum Miracula facere vidissent: unde Joannis cit. cap. 2. post relatum Miraculum conversionis aquæ in vinum dicitur: Hoc fecit initium signorum Jesus in Cana Galilææ, & manifestavit gloriam suam, & crediderunt in eum Discipuli ejus. Legi potest totus quartus Eminentissimi Cardinalis Gotti de Veritate Christiana Religionis cap. 15. §. 1. ubi referuntur, & confutantur, quæ fabulator narrat in allegato Libro de Infantia Christi.*

5 Ipse quoque Sanctus Joannes post relata nonnulla alia Christi Miracula inquit cap. 20. = Multa quidem, & alia signa fecit Jesus in conspectu Discipulorum suorum, quæ non sunt scripta in Libro hoc; & cap. 21. innuens multitudinem operum Christi hæc habet: Sunt autem & alia multa, quæ fecit Jesus, quæ si scribantur per singula, nec ipsum arbitror Mundum capere posse

eos, qui scribendi sunt, Libros. Sanctus Augustinus *tract.* 124. in Joannem prædictum loquendi modum putat hyperbolicum: Hunc loquendi modum græco noque non solum græcarum, sed etiam latinorum litterarum Magistri Hyperbolen vocant, qui modus, sicut hoc loco, ita in nonnullis aliis Dominicis litteris invenitur, ut est = Posuerunt in Cælum os suum, & verticem capilli perambulantium in delictis suis = & multa hujusmodi, quæ Scripturis Sanctis non desunt, sicut alii Tropi, hoc est locutionum modi. Sed ex eo loquendi modo maxima Miraculorum multitudo plenè defumitur, teste Sancto Joanne Chrysostomo in Joannem Homil. 26. ubi sic loquitur: Multa, & alia signa, inquit, fecit Jesus; nam, cum pauciora, quam alii, hic meminisset Evangelista, dicit, neque alios omnes omnia collegisse, sed tantum, quæ ad faciendum auditoribus fidem erant necessaria. Nam, si omnia, inquit, scriberentur, nec ipsum arbitror Mundum capere eos, qui scribendi sunt, Libros. Unde constat, non ambitionis, sed tantum utilitatis gratiâ scripsisse; siquidem, qui plura omiserunt, quomodo ad ambitionem scripserunt? Sed cur non omnia transegerunt? Maxime propter eorum multitudinem: præterea & illud consideramus, quid, qui his non crediderit, neque pluribus credet; qui verò hæc acceperit, non indigebit pluribus ad fidem assequendam.

6 Sanctus Thomas 3. *part. cit. quest.* 43. *art.* 2. probat, Christum fecisse Miracula virtute Divinâ, & Cardinalis Bellarminus tom. 1. *Controv. lib.* 5. cap. 7. scitè distinguit tria genera operum Christi, quædam purè Divina, ut creare, & conservare omnes creaturas, quædam purè humana, ut comedere, & bibere, quædam partim Divina, partim humana, quæ appellantur theandrica, hoc est Divinè hu-

C ma.

18 *De Serv. Dei Beatif. et Beat. Canoniz.*

mana opera, ad quam classem pertinent omnia Miracula ab eo patrata, licet etiam omnis Christi actio ratione Suppositi operantis theandrica dici possit, cum semper Deus homo operatus sit, non nudus Deus, aut nudus homo: & quamvis in patrandis Miraculis aliquando orationem præmiserit, ex quo inferri posse videretur, eum virtute Divinâ Miracula non edidisse, animadvertendum nihilominus est, ab eo præmissam fuisse orationem, non propter necessitatem suffragii, sed propter exemplum, ut confunderet Judæos, qui falsò asseriebant, eum in Beelzebub Principe Dæmoniorum Dæmones expellere. Additur, ab eo edita fuisse quandoque Miracula, nullâ præmissâ oratione, cum Leproso dicenti = *Domine, si vis, poter me mundare* = statim responderit: *Volo, mundare*; unde Sanctus Chrysostomus *Homil. 26. in Mattheum* benè animadvertit, leprosum Christo non dixisse: *Si oraveris Deum, sed: Si velis, poter me mundare. Neque ait: Domine, munda me; sed ipsi cuncta commisit, eumque conferenda sanitatis Dominum esse confessus est, atque in ipso constituit omnem auctoritatem. Quid verò, inquit, si prava erat opinio leprosi? procul dubio illum destrui, istum verò corripi oportebat, & corrigi. Tutas ne igitur hoc facit? Nequaquam, sed e regione totum, quod dixerat, & assensione prorsus, & operatione confirmat, & non dixit: Mundus esto; sed: Volo, mundus esto. Sanctus Irenæus lib. 5. adversus hæreses cap. 13. notat, a Christo Domino tres mortuos fuisse ad vitam revocatos, Filiam videlicet Archisynagogi, Filium Viduæ, & Lazarum quatuordecim annorum; & Sanctus Augustinus *Serm. 98. aliis 44. de Verbis Domini cap. 3.* scitè notat, tres mortuos ad vitam temporalem*

fuisse a Christo revocatos, sed innumerabiles ad vitam æternam: *Tres mortuos invenimus a Domino resuscitato visibiliter, millia invisibiliter: & supra citatus Sanctus Thomas 3. part. quest. 44. art. 3. proposito Dubio = Utrum convenienter Christus circa homines Miracula fecerit = & factâ sibi oppositione, quòd non oportebat, ut hominibus corporum curationem querentibus peccata dimitteret, uti fecisse legitur circa Paralyticum Matthæi 9. respondet, quòd, cum Christus Miracula faceret virtute Divinâ, & Dei perfectâ sint opera, & aliquid perfectum non sit, si finem non consequatur, finisque exterioris curationis per Christum factæ esset animæ curatio, Christo idcirco conveniebat, ut, corpus curando, animam etiam curaret; & eadè 3. part. quest. quoque 44. art. 1. & sequentibus idem Sanctus Doctor latè agit de Miraculis Christi, quomodo videlicet conveniens fuerit, ut Miracula patraret tam circa homines, quàm circa creaturas rationis expertes, necnon circa corpora cælestia. Quomodo autem Christi Miracula, eum esse Deum, demonstrarent, latè etiam ostendit Cornelius a Lapide in cap. 5. in Joannem. §. Igitur duobus maximè modis; & supra citatus Cardinalis Bellarminus *Controv. tom. 3. lib. 4. cap. 23.* hæc ad rem de Christi Miraculis annotat: Dominus aliquando solâ voluntate operabatur Miracula, ut, cum aquam in vinum convertit; aliquando voluntate, & verbo, ut, cum Lazarum excitavit; aliquando voluntate, verbo, & contactu, ut, cum excitavit puellam mortuam; aliquando voluntate, verbo, contactu, & alio instrumento, ut spiritu, ut, cum cæcum illuminavit, & alibi surdum, & mutum curavit. In his omnibus nihil erat*

rat

rat inutile, & superfluum, quia omnia operabatur, & tamen non erant omnia necessaria, neque majorem effectum producebant omnia simul, quàm unum, aut duo tantum; non enim melius revixit puella, quàm Lazarus, etiamsi illam & voce appellavit, & manu apprehendit, Lazarum autem solum vocavit.

7 Transeundo ad Angelos, Sanctus Thomas *part. 1. quest. 110. art. 4.* questionem proponit: *Utrum Angeli possint facere Miracula* & negando respondet; Miraculum quippe illud est, quod fit præter ordinem totius naturæ creatæ, & quidquid ab Angelo fit propriâ virtute, fit secundum ordinem naturæ creatæ; quibus præmissis, infert Sanctus Doctor, ab Angelo propriâ virtute Miraculum fieri non posse; & excitatâ oppositione, quod Virtutes vocantur illi Spiritus, per quos signa, & Miracula frequentius fiunt, & quod Virtus superior non subditur ordini causæ inferioris, & sic quod Angelus operari valet præter ordinem corporalium agentium, propriâque idcirco virtute Miraculum facere potest, respondet, quod Angeli dicuntur aliquando Miracula facere, vel quia ad eorum desiderium Deus Miracula facit, vel quia aliquod ministerium exhibent in Miraculis, quæ fiunt, sicut colligendo pulveres in resurrectione communi, & quod, licet Angeli aliquid possint facere præter ordinem naturæ corporalis, non tamen possunt aliquid facere præter ordinem totius naturæ, quod exigitur ad rationem Miraculi: & in *quest. 6. inter questiones disputatas de Miraculis art. 4.* docet, ad Miracula faciendâ Angelos tripliciter operari; uno modo, precibus impetrando; alio modo, materiam suâ naturali virtute dispo-

nendo, ut in exemplo supra recensito; alio demum modo, aliquid coagendo, tamquam instrumenta videlicet Divinæ Virtutis, ad Miraculi perfectionem. Doctrina hæc Divi Thomæ procedit quod ad Miracula, quæ superant vires, & facultatem cuiuscumque naturæ creatæ sive invisibilis, & incorporeæ, sive visibilis, atque corporeæ; sed æquè applicari potest Miraculis excedentibus tantum vires, & facultatem naturæ visibilis, atque corporeæ, cum, ut infra demonstrabitur, ea fiant ab Angelis bonis virtute propriâ, sed jussu Dei, ut patet in exemplis supra recensitis, juxta ea, quæ habentur apud *Castaldum de Potestate Angelica tom. 1. disput. 2. quest. 1. art. 4. in solutione argumentorum*, ubi ita loquitur: *Occisio militum Sennacherib a Patribus ascripta naturali virtute secuta ab Angelo jussu Dei &c. Habacuc etiam potuit, præcipiente Domino, naturaliter ab Angelis deferri citissimè, non tamen motu discreto, quo quandoque morientur Angeli, aut in instantibus duobus, sed motu continuo, & proportionato corpori, velocissimè tamen juxta virtutem, & voluntatem Angelis deferentis.*

8 Ab Hominibus quoque Sanctis, sive dum viverent, sive post eorum obitum, Miracula edita fuisse, undequaque exploratum est. Fidem huic veritati faciunt Sancti Patres testes oculati, Irenæus videlicet *lib. 2. adversus hæreses cap. 66.* Chrysostomus *tom. 5. Serm. 67.* Hilarius in *Libro adversus Constantium Imperatorem*, Gregorius Nazianzenus *Orat. 18.* Augustinus *lib. 22. de Civitate Dei cap. 8.* Hieronymus in *Libro contra Vigilantium*, Theodoretus *Orat. 8. adversus Græcos.* Pollicitus est Christus *cap. ult. Marci*, donum Miraculorum in Ecclesia

20 De Serv. Dei Beatif. et Beat. Canoniz.

sua esse perseveraturum: Signa autem eos, qui crediderunt, hac sequuntur. In nomine meo Dæmonia ejiciens, linguis loquuntur novis, serpentes tollent, & si mortiferum quid biberint, non eis nocebit, super agros manus imponent, & benè habebunt. frequentiora fuisse tempore, quo Tyranni Ecclesiam persequabantur, Miracula, testatur Sanctus Gregorius in cap. 37. Job lib. 27. cap. 14. = Tum quippe Sancta Ecclesia Miraculorum adiutoris indiguit, cum eam tribulatio persecutionis preffisset. Nam, postquam superbiam infidelitatis edomuit, non jam virtutum signa, sed sola merita operum requirit; quamvis & illa per multos, cum opportunitas exigit, ostendit; & paulò post: Quid est ergo mirum, si, propagatà Fide, crebè Miracula non fiunt? Apud Sanctum Augustinum in Libro de vera Religione cap. 25. hæc scripta sunt: Nec Miracula illa (loquitur de Miraculis primorum temporum) in nostra tempora durare permessa sunt, ne animus semper visibilia quæreret. Ab his autem inferri nequit, temporibus subsequenribus cessasse Gratiam Miraculorum, tum quia idem Sanctus Augustinus in Libris de Civitate Dei multa suorum temporum Miracula refert, & lib. 1. Retract. cap. 13. explicat, quæ dixerat in Libro de vera Religione = Sed non sic accipiendum est, quod dixi, ut nunc in Christi nomine fieri Miracula nulla credantur; nam & ego ipse, quando istum ipsum Librum scripsi, ad Mediolanensem Corpora Mar. yrum in eadem Civitate eorum illuminatum esse jam noveram, & alia nonnulla, qualia tam multa etiam istis temporibus fiunt, ut nec omnia cognoscere, nec ea, quæ cognoscimus, enumerare possimus; tum quia in his Dialogorum Libris Sanctus ipse Gregorius multa, & insignia Miracula suo etiam tempore patrata latè exponit, quemadmodum

ex eorum lectura dignoscitur, & ipse testatur lib. 2. epist. 50. indicat. 11. frequentibus verbis = Fratres mei, qui mecum familiariter vivunt, me compellunt aliqua de Miraculis Patrum, quæ in Italia facta audivimus, sub brevitate scribere = spectat illorum oppositione, qui autumant, Dialogorum Libros non esse Opus Sancti Gregorii, plura quippe Miracula, quæ in eis referuntur, referuntur etiam in aliis Sancti Operibus, uti bene ostendit Natalis Alexander in Historia Ecclesiastica sæculi sexti cap. 4. art. 16. & Dialogorum Libros uti genuinos Sancti Gregorii foetus vindicat Cardinalis Baronius in Notis ad Martyrologium Romanum ad diem 23. Decembris, quod ipsum pluribus ostenditur in Libro Cardinalis Bellarmini de Scripturis Ecclesiasticis Venetæ Editionis anni 1728. pag. 225. Perseverantia demum Miraculorum in Ecclesia Dei, & continuata successio ponitur in claris ab Horantio lib. 4. Loc. Catholic. Sacr. Script. cap. 6. & seq. a Thoma Bozio de Signis Ecclesiæ, a Bagatta in Admirandis Orbis Christiani, a Cardinali Bellarmino lib. 4. de Notis Ecclesiæ cap. 14. §. Veniamus nunc ad alteram partem, & rursus a Cardinali de Lauræa in 3. lib. Sent. tom. 4. disput. 20. de Miraculis art. 9. quod ipsum evincunt successivæ Sanctorum Canonizationes, ad quas non proceditur, nili discussis, approbatisque Miraculis: & in eo, quod attinet ad Miracula, quæ fiunt, & facta sunt a Sanctis Hominibus, nemo est, qui non videat, ea soli Deo tamquam causæ principali adscribenda esse, cum quodcumque Miraculum naturalem hominis facultatem, & vires excedat.

9 Fiunt ergo a creaturis, ab Angelis videlicet bonis, & ab Hominibus, tam-

tamquam Divinæ Omnipotentiz instrumentis, Miracula, & sic Angeli, & Homines Sancti dici possunt causa Miraculorum. Inter Theologos autem disputatio est, an Christus ut Homo, Sanctique Homines sive vivi, sive mortui sint causa physica, vel moralis Miraculorum, quæ ab ipsis eduntur. Causam physicam vocant illam, quæ ex se, præviâ operatione, attingit effectum suas vires non excedentem, sibi quæ proportionatum. Moralem appellant illam, ad cujus naturalem operationem sequitur effectus, quem ipsa producere non potest, qui quæ producitur a causa principali, quæ movetur ad operandum ad causæ moralis instantiam, & petitionem: & hanc causam moralem asserunt movere causam principalem, sed tamquam illi inferiori, simulatorem, & instrumentalem. His præmissis, nonnulli docent, creaturam rationalem, Christum scilicet ut Hominem, & Sanctos ejus fuisse, & esse, non causas physicas, sed morales instrumentales ad Miracula faciendâ. Id porro asserunt, quia causa moralis illa est, quæ per suam operationem non excedentem proprias vires movet agens principale ad operandum aliquid, quod ejus vires excedit: cumque creatura Deum movcat ad faciendâ Miracula, orando, rogando, benedicendo, signando, & actiones istæ non sint naturaliter proportionatæ ad Miraculi productionem, hinc deducunt, non posse creaturas rationales esse causas physicas, sed tantum morales Miraculorum. Addunt, causam meritoriam non esse causam physicam, sed moralem, & Sanctos ex propriis meritis Miracula a Deo impetrare. Aliis autem placet assertio, quod Christus ut Homo, & Ho-

mines causa sint physica Miraculorum. Quod Christus causa fuerit physica Miraculorum, probant autoritate Sacri Textus supra etiam relatâ Luca 6. = *Virtus de illo exibat, & sanabat omnes* = & rursus cap 8. = *Ego novi, virtutem de me exisse*; quæ importare videntur causam physicam, & non moralem. Rursus, cum tam Christus, quàm Sancti plura ediderint Miracula, imperando, uti quod ad Christum comprobatur ex illo Matthei 8. = *Imperavit ventis, & mari, & facta est tranquillitas magna* = & quod ad Sanctos ex illo Josue = *Sol contra Gabaon ne movearis* = & imperare sit proprium non causæ moralis, sed physice, nil clarius sibi suadent asserri posse ad demonstrandum, Christum ut Hominem, & Sanctos, non moralem tantum, sed causam esse physicam Miraculorum. Pro prima sententia pugnant Scotus in 4. dist. 1. quest. 1. 4. & 5. Aversa de Incarnat. quest. 13. sect. 3. versi. *Opposita sententia*, Valquez ad part. 3. Divi Thomæ disput. 57 cap. 5. & inter eos, qui de Canonizatione scripserunt, Cardinalis de Lauræa in 3 lib. Sent. tom. 4. disput. 20. de Miraculis art. 13. & art. 14. Bordon de Miraculis meditat. 2. quest. 12. num. 25. & pluribus sequentibus, Mittheucc. in Practica Theologo-Canonica ad Causas Beatificationis, & Canonizationis tit. 3. cap. 1. §. 1. num. 14. & sequentibus. Secundam autem sententiam probat Divus Thomas quest. 6. de Miraculis art. 4. & art. 9. utrobique in corpore, ubi docet, solum Deum Miracula facere per autoritatem, sed potestatem faciendi Miracula communicare creaturæ juxta creaturæ capacitatem, & suæ Divinæ Sapientie ordinem, & sic creaturam per gratiam Miracula mi-



22 De Serv. Dei Beatif. et Beat. Canoniz.

ministerio operari, juxta illud S. Gregorii in 2. *Dialog. cap. 30.* ubi ait, Sanctos Homines etiam in carne viventes, non solum orando, & impetrando, sed etiam potestativè, & cooperando, Miracula facere; quod utique ad causam physicam referendum esse videtur. Suarez in 3. *part. Divi Thomæ tom. 1. disput. 31.* latè ostendit, Christum Dominum per actiones sue humanitatis non solum morali modo, sed etiam naturali, & physico Miracula esse operatum; & in *Tractatu de Angelis lib. 4. cap. 39.* admittit, posse Deum uti Angelo, tamquam instrumento physico, ad aliquod Miraculum operandum. Cajetanus, Valentia, & alii stant pro hac ultima opinione, uti videri potest apud Bonacinam *disput. 2. de Incarnatione quest. 9. part. 3.* & inter eos, qui de Canonizatione scripserunt, Author *Tractatus de Canonizatione Sanctorum ad Cardinalem Montis Regalis 3. part. cap. 4.* Hæc autem innuisse satis sit, cum nostri non sit instituti quæstiones purè scholasticas pertractare, & insinuare sufficere, Deum solum esse veram causam efficientem, independentem, authoritativam Miraculorum, & creaturas in operatione Miraculorum esse Divinæ Potentiæ instrumenta, sive id referatur ad causam moralem, sive ad physicam; etenim, etiamsi sententia admittatur, quæ creaturam agnoscit tamquam causam cooperatricem physicam Miraculorum, id porro supremæ Divinæ Majestati nullum affert præjudicium, eo modo, quo vera remanet idea Dei uti Authoris Gratiæ in Sacramentis, licet dicatur, Sacramenta esse causas physicas Gratiæ: unde Divus Thomas 2. 2. *quest. 178. art. 1.*

in *responsione Ad primum*, post allatam Sancti Gregorii auctoritatem uti supra dicentis, quod Sancti aliquando ex potestate Miracula exhibent, aliquando ex postulatione, subdit: *Utroulibet tamen modo Deus principaliter operatur, qui utitur instrumentaliter vel interiori motu hominis, vel ejus locutione, vel etiam aliquo exteriori actu, seu etiam aliquo contactu corporali corporis etiam mortui.* Unde Josue 10. eum Josue dixisset quasi ex potestate = Sol contra Gabaon ut moveretur = subditur postea = Non fuit autem, & postea tam longa dies, obediens Deo voci hominis; & Miraculorum potentia puræ creaturæ a Deo non communicatur per modum habitus, sed per modum actus, & qualitatis transeuntis. Dictum est puræ creaturæ, cum in Christo Domino potentia Miraculorum fuerit quasi proprietas unionem consequens, quæ unio est perpetua, & permanens: unde Viguer in *Instit. Theolog. de Gratia Divina cap. 9. §. 2.* ad tit. de Gratia Miraculorum ait: Gratia Miraculorum non est aliquis habitus, neque aliqua qualitas permanens in anima, eum aliquando sit in corpore mortuo, sicut legimus, quod quidam projecerunt Cadaver in Sepulchrum Elisei, ejus eum tetigisset Ossa, revixit homo, & stetit super pedes suos, quia tunc instinctu Divino mota sunt ossa. Sic plerumque contingit in Reliquiis Sanctorum, quæ a Deo ut instrumenta moriuntur. Ideo illa motio non est qualitas permanens, sed fluens; & sic mens Prophetæ movetur instinctu Divino ad aliquid supernaturale cognoscendum: ita etiam, qui Miracula facit, movetur instinctu Divino ad aliquid supernaturale faciendum, scilicet Miraculum, quod Deus sua virtute facit.

CAPUT TERTIUM.

*De malis Angelis, Infidelibus, Hæreticis, & Antichristo quò
ad Miraculorum patratiōem.*



1 Ostquam visum fuit, Deum esse causam unicam principalem effectivam Miraculorum, & Sanctos Angelos, & Homines Sanctos ejus esse instrumenta in patratiōe Miraculorum, rectus ordo exposcit, ut verba habeamus de malis Angelis, Infidelibus, Hæreticis, & Antichristo, an Angeli scilicet mali virtute propriâ Miracula facere possint, an ut Dei instrumenta assumantur in Miraculis edendis, & an hoc ipsum dicendum sit de Infidelibus, Hæreticis, & Antichristo.

2 Omnis virtus, & potestas operandi ad extra, sive actione transiente, & corporali, quæ Angelis est naturalis, mansit integra in Dæmonibus post peccatum, cum per peccatum non fuerint in Angelis naturalia diminuta, nedum amissa, ut est axioma Theologorum cum Divo Thoma 1. part. quæst. 63. art. 4. Licet autem virtus ipsa in se non fuerit diminuta, propter ordinem nihilominus Gratia, & supplicium culpæ subiectio, & subordinatio illius aliquo modo est immutata. Potest Angelus superior naturaliter in naturali perfectione cogere inferiorem, aut resistere, ne suâ virtute exterius operativâ utatur, quia sicut est naturâ superior, ita etiam activitate. Ordo hic

autem non est mutatus in Dæmonibus inter se, sed respectu Sanctorum Angelorum est immutatus; quia, licet Angelus bonus sæpe sit inferior in natura, minimus nihilominus Sanctus Angelus potest cogere summum Dæmonem, & ei efficaciter præcipere, cum tunc non operetur solâ virtute naturali, sed ut Minister Dei, sine cujus nutu, & voluntate nihil intendat. Communis hæc est Theologorum sententia, qua præmissâ, ad institutum nostrum deveniendo, querit Sanctus Thomas, 1. part. quæst. 114. art. 4. utrum Dæmones possint homines seducere per aliqua Miracula: & respondet, vera ab eis propriâ virtute edi Miracula non posse, cum Miraculum propriè sit illud, quod fit præter ordinem totius naturæ creatæ, sub quo ordine omnis natura creata continetur; posse tamen a malis Angelis aliqua fieri, quæ humanam facultatem, & considerationem excedunt, & sic quæ largè, & improprie Miracula dici possunt. Idem Sanctus Doctor in Quæstionibus disputatis quæst. 6. de Miraculis art. 3. docet, quòd, sicuti Angeli boni per Gratiam aliquid possunt ultra naturalem virtutem, ita Angeli mali minùs possunt ex Divina Providentia eos reprimente, quàm possent secundum virtutem naturalem, & quòd quædam non possunt, etiamsi agere permittantur, quia naturæ modus eis a Deo præstitus hoc non permittit; & concludit, quòd idcirco ipsi vera

24 De Serv. Dei Beatif. et Beat. Canoniz.

vera Miracula facere non possunt, cum nulla detur eis a Deo potestas quod ad illa, quæ sunt supra facultatem naturæ.

3 Quæcumque ergo Dæmones insolita, & admiranda in rebus corporeis operantur, triplici modo operantur, juxta doctrinam Divi Thomæ 1. part. quæst. 114. art. 4. in corpore, & in responsione Ad primum; vel per illusionem sensuum tam interiorum, quàm exteriorum, quibus obijciunt, vel immittunt species, & phantasmata earum rerum, quæ nusquam sunt, vel non sunt præsentibus, vel per summam, atque imperceptibilem celeritatem, sublato aliquo corpore, & alio in ejus locum substituto, ut recenter, ac subito generatum videatur; aut applicando activa passivis, ut vel generetur aliquid novum, & insolitum, vel aliquid solitum quidem, & vulgare, sed novo, & inusitato, atque hominibus incognito generationis modo. Per illusionem sensuum tam interiorum, quàm exteriorum facta sunt ea, de quibus in Can. Nec mirum 26. quæst. 3. ubi sic legitur: *Fertur in Gemisilium Libris, quod quadam Maga famosissima Circe socios Ulyssis mutaverat in bestias. Legitur & de Sacrificio, quod Arcades Deo suo Lycas immolabant, ex quo quicumque sumerent, in bestiarum formas convertebantur. Sed hæc omnia magicis præsidiis potius fergebantur, quàm rerum veritate completerentur; & ad hanc eandem classem referri posse videntur ea, quæ de Strigibus narrantur ad conventicula a Dæmone deportatis, juxta alium Textum in Can. Episcopi 26. quæstion. 3. ubi hæc habentur: Illud etiam non est omittendum, quod quadam scelerata mulieres retro post Satanam conversa Dæmonum illusionibus, & phantasmatis seductæ credunt, & pro-*

fitentur, se nocturnis horis cum Diana Dea Taganorum, vel cum Herodiade, & innumera multitudine Mulierum equitare supra quasdam bestias, & multarum terrarum spatia insepulta noctis silentio pertransire, ejusque jussionibus, velut Domino, obedire, & certis noctibus ad ejus servitium evocari &c. Quapropter Sacerdotes debent, ut noverint, Populo predicare, hæc omnino falsa esse, & non a Divino, sed a maligno spiritu talia phantasmata mentibus Fidelium irrogari: quamvis non desint Catholici Scriptores, qui, hæc deportationes aliquando verè factas fuisse, & fieri Dæmonum potestate, admittunt, Paulus Grillandus in Tractatu de Sortilegiis num. 26. Del Rio Disquisit. Magicar. lib. 2. quæst. 16. Laurentius Anianus de Natura Dæmonum lib. 4. cap. 4. Alfonsus a Castro Lib. de impia Sortilegarum hæresi cap. 4. & novissimè Fralsen in suo Scoto Academico tom. 4. Romana Editionis anni 1721. tract. 1. disput. 3. art. 3. in Appendice de Strigibus §. 3. Notissima sunt, quæ referuntur de Iphigenia filia Agamemnonis, & Clytemnestræ in Cervam conversæ, quod Sanctus Augustinus lib. 18. de Civitate Dei cap. 18. contigisse ait per subtractionem Iphigeniæ, & substitutionem ejus loco Cervam per summam, & imperceptibilem Dæmonis celeritatem: Dioneides autem volucres, quandoquidem genus earum per successionem propaginis durare perhibetur, non mutatis hominibus factas, sed subtractis credo fuisse suppositas, sicut Cervæ pro Iphigenia Regis Agamemnonis filia. Neque enim Dæmonibus judicio Dei permixti hujusmodi præsidia difficiles esse potuerunt, sed, quia illa Virgo postea rursus reperta est, suppositam pro illa Cervam esse, facili cognitum est, & similisque historia existat apud Eusebium lib. 7. Histor. Eccles. cap. 14. =

Dum

Dum apud Casaream a Gentibus solemnibus hostia immolaretur, factum est, ut opera Demonis tantâ esset sublata celeritate, ut videretur in Calum elata fuisse. Sed, cum quidam nomine Asyrius Deum rogaret, ne ita fieret hominibus illud, aperti sunt oculi illorum, ut viderent, hostiam illam ad vicinas paludes fuisse delatam, & ibi barere. Optimè de his, & similibus ita loquitur Vives ad cap. 16. Sancti Augustini de Civitate Dei lib. 10. ad ea verba: Quorum pleraque (loquitur Sanctus Doctor de prodigiis Gentilium) specie tenus mortalium sensus imaginariâ ludificatione decipiunt. En verba Vives: Multa sibi homines cogitatione fingunt, qua sibi visâ sunt videre, cum nihil viderint; idque, phantasmate aliquo oblato, tam fit facile, ut nihil crebrius contingat. Unde maxima pars eorum, qua de spectris, & visione Dæmonum narratur, est orta: tum etiam Dæmones oculis nostris illudunt. Nec mirum est, hæc fieri posse a Dæmonibus, & falli ab eis obtutus nostri aciem, cum a Circulatoribus nobis sic imponatur, ostendanturque, qua, nisi a tali hominum genere agerentur, pro Miraculis qui caperent, non deessent &c. Ita, qui edit panem, sperere cernitur farinam secam, qui bibit vinum, per frontem id, aut etiam per jugulum remittit. Magno spectatorum metu, ac horrore gladii vorantur, et ingens vis evomitur acuum, zonalium, nummorum. Transeo, qua ex Magia naturali sunt, subito apparere convivas omnes truncos, aut asininis caputibus, extendi per triclinium vitam, quorum rationem plurimi norunt, nam Libri his de rebus sunt conscripti, & factu facilia sunt. Quamvis magis Dæmones, qui nobis & agilitate præstant, & peritiam rerum natura. Et quod ad applicanda activa passivis, ut vel generetur aliquid novum, & insolitum, vel aliquid solitum quidem, & vulgare,

sed novo, & inusitato, atque hominibus incognito generationis modo, ponderari possunt, quæ Author Testamenti duodecim Patriarcharum refert de assumpta a perduellibus Angelis virorum nonnullarum mulierum, sed gigantea specie, furtivoque cum eis habito concubitu, ex quo Gigantes nati sunt, affectâ mulierum phantasiâ ludibrio formæ gigantes, nisi hoc inter fabulas sit recensendum, quemadmodum ostendit Calmet in sua Dissertatione de Gigantibus, vel quæ leguntur de Dæmonibus incubis, & succubis, de quibus plura habentur apud Del Rio lib. 2. Disquisit. Magicæ. quæst. 15. apud Sixtum Senensem in Biblioth. lib. 5. annotat. 73. apud Raynaldum ad annum 1317. num. 53. apud Sanctum Bonaventuram in 4. Sent. dist. 44. dub. 5. apud Sanctum Thomam 1. part. quæst. 51. art. 3. Ad sextum, & in 2. Sentent. dist. 8. art. 4. quæst. 1. & de Potentia quæst. 6. art. 8. Ad quantum: quamvis enim prædicti concubitus communiter admittantur, sed generatio a nonnullis excludatur, quos congerit, & sequitur Frassen. cit. tom. 4. tract. 1. disput. 2. art. 3. sect. 3. quæst. 2. concl. 2. & quæst. 1. & fundatissimè ostendit Calmet in sua Dissertatione de Antichristo art. 5. 6. Facile quidem; alii tamen, tum concubitus, tum generationem fieri posse, & factum fuisse, existimaverunt, modo quodam novo, & inusitato, & hominibus incognito, veluti prosequitur Vallerius de Sacra Philosophia cap. 8. ubi, admisso concubitu cum Dæmonibus juxta explicationem ab eo retentam capitulum sexti Geneseos = Postquam enim ingressi sunt filii Dei ad filias hominum, illaque genuerunt, isti sunt potentes a sæculo viri famosi = quærit = Quo pacto generant =

D

& ref.

26 De Serv. Dei Beatif. et Beat. Canoniz.

& respondet: Certè non generant; neque id dicitur in Sacris Eloquiis, sed ingressi sunt filii Dei ad filias hominum, & illa genuerunt. Itaque, illis ad eas ingressi, ipsæ genuerunt, & ex proprio semine, & ex seminibus hominum, quæ, cum petulanter in illa totius carnis corruptione effunderentur, receptabantur a succubis, & in uteros earum, quæ se illis subdebant, immittebantur eâ celeritate, ut generativus spiritus non dissiperetur; & sequitur Suarez tom. 1. de Religione lib. 2. de Superstitione cap. 16. §. Quarto statuendum est.

4 Aaron Exodi cap. 7. virgam projecit coram Pharaone, quæ versa est in colubrum, Malefici quoque virgas suas projecerunt, quæ versæ sunt in dracones; sed virga Aaron devoravit virgas eorum. Moyses, & Aaron virgâ percusserunt aquam fluminis, quæ versa est in sanguinem; & similiter fecerunt Malefici incantationibus suis. Item Exodi cap. 8. idem Aaron extendit manum super fluvios, & paludes, & eduxit ranas super terram Ægypti; & similiter fecerunt Malefici per incantationes suas. Extendit denique Aaron virgam, & pulverem percussit terræ, & facti sunt scinifes in hominibus, & jumentis; cùmque Malefici scinifes educerent, id præstare non poterunt. De hisce Magorum operationibus quæritur, an fuerint illusiones, an verè quidem ranæ, verique serpentes a Magis procreati fuerint, vel loco virgarum Magi substituerint serpentes, & ranas aliunde allatas; ea quippe verba Exodi = *Projeceruntque singuli virgas suas, quæ versæ sunt in dracones* = eam pati possunt interpretationem, ut nomine conversionis suppositio, vel successio unius in locum alterius intelligenda sit, eo mo-

do, quo 2. Regum 19. dicitur = *Versa est victoria in luctum* = quia victoriæ successit luctus, & Job 30. = *Versa est in luctum cithara mea* = & Joannis 16. = *Tristitia vestra vertetur in gaudium*. S. Thomas cit. quest. 6. de Potentia, seu de Miraculis art. 5. Ad octavum rejicit illorum sententiam, qui existimant, conversionem virgarum in serpentes fuisse tantum secundum apparentiam per aliquam præstigiosam illusionem, & adheret sententiæ Sancti Augustini, qui vult, veram fuisse virgarum conversionem in serpentes; additque, Demones id fecisse per aliqua femina collecta, quæ vim habebant putrefaciendi virgas, & in serpentes convertendi. Repetit hoc ipsum 1. part. quest. 114. art. 4. in corpore, ubi sic loquitur: *Sciendum est tamen, quòd, quamvis hujusmodi opera Demonum, quæ nobis Miracula videntur, ad veram rationem Miraculi non pertingant, sunt tamen quandoque vera res, sicut Magi Pharaonis per virtutem Demonum veros serpentes, & ranas fecerunt. Alii censent, prædictas operationes fuisse præstigiosas. Quæstio doctè pertractatur a Calmet in sua Dissertatione de veris, falsisque prodigiis, ubi post plura tandem concludit, patrandorum Miraculorum auctoritatem penes Deum, unicè manere, & prodigia de Magis Pharaonis relata esse reputanda mera Demonis præstigia.*

5 Dices, in superioribus a nobis admissum fuisse, nonnulla dari vera Miracula, quæ non excedunt vires, & facultatem naturæ visibilis, atque corporeæ; item admissum fuisse, quòd omnis virtus, & potestas operandi ad extrâ, sive actione transeunte, & corporali, quæ Angelis est naturalis, integra manlit in Demonibus; & idcirco admittendum etiam esse, posse a De-

Lib. IV. Pars Prima Cap. III. 27

a Dæmone fieri vera Miracula, non excedentia quidem vires, & facultatem naturæ invisibilis, & incorporeæ, sed tantum visibilis, & corporeæ: & eò magis, cum *Genesis cap. 3.* Dæmon, assumptâ serpentis specie, Hevam allocutus sit, *Genesis cap. 19.* Uxor Lot conversa fuerit in statuam salis, *lib. 3. Regum cap. 22.* Dæmon deceperit Achab Regem Israel, & Prophetas ejus, in *Libro Job cap. 1.* Dæmonis operâ ignis e Cælo ceciderit, & oves, & pueros Job consumpserit, *Danielis cap. 4.* Nabuchodonosor ex hominibus abjectus sit, & fœnum, ut bos, comederit, Dæmon per aerâ detulerit Christum Dominum in pinnaculum Templi, ut ex *Matthæo, & Luca* desumitur, quibus si addantur veræ Dæmonum apparitiones in corporibus assumptis, & tot alia, quæ in probatis historiis leguntur, nil clarius asserri posse videtur, ut suadeatur, Dæmonem suâ virtute naturali posse Miracula facere, si Miracula sunt, quæ excedunt vires, & facultatem naturæ visibilis, & corporeæ.

6 Pro responsione autem refumenda sunt, quæ modò dicta fuerunt, Divinam videlicet Providentiam Angelos malos reprimere, ne ea faciant, quæ virtute suâ naturali facere possent: ex quo sequitur, non posse, ab eis fieri vera Miracula, non solum si loquamur de Miraculis excedentibus vires totius naturæ, sed excedentibus tantum vires naturæ visibilis, atque corporeæ; cum unum, idemque serè sit non habere virtutem naturalem, & eam habere impedimentum, ne, nisi alio volente, exeat in actum, & effectum producat, quem producere posset. Sanctus Thomas 1. 2. *quest. 80. art. 2. in corpore* hæc habet: *Dictum est, quod natura corporalis spirituali natura-*

liter obedit ad motum localem; unde & Diabolus omnia illa causare potest, quæ ex motu locali corporum inferiorum provenire possent, nisi Virtute Divinâ reprimatur. Ante Sanctum Thomam fuerat hoc scriptum a Sancto Augustino de *Civitate Dei lib. 2. cap. 23.* ubi ita ait: *Et, si aliquando in his rebus Dæmones possunt, tantum possunt, quantum secreto omnipotentis Dei arbitrio permittuntur. Sicut mali homines in terra, sic etiam illi non omnia, quæ volunt, facere possunt, nisi quantum illius ordinatione finiantur, cujus plena judicia nemo comprehendit, nemo reprehendit.* Repetit hoc ipsum idem Sanctus Augustinus *lib. 18. cap. 18.* sequentibus verbis: *Firmissimè credendum est, omnipotentem Deum omnia posse facere, quæ voluerit, sive judicando, sive prestando, nec Dæmones aliquid operari secundum naturæ suæ potentiam, quia & ipsa Angelica natura est, licet proprio sit vitio maligna, nisi quod ille permiserit, cujus judicia occulta sunt multa, injusta nulla.* Adhæret Pererius ad *cap. 7. Exodi dispart. 4. in fine*, ubi hæc habet de Dæmonibus: *Non, quæcumque possunt facere, licet eis, & quando volunt, & quantum volunt facere, sed tantum, quantum eis per Dei Providentiam concessum est; habent enim naturalem suam potestatem restrictam, & quasi ligatam a Deo vel ad exercendos, probandosque bonos, ut adversus Job, vel ad castigandos, & puniendos improbos, ut adversus Regem Achab, & Prophetas ejus.*

7 Et quamvis ex allatis exemplis deduci posse videatur, Deum sæpius relaxasse interdictum Dæmoni factum, eumque usum fuisse suâ naturali potestate, nonnulla efficiendo, quæ excedunt vires, & facultatem naturæ visibilis, & corporeæ; si ea tamen demantur, in quibus nihil mirabile contigit, item si demantur ea, in quibus

28 De Serv. Dei Beatif. et Beat. Canoniz.

nihil a Dæmone actum est, si quoque demantur ea, de quibus tutum iudicium ferri non potest, & tandem si seriò ponderentur requisita pro vero Miraculo constituendo, unusquisque facili negotio deprehendere poterit, vera Miracula a Dæmone fieri non posse, etiam si aliqua aliquando ab eo facta sint, quæ vires excedunt, & facultatem naturæ visibilis, & corporeæ.

8 Initio autem ducto ab his, in quibus nihil mirabile contigit, tale est illud, de quo lib. 3. *Regum* cap. 22. ibi etenim cum dixisset Dominus = *Quis decipiet Achab Regem Israel?* = & unus ex Dæmonibus uno, alius alio modo dixisset, *Spiritus coram eo stetit*, & ait: *Ego decipiam eum.* Cui Dominus: *In quo, inquit, decipies?* At ille respondit: *Egrediar, & ero spiritus mendax in ore omnium Prophetarum ejus.* Dixitque Dominus: *Decipies, & praevaleris: egredere, & fac ita.* Quid enim, quæso, hac in re Miraculi continetur? Representatur Deus uti Monarcha, qui universum Mundum gubernat supremâ authoritate. Angeli sunt velut ipsius Ministri, & Divinæ voluntatis executores, cum agitur de manifesta ejus potentia, & bonitate. Dæmones nihil aliud quarunt, quam hominem perdere, & peccatis obruere, sed qui nihil agere possunt absque expressa permissione Dei omnipotentis. Legi potest Calmet ad cap. 1. *Jb*, ubi quoque loquitur de facto Achab: cumque ex toto contextu nihil aliud desumatur, nisi quod incensam præcedentium peccatorum Deus permisit, ut Achab a Dæmone deciperetur, nihil est in tota hac re, ut serie, quod Miraculo adscribi possit.

9 Transcendo ad alia, in quibus

nihil a Dæmone actum est, tale est illud conversionis Regis Nabuchodonosor in bestiam; omnia quippe virtute Divinâ facta sunt, nec ulla in Sacro Textu de malis spiritibus mentio habetur. Cornelius a Lapide ad cit. cap. 4. *Danielis* post Sanctos Hieronymum, Gregorium, & alios inquit, a Rege animam rationalem non recessisse, & dici, conversum fuisse in bestiam, cum habitus ejus magis ferinus fuerit, quam humanus, semper nudus, curvus, & pronus, manibus, & pedibus reptans uti bestia, & quadrupes incesse, herbas, & radices comederit, & mentis usum, & lingua amiserit: & Calmet in sua *Dissertatione de Metamorphosi Nabuchodonosoris* totam Regis metamorphosin refert vitio accepto errantis phantasiæ, & Miraculum constituit tum in expositione somnii facta a Propheta, tum in subitanea morbi invasione, & demum in definitione momenti, quo post septennium morbus terminare debebat, prout terminavit.

10 Subsequitur, ut aliqua innuamus de his, quæ incerta sunt. Tale est illud conversionis Uxoris Lot in Statuam salis: licet enim (posthabitis explicationibus, quod videlicet sulphuris odore prælocata exanimis corruerit, & ejus Cadaver sensim duritiem induerit, aut quoddam flammis, fumoque prælocata rigida, & immota perliterit) recepta sit, & vera sententia, quod ea verè in saxum, sive in lapideum salem conversa fuerit, & immutata, qui non modò pluviis liquetactus non sit, verum etiam emulans duritiem cujuslibet durissimi lapidis adhuc persistet, testantibus nonnullis, qui Palestinam peragraverunt, se vidisse Uxorem Lot, seu lapidem, in quem conversa est (Natalis Ale-

Alexander in *Historia Ecclesiastica veteris Testamenti* tom. 1. Editionis Parisiensis anni 1714. pag. 181. Graveſon in *Historia Ecclesiastica veteris Testamenti* tom. 1. pag. 363.) incertum tamen eſt, an id factum ſit a Deo utente bonis, vel malis Angelis, ut innuit Divus Thomas *quaest. 16. de Malo art. 9. Ad tertium*. Tale eſt illud, de quo Matthæi *cap. 4.* ubi legitur: *Tunc aſſumpſit eum*, videlicet Chriſtum Dominum, *Diabolus in Sanctam Civitatem*, & *ſtatuit eum ſuper pinnaculum Templi*; licet enim translatio hæc fuerit localis, & non imaginaria, juxta veriore ſententiam, pro qua ſtant Sanctus Thomas 3. *part. quaest. 41. art. 4. Ad ſextimum*, Cardinalis Baronius ad annum Chriſti 31. num. 20. Cornelius a Lapide ad *cap. 4. Luca*, Natalis Alexander ad *cap. 4. Matthæi*, & ad *cit. cap. 4. Luca*, incertum nihilominus eſt, an Chriſtus Dominus fuerit per aera translatus, vel ductus ad pinnaculum Templi, ut bene annotavit Calmet ad dictum *cap. 4. Luca*: nec enim pro excludenda hac incertitudine proſunt ea verba: *Aſſumpſit eum Diabolus in Sanctam Civitatem*, cum Matthæi 17. legatur de Chriſto: *Aſſumens Jeſus Petrum, Jacobum, & Joannem*, quod certe de deportatione intelligi non poteſt, & ſtatim ſubdatur: *Et ducit illos in montem excelſum ſeorſum*, veluti annotarunt Graveſon de *Mysteriis*, & Annis Chriſti diſſert. 12. §. Utrique dubio, Eminentiffimus Gotti in *Veritate Religionis Chriſtiane* tom. 4. *part. 1. cap. 18. §. 3. num. 27.* & conſimilibus verbis Sanctus Lucas utatur narrans *cap. 4.* quæ inter Chriſtum, & Dæmonem contigerunt in Hieruſalem: *Et duxit illum Diabolus in montem excelſum, & oſtendit illi omnia Regna. Orbis terra in momento temporis &c. & duxit illum in*

Hieruſalem, & ſtatuit eum ſuper pinnaculum Templi.

11 Tandem, ſi ſerid ponderentur requiſita pro vero Miraculo conſtituendo, de quibus infra *cap. ſequenti* unuſquiſque facili negotio deprehendere poterit, a Dæmone vera Miracula fieri non poſſe ſua virtute naturali, etiamſi ab eo aliqua aliquando facta eſſent, quæ excederent vires, & facultatem naturæ viſibilis, & corporeæ, & quæ in ſe iſis conſiderata, Miracula minora dici potuiſſent. Ex infra dicendis, Efficacia, Duratio, Utilitas, Modus, & Finis ea ſunt, per quæ verum a falſo Miraculo diſtinguitur, & ſecernitur: cumque Utilitas, & Finis nunquam adelle poſſint in his, quæ a Dæmone propriâ virtute naturali ſiunt, etſi excedant vires, & facultatem naturæ viſibilis, & corporeæ, inferitur, ea a Dæmone facta propriâ virtute naturali veri Miraculi naturam habere non poſſe. Pro hac aſſumptione faciunt a nobis dicta ſuperiori lib. 3. *cap. 30.* dum agebatur de diſcernendis Viſionibus, & Apparitionibus. Facere quoque poteſt illud Geneſis ſupra relatam, cum Serpens Hevam ſeducit Serpens verus fuit ille, qui erat in Paradifo terreſtri; quæ enim dicuntur *Geneſis cap. 3.* de pœna Serpentis, quod maledictus ſit ſuper omnia animantia, & beſtias terræ, quod ſuper pectus ſuum gradiatur, quod terram comedat, vero, & naturali tantum Serpenti applicantur. Dæmon, qui ceciderat, invadebat homini adhuc ſtanti, & eum perdere volens, utenſque, permutente Deo, ſua naturali facultate, quæ excedit vires, & facultatem naturæ corporeæ, & ſenſibilis, Hevam allocutus eſt per Serpentem, uti explicat Sanctus Auguſtinus de *Civitate Dei* lib. 14. *cap.*

30 *De Serv. Dei Beatif. et Beat. Canoniz.*

cap. 10. frequentibus verbis: Cui, loquitur de Homine, utique stanti, quoniam ipse ceciderat, inuidebat, Colubrum in Paradiso corporali, ubi cum duobus illis hominibus masculo, & femina animalia etiam terrestria cetera subdita, & innoxia versabantur, animal scilicet lubricum, & tortuosus anfractibus mobile, operi suo congruum, per quem loqueretur, elegit, eoque per Angelicam presentiam, prastantioremque naturam spiritali nequitia sibi subiecto, & tamquam instrumento abutens fallacia sermocinatus est feminae; nisi forte dicendum sit, quoddam, volente Dæmone hominem tentare, & eum seducere, noluit Deus, ut id faceret per Columbam, aut Ovem, quæ sunt naturæ simplicis, & innocentis, sed per Serpentem, ut, sicuti Diabolo permettebat tentare, ita hominem admoneret ex ipsa etiam forma Serpentis, quem callidum animal esse non ignorabat, ut caveret infidias, ut innuit idem Sanctus Augustinus lib. 11. de Genesi ad litteram cap. 3. ubi hæc habet: Non est putandum, quid Diabolus Serpentem, per quem tentaret, elegerit; sed, cum decipere cuperet, non potuit, nisi per quod animal fuisse a Deo permissus est. Nocendi enim cupiditas inest cuique a se, sed potestas a solo Deo est. Huic ultimæ sententiæ tamquam probabiliori subscribit Cardinalis Bellarminus de Amiffione Gratiæ, & Statu Peccati lib. 3. cap. 3. At, quomodocumque res se habuerit, Dæmonis locutio per Serpentem fuit aliquid excedens vires, & facultatem naturæ corporeæ, & sensibilis; sed, deficientibus circumstantiis Utilitatis, & Finis, ea locutio verum Miraculum dici non potest.

12 Uno verbo, nec Angelus bonus, nec Angelus malus suâ naturali virtute possunt Miracula facere, quæ

excedant vires, & facultatem cuiuscumque naturæ creatæ. Angelus bonus naturalem, & integram habet facultatem plura faciendi, quæ excedant vires, & facultatem naturæ visibilis, & corporeæ, & cum obsequens Deo eâ utatur, si id, quod efficit supra vires, & facultatem naturæ corporeæ, & visibilis, est arduum, insolitum, & ab unoquoque admirandum, hoc utique classi Miraculorum minorum, sed quæ vera sunt Miracula, erit adscribendum, & potissimum, cum Efficacia, Duratio, Utilitas, Modus, & Finis in eo numquam desint; huiusque effectio Miraculi, uti quoque supra dictum est, erit in Deum referenda tamquam in causam efficientem principalem Miraculorum, qui Angelo sibi obsequenti imperavit, ut suâ naturali facultate vires, & facultatem naturæ visibilis, & corporeæ excedente uteretur. Angelus malus suâ naturali virtute plura facere posset, quæ excederent vires naturæ visibilis, & corporeæ ad instar Angeli boni. At, cum Deus ei interdixerit in pœnam peccati, & ne ob suam malitiam totum Mundum perderet, prædictâ uti facultate, necesse est, interdictum relaxari, ut eâ uti valeat: cum autem, relaxato interdicto, & effectis a Dæmone nonnullis excedentibus vires naturæ visibilis, & corporeæ, semper in eis deficient veri Miraculi characteres modò recensiti, & infra latius referendi, hinc est, quoddam effecta numquam vera Miracula dici poterunt, & etiam locus erit præsumptioni, quoddam facta fuerint per modum artis, quæ obstat Miraculo. Miracula enim sunt testimonium Divinæ Virtutis, & Veritatis, & Divinam Bonitatem non decet ea Dæmoni committere, juxta doctrinam

nam Divi Thomæ in *Questionibus disputatis quest. 6. de Miraculis art. 5.* ubi, propositâ quæstione: *Utrum etiam Dæmones operentur ad Miracula faciendâ* respondet, id fieri non posse, quia, cum operatio miraculosa sit quoddam Divinum testimonium indicativum Divinæ Virtutis, & Veritatis, si Dæmonibus, quorum est tota voluntas ad malum, aliqua potestas daretur faciendi Miracula, Deus falsitatis eorum testis existeret, quod Divinam Bonitatem non decet; cumque immediatè Sanctus Doctor nonnullas referat operationes a Dæmone factas, quæ Miraculo adscribi possent, tandem concludit: *Neutra tamen operatio est miraculosa, sed est per modum artis, ut supra diximus; & ideo simpliciter dicitur, quid per Dæmones vera Miracula fieri non possunt.*

13 Quod si dicatur, doctrinam mox relatam Divi Thomæ loqui de Miraculis, quæ excedunt vires, & facultatem totius naturæ creatæ; item, Utilitatem, Modum, Finem, & cæteras circumstantias, quæ verum a falso Miraculo secernunt, posse etiam concurrere, in his, quæ a Dæmone suâ sunt naturali virtute supra vires, & facultatem naturæ visibilis, & corporeæ, si Deus videlicet interdictum relaxet, eique mandet, ut prædicta efficiat; & demum, præter allata, tot alia existare a Dæmone effecta supra vires, & facultatem naturæ visibilis, & corporeæ, ut impossibile quodammodo videatur ab unoquoque eorum veri Miraculi ideam avertere: respondemus, nos non invitos admittere, allegatum textum Divi Thomæ loqui de Miraculis, quæ excedunt vires totius naturæ; Deo auctore, Dæmonique mandante, ut hæc, & alia efficiat supra vires, & facultatem naturæ visibilis, & corporeæ, posse in sic ef-

fectis adesse circumstantias, quæ verum a falso Miraculo secernunt; alia multa, præter allata, adesse a Dæmone facta supra vires, & facultatem naturæ visibilis, & corporeæ; sed, hæc minimè obstantibus, contendimus, verum Miraculum suâ naturali virtute a Dæmone fieri non posse, sive sermo sit de Miraculo excedente vires totius naturæ, sive de Miraculo excedente tantum vires naturæ visibilis, & corporeæ.

14 Dictum est, nos non invitos admittere, doctrinam Divi Thomæ procedere in Miraculis, quæ excedunt vires totius naturæ creatæ, sed, hoc minimè obstante, non posse a Dæmone fieri suâ naturali virtute verum Miraculum excedens vires tantum naturæ visibilis, & corporeæ: cum enim Divus Thomas doceat, non posse a Dæmone fieri verum Miraculum excedens vires totius naturæ creatæ, ne Deus falsitatis Dæmonis testis sit, & hæc eadem ratio sibi quoque vindicet locum in vero Miraculo, licet excedente tantum vires naturæ visibilis, & corporeæ, suo Marte sequitur, a Dæmone suâ virtute naturali verum huius generis Miraculum fieri non posse, etiamsi admittatur, doctrinam Divi Thomæ loqui de Miraculis alterius generis, ejus videlicet, quod excedit vires totius naturæ creatæ. Non possunt Angeli sistere Cælum, vel contrario motu celerius, tardiusve ipsum movere, quam secundum inclinationem naturalem movetur, aut Stellam Cælo deducere; id enim postulat connexio, & ordo Universi semel a Deo institutus, quem nulla causa particularis immutare valet, juxta doctrinam Divi Thomæ de *Potentia quest. 6. art. 8. opusc. 10. art. 16. & opusc. 11. art. 5.* quam latè exornant Vi-

32 De Scriv. Dei Beatif. et Beat. Canoniz.

Victoria relat. 12. de Arte Magica num. 32. Eftius in lib. 2. Sent. dist. 7. §. 16. vers. Quantum : possunt tamen suâ naturali virtute Angeli etiam mali ignem ex superiore aeris parte demittere, quo multa consumantur, possunt vehementes, & turbulentos ventos immittere, qui magna diruant ædificia, unde Job 1. legitur: *Ignis Dei cecidit in Cælo, & tactas oves, puerosque consumpsit &c. Repentè ventus ardens irruit a regione deserti, & concussit quatuor angulos domus, pluribusque prosequitur Castald. de Potestate Angelica tom. 1. disput. 1. quest. unic. art. 3. num. 13. unde videmus, Ecclesiam in suis precibus Deum exorare, ne prædicta sinat a Dæmone fieri. Ignis ergo de Cælo demissio, quæ fiat Angeli nutu, aut virtute, Miraculum est, non quidem excedens facultatem totius naturæ creatæ, sed excedens facultatem tantum naturæ visibilis, & corporeæ, cumque ignis de Cælo demissio, orante Eliâ, facta sit, & voraverit holocaustum, & ligna, & lapides, nec ea facta sit frustra clamantibus Prophetis Paal, in eo videlicet rerum eventu, in quo agebatur de veri Dei cultu, & in quo, si ad preces falsorum Prophetarum cecidisset, Deus fallitatis testis fuisset, uti habetur lib. 3. Regum cap. 18. ex his inferitur, verum a Dæmone Miraculum fieri non posse, etiam si sermo sit de Miraculo excedente tantum vires naturæ visibilis, & corporeæ, & Divi Thomæ doctrinam loquentem de veris Miraculis excedentibus vires totius naturæ creatæ procedere etiam in veris Miraculis excedentibus tantum vires naturæ visibilis, & corporeæ, quemadmodum, ponderato hoc exemplo, bene annotavit Pater Putignanus part. 1. de redemptivo Sanguine Sancti Januarii cap. 3. num. 9.*

13 Dicitur est quoque, posse in effectis a Dæmone supra vires, & facultatem naturæ visibilis, & corporeæ, si facta sint, Deo mandante, adesse circumstantias, quæ verum a falso Miraculo secernant, sed, hoc minime obstante, a Dæmone non posse fieri vera Miracula, quamvis excedentia tantum vires, & facultatem naturæ visibilis, & corporeæ. Fieri enim potest, ut Deus in Miraculis exhibendis, & præsertim in punitione malorum, utatur Dæmonum ministerio, ut indicare videtur Sanctus Augustinus in Expositione Psalm. 77. ad illud = *Immissiones per Angelos malos* = & expressè docet Joannes Gerson in Sermone quodam super Evangelium Domini ca. 19. post Pentecosten; sed hinc non sequitur, Dæmonem suâ virtute naturali Miracula facere posse, etsi tantum excedentia vires, & facultatem naturæ visibilis, & corporeæ, veluti bene animadvertit Eftius loc. cit. §. 20. = *Per Dæmones facere potest Deus vera Miracula, velut, si per eos hominem aliquem insigniter sceleratum extraordinario modo punire velit ad ostendendum hominibus, quantopere ipsi peccata displiceant; & hoc modo facta intelligi possant quædam punitiones impiorum, quas Scriptura commemorat: ubi tamen notandum, non hic fore consequens, ipsos Dæmones facere Miracula &c. Unde, licet concedatur; Deum per Dæmones interdum facere Miraculum, non tamen conceditur, ipsos Dæmones facere Miracula; quia nec ipsi Dæmones predicant veritatem, quam cupiant Miraculo confirmari, nec ad declarandam eorum Sanctitatem, quæ nulla est, ulla Miracula vel ab ipsis sumi, vel ab aliis: horum autem alterutrum requiri videtur ad hoc, ut quis secundum modum, loquendi Fidelibus usitatum dicatur facere Miraculum. Pro hac responsione, seu*

feu Estii doctrina facere potest illud, quod legitur *ex cap. 1. Libri Job* : cum enim Dominus in Dæmonis potestate posuisset universa, quæ Job habebat, exceptâ ejus personâ = *Ecce universa, quæ habet, in manu tua sunt, tantum in eum ne extendas manum tuam* = ignisque e Cælo delapsus ejus oves, & pueros consumpsisset, uti dictum est, ignis hic in Scriptura dicitur ignis Dei: *Ignis Dei cecidit de Cælo* : quo ipso nomine appellatur etiam ignis ille, qui ad preces Eliæ e Cælo delapsus est, uti legitur *lib. 3. Regum cap. 18.* = *Cecidit autem ignis Domini.*

16 Dictum denique est, præter alia, alia plura adesse exempla effectorum a Dæmone supra vires, & facultatem naturæ visibilis, & corporeæ, sed, hisce minimè refragantibus, semper subsistere, verum a Dæmone non posse suâ naturali virtute fieri Miraculum, etsi tantum excedens vires, & facultatem naturæ visibilis, & corporeæ : de unoquoque quippe eorum verificantur, quæ Estius *loc. cit. §. 19.* insinuat, loquendo de falsis Miraculis: *Falsa Miracula aut solam habent admirationem, aut humane curiositati serviunt, aut talia sunt, quibus tantum nocetur hominibus, aut, si prodesse videantur, habent tantum id faciunt, quia eorum auctores Dæmones a nocumento desistunt, vel pro qualicumque beneficio corporali, cuius tamen naturales cause possent a sagacioribus inveniri, gravissimâ superstitione, & impietate animas obligant. Quæ omnia contrario modo reperiuntur in Miraculis veris, qualia sunt, quæ a Christo, & Ministris ejus Prophetis, & Apostolis facta legimus.*

17 Hæc innuisse satis sit pro eo, quod attinet ad malos Angelos, licet ultro fateamur cum Sancto Augustino *lib. 3. de Trinitate cap. 9.* diffi-

cile admodum esse, quin & impossibile scire, quid Dæmones per naturam facere, & quid per Dei interdictum facere non possint : *Quid autem possint per naturam, nec possint per prohibitionem, & quid per ipsius naturæ suæ conditionem facere non fiantur, homini explorare difficile est, immo verè impossibile, nisi per illud donum Dei, quod Apostolus commemorat dicens: Alii dijudicatio spirituum.* Nunc autem transeundo ad infideles, & hæreticos, nec enim ibi habendus est sermo de Christianis peccatoribus, sed rectè Fidei imbutis, an scilicet dono, seu gratiâ Miraculorum aliquando præditi esse possint, cum de hoc puncto actum sit *lib. 3. cap. 44. num. 8.* Anastasius Nicænus *quest. 23. in Sacram Scripturam* ad ea Christi Domini verba alibi relata dicentis, se non cognoscere eos, qui dixerant, in nomine suo virtutes fecisse, & prophetasse, ait, id esse intelligendum de peccatoribus orthodoxis signa facientibus, non autem de hæreticis, quorum signa sunt Dæmonum illusiones. Author *Tractatus de Canonizatione Sanctorum ad Cardinalem Montis Regalis §. part cap. 5.* strenuè contendit, quod omnia, quæ referuntur, Miracula ab hæreticis, & infidelibus patrata fuerunt mera Dæmonum ludibria, & apparentes prestigix; quod ipsum latè prosequuntur *Malvenda de Antichristo lib. 7. cap. 15.* & Theophilus Raynaudus in *Theologia naturali, Operum tom. 5. disput. 4. quest. 4. art. 6.* Res theologicè pertractatur a Cardinali de Lauræa in *3. lib. Sent. tom. 4. disput. 20. art. 18. de Miraculis*, ubi multa affert ad suadendum, infideles, & hæreticos non habere gratiam Miraculorum, nec ullum eorum juxta ordinariam Dei Legem Miraculum, aliquod facere, tum quia gratia Mi-

E

ra-

34 De Serv. Dei Beatif. et Beat. Canoniz.

raculorum, sicut & aliæ gratis datæ, ferè semper conferuntur membris Christi, tum quia ad facienda Miracula necessaria est Fides supernaturalis, qua ipsi carent, *Estius loc. cit. §. 19.* admittit, Deum uti posse Paganis, Hæreticis, & Schismaticis tamquam instrumentis in patratione Miraculorum, ut per ea aliqua veritas ad Fidem, aut mores pertinens approbetur: *Non solum a malis, verum etiam ab Hæreticis, & Schismaticis, imo & a Paganis fieri possunt vera Miracula, Deo per ea veritatem aliquam ad Fidem, aut mores pertinentem approbante.* Huc referri possunt, quæ a nobis 3. lib. dicta sunt de oraculis Sibyllarum Christum venturum annuntiantibus. Huc referri possunt, quæ leguntur Marci cap. 9. = *Respondit illi (hoc est, Joannes dixit Christo) Magister, vidimus quemdam in nomine tuo ejicientem Dæmonia, qui non sequitur nos, & prohibemus eum.* Jesus autem ait: *Nolite prohibere eum; nemo est enim, qui faciat virtutem in nomine meo, & possit eundem male loqui de me = quod ipsum habetur Lucæ cap. 9. = Respondens autem Joannes dixit: Preceptor, vidimus quemdam in nomine tuo ejicientem Dæmonia, & prohibemus eum, quia non sequitur nobiscum;* & ait ad illum Jesus: *Nolite prohibere; qui enim non est adversus vos, pro vobis est;* ubi Glossa ordinaria docet, tunc Dominum voluisse, quòd alii etiam non Discipuli Miracula facerent, ut nomen Jesu exaltaretur. Castald. de Potestate Angelica tom. 1. disput. 2. quæstione. 1. pag. 165. ait = *Possibile est, Deum supernaturaliter concurrere ad Miracula patrata ab Hæretico, vel Idololatra ad justam defensionem, vel ad comprobandam veritatem Catholicam.* At, strictè procedendo, dicimus, Infideles, Hæreticos,

Schismaticos non posse a Deo assumi tamquam instrumenta pro patrands Miraculis, sive loquamur de Miraculis excedentibus vires, & facultatem totius naturæ creatæ, sive excedentibus vim, & facultatem tantum naturæ visibilis, & corporeæ, ad confirmandum errorem, vel peccatum. Communis hæc est Theologorum opinio, duce Divo Thomâ *Quolibet. 2. quæst. 4. art. 6. Ad quartum.* En ejus verba: *Ad quartum dicendum, quòd Miracula visibilia sunt virtute Divinâ ad confirmationem virtutis Fidei; unde dicitur Marci ultimo de Apostolis, quòd prædicaverunt ubique, Domino cooperante, & sermonem confirmante sequentibus signis. Non autem sunt Miracula semper ad demonstrandum gratiam ejus, per quem Miracula sunt; & ideo potest contingere, quòd aliquis gratiam gratum facientem non habens Miracula faciat. Sed hoc contingere non potest, quòd aliquis falsam doctrinam annuntians vera Miracula faciat, quæ, nisi virtute Divinâ, fieri non possunt. Sic enim Deus esset falsitatis testis, quod est impossibile. Refutari possunt, quæ a nobis 3. lib. dicta sunt, dum agebatur de gratia gratis data Miraculorum, & faciunt ea, quæ in Capite sequenti dicuntur; unde merito Cardinalis Baronius ad annum Christi 34. num. 214. inquit: *Numquam ad falsæ doctrinæ attestationem ab Hæreticis aliquod factum Miraculum reperitur, quod verè Miraculum dici possit;* quod repetit ad annum Christi 765. num. 1. sequentibus verbis: *Quid enim aliud vera Miracula, quàm vox Dei cælis clamans, & comprobans ex eis Fidem, cum ejusmodi gratia negata sit semper Hæreticis, ut vera Miracula possent edere?**

18 Oppones, quòd Navim, quæ Simulacrum Matris Phrygiæ vehebatur, hominum, bovumque conatibus im-

mo-

mobilem redditam una Muliercula, zonâ alligatâ, ad suz pudicitiz testimonium movit, & traxit. Historia est apud Livium lib. 39. apud Herodianum lib. 1. apud Plinium Lib. de Viris illustribus cap. 46. apud Feneftellam cap. 12. de Sacerd. apud Ciceronem in Oratione de Haruspicio responsi, quod Tuccia Virgo Vestalis, de cujus corruptione quæstio vertebatur, aquâ impleto cribro de Tiberi, neque perfluente, abstulit controversiam: *Vesta*, inquit, si sacris tuis castas semper admovi manus, effice, ut hoc eribro hauriam & Tiberi aquam, & in Eadem tuam perferam. Audaciter, & temerè jactis votis Sacerdotis ipsa rerum natura cessit = ut legitur apud Valerium lib. 8. cap. 1. apud Plinium lib. 8. cap. 2. apud Dionysium Halicarnasenseum lib. 2. & tum Tertullianus in Apologetico cap. 22. tum Minutius in Octavio meminerunt aq̃e cribro gestatę, & Navis cingulo promotę. Sanctus Thomas de Potentia, seu de Miraculis quæst. 6. art. 5. opposito sibi Tucciz exemplo = Legitur in Historiis, quod quedam Virgo Vestalis in signum pudicitie conservata aquam in vase perforato de Tiberi portavit, nec tamen aqua effusa est; quod fieri non potuit, nisi per hoc, quod retinebatur aqua, ne flueret, aliquid non naturalis virtute: quod potest esse Miraculum in Jordanis divisione, & ejus statione = respondet, id per bonos Angelos a Deo fieri potuisse in castitatis commendationem, & etiam dici posse, quod contingerit Dæmonum virtute: Ad quintum dicendum, quod non est remotum, quin sit in commendatione castitatis, quod Deus verus per suos Angelos bonos hujusmodi Miraculum per retentionem aqua fecisset, quia, siqua bona in Gentilibus fuerunt, a Deo fuerunt. Si autem per Dæmones factum est, nec hoc repugnat

predictis; nam quiescere, & moveri localiter ab eodem principio secundum genus sunt, quia, per quam naturam aliquid movetur ad locum, quiescit in loco. Unde, sicut Dæmones possunt movere corpora localiter, ita possunt & a motu retinere; nec tamen est Miraculum, sicut quando fit divinitus, quia hoc secundum naturalem virtutem Dæmonis contingit ad hujusmodi effectum determinatum; & sequitur Coquæus in Notis ad eit. cap. 16. lib. 10. Sancti Augustini de Civitate Dei his verbis: Volunt aliqui, id factum esse a bono Angelo ad virginitatem probandam, & in illius commendationem. Sed a Dæmonibus absque ulla difficultate fieri potuit, quia, ut est in eorum potestate corpora secundum locum movere, ita etiam in eorum potestate est efficere, ne a locis, in quibus sunt, moveantur.

19 Quamcumque autem ex his sententiis sequamur, numquam valida oppositio insurgere poterit adversus ea, quæ a nobis dicta sunt, posse videlicet Paganos a Deo assumi tamquam instrumenta in patratione Miraculorum, ut per ea aliqua veritas ad Fidem, aut mores pertinetis approbetur; non posse eosdem a Deo assumi tamquam instrumenta in patratione Miraculorum pro confirmando errore, vel peccato; nec esse vera Miracula, quæ a Dæmone propria sunt virtute, etiam si excedant vires, & facultatem naturæ visibilis, & corporeæ. Patet id, si primam sententiam sequamur, a bono Angelo videlicet factum fuisse, quod Navis ab una muliere commoveretur, aut quod aqua e cribro non deflueret, in commendationem videlicet castitatis. Patet hoc ipsum, si secundam sententiam sequamur, ea scilicet facta fuisse virtute Dæmonum naturalis: licet enim exceserunt vires naturæ visibilis, & cor-

36 De Serv. Dei Eritaf. et Beat. Canoniz.

porox, & quodammodo dici Miracula potuerint, ut innuit Divus Thomas loc. cit. vera tamen Miracula non fuerunt, deficientibus circumstantiis, quæ verum a falso Miraculo fecernunt, & signanter *Fine*, veluti annotavit Sanctus Augustinus cit. cap. 16. lib. 10. de Civitate Dei, ubi post exposita citata exempla inquit: *Quæcumque verò ceteri nonnullis piorum factis videantur opere coequari, finis ipse, quo discernuntur, incomparabiliter hæc nostra ostendit excellere; & in universon facit doctrina Medinæ de re. ita in Deum Fide pag. 53. ubi, quæcumque prodigia apud Gentiles contigerint, inquit ad Deum uti eorum auctorem referenda. En ejus verba: Sed ubi humano imperio, & invocatione in ejus superstitionem, quæ tunc a Gentibus colebatur, probationem facta esse legisti? Fierent illa, si ita credere libet, at quæ virtute? An voto, & humano imperio? Nequaquam; sed in virtute Religionis, quam utcumque Divinam Providentiam conservare decebat commendationem, quo nimirum mortales in Nominis timore contenti paulatim vera Religioni assuescerent, & ne, quod est summum malum, procaciter dicerent: Non est Deus = unde corrupti, & abominabiles ficerent. Minus enim a salute abest, qui a vero Deo falsorum Deorum superstitione recedit, quam qui Nominis penitus exuit notitiam, & quem nulla saltem superstitione coercet. Sunt & alia inter ea, quæ recensimus prodigia, quæ ad quorundam ostendendam innocentiam Divinitas vera edocuit, quale illud de Claudia Romana, quid cingulo Narvum arenæ Tiberis berentem attraxit, aut illud, quod de altera Vestali Virgine, quæ aquam in signum, utem pudicitia ab eodem flumine cribro hausisse refertur. Interest enim Divina Providentia, potissimum apud eos, qui potius ignorantia, quam malitia a vera Religio-*

ne recedebant, quales erant hæc Fœmina, innocentiam fovere. Non itaque in illius, quæ tunc apud Gentes vivebat, superstitionis attestationem hæc prodigia fiebant, sed tantum in Divinitatis, & Providentiæ testimonium, nimirum, ut scirent Gentes, esse Deum, cui essent curæ mortalium actiones, quique sanctos mores, & justitiam probaret, contra verò pro delictis supplicia rependeret. Hoc enim etiam apud Gentes ostendere, studuisse Deum, Sibyllarum vaticinia, quæ in medio profanarum Nationum edidit, apertissime demonstrant &c. Sicut itaque per falsæ Religionis cultores Deus plerumque futura prænumabat Myſteria, ita per falsam Religionem vera nonnumquam proferebat Miracula, non in ejus quidem attestationem, sed quo mortales in Religionis officio contineret, & Divinitatis quamdam notitiam paulatim infunderet.

20 Urgebis, alia plura, & ferè innumera per Ethnicos, Gentiles, & Hæreticos edita fuisse Miracula, quibus difficile admodum est recensitas aptare responsiones: Philostratus enim Vitam, & res gestas Apollonii Thianci octo libris celebravit, & tot, ac tanta ab illo edita Miracula memoravit, ut Hierocles Aegypti Præfectus occasionem assumpserit comparationem instituendi inter Christum, & Apollonium: Tacitus, & Suetonius narrant, ab Imperatore Vespasiano quemdam oculis, & manu captum fuisse illico sanitatis restitutum: & de Hæreticis antiquorum, & etiam nostrorum temporum miraculosa gesta narrantur, & scriptis mandata sunt. Verùm, Philostrati Libros mendacis, & fabulis scatere a capite ad calcem, latè demonstrant Eusebius Cæsariensis in Libro adversus Hieroclem, Photius in sua Bibliotheca Cod. 44. Scaliger in Eusebianis num. 278. Cardinalis Baronius

ROM.

tom. 1. *Annalium* ad annum Christi 78. Daniel Huetius Episcopus Abrincensis in *Demonstratione Evangelica* proposuit. 9. pag. 163. & sequentibus; quorum validas rationes, & invicta fundamenta collecta legi possunt apud Græveson de *Mysteriis*, & annis Christi disfert. 14. pag. 280. In eo, quod attinet ad Vespasianum, verba Taciti lib. 4. *Histor.* sunt hæc: *Ex plebe Alexandria quidam oculorum tabe notus genus ejus advolvitur remedium cecitatis exposcens gemitu, monitu Serapidis Dei, quem dedita superstitionibus gens ante alios colit, precabaturque Principem, ut genas, & oculorum orbis dignaretur respergere oris excremento. Alius manu ager, eodem Deo auctore, ut pede, ac vestigio Cesaris calcaretur, orabat. Vespasianus primò irridere, aspernari, atque, illis instantibus, modò famam vanitatis metueret, modò obsecratione ipsorum, & vocibus adulantium in spem induci, postremò assimari a Medicis jubet, an talis cecitas, ac debilitas opte humanâ superabiles forent. Medici variè disierere. Huic non exesam vim luminis, & redituram, si pellerentur obstantia: illi elapsos in prævum artus, si salubris vis adhibeatur, posse integrari. Id fortasse cordi Deis, & Divino ministerio Principem electum. Denique patrati remedii gloriam pendens Casarem, irriti ludibrium pendens miseros fore. Igitur Vespasianus cuncta fortuna sua patere ratus, nec quidquam ultra incredibile, læto ipse vultu, erectâ, quæ astringat, multitudine, jussa exequitur. Statim conversa ad usum manus, ac cæco relictis dies. Utrumque, qui interfuerit, nunc quoque memorant, postquam nullum mendacio pretium. Concordat Suetonius in *Vita Vespasiani* = Ex plebe quidam luminibus orbat, item alius debilis crure sedentem pro Tribunali pariter adierunt, orantes opem valetudinis demonstratam a Serapide per*

quietem, restitutum oculis, si inquisisset, confirmaturum crur, si dignaretur calce contingere. Cum vix fides esset, rem ullo modo successuram, ideoque, ne experiri quidem, auderet, extremò, hortantibus amicis, palàm pro concione utrumque tentavit, nec eventus defecit. Daniel autem Huetius in sua *Demonstratione Evangelica* proposuit. 9. num. 6. invictis probat argumentis, memoratas sanationes a subdolis Ægyptiorum artibus, inter quos res acti est, fuisse profectas. Cum etenim Joseph in sua *Historia Sacra* quædam Oracula, quæ in Judæorum Messiam conveniebant, Vespasiano accommodasset, Ægyptii, ne in adulatione quidquam Judæis concederent, cum audissent, Jesum spiritu oculis illito cæcum sanasse, & claudos, ac debiles morbo liberalisse, duos subornarunt, ut alter manu, inter oculis se captos simularent. Alia plura collecta legi possunt apud Cardinalem Baronium ad annum Christi 71. num. 6. de asserti hujus Miraculi falsitate, & apud eundem ad annum Christi 139. num. 2. de falsitate quoque assertorum Miraculorum Hadriani Imperatoris, & Gentilium, & apud Cardinalem Bellarminum lib. 4. de *Notis Ecclesiæ* cap. 14. §. *Ad quartum respondeo*. Uno verbo, morbi fuerunt simulati, & simulationes, non inter Miracula, sed inter mendacia sunt recensendæ, uti quoque deducitur ex recitatissimis Taciti verbis: *Utrumque, qui interfuerit, nunc quoque memorant, postquam nullum mendacio pretium*. Et in eo, quod spectat ad Hæreticos sive antiquorum, sive nostrorum temporum, solemne ferè semper Hæresiarum fuit gloriari de potestate Miracula patrandi, ut novis suis erroribus fidem conciliarent, sed infelici prorsus eventu, uti latè ostendit Joseph Bin-

38 De Serv. Dei Beatif. et Beat. Canoniz.

Binghamus, licet heterodoxus, tom. 7. *Origin. Antiquit. Eccles.* cap. 5. §. 7. Apud Staphylum in *absoluta Responsione contra Jacobum Smidelinum* exemplum exstat ejectionis Dæmonis frustra a Luthero tentatæ. Apud Joannem Colegium frustra quoque ab eodem tentatæ restitutionis vitæ mortuo. Bolsecus similia narrat de Calvino, & Alanus Copus lib. 6. de *Dialogis* de quodam prædicti Calvini Ministro: quorum omnium narrationes, utpote veritati innixas, ab Hæreticorum fraudibus, & mendaciis strenue vindicat Eminentissimus Dominus Cardinalis Gotti tom. 1. de *vera Ecclesia Christi* cap. 2. §. 6. Calvinistæ novum quoddam Sidus, cui non aliud simile a Mundi creatione ad natum usque Christum, quodque omnium oculis omnes tres annos objectum fuit, effecerunt apud Morneum tamquam prodigium a Deo editum in approbationem extraordinariæ, quam jactant, suæ vocationis. Verum Hadrianus, & Petrus de Walenburg in suis *Traclatibus generalibus de Fidei controversiis* tom. 1. in *Tracl. 8. de Missione Protestantium* cap. 49. bene ostendunt, nec Sidus illud fuisse Miraculosum, nec aliquam adfuisse probabilem rationem, aut minimum signum, quod prætenfam Reformationem ita respiceret, ut, in illius approbationem editum fuisse, verisimiliter saltém, credi posset. Addunt, tardius visum fuisse, quam erat necessarium, cum Lutherus suam apostasiam, quæ novi Evangelii natalis erat, incepit anno 1517. & Stella non apparuerit ante annum 1572. nimirum quinquaginta, & quinque annis post Lutheri ab Ecclesia discessum, cum tamen necesse sit, signa præfigurantia alicujus rei illam præcedere.

21 Remanet, ut loquamur de An-

tichristo. Non est autem hic animus plura de Antichristi characteribus, tempore adventus ejus, origine, nativitate, imperio, bellis, morte referre. Integrum de his rebus *Traclatum*. Malvenda ex Dominicana Familia latè conscripsit. Calmet *Dissertationem*, satis de more eruditam, & jam supra citatam de *Antichristo* exaravit. Suarez in 3. part. *Divi Thome* tom. 2. *disput. 54. & pluribus ejus disputationis sectionibus*, quidquid ad Antichristum pertinet, prosecutus est: & multa de eo curiosa, & ingeniosa legi possunt *disc. 8. inter Discursus Theologici de judicio universalis* bonæ memoriæ Philippi Medæ Episcopi Conversani nobis, dum viveret, singulari amicitia juncti. De mirabilibus ab Antichristo edendis dicitur *Mattbei 24.* ea talis momenti esse futura, *ut in errorem inducantur, si fieri potest, etiam Electi*. Trium Antichristi prodigia in *Apocalypsi* refert Sanctus Joannes; primum, quod ignem faciet de Cælo descendere in terram; quod dabit spiritum imagini bestię, ut ea loquatur, oracula enim instituet, ut ad simplicium seductionem verba proferant; & imaginem bestię, gladio interfectę, vitę restituet: Sanctus Hippolytus de *Antichristo* addit, quod leprā infectos deterget, paralyticis gressum restituet, Dæmones fugabit, futura prænuntiabit, mortuos revocabit, montes transferet, per mare sicco pede gradietur, Soli, & Elementis omnibus imperabit: quæ tamen solis conjecturis inniuntur. De gerendis ab Antichristo hæc habentur in 2. *Epist. ad Thessalonicenses* cap. 2. = *Est tunc revelabitur illi iniquus, quem Dominus Jesus interficiet spiritu oris sui, & destruet illustratione adventus sui eum, cujus est adventus secundum operationem Satanae in omni vir-*
tu-

tute, & signis, & prodigiis mendacibus. De horum Apostoli verborum intelligentia quæsitio movetur, sed non resolvitur a Sancto Augustino lib. 20. de Civitate Dei cap. 19. quæ videlicet ratione signa dicantur mendacia, an quia Antichristus illufurus fit tantummodo sensibus mortalium, nec verè ea facturus, sed tantum apparenter, quæ facere videbitur, an etiam illa prodigia, & mira verè editurus sit, quæ mendacia dicuntur, ed quodd vera Miracula credentur, & facta Virtute Divinâ, quæ tamen non nisi virtute, & operatione Satanæ fient; dicit enim: Propter quid horum ergo dicta sint prodigia, & signa mendacii, tunc potius apparbit. Eftius in Commentariis ad cap. 2. Epist. 2. ad Thesalonicenser, postquam præmisit, nullum verum Miraculum a quoquam fieri posse pro erroris confirmatione, docet, Apostolum prodigia Antichristi mendacia appellasse, non in genere rerum, sed in genere signorum, id est Miraculorum. Malvenda in citato Tractatu de Antichristo lib. 7. cap. 19. post plura concludit: Dicimus, Antichristum tantâ magiâ, & potentia Dæmonum vel effecturum, vel ad efficiendum illi vires abundè haud defuturas, quoscunque veros, & reales admirandos effectus, qui vel Dæmonum, vel Hominum, vel naturalium agentium vi re ipsâ effici possunt in natura rerum. Quæcumque verò natura totum ordinem superant, re verè patrare nequibit. Quod si videbitur operari, erunt haud dubiè mera præstigia, & sensuum ludificationes, non veri, & subsistentes effectus. Suarez in cit. disput. 34. sect. 4. ait, quod, si Antichristus videbitur mortuum suscitare, aut hic non erit priùs verè mortuus, aut postea non vivet: quod si interdum veræ erunt res, quæ apparebunt, non

erunt tales, quæ miraculoso modo fiant, sed per applicationem occultam causarum naturalium. Eodem modo loquitur Cardinalis Gotti in sua Theologia tom. 16. quæst. 1. de Antichristo dub. 4. §. 3. num. 11. Theophilus Raynaudus Operum tom. 3. in sua Theologia naturali dist. 4. quæst. 4. art. 6. num. 334. inquit, Antichristi prodigia tam mira in speciem, ut videantur inductura in errorem, si fieri potest, etiam Electos, indigna fore nomine Miraculi, nec esse futura, nisi seductionem iniquitatis, & mendacia prodigia. Calmet in citata Dissertatione de Antichristo art. 6. §. An prodigia in eo est sensu, quod, quia ab improbis etiam vera signa edi possunt, edi etiam possint ab Antichristo multa vera Miracula, quæ tamen, nequissimo sibi fine proposito, perditissimus ille præstabit. At egregiè de more Sanctus Thomas quæst. 6. de Potentia art. 3. inquit: Dicendum, quod tempore Antichristi Diaboli potestas solvenda dicitur, in quantum ei multa facere permittentur, quæ modò non permittuntur. Unde & operabitur multa ad eorum seductionem, qui hoc meruerunt non acquiescendo veritati. Operabitur autem quadam præstigatione, in quibus nec erit verus effectus, nec Miracula. Operabitur etiam quadam per veram corporum immutationem, in quibus si erunt veri effectus, non tamen vera Miracula, quia erunt per causas naturales operata. Quæ etiam mendacia dicuntur quantum ad intentionem facientis, qui per huiusmodi mirabilia opera inducet homines ad credendum mendaciis. Suarez cit. disput. 34. sect. 4. quærit, an sit contra suavem gubernationem Divinæ Providentiæ, ut fieri permittat tam stupenda signa, licet mendacia, in confirmationem falsitatis; videtur enim, quod hoc sit permittere, tentari homi-

mi-

40 De Serv. Dei Beatif. et Beat. Canoniz.

mines ultra id, quod possunt, & hinc videtur posse labefactari fides Divinorum Miraculorum, cum semper formidari possit, an falsa sint: idemque respondet, id non esse contra ordinem Divinæ Providentiæ, tum quia hæc permissio erit effectus Divinæ Justitiæ

in vindictam incredulitatis Judæorum; & aliorum peccatorum, tum quia erit effectus Divinæ Misericordiæ, ut Sanctorum Fides, & constantia magis eluceat, & demum quia, Divinæ Gratiæ adjuvante, tentatio non erit super vires humanas.

CAPUT QUARTUM.

De Causa finali Miraculorum, & de differentiis inter vera, & falsa Miracula.



Etum est in superioribus de causa efficiente Miraculorum, nunc aliqua dicenda sunt de eorum causa finali, quam ex Sacra Scriptura desumemus. Finis generalis primarius Miraculorum est gloria Dei, cum hic sit finis omnium operum ipsius: unde *Proverb. 16.* legitur: *Universa propter semetipsum operatus est Dominus; & Joannis 11.* Christus loquens de Lazaro infirmo a se resuscitando inquit: *Infirmus hæc non est ad mortem, sed pro gloria Dei, ut glorificetur Filius Dei per eam; & Marthæ subdenti = Domine, jam sciet quatuordecim in monumento =* Salvator respondit: *Nonne dixi tibi, quoniam, si credideris, videbis gloriam Dei?* Inter fines Miraculorum secundarios qui tamen ad primarium finem ordinantur, recensentur tum confirmatio pro ostendendo veritate doctrinæ Fidei, & morum, tum attestatio veræ Sanctitatis alicujus. Cum Deus Moy-

sen misisset ad Populum, & ad Pharaonem in Ægypto, Moyses ait = *Non credent mihi, nec audient vocem meam =* uti habetur *Exodi cap. 4.* & Deus ostendit ei omnia signa, seu Miracula, quæ facturus erat coram Populo, & Pharaone; & 3. *Regum 18.* in illa concertatione Eliæ cum Sacerdotibus Baal, de qua supra, & in qua de vero Deo contendebatur, inito pacto, ut, qui ex duobus Diis ignem e Cælo emitteret, & Sacrificium consumeret, ille pro vero Deo haberetur, postquam Sacerdotes Baal Deum suum sæpius, sed frustra invocaverant, invocante Eliâ Deum Abraham, Isaac &c. *ecce ignis Domini, & voravit holocaustum, & ligna, & lapides, pulverem quoque, & aquam, qua erat in aquaductu lambens, Quod cum vidisset omnis Populus, cecidit in faciem suam, & ait: Dominus ipse est Deus, Dominus ipse est Deus; & in Evangelio Joannis post Miraculum conversionis aquæ in vinum dicitur: Hoc fecit initium signorum Jesus; & manifestavit gloriam suam, & crediderunt in eum Discipuli ejus; & ali.*

Lib. IV. Pars Prima Cap. IV. 41

alibi: *Sequebatur eum multitudo magna, quia videbat signa, quæ faciebat super his, qui infirmabantur; & in Evangelio Matthæi, cùm Salvator mitteret Apostolos ad prædicandum, inquit: Euntes prædicate dicentes, quia appropinquaret Regnum Dei; addiditque: Infirmos curate, mortuos suscite, leprosos mundate, Dæmones ejicite.* Hæc pertinent ad ostensionem veritatis doctrinæ Fidei, & morum per Miracula: nunc autem transeundo ad attestationem bonitatis, & Sanctitatis alicujus per Miracula, licet Miraculorum Gratia, utpote gratis data, peccatoribus, dum vivant, a Deo etiam aliquando indulgeri possit, & aliquando fuerit concessa, juxta ea, quæ in superioribus dicta sunt, certum tamen est, quòd ea in commendationem bonitatis, & Sanctitatis alicujus a Deo sæpiissime, & continuò data est, & datur, ut alibi quoque a nobis insinuatum est. *In lib. 4. Regum, cùm Ochazias Eliam persequeretur, ex quo eum correxerat, & quinquaginta Milites ad eum capiendum misisset, qui ad montem fugerat, ignis de Cælo descendit, Militesque voravit; & in Libro Numeror. cap. 12. cùm Aaron, & Maria Soror contra Moysen locuti essent: Num per solum Moysen locutus est Dominus, nonne & nobis similiter est locutus? indignatus Deus præcepit Moysi, ut cum Aaron, & Maria iret ad Tabernaculum, descendensque Dominus in nube staret in medio Tabernaculi, & inter alia dixit: Servus meus Moyses in domo mea fidelissimus est; ore enim ad os loquitur ei, & palàm, & non per ænigmata Dominum videt. Quare ergo non timuistis detrahere Servo meo Moysi? Et iratus contra eos abiit &c. Et ecce Maria apparuit candens leprâ quasi nix.* Utque exemplis, quæ Dei Servos ref-

piciunt, & Sanctos, dum viverent, alia addantur edita ad eorum Sanctitatem post obitum patefaciendam, eodem lib. 4. Regum cap. 13. hæc habentur: *Mortuus est Eliseus, & quidam sepelientes hominem projecerunt eadaver in Sepulchro Elisei. Quod cùm tetigisset ad ossa Elisei, revixit homo, & stetit super pedes suos; & Ecclesiast. cap. 48. subditur: In Eliseo completus est spiritus ejus (Elisei videlicet) in diebus suis non pertimuit Principem, & potentia nemo vicit illum, nec superavit illum verbum aliquod, & mortuum prophetavit corpus ejus, in vita sua fecit monstra, & post mortem mirabilia operatus est.* Inter fines Miraculorum secundarios memorari quoque merentur beneficia corpori, vel animæ præstita, necnon ultio Divina: Beneficia verò quædam communia sunt toti generi hominum, ut Incarnatio, Resurrectio Filii, Nativitas de Virgine; quædam communia sunt alicui Populo, & Genti, ut Israelitis exsiccatio maris rubri, manna de Cælo, aqua de petra; quædam alicui Familix, ut liberatio Noe cum suis a diluvio, Lot de Sodomis, Abrahæ de Ægypto; alia Personæ, ut conversio Pauli, suscitatio Tabitæ; & similia sunt, quæ Divinam ultionem respiciunt, cùm ultio aliquando fuerit in Gentem aliquam, ut ignis, & sulphur de Cælo super quinque Civitates; aliquando in Civitatem unam, ut cùm ruerunt muri Jerichos; aliquando in Familiam unam, ut cùm Core, Dathan, & Abiron absorpti fuerunt a terra; aliquando in quosdam particulares Homines, ut, cùm Ananiam, & Saphiram Petrus morti tradidit, & Paulus Elymam Magum cecavit, & Corinthium incestuosum Diabolo tradidit ad salutem animæ.

2 Dum in tertio hujus Operis Libro
F age-

42 De Serv. Dei Beatif. et Beat. Canoniz.

agebatur de Gratiis gratis datis, & sic de Gratia Miraculorum, innuimus cap. 44. num. 11. inter Theologos, quos vocant Scholasticos, disputari, an in alia Providentia Deus posset concurrere suum Miraculo impertiri, quod petitur pro confirmatione alicujus falsæ doctrinæ, aut falsæ Sanctitatis, ibique diximus, nobis satis esse, quod in ea, in qua versamur, Providentia nec de Potentia, quam dicunt Ordinariam, fieri possent vera Miracula pro confirmatione falsæ doctrinæ, aut falsæ Sanctitatis. Præter ibi allegatos videri possunt Durand. quæst. 1. Prologi, Albertinus tom. 1. quæst. 3. Theolog. coroll. 3. ex 3. princip. Philosoph. dub. 2. Ripalda de Ente Supernaturali disput. 11. sect. 6. num. 33. Nos autem, non recedendo ab his, quæ alibi diximus, repetimus, nobis sufficere Deum in præsentī Providentia, & de Potentia Ordinaria Miraculum operari non posse petitum pro confirmatione falsæ doctrinæ, aut falsæ Sanctitatis.

3 Doctrina hæc est Divi Thomæ 2. 2. quæst. 178. art. 2. in corpore, ubi hæc habet: Vera Miracula non possunt fieri, nisi virtute Divinā; operatur enim ea Deus ad hominum utilitatem, & hoc dupliciter. Uno quidem modo ad veritatis predicatam confirmationem; alio modo ad demonstrationem Sanctitatis alicujus, quam Deus hominibus vult proponere in exemplum virtutis. Primo autem modo Miracula possunt fieri per quemcumque, qui veram Fidem predicat, & nomen Christi invocat, quod etiam interdum per malos fit &c. Secundo autem modo non sunt Miracula, nisi a Sanctis, ad quorum Sanctitatem enuntiandam Miracula sunt vel in vita eorum, vel etiam post mortem sive per eos, sive per alios. Confirmat hoc ipsum in responsione ad tertium, ubi sic

loquitur: Ad tertium dicendum, quod Miracula semper sunt vera testimonia ejus, ad quod inducuntur. Unde a malis, qui falsam doctrinam enuntiant, nunquam sunt vera Miracula ad confirmationem suæ doctrinæ, quamvis quandoque fieri possint ad commendationem nominis Christi, quod invocant, & in virtute Sacramentorum, quæ exhibent. Ab his autem, qui veram doctrinam enuntiant, sunt quandoque vera Miracula ad confirmationem doctrinæ, non autem ad testificationem Sanctitatis: quod ipsum docuerat lect. 2. in 2. ad Thessalonicenses = Nullus contra Fidem facit vera Miracula, quia Deus non est testis falsitatis: unde aliquis predicans falsam doctrinam non potest facere Miracula, licet aliquis habens malam vitam posset. Optimè Porrecta in 3. part. quæst. 43. art. 4. = Quis enim idiota, vel protervus concipiat unquam, quod Deus possit esse testis falsitatis, cum natura etiam dicat contrarium? Sequitur Viguer loc. cit. tit. de Miraculi definitione, & essentia, ubi sic loquitur: Operatio Miraculorum, quæ attribuitur Gratia gratis data, fit sola Virtute Divinā ad hominum utilitatem dupliciter. Uno modo ad veritatis predicatam confirmationem. Ex quo sequitur, quod ab his, qui falsam doctrinam annuntiant, nunquam sunt Miracula, quia Miracula sunt vera testimonia, & a solo Deo, qui non potest esse testis falsitatis, cum sit Veritas per essentiam &c. Alio modo facit Deus Miracula ad ostensionem Sanctitatis alicujus, quem Deus vult proponere in exemplum Virtutis. Cum igitur verum Miraculum non possit fieri, nisi per virtutem Dei, patet, quod Miraculum non potest fieri in protestationem falsitatis, & consequenter, quod impossibile est, rem illam non esse veram, in cujus veritatis protestationem sit verum Miraculum, id est,

est, ad quam demonstrandam esse veram, sit Miraculum verum. Et quamvis Sanctus Joannes Chrysostomus *Himil. 5. contra Judeos* dicat, falsis Doctoribus, etiam si mortuos excitarent, non esse credendum, quoniam, inquit, Deus tentans te permisit, ut illi hoc possint, & urgeat illud Apostoli ad Galatas 1. dicentis = *Licet Angelus de Celo evangelizet vobis, praterquam quod evangelizavimus, anathema sit* = ambo nihilominus loquuntur sub conditione, quæ impossibilis est, qua posita, negant deinde, vel Angelo, vel Miraculis esse credendum, cum tali in casu nec Angelus esset in veritate confirmatus, nec Miraculum esset ex ordinatione Divina certum, & infallibile veritatis testimonium; & proinde, sepositis Miraculis, in eo rerum impossibili eventu Catholicæ veritatis confirmatio esset aliunde petenda, ex doctrina videlicet Prophetarum, & Apostolorum, & ex perpetua traditione Ecclesiæ, quam traditionem ibi, & alibi sæpe urget Apostolus, juxta ea, quæ plenè habentur apud Estitium in 2. lib. *Sem. dist. 7. §. 20. Ad decimum.* Sanctus Pacianus Barcinonensis Episcopus Novatianos refellens insolentes in Scripturarum intelligentia, & dicentes = *Novatianus hoc præcepit, Novatianus hoc docuit* = sic loquitur *Epist. 3. Bibliothecæ Patrum tom. 3. = At vel quando, Frater, quibusve temporibus? Statim post Domini Passionem? Post Decii Principatum, id cit, post trecentos prope annos Dominica Passiois? Quid ergo? Tunc Prophetas secutus est, ut Cataphryges? An Theiomenem aliquam, ut Apelles? An ipse tantum auctoritatis accepit? linguis locutus est? prophetavit? suscitare mortuos potuit? Horum enim aliquid habere, debuerat, ut Evangelium novi juris in-*

duceret. Est contra clamat Apostolus = Licet nos, aut Angelus de Celo evangelizaverit, praterquam quod evangelizavimus vobis, anathema sit = Novatianus sic intellexit, inquit; sed Christus hoc docuit. Ergo a Christi usque Decii Principatum nullus intelligent? His verbis Sanctus Pacianus docet, adhærendum esse illi Ecclesiæ, illi Scripturarum sensui, cui ab Evangelii exordiis traditio suffragabatur, & qui novos se faciebant novæ doctrinæ Magistros, eam jubentur approbare Miraculis, vel Prophetiarum suarum certis eventibus; licet id ne tum quidem illis fuisset concedendum, ut aliquid novarent, cum veterit Apostolus, Angelo novum Evangelium obtrudenti fidem adhiberi, in hypothesi videlicet conditionis impossibilis, quod Angelus scilicet alter evangelizaret, aut fierent nova Miracula in confirmationem falsæ doctrinæ: unde citatus Estitius ad cap. 1. *Epistole ad Galatas* addit: *Quod autem ait = aut Angelus de Celo = hypothesi est rei impossibilis. Nam fieri non potest, ut Angelus e Celo veniens, atque a Deo missus evangelizet præter id, quod Paulus evangelizaverat, sive quia Angeli boni confirmati sunt in justitia, & veritate, sive quia Deus falsum nuntium mittere non potest; & prosequitur Cornelius a Lapide ad recensita Apostoli verba = Supple, si id fieri posset, nam, de facto hoc est impossibile; Angeli enim uti in Beatitudine, ita & in omni veritate confirmati sunt. Est hyperbole similis illi 1. Corinth. 13. = Si linguis hominum loquar, & Angelorum.*

4 Mirificè profunt Divina eloquia tum veteris, tum novi Testamenti. Deus enim Exodi 4. facultatem dedit Moyse faciendi Miracula, ut per illa ostenderet, se ab eo missum: *Ut cre-*

44 *De Serv. Dei Beatif. et Beat. Canoniz.*

dant, quod apparuerit tibi Dominus. Discipulis Joannis Christum interrogantibus, an esset verus Messias: Tu es, qui venturus es, an alium expectamus? Christum non aliam suæ missionis attulit probationem, quam Miracula: Itē (veluti legitur *Matthæi* 11.) renuntiāte Joanni, quæ audistis, & vidistis: Cæci vident &c. Idem Joannis 10. ut Judæos induceret ad fidem præstādam suæ doctrinæ, cum cæco a nativitate potestatem videndi fecisset, ait: Si non facio opera Patris mei, nolite credere mihi. Si autem facio, & si mihi non vultis credere, operibus credite: & Joannis 15. Si opera non fecissem in eis, quæ nemo alius fecit, peccatum non haberent. Nunc autem & viderunt, & oderunt me, & Patrem meum. Rursus *Marci* 16. Christus Dominus Miracula exhibuit uti signa veræ Fidei: Signa autem eor, qui crediderint, hæc sequentur: in nomine meo Dæmonia ejicient, linguis loquentur novis, serpentes tollent; ibique Evangelista inquit, Deum Miraculis confirmasse veritatem rerum, quæ ab Apostolis prædicabantur: Domino cooperante, & Sermonem confirmante sequentibus signis: & Sanctus Paulus Miracula recenset inter signa sui Apostolatus 2. ad *Corinthios*: Signa Apostolatus mei facta sunt super vos in omni patientia, in signis, & prodigiis, & virtutibus.

§ Utuntur Theologi exemplo Principis, qui, si Sigillum suum traderet in aliqua circumstantia, in qua prævideret ejus abusum, particeps esset abusus; & hinc inferunt, quod, quia Deus verax est, Miracula operari non potest in eo rerum statu, in quo usurpari possent vel pro æstruenda, falsa doctrina, vel falsa Viri Sanctitate, quod utique accideret, si ad ejus invocationem Miracula patraret, qui

sibi carus non esset, & acceptus. Cardinalis Gotti in *sua Theologia* tom. 10. dub. 6. §. 6. a num. 29. sequens dubium proponit: An præsciens Deus, si tali hora, vel loco, puta juxta Sepulchrum falsi Martyris, faciat Miraculum, homines prudenter credituros esse, tale Miraculum fieri in attestacionem illius Viri, possit Deus illud facere: & huic quaesito ita respondet: Non potest Deus facere Miraculum, nam aliud Deus fieret illo Miraculo testis falsitatis, & quodammodo eum Sigillo obignaret falsum, eo modo, quo Rex, si Sigillum suum traderet in circumstantia, in qua sciret, adhibendum fore ad obsignandum falsum Dilema. Eodem Principis exemplo utitur Cardinalis de Lugo de *Fide* disput. 2. sect. 1. num. 24. & sequentibus; & ante prædictos benè scripserat Suarez tom. 1. de *Gratia* prolegom. 3. cap. 4. num. 12. Sæpe Miraculum fit ad confirmandam Sanctitatem operantis; & tunc non fiet ab homine peccatore, quia Deus non præbet testimonium falsitati: aliquando verò fit ad confirmacionem Fidei, & doctrina; & tunc nunquam quidem fiet in confirmacionem falsa doctrina: fieri tamen poterit ab homine peccatore, quia tunc non operatur ad offensionem suæ justitiæ, sed ut Minister verbi ad confirmacionem ejus; & conferunt ea, quæ habentur apud duos Sanctæ Romanæ Ecclesiæ Cardinales, Baronius videlicet, & Bellarminum. Baronius ad annum Christi 34. num. 214. ita scribit: Cum nihil aliud sit Miraculum, quam a Deo omnipotente potenter editum testimonium, secundum quod & ipse Dominus aliquando ad eam confirmandam veritatem ait: Ut autem sciatis, quia Filius hominis habet potestatem in terra dimittendi peccata, ait paralytico: Tibi dico, surge, tolle grabatum tuum, & vade in domum tuam: vel cum inculcat de testimonio Patris, quod

& San-

*Et Sancti sapissimè fecisse noscuntur ; cer-
tè penè quos veritas doctrina non est,
quoniam Deus verax est, nec fallere, nec
falli potest, nec per Miracula facta Di-
vina attestatio unquam accedit ; repugnat
enim, & omnino contraria sunt inter se,
ut veritas mendacio assipuletur, ac Deus
consentiat falsitati ; subditque Cardina-
lis Bellarminus de Notis Ecclesia lib. 4.
cap. 14. tom. 2. suarum Controversiarum.
En ejus verba: Vera Miracula non pos-
sunt fieri, nisi Dei virtute ; dicitur enim
Miraculum, quod superat vires omnium
creaturarum ; & ideo omnibus creaturis
est mirabile, & propterea etiam in Scri-
pturis dicuntur testimonia Dei, ut supra
vidimus. Quare, quod Miraculo confirma-
tur, Dei testimonio confirmatur : Deus
autem non potest esse testis mendacii. Igi-
tur, quod Miraculo confirmatur, verum-
fit, necesse est. Neque repugnat, quod
vera Miracula non semper sunt ad con-
firmendam Fidem, sed interdum ad illu-
strandam Sanctorum vitam. Nam, cum
Miracula sunt, ad gloriam alicujus San-
cti demonstrandam, illa Miracula ostend-
unt, cum Hominem verè esse Sanctum.
Cum autem nemo sit verè Sanctus sine
vera Fide, quia justus ex Fide vivit
Hebr. 10. eadem Miracula ostendunt, &
confirmant veram Fidem.*

6 Satis dictum est de causa finali
Miraculorum: nunc operæ pretium
est aliqua innuere de differentiis inter
vera, & falsa Miracula. Cano-
nizæ quatuor requirunt in Miracu-
lis ; primum, quod a Deo, non ex
arte procedant ; secundum, quod sint
supra naturam, seu præter ordinem
totius naturæ creatæ ; tertium, quod
non fiant ex vi verborum, uti fit
Transsubstantiatio in Sacramento Eu-
charistiæ, sed Homini alicujus Sancti
precibus, & intercessione ; quartum,
quod fiant ad Fidei Catholicæ cor-

roborationem, vel ad denuntiandam
alicujus Sanctitatem, quam Deus vel-
lit hominibus patefacere : Glossa in
Cap. unic. in verb. Sedis Apostolica, de
Reliquiis, & Veneratione Sanctorum in
sexto, Hostiensis in Summa tit. de Re-
liquiis, & Veneratione Sanctorum num. 3.
Fagnan. in Cap. Venerabili num. 2. &
sequentibus, de Testib. Mascard. de Pro-
bationib. concl. 262. num. 25. & sequen-
tibus, Chassan. in Catalogo Gloria Mun-
di 3. part. considerat. 49. §. Secundò, ut
dixi, cum Paragraphis sequentibus, Fran-
ces variarum juris resolutionum cap. 25.
num. 19. & sequentibus, Molphel. Con-
sil. 46. num. 44. & sequentibus, Zac-
chias Quest. Medico-legal. lib. 4. tit. 1.
quest. 3. Malvet. de Canonizatione San-
ctorum dub. 3. num. 38. & sequentibus,
Contelor. de Canonizatione Sanctorum
cap. 17. num. 1. & sequentibus, Matra
de Canonizatione Sanctorum part. 3. cap.
8. sub num. 12. Pavin. in Relatione super
Canonizatione Sancti Bonaventura
part. 2. art. 1. vers. Quantum verò ad
propositum, Auditores Rotæ in Rela-
tione Sancti Andrea Corsini part. 2. num.
190. post primam Consultationem Læza-
næ, & in Relatione Sanctæ Franciscæ
Romana part. 3. art. 1. de Miraculis in
genere §. Secundò præmittendum est.

7 Quidquid autem sit, an expo-
sita doctrina in omnibus admittenda
sit, cum Eucharistiæ Sacramentum
sit Memoriale omnium Miraculorum,
& quasi Compendium Vitæ, Passio-
nis, & Resurrectionis Domini nostri
Jesu Christi, juxta illud Psalmi 110. =
Memoriam fecis mirabilium suorum mise-
ricors, & miserator Dominus, eam de-
dit timentibus se = & cum debuerit Eu-
charistia esse res plena Miraculo, non
autem simplex aliquod Symbolum, ne
esset inferior, sed superior Manne
Judæorum, quæ fuit Memoriale mi-
ra-

46 De Serv. Dei Beatif. et Beat. Canoniz.

rabiliū, quæ in Deferto Hebræis contigerunt, juxta ea, quæ habentur apud Cardinalem Bellarminum *Contr. tom. 3. lib. 3. de Sacramento Eucharistia cap. 9*. §. *Addē*; rursus, quidquid sit, an ex his satis aptè colligi possit differentia inter vera, & falsa Miracula, ita ut vera sint ea, in quibus prædictæ adfunt qualitates, falsa verò, in quibus defunt: manus admovenda est ad Theologorum libros, ut tutum de veritate, & falsitate Miraculorum, seu de differentia inter vera, & falsa Miracula feratur judicium. Agunt ipsi de veritate Miraculorum a Christo Domino editorum, & ponderant primò ipsam speciem operum, quæ omnino omnem excedebant creatæ virtutis potestatem; unde Cæcus illuminatus dicebat Joannis cap. 9. = *A seculo non est auditum, quia aperuit quis oculos Cæci nati. Nisi hic esset a Deo, non poterat facere quiddam*: ponderant secundò modum faciendi, cum solo nutu Miracula operaretur; unde Luca 6. dicitur, quòd *virtus de illo exibat, & sanabat omnes*: ponderant tertio doctrinam, qua Christus se Deum dicebat, & Virtutem Divinam Miraculis comprobabat, quod soli Christo singulare fuit; licet enim Apostoli, & multi alii Sancti potestatem habuerint faciendi Miracula similia iis, quæ fecit Christus, & majora, juxta illud Joannis 14. = *Qui credit in me, opera, quæ ego facio, & ipse faciet, & majora horum faciet* = Apostoli tamen, alique Sancti numquam Miracula fecerunt, ut probarent, se Divinâ Virtute pollere, sed potius, ut ostenderent, se esse Servos Christi, sine quo nihil boni agere poterant, & in cujus nomine Miracula patrabant ad gloriam Dei promovendam: quocir-

ca, postquam Christus protulit laudata verba = *Qui credit in me, opera, quæ ego facio, & ipse faciet, & majora horum faciet* = addidit = *Si quid petieritis me in nomine meo, hoc faciam* = ut ostenderet, se unum esse cum Patre Deum, unam utriusque operationem, essentiam, & omnipotentiam; unde optimè Sanctus Augustinus in *Expositione Psalm. 130* inquit: *In Christo majora videntur Sauli fecisse, quàm ipse Dominus. Sed unde fieri potest, ut valeant plùs sacramenta, quàm radix? Quomodo, rogo, quasi majora videntur Apostoli fecisse, quàm Christus; ad vocem Domini mortui surrexerunt: At solâ percussus Petri umbrâ transeuntis, qui jacebat mortuus, assurrexit. Majus hoc videtur, quàm illud. Sed Christus facere, suè Petro poterat, Petrus, nisi in Christo, non poterat; quia suè me, ait, nihil potestis facere.*

8 Addunt evidentiā ipsam naturalem de veritate rerum, quæ agebantur, diuturnitatem effectuum, & perseverantiam, multitudinem, & frequentiam, finem talium operum, cum nihil temporale, & humanum, nihilque prævum in illis intenderetur, sed potius rectitudo, & honestas morum, & veri Dei cognitio, & Demoniis expugnatio. Legi potest Suarez de Fide, Spe, & Caritate disput. 4. sect. 3. num. 9. & eruditissimè prolequitur Huëtius in sua *Demonstratione Evangelica* proposit. 9. Fusiùs hoc ipsum argumentum prolequitur Pater Gravelon in suo *Tractatu de Sacra Scriptura* part. 1. cap. 1. §. *Verùm hæc Infiltratium*, ubi, agendo de veritate Miraculorum Moysis, & Christi, considerat, Moysen, non clanculum, sed in propatulo edidisse Miracula, & testes appellasse ipsos Israelitas, qui ea propriis oculis inspexerant; & imperce-

pubile esse, quoddam ille sexcentis, & amplius Israelitarum millibus suadere poterit, ipsos vidisse, quæ non viderant. Rursus, ipsos Judæos ultro confessos fuisse, Miracula a Christo patrata fuisse, quamvis per odium, & invidiam ea ad magicas artes referrent; ejus Miracula narrari ab Apostolis, & Evangelistis, quorum fidem, & sinceritatem commendant vitæ probitas, simplex oratio, mors constanter appetita pro defensione doctrinæ Christi, & ejus Miraculorum veritatis denique indubitata testimonium desumi posse ex ipsorum Judæorum factis, qui numquam reclamarunt ad propagandam fraudem, si quam esse putavissent, Evangelistarum, sed bene multi ex illis, qui fuerant testes oculati prodigiorum, Christianæ Religionis nomen dederunt, narrante Eusebio lib. 3. *Histor. Eccles. cap. 31.* universam Ecclesiam Hierosolymitanam tunc temporis ex solis Hebræis, qui ad Fidem Christianam conversi erant, fuisse constatam usque ad tempora Hadriani Imperatoris, qui Judæos, & Christianos Hierosolymis depulit.

9 Sanctus Augustinus inter Miracula Magorum, & Sanctorum Hominum discrimen in octoginta trium questionum Libro in medium affert his verbis: Cum talia faciunt Magi, qualia nonnumquam Sancti faciunt, talia quidem risibiliter esse apparent, sed & diverso fine, & diverso jure sunt: illi enim faciunt querentes gloriam suam, isti querentes gloriam Dei; & illi faciunt per quædam potestates concessas in ordine suo quasi privata commercia, vel beneficia isti autem publicas administratione jussu ejus, cui cuncta creatura subjecta est. Sanctus Thomas 1. part. *quest. 110. art. 4.* Ad secundum prædictam Sancti Augustini auctoritatem explicat, sed

clarius in 2. lib. *Sent. dist. 7. quest. 3. art. 1.* docet, Miracula Bonorum Hominum, & Magorum differre Efficaciâ, & Duratione, Utilitate, Modo, ac Fine; *Efficaciâ* quidem, & *Duratione*, cum Miracula a Bonis Hominibus facta non, nisi virtute Divinâ, facta sint, ejusmodi est suscitatio mortui, & id genus alia virtutem nature activam excedentia, quæ Dæmones re verâ facere non possunt, nisi præstigiis quibusdam, quæ diu durare non possunt; *Utilitate*, cum Bonorum Miracula non nisi utilitatem afferant, ejusmodi sunt admirabiles ægritudinum curationes, Magorum autem signa sint noxia, & vana; *Modo*, cum Boni Miracula faciant nomen Dei piæ, & reverenter invocantes, & Magi quibusdam utantur deliramentis; *Fine*, cum Bonorum Miracula efficiantur ad Catholicæ Fidei edificationem, & rectos mores propagandos, & Magorum signa afferre soleant manifestum Fidei, & honestati detrimentum, uti, doctrinam Divi Thomæ explicando, bene profequitur *Rocca de Canonizatione Sanctorum cap. 21.*

10 Concordant, quæ fusc habentur apud Authorem *Traçatus de Canonizatione Sanctorum ad Cardinalem Montis Regalis 5. part. cap. 9.* dicit enim, Miracula vera a falsis differre primò efficaciâ, nam vera Miracula id efficiunt, quod demonstrant, ut illuminationem cæci, suscitationem mortui, falsorum verò Miraculorum patratores vel nihil omnino efficiunt, vel speciem quamdam inchoatam exhibent ejus facti, quod promittunt, verè tamen nihil efficiunt, & aliquando voluntate Divinâ ad retundendam audaciam contrarium efficiunt; secundò duratione, nam, quæ ficta sunt, diu durare non possunt, unde Joan-

48 De Serv. Dei Beatif. et Beat. Canoniz.

nes Andreas in Cap. *Andrevimus*, & ibi ceteri Canonizati & Reliquiis, & Veneratione Sanctorum referunt, falsa Miracula non durare ultra dies quadraginta, licet hoc non sit certum; tertio, quia Miracula vera fiunt vel ob Dei gloriam, vel propter caritatem proximi, & falsa vel ob vanitatem, vel ob ruinam animarum; quarto, quia vera fiunt oratione, & falsa incantationibus, verbis, vel signis inusitatis; quinto, nam falsa vel vana sunt, ut motus, & locutio Statuarum, vel noxia, ut morbi immisi, dolores, Demonum vexationes, vera autem sunt utilia, cum manifestatio spiritus detur ad utilitatem; sexto victoria, quocirca supra jam visum est, Magos Pharaonis scinifes facere non potuisse, & Simonem Magum per aerem volentem, orante Sancto Petro, contrafactum cecidisse. Iustus Lipsius in suo *Traſſatu de Diva Virgine Hallensi* cap. 3. ita eleganter ad rem subdit: *Triplex nota est, qua vera a vanis Miracula differunt, Magnitudo, Finis, & Fides. Magnitudo, quod non exigua aliqua, aut levia sunt in opere, sed qua opinionem, sensum, naturam omnem vincant, & qua ipsa illa natura non nisi Domino suo possit indulgere. Legisti ne, a Moysse, Pharaone Rege arbitro, victos varis ejus Traſſigiatores, aut Magos? Tale univere in veris, vanisque scito vim illic veram, & Divinam eminere, ideoque & majestatem; hic fallax aliquid, lusorium, & illusorium, & in exploratione leve reperendum &c. Jam discrimen alterum a Fine est. Ut demus, magna quedam a profanis, provisque hominibus patrari, Finis diffidet. Illi in ludibrium, aut noxam faciunt, nostri in servum fructum, aut salutem. Traſſigiatores, Calculatores, & id genus, quid, nisi vana specie objecta, oculis, sensusque fallunt? & fallendo, delo-*

latiuncula aliquod fortasse pernucleant. Magi, Lucantatores, Venefici nocendi palam finem habent, & ad Demonum cultum adducendi, quorum ope, consilioque, hac patrant. Itaque non fallax & iste character, quod vera Miracula ad verum, & unum Deum ducunt, falsa ad falsos, & multos. Tertium denique discrimen Fides, atque id dupliciter. Primum, quia vana multa ejusmodi fama, aut scriptis prodita &c. sensu etiam altero vana, quia speciem sepe, non rem habent, non certe perfectionem, aut diuturnitatem &c. Non sic in veris; absque absque omnia Fidem habent, siue Libris Sacris tradita, qui non magis, quam eorum Author (is Deus est) mentiuntur, siue bonis testibus, arbitrisque affirmata, denique fidei etiam, perfectique operis, nec retractantur ex facili, aut mutant. Eritius in lib. 2. Sent. dist. 7. §. 19. vers. Tertium ait, falsa Miracula aut solam habere admirationem, & humane curiositati servire, aut talia esse, quibus tantum nocetur hominibus, aut, si prodesse videntur, haecenus tantum id facere, quia Demones eorum authores a nocumento desistunt, vel, si afferant aliquid beneficium corporale, non deesse causas naturales, quae a sagacioribus inveniri possunt, uti supra visum est. Calmet in sua citata Dissertatione de veris, fictisque prodigiis sic differentiam inter ea exponit, quod videlicet verum prodigium illud sit, quod juxta insitam nobis ideam regulas fluctuantis naturae transcendit, & quod fictum illud est, quod naturae leges in specie tantummodo superat. Addit, prodigia nonnulla adeo aperta conflata, & explorata, ut imperitissimi quique de populo de illis judicare permittantur, puta, cum Moyses elata virga mare pro arbitrio diffudit, & restituit, cum Christus Lazarum defunctum, quatuor-

quadriduanum vivum stare iussit : & postquam statuit, Deum fallere non posse, neque deceptores, & mendacia prodigiorum suorum autoritate confirmare, nec semel promissam Ecclesie sue infallibilitatem negare, concludit, quòd inter varia, & opposita prodigia recurrendum est ad Ecclesie auctoritatem ; quod ipsum latè traditur ab Arauxo *Decis. Moral. tract. 3. quest. 23. §. 5. num. 87. Paschalis in suis Cogitationibus art. de Miraculis* characteres veri Miraculi exponit, quorum primus est, quòd excedat vires omnes agentis naturalis notas, & ignotas ; secundus, quòd ad Deum, & Jesum Christum dirigat ; tertius, ne quid in veram doctrinam, pietatem, & Ecclesiam labis permittat : & characteres veri Miraculi, prout a falso fecernitur, deductos ex supra relatis circumstantiis Efficacie, Durationis, Utilitatis, Modi, & Finis latè prosequuntur Bidermannus in *Agonistico lib. 3. cap. 3. 4. & sequentibus*, & Emanuel Sanz in *Scholaste armato contra Fidei inimicos, seu Tractatu Theologico de Fide part. 1. disput. 6. §. 1.* & Practici subdunt, non esse de falsitate Miraculi dubitandum, si aliqua vi edantur, vel per Dæmonis invocationem, vel per pactum cum eo factum, vel per modum aliquem superstitiosum, aut per abusum Sacramentorum, vel Sacramentalium, veluti latè exponit Cardinalis de Lauerza in 3. lib. *Sent. tom. 4. disput. 20. de Miraculis art. 19.*

11 Hæc autem retulisse satis sit. Nunc enim reliquum est, ut aliqua subdantur, quæ ad praxim pertinent : utque id recto ordine fiat, prænoscere opus est, ex variis capitibus, & causis dubitationem oriri posse de Miraculorum falsitate. Pri-

mum dubitandi caput constitui potest in Teltibus, qui Miraculum referunt, quibus fides præstari nequeat, aut quia suspicio sit simulationis, fictionis, aut mendacii, ut in casu exposito a Natali Alexandro in *Historia Ecclesiastica Saculi noni cap. 3. art. 13.* ubi narrat, quòd, vulgatè novarum Reliquiarum famâ, Populi quadagesimali tempore ad Basilicam Sancti Benigni confluerunt, & post Pascha viles, & nequam homunculi, & mulierculæ, acceptâ occasione, morbos, & subitaneas sanationes fingere, atque ostentare ceperunt, vel quia dicta Teltium, licet proborum, non sunt ita inter se consona, ut ex eis concludens probatio valeat desumi. Secundum dubitandi caput desumi potest ex ipsa facti substantia, de cujus veritate licet questio moveri non possit, controversia tamen rationabilis excitatur, an ea excedat vires naturæ seu quòd ad factum, seu quòd ad modum faciendi. Tertium dubitandi caput desumi potest ex hoc, quòd, suppositis tum facti veritate, tum ejus excessu supra vires, & facultatem naturæ, non deest rationabilis suspicio, quòd ad Dæmonum præstigia, & illusiones referendum sit. Ultimum denique dubitandi caput desumi potest ex hoc tantum, quòd, licet factum excedat vires naturæ creatæ visibilis, & corporeæ, non videtur tamen, quòd excedat vires naturæ invisibilis, & incorporeæ, hoc est Angeli boni. De primo, & secundo capite sepe se offert occasio disputandi in Sacrorum Rituum Congregatione, dum agitur de Causis Beatificationis, & Canonizationis ; & in eo, quod attinet ad primum caput, resumenda sunt, quæ a nobis dicta fuerunt in

50 *De Serv. Dei Beatif. et Beat. Canoniz.*

secundo, & tertio hujus Operis libro de rituali examine Testium, ipsorum qualitate, & dictis, quæ omnia eruendæ profunt veritati; in eo autem, quod spectat ad secundum caput, faciunt ea, quæ infra dicentur in hujus quarti libri decursu, in quo sedulo inquirendum est de his, quæ excedunt, vel non excedunt vires, & facultatem naturæ: in qua profecto inquisitione necessarium non est, veluti quidam malè feriat autumant, quòd nobis cognitæ sint omnes naturæ leges; sufficit enim, exploratum esse, omnia corpora ejusdem naturæ secundum easdem moveri leges, & easdem causas ordinatim eisdem producere effectus, & Miraculum esse, quando corpus moveretur aliâ lege, quàm reliqua omnia ejusdem naturæ, & quando eadem causa in iisdem circumstantiis alium, quàm ordinatim solet, producit effectum, uti quoque ingenuè admittit Fœmina Anonyma, licèt heterodoxa, in suo Opere de veritate Christiani-

na Religionis Typis Londinensibus edito anno 1732. ubi de veris Miraculis Christi agit, cujus Operis Compendium refertur in novis Actis Eruditorum Lipsiæ editis anno 1734. pag. 337. & sequentibus. Tertium caput nihil habet commune cum Judicio Beatificationis, & Canonizationis, & cum Sacrorum Rituum Congregatione; cum etenim, uti sæpe dictum est, non deveniatur ad inquisitionem super Miraculis, nisi præcesserit approbatio Virtutum, aut Martyrii, nec de fama Miraculorum tractetur, nisi unà simul agatur de fama Virtutum in gradu heroico, hæc absque dubio incompatibilia sunt cum suspitione, quæ ex supradicto tertio capite desumitur. Pro complemento nihil aliud remaneret, quàm agere de ultimo dubitandi capite: sed de hoc sermo erit in sexto hujus quarti libri capite, ubi etiam alia quædam inveniuntur, quæ tertium dubitandi caput respiciunt.

CAPUT QUINTUM.

De Miraculorum necessitate in Causis Beatificationis, & Canonizationis.



Uz in præcedentibus Capitibus dicta sunt, pertinent ut plurimum ad Miracula in genere. Ea tamen visum est præmitti debere, ut via sterneretur ad examen-

tum necessitatis Miraculorum, tum ipsorum Miraculorum in Beatificationis, & Canonizationis Causis, quas labor hic noster præcipuè respicit.

2 In tertio hujus Operis libro cap. 44. num. 8. vidimus, Beatum Petrum Damiani nulla in Historia Vita Sancti Dominici Loricati Miracula narrasse, & respondisse, id mirum esse non

non debere, cum nec legatur, ullum factum fuisse Miraculum a Beatissima Virgine Maria, nec a Sancto Joanne Baptista; & num. 10. ejusdem capituli allata fuit autoritas Anastasii Episcopi Niczni dicentis, non oportere dijudicare, quod aliquis sit Sanctus, ex eo quod fecit signa, sed ex eo quod vitam recte instituit. Callisto II. Summo Pontifici Miracula requirenti pro Canonizatione Sancti Contardi Episcopi Constantiensis Ulricus ejusdem Ecclesie Episcopus ita respondit: *Operam dedi, ex Patrum schedulis hujus Viri dignissimam Deo conversationem potius, quam Miracula, que nunquam reprobis cum Sanctis communia sunt, continentibus sequens Opusculum colligere. Vestraque sublimitati examinandum dirigere.* Supra laudatus Beatus Petrus Damiani Episc. 19. ad Alexandrum Papam II. Miracula querentem ad Sancti Rodulphi Eugubini Episcopi Sanctitatem asseverandam sequens dedit responsum: *Qui Miraculum quæris, nonne tibi videtur esse mirabile, Hominem adhuc fragili carne circumdatum angelitus vivere, adeo ut inter quamplurima hominum millia vix unum ejus similem valeas reperire?* De Malcolino adolescente adhuc Scotorum Rege per forroosissimas a propria etiam Matre subinductas Puellas frequenter tentato, ac semper invicto. scribit Willhelmus Neubricensis lib. 1. cap. 25. = *Dicant, quod voluerim, venatores signorum, & ex miris merita metientes, & ex sola signorum claritate Sanctitatis titulum tribuentes; plaud ego illud in Rege juvenulo sic impugnata, sed inexpugnata integritatis Miraculum censeo præferendum non solum illuminationi eorum, sed etiam suscitationi mortuorum.* Inter celebra dicta Sancti Fulgentii Episcopi Ruspensis cap. 26. apud Bollandum ad primam diem Januarii hæc

de Miraculis recensetur sententia: *Mirabilia non conferunt homini justitiam, sed notitiam boninum. Quisquis autem fuerit hominibus notus, nisi fuerit justus, ad aterna perveniet supplicia condemnatus.* Ille vero, qui *Misericordia celestis operâ justificatus in conspectu Dei solius vixerit justus, etiamsi parum sit hominibus notus, beata Sanctorum gaudia percipiet coronatus.* = In primo hujus Operis Libro, dum agebatur de necessitate Miraculorum in Causis Martyrum, allata fuit autoritas Sancti Eulogii Martyris in Memoriali Sanctorum ita dicentis: *Signa, atque prodigia & Sancti & reprobis faciunt, quæ nihil aliud, quàm notitiam, quam etiam aliquando, hominum, conferunt.* Hinc provenit, ut, qui fuerit hominibus notus, nisi fuerit justus, ad aterna supplicia perveniat condemnandus. Ille autem, qui celesti gratiâ illustratus sub notitia sui Creatoris vixerit Sanctus, etsi mortalibus sit ignotus, in futuris tamen Sanctorum gaudiis erit annumerandus. Nec nos isti prosequenter Miraculorum penitus abdicamus insignia celesti dono quibusdam collata, & congruenti tempore per Dei dispensationem Nationibus ordinata, sed latratibus rabidarum canum obviâ revimus, qui Martyrum nostrorum intentionem exanimare attentant, dum eos de Miraculis redarguere sperant. Facit responsum, Alexandri III. in Cap. Audivimus de Reliquiis, & Veneratione Sanctorum, in quo, ut aliàs visum est, prohibetur Cultus publicus absque Sedis Apostolicæ autoritate erga defunctum, etiamsi per eum Miracula fierent: ex his enim colligi posse videtur inutilitas Miraculorum in Causis Beatificationis, & Canonizationis. Demum, Baillet in Discursu historico præliminari ad Vitas Sanctorum §. 82. & duobus sequentibus latè hoc argumentum sequitur, & ostendere conatur, serè

52 De Serv. Dei Beatif. et Beat. Canoniz.

totam vim esse in Virtutibus, & in heroicis gestis constituendam, & vel nullum, vel modicum momentum, pro Sanctitate astruenda esse in Miraculis statuendum.

3 Alii contra, neglectis quodammodo probationibus Virtutum, seu Martyrii, præcipuam vim, & ferè unicam in Sanctorum Canonizationibus constituendam esse censuerunt in Miraculis a Deo parratis intercessionis Servi Dei, sive Beati, de cujus agitur Beatificatione, & Canonizatione. Joannes Saresberienfis nonnihil commotus in Alexandrum III. Summum Pontificem, qui sibi videbatur moras necesse, & nimis disserere Canonizationem Sancti Thomæ Cantuariensis, quamvis ille id rationabiliter faceret, exspectabat enim reditum Cardinalium Legatorum, quorum relatione cuncta exactè, atque securè disceret, in *Epistola ad Willhelmum Archiepiscopum Senonensem, & Sedis Apostolicæ Legatum* inquit, ejus Canonizationem a Deo factam fuisse, nec ullam Hominum auctoritatem esse necessariam, cum Deus illius Sanctitatem Miraculis illustrem reddiderit: *Profectò, ubi Deus author est, frustra Superioris desideratur auctoritas*: unde Cardinalis Baronius in *Annalibus ad annum Christi 1173. num. 4.* sic interpretatur dictum Saresberienfis: *Ita, qui dilatam nimis dolens Martyris Canonizationem, quam Deus desuper tot, tantisque Miraculorum facibus e Cælo luculentius jam divinius factam ostenderit, putavit, tam humanam non indigere auctoritate, secundum illud Apostoli = Quis accusabit adversus electos Dei? Deus est, qui justificat; quis est, qui condemnet? =*

4 At, his minime obstantibus, de necessitate tum Virtutum, aut Martyrii, tum Miraculorum in Causis

Beatificationis, & Canonizationis nulla rationabilis dubitatio insurgere potest, uti sæpe in *hujus Operis* decursu a nobis dictum est. Virtutes, & Miracula exposcit Honorius III. in *Cap. Venerabili de Testib. & Attestationib.* ubi sic loquitur: *Super Vita, & Miraculis*; & Gregorius IX. in *Bulla Canonizationis Sancti Antonii Tatarvini* Ecclesiam Triumphante ab Ecclesia Militante distinguit, & pro Sanctitate in Ecclesia Triumphante solam ait sufficere perseverantiam finalem, pro Ecclesia verò Militante duo statuit necessaria, Virtutem videlicet morum, & veritatem Signorum, uti videri potest *lib. 3. hujus Operis cap. 42. num. 11.* Resumi quoque possunt, quæ in *primo hujus ipsius Operis Libro* fusè a nobis deducta sunt de necessitate Miraculorum etiam in Causis Martyrum, necnon cetera omnia, quæ pariter sæpe supra repetita fuerunt de binis Miraculis post approbationem Virtutum, aut Martyrii in Causis procedentibus per viam non Cultus ante Beatificationem formalem necessariis, & binis aliis, quæ dictam Beatificationem subsequantur, antequam ad Canonizationem procedatur, aut de binis Miraculis, quæ post indultam Venerationem, & approbationem Virtutum, aut Martyrii subsequantur in Causis procedentibus per viam Casus excepti, & Beatificationis æquipollentis: & pro suadenda Miraculorum necessitate in Causis Beatificationis, & Canonizationis satis, superque esset asserere, inconcussam semper fuisse, & esse Apostolicæ Sedis praxim Miracula in his Causis requirendi, quemadmodum, hanc praxim exornando, latè prosequuntur Contelori. de *Canonizatione Sanctorum cap. 19. num. 2.* Baldellus *Theologia Moralis tom. 2. lib. 3. disput. 14. num. 1.*

Pater Mabillon in sua Epistola edita sub nomine Eusebii Romani ad Theophilum Gallum num. 12. Rotæ Auditores in Relatione Casuarum Sanctæ Franciscæ Romanæ part. 3. art. 1. de Miraculis in genere, Sancti Ignatii tit. de Miraculis, Sancti Francisci Xaverii 3. part. de Miraculis, Sancti Petri de Alcantara 3. part. de Miraculis, Sancti Felicis de Cantalicio eodem titulo de Miraculis, Sancti Paschalis de Baylon tit. de Miraculis, Sancti Ludovici Bertrandi eodem titulo, Sancti Andrea Avellini 3. part. de Miraculis, Sancti Pii V. 4. part. tit. de Miraculis, Sancti Jacobi de Marchia ad tit. de Ornata Sepulchri 8. Reliquum est.

3 Absque eo quod quidquam referant, quæ in superioribus deducta sunt vel pro exclusione Miraculorum in Causis Beatificationis, & Canonizationis, vel pro eorum sufficientia, etiam si non constaret de Virtutibus, aut Martyrio. Si enim serid animadvertantur, quæ deducta fuerunt pro exclusione Miraculorum, unusquisque facili negotio deprehendere poterit, ea sibi vindicare locum quod ad Ecclesiam Triumphantem, pro qua sola Perseverantia finalis satis est, uti supra dictum fuit, unde in Historia Miraculorum Sancti Petri Archiepiscopi Tarentasiensis post ejus obitum collecta, & oblata Summis Pontificibus Alexandro III. & Lucio III. apud Bollandianos ad diem 8. Maji cap. 2. num. 29. ita legitur = Torro nos aliud etiam majus his, & firmiter judicium Sanctitatis illius habentes, laudabilem scilicet conversationem ejus in vera, multaque humilitate, & caritate, quibus mirabiliter resplendens, radicatum, & fundatum, firmissimè tenemus, & nullo modo dubitamus, etiam si nunquam Miracula fecisset, ipsum supernorum Civium cæstibus aggregatum, gloria, & honore a Deo

coronatum esse = secus autem quod ad Ecclesiam Militantem; aut procedere in terminis defectus Miraculorum patratorem, dum Sancti in humanis degebant, secus autem in Miraculis ad eorum intercessionem post obitum a Deo factis. Quod ut clarè percipiat, resumenda sunt ea, quæ in antecedenti lib. 3. cap. 44 a nobis dicta sunt de Gratia gratis data Miraculorum: ibi quippe ostendimus, posse etiam peccatores, dum vivunt, Miracula operari in nomine Christi, nec a Miraculis in vita patris certum desumi posse argumentum pro austruenda Sanctitate ejus, qui vivens Miracula fecit: & lib. 1. cap. 33 num. 14. & sequentibus dictum est, sola Miracula post mortem pro Canonizatione admitti, & in Beatificatione formali admitti posse Miracula in vita patrata, dummodo conjugantur cum Miraculis post obitum secutis; Miracula siquidem post obitum facta a Deo intercessione defuncti, ejus Sanctitatem demonstrant, & apertum, & Divinum Sanctitatis signum præferunt, uti præter cumulosatos lib. 1. cap. 33. num. 15. & 16. benè ostendit Gravina de Notis, seu Signis Ecclesie in Biblioteca Maxima Pontificia tom. 8. pag. 737. sequentibus verbis: Sanctitas perfectè probatur, cum confessio Fidei, & operum iustitia referam Miraculorum habet adiunctam. Hinc est, quod Canonizandi primò de Fide excellentia, vita Sanctitatem, mox de Miraculis inquiruntur, & maxime post mortem; nam, etsi quis calumniaretur Miracula eorundem in vita, quod non attestentur bonitatem, & Sanctitatem, ab omni calumnia alienum est, quid post mortem fecerim Miracula ad eorundem Sanctitatem illustrandam. Si enim invisi Deo decrevisset, & non essent Deo cari, ad eorum invo-

ca-

54 *De Serv. Dei Beatif. et Beat. Canoniz.*

cationem nequaquam Deus faceret Miracula in attestationem Sanctitatis eorumdem; & scripsit Pater Ceparius in suo Directorio Canonizationum saepe in praecedentibus hujus Operis libris allegato lib. 1. cap. 9. = *Sine Miraculis non solum in vita, sed saltem specialiter post mortem operatis Ecclesia nullum Sanctorum Catalogo adscribit.* Pater Philippus a Sancto Paulo in suo Opere de Sacris Apparitionibus part. 2. cap. 1. §. Licet autem ait: *Ut procedatur ad Beatificationem, aut Canonizationem alicujus Servi Dei Sedes Apostolica requirit Miracula a Deo per eum, vel ejus invocationem patrata, & praecipue post mortem; & concordant Pignatell. Consult. 26. num. 24. tom. 5. & Ricciul. in suo Tractatu de Immunitate ab errore in Canonizatione lib. 1. cap. 3. num. 57.* Ena ejus verba: *Summi Pontifices ad canonizandum aliquem praequirere soliti sunt non solum vita Sanctimoniam, nec sola Miracula ab ipsis patrata, sed utrumque, & potissimum Miracula post mortem a Deo ipso ad eorum honorem, & invocationem edita.* Ex veris ergo Miraculis ad patefaciendam alicujus Sanctitatem a Deo editis, & sic ex Miraculis alicujus intercessione post obitum praecipue a Deo patratis, Sanctitas apertissime comprobatur: nullatenus urgente responso Alexandri III. in Cap. *Audivimus de Reliq. & Venerat. Sanctor.* ubi Cultus publicus prohibetur absque Sedis Apostolicae autoritate erga Defunctum, etiamsi per eum Miracula fierent, cum ibi Pontifex non de veris Miraculis loquatur, sed de Miraculis illusoriis, quae aliquando per Daemones fiunt ad invocationem malorum; in Decretali quippe allegata agebatur de Homine in ebrietate mortuo, quem nonnulli tamquam Sanctum venerabantur,

utl ad rem bene ponderat Castellinus de *Ceritudine Gloria Sanctorum* cap. 8. punct. 28. pag. 403. & bene Pignatell. Consult. 176. num. 1. tom. 10. annotavit, quod admiranda Magorum opera ab Ecclesiasticis Scriptoribus aliquando Miracula appellantur, quia sunt similia veris Miraculis, & quia juxta vulgarem, sed falsam, hominum opinionem pro Miraculis habentur. Quod si sermo ad alios transferatur, qui pondus Canonizationum in solis Miraculis post obitum patris constitutuere videntur, secus etiam probatione Virtutum, aut Martyrii, responderetur, Seresberiensem nimio mentis fervore erga Canonizationem Sancti Thomae Cantuariensis abreptum fuisse, dum scripsit, Superioris autoritatem non desiderari, ubi Deus author est. Miracula quippe etiam post obitum secuta, ut Beatificationi, vel Canonizationi prosint, debent esse a Summo Pontifice approbata, uti, dictum Seresberienensis retellendo, bene annotavit Cardinalis Baronius ad annum Christi 1173. num. 4. ubi haec habet: *At nihilominus necessarium auctoritas est Ecclesiae requirenda ad cognoscenda ipsa Miracula, ne fraud aliqua irrepserit, vel impossura &c. quod judicium Ecclesia in ejus visibili Capite in primis residet, cujus in ejusmodi examinatione pravia sit expectanda Sententia;* & bene prosequitur Scacchus de Notis, & Signis Sanctitatis sect. 8. cap. 1. = *Perspicuum est igitur, nec mirabilibus, nec Miraculis, utcumque hoc Populus accipiat, post mortem alicujus Hominis, Sanctitatem ejus valido comprobari argumento, sed ex Miraculis solummodo ab Ecclesia Romana probatis post juridicam illorum inquisitionem, & diligentem Testium examinationem, ac circumstantiarum, aliorumque, quae ad Mi-*
ra-

raculorum exactam probationem requiruntur: nec ad Sententiam super veris Miraculis a Romano Pontifice proceditur, nisi præcesserit approbatio Virtutum, aut Martyrii, veluti sæpe dictum est; & quotquot dixerunt, posse Summum Pontificem ad Canonizationem procedere ex sola Miraculorum evidentiâ, inter quos Augustinus Triumphus de Potestate Ecclesiæ quest. 13. art. 4. explicari debent, ut loquantur in ea hypothesi, in qua nulla res vitæ Sancti adverteretur, veluti docet Rocca de Canonizatione Sanctorum cap. 2. in fine, quod est idem, ac dicere, postquam præcessit Virtutum approbatio. Pater a Panormo olim Consultor Sacræ Congregationis Rituum in suo Scrutinio De Trinarum cap. 3. art. 14. num. 38. refert nonnullorum opinionem asserentium, posse Romanum Pontificem ad Canonizationem procedere, præviâ solâ Virtutum approbatione. Cardinalis de Lauceza in 3. lib. Sent. tom. 4. disput. 20. art. 23. de Miraculis §. 4. num. 1119. dicit, ex solis Miraculis posse ad Canonizationem procedi, etiam si de Virtutibus non constet: *Quamvis pro Canonizatione sit necessarium probare Virtutes in Vita, & Miracula post mortem, ut sæpe probatum est ex Constitutionibus diversorum Pontificum, si tamen daretur casus, quod de Virtutibus alicujus non haberetur notitia, quia antiquus, & nullus scripsit ejus gesta, tamen post mortem Miracula patrarentur in ejus Sepulchro, vel ad invocationem, aut contactum Reliquiarum ipsius, hæc sufficerent ad canonizandum.* At, ut alibi quoque dictum est, si hæc admitti possunt, ad summum admitti possunt speculativè loquendo, non autem practicè, & juxta inconcussam Sedis Apostolicæ disciplinam. Optimè Suarez

tom. 1. de Gratia proleg. 3. cap. 4. num. 11. ubi post plura inquit: *Neque Ecclesia sola Miracula considerat ad Sanctitatem alicujus probandam, sed propriè vitam, & mores, quibus si Miracula conjungantur, sunt magnum signum probitatis vitæ; & latè prosequuntur Arauxo Decis. Moral. tract. 3. quest. 23. num. 11. & sequentibus, Pater Philippus a Sancto Paulo in suo Opusculo de Sacris Apparitionibus part. 2. cap. 1. §. Licet autem, Cardinalis Petra ad Constitutiones Apostolicas tom. 2. in Nostræ ad Constit. 2. Innocentii III. num. 8. Pignatelli Consult. 38. num. 26. tom. 4.*

6 Alibi a nobis relata sunt verba Summorum Pontificum, & signanter Gregorii IX. in Bulla Canonizationis Sanctorum Francisci de Assisio, & Anthonii Patavini, in quibus pro Canonizatione requirunt Virtutem morum, & veritatem signorum, merita videlicet, & Miracula, ut hæc, & illa sibi invicem contestentur, cum nec merita sinè Miraculis, nec Miracula sinè meritis plenè sufficiant ad perhibendum inter homines testimonium Sanctitatis. Ne verò ex his verbis aliquis incautè, aut fraudulentè animum assumat dicendi, Virtutes ex Miraculis, & Miracula ex Virtutibus probari, & sic circulum, ut ajunt. Philosophi, vitiosum committi, opus est animadvertere, in Canonizationis Judicio ante omnia procedere debere exactissimam Virtutum, aut Martyrii discussionem, & post eam feliciter resolutam transitum fieri ad discussionem Miraculorum, hoc est, ad perpendendum, an ad invocationem Canonizandi Deus dignatus sit vera Miracula operari, quæ certius reddunt Judicium jam prolatum de Virtutibus, & Martyrio: Sed, cum merita jana præcedunt, & clara succedunt Miracula,

ccr-

56 De Serv. Dei Beatif. et Beat. Canoniz.

certum præbent Judicium Sanctitatis, ut nos ad ipsius venerationem inducant, quem Deus ex meritis præcedentibus, & signis subsequen- tibus exhibet venerandum = quemadmodum prosequitur memoratus Gregorius IX. In Bulla Canonizationis Sancti Antonii Patavini: in quo rerum themate nemo est, qui non videat, quemcumque circulum vitiosum abesse, veluti benè explicat Annatus in Apparatu ad Theologiam positivam lib. 1. art. 11. num. 3. ubi ait: Nullus vitiosus sit circulus, si duo Testes in serendis eoràm Judice testimoniis se mutuo juvent, & confirmant, ita ut priori credatur propter posteriorem, & viceversa posteriori propter priorem; sicut pariter nullum est circulationis vitium, quòd duo Prophetæ a Deo missi se mutuo commendent, & uni credamus propter alterum, sicut Christus commendat Joannem, & Joannes viceversa commendat Christum. Faciunt verba Sancti Marci = Illi autem profecti prædicaverunt, ubique Domino cooperante, & sermonem confirmante sequentibus signis = & Apostoli ad Hebræos 2. = Contestante Deo signis, & portentis; & ad rem benè subdit Sanctus Gregorius Homil. 15. super Ezechielem = In Saero Elogio Patrum præcedentium & Miracula legimus, & Virtutes bonorum operum audivimus. Hi namque cognoscimus, quòd alius potuit mare dividere, alius Solem figere, alius mortuum suscitare, alius paralysicum erigere, verbo, & umbrâ ægrotos curare, alius per sua seminecinitia infirmantibus febribus obviare; qui tamen omnes patientia longanimitate, mites, & zelo rectitudinis ferventes fuerunt verbis prædicatione divites, simul & misericordia largitate. Hi itaque quàm vera de Deo dixerint, testantur Miracula, quia talia per ipsum non fierent, nisi vera de illa narrarent; & quàm pii, quàm humiles, quàm benigni extiterint, eorum testantur operationes.

7 Quæres, quomodo ostendi possit, a Deo fuisse patratorum Miraculum ad patefaciendam alicujus Sanctitatem. Facilis autem est responsio, probationem potissimum ab invocatione esse desumendam. Dictum est, probationem potissimum esse desumendam ab invocatione: cùm enim Miracula a Deo fiant vel nemine petente, puta, cùm transtulit Henoch, cùm diluvium, & linguarum confusionem induxit, cùm Uxorem Lot in salis statuum convertit, vel aliquo ad Dei omnipotentiam confugiente, aut Dei Servum, vel Beatum, aut Sanctum rogante, ut suus sit apud Deum intercessor pro effectu miraculoso impetrando, si Miraculum sequatur, factum dici debet intercessione Dei Servi, Beati, aut Sancti invocati, & sic ad ejus Sanctitatem patefaciendam; nec intercessionis probatio ab ulla alia re commodius desumi potest, quàm ab invocatione, uti benè ponderat Cardinalis de Lauræa in 3. lib. Sent. tom. 4. disput. 20. de Miraculis art. 25. §. 1. num. 1063. = Ex quibus habet, quòd, cùm Miraculum accidere possit vel a Deo non invocato, aut per alios pro patiente invocato, nisi constet de invocatione Sancti illius vel a patiente, vel ab alio pro eo secuta, non potest alicui Sancto determinatè tribui; & adhæret Pignatelli. Consult. 109. tom. 4. Sæculo Ecclesiæ quarto in Sancti Laurentii Basilica multa sanè Miracula secuta sunt; exortàque quæstione, an Beati Laurentii Martyris, vel Beati Damasi intercessione patrata dici deberent, Author Codicis manuscripti apud Cardinalem Baronium ad annum Christi 384. num. 19. eam relinquit indecitatam: Hæc autem Miracula alii Beato Laurentio Martyri, alii Beato Damaso deputant Confessori. Nos autem in Mira-
cu

culis non dividimus, quos una Patria genuit, una Ecclesia (nempe Romana) promovit, una Basilica colit in terris, unus Dominus honorat in Calis. At citatus Cardinalis Annalium Parens ea Beato Damaso, qui fuerat invocatus, censet esse adscribenda: *Supererant adhuc aliqui addicti Ursicino, qui Schisma adversus Sanctum Damasum excitaverat, qui Damaso, licet defuncto, tantum gloriam invidentes dicerent, non meritis Damasi, sed intercessione Sancti Laurentii ea patriari Miracula. At, ejus intercessione Miracula facta esse, qui reperitur ab aegrotantibus invocatus, quis dubitat? Sapeque Deum per Confessorem impetrari complura, quae a Martyre accipi minime valuerunt, idque ob illustrandam memoriam Confessoris fieri, plurima exempla declarant. Quid autem dicendum erit, si plures invocentur, cujusnam videlicet intercessioni Miraculum, quod sequitur, erit adscribendum? Porro vel invocatio fit unius Sancti Canonizati, & Servi Dei adhuc non Canonizati, & in eo rerum eventu Miraculum intercessioni Canonizati est adscribendum, uti bene respondet Matta de Canonizatione Sanctorum part. 3. cap. 20. num. 7. ubi haec habet: *Quares tertio, si aliquis aegrotus cum invocatione, alicujus Servi Dei invocaret etiam opem Beatae Virginis, vel alterius Sancti, & miraculose sanaretur, utrum tale Miraculum attribuendum esset invocationi dicti Servi Dei. Respondeo negativè propter incertitudinem &c. quinimmo attribuendum esset Miraculum intercessioni alterius Sancti jam Canonizati; vel invocatio fit plurium Servorum Dei adhuc non Beatificatorum, nec Canonizatorum, vel plurium Beatorum, aut plurium Sanctorum, & tunc, si Miraculum sequatur, incertum est, cujus impetrationi, & intercessioni sit adscri-**

bendum, veluti citatus Matta profecquitur part. 3. cap. 24. num. 27. = *Quid si miraculosum effectum praecesserit plurium Servorum Dei, vel Sanctorum invocatio, non per hoc perdis rationem Miraculi, sed non magis uni, quam alteri tribuenda est impetratio: nec illud pro Beatificatione Servi Dei, aut pro Beati Canonizatione prodesse potest, uti ad rem annotavit Matthaeus locus infra citando = Hoc unum certum est, assertum Miraculum non posse deferre pro Beatificatione, vel Canonizatione, ad quas oportet, ut de Miraculis in individuo constet, a quo sint, ut sint illius certa Sanctitatis signa; & necessaria foret caelestis Revelatio, ut tuto sciri posset, cui ex invocatis Miraculum tribuendum esset, uti contingit refertur in eo furdo, & muto, qui, ut auditum, & loquendi facultatem obtineret, Sanctum Hilarium Pictavorum Episcopum deprecatus est, inter ejus enim Miracula a Joanne Boucheto scripta, & ex Gallico in Latinum idioma translata a Bollando ad diem 13. Januarii pag. 797. legitur, Sanctum Hilarium Pontificio Cultu indutum oranti apparuisse, & ei dixisse, ut se etiam commendaret intercessioni Sancti Martini, factoque ab aegroto ad ejus Sepulchrum accessu, fufisque precibus ad Sanctum Martinum, sanitatem illico perfecte recuperavit. Neque enim inter Sanctos Martyres, & spiritus, atque animas sanctorum cum Domino jam regnantium illic invidia suspicanda est, sed plena caritatis unitas, & pietatis societas; & ideo simul sibi oblato aegros, si vitanda temptationis gratia fideliter ad aliorum Sanctorum lumina deducantur, nequaquam indignari, sed potius favere, & congaudere, atque congratulari credendi sunt = verba sunt Amulonis Archiepiscopi Lug-*

58 *De Serv. Dei Beatif. et Beat. Canoniz.*

dunensis ad Theoboldum Episcopum Lingonenſem apud Natalem Alexandrum in *Hiſtoria Eccleſiaſtica ſæculi noni cap. 3. art. 13.* Si autem ex circumſtantiis deſumeretur, invocantem potiùs ad unum Dei Servum, aut Beatum, aut Sanctum reſpexiſſe, & ferventiores preces direxiſſe, tunc Miraculum ejus interceſſioni, & non aliorum, licet invocatorum, eſſet adſcribendum. Authores de materia tractantes aſſerunt exemplum ejus, qui ad Sepulchrum alicujus Servi Dei, Beati, aut Sancti accedit, vel qui ejus Reliquias reverenter oſculatur, recitat, aut recitari facit Litaniis Sanctorum, celebrare facit Miſſam de Sancto, vel de Sanctiſſima Trinitate, ſi agatur de Beato, in cujus honorem, & Cultum adhuc Miſſa propria conceſſa non ſit; de aliorum quippe Sanctorum invocatione dubitari non poſteſt, ſed quia ex circumſtantiis deſumitur, ferventioris mentis affectum ad talem Dei Servum, vel Beatum, vel Sanctum fuiſſe directum, & omnia ad ejus patrocinium, & interceſſionem reſpexiſſe, ſi Miraculum ſequatur, colligitur ex prædictis circumſtantiis, illud ſoli ejus interceſſioni eſſe adſcribendum, uti benè proſequuntur Cardinalis de Lauræa in 3. lib. *Sent. tom. 4. diſput. 20. de Miraculis art. 25. §. 1. num. 1063.* & Matthæucci in *Præſtica Theologo-Canonica ad Cauſas Beatificationis, & Canonizationis tit. 3. cap. 4. num. 23. & ſequent.*

8 Dum munere fungebar Fidei Promotoris, & agebatur de Miraculis pro Beatificatione Servi Dei Joannis Franciſci Regis, oppoſui, ſanationem Joannis Mariæ Peret Molienſis Monialis ab inveterata paralyſi, & hydrope tympanite in ſtanti ſecutam interceſſioni Servi Dei neutiſquam

adſcribendam, licet eum invocaeſſet, & novendiales preces in ejus honorem inſtituiſſet, & aquam bibiſſet, in qua erat admixtus pulvis Sepulchri prædicti Servi Dei, ex quo veriſimile admodum erat, quòd opem Sanctiſſimi Eucharistiæ Sacramenti imploraſſet; ſanitatẽ enim obtinuit eo temporis momento, quo Eucharistiã recepit. Reſponderunt Cauſæ Poſtulatõres, Sacramenta habere effectus duplicis generis; effectum primarium, qui eſt inſallibilis, & ſemper cum Sacramento conjunctus, quando, qui illud ſuſcipit, eſt benè diſpoſitus, puta collationem gratiæ; & alios effectus ſecundarios, qui non ſunt inſallibiles, nec neceſſariò, & ſemper cum Sacramento conjuncti, licet ſuſcipiens ſit benè diſpoſitus, corporalem ex gr. Sanitatis reſtitutionem: hiſque præmiſſis, ſubdiderunt, poſſe Servo Dei invocato Miraculum attribui, & etiam Sacramento, ſi ægrotus ſanitatẽ in receptione Sacramenti aſſequatur; Sacramento quidem, ut operanti ſanitatẽ, Servo autem Dei, ut illam impetranti, & Deum moventi, ut virtus Sacramenti, quæ eſt indeterminata ad ſanitatẽ hic, & nunc operandam, ad eam hic, & nunc operandam determinetur: & quia fortè præviderunt, reſponſionem ſuz intentioni non eſſe undequaque proſuturam, concludenter probarunt, Monialem totam ſuam fiduciam repoſuiſſe in Servi Dei Joannis Franciſci interceſſione, ad eum ſolum preces fuſiſſe, Sacramque Eucharistiã ſumpſiſſe, tamquam diſpoſitionem, quæ redderet eam Deo gratiorem, & conſequenter per Dei Servi interceſſionem ad impetrandum aptiorem. Placuit reſponſum Sacrę Congregationi; cùmque cætera non deeſſent requiſita pro

ve-

vero Miraculo constituendo, Miraculum approbatum est, & de eo habitum fuit ratio in Beatificatione prædicti Servi Dei. Similia quoque contigerant in Beatificatione Sancti Andreæ Avelini, uti constat ex septimo Miraculo, de quo in Relatione Rotæ Auditorum: *Sacrosanctum Eucharistia Sacramentum sumpsit detentus a famulis, quia genu flectere non poterat, & diem anniversary cum solemnibus Missis celebravit: quibus peractis, sanus repertus est; & in Beatificatione Sancti Petri de Alcántara, uti quoque colligitur ex decimo Miraculo in Relatione Rotæ Auditorum: Tuncque Confessionem suorum peccatorum fecit, & Sacramentum Eucharistia sumpsit, posteaque auditus repens, & inopinatè, ossa pedis commoveri, ac si aliquid durum rumpere, & absque dolore statim illum movit, & surrexit liber, & sano, & rediit in suam domum.*

9 Antequam ad Officiū Fidei Promotoris assumptus fuisset, & munere tantum Sacre Consistorialis Aulæ Advocati fungeret, actum fuit in Sacrorum Rituum Congregatione de Miraculis Sancti Pii V. ut ad ejus solemnem Canonizationem deveniri posset, & bonæ memoriæ Joannes Baptistā Bottiniū Fiscī, & Cameræ Apostolicæ Advocatus, & specialiter a sanctæ memoriæ Clemente Papa XI. deputatus ad supplendas vices Proferi Bottiniū Archiepiscopi Myrensis Fidei Promotoris ætate, & laboribus attriti inter ceteras, quas doctè proposuit, Animadversiones hanc quo ad nonnulla Miracula proposuit, de eis videlicet non esse habendam rationem, cum secuta fuissent per applicationem Sacrarum Cerearum Formarum *Agnus Dei* dictarum ab eodem Sancto Pio V. benedictarum, ostendendo, miraculosos effectus, non ejus in-

tercessioni, sed virtuti Sacrarum Cerearum Formarum esse adscribendos, & ipse post obtentum Promotoratus Officiū hac eadem Animadversione usus sum in Causa Venerabilis Servi Dei Innocentii XI. dum tractabatur de eadem introducenda, opposui quippe, famam Miraculorum non esse comprobata, cum Miraculorum fama pertineret ad Miracula secuta, applicatis Sacris Cereis Formis ab eodem Dei Servo benedictis.

10 Postulatores Causæ Venerabilis Innocentii XI. facili negotio a proposita Animadversione evaserunt; dixerunt etenim, famam Miraculorum esse probatam, eamque cum fama Virtutum in gradu heroico sufficere pro Causa introducenda, & exceptionem, quod ea forent, non Dei Servo, sed virtuti Sacrarum Cerearum Formarum adscribenda, esse discutendam, cum de approbatione Miraculorum in suo congruo judicio questio erat instituenda. Cum autem hæc responsio locum sibi vindicare non posset in Causa Sancti Pii V. in qua de Miraculorum approbatione, veluti dictum est, agebatur, mihi tunc more Advocati scribenti necesse fuit aliis inniti fundamentis, & alias rationes, & argumenta asserere.

11 De antiquitate ritus benedicendi, seu consecrandi Cereos Agnos nonnulla a nobis innuuntur lib. 4. part. 2. cap. 20. num. 12. & tantum hic operæ pretium esse videtur referre, quod in eorum consecratione adhibetur aqua benedicta, aquæ balsamum miscetur, Chrisma superfunditur, preces a Summo Pontifice recitantur, & qui eos deferunt, si devotè deferant, a variis periculis, & morbis liberantur, veluti latè exposuit Summus Pontifex Sixtus V. in suis *Litteris Apostolicis*

60 De Serv. Dei Beatif. et Beat. Canoniz.

cis in forma Brevis scriptis anno 1586. Paschali Ciconia Duci Venetiarum, ad quem de more Sacras Cereas Formas a se benedictas mittebat: At, quàm eximio cultu, quantâque veneratione digna sit hæc sacra res, quicunque illius materiam, formam, consecrationis modum, precet, ac mysteriâ, quæ in ea continentur, noverit, & attentè consideraverit, facillè intelliget. Hi enim Agnus Dei ex cera alba, pura, virginea conficiuntur ad denotandam Christi humanitatem ex sanctissimo Virginis utero absque ulla contagione, & sola Dei virtute sumptam. Imago Agni, quæ in illis est, Agnum illum immaculatam repræsentat, qui pro humani generis reparatione in Ligno Crucis est immolatus. Adhibetur aqua benedicta, cujus substantiâ ad maxima quæque Sacramenta in veteri, & novo Testamento usus est Deus. Aquæ miscetur balsamum unguentorum omnium præstantissimum ad designandam famam optimam, quam Christianus veluti suavissimi odoris fragrantiam in sua conversatione debet redolere. Postremò superinfunditur Chrisma, quo caritas virtutum omnium maxima figuratur, & quo eodem Templo, Altaria, Vasa, & ipsi Homines Dei Cultui præparantur, & consecrantur. In hac verò aqua benedicta, balsamo, & Chrismate missa hi Agnus Dei ab ipsomet Pontifice merguntur, & baptizantur, & tam ante, quàm post merensionem sanctissimis precibus, & orationibus idem Pontifex Deum obsecrat, ut easdem illas Formas Cereas imagine Agni impressas benedicere, sanctificare, consecrare,

eisque virtutem calestem infundere dignetur, ita ut, qui illas pîd, & devotè, & cum fide habuerint, & detulerint, eorum crimina deleantur, macula peccatorum abstergantur, venia impetrentur, gratia conferantur; præterea, ut fragor grandinum, procella turbinum, impetus tempestatum, ventorum rabies, & infesta tonitrua temperentur; fugiant, & contremiscant maligni spiritus, nulla hîc adversitas dominetur, nulla aeris corruptio, nullus morbus caducus, nulla maris tempestas, nullum incendium, nullave iniquitas noceat; parturientes cum partu incolumes conserventur; omnes denique ab aquarum inundatione, a morte subitanea, & a cunctis adversis liberentur. Hæc sancti propitiatio- nis, & gratiarum dona a Deo misericordiarum Patre, & bonorum omnium Largitore verè tribui, atque concedi his Cereis Formulis sic benedictis, & baptizatis, præsertim Summo Sacerdote ipsius Christi in terris Vicario tam pîd orante, ac supplicante, firmiter credendum est, sicuti id ipsum sapissimè magnis, & variis Miraculis, quæ diversis temporibus Divina Bonitas per hæc Sacra operari dignata est, fuit sæpius comprobatum. Nec mirum esse debet, si non semper idem contingat effectus, quoniam, id ex infirma utentis fide, vel ex alia occulta causa, non ex defectu virtutis rei sacra, accidere, certum est. De hujus Sacri præstantia, atque virtutibus exstat inter cætera luculentissimum testimonium Urbani Papæ V. qui magni muneris loco tres Agnus Dei ad Græcorum Imperatorem cum his verbis misit ==

Balsamus, & munda Cera cum Chrismatis unda
Conficiunt Agnum, quod munus do tibi magnum.
Fons velut natum per mystica sanctificatum
Fulgura desursum depellit, omne malignum
Peccatum frangit, ceu Christi sanguis, & angis.
Pregnans servatur, simul & partus liberatur.
Munera fert dignis, virtutem destruit ignis,
Portatus mundus, de fluctibus eripit unda.

12 Onuphrius Panvinus in suo Libro de Baptismo Talschali, & origine, ac ritu consecrandi Agni Dei hæc habet pag. 38. = Processu temporis pia hominum credulitas, & Sancta Religio multa his Agnis Dei consecratis, & miranda attribuit, quæ postea comperta, & re ipsâ comprobata majorem ipsis venerationem attulere. Joseph Maria Suarelius Episcopus Valsionensis in simili Tractatu pag. 157. ita loquitur: Ludovicus Foca narrat, Militem Agno munitionum, quantumvis Scloporum, seu Bombardarum appeteretur ictibus, evasisse illasum. Zacharias Boverius in Annalibus Capucinatorum similia refert de Agno, qui macrolone contestus a Viro nobili gerebatur. Gomefius Miedes Archidiaconus Saguntinus, & Canonicus Valentinus in Epistola ad Gregorium XIII. edita Valentia anno 1576. de Arcula, in qua Cerei consecrati, & servati cum aliis piis rebus in mare dejecta haud procul Barcinone, salvaque, & integra proventa Valentiam usque mirabiliter post triginta dies. Afferunt, & illos Agnos inundationem fluminum repressis-

se, extinxisse incendia, jurasse pregnantæ ad partus feliciter edendos. Pontifex equidem, cum illis benedictis, precari Deum solet, ut virtutem accipiant hæc Cereæ Forma sanctificata, ne ulla pestilens aura, nec aeris corruptio, nullusque morbus devotæ illas ferentibus dominantur, Existat & Epistola Augustini Valerii Cardinalis, & Episcopi Veronensis de Benedictione Agnorum Dei ad Gregorium XIV. in qua ita legitur: Exercent hic ipse ritus Fidem, cum Agnus ille immaculatus cernitur, cum admirabile Redemptionis Mysterium in Agni forma consideratur, cum vim maximam, quam habuerunt hi Agni Dei ad expellendas incursiones Dæmonum, & ad calamitates varias avertendas, pii homines considerant; & de Virtutibus Agnorum Dei latissimè agit Theophilus Raynaudus Operum tom. 10. a pag. 273. ad pag. 400. celebrequè est Carmen Andreæ Fufii, quod circumfertur nomine Urbani V. & de quo in supra relato Breui Sixti V. quodque cultius reddidit Guillelmus Bittius =

Hoc Aconita fugat, subitaque pericula mortis,

Hoc & ab insidiis vindice tutus eris.

Fulmina ne seriant, ne sæpe tonitrua ladan,

Nè mala tempestas obruat, istud habe.

Undarum discrimen idem propulsat, & ignis;

Undaque ne noceat, vis inimica valet.

Hoc facilem partum tribuente, puerpera futum

Incolumem Mundo proferet, atque Deo.

Unde rogas uni tam magna potentia signo?

Ex Agni meritis, haud aliunde, fuit.

62 De Serv. Dei Beatif. et Beat. Canoniz.

13 In Sacrificio Missæ distinguitur opus operantis ab opere operato; quocirca adscripta sunt, fructuosiorum esse. Missam boni Sacerdotis, quàm mali, juxta doctrinam Divi Thomæ 3. part. quæst. 82. art. 6. Hoc ipsum procedit etiam quò ad Sacros Agnos Cereos, cùm plus inesse virtutis dicatur in illis, si ab optimo, quàm si a bono Pontifice benedicantur. Res hoc modo explicatur a Theophilo Raynaudo *Opusculum* tom. 10. tract. de Agno Cereo cap. 12. sub num. 4. pag. 273. ubi, loquendo de Agnis Cereis benedictis a Sancto Pio V. ex Gabutio hæc habet: *Ad idque alibi eodem Opere, sermo est de Gabutio, Sanctissimi illius, verèque pii Pontificis exemplo increbuisse mirum in modum religionem harum Sacrarum Plagungularum, quatum ineffabili ubique erat aviditas, earum præsertim, quas ipse consecrasset: quòd, tametsi omnium aque Sacrorum Agnorum, a quocumque demum consecrati fuerint, insignis debeat esse Religio, tamen, ut pii Sacerdotis Sacrificium ex opere operantis fructuosius est, quàm, quod offertur a minùs pio Sacerdote, ita, accessu personalium precum santi, tamque Sancti Pontificis ad communes Ecclesiæ præces omnibus aque Sacris Agnis conclusas accessiorem fieri efficacitatis ad fructuum separatorum affectionem, persuasum esset Fidelibus.*

14 Cohærenter ad hæc, admiranda illa, quæ virtute Agnorum Cereorum a Sancto Pio V. benedictorum contigisse narrantur, quale est illud relatum a Cardinali Augustino Valerio in *Tractatu de Benedictione Agnorum Dei* pag. 187. Athesis videlicet fluminis totam Civitatem Veronensem inundantis, qui decrefcere cœpit, statim ac in eum a prædicto Cardinali unus ex Agnis a Pio benedictis profectus est, non modò virtuti Agni,

sed intercessioni ejusdem Sancti Pontificis communi calculo a Fidelibus adscripta sunt, uti benè animadvertit Augustinus Oldoinus in *Addit. ad Ciacconium in Vita Beati Pii V.* tom. 3. pag. 1005. ubi ita scribit: *At, ut omnium mentes ad Deum colendum excitaret, cunctisque salutis remedium, & adminicula suggereret, precatorios globulos, ancas, aut argenteas Cruces, Sanctorumque Imagines, ac Cælestis Agni Cereas Effigies consecravit. Nec defuit istis Religiosis instrumentis, ac Pii benedictis Sanctitati Virtutis Divina testimonium. Nam ex Agno Sacro, quem ille consecraverat, munitus Miles Catholicus igneis globis, non modò non penetrari, aut transfodi, sed nec ladi unquam potuit; eo verò destitutus primo ictu transverberatus est. Cùmque in tumescentem Tiberim, atque ex alveo, summo Populi Romani, & incolarum Urbis terrore, exundantem unus ex Cereis illis Orbiculis a se benedictis, ipso jubente, suis set projectus, confestim impetus aqua resedit: quod ipsum fuerat etiam antecederet notatum a Gabutio in *Vita Sancti Pii V.* lib. 6. cap. 1. in fine, ubi hæc narrat: Tum Sanctorum Imagines, ac Cereas Agni Cælestis Effigies, res ad augendam piorum religionem in primis accommodatas, plurimas variis temporibus rito consecravit. Quæ res tantâ pietate, ac veneratione excipiebantur ab omnibus, quantam ex omni memoria recordari nemo potest. Nam, etsi, salutarem illam vim rebus ejusmodi divinitus adjunctam a Pontificia potestate proficisci, non ignorabant, tamen propter singularem hujus Pontificis Sanctitatem, nescio quomodo, ad hæc res ab ipso potiùs, quàm a cæteris Pontificibus, consecratis in dies magis, ac magis affici, iisque munitos se in periculis tutiores fore existimare, jam per annos sædè quadraginta tum foris, tum in Urbe conspiciuntur. Verùm neque iis Religiosis instru-*

men-

mentis, siue etiam Pontificis Sanctitati Divinae Virtutis defuit testimonium. Nam, cum tumescens in Tiberem, ex alveoque, summo Populi Romani cum terrore, parique periculo, defluentem unus ex Cereis illis Orbiculis, jubente Pio, projectus suisset, confestim impetus aqua refedit.

15 His itaque fundamentis innixus ostendere conatus sum, non virtuti Cerei Agni, sed intercessioni Sancti Pii V. adscribendum esse Miraculum, de quo quæstio erat, cum de ejus Canonizatione agebatur: abfolutum enim fuerat, & conclusum Judicium de ejus heroicis Virtutibus; alia Miracula ejus intercessione patrata ante formalem Beatificationem jam fuerant admilla; in eo, de quo disputabatur, invocatio non deerat; Fidelium consensus ex supra relatis Historiis desumebatur Miracula adscribens, non virtuti Cereorum Agnorum, sed precibus Sancti Pontificis: cumque reverenter ulterius insinuassem, mira quædam, utilia multa, & gratias, non autem vera Miracula, inter virtutes Cereorum Agnorum enumerari, quando credentibus in Christum, & Sanctis ejus pro temporum opportunitate a Christo promissa est Miraculorum patratio, majorum etiam illis, quæ ipse patraverat, juxta illud Joannis 14. supra memoratum = *Qui credit in me, opera, quæ ego facio, & ipse faciet, & majora horum faciet* = ad quæ verba Sanctus Augustinus tract. 72. in Joannem, postquam annotavit, Christum post recitata verba = *Majora horum faciet* = subdidisse = *Quæcumque petieritis in nomine meo, hæc faciam* = ita benè prosequitur = *Qui dixerat = faciet = post ait = faciam = tamquam diceret = Non vobis impossibile hoc videatur: non etenim poterit esse major me, qui credit in me; sed*

*ego facturus sum & tunc majora, quàm nunc. Majora per eum, qui credit in me, quàm præter eum per me. Ego tamen ipse præter eum, ego ipse per eum = quod & repetit Enarrat. in Psalm. 130. ubi ait = Ad vocem Domini surrexerunt mortui, ad umbram transivitis Petri surrexit mortuus. Major hoc videtur, quàm illud: sed Christus facere sinit Petro poterat; Petrus, nisi in Christo, non poterat = omnia hæc simul juncta, pro re, de qua agebatur, fuerunt a Sacra Congregatione admilla, quæ, sanctæ memoriæ Clemente XI. approbante, pro Canonizatione Sancti Pii V. Miraculum recensuit, licet sanatio instantanea secuta fuisset, applicato Mulieri xgroianti Cereo Agno ab eodem Sancto Pontifice benedicto, & eò magis, cum novum hoc non esset, sed aliud simile præcessisset exemplum, de quo in Relatione Rotæ Auditorum exarata in Causa Sancti Cajetani, Miraculo septimo, ubi sic legitur: *Francisca Bertia Veneta, lineæ vestis in oculum impactâ, magnis per aliquot dies doloribus divexata, sanguine suffusa, lacrymisque exundantibus, ac nebula lumen offuscante. Allatus est a Matre, ut vocant, Agnus Dei, in quo Beati Cajetani Reliquia contineri dicebantur. Invocavit ergo Cajetani opem, cumque oculum ter prædicto signo signasset, dolore statim depulso, ac lacrymarum, sanguinisque fluxu cessante, pristina sanitati restituta est.**

16 Post dimissum a me Promotoratus Fidei munus, illudque delatum ad Archiepiscopum Philippensem Carolum Albertum Cavalechinum, nunc a Secretis Sacræ Congregationis Concilii, magna exorta est in Sacrorum Rituum Congregatione controversia occasione petitiæ Canonizationis Septem Beatorum Fundatorum Ordinis Ser-

64 De Serv. Dei Beatif. et Beat. Canoniz.

Servorum Beatæ Mariæ Virginis, quorum Cultus immemorabilis jam fuerat approbatus, an videlicet Miracula, quæ, præviâ invocatione omnium prædictorum Beatorum, secuta dicebantur, ita omnium intercessioni essent adscribenda, ut in eorum sequelam ad omnium prædictorum Septem Beatorum Canonizationem esset deveniendum. Porro Archiepiscopus Philippensis strenuè fungens munere suo novam dixit, inauditam, periculosam, & idcirco cavendam methodum sic procedendi ad Canonizationem. Novam autem, & inauditam dixit, cum simile numquam præcesserit exemplum in Causis Confessorum; & scitè dixit in Causis Confessorum, quandoquidem in Causis Martyrum eadem morte, eodem tempore, ex eadem causa, sub eodem Tyranno defunctorum exemplum præcesserat, in Causa videlicet Martyrum Gorcomiensium, quorum Beatificatione post approbatum Martyrium, & causam Martyrii obtenta fuit dependenter a Miraculis secutis, præviâ omnium invocatione: sed addidit, a Causis Martyrum fieri non posse illationem ad Causas Confessorum, cum in Causis Martyrum sola mors spectetur, sola causa mortis inspicitur, quæ mors unà cum causa, sicuti fuit una, & eadem in omnibus, ita suppeditare valet argumentum, ut Miracula, secuta omnium invocatione omnibus adscribenda forent, & sic omnium Beatificationi, & Canonizationi prodesse valerent; in Causis verò Confessorum, in quibus tota vitæ series perpenditur, & sedulo examinatur, & quorum vitæ exitus non unus, idemque fuit, cum unus uno tempore, & in talibus circumstantiis, & alius alio tempore, & in aliis contingerit circumstantiis, nulla urget probabilitas, quod

Miracula omnium invocatione secuta omnibus adscribi debeant, timerique potest, ut, non omnium, sed unius, aut alterius invocatione patrata sint. Dixit idem Archiepiscopus Philippensis, methodum hanc periculosam esse, exemplo allato Principis, cui a pluribus preces offerantur pro aliqua re impetranda, quorum nonnulli ei sint accepti, alii non; potest enim gratiam elargiri intuitu eorum, qui sibi accepti sunt, & non aliorum, nec ex gratiæ concessione inferitur, quod omnes, qui rogarunt, sint ei accepti: nullatenus urgente replicatione, quod, si inter invocatos aliqui essent, qui Deo cari non essent, Miraculum non sequeretur, cum Miraculum a Deo patrari non possit pro falsâ doctrina, aut falsâ Sanctitate astruenda; Deus siquidem Miraculum operaretur, non pro fictâ Sanctitate, sed pro vera astruenda, quoties aliqui inter invocatos invenirentur, qui coram se Sancti essent, licet & alii inter invocatos reperirentur, qui coram eo Sancti non essent.

17 Mirum est, qua ingenii subtilitate fuerit huic Animadversioni responsum a Joanne Ascevolino Sacre Consistorialis Aulæ celeberrimo Advocato. Probare siquidem conatus est, casum novum non esse: novus etenim esset, ut ipse ait, si in Sacrorum Rituum Congregatione alia Causa proposita fuisset plurium Confessorum, & Miracula requisita fuissent secuta ad uniuscujusque Confessoris intercessionem, & rejecta, quæ ad communem secuta fuissent; secus autem, quando Causa Septem Fundatorum Ordinis Servorum, & Confessorum prima est, quæ in Sacrorum Rituum Congregatione proponitur: Admisit, aliàs fuisse Causam proposi-
tam

tam plarimorum Martyrum, & satis fuisse pro Beatificatione Miracula ad communem eorum invocationem patrata: addiditque, nullum in re, de qua agitur, discrimen statuendum, esse inter Causas Martyrum, & Confessorum; sicut enim in Causis Martyrum Miracula ad omnium Martyrum, quorum Causa proponebatur, invocationem secuta ostendunt, eorum omnium mortem fuisse Deo acceptam, ita Miracula ad plurimum Confessorum, quorum Causa proponitur, communem invocationem patrata patefaciunt, eos coram Deo Sanctos esse, cum Miracula certum præbeant indicium Sanctitatis, & quæstio sit, non de uno Dei Servo non Beatificato, & alio Beatificato, qui invocati sint, sed de pluribus Dei Servis Confessoribus æqualiter Beatificatione æquipollenti Beatificatis. Alia multa eruditè collecta in ejus Scriptura typis impressa legi possunt; sed, cum nullum usque adhuc a Sacra Congregatione super hac controversia prodierit responsum, satis erit retulisse, quæ hinc inde deducta sunt, nullo a nobis prolato judicio, quod a Sacra Congregatione erit expectandum, & a Summi Pontificis approbatione.

18 Quæres, an citra Servi Dei, aut Beati invocationem probari possit, aliqua Miracula a Deo facta esse pro Servi Dei, sive Beati Sanctitate ostendenda, & quorum proinde ratio haberi debeat in judicio Beatificationis, & Canonizationis: & affirmando, responderetur. Exemplum esse potest in Cadaverum incorruptione, in odore a Cadaveribus Dei Servorum, vel Beatorum manante, si omnia adfuit alibi memoranda, quæ probant, incorruptionem, & odorem

esse inter Miracula recensenda: his quippe Miraculis deest invocatio; sed, cum a Deo facta sint super Corporibus talium Dei Servorum, signum hoc est undequaque ostendens, quod patrata fuerunt ad ostendendam eorum Sanctitatem. Sulpicius Severus in Vita Sancti Martini Dialog. 2. hæc de Sancto Martino refert: Cum hac igitur oblaturus Sacrificium Deo vestre procedit. Quo quidem die (mira dicturus sum) cum jam Altarium, sicut est solenne, benediceret, globum ignis de capite illius vidimus emicare, ita ut in sublimem contendens longius collum, erinemque flamma produceret. Hoc licet celeberrimo factum die in magna populi multitudine viderimus, una tantum de Virginitibus, & unus de Presbyteris, tres tantum videre de Monachis. Ceteri cur non viderint, non potest nostri esse iudicii. Porro de Miraculo hic non videtur esse dubitandum. Nulla in eo est excogitabilis invocatio: & tamen nemo erit, qui asserat, illud a Deo patratum non fuisse pro Sancti Martini Sanctitate patefacienda. Sanctus Hieronymus in Vita Sancti Pauli Eremitæ narrat, Sanctum Antonium ad eum in extremis constitutum invisendum accessisse, & mortuum invenisse, & dum de condendo Corpore cogitaret, nec sarculum, quo terram foderet, haberet, duos Leones ex interioris Eremitæ parte currentes ad Cadaver Beati Senis subituisse fremitu ingenti rugientes, ut intelligeret, eos plangere, quomodo poterant; cumque cœpissent humum pedibus scalpere, & unius hominis capacem locum fodissent, cervice dejectâ, ad Antonium perrexille manus ejus, pedesque lingentes, qui manu annuens eis imperavit, ut abirent; prout fecerunt. De Miraculo dubi-

66 De Serv. Dei Beatif. et Beat. Canoniz.

tandum esse, non videtur, & quidem a Deo patrato in testimonium Sanctitatis tum Pauli, tum Antonii; nec ulla quidem hujus accessit invocatio, seu oratio, cum, teste eodem Sancto Hieronymo, Sanctus Antonius ad primum Leonum aspectum exhorruerit, & post secuta ea, quæ modò indicata sunt, in laudationem Christi effusus, quòd muta quoque animalia, Deum esse, sentirent, eos dimittentes dixerit: *Domine, sine cujus nutu nec folium arboris defluit, nec unus passerum ad terram cadit, da illis, sicut tu scis*. Ad hanc eandem classem pertinent tot alia Miracula, quæ in Sacris Historiis leguntur de pœnis, quibus affecti fuerunt, qui Beatos Viros contempserunt, aut injuriâ affecerunt, cum multa ex eis secuta sint, nullâ praviâ ipsorum oratione, aut deprecatione. In Libro Numer. cap. 12. uti quoque supra dictum est, Maria contra Moysen locuta est propter Uxo-rem ejus Æthiopiissam. Moyses nihil commotus est; erat enim Vir mississimus super omnes homines, qui morantur in terra, uti loquitur Sacer Textus. At iratus Dominus cum descendisset in columna nubis, & stetit in introitu Tabernaculi, & Mariam vocasset, nube recedente, apparuit Maria candens leprâ, quasi nix, quæ medium carnis ejus devoravit, & a qua, nisi ad preces Moysis, sanata non est. Ad intercessionem ergo Moysis contigit Miraculum sanationis; sed citra quæcumque invocationem Deus, ut ostenderet, quàm sibi Moyses carus esset, prodigium lepræ operatus est. Quæ omnia suadent, non solum ex invocatione defumi, quòd Miracula fiunt a Deo ad patefaciendam Servorum suorum Sanctitatem, sed etiam hoc ipsum ex

aliis erui circumstantiis, quæ id ipsum ostendere possunt.

19 Nec omittendum esse videtur, quòd aliquando Dei Servi, & Beati, & Sancti Miracula operantur ex potestate, aliquando ex oratione; & quamvis, dum operantur ex potestate, nulla præcedat oratio, si nihilominus Miraculum operantur, fatendum erit, illud a Deo patratum esse pro eorum Sanctitate alstruenda. Res bene exponitur in antiquissima Vita Latino-Græca Sancti Benedicti Venerabilis edita anno 1723. ad formam Dialogi inter Petrum, & Sanctum Gregorium Magnum: ibi enim cap. 30. post narrata nonnulla Miracula, orante Sancto Benedicto, patrata, Petrus hoc modo interrogat: *Velim nosse, hæc tanta Miracula virtute semper orationis impetrabat, an aliquando ex potestate, etiam solo voluntatis exhibebat nutu?* & Gregorius hoc modo respondet: *Qui devotâ mente Deo adhaerent, cum rerum necessitas exposcit, exhibere signa modo utroque solent, ut mira quæque aliquando ex prece faciant, aliquando ex potestate*. Cum enim Joannes dicat: *Quotquot autem receperunt eum, dedit eis potestatem filios Dei fieri* qui filii Dei ex potestate sunt, quid mirum, si signa facere ex potestate valent? Quia enim utroque modo Miracula exhibeant, testatur Petrus, qui Tabitham mortuam, orando, suscitavit, Ananiam verò, & Saphiram mentientes morti, increpando, tradidit; neque enim, orasse in eorum extinctione, legitur, sed solummodo culpam, quam perpetraverant, increpasse. Constat ergo, quia aliquando hæc potestate, aliquando verò exhibent expostulatione, dum & istis vitam, increpando, abstulit, & illi reddidit, orando. Nam duo quoque, fidelis Fannuli Dei Benedicti facti nunc replico, in quibus apertè clareat, aliud

bunc

bunc ex accepta divinitus potestate, aliud ex oratione potuisse. Pater Philippus a Sancto Paulo in suo Opere de Sacris Apparitionibus in carne tunc Venerabilis, nunc Sancti Joannis a Cruce part. 2. cap. 5. cum sibi opposuisset, de eis non esse habendam rationem in Causa Beatificationis, & Canonizationis, etiamsi essent supernaturales, cum, præviâ ejus invocatione, non contigissent: Tunc autem censetur Miracula a Deo facta ad exaltationem no-

minis alicujus Sancti, cum ad ejusdem invocationem ponuntur = responder, satis esse, quod factæ fuerint a Deo supra vires naturæ in honorem Servi sui, etiamsi hujus nulla præcesserit invocatio: Ad hoc, ut censetur Miraculum sufficiens pro Canonizatione Servorum Dei, satis est, ut eorumdem honorificativum appareat; jam etenim habemus Divinum, & infallibile testimonium, Deum honorare, & suo exemplo velle, ut nos honoremus Heroes.

CAPUT SEXTUM.

De Miraculorum numero, & qualitate in Causis Beatificationis, & Canonizationis requisita.



Incet in primo hujus Operis libro cap. 22. num. 10. satis apertè probatum sit, bina Miracula post Virtutum approbationem sufficere.

re pro obtinenda formali Beatificatione juxta Sedis Apostolicæ disciplinam, & eodem lib. 1. cap. 26. num. 1. demonstratum quoque sit, bina alia Miracula sufficere, quæ supervenerint post Beatificationem formalem, ut ab ea transitus fieri possit ad Canonizationem, quamvis hæc Miracula non essent primi, vel secundi, sed tertii generis, & pariter eodem lib. 1. cap. 32. num. 1. & tribus sequentibus in claris positum sit, bina Miracula, etsi tertii generis, quæ post indultam Venerationem supervenerint, sufficere pro Ca-

nonizatione obtinenda in Causis procedentibus per viam Casus excepti, & Beatificationis æquipollentis; operæ tamen pretium esse censemus, nonnulla hic subdere, quæ ad eandem rem pertinent, non ut a dictis recedamus, sed ut dicta confirmetur, & etiam explicentur.

2 Pater Ceparius in suo Directorio Canonizationum lib. 1. cap. 9. multa, & multa narrat in præteritis Canonizationibus Miracula fuisse discussa, & approbata: De Sanctis Dominico, & Francisco Fundatoribus Sanctissimorum Ordinum Prædicatorum, & Fratrum Minorum ingentia Miracula habentur in Chroniciis, & Historiis de eis conscriptis; & sic de aliis. Legendi sunt etiam de hoc Sanctus Basilus Orat. in Mamestem Martyrem, & in Julitam Martyrem; Sanctus Gregorius Nazianzenus Orat. in Sanctum Cyprianum; Sanctus Chrysostomus

68 De Serv. Dei Beatif. et Beat. Canoniz.

mus in Lib. contra Gentiles de Reliq. Sancti Basilide Martyris; Sanctus Ambrosius Serm. de Sanctis Geruasio, & Protasio, & in Epist. ad Sororem de iisdem Martyribus, ubi narrat, universum Populum vidisse quemdam cecum ad contactum feretri, quo Reliquia transferebantur, suis se illuminatum; Sanctus Hieronymus lib. 9. contra Vigilantium, Epist. ad Eusebium, de Vita Sancta Paula, & in Vita Sancti Hilarionis; Sanctus Augustinus lib. 22. de Civitate Dei cap. ult. Palladius in Hist.ria Lausica cap. 62. Sulpicius in Vita Sancti Martini. Utque aliquod dicam etiam de Sanctis recentior Canonizatis, & Canonizandis, missi Miraculis, quae operati sunt, dum ipsi viverent, quae sepe innumera sunt, quamplurima etiam a Testibus fide dignis fuerunt deposita in Pontificiis Processibus patrata post mortem ipsorum: & ut de uno Beato Aloysio Gonzaga dicam, ducenta, & sex Miracula in quatuor Processibus auctoritate Apostolica constitutis reperiuntur deposita, quae fuerunt ab illo, & per illum post mortem variis in locis patrata, aliaque quamplurima ad meam notitiam pervenerunt, quae licet probari possent, tamen quia satis erant, quae in Processibus iam formati habebantur, Litteras Remissoriales expedire non curavi ad ea authenticanda. Quoniam vero etiam si permulta sint Miracula, quae Auditoribus Rota Romana examinanda proponuntur, illi tamen ob angustias temporis, & multitudinem Causarum, pauca admodum discutienda recipiunt, cum praesertim eadem Virtus Divina requiratur ad pauca, ac ad multa, ponam tantum numerum eorum Miraculorum a Sanctis post mortem patratorum, quae pro unaquaque Canonizatione facta, & pro faciendis Rota Auditores habemus, quod sciam, approbaverunt. Et primo tempore Sixti V. Pontificis Maximi, qui Sanctum Didacum ex Ordine Seraphico Sancti Francisci ca-

nonizavit, sex numero Miracula post ejus mortem fuerunt a Rota Auditoribus Commissariis discussa, & approbata. A Clemente VIII. fuerunt canonizati duo ex Dominicanorum Familia, Sanctus scilicet Raymondus Hispanus, & Sanctus Hyacinthus Polonus: de primo Auditores Commissarii septem Miracula, de secundo quatuor post mortem approbaverunt. Paulus V. qui, dum hac scribo, sedet in Cathedra Petri, & feliciter regnat, canonizavit Sanctam Franciscam Romanam, pro qua Miracula tredecim post mortem fuerunt examinata, & probata: Idem canonizavit Sanctum Carolum Cardinalem Borromeum Archiepiscopum Mediolanensem, de Ecclesia Catholica optime meritum, Episcoporum, ac Cardinalium omnium lumen, & exemplar ad imitandum, & pro ejus Canonizatione septemdecim Miracula post ejus mortem patrata iidem Auditores comprobaverunt. Quid si velimus hic attexere eos, quorum Causa Canonizationis nunc in Curia Romana agitur, dicam, quid de Beato Andrea ex nobilissima Familia Corsicorum novem post mortem Miracula firmaverunt: de Beato Patre Ignatio meae Religionis Parente, ac Fundatore decem, aut duodecim: duodecim pariter de Beata Teresa jam approbata fuerunt: duodecim etiam de Beato Aloysio Gonzaga: & de aliis habentur in Diplomaturis, & Relationibus pro eis factis.

3 Pater Philippus Maria a Sancto Paulo Carmelita Discalceatus, & olim Consultor Congregationis Sacrorum Rituum in citato Opere de Sacris Apparitionibus in carne tunc Venerabilis, nunc Sancti Joannis a Cruce pari. 2. Disputationis cap. 1. in nonnullis Causis plura, in aliis pauciora exposcit Miracula. Ecce ipsius verba: An autem in Canonizatione, seu Beatificatione ejusque Servi Dei aequaliter habenda sit ratio, & Miraculorum examen, diffi-

cultas est, cujus solutionem potius audire, quam dare. Debita tamen melioris, & Ecclesie ipsius iudicii reverentia ut promam, quod sentio, arbitror, non aquiliter habendum esse respectum ad Miracula, sed aliquando evidentiora, & plura desiderari, aliquando pauciora, & minus evidenter. Ratio est facti, meo videri, plausibilis saltem, si non evidens: nam Miracula ex dictis assumuntur, vel in testimonium Sanctitatis Beatificandi, vel Canonizandi, vel in signum Divinae voluntatis decernentis Servo suo adhuc in Ecclesia Militante cultum, & honorem, vel ad excitandam devotionem, & existimationem Fidelium, vel tandem ad confundendos heterodoxos, & Religionis Catholicae inimicos: sed haec omnia non exigunt in omnibus, & singulis aequale, & idem Miraculorum examen: ego Sc. Probatur minus: nam duplici, ut ita dicam, via Christiani Heroes ad tantam gloriam promerendam ducti a Deo possunt, videlicet, vel per vitam heroicam privati hominis propria perfectioni intendenti, vel per vitam hominis ad publicum, & universale Christianitatis bonum ordinati, ac opera arduissima magnifica, & in summum Dei honorem, ac proximorum bonum vergentia exequenti, quales sunt Fundatores Ordinum Regularium, alique a Deo pro conversione Infidelium, Christianorum profectu, pace, concordia, & similiter mirabiliter elevati, siue etiam non pauci per mores extraordinarios, & totaliter admiratione plenos insignes. Hinc forte Alexander III. in Bulla Canonizationis Sancti Bernardi Abbatis Clavigeris nullam habuit Miraculorum, nec in genere, mentionem; arbitratus est enim Sanctissimus, & Sapientissimus Pontifex, factis Populis Christianis commendabilibus, & admirabilem reddi Divum Bernardum ex operum magnitudine, quae in Dei honorem, atque Catholica Ecclesia profectum non minus for-

titer, quam usque ad Miraculum feliciter patratis, dignisque proinde censeretur, cui publicus Christianorum Heroum deferretur cultus. Licet igitur Sancti prioris generis indigeant riguroso examine, & plurimis Miraculis, ut Orbi Catholico venerandi proponantur, secus autem Sancti secundi generis: nam excellentia extraordinaria suorum operum apertissime reddit testimonium heroicae Virtutis ad ea efficienda perneccessaria, & Divinae voluntatis complacentis sibi in illis; nam eo ipso, quod eis usus est ut instrumentis pro mirabilibus suae sapientiae, & tanta sui nominis exaltatione, factis ostendit, velle, eos honorari ab omnibus, quos Rex taliter honoravit; facti etiam ex novitate, & magnitudine praedictorum operum excitantur Fideles, & Haeretici confundantur. Quare, dum constat, huiusmodi Viros usque ad finem vitae in impositio sibi vivere sancte, ac fideliter perseverasse, vitamque iustam morte clausisse, cum opera magnifice de ipsis perhibeant testimonium, sufficiens erit pro eorum Beatificatione, & Canonizatione, beneficia aliqua ipsorum intercessione impetrata fuisse, & paucas gratias a Deo concessas, duoque Miracula, cujuscumque generis sint, ad eorundem gloriam augendam patrata.

4 Ac, praetermisso hic examine, an omnia Miracula, quae Pater Ceparius refert fuisse in Causis ab eo allegatis approbata a Rotae Auditoribus, fuerint etiam a Sacrorum Rituum Congregatione approbata, & a Summo Pontifice (etenim, uti saepe in hujus Operis decursu dictum est, iudicium Rotae Auditorum in his Causis, quod in suis Relationibus exponerant, novo subiciebatur examini in Sacrorum Rituum Congregatione, quae etiam aliquando aliqua Miracula reprobabat, quae fuerant a dictis Auditoribus approbata) vis praesentis con-

70 De Serv. Dei Beatif. et Beat. Canoniz.

controverſix non ſtat in numero Miraculorum approbatorum, ſed in eo, quot ſint Miracula, quæ requiruntur neceſſariò pro obtinenda Beatificatione, & Canonizatione : cùmque in Cauſis procedentibus per viam non Cultus praxis jam invaluerit, ut bina ante Beatificationem, bina poſt Beatificationem ſufficiant pro Canonizatione impetranda, & in Cauſis procedentibus per viam Caſus excepti bina, quæ poſt indultam Venerationem Miracula ſupervenerint, pro Canonizatione impetranda ſatis ſint, nemo eſt, qui non videat, praxi, & Apoſtolice diſciplinæ eſſe adhærendum, nec aliquid ex Patris Ceparii diſtis inferri poſſe adverſus ea, quæ a nobis alibi diſta ſunt. Aſſertio quoque Patris Philippi Mariz a Sancto Paulo non videtur ullo modo admittenda : in omnibus enim Cauſis Beatificationis, & Canonizationis proponitur Dubium = *An conſtet de Virtutibus heroïcis, ſex de Martyrio, & cauſa Martyrii ; & an conſtet de Miraculis* = & pro approbatione tum Virtutum, aut Martyrii, tum Miraculorum clariſſimæ, & conclucentiſſimæ ex alibi diſtis probationes requiruntur ; quibus proinde præſuppoſitis, nemo eſt, qui non videat, nullatenus ſuſſistere poſſe, quòd in una Cauſa plura, & evidentiora, in alia verò minora, & minus evidenti Miracula requirantur : & quamvis illuſtriores potuerint eſſe Virtutes alicujus Servi Dei, quàm alterius, omnes tamen, ut approbentur in ordine ad Canonizationem, oportet, ut ad gradum heroicitatis pervenerint ; ex quo proinde ſit, ut aqualia Miracula quò ad exceſſum virum naturæ create, quò ad numerum, & quò ad pondus probationum in omnibus Cauſis requirantur :

& exemplum Sancti Bernardi, quo Author utitur in re, de qua nunc agitur, ipſi ſuffragari non valet ; cùm aliud ſit, quòd Miracula in Bullæ Canonizationis juxta morem eorum temporum non fuerint relata, aliud verò, quòd non fuerint patrata, & quòd eorum habita non ſit ratio in Canonizationis Judicio. Exſtat adhuc *Vita Sancti Bernardi Abbatis ſcripta* a Gaufrido Monacho Clarevalleniſi, quæ *part. 2. & 3.* ingentibus undequaque Miraculis reſerta eſt. Exſtat quoque ingens Miraculorum ſeries excerpta ex *Libro, cui titulus = EXORDIUM MAGNUM CISTERCIENSE =* in cujus cap. 28. legitur, quòd, evolutis pluribus annis poſt Sancti obitum, cùm cuidam Energumene, ut a Dæmone liberaretur, applicatæ eſſent ab Abbate Reliquiæ de capillis, & barba ejuſdem Sancti Bernardi, Diabolo dicente = *Serva Bernardum tuum, nec enim proficiet quicquam* = & Abbate, qui Reliquiam applicaverat, reſpondente = *Per Domini gratiam, & bujus Sanctiſſimi Viri egredieris* = Dæmon ſubdidit = *Quid ? An excidis tibi, quòd prohibitum eſt ei ſigna facere ? Hic ergo ſciens ſecurus in hoc meo domicilio requieſco* = mirantibus Abbate, & Fratribus, qui cum eo erant, quòd Spiritus nequam interdictum illud olim Sancto factum, dum viveret, ne ob Miraculorum frequentiam, Hominumque nimium ad Monafterium acceſſum Monaſtica quies perturbaretur, in ſcutum ſux deſenſionis tam celeriter invenerit. Quòd autem tam inſignium Miraculorum nulla fuerit habita ratio, cùm de Sancti Bernardi Canonizatione agebatur, inveriſimile admodum eſt, cùm tunc diſciplina vigeret Virtutes, & Miracu-

la requirendi in Causis Canonizationis.

§ Succedit qualitas Miraculorum. Alibi a nobis dictum est, & exemplis comprobatur, sufficere Miracula tertii generis, & Castellinum deceptum fuisse, qui in *Traſtatu de Dilatatione Canonizationis* pag. 57. & pag. 63. asserit, quòd juxta consuetudinem Sanctæ Sedis non decernitur Canonizatio, nisi inter Miracula, quæ approbantur, aliquod reperiatur, quod sit primi, vel secundi generis, quod etiam post Castellinum asseruit Pignatell. *Consulta. 26. num. 7. tom. 5.* Miracula quippe tertii generis excedunt vires naturæ quòd ad modum, & sunt vera Miracula; ex quo proinde sequitur, ea sufficere debere pro Beatificatione, & Canonizatione, uti videri potest cit. lib. 1. cap. 26. num. 1. & cap. 32. num. 3. *hujus Operis*: & benè prosequitur Pater Philippus Maria a Sancto Paulo in citato *Traſtatu de Sacris Apparitionibus* part. 2. cap. 2. §. 1. ubi, cùm si bi opposuisset, omnimodam certitudinem in Canonizationis Judicio requiri, & hanc haberi non posse, nisi inter Miracula aliquod reperiatur secundi generis, cùm in Miraculis tertii generis adit incertitudo, ita respondet: *Eadem omnino infallibilitas Divini testimonii reperitur in omnibus veteris Miraculis*; unde quodlibet ipsorum plenissimè probat id, pro cujus veritate patratur &c. Et licet concedatur, quòd ad nos esse facilioris probationis Miracula secunda classis, quàm tertia, hinc tamen ab his non tollitur veritas, & insita infallibilitas testificandi veritates Fidei, vel Sanctitatem Servorum Dei, & ad summum convincetur, necessarium esse diligentius examen, ut videatur, utrùm natura suis viribus valuerit ad tantum opus.

6 Major difficultas est, an in Judicio Beatificationis, & Canonizationis admitti possint Miracula, quæ excedunt tantum virtutem naturæ visibilis, & corporeæ, sed non excedunt virtutem naturalem naturæ invisibilis, & incorporeæ, puta Angeli, præsertim boni: ex una etenim parte necessarium esse videretur, quòd in Judicio adeò gravi non admitterentur, nisi Miracula, quæ excedunt vires, & facultatem totius naturæ creatæ; ex alia verò parte difficile admodum esse videtur, scire posse, & posse dignoscere, an Miraculum, quod proponitur in hoc Judicio examinandum, vires excedat naturales naturæ invisibilis, & incorporeæ Angeli boni. Dictum est autem *Angeli boni*; in eo enim, quod attinet ad Angelum malum, signa supra recensita, ob quæ Miracula falsà a veris discernuntur, Efficacia videlicet, Utilitas, Modus, Finis, Persona, Occasio, satis apertè ostendere possunt, quancumque virtutem naturalem Angeli mali abesse: quemadmodum etenim ad Divinam Providentiam huic Mundo præidentem pertinet, ne ille suà potestate abutatur in iis, in quibus naturalis ordo Universi inverteretur, vel etiam politica humani generis gubernatio plurimum turbaretur, ita ad eandem potiori jure spectat, ne permittat, ut eandem suà virtute naturali abutatur ad falsam aliquam Religionem, aut Sanctitatem per Signa, & Miracula confirmandam, uti benè prosequitur Author *Traſtatus de Canonizatione Sanctorum ad Cardinalem Montis Regalis* 5. part. cap. 11. & refumi quoque possunt ea, quæ in superioribus dicta sunt de potestate Dæmonis naturali a Deo coercita, & quòd vera Miracula fieri non possunt in confirmationem falsæ do-

72 De Serv. Dei Beatif. et Beat. Canoniz.

doctrinæ, aut falsæ Sanctitatis. Quocirca demus, Dæmones posse simulare, se esse animas mortuorum, juxta ea, quæ habentur apud Divum Thomam 1. part. quæst. 117. art. 4. *Ad secundum*; demus, eos melius cognoscere virtutes activas, & passivas in corporibus hominum, quàm homines, & facilius, & celerius applicare posse, quæ opportuna sunt ad morbos removendos, cum imperio suo corpora locatim moveant, juxta ea, quæ habentur apud eundem Divum Thomam quæst. 6. de Miraculis, seu de Potentia art. 3. in corpore; demus præterea, plura alia a Demone fieri posse juxta suam naturalem virtutem, de quibus aliqua habentur apud Cardinalem de Lauræa in 3. lib. Sent. tom. 4. de Miraculis disput. 20. art. 17. §. 2. & apud Pignatellum *Consul.* 163. & 169. tom. 10. tuti sumus ab ejus insidiis in re, de qua nunc agitur, non solum ex his, quæ modò dicta sunt, sed etiam ex aliis, quæ in primo libro fusè deducta fuerunt, dum agebatur de immunitate ab errore in Causis Beatificationis, & Canonizationis, & nobis suppetunt regulæ, quarum ope cognoscere possumus, an fraus, an opus Dæmonis in mirabilia, quæ examinantur, irrepsit. Pater Joannes Dominicus Putignanus in 1. part. sui *Tractatus de redvivo Sanguine Sancti Januarii* cap. 10. num. 10. ponderat, ebullitionem Sanguinis dicti Sancti non excedere vires naturales Angelorum malorum, sed eos sequentibus verbis excludit: *Quamvis enim concedamus, posse eos naturalium rerum subtiliori indagine exornatos supra ceteros omnes homines insensibili quadam peragendi œconomia substantiam aliquam elicere in subtilissimum pollinem redactam, aptamque ad hujusmodi excitementum, nullatenus tamen summus rerum*

Auctor pateretur, ut, quod ad augustiorem Cultus sui propagationem, ad Ecclesiæ universæ ornamentum, ad augendam Christiani fideliū pietatem, ad uberiore sanioris disciplinæ proventum, ad abusum quotidie irrepentes amputandos, ad vitia quæcumque ex animis evellenda conferre maxime non potest, referri par sit ad Dæmonum imposturas.

7 Adedque, redactâ controversiâ ad Angelos bonos, non modica profectò urget difficultas: utque res fiat clarior exemplis, supponamus, agi de magna febre, de inveterata paralyti cum subsecuta subitanea sanatione post Servi Dei invocationem, item, quòd ad ejus invocationem ignis de Cælo descenderit, quæ tertii generis Miracula dicuntur. Item supponamus, agi de conversione unius substantiæ in aliam, puta aquæ in vinum, de panis ex. gr. aut hordei multiplicatione. Si hæc contingant ad invocationem Servi Dei, vel Beati, Miracula sunt altioris generis. Hæc autem duplici modo contingere possunt, vel per excessum virtutis totius naturæ creatæ tum invisibilis, & incorporeæ, tum visibilis, & corporeæ; vel per excessum naturæ tantum visibilis, & corporeæ. Per excessum totius naturæ tum invisibilis, & incorporeæ, tum visibilis, & corporeæ, si sanatio a febre, & a paralyti fiat, frustra obnitentibus pravis naturæ humoribus, si aer in ignem convertatur absque dispositionibus juxta naturæ ordinem substantialiter requisitis, uti explicat Suarez de Angelis lib. 4. cap. 39. num. 11. ubi habet = Unde, subita sanitas si fiat per solam efficaciam superioris causæ, vel per solum imperium, vel si sanatio tam subita sit, ut causæ naturales, etiam sufficienter applicatæ, non sufficiant virtute naturali tam subitè re-

teriam disponere, tunc sanitas eris verè miraculosa; idemque dicendum est de subita pluvia, & aliis similibus operibus = si nova materia producatur, aut jam præexistens convertatur, & addatur rei multiplicandæ, ut alibi exponetur, si una substantia in aliam convertatur; modus enim hic agendi excedit vires cuiuscumque naturæ creatæ: quocirca Porrecta in 3. part. Divi Thome quæst. 43. art. 4. ad illud Matthæi = *Si Filius Dei es, dic, ut lapides isti panes fiant* = animadvertit, Diabolum a conjecturali notitia de Christo, quoddam esse Filius Dei, ascendere volentem ad certissimam petitiōe ab eo Miraculum transmutationis formæ substantialis, quam benè sciebat excedere vires totius naturæ creatæ: *Satan, ut de vero Deo inquisitionem formaret, non inquit, dic, ut lapides isti fiant nigri, rubei, vel quoddam moveantur localiter; sed ait: Dic, ut lapides isti panes fiant: quoniam mutatio qualitatum, locorum, & similitum est accidentalis, mutatio autem lapidum in formam panum commensibilem est substantialis; & concordat Cardinalis Toletus in Joannem cap. 3. notabil. 2. ubi ait: Noverat Damon banc doctrinam, qui Miraculum unum, & non admodum magnum sufficiens sibi existimavit, ut, cum esse Filium Dei, cognosceret, si tamen in hujus rei probationem esset factum, Matthæi 4. = *Si Filius Dei es tu, dic, ut lapides isti panes fiant* = certus futurus, si ederetur talè Miraculum, Divinæ Virtute factum iri; Damon enim omnino certus erat, sed virtute id fieri non potuisse. Per excessum verò naturæ tantum visibilis, & corporeæ, si uno velut instanti, & occultè, & celerrimè e corporibus febricitantium, & eorum venis per motum localem peccans materia subtrahatur, & canaliculi, per quos spiri-*

tus animales ad motum membrorum necessarii debent decurrere, uno velut momento a crassioribus, ac viscosis, quibus obstructi erant, corpusculis liberentur; si hinc inde per aerem ignis particulæ, etiam de longinquo, advectæ, & summâ celeritate in unum collectæ vimagnâ in terras dejectionem, si post invisibilem subtractionem, & in alium locum translationem unius substantiæ insensibiliter alia substantia aliunde deportata substituarur, aut substantia alibi existens deportetur: hæc omnia quippe vires naturales Angeli excedere non videntur. Quocirca, si in Judicio Beatificationis, & Canonizationis Miracula tantum supra vires cuiuscumque naturæ creatæ admitti debent, ab eo excludi debebunt ea in superioribus recensita, & illis similia, cùm scire non possimus, ab uno, vel alio modo acciderint, & tantum locus erit Miraculis penetrationis corporum, replicationis ipsorum, revelationis secretorum cordium humanorum, prædictionis futurorum eventuum ab humana libertate pendendum, & suscitationis mortuorum, & serè omnes sanationes a morbis non poterunt in Judicio Canonizationis admitti tamquam miraculose: quidquid enim sit, an Angeli vim habeant motivam corporum a loco realiter ab intellectu, & voluntate distinctam, vel, intelligendo actualiter mobile, locum a quo, locum ad quem, & spatium, & deinde volendo, id est, voluntatis imperium adhibendo ad hoc, ut tale corpus a tali loco ad talem locum, per tale spatium, tali motu, & tali tempore leratur, corpora moveant; hoc unum certum est, quoddam, quamvis in instanti corpora movere non possint, ex quo motus localis instantaneus

74 *De Serv. Dei Beatif. et Beat. Canoniz.*

neus corporibus repugnat, possunt tamen magnâ, & mirâ celeritate, & quasi in tempore imperceptibili corpora movere, quod satis est pro morali instantaneitate, quæ ex infra dicendis sufficit in sanationibus miraculosis, quæ in Judicio Canonizationis admittuntur, quamvis in eis desit instantaneitas mathematica, ut infra videbitur.

8 Dices, hanc urgere difficultatem, etiam loquendo de Miraculis Christi, de conversione videlicet aquæ in vinum in Nuptiis Canæ Galilææ, & de multiplicatione panis, & piscium. At respondetur, id nullatenus subsistere, cum Christus Miracula faceret, ut Judæis suaderet, se esse Dei Filium, juxta illud Joannis = *Opera, qua dedisti mihi Pater ut faciam, ipsa testimonium perhibent de me*. A Miraculis ergo Sanctorum fieri non potest illatio ad Miracula Christi, uti bene perpendit Scacchus de Notis, & Signis Sanctitatis sect. 8. cap. 1. §. *Ut autem: cumque ejus Divinitas sufficienter ex Miraculis demonstrata sit, uti latè probat Divus Thomas 3. part. quest. 43. art. 4. hinc rectè inferri potest, recensita Miracula facta fuisse Virtute Divinâ excedente quascumque vires cujuscumque naturæ creatæ. Additur, ab eo edita fuisse alia Miracula, quæ oculis etiam hominum vires excedebant totius naturæ creatæ, puta penetrationes cordium, mortuorum suscitationes, sui ipsius suscitationem, & tot alia, quæ evidentiam apud inuentes sibi conciliabant, & apud audientes fidem tantæ certitudinis, ut in dubium revocari non possent, juxta ea, quæ plenè explicantur apud Suarez in 3. part. Dvni Thome tom. 1. quest. 13. disput. 31. sect. 2. Itaque,*

sicuti ab eo Miracula facta sunt, quæ excedebant vires totius naturæ creatæ, ita dicendum est, ab eo facta, quæ, in abstracto loquendo, fieri potuerunt tam uno, quàm alio modo, facta fuisse modo sublimiori non tam excedente virtutem naturæ visibilis, & corporeæ, quàm invisibilis, & incorporeæ; quod utique rei nostræ applicari non potest, in qua ut plurimum agitur de solis Miraculis, quæ tam uno, quàm altero modo fieri potuerunt: unde optimè Horantius de Locis Catholicis Sacra Scriptura, & antiquorum Patrum lib. 4. cap. 2. post enarrata Christi Miracula inquit: *Omnis generis acta sunt a Christo Prodigia, ut si cui unum illorum (ut sunt hominum mentes diversissime) vel suspectum esset, vel non placere satisfaceret, addita sunt tam multa, & varia, ut omnis jam dubitandi materia, & occasio sublata sit.*

9 Doctus Arauxo in suis Decisionibus Moralibus loc. cit. tract. 3. quest. 23. §. 5. postquam cum communi Theologorum, & Canonistarum doctrina triplicem præmisit gradum Miraculorum, de quo supra etiam actum est (quod primus videlicet gradus, seu classis sit eorum, quæ superant totius naturæ facultatem ex parte rei factæ, cujusmodi sunt Incarnatio Divini Verbi, Unio hypostatica, Virginis Partus, & productio substantiæ supernaturalis, si possibilis esset: secundus gradus, seu secunda classis sit eorum, quæ, licet ex parte rei factæ non excedant facultatem naturæ, bene tamen illam excedunt ex parte actionis, per quam fiunt, uti sunt mortui suscitatio, & cæci illuminatio; licet enim vita mortuo, & potentia visiva cæco restituta sint ejusdem naturæ, & rationis cum illa, quam agens naturale dare potest, actio

ta-

tamen ipsa recuperativa vitæ, aut potentæ viſivæ amiſſæ excedit totius naturæ facultatem, cùm a privatione ad habitum non detur regressus per naturam: tertius demum gradus, seu tertia classis sit eorum, quæ sunt supra facultatem naturæ tantùm ex parte modi, cujus generis est sanitas ægro subito restituta, aut sine ulla medicaminum applicatione) subdit, præter hæc, quæ vocat classica Miracula, alia quedam prodigiosa opera, & beneficia inveniri, quæ vulgus hominum Miracula vocat, cùm humanam industriam, & facultatem excedant. In hanc classem Arauxo rejicit Dæmonum expulsionem a corporibus obsessis, odorem suavissimum, quo Corpus in Sepulchro jacens, perfunditur, serenitatem tempestatum in mari, sanationem infirmorum simul cum apparitione ejusdem Personæ, quæ ab infirmis invocatur, longum jejunium per menses continuatum absque cibo, & potu, conversionem ad meliorem frugem eorum, qui peccatis sunt irretiti, ad contactum Reliquiarum: & non solum quia in his omnibus contingere potest deceptio, sed etiam quia non excedunt vires, & naturales facultates Angeli boni, vel mali, contendit, nullam eorum habendam esse rationem in Judicio Beatificationis, & Canonizationis, in quo tantum, inquit, agendum de primistris generibus, seu classibus Miraculorum, quæ vult esse probata Testibus aptis, vult secuta quoque esse post mortem Servi Dei, aut ad ejus invocationem, vel per ejus preces, & potissimum in testimonium Virtutis ipsius:

10 Multa in hac Arauxi doctrina continentur. De nonnullis infra agitur: de nonnullis autem hic agendum est. Infra agitur de expulsionem Dæ-

monum a corporibus obsessis, de odore, quo Corpora in sepulchro jacentia perfunduntur, de serenitate tempestatum, de sanationibus infirmorum cum apparitionibus Personarum invocatarum, & de longis jejniis, & sedulo examinabitur, in quibus circumstantiis prædicta omnia aut rejicienda sint, aut admittenda tamquam vera Miracula: nec enim, ex quo aliquando ex hominum malitia, vel ignorantia aliquis error, aut aliqua deceptio in ea facta irrepsit, statim concludi debet, ea omnia esse rejicienda, quemadmodum optimè argumentatur Horantius de Locis Catholicis Sacra Scriptura, & antiquorum Patrum, lib. 4. cap. 9. ubi hæc habet: Num omnia Miracula omni ætate edita in universum damnabimus, quod a turpissimis nonnullis hominibus turpis lucri causâ aliquot immixta sunt? Num vera prodigia, quæ Sancti magnâ certitudine narrant, quorum tota communitas Fidelium testis est, omnino ab Ecclesiâ exulabunt, quod facta quadam, & adumbrata Miracula specie verorum, & sub eorum imagine multos deceperunt? Si sic est, percutit Scriptura Divina necesse est, quod eis pro Catholicis peregrinas, ac profanas nonnulli admiscere tentarunt. Irreperunt absque dubio errores, & deceptiones etiam quod ad tres gradus, seu classes Miraculorum, quas Arauxo dicit admittendas: quapropter, sicuti errorem, & deceptionem quod ad eas opposenti responderet Arauxo, non omnia Miracula ad prædictas classes pertinentia rejici debere, sed secernendum esse casum a casu, qualitates, & circumstantias esse ponderandas, ut hoc rejiciatur, & illud admittatur, ita oportet, ut ipse sibi opposenti errorem, & deceptionem in expulsionem Dæmonum a corporibus obsessis, in

76 *De Serv. Dei Beatif. et Beat. Canoniz.*

odore, in serenitate tempestatum, & aliis ab eo relatis responderi patiatur, non ea semper esse rejicienda, sed rigorosum criterium esse instituendum, ut de qualitatibus, & circumstantiis videatur, quarum opera admittenda admittantur, & rejicienda rejiciantur. Addi posset, quòd, concurrentibus debitis circumstantiis, expulsiões Dæmonum a corporibus celsis, serenitates tempestatum, longa jejunia referri possunt, & debent ad unam ex primis tribus classibus, seu gradibus Miraculorum: quapropter, si primos tres gradus Arauxo admittit, admittere quoque debet quartam classem Miraculorum, de qua ipse loquitur, & quam ipse censet rejiciendam. De his autem alibi. Nunc verò stricte videndum est, an a Judicio Beatificationis, & Canonizationis ea arcenda sint, uti contendit Arauxo, quæ possunt fieri etiam ab Angelo bono sua naturali facultate, quod est idem, ac dicere, an in Judicio Beatificationis, & Canonizationis admittenda sint tantum Miracula stricte sumpta, & rejicienda sint Miracula largè accepta. Dictum est autem, an arcenda sint, quæ possunt fieri etiam ab Angelo bono sua naturali facultate, cum ex supra sepe dictis Virtutum heroicarum approbatio, seu Martyrii concursus Angeli mali excludat, & absolum sit putare, quòd Deus Optimus Maximus interdictum Dæmoni factum, ne sua naturali facultate utatur, nisi ad suum nutum, & imperium, relaxet, dum agitur de re, ex qua Judicium pendet veræ Sanctitatis.

11 Ad supradictum ergo punctum difficultate redacta, Arauxi assertio non videtur admittenda argumento deducto a priori, & a poste-

riori. A posteriori quidem, cum pleaque in Sacra Scriptura facta viderimus non excedentia vim, & facultatem Angeli boni, at quæ tamen inter Miracula recensentur: & in Judicio Beatificationis, & Canonizationis passim admittuntur Miracula tertii generis, & Miracula, quæ non excedunt vires naturales Angeli, licet excedant vires naturales naturæ visibilis; idque, non modò loquendo de Beatificationibus, & Canonizationibus factis a Romano Pontifice extrà Concilium, sed etiam de Canonizationibus factis a Romano Pontifice in Generali Concilio. Consuetudo autem, & Ecclesiæ disciplina argumentum a posteriori suppeditat, quod maximo pere favet assumptioni.

12 Argumento a posteriori succedit argumentum a priori: etenim, si testimonium Angeli boni de Sanctitate alicujus Hominis est infallibile, & certissimum (Angelus enim bonus, licet ex sua natura non sit impeccabilis, ob confirmationem tamen in Gratia, & qua ratione Beatus est, sive ab extrinseco, ut vult Scotus, sive ab intrinseco, ut docet Divus Thomas, peccare non potest, at peccaret, si, testando de Sanctitate alicujus Hominis, non haberet de ea certam, & evidentem notitiam) & si idem Angelus bonus aliquid insolitum, & ultra consuetum ordinem naturæ visibilis faciens ad honorem alicujus Servi Dei, cujus Virtutes jam sunt approbatæ, vel qui decessit cum vera Sanctitatis fama, approbat, & confirmat aut Judicium latum de Virtutibus, aut famam, quæ increbuit Sanctitatis, nemo est, qui non videat, hujusmodi operationes esse in Judicio Beatificationis, & Canonizationis admittendas, cum in eo Mi-

Miracula requirantur, & examinentur, ut certum de Sanctitate ejus, de quo quæritur, testimonium habeatur. Rursus Natura Angelica dignior est, & sublimior, atque altioris ordinis, ac humanæ supereminet; nec in servitio, obsequio, & cultu hominum inferioris gradus, & dignitatis occupatur, nisi ex imperio Dei: & quamvis Angeli boni multa præstent hominibus beneficia, cum tamen hic ordo in hujusmodi beneficiis præstandis jam sit constitutus, nec variari, ac immutari debeat, vel possit, nisi Deus, qui illum condidit, & ordinavit, aliter disponat, hinc est, quòd, quando variatur per operationes extraordinarias, variatio haberi non potest, nisi a Deo in legibus dispensante, & ordine a se inter homines, & Angelos decretis, & constitutis: cumque operationes prædictæ extraordinariæ sint arduæ, difficiles, insolitæ, & præter ordinarias Providentiæ Divinæ leges, & a Deo procedant in legibus dispensante tamquam causa principali, & ab Angelis tamquam Spiritibus ministratoriis, omnia hæc ostendunt, eas operationes, licet in se, & in abstracto loquendo, naturales vires, & facultatem Angeli non excederent, in concreto tamen, uti dicunt, admittendas esse in Judicio Beatificationis, & Canonizationis, quemadmodum, his, aliisque rationibus allatis, latè profectitur Pater Philippus Maria a Sancto Paulo Carmelita Discalceatus olim Consultor Congregationis Sacrorum Rituum in suo Opere de Sacris Apparitionibus cap. 2. §. 2. per totum, annotavitque Matthæus in Practica Theologo-Canonica ad Causas Beatificationis, & Canonizationis tit. 3. cap. 3. in Additamento a num. 33. ad num. 40.

& doctè explicant Rotæ Auditores in Relatione Cause Sancti Francisci Xaverii in 3. part. de Miraculis §. 4. agentes de elevatione prædicti Sancti amplius cubito a terra, dum Missam celebrabat: Dum Xaverius Jejuanapatano in Portu Orq Coromandillis, & aliis etiam in locis India Orientalis Misse Sacrificium celebraret, visus est ab universo Populo, qui aderant Missæ, amplius cubito sustineri Divinæ vi sublimis a terra: quam rem omnes habuerunt pro Miraculo, & dono particulari Xaverio concessa, & eum deinceps ut Virum Sanctum venerari sunt, credideruntque fama, quæ de illius Sanctitate, & Miraculis vulgatur. Factum istud probatur ex depositione Emmanulis Fernandez Testis Remissorialis Coccinensis, qui deponit de visu, & certa scientia, & ex depositione Testium Remissorialium Coccinensium deponentium de auditu ab his, qui præsentibus fuerunt, & de publica voce, & fama. Quæ probatio judicata est sufficiens per Glossam, & reliquas in primo Miraculo allegator, præsertim quòd accedunt depositiones aliorum quatuor Testium Remissorialium ejusdem Processus deponentium de auditu ab his, qui viderunt. Hæc factum fuisse miraculosum, & Divino Miraculo tribuendum, probatur evidenter rationibus theologicis, & philosophicis. Nam, quod fit a Deo præter ordinem naturalem, est Miraculum, ut docet Sanctus Thomas 1. part. quest. 101. art. 7. in fine corporis, & part. 2. quest. 113. art. 10. in corpore: prædicta autem elevatio facta fuit a Deo præter ordinem naturæ: ergo est miraculosa. Quòd facta sit a Deo, probatur manifestè; nam debuit fieri vel a Deo, vel ab Angelis bonis, vel malis, vel ab ipsa anima elevante corpus, vel ab ipso corpore elevante se ipsum. Non potuit autem fieri a corpore virtute sua naturali, quia, cum in illo prædominetur terra, & aqua, necessarò, dum sumus in hac vita, est

78 De Serv. Dei Beatif. et Beat. Canoniz.

est valde grave, & fertur sub aerem; unde talis elevatio est contra naturam, & inclinationem corporis, ut notat Sanctus Thomas 3. parti. quest. 57. art. 3. Ad secundum, de Ascensione Christi. Nec ab anima virtute propria elevari potuit corpus illud, quia alioquin non fuisset recurrendum ad Virtutem Divinam in Ascensione Christi, quod Patres, & Doctores faciunt, si hoc naturaliter competere anima: & omnes experimus, quid anima non potest movere corpus, nisi movendo unam partem per aliam, ita ut una pars immota semper innitatur alicui solido, & illa sustentet reliquum corpus; quod in tali elevatione esse non potuit, quia totum erat in aere. Neque fieri potuit ab Angelis malis; nam, etsi habeant virtutem, qua possent elevari, & sustentare tale corpus in aere, tamen ex circumstantiis aperte constat, quid non potuerint se immiscere huic facto. Nam Sanctitas Persona non patitur suspensionem ullam conventionis tacita, vel expressa cum Damone, neque potest esse suspicio, quid Diabolus hoc voluerit facere ad illudendum Xaverium, aut alium finem similem, non solum propter circumstantiam loci, & temporis, sed multo magis, quia hac illuso cessisset in destructionem Regni ejus; reddit enim illum venerabilem apud eos, quorum salutem procurabat: quo argumento utitur Dominus, ut probet, se non in Beelzebub Principe Daemoniorum ejicere Dæmonia, quia alioqui Diabolus cooperatus fuisset in destructionem Regni sui, conciliando fidem persona, & predicationi ejus. Angeli autem boni potuerunt quidem viribus naturalibus hoc facere non minus, quam Dæmones, sed illi non se immiscuit rebus humanis, & visibilibus extra ordinem naturæ, nisi specialiter mittantur a Deo; & propterea ea, qua faciunt præter ordinem naturæ rerum visibilibus, sunt miraculosa, & pro Miraculis semper sunt habita, quia

illa Deus facit per illos, tamquam per Ministros suos. Ita nemini dubium est, quin Apparitio, & Cantus Angelorum in Nocte Natalis Domini potuerint ab eis fieri viribus naturæ suæ; similiter translatio Habacuc a Judea in Babylonem, & rursus a Babylone in Judæam: & tamen sint controversia habentur pro Miraculis, quia facta sunt ab Angelis bonis de mandato, & commissione Dei præter ordinem naturæ rerum visibilibus. Quocirca etiam Sanctus Thomas 2. 2. quest. 175. art. 1. in corpore distinguens causas Raptus, sive Ecstasis tres causas ponit, unam corporalem, secundam Virtutem Dæmonum, tertiam Virtutem Divinam, prout scilicet aliquis Divino Spiritu elevatur ad supernaturalia: ubi manifestè confundit Raptum, qui fit virtute boni Angeli, cum eo, qui fit Virtute Divinæ, quia nimirum bonus Angelus nequaquam utitur virtute sua ad faciendum Raptum in anima, nisi instinctu Divino. Nam, si Deus immediatè per se ipsum eum operatus est, cum fit effectus præter ordinem naturalem a Deo factus, sint dubio Miraculum est: si autem eum fecit per Angelos bonos, hoc quoque Miraculum erit, quia præter ordinem naturalium rerum usus est instrumentis ad faciendum hunc effectum. Et ideo videmus, quid similes effectus, qui potuerunt immediatè fieri virtute Angeli naturaliter, quando non est suspicio, quid immiscuerit se malus Angelus, semper in Ecclesia habiti sunt pro Miraculis, non querendo, utrum mediatè per Angelos, an immediatè facti sint a Deo; ut constat de ambulatione Sancti Petri, & Sancti Mauri super aquas, de qua Sanctus Gregorius lib. 2. Dialogorum in Vita Sancti Benedicti: Res nova (inquit) & post Petrum inaudita, pedibus super aquas incedenti &c. = & similiter tamquam celebre Miraculum Sancti Francisci de Paula refertur in Breviario, quod a Nautis rejectus, strato super fluctibus Tal-

lio,

Lib. IV. Pars Prima Cap. VI. 79

lio, cum Socio transmissit: que sine dubio naturalis virtute ab Angelis fieri potuerunt. Eadem ratione, quod ab Elia, & Eliseo Jordanis Pallis percussione sit apertus, ut transire possent, tamquam Miracula narrantur in Scripturis: quæ per manus Angeli fieri potuerunt, & fortasse facta sunt. Ex quibus omnibus concluditur, hoc fuisse verum Servi Dei Miraculum, sicut etiam censuerunt tres Doctores Theologi, & Philosophi, quibus, ut peritis, in hac materia credendum est. Adhæret Suarez in 3. part. Divi Thoma tom. 1.

disput. 31. sect. 9. §. Sed hæc verba, ubi notabiliter inquit, loquendo de Deo utente naturali virtute creaturæ in narratione Miraculi: Nulla alia limitatio, vel determinatio Divina Virtutis ad hoc est necessaria, nisi quod nolit agere se sola, sed per creaturam, id, quod per se solam agere posset. Et in hoc solo sese accommodat creatura, quam assumit ut instrumentum, nimirum, quod non vult, actionem fieri sine illa, nec nisi dependenter ab illa.

CAPUT SEPTIMUM.

In quo dicta in Capitis præcedentibus aliquando confirmantur doctorem Virorum scriptis a Galliis ad nos delatis.



1 Nonnulla in Galliis scripta prodierunt theologicæ eruditione repleta, in quibus agitur de Miraculis occasione cujusdam controversiæ, de qua obiter aliquid in hoc eodem Capite innuetur. Operæ itaque pretium esse censemus in hoc Capite inferere, quæ in dictis Scriptis continentur, quorum ope aliquando confirmantur, quæ a nobis in antecedentibus Capitibus dicta sunt.

2 Diximus in præcedentibus, de ratione Miraculi esse, quod sit aliquid arduum, insolitum, admirandum, excedens vires naturæ; nec Dei immutabilitati repugnare, si aliquando aliquid agat contra, vel præter, aut supra naturam.

3 Fusiùs hoc ipsum traditur a Theologo Gallo in quodam Discursu super Miraculis, cujus verba ex Gallo in Latinum idioma convertimus.

4 Quæcumque sensibus nostris objicit stupenda hæc rerum universitas, Omnipotentis Dei Sapientiæ tot Miracula, totque portenta dici possunt. Sidera jam a tot sæculis, servatis jugiter legibus a Creatore constitutis, cursum suum perscientia, planta, & arbores singulis se annis in folia, flores, & fructus induentia, diversorum animalium diversa structura, & instinctus, quæ speciem suam perpetuant, tumentes maris irati fluctus sibi positos a Deo terminos reverentes nonne totidem Miracula sunt, licet illa, utpote communia & mirari desinamus? Ita sanè. Verùm intrà natura limites fiunt, naturaliter quippe procedunt tamquam effectus ex universali illo ordine, quem in na-

80 De Serv. Dei Beatif. et Beat. Canoniz.

natura Creator insituit: hinc propriè Miracula non sunt; vox enim illa, prout significas, causa naturalis effectui, quantumvis mirifico, minimè convenire potest. Igitur Miraculum propriè dictum eventus est, & effectus contra legem naturæ produci, & a virtute creaturarum vires superante. Est opus peculiare Omnipotentia Dei leges a se libere statutas, cum ei libuerit, invertentis. Sic Josue, saviente pugna, Soli precipis stare, & Sol stat. Sic Christus Lazaro mortuo, & quadraguano imperat e monumento venire foras, & confestim Lazarus e sinu mortis vivus egreditur. Nemo est rationis compas, qui in his eventibus Miraculum non agnoscat, eum lumine naturali pateat, illor communibus naturæ legibus omnino repugnare, quas solus Deus cobibere potest, & impedire. Quis verò reconditas, abstrusissimæ naturæ leges tam probe novit, ut, hoc, illudve factum istis adversari legibus, atque adeò prodigiosum esse, cerè definit? Ad hoc definiendum rationem consulere sufficit. Evidentia lux est: omnibus perspicua se præbet. Non desunt eventus, in quibus tam elare Omnipotentia Divina elucet, ut nullum errori locum relinquere videantur. Nemo rationem consulens in controversiam vertet, Miracula hæc sunt, an non, si Cæcus in instanti lucem videat, & Mortuus ad vitam revocetur: utrumque enim natura vires excedere, si ratio consulatur, compertum est. Cum omnes homines sapientia, & intelligentiâ conspicui, aliquem eventum supernaturalem esse, communis quadam conspiratione judicaverint, pro certo arbitreris, illos in hoc iudicio non hallucinari: talis quippe consensus a præoccupationibus, & infestis opinionibus in singulis hominibus ita diversis oriri non potest; sed a sola ratione, quæ omnibus communis est. Cum scio, viros omnes doctos, & sapientes in eo convenire, quod ex. gr. resur-

rectio Mortui Miraculi plenum opus sit solæ Divinæ Virtutis possibile, mihi quoque compertum sit. Quid si etiâ cupias, natura viribus, aut arte magicâ id fieri posse, Deum utique non finet, illum eventum in hisce contingere circumstantiis, in quibus erroris argumentum, & probatio foret: secûr, ipse nos falleret, & meritò dicere possemus = Domine, si decipimur, a te decipimur = Hoc principium sufficit ad demonstrandam veritatem Miraculorum, quæ ad Religionem stabilendam contulerunt. Reperitur in aliquibus eventibus talis circumstantiarum concursus, qui nullam in animis de Miraculi veritate, dubitationem relinquit. Ex. gr. video Ægrotum insanabili morbo laborantem, nec ullum humanum adhibentem remedium. Orat, & subitò perfecta sanitati restituitur. Talis circumstantia veritatis Miraculi me convincunt. Insanabilis quippe perfectam momento sanationem non nisi Miraculum esse, sapientes cuncti satebuntur. At, inquit illi, qui se fortes animo jactitant, unde scitis, in rerum natura non adesse quosdam extraordinarios effectus legum generalium virtute, rarè quidem, verum indubitatè procreandos, adeò ut, quò creduntur hæc edere Miracula, nihil aliud præstent, quàm causarum naturalium complexione perspicaciùs tempus, quo futuri sunt illi effectus, prævidere? Sane, deductum ex Miraculis argumentum incredulor acerrimè torquere, censendum est, qui ad illud declinandum tam absurdas, ineptasque suppositiones non veretur adhibere. Quidni Lazarus a mortuis suscitatus fuisset, quamvis e monumento surgere, Christus ipsi non imperasset? Cæcus a nativitate sua fuisset eo instanti illuminatus, quo videre petiit, etiam si nec visum petisset, nec impetrasset? Nec in hisce suspendiis eventibus Christus aliam partem habuit, quàm instanti, quo, prout naturæ leges exposcunt, eventuri erant, cognoscere?

scere? *Quidni Apostoli, qui tot edidere Miracula, rudes illi, & imperiti homines id cognovere, quod praestantiores Philosophi latuit, & adeo ipsi explorata fuerunt occultiora natura, ut ipsi tum effectus illos praepererent, cum nossent ab ea sponte edendos? Homines ne sum, qui tali modo ratiocinantur? Impii sunt, quos, ne Miracula credant, tot absurda non pudet excogitare. Horum sententia vetat immutabilitas Dei, ne aliquando leger olim ab ipso statuta inverterantur. His si credimus, quaecumque, tametsi levis, auctio, vel diminutio motus in natura totam universitatem labefactabit. Tum vero Deum suis legibus parere coactum simulat, juxta Philosophi Gentilis effatum = Semel jussu, semper paret = quod dictum in sua sententia patrocinium deducere non erubescunt. Verum quid aliud esset talis Deus praeter falsum Gentilium Deorum, & Hominum Dominum? Effet, si placeat, Stoicorum Deus, non Christianorum Deus liberrimus, & omnipotens. Dum in hujus Universi conservationem, & ordinem leges generales condidit, in bonitate sua titulos se reperiendum praevitit, ob quos Servorum suorum intuitu cursum earum interdum aut suspenderet, aut immutaret, & in sua sapientia modos, quibus ea vitaret incommoda, quae ex ea opinione, vel immutatione derivarentur.*

5 Diximus, Miraculorum donum non fuisse restrictum ad tempora Apostolorum, sed post ea permanisse, & adhuc permanere in Ecclesia, Hæreticos in sui erroris comprobationem frustra saepe tentasse edere Miracula, & Hæreticos in sui erroris comprobationem vera Miracula edere non posse.

6 Fuit hoc sapienter, & pie innuatum in Edicto Domini Archiepiscopi Parisiensis, in quo condemnat tria Volumina, in quibus Vita cujus-

dam Diaconi Parisii, de quo infra, describitur, & in alio ejusdem Edicto edito occasione assertorum Miraculorum, quæ patrata dicebantur ad ejus Tumulum, necnon in Admonitionibus Domini Episcopi Massiliensis ad Clerum Sæcularem, & Regularem, & reliquum suæ Diocesis Populum: quod ipsum latius prosecutus est Theologus in suo Discursu edito super Miraculis.

7 Si perrara forent adeo Miracula; ut singulis seculis unum duntaxat contingeret, invenire posset incredulus, quando nonnulla facta singularia falsi argueret: at tantæ factorum copiam, multitudinemque premitur, ut ad cuncta perneganda non modò totum auctoritatis pondus demere, sed & animi sensum omnem, & rationem exuere necesse sit. At, quod impio dolorem, atque confusionem parit, in gloriam vertitur, & consolationem Hominis Fidelis, qui Ecclesiam & ab ipsis exordii jugiter Miraculis videt coruscare. Hoc donum Miraculorum veritatis nostræ Religionis constant est argumentum. Est illud donum Majestatis Divinae veluti radius, & derivatio quadam ejus omnipotentia, cujus jam in hac vita Fideles suos quandoque facit participes: quod jam promissit Salvator hac locutus Joannis 14. 12. = Amen, amen dico vobis, qui credit in me, opera, quæ ego facio, & ipse faciet, & majora horum faciet = quæ promissio maximum, ac perspicuum statim in Apostolis eventum habuit; ipsorum namque Miracula Mundi conversionem operata sunt, & Mundi conversio vicissim eorundem Miracula comprobavit. Sicut enim toties post Divum Augustinum repetitum est, credere Mundum sine Miraculis conversum, hoc ipsum est Miraculum cæteris, quæ negarentur, incredibilius admittere. Torro donum illud Miraculorum cum Apostolis non desit: illud simul cum missione,

82 De Serv. Dei Beatif. et Beat. Canoniz.

sua suis transfere Successoribus. De eo tamquam dono communi, labente secundo saeculo, Sanctus Irenaeus loquitur lib. 2. cap. 36. Editionis antiquae, & 32. novae Editionis Venetae. Quod de saeculo suo Sanctus testatur Irenaeus, idem reliqui Sancti Doctores de suo pariter asserunt. Cujus quidem rei indubitatum habes argumentum in Actis plurimorum illustrium Martyrum, qui tertio, quartoque saeculo Martyrii palmam adepti sunt. Sancti Cyprianus, Hilarius, Hieronymus, Ambrosius, Augustinus Miracula, quae ad Memoriam Sanctorum Martyrum suis oculis fiebant, eloquenter, disertique describere. Pro sequentibus saeculis omnium Historicorum testimonium habemus. Totam illorum seriem possem hic in medium asferre: at satis est, si animadvertam, Miracula, quae ad Monumenta Sanctorum Martini, Hilarii, Remigii, Germani, plurimorumque aliorum Ecclesiae Gallicanae Sanctorum, fiebant, omnibus adeo nota, compertaque fuisse, ut illa Sanctus Nicetius Trevirensis tamquam firmissimam Catholicae Fidei probationem Albino Longobardorum Regi proposuerit. En quomodo Sanctus ille Praefatus de illis ad Chlodowindam Principem Galliam memorato Regi Ariano matrimonio conjunctam scripserit, uti habetur tom. 1. Conciliorum Galliae pag. 312. = Rex Alboinus (inquit) si jubet, ad Dominum Mortuum per festivitatem suam, quam undecima die facit November, mittat, ubi Caeror illuminari conspicimus, ubi Surdos audire, & Mutos sanitatem recipere: nam quid dicam de Leprosis; aut de aliis quamplurimis, qui quaecumque debilitate percussi sunt, ibidem per singulos alii, & alii sanantur? Quid dicam de Domino Germano (Antipodorensi) Hilario (Pictaviensi) vel Lupo (Trecensi) Episcopis, ubi tanta mirabilia bodie apparent, quantum nec dicere verbis valeo? Numquid in Ecclesiis eorum (scilicet A-

rianorum) sic faciunt? Quid de Domino Remigio, & Domino Menardo Episcopis, quos tu, credo, videristi? Non possumus tanta exponere, quanta mirabilia per illos Deum videmus facere =. Quod ad posteriora saecula attinet, erit ne, qui Sanctorum Bernardi, Vincentii Ferrerii, Francisci Xaverii coaevanda primorum saeculorum prodigiis Miracula in controversiam revoces? At, ut longiorem enumerationem praeceam, ad demonstrandam doni Miraculorum in Ecclesia perpetuitatem satis est brevis haec animadvertio. Nullum praeteritum saeculum, in quo aliquem Sanctum Ecclesia non canonizet: neminem vero tali honore afficit, nisi prius de quibusdam Miraculis ejus intercessione editis palam, & summa fide constiterit. Miracula splendidissimum sunt testimonium, quod Deus omnibus tribuit, Fidei, & Sanctitatis illorum, quorum meritis, & intercessione illa operatur. Sunt veluti Sigillum veritatis, quas crediderunt, & exerceverunt. Facile namque quisquis intelligit, doctrinam Caeli comprobata auctoritate non nisi puram, non nisi sanam esse doctrinam. Haec, ut viderimus, naturalem dicam, conclusionem ex Miraculis in Ecclesia Catholica editis inferebat Sanctus Nicetius. Hanc pariter Theodemirus Suavorum, & Reccaredus Gotborum Reges intulerunt, quorum conversioni maximum incitamentum exstiterit Miracula. Theodemirus, quem Gregorius Turonensis lib. 1. de Mir. Sancti Martini cap. 11. Chararicum nominat, Filio graviter aegrotante, Praefatus Arianos de Sancti Martini Turonensis Miraculis differenter audire, qui & ipsi aethores erant, ut ad Sanctissimum Virum oblata mitteret, si Filii sanitatem vellet impetrare. Tunc Rex quavis, quam profusus fuisset Religionem Martinus ille, ejus Miraculorum fama tam longe, lateque diffundebatur. Ipsi respondere coacti sunt, Catholicum illum fuisse, necnon

Pa.

Patris, Filii, & Spiritus Sancti confubstantialitatem credidisse, palamque docuisse. Rex inde conclusit, hanc esse veram Fidem, cujus nimirum defensores adeo gratos, & acceptos Deus habebat: sanatoque Filio, a peruersis Arianorum opinionibus ipse, & populus ejus discesserunt. Hanc ob rationem Reccaredus Rex Visigotorum Hispania Fidem Catholicam amplexus est, uti refert Gregorius Turonensis lib. 9. cap. 15. Hic Princeps, cujus salutem Sancti Fratris Hermenegildi Martyris Sanguis effraginabat, cum errorem suum palam ejurare firmiter decrevisset, coactis Sectæ suæ Episcopis aperte significavit, se ad id maxime permotum fuisse dono Miraculorum, quo jugiter Ecclesia Catholica fulgebat, dum, nullum prorsus apud Arianos Miraculum fieri, conspiceret. Omnium seculorum Hæretici vim istius probationis agnovissent, quæ sicut Ecclesiam Catholicam gloriâ eumulat, ita Sectis ab illa divisis quàm maximam inurit infamiam. Ad hanc occultandam quamplurima Miracula divulgare, & cum fraude fingere curarunt. Demones in auxilium suum advocare, qui pravis istis hominibus dominatum suum propagari cernerent, ut minus cautos illuderent, omnes, quas potere, fallacias, & dolos adhibere. Testatur Irenæus, primos Hæreticos Simonis Magi, Carpocratique Sectarios commentendis, quæ a Discipulis Salvatoris edebantur, Miraculis operam, studiumque navasse. Nec ipsimet Donatistæ, furentes homines, & sanguine pleni, faciendorum Miraculorum cupiditate caruerunt, qui plebem innumeram levi negotio illudendam suis prastigiis in suum errorem induxere. Sanctus Augustinus tract. 13. in Joannem in improbam hanc agendi rationem tum in Concionibus, tum in Scriptis vehementer inveci coactus est. = Nemo (inquit) vobis fabulas vendat. Et Pontius fecit Miraculum; &

Donatus oravit; & respondit ei Deus de Cælo. Ans falluntur, aut fallunt =. Sic cum Sancto Doctore resellendi sunt Sectarii ementita Miracula in erroris sui patrocinium jugiter jactitant. Si fallere non intendunt, qui illa publicant, certò falluntur. Ariani versutissimi Hæretici dolum omnem, & machinam commoliti sunt, ut ex Miraculis existimationem suam conciliarent. Unum afferatur exemplum, ex quo pateat, quo tandem deveniat fraudulentus Hæreticorum animus. Narrat Gregorius Turonensis lib. de Glor. Conf. cap. 13. quòd Leovigildus Visigotorum Arianorum Rex cum fortè cuidam ex suis Episcopis dixisset = Cur & vos Miracula non facitis, uti facimus, qui se Catholicos profitentur? = Episcopus, ut communi fama consuleret, respondit, se jam multa fecisse, atque faciendis aliis paratum esse. Promisso stare volens mendicium Arianum advocavit, & postea pecuniâ nummorum aureorum quadraginta, ut eum se simularet, adduxit. Deinde præcepit, ut in loco, per quem cum Rege transiturus erat, se collocaret. Paruit infelix homo, cernensque Prasulem in comitatu Regis, antequam propior fieret, qua poterat, voce exclamabat, vehementer rogans, ut visum sibi restituere dignaretur. Episcopus de Miraculo, quod tanti emerat, minime dubius magnificè, & gloriosè ostentatione manus ei imposuit, dicens = Fiat tibi secundum fidem meam =. Sed illico longè diversum, repentinum, ac minime provisum Deus Miraculum operatus est: cæcus namque effectus est, qui se cæcum fingebat, acerbissimisque doloribus cruciatus ad detegendam fallaciam compulsus fuit. Cæterum factum istud adeo manifestum, & omnibus compertum fuit; ut illud Reccaredus Leovigildi Filius, & Successor in Episcoporum Arianorum cætu conversionis suæ præcipuum motivum in id retulerit. Nimirum peculiaris error

L 2

est,

84 De Serv. Dei Beatif. et Beat. Canoniz.

est, tam iniquis, ac nefandis fraudibus re-
luti præsidio se munire. Id verò sapien-
tem quemlibet movere potest, ut Sectam
hujusmodi nequitia consciam abominetur.
Affine quid de Cirila Africano Ariano E-
piscopo narratur. Fidem omnem exsuperant
fallaciarum, deceptionumque numerus, &
multitudo, quas molitur ardens factionum
studium. Infamem Triscillianum, & fu-
riosum Dioscorum, tamquam Sanctos, illorum
confessatores post mortem venerati sunt,
& ipsi attribuere Miracula non sunt ve-
riti. Missit Joannem Huius generalis Con-
cilii sententiâ damnatum paribus honoribus
affecerunt. Ecclesia damnationes videntur
Discipulos Hæreticorum enixius movere, ut
Magistros colant. Tractata veritatis bu-
jus omnium temporum Hæreses suppeditant
argumenta. Neminem latent fraudes, ac do-
li mali, quibus suarum partium pertina-
cissimis fautoribus gloriam Sanctitatis ad-
scribere conati sunt Hæretici. Miraculum
eventus est, & effectus contra leges com-
munes naturæ productus, quas cum solus
Deus immutare possit, solus etiam Deus
Miraculorum auctor dicendus est. Porro
Deus jubimet adversari nequit, fidelis per-
manet, se ipsum negare non potest, uti ha-
betur 2. ad Timoth. 2. 13. Nequit igitur
Sectam, & Hæresim, quam infallibili Ec-
clesia judicio jam damnavisset, Miraculo
emprobare. Brevis illa, sed invictissima
ratio, quidquid in suorum Miraculorum
confirmationem offerunt Hæretici, copio-
sissime diluit, ac refellit. Quoties igitur
Miraculum in Hæreses favorem perpetra-
tum narratur, omnis Catholicus illico, re-
mota quacumque dubitatione, Miraculum
illud falsum debet offerere. Fides argu-
mentum fulminat: cum enim vox Ec-
clesia, qua proscripsit errorem, sit ipsamet
vox Dei, nequit Deus hunc errorem, quin
jubimet ipse obstitere, Miraculo comproba-
re. Cave verò, ne tam perversè de Deo
summè veraci sentias. Possunt quidem Hæ-

retici præsidiis incautos decipere; possunt
ementitis Miraculis, aut temerè vulgatis
plebem ignaram, credulamque pervertere.
Nihil eorum malitia magis consentaneum.
At vera Miracula patrare soli Deo con-
venit, & suis Fidelibus, quos Omnipoten-
tia sua participes facit. Nihil in me-
dium profero, quod non Sanctorum Patrum
auctoritate fulciatur.

8 Diximus, duplicem esse naturam,
aliam invisibilem, & incorpoream,
aliam visibilem, & corpoream, & Mi-
raculum excedens vires totius naturæ
creatæ esse majus Miraculum, & Mi-
raculum minus esse, sed verum, illud,
quod est arduum, insolitum, excedens
tantum vires naturæ visibilis, & cor-
poreæ, & hujus generis Miracula esse
admittenda in Judicio Beatificationis,
& Canonizationis, cum insolita sint,
& admiranda, & a Deo procedant,
qui, sicuti cohibet naturalem malorum
Angelorum virtutem, ne in Hominis,
& Universi perniciem abutantur, ita
Angelis bonis mandat, ut in sui glo-
riam, hominumque utilitatem aliqua
faciant, quæ propriam naturalem vir-
tutem non excedunt, licet excedant
vires naturæ corporeæ, atque sensibi-
lis.

9 Duplicis generis Miraculorum,
eius videlicet, quod excedit vires, &
facultatem cujuscumque naturæ crea-
tæ, & sic tum invisibilis, tum visibi-
lis, & corporeæ, & ejus, quod excedit
vires tantum naturæ visibilis, &
corporeæ, mentio habetur in *Instructio-
ne Pastoralis Domini Archiepiscopi Seno-
nensis Parisiis edita anno 1734. pag.
22.* & Author Epistolarum Theolo-
gicarum in Epist. 8. multa eruditè pro-
sequitur de potestate naturali bono-
rum Angelorum nonnulla patranda,
quæ excedunt vires, & facultatem nat-
uræ visibilis, & creatæ, & quæ vera
Mi-

Lib. IV. Pars Prima Cap. VII. 85

Miracula sunt, utentibus eâ Angelis bonis, Deo iubente, & ad ejus nutum.

10 Errorem dico maximum, in Sanctis Angelis potestatem amplissimam inficiari, quam in Sacris Litteris aded clarè expressam invenimus. Omnes Angeli ejus potentes virtute = ait Regius Vates Psalm. 102: 20. & Sanctus Petrus in secunda Epistola 2. 11. = Angeli fortitudine, & virtute majores. = His adde naturæ nobilitatem, quam decuit omnino consentanea potestas. Adde magnificos illos Dominationum, Virtutum, Potestatumque titulos, quos ipsi in Sacra Scriptura Deus ipse tribuit; tituli tamen inanes, & ridiculi, nisi spectanda potestate pollerent Angeli. Adde intelligentiæ perspicaciam, quæ ad ea, quæ facere possunt, exequenda viam facillimam patefacit, mediæque, sine quibus forent impossibilia, suppediat; haud secus ac Arithmetici, Mathematici, Medici multa per artem suam efficiunt, quæ aliorum vires superant, qui minori scientiâ, vel sollertid sunt præditi. Atde tandem, quodd, cum spiritus sint omni corpore destituti, non solum nihil est impediementi, quominus corpora penetrent, & in iis invisibili modo operentur, sed etiam, quidquid in ipsis agunt sensibile, mirificum nobis, licet in se minimum, hac ratione videri debet. Quibus perspicuum sit, virtutem naturalem Angelorum multis edendis prodigiis haud impari esse. Nonnulla particulatim expendamus. Quoties Celestes illa Mentes sub corporis humani figura se videndas præbuerit? Angelus, aut Textus Sacer, invenit Agar in Deserto, filiorumque multitudinem non numerandam ei promittit. Duo Angeli Sodomam venerunt; Lat allocuti sunt; ipsum, Uxorem, ac duas Filias ejus per manus apprehenderunt, eduxeruntque, & posuerunt extra Civitatem. Alii pariter Angeli apparuerunt Josue, Gedeoni, Patri, & Matri Samsonis,

Davidi, Tobia, Isaia, Danieli, Zacharia Propheta, Jude Machabæo, & Militibus, Zacharia Patri Sancti Joannis Baptista, Maria Virgine, Salvatori tum in Deserto, tum in Monte olivarum, Militibus Corpus ejus in monumento custodientibus, Mulieribus eum in hoc monumento quærentibus, Maria Magdalena ibidem ploranti, Apostolis Jesum euntem in Cælum intuentibus, aliis denique quamplurimis. En prodigia sancti multa. Quid vobis videtur? Numquid, hæc ita fuisse, negabitur. Numquid commenta, fabulasque dicetis? Vix credam, opinionem tam erroneam, absurdamque in mentes vestras, etsi cujuslibet erroris in hoc genere capaces, irrepsisse. Numquid, hæc totidem fuisse Miracula, defendetis? Hæc opinio vobis omnino peculiaris foret: neminem quippe sciam ex Sanctis Patribus, aut Interpretibus id arbitratum fuisse, bene multos vero contrarium sensisse. Consultate Sanctum Ambrosium, Sanctum Augustinum, & Sanctum Thomam in margine citatos. An dicetis, formare sibi corpus, quod ambulet, loquatur, & alias corporum nostrorum functiones exerceat, non aliud esse, quàm causas naturales, prout possulant, dispoere? Verùm id a recta ratione prorsus alienum esset, non secus ac declamare, Dæmonem, si causarum naturalium cursum tantisper immutet, vera Miracula, modoque Divino operari. Quodd si relata prodigia paulò diligentius introspicimus, quot alia in illis prodigiis deprehendemus? Sodomitas cæcitate percussos; ignem ascendentem de petra, supra quam posita fuerat oblatio Gedeonis; eamque consumerentem; septuaginta mille Viros peste mortuos; Tobiam visum recipientem; centum octoginta quinque millia Hominum percussorum nocte una in Castris Sennacherib; Achariam, & Socios in medio ignis ardentis illasos ambulantes; ora Leonum conclusa Da-

86 De Serv. Dei Beatif. et Beat. Canoniz.

Danieli nihil nocentium ; Habacuc per capillos ab Angelo Babylonem usque portatum ; catenas de manibus Petri cadentes, & portam ferream ultro ei apertam ; Herodem a vermicibus consumptum expirantem. Hæc autem prodigia, quantumvis admiranda, quantumvis splendida, tamen a Sanctis Angelis patrata fuisse, disertè Sacra testatur Scriptura. Erant ne nihilominus inter vera Miracula connumeranda ? Si audiantur Adversarii, neq. sanandum dubitare : si verò Sanctis Patribus, & Interpretibus fides addibetur, hæc Angeli præstare suâ naturali virtute, qua congruenter tamen ad Dei præceptum usi sunt. Hanc verò doctrinam irones, & imperitoi, ut vos, in materia Miraculorum percellere valentem quibusdam argumentis comprobare, opera pretium erit, majoribus posita, si opus sit, confirmandam. Sanctus Ambrosius lib. 1. de Abraham cap. 6. & Sanctus Thomas 1. part. quest. 111. art. 4. agnoscunt, Angelos mirabili, naturalique suâ potestate Sodomitarum cecitate percussisse, cuius etiam modum exponit Divus Thomas. Teretius in Comment. ad cap. 19. Genes. idem affirmat. Videatur itidem super locum illum Dionysius Cartbusianus. Quod attinet ad ignem Gedonis oblationes consumentem, consulatur Cornelius a Lapide in vers. 21. cap. 6. & in vers. 18. cap. 13. Judicum. Hic quoque tribuit virtuti Angelorum naturali pestem, quæ septuaginta quinque mille Homines consumpti sunt, conservationem trium Puero- rum in Fornace, cuius explicat media, Sancti Petri liberationem &c. Super hoc ultimum vide Tirinum. Idem de verbis ab Asina Balaam pronuntiatis num. 22. vers. 28. = Angelus (ait in hunc locum Cardinalis Hugo) per Asinam locutus est, & non Asina. Sicut enim Diabolus locutus est per Serpentem, & non Serpens locutus est, sic per Asinam locutus

est Angelus, & non Asina : unde nul- lum Miraculum fuit ibi, sicut nec in Ser- pente seducendo Heram =. Consulatur ite- dem Cornelius a Lapide super hunc locum Libri Numerorum, & Lorinus in cap. 2. Epist. 2. Sancti Petri &c. Antequam ta- men ulterius progrediamur, admonendus est Lector, non sine magna Religionis in- juria multa tum antiqua, tum novæ Legis Miracula Sanctis Angelis adscribi posse : cuncta quippe, jubente Deo, Cale- stes illæ Mentes in ipsius gloriam, & bo- norem operantur. Id non obscure decla- rant tum Regius Vates in Psalm. 102. 20. = Benedicite Domino omnes Angeli ejus potentes virtute, facientes verbum illius, ad audiendam vocem sermonum ejus = tum Apostolus ad Hebræos 1. = Nonne omnes (Angeli) sunt administratorii spiritus in ministerium missi propter eos, qui heredi- tatem capiunt salutis ? = Quapropter homi- nes Divino afflati Spiritu mirabilium, qua ab Angelis fieri videbant, gloriam omnem in Deum verum retulerunt = Nunc verò scio (ait Petrus Act. 12.) quia- misit Dominus Angelum suum, & eri- puit me de manu Herodis, & de omni ex- pectatione plebis Judæorum =. Daniel pa- riter Regi Dario respondens = Deus meus = ait = misit Angelum suum, & conclusit ora Leonum, & non nocuerunt mihi =. Angelus ad Tobiam missus = Misit me = inquit = Dominus, ut curarem te, & Saram uxorem filii tui a Damonio libera- rem =. Dum verò constat, aliquid Mira- culum Dei jussu, licet Angelorum mini- sterio, patratum fuisse, mihi ad Religio- nem, utrum vel supernaturali potestate, vel naturali, quam acceperunt, virtute illud ediderint. Si de hac materia, quam in transitu tractaturus sum, longiorem cupitis disputationem, Doctorem consulite, quem fortassis majori, quàm Patres Ec- clesie, veneratione coletis ; Arnaldum dico in Dissertatione, quam adversus Patrem Mel-

Malebranchium edidit circa modum, quo Deus in antiqua Lege Angelorum ministerio plurima fecit Miracula. Ibi multis tum rationum, tum auctoritatum momentis probatum invenietis, Miracula, sive supernaturali potestate, sive naturali virtute fuerint a Sanctis Angelis edita, Religionis ad gloriam ex æquo concurrere. Quamobrem nec Arnaldus, nec alii Theologi curant inquirere, quo modo perpetrata fuerint, cum uterque modus Religionem pari cumulet gloria.

11 Diximus, ex hac Miraculorum distinctione, quod videlicet aliqua excedant vires totius naturæ creatæ, & alia excedant vires naturæ tantum visibilis, & corporeæ, nullum inferri præjudicium Miraculis a Christo Domino patratis, cum plura patriverit absque dubio excedentia vires totius naturæ creatæ.

12 Amplissime discursum hunc exornat Theologus in sua Epist. 13. sequentibus verbis =

13 Simili ratione facile expugnaretur, quicumque Miracula Christi Domini Spiritui creato velles adscribere, quod verbi gratia Spiritus sive boni, sive maligni ea polleant industria, qua agros sanare valeant, & re verâ sanent. Fateor, dicerem, Spiritus creator sanandi potestatem habere, necnon ea sæpe sapienter usus fuisse: fateor, quamplurimos infirmos a Christo sanatos Angelorum ope sanari potuisse; nec ullum, etiam fatebor, Christi Miraculum in hoc genere afferri posse, quod incredulitatem vincat. Num propterea de Miraculis Christi desperandum est? Ut expugnabilia fiant, quod Christus conjunxit, non separemus. Apud Mattheum 15. 5. Cæci vident, Claudii ambulant, Leprosi mundantur, Surdi audiunt, ut omittamus, Mortui resurgunt: ibidem 9. 35. curat omnem languorem, & omnem infirmitatem: ibidem 14. 36. quicumque

eum tangunt, salvi sunt. Apud Lucam 4. 40. singulis manus imponens curat eos. Hac omnia momento sunt. En, quod nusquam fecit creatura. En, quod omnis intelligentia creata potestatem, ut ostendimus, excedit. Hinc creaturarum mentium industria nullum incredulo firmum, & stabile fundamentum suppeditat, quominus in Miraculis etiam sanationum a Christo Domino patratis Dignum Dei agnoscat, & adoret. Quid? si tot etiam majora Miracula vel ad annuntiandum Salvatorem, vel a Salvatore ipso edita palam offeramus; novam Stellam in ipsius ortu lucentem; claras, ac certas rerum futurarum ab ipso factas predictiones; prodigiosam panem, & piscium in Deserto multiplicationem; tenebras Passionis ejus tempore terram operientes; mortuos, quos in vita, & mortui instanti ad vitam revocavit; Christum ipsum tribus jam diebus sepultum, vivum inter vivos regnantem: quis in talibus prodigiis Divinitatem agnoscere recuset? Post hæc quid magis absurdum, quàm ex Miraculis Christi minus decretorii Divinitatem in aliis ejus Miraculis elucentem inficiari? Num, ut quis Divinam Virtute demonstraret operari, requiritur, ut in omnibus ejus operibus equaliter Virtus illa fulgeat? Nonne sufficit, ut in aliquibus clarè appareat? Ergo videte, quàm facili negotio cogatur humana ratio Dignum Dei in Christi Miraculis revereri, quidquid in oppositum ad obscuranda quedam ejus Miracula possit adducere. Haud difficilius in Apostolis Dei Virtus demonstratur: frustra quippe, ut eorum Miraculis pondus dematur, & auctoritas, objicit quis sanationes prodigiosas, quas finiti Spiritus operati sunt. Absurdum medium. Numquid enim aliqua finita virtus omnes sine ulla exceptione valet infirmitates curare? Nonne Deus solus omnes illico, perfectèque potest sanare? Cum igitur eos omnes sanaverint Apostoli, vel

88 De Serv. Dei Beatif. et Beat. Canoniz.

vel fimbriam vestimenti tetigerunt, vel quos umbra corporis operuit, constat, illos Divinâ Virtute operatos esse, nullaque comparatio tot stupendarum sanationum pondus, & auctoritatem minuire valebit. Mortuos etiam suscitant, linguis loquuntur omnium, cum patriam solam didicerint, qua nonnumquam eos differenter unusquisque audit linguis suis loquentes. En Miracula sine dubio Divina. Ergo Deus in eis operatus est. Absurdum post hæc aliqua minus conspicua Miracula ad trutinam revocare. Neget igitur, quisquis velit, aliqua Christi, Moysi, Apostolorum, & Prophetarum Miracula vires cujuscumque naturæ creata superasse, quid inde contra nos? Ut probemus, eos Divinâ Virtute egisse, satis est, ut quadam eorum Miracula, immo unum ostendamus indubitanter Divinum.

14 Diximus, Miracula falsa a veris discerni Efficaciâ, Utilitate, Modo, Fine, Persona, & Occasione, & ex his bene conjici posse, an quadam Miracula a bono, vel a malo Angelo patrata sint.

15 Author Theologus in sua Epist. 15. §. 42. & sequentibus latè explicat nonnulla ex signis, ob quæ vera a falsis Miraculis discernuntur: inquit enim primo loco, Deum Miracula non operari vilia, ridicula, & inutilia, juxta doctrinam Sancti Bonaventuræ, Gersonis, & Medinæ; quod ipsum latè ostenderit in secunda Epistola theologica: inquit secundo, a Deo procedere non posse prodigia indecentia, obscena vel in se, vel in suis effectibus; de quo etiam a nobis alibi dictum est: inquit denique tertio, numquam Deum usum fuisse hominibus delirantibus, ut ederet Miracula. En ejus verba =

16 En aliam ejusdem rei persuasibilem probationem, quæ in disjudicationis regula

ceteris adductis haud minus certa nititur. Scilicet a Divina Sapientia prorsus alienum est, Deum ad significandam voluntatem, aut ad patranda Miracula delirantibus homines addibere. Tanto magis Deus indignum se quid faceret, si rationis usu privaret, quos & consiliorum suorum participes, & omnipotentia suæ ministros vellet efficere. Cautiores estis sancti, quàm ut istud dogma probetis; nec sine ratione, fateor; attum quippe de vobis esset. Nonne enim mentes abalienationem patiebantur vestra convulsione motibus agitata, dum sublimes illos toties a vobis jactatos sermones habuere? Res occultas detexere, futura prædicere, morbos curare, ceteraque Miracula tam audacter a vobis publicata patrare? Centies id testati estis: miram, quid hæc totidem Divina Virtutis in illis agentis argumenta dixeritis! Insania verè digna, quæ superbia vestra, rebellionique coronidem imponeret. Audite, & operiat confusio faciem vestram. Quandoquæ, rogo, Deus Miraculum operans voce, manuum hominis corporis motibus agitati, animumque turbatum habentis usus est? Quandoquæ insanus fecit, per quos voluntatem suam, & potentiam declaravit? Moyses, ex quo divinitus vocatus est, ad mortem usque mille vicibus nomine Dei loquitur, & operatur: num aliquando mentis impos? Josue Dei minister est, & vates; num semel saltem spiritum habuit alienatum? Elias, Eliseus, Isaïas mandata Dei annuntiant, ipsiusque virtute Miracula faciunt: quandoquæ, amabò, furentes, & insani fure? Quis alius in antiqua Lege, dum Divino concitaretur Spiritu, mentem perturbatam habuit? Quis Apostolus in nova Lege, dum ægros sanabat, fideles edocebat, futura prædicabat, mentis, corporisve perturbatione suis inquietatus? Quis tandem a promulgato Evangelio, si, dum fureret, evenitura vaticinatus, aut stupendum aliquod simile

le operatus est, ab Ecclesia tamquam Dei minister, veritatisque nuntius habitus est? Assnam Balaam obicitis, quam Angeli Dei virtute locutam dicitis. Ita sanè: verum in hoc facto quid ad nostram thesion? Qui apud vos convulsionibus agitantur, num ii bruta sunt? Equidem scimus, posse Deum, ut voluntates suas patefaciat, Miraculo creaturam supra naturam suam extollere: quod verò, si per os hominis nos velit edocere, illa momenta seligat, in quibus homines sui compotes non sunt, aut etiam ad hoc eos rationis usu privet, aliquando factum pro viribus pernegamus. Hinc exemplum Brui loquentis sine stupiditate nobis opponi nequit. Nec magis ad presentem questionem faciunt somnia Pharaonis, & Nabuchodonosori: naturaliter quippe somni tempore sensus alienantur, & hominis dormientis ratio perficitur, dum ad magna cogitanda applicatur. Siccine de vestris convulsionibus agitati? Num naturalis est illorum, sicuti Pharaonis, & Nabuchodonosori, alienatio? Num eorum recordantur, qua dixere, fecerere, dum apud se non erant, ut memorati Principes, qui visum in somnis obiectum expergefatti memoria temere? Immo, nullam talium rerum in eis, cum ad se redeunt, exstare memoriam, narratis. En igitur inter eos, & memoratos Principes duplex, insigneque discrimen. Illud etiam advertendum est, nos istorum somnia venerari, quod eorum somniorum mysticam significationem Joseph, & Daniel, quos & sui compotes, & Divino Spiritu afflatos certo cognovimus, explanaverint: secus, ea tamquam mera somnia etiam nunc habemus. Ast quis apud vos Propeta lumine Divina claritatis indubitanter illustratus est, qui vestrorum, vestrarumque delirantium sermones interpretetur? Vos fortassis? Libenter audiremus. Recitari quandoque gratus est. Nec minù absurdum

dum Saulis exemplum 1. Regum cap. 19. 25. in medium proferre, prophetantis scilicet, cum super eum factus est Spiritus Domini. Praterquamquod enim prophetare non aliud hoc in loco significat, quam in honorem Dei cantica canere, Saul tunc temporis a mente sua non discessit; quin, potius furor ejus in Davidem ad momentum confedit. Nullo igitur exemplo probatis, Deum aliquando ad manifestandam voluntatem suam hominibus suis non compotibus usum fuisse, vel ad hoc, quod magis est, sanos homines insanos fecisse. Illudque non solum Deum non fecisse, verum nec potuisse, contendimus. Litem nostram diriment Viri me, vobisque doctiores, Sancti Patres. Quomodo enim textum illum Apostoli 1. ad Corinthios 14. 32. = Spiritus Propetarum Propheis subiecti sunt = explicavere? Plures eo sensu dicitis intellexisse, quod Propetarum sit, spiritum, quo alii Propeta afflantur, judicare. Licet quidem sic interpretari. Verum nonne etiam asserunt Origenes, Sanctus Hieronymus, Theophilactus, Eusebius, Magister Sententiarum, Sanctus Thomas, alique plures, Apostoli mentem fuisse, spiritum Propetarum ideo Propetis subiectum esse, quod eos ad loquendum non cogat, liberosque relinquat? Hoc vobis sepe sepius obiectum est: quid bastenus respondistis?

17 Diximus, Sanctitatis argumentum desumi ex Miraculis post obitum potissimum a Deo patris intercessione Dei Servi, cujus nomen invocatur.

18 De hac re agit in decima quinta Epistola Theologica §. 35. & 36. ubi Author ostendere conatur, Miracula ad impiorum Sepulchra sepe patrata fuisse, juxta illud Tertulliani in Apologet. cap. 22. = Delitescens sub nominibus, & imaginibus mortuorum quibusdam Signis, Miraculis, & Oraculis Firmem

dem Divinitatis operatur = & alia exempla ab eo relata. At, quidquid sit, an ea fuerint vera Miracula, vel potius falsa, & Dæmonum præstigiæ, Authoris assertiones nostris non obstant: numquam enim diximus, ex solis Miraculis post obitum patris Sanctitatem inferri, sed huic probationi tantum locum esse posse, postquam fuerunt discussæ Virtutes, & approbatæ in gradu heroico; si etenim post prædictam approbationem Miracula superveniant post obitum patris intercessione ejus, cujus Virtutes fuerunt discussæ, & comprobata Apostolico Judicio, eodemque Judicio fuerint discussa, & approbata Miracula, firmum ex eis deducitur argumentum pro Sanctitate astringenda, uti sapienter animadvertit alius Author Theologus in *Discursu super Miraculis* 8.5. cujus verba sunt hæc =

19 *Qui Religionem ex animo, verèque diligunt, in omnibus libenter assentiuntur, quæ ipsi vel auctoritatem, vel decorem conciliare valent. At non continuo cupio, pro certis habeas omnia Miracula quæ Sanctis adscripta circumferuntur, sed in solummodo fidem adhibeas, quæ post diligentem, prudentemque investigationem vera esse constiterit. Sum namque argumenta quædam generalia, quæ si existant, de Veritate Miraculi certiores effecti ad illud credendum sponte feramur. Primum argumentum. Christus, Miracula fore prædixit; eaque non solum possibile, sed etiam actu fieri Fide Divinâ, constat. Hinc, si credimus Evangelio, generaliter quoque debemus credere, nonnulla Miracula Fide Discipulorum Christi, & Sanctorum intercessione perpetrari. Hac in re de incredulitate gloriari idem est, ac falsitatis promissa Salvatoris arguere sic Apostolos suos alloquitur Marci 16. 17. & 18. = Signa autem eos, qui credide-*

rint, hæc sequuntur: in nomine meo Dæmonia ejicient; linguis loquentur novis serpentes tollent; & si mortiferum quid biberint, non eis nocebit; super agros manus impovent, & benè habebunt = Secundo argumentum. Tota Fides, & Sanctitas eorum, quibus adscribuntur Miracula nova, sunt ad ea credenda rationes, & incitamenta. = Scimus (legitur Joannis 9.) quoniam peccatores non audit Deus: sed, qui Dei cultor est, & voluntatem ejus facit, hunc exaudit =. Hisce verbis, quæ per os Cæci, quem sanavit Christus, Evangelium protulit, Deum ex ordinaria providentia signorum donum peccatoribus minimè concedere, liquidè constat. Solis verè Fide præditis, sunt quæ nulla Sanctitas, operatio Virtutum promittitur. Quamobrem, dum novi Sancti canonizantur, tum demum ad inquirenda Miracula devenit Ecclesia, cum per diligentissimam inquisitionem eorum & Fidei puritas, & morum probitas indubitatè constet. Si nondum probata foret talis Fides, morumque probitas, omnia Miracula meritò suspecta fierent, vel saltem alicujus Sancti Canonizationi minimè prodesse; ait enim Gregorius Magnus lib. 20. Moral. cap. 9. = Probatio Sanctitatis non est signa facere =. Author hic, ut suadeat, gratiam Miraculorum lege ordinari peccatoribus non dari, peccatoribus, inquam, adhuc in hac vita degentibus (de illis enim, qui vitæ sancti sunt, certum est, eorum intercessione nulla fieri a Deo Miracula, juxta ea, quæ alibi dicta sunt) utitur eo, quod legitur in Evangelio Joannis cap. 9. = Scimus, quia peccatores Deus non audit. Verba autem hæc sunt verba Cæci nati a Christo Domino. sanati, de quibus ita loquitur Sanctus Thomas quæst. 6. de Miraculis art. 9. Ad quintum = Ad quintum dicendum, quid, sicut Glossa ibidem dicit, verbum illud est Cæci nati, qui

qui nondum erat totaliter sapieniâ illuminatus; unde sententiam falsam continet: nam interdum Deus peccatores audit ex sua liberalitate, licet non ex eorum merito; & sic oratio eorum impetrat, licet non sit meritoria. Nisi fortè dicere velimus, Cæcum natum asseruisse, Christum non esse peccatorem, cum ipsum solo imperio, & voluntate sua sanasset: peccator enim nitens Miracula impetrare, ut Sanctitatem suam demonstraret, vel solam suæ orationis virtutem, nihil impetrare potest, cum Deus tellis falsitatis non sit, nec peccatoris oratio virtutem Miracula faciendi habere possit, ut explicat Cardinalis Bellarminus lib. 1. de bonis operibus in particulari cap. 9. §. Si quis autem.

20 Pro hujus Capituli complemento remanet, ut aliqua exponantur de occasione, qua prædicta Scripta prodierunt. Notum est, annis præteritis ex hac vita decessisse quemdam Diaconum nomine Parisium, & ejus Corpus traditum fuisse sepulture in Cœmeterio Sancti Medardi Civitatis Parisiensis. Fuit ejus Vita typis edita, & in variis locis varix prodierunt ejus editiones. Quàm insensus fuerit ille Constitutioni *Unigenitus*, ab Authore non dissimulatur. Appellationes ad Generale Concilium pluries interposuit, & nova in ultimo vitæ agone appellatio excogitata tamquam veræ Fidei signa extolluntur. Non modò ab Authore Vitæ populi concursus ad ejus Funus, & innumera propemodum concurrentium multitudo ad ejus Sepulchrum describuntur, sed multa alia typis edita sunt Volumina Miraculorum, & Prodigiorum, quæ ad prædictum Tumulum ejus invocatione patrata dicebantur. Faventes appellantis a Constitutione

Unigenitus ad Generale Concilium supplices preces exhibuerunt Domino Archiepiscopo Parisiensi, ut juridicam sumeret informationem de prædictis Prodigis, & Miraculis. Non modò in precibus exhibitis, sed etiam in aliis Scriptis latè demonstratum est, Cultum privatum impediri non posse, & talem esse eum, qui exhibebatur erga Diaconum Parisium, licet in publico exhiberetur. Præterea non destiterunt multa asserere pro astruenda veritate assertorum Miraculorum, & ut demonstraretur, sanctiones excessisse vires naturæ. At plures in Galliis Prælati doctrinâ, & zelo Fidei Catholice præclarissimi hisce conatibus obtulerunt, inter quos principem locum obtinuerunt Domini Archiepiscopi Parisiensis, & Senonensis. Medici scripserunt, & facta undequaque asserta Miracula demonstrarunt, & quatenus sanctiones veræ fuissent, nihil in eis interfuisse, quod vires naturæ superaret. Theologi, quorum verba in hoc eodem Capite retulimus, invictis hoc ipsum præstiterunt argumentis. Christianissimus Rex avitâ repletus Religione, suum non destitit potentissimum suppeditare auxilium Domino Archiepiscopo Parisiensi, & claudi jussit Cœmeterium Sancti Medardi, cum ex Medicorum attestationibus benè novisset, insubsistentia undequaque esse, quæ de Diacono Parisi prædicabantur, uti desumitur ex ejus Edictis die 27. Januarii 1732. & die 17. Februarii 1733. Sanctissimus quoque Pontifex Clemens Papa XII. prævio consilio Congregationis Sanctissimæ Inquisitionis, Vitam Diaconi Parisii præscripsit tamquam continentem propositiones, & assertiones falsas, piarum aurium offensivas, scandalosas, au-

92 *De Serv. Dei Beatif. et Beat. Canoniz.*

theritati tum Sanctæ Sedis Apostolicæ, tum mique Pontificis, tum Ecclesiæ, & Episcoporum, præsertim Gallicanorum, injuriosas, temerarias, impias, Hæreticis faventes, erroneas, atque etiam schismaticas, & hæreticas, & hæretico spiritu plenas, uti colligitur *ex Decreto edito die 22. Augusti 1731. & die 29. dicti Mensis affixo, & publicato, & per Litteras Apostolicas in forma Brevis die 19. Junii 1734. confirmati censurâ proscriptis* Edictum Episcopi Antisiodorensis referens, & approbans quoddam assertum Miraculum, quod in sua Diœcesi patratum dicebatur intercessione supra memorati Diaconi Parisii.

21 Totus, & universus rerum gestarum contextus eò unicè collimabat, ut Homo Apostolicæ Sedi refragans, schismaticus, hæreticus, acerrimus impugnator Constitutionis, quæ incipit *Unigenitus*, pertinax Jansenistarum assēcla, falsis ipsi attributis Miraculis, imaginem solidæ Virtutis, & Sanctitatis præstaret. Sanctè ergo, & prudentissimè supra memorati Episcopi

Gallicani abstinerunt a sumendis informationibus juridicis, & sanctè, ac prudentissimè infano, scandaloſo, & temerario Cultui obliterunt. Licèt enim ex alibi dictis publicus tantùm Cultus prohibeatur erga non Beatificatos, aut Canonizatos, nec publicus sit Cultus, qui exhibetur in publico, sed qui exhibetur auctoritate Ecclesiæ, & fama aut insignis Virtutis, aut Miraculi viam aperiat inquisitioni juridicæ ab Ordinario assumendæ; hæc tamen, & similia sibi vindicant locum, cùm agitur de Dei Servo, qui piè in Domino obiit, qui, dum viveret, non populari, nec fictitio rumore, sed solidâ Virtutum famâ prætulit. Quòd si res sit de homine, de cujus Fide, & Religione suspicio sit, tantùm abest, ut Cultus privatus erga eum permitti possit, aut quòd de assertis ejus Miraculis instituenda sit inquisitio, quòd onus est Episcoporum Cultum, licèt privatum, amovere, & ab omnibus abstinere, quæ indebito Cultui proximè, aut remotè favere possent, juxta exempla a nobis allata *lib. 2. cap. 8.*



CAPUT OCTAVUM.

De miraculosa sanatione a morbis, & infirmitatibus.



Occa in suo *Tractatu de Canonizatione Sanctorum*, utpote qui Apostolici Sacra-rii Præfectus, ad-
dodque Consul-
tor Congregatio-

nis Sacrorum Rituum, benè versatus erat in Causis Beatificationis, & Canonizationis, testatur cap. 25. quòd in eorum discussione afferuntur sæpi-
sime Miracula, quæ versantur circà sanationes a morbis, & infirmitatibus: *Miracula omnia, & ea præsertim, quæ circà agitudinum curationes versantur, in medium semper afferri solent, dum ali-cujus Canonizationi narratur opera; at-que confirmat Garzia de Caralaps in alio suo Tractatu de Canonizatione San-ctorum, ubi tractans de Canonizatione Beati Ollegarii, in digressione de Miraculis §. 17. subdit: Inter Miracula, qua operatur Dominus per interces-sionem Sancti Ollegarii, & aliorum San-ctorum, non minorem locum tenent illa, qua sunt circà salutem, & valetudinem temporalem. De sanationum Miraculis loquitur Christus Dominus apud Mat-thæum cap. 10. ubi mittens Aposto-los ad prædicandum inquit: Infirmos curate, mortuos suscite, leprosos munda-te, Demones ejcicite: gratis accepistis, gratis date; & Marci cap. 16. = Si-gna autem eos, qui crediderint, hac se-quentur: in nomine meo Demonia ejciant, linguis loquentur novis, serpentes tollent, & si mortiferum quid biberint, non eis*

nocebit, super agros manus imponent, & benè habebunt.

2 Porro, ut sanatio a morbis, & infirmitatibus inter Miracula recen-seatur, plura debent concurrere re-quisita: primum est, ut morbus sit gravis, & vel impossibilis, vel cura-tu difficilis: secundum, ut morbus, qui depellitur, non sit in ultima par-te status, ita ut non multò post de-clinare deberet: tertium, quòd nulla fuerint adhibita medicamenta, vel, si fuerint adhibita, certum sit, ea non profuisse: quartum, quòd sana-tio sit subita, & instantanea; quin-tum, ut sanatio sit perfecta, non manca, aut concisa: sextum, ut nulla notatu digna evacuatio, seu crisis præ-cedat temporibus debitis, & cum causa; si enim ita accidat, tunc ve-rè miraculosa sanatio dicenda non erit, sed vel ex toto, vel ex parte naturalis: ultimum, ut recidiva, sub-lato morbo, non contingat. Addit Gaspar Rejes *quest. 24. num. 1.* aliud requisitum, & est, quòd potissimum ægrorum sanitas non in corpore tan-tum, sed etiam in anima appareat: sed hoc proprium fuisse videtur Mi-raculorum a Christo patratorum, juxta doctrinam Divi Thomæ 3. *part. quest. 44. art. 3. ad tertium.*

3 Hinc descendendo ad compro-banda, & explicanda requisita modò recensita, dictum est, morbum de-bere esse gravem, & vel impossibi-lem, vel curatu difficilem, ut sana-tio Miraculo sit ascribenda; si enim de

94 De Serv. Dei Beatif. et Beat. Canoniz.

de effecia Miraculi est, quòd sit aliquid arduum, & insolitum, & admirandum, juxta deducta in superiori cap. 1. num. 3. talis profectò non erit sanatio, si morbus non fuerit gravis, aut vel impossibilis, vel curatu difficilis. Fuit hoc quoque sapienter animadversum a bonæ memoriæ Joanne Maria Lancisio Archiatro duorum Summorum Pontificum, Innocentii videlicet XI. & Clementis XI. Porro, quantum ille in Physicis, & Medicis excelluerit, tum Opera ab eo edita, tum cæterorum non solum Itolorum, sed etiam ultra montes degentium, Litteratorum Elogia planè demonstrant, quæ collegit Joannes Marius Crescimbenus in *ejus Vita Typis Romanis edita anno 1721. pag. 18. & pluribus sequentibus*. Singulari cum amicitia colui, & ille me tunc Aulæ Romanæ Prælatum executorem scripsit suæ ultimæ voluntatis unà cum duobus Eminentissimis Cardinalibus Hannibale Albano, & Curtio Origo, in qua, ultra insignem Bibliothecam, Medicam sufficienti dote instructam pro alendo Bibliothecario, & Libris, qui ederentur, emendis, pro publica Studentium utilitate semper apertam, quam dono dederat Archihospitali Sancti Spiritus Urbis, de reliquo suo satis amplo Patrimonio laboribus suis comparato ad pias Causas disposuit, ad ægros videlicet in Hospitali curandos. Agebatur de Miraculis tunc Servi Dei, nunc Beati Joannis Francisci Regis. Nonnulla ex his, quæ proponebantur, censuit Joannes Maria Lancisius esse admittenda Miracula, quæ admissa sunt; nonnulla ex his quoque, quæ proponebantur, rejicienda, quæ rejecta fuerunt: & differendo de secundo, quod proponebatur, quodque rejiciendum dixit,

prout rejectum est, inquit, de eo non esse habendam rationem ob morbi levitatem: Sed, ne banc hypothesis nudis, ac fallacibus conjecturis proferre, tuerique videar, humiliter Sanctitatem Vestram exoro, partem aliquam magnarum suarum cogitationum referre velis primò in morbi ab initio levitatem, deinde in dubiam quoque existentiam levissimi morbi, qui immediatè sanationem præcessit &c. Ad cognoscendam verò aggritudinis levitatem, ob quam superstructa Miracula omnium Scriptorum consensu faciliè corrumpunt, e re maxime erit observare, quòd morbus non fuit ab initio vulnus nervi, ut Possulatores existimare videntur &c.

4 Ut verò constet, morbum fuisse gravem, & curatu difficilem, vel impossibilem, exquirendum est Medicorum judicium, qui morbi magnitudinem desumere consueverunt vel ex læsæ partis dignitate, vel ex vehementia morbi, vel ex læsione facultatis nostrum corpus gubernantis, quemadmodum ex Galeno annotantur Rotæ Auditores in *Relatione Causæ Sancti Ignatii in sexto Miraculo*. Cum autem Medici quoque non gravem, sed levem reputant morbum, qui in se gravis est, sed quo æger affici consuevit, & a quo sæpe, licet cum difficultate, sese recollegit, uti ad rem, loquendo de miraculosis sanationibus, ponderat Zacchias *Quest. Medico Legal. lib. 4. tit. 1. quest. 8. num. 17. & 18.* Cumque nonnulli Medicorum ad ægrotantis curam advocentur, quorum examen in Processum inferitur, nonnulli a Postulatoribus eligantur, ut in Causa Beatificationis, & Canonizationis patrocinium præstent, & scriptis exponant, quæ Miraculo proficiunt, alii verò ex alibi dictis a Sacra Congregatio-
ne

ne deputentur, qui, interposito jura-
mento, scriptis exponant, quid pro
veritate sentiant; ad hos præcipue
spectat rationes ab aliis allatas sedulo
ponderare, earum momenta rigoroſo
examinì ſubjicere, & cauſas, & ſym-
ptomata morbi a curæ Medicis rela-
ta ad trutinam revocare, ſine qua-
rum rerum notiça tutum ferri non
poſteſt judicium de morbi gravitate,
& an impoſſibilis, vel diſciliſ fuerit
ejus curatio. Unde Joannes Ma-
ria Lanciſius ſupra allegatus in alio
Suffragio pro veritate exarato in Cau-
ſa ejusdem Servi Dei, nunc Beati Jo-
annis Franciſci Regis ſuper ſeptimo af-
ſerto Miraculo, quod proponeba-
tur, & quod ipſe cenſuit rejicien-
dum, prout rejectum fuit, ait :
Cum Medici certum judicium ferre non
poſſint de natura, deque exitu morborum,
niſi perſpectas habeant tum occaſiones,
tum cauſas, unde ceperint, tum omnia
ſymptomata, quibus ſtipati fuerint, qui
ferri poterit, ut ipſe ego tutò poſſim judi-
care de vera morbi indole, quique ſint,
cum poſſiſſimum lateant principia? Alium
apud Teſtes ſilentium eſt de cauſis, &
origine tumoris mamilla. Silent omnes,
quomodo malum ſui conſcriverit infelix Mu-
lier, nimirum, an ex cauſis externis,
contuſione videlicet, vel caſu, an ex in-
ternis, ſcilicet ex humorum refluxu ab u-
tero, ut in puerperis ſemper, & in iis,
qua menſum fluxu ritè non dovantur, ple-
rumque contrahitur. Et tamen hac cauſa-
rum expoſitio facti caput erat, quia, quod
ignoratur in factò, Medicus non aſſe-
quitur.

3 Dicitum eſt autem, onus præci-
puum eſſe Medicorum, qui a Sacra
Congregatione eliguntur, ut ſuum
pro veritate proferant judicium, ſu-
pra recensita ſedulo ponderare : apud
Sacram quippe Congregationem ipſo-

rum judicium magis æſtimatur, quàm
aliorum, qui pro Cauſe opportuni-
tate ſcribunt, necnon cæterorum, qui
curationi ægrotantis operam præſtite-
runt, cum hi aliquando fallantur pu-
tantes, uti conſtat experientià, ali-
quem morbum eſſe levem, qui graviſ
eſt, & aliquando eum, qui levis
eſt, eſſe gravem, & curatu diſcili-
lem, vel impoſſibilem, teſte Vallerio-
la *Obſervat. Medicar. lib. 4. obſerv. 4.*
pag. 43. ubi ita ſcribit : *Fruſtratur ſpes*
Medicorum, & moritur is, de quo ſe-
curus primò fuit ; uti e contra, ſervari eum
non rarò videmus ; de quo Medicus de-
ſperavit. Ea cauſa eſt, cur ſape deſerti
a Medicis convaleſcam, quòd arcani na-
tura motus, quibus ipſa in ſervando, ſo-
pendoque corpore utitur, & a mortis in-
juria vindicando, non ſatis nobis perſpecti
ſint : unde meritò ſit, ut, quod notarum
indicio eventurum ſperes, non eveniat.
Cur ? Quòd conjecturalis ſit Ars Medi-
ca ; rationemque conjectura talem eſſe, ut,
cum ſapius aliquando reſponderit, inter-
dum tamen fallat nos.

6 Hec quò ad primum requiſitum
miraculoſe ſanationis. Nunc ſermo-
nem, transferendo ad ſecundum, quòd
videlicet morbus non ſit in ul-
tima parte ſtatus, ita ut non multò
poſt declinare deberet, de eo ſic lo-
quitur Zacchias *Quæſt. Medico-Legal.*
lib. 4. tit. 1. quæſt. 8. num. 6. =
Requiritur principaliter, quòd morbus non
ſit in ultima parte ſui ſtatus, ita ut non
multò poſt naturaliter declinare debeat,
ita ut vel morbus non ſit prope judicium :
in hoc enim tempore, ut ex Hippocratis
ſententia patet Apbor. ſect. 2. apbor. 30.
ſymptomata omnia fortiora ſunt, ita ut
ægri aliquando de vita periclitentur ; ſuc-
cedente autem criſi, ſubita, ac repentina
mutatio ſit ad ſalutem, qua miraculoſa
ob id plerique videtur : ob ſarvitiem enim
ſym-

96 De Serv. Dei Beatif. et Beat. Canoniz.

symptomatum iudicant absque dubio agrum de proximo moriturum, qui tamen brevi sanitati restituitur. Cum ergo agri in tali statu sunt, ad supernaturalia remedia promptissimè recurrunt, mille, ac plura Vota Deo, Sanctisque concipiunt, & remittente morbo, miraculosum id putant, præcipuè cum tam brevi temporis spatio insperata salus successerit; cum tamen naturaliter morbus remittere debuerit, & declinare: quod ipsum repetit lib. 9. caput. 9. sub num. 7. = Videtur necessarium, quòd morbus sit adhuc crudus, & in augmento, quando accidentia adhuc agentur, & morbus vires acquirit eundo; aut saltem necesse est, ut sit in principio status, quia, cum est verè in statu, & appropinquat declinationi, aliquando fit repentina, ac momentanea mutatio, etiam præter spem, & cum summa admiratione astantium, ad salutem, quæ a natura, quidem est, quæ, morbificæ causæ in eo agone superatæ, ac validior reddita, corporis actiones suo libito exercet, concoctosque humores, quòcumque libet, expellit, unde bona, ac salutares crises emergunt, in quibus subitò, & de repente integra sanitas restituitur: & hæc, morbo crudo existente, naturaliter succedere non possunt, cum indicationes evenientes in morbis crudis a natura esse non possint, nec bona idcirco sint; & sic sanatio subitanea facta eo tempore potius ex vi supernaturalis, quàm naturalis causæ successa existimatur.

7 Judicium Medicorum necessarium est in hoc secundo requisito: idemque iudicium necessarium est in tertio, de quo nunc acturi sumus, quòd videlicet nulla fuerint adhibita medicamenta, vel, si fuerint adhibita, certum sit, ea non profuisse. Si contendatur, nulla fuisse adhibita medicamenta, benè poterit id comprobari tum assertionem Testium, tum Medici, tum Pharmacopœi, qui cu-

rationi ægri operam suam navarunt. Si verò contendatur, inutilia fuisse, nec ullo modo proficua medicamenta, quæ fuerunt ægroto subministrata, oportet, ut sciamus, quænam fuerint illa medicamenta, quæ fuerunt applicata; si enim de illis non constet, & Medicus curæ ea in suo examine non retulerit, inutilis omnino futurus erit labor Medicorum pro Miraculo scribentium, necnon labor cæterorum Medicorum, qui a Sacra Congregatione eliguntur, ut suum pro veritate ferant iudicium. Dum munereungebar Fidei Promotoris, & agebatur de Causa Beatificationis sæpe memorati tunc Servi Dei, nunc Sancti Joannis Francisci Regis, inter cætera, quæ opposui adversus quoddam assertum Miraculum, quod Postulatores examini subponebant, dixi, constare de applicatione remediorum, sed ignorari, quænam fuerint adhibita, idque fati esse, ne Miraculum approbaretur, prout re verà approbatum non fuit. Adhæsit huic oppositioni supra citatus Joannes Maria Lancilius in suo Suffragio pro veritate exarato super eodem, quod proponebatur, Miraculo. En ejus verba: Nos quoque cum Reverendissimo Promotore libenter scire optaremus, quænam remedia fuerint adhibita, non solum ut nosceretur, num meritis Servi Dei, quem Mulier invocavit, an medicamentorum vi, quibus usus est Chirurgus, tribuenda esset sanatio, sed etiam ad perspicendum, fuerint ne ritè admota, vel aliquid ex necessariis prætermisum, unde, cognita Chirurgi industria, vel invidia, inferre possem, talem fuisse morbum, qualem ipse perhibebat. Sed impleri non possunt vota, cum Chirurgus examini subjectus non fuerit, & Testes verbo rem absolventes asserentes, multa conatum fuisse Chirurghum, sed irrito successu.

8 Suppositâ applicatione medicamentorum, pro regula statui potest, quod in iudicio ferendo sanatio non Miraculo, sed viribus medicamentorum est adscribenda, dummodo tamen medicamenta fuerint apta, & potuerint proficere, quemadmodum bene ponderat Cardinalis de Lauræa in 3. lib. Sent. tom. 4. disput. 20. art. 19. de Miraculis num. 857. = Numquam potest asseri, ut miraculosus sit eventus ille, pro quo obtinendo applicatur aliquod naturale medium, quod putatur efficax ad illum obtinendum; etsi enim Deus, vel Sanctus aliquis invocetur ad eum effectum obtinendum, cum tamen medium illud putatum sufficiens ad eum applicatur, si effectus obtinetur, dubium remanet, an a Deo, an ab illo medio effectus ille processerit: & quando res est dubia, cum non sint multiplicanda Miracula, sanatio in eo rerum eventu contingens non miraculosa, sed naturalis erit censenda; & sequitur Zacchias Quæst. Medico-Legal. lib. 4. tit. 1. quæst. 8. num. 12. ubi sic loquitur: Sanatio miraculosa diverso, ac interdum contrario modo, & per alia media procedit, quam naturaliter fiat. Ita enim notandum venit in cunctis Miraculis a Christo Domino, ejusque Apostolis, ac Servis patris; quicumque namque ab illis sanati sunt, solo contactu manuum, & vestimentorum, quinimmo ipsius umbræ, vel solo verbo, & sussu ipsorum sanati sunt. Si ergo post longum remedium usum, quæ quidem pateat maxime proportionata morbo fuisse, vel ex aliquo novo presidio, etiam proportionate in usum convocato, etiam longe ab ejus administratione, quis sanetur, & effectus remedii respondeat, ad eorumque virtutem referri sanitas possit, hoc absque dubio, quantum ex hoc est, Miraculum non erit. Et si pro regula statuitur, quod in

iudicio ferendo sanatio non Miraculo, sed viribus medicamentorum est adscribenda, dummodo tamen medicamenta fuerint apta, & potuerint proficere, pro regulæ explicatione, sive etiam limitatione statuendum erit, sanationem esse Miraculo, & non viribus medicamentorum adscribendam, si constet, medicamenta adhibita non fuisse apta, sed aut nocua, aut inutilia, veluti bene prosequuntur Contelor. de Canonizat. Sanctior cap. 17. num. 20. Frances Variar. Juris Resolut. cap. 29. num. 48. Bordon in Opere postumo de Miraculis medit. 7. num. 29. Pignatell. Consultat. 177. num. 8. & Consult. 191. num. 3. tom. 10. Auditores Rotæ in Relatione Cause Sancti Andrea Corsini part. 2. num. 195. impressa post primam Consultationem Lezanæ.

9 Idemque dicendum est, non ob stare videlicet Miraculo, si in aliquo cujuscumque generis Miraculo, aut sanatione interveniat aliqua naturalis actio, vel motus, qui non sit de se effectivus eventus expectati, uti bene prosequuntur Cardinalis de Lauræa loc. cit. disput. 20. art. 21. num. 887. & sequentibus, Pavin. in Relatione Cause Sancti Bonaventuræ part. 2. art. 6. Castellin. de Certitudine Gloria Sanctorum cap. 8. punct. 31. Jussierat Dominus Josue expugnaturus Hiericentem, ut per sex dies, & semel in singulos cum toto Exercitu eam Urbem circuiret, & quod septimo die septem Sacerdotes Arcam Fœderis præcedentes buccinis obstreperent, prædicens, tunc funditus Civitatem esse ruituram: Cumque insonuerit vox tubæ longior, atque concissor, & in auribus vestris increpaverit, exclamabis omnis populus vociferatione maximâ, & muri funditus ruent Civitatis, ingredienturque singuli

98 De Serv. Dei Beatif. et Beat. Canoniz.

per locum, contra quem steterint. Nonnullæ hac in re actiones naturales intercesserunt; sed, quia juxta suas vires naturales ruinosum lapsum mœniorum Civitatis efficere non poterant, Miraculo non obfuerunt. Elias revocavit ad vitam Filium mortuum Viduz Sareptanæ, & expandit se super eum, Deumque invocavit. Christus Dominus curans Cæcum natum, de quo infra, fecit lutum ex sputo, & linivit lutum super oculos ejus, mandavitque, ut iret ad se lavandum in natatoria Siloe. Expansio Elize supra puerum fuit actio naturalis; naturalis quoque fuit actio Christi Domini componendi lutum ex sputo, & naturalis fuit ablutio Cæci nati in natatoria Siloe: sed, cum naturalis actio Elize non potuerit esse effectiva, eventus expectati, resurrectionis videlicet mortui, nec ablutio in natatoria Siloe potuerit esse effectiva restitutionis visus Cæco nato, & applicatio luti ex sputo super oculos, si non detrimentum, leve tamen adjutorium asserere potuerit restitutioni visus, nemo est, qui asserere possit, actiones eas naturales Miraculo obflare potuisse. Dictum est, applicationem luti ex sputo debuisse Cæco, si non detrimentum, levem tamen utilitatem asserere, quia, etsi non ignoramus, hominis salivam magnâ vi pollere in nonnullis morbis curandis, uti fusè habetur apud Lævinum Lemnium de Miraculis oculis natura lib. 2. cap. 44. tamen nec ipsa sola, nec unâ cum luto omne bonum efficere poterat in curatione Cæci nati: cumque De Vert in sanatione Cæci nati a Christo Domino facta ausus sit integram, & naturalem sanandi virtutem in sputum, & lutum referre, merito improbat, & redarguitur a

Domino Episcopo Augustæ Sueffionum in suo erudito *Traçtatu de vero spiritu Ecclesiæ in usu Cæremoniarum.* §. 39.

10 Pro complemento examinis hujus tertii requisiti duo superaddenda esse videntur. Alterum, non esse statim pronuntiandum pro inutilitate medicamentorum applicatorum, ex quo aliquod tempus intercessit inter eorum applicationem, & sanationem, uti colligitur ex verbis Zacchiz supra relatis; prudentis enim Medici est aliquando quiescere, & ab applicatione medicamentorum cessare, juxta illud Hippocratis lib. 6. *Epid. sect. 2. text. 26.* = *Per adjecctionem contraria adhibere, & aliquando quiescere* = ubi Vallesius in *Commentariis* inquit: *Periculosus est incidere in Medicum, qui nesciat quiescere, quàm qui nesciat contraria adhibere: nam, qui nescit quiescere, nescit occasiones contrarium adhibendi; qui nescit contraria adhibere, tamen, si prudens est, scit quiescere, atque, si professe non potest, tamen non obest:* absque eo quoddam ab ea quiescentia inferri possit ad inutilitatem medicamentorum præcedenter adhibitorum, unde Aetius *tetrab. 2. serm. 2. cap. 10. in fine* subdit: *Proinde opera prævium est nosse, quod multi sic agrotantes in tempore curationis nil commodi receperunt; dimissâ verò curatione restituti sunt, naturâ ante curationem prævalente contra morbos debiles ex medela factor: quapropter natura remissionem dare oportet; videtur enim unâ cum curationibus affligi, in quiete verò invalescere, & superare morbos jam ante attenuatos.*

11 Alterum est, non esse contra Miraculum pronuntiandum, statim ac constat, Medicos fuisse ad curationem vocatos, & ab eis adhibita fuisse medicamenta. Hæmorrhoida, Mu-

Mu-

Mulier videlicet sanguinis profluvio laborans, quam nonnulli Sanctam, Martham, alii Veronicam, ceteri verò probabilius putant, Mulierem fuisse ex Urbe Paneadis ad Jordanis fontem sitæ, accessit retro ad Christum, & ad ejus fimbriæ contactum sanitati illico restituta est, depulso sanguinis fluxu, quo duodecim annorum spatio fuerat affecta. Eusebius lib. 7. *Histor. Eccles.* cap. 18. juxta Editionem Vallesii refert, eam in Urbe Panca-de Statuas æneas duas, Christo unam, sibi alteram erexisse, quæ rem posteris indicarent: *Mansit porro ad nostra usque tempora* (verba sunt Eusebii) *nosque adeò Urbem ingressi ipsam conspeximus* = loquitur de Statua Christi. Insignissimum ergo fuit Christi Miraculum, licet Hæmorrhissa Medicos advocasset, eorumque adjutorio usa fuisset, non nisi quia medicamenta a Medicis adhibita fuerant omnino inutilia; unde Marci cap. 5. legitur = *Et Mulier, quæ erat in profluvio sanguinis annis duodecim, & fuerat multa perpeffa a compluribus Medicis, & erogaverat omnia sua, nec quidquam profecerat, sed magis deterius habebat* = & Lucæ cap. 8. = *Et Mulier quædam erat in fluxu sanguinis ab annis duodecim, quæ in Medicos erogaverat omnem substantiam suam, nec ab ullo potuit curari: accessit retro, & tetigit fimbriam vestimenti ejus, & confestim stetit fluxus sanguinis ejus.* Prudentia itaque unà cum Medicæ experientia necessaria est, ut tutum de hoc tertio requisito proferatur judicium; nosse enim oportet non solum vim, & efficaciam medicamentorum, sed etiam tempus, intrà quod proficere potuerunt, ut ex supradictis colligitur.

12 Succedit quartum requisitum, quòd sanatio videlicet subita sit, &

instantanea. De hoc quarto requisito multa legi possunt apud Antiquiores Canonistas, Archidiaconum videlicet in *Can. Nec mirum* 26. *quest. 3.* Martinum Laudensem in suo *Traçtatu de Canonizatione Sanctorum* edito occasione Canonizationis Sancti Bernardini Senensis, quem dicavit Sancto Joanni de Capistrano tunc viventi, in §. *Rursus quarit Archidiaconus*, apud Troilum Malvetium in suo *Traçtatu de Canonizatione Sanctorum*, apud Castellanum de Fara in eodem *Traçtatu* §. *Quæro, an sit necesse, Miraculum fieri in instanti*, apud Pavinum Rotæ Auditorem in *Relatione Cause Sancti Bonaventuræ* part. 2. art. 5. Ponderant ilti Authores nonnulla Miracula veteris, & novi Testamenti, quæ non fuerunt facta subito, & in instanti, & aliarursus ponderant veteris, & novi Testamenti Miracula, quæ subito, & in instanti facta sunt; & licet obscurè satis loqui videantur, satis tamen aptè colligi potest, eos amplecti sententiam, quæ in Miraculo non exposcit subitam, & instantaneam sanationem, quemadmodum etiam colligitur ex *Relatione Jacobi Simonæ Rotæ Auditoris*, & deinde Sanctæ Romanæ Ecclesiæ Cardinalis in *Causa Sancti Francisci de Paula*, ubi sic loquitur: *Dubitant forsitan etiam nonnulli, an illa Miraculis jure adscribantur, quæ, non statim facta fuisse, Testes perhibent, cum secundum eos alii non sine naturæ auxilio, & diebus non paucis intervenientibus sanitatem denum obtinuerint: sed profectò in his nequaquam dubitandum est, cum spatium temporis Miraculorum virtutem non impediatur; nam, ut dicit Glossa Matthæi 8. loquens de Christo, quem verbis tantùm statim curare poterat, paulatim sanat, humana cecitatis magnitudinem ostendens, quæ vix, & quasi per gradus ad lucem*

100 De Serv. Dei Beatif. et Beat. Canoniz.

redit. Multis quoque citatis Divinarum Litterarum testimoniis idem attestantur Archidiaconus in Can. Nec mirum 26. quasi. 3. quem Joannes Andreas, & alii referunt, & sequuntur in Cap. unic. de Reliquiis, & Veneratione Sanctorum, in Sexto: & antiquiorum Canonistarum dicta tamquam exclusiva necessitatis subitæ sanationis pro Miraculo constituendo explicat, & sequitur Molpheyus Consil. 46. num. 53. & sequentibus.

13 Adhæsit huic sententiæ Angelus Victorius Medicus in suis Consultationibus consult. 92. ubi loquens de Puella a paralyti per Miraculum liberata hæc habet pag. 405. = Cum igitur curatio prædicta Mulieris, si dicenda sit miraculosa, non possit pertinere, nisi ad hoc tertium genus, ad ipsum verò requiri videatur, ut sanatio fiat in instanti, illa autem septem, aut plurium dierum spatio fuerit sanata, non videtur illius sanitas tribuenda Miraculo. Sed, his non obstantibus, dicendum omnino censeo, illam miraculose esse sanatam; non enim semper necessarium est ad Miraculum, ut quis subito sanetur: quod faciliè ostendi potest exemplis; primò quidem exemplo Tueri ab Eliseo Propheta resuscitati, cui primò calefacta est caro e-jus, deinde, Eliseo super ipsum iterum incubato, revixit; & Naaman fuit a lepra mundatus post septimam ablutionem in Jordane; & Cacus Bethsaida a Domino illuminatus non perfectè vidit, donec oculi iterum, atque iterum a Domino tacti essent; & Macarius, ut refert Surius, Ruellam multis annis simili paralyti laborantem Oleo Sancto perunxit per viginti dies, ac pro ea Domino fundens preces incolumem reddidit; & secutus est alter Medicus Sebastianus Badus in suo Opere, cui titulus = DECO-
RA ROBERTI CARDINA

LIS BELLARMINI = pag. 88. = Atamèn non derogat Miraculi quidditati, si in tempore fiat, dummodo alia concurrant.

14 Contrariam verò sententiam, hoc est, necessariam esse subitam, & instantaneam sanationem, ut ea inter Miracula recenseri possit, sequitur Angelus Rocca de Communione Sanctorum cap. 26. ubi post plura ita concludit: Si autem quis morbo aliquo ad invocationem Dei, & Sanctorum a Medicis non destitutus paulatim liberaretur, tunc enim illud re verè Miraculum dici non videtur; curationem tamen, siue sanitatem illam, Divinà opitulante Gratiâ, Sanctisque intercedentibus, paulatim recuperatam fuisse, omnino credendum est: morborum namque curatio miraculosa judicatur, si repentina sit, vel a Medicis jam desperata, temporisque momento perfectè sanetur. Pro eadem sententia pugnant Matta in eodem Tractatu de Canonizatione Sanctorum part. 3. cap. 8. num. 8. & sequentibus, Rosa in Addit. ad Tractatum de Executoribus Litterarum Apostolicarum sub num. 175. Pignatell. Consult. 54. num. 1. tom. 4. Zacchias lib. 9. consil. 9. num. 16. = Tertia conditio est, ut sanatio fiat subito, & in instanti, ac præter spem; & hoc, quia natura operatur per alterationem, & idcirco operatur in tempore, quia alteratio in instanti fieri non potest, cum motus in instanti non fiat; & propositionem, quod pro miraculosa sanatione requiratur, quòd fiat in instanti, admiserunt Rotz Auditores in Relatione Cause Sancti Caroli Borromæi part. 2. art. 26. §. Tertiò præmissimus, in Relatione Cause Sanctæ Franciscæ Romanæ 3. part. art. 1. de Miraculis in genere, in Relatione Cause Sancti Raymundi art. 5.

15 Verùm hodie cessare videtur quæcumque difficultas, necnon posse con-

conciliari opinionibus hinc inde pugnantibus, asserendo, instantaneitatem non requiri necessariò in Miraculis primi, & secundi generis, sed omnino esse necessariam in Miraculis tertii generis, & sic ut plurimum in sanationibus ab infirmitatibus, cùm ut plurimum Miraculum in his contingens consistat tantùm in modo: Contelor. de Canonizat. Sanctor. cap. 17. sub num. 9. §. Sed ego distinguebam, Pasqualig. ad Lauret. de Franchis in Controversis inter Episcopos, & Regulares num. 1174. Castellin. de Certitudine Gloria Sanctorum cap. 8. punct. 30. num. 37. §. 1. & sequentibus, Bordon in Opere posthumo de Miraculis medis. 1. quest. 4. Pignatell. Consult. 34. per totam tom. 4. & Consult. 20. tom. 5. Auditores Rotæ in Relatione Causæ Sancti Andrea Corsini impressa post primam Consultationem Lezanæ part. 2. num. 192. & sequentibus, & in Relatione Causæ Sancti Isidori tit. de Miraculis in genere, cùm relativè se habeant ad Relationem editam in Causa Sancti Andreæ Corsini, & prædictam distinctionem latè propugnant duo Consultores Congregationis Sacrorum Rituum, Cardinalis videlicet de Laurza in 3. lib. Sent. tom. 4. disput. 20. art. 20. num. 867. & sequentibus, & num. 875. & aliis sequentibus, & Matthæucci in sua Practica Theologico-Canonica ad Causas Beatificationis, & Canonizationis tit. 3. cap. 2. §. 1. & tribus sequentibus. Dictum est, sanationes ut plurimum ad tertium genus Miraculorum referri, cùm aliquæ aliquando dari possint, & dentur ad secundum genus pertinentes, de quibus infra.

16 Relatam distinctionem amplexa est, & amplectitur Sacrorum Rituum Congregatio, cùm in ea agitur de Miraculis, & præcipuè sa-

nationum, in Causis Beatificationis, & Canonizationis Servorum Dei, & Beatorum, & quidem tanto cum rigore, ut aliquando abstineret a recensendo inter Miracula nonnullas sanationes, in quibus Medici, aut Testes assererant, ægrum post invocationem Servi Dei, aut Beati cœpisse meliùs se habere, & perfectam deinde sanitatem consecutum fuisse; modus enim hic loquendi subitam excludit sanationem, & sic Miraculum, & Gratiam potius importare videtur. Summi Pontifices in Bullis Canonizationum usi quidem sunt iisdem verbis, dum Miracula quædam recensebant, ut in Bulla Canonizationis Sancti Thomæ de Aquino = Cæpit tunc linguam movere, meliorari, & convalescere, ac brevi temporis intervallo curatus perfectus fuit = & in Bulla Canonizationis Sancti Ignatii = Statim meliùs se habuit, depulsisque est morbus obstructionis, & hydropsis, ut intra tres, vel quatuor dies detumuerit venter, & exinde ille bene se habuerit &c. Meliùs se habere cæpit, ac toto illo die, ac nocte insequenti inchoata valetudo ita est ducta, ut, jam illa cessante, mand sans omnino ad Ecclesiam expeditissimè occurreris: omiſſa autem indagine, an sanationes in prædictis Bullis relatæ fuerint Miracula tertii, vel secundi generis, an illis innixum verè fuerit Decretum Canonizationis, vis in hoc consistit, quòd, si Medicus curæ, & Testes dictis verbis usi sint, & sanationes dictis verbis exposite a Postulatoribus proponantur, ut Beatificationis, & Canonizationis fundamentum sint, non possunt ex defectu instantaneitatis Miraculis adscribi, nisi probetur, Miraculum esse secundi, non tertii generis, vel nisi ostendatur ex toto contextu, meliorationis verbum fuisse a Me.

Medico, & Testibus usurpatum pro perfecta, & instantanea sanitate, ut strenuè præstitum fuit a Postulatoribus Cause tunc Beati, nunc Sancti Francisci Solani tempore, quoungebar munere Fidei Promotoris.

17 Multa alia de hoc subitæ sanationis requisito essent subdenda, cum a Doctoribus inquiratur, an, ut sanatio sit miraculosa, debeat esse non solum subita, & instantanea, sed etiam cum recuperatione virium; an, si aliquæ aliz morbi reliquæ remanserint, id obstat Miraculo: sed, cum hæc, similesque quæstiones potius pertineant ad perfectionem sanitatis, quàm ad subitam sanationem, de illis mox agetur, cum de requisito perfectæ, & non concisæ sanitatis habebitur sermo. Interim autem annotare fas sit, in Sacra Scriptura sæpe conjungi cum eventibus miraculosis verba *illico*, *subito*, *continuo*, *confestim*, *statim*, quæ æquipollent verbis *in continenti*, & *in instanti*, de quorum sensu quæstio est inter Doctores. Troilus Malvetius de *Canonizat. Sanctor. dub. 3. num. 34. inter Tractatus magnos tom. 14. pag. 100. a tergo col. 1. in fine* docet, interdum instantaneitatem significare factum aliquod post triduum, aliquando post decem dies; duplex instans esse, aliud mathematicum, aliud morale; & in re, de qua nunc agitur, interpretationem, & explicationem instantaneitatis arbitrio Judicis esse remittendam. Adhæret Cardinalis de Lauræa in 3. lib. *Sent. tom. 4. disput. 20. art. 20. num. 866.* Nos autem credimus, moralem instantaneitatem in sanationibus miraculosis sufficere; Judicis arbitrio rem esse relinquendam, dummodo tamen arbitrium a ratione reguletur. Juxta ergo tunc tantum pronuntiare pote-

rit pro instantaneitate, seu pro subita sanatione, cum, adhibito Peritorum consilio, viderit, tanto temporis spatio sanationem contigisse, ut eo temporis spatio naturaliter, hoc est juxta naturæ vires, contingere numquam potuisset, veluti concludunt citati Authores; absque eo quoddam mitti debeat, cautos, prudentes, & severos esse debere Judices in suo proferendo de instantaneitate judicio, cum sæpe intra modicum tempus viribus naturæ morbus expelli possit, & profligari, loquendo de sanationibus, quæ, quatenus miraculose sint, inter tertii generis Miracula recensentur.

18 Annotare quoque fas sit, quæri posse, an pro constituenda subita, & instantanea sanatione necessarium sit, ut ea immediatè post invocationem Beati, vel Sancti sequatur, vel satis esse debeat, ut sequatur post aliquod ab invocatione tempus, dummodo, quando contingit, ita contingat, ut æger illico, & in momento ab ægitudine transeat ad sanitatem. Utque res fiat clarius exemplo, supponamus, aliquem preces exhibere alicui Servo Dei, aut Beato, ut sanitatem obtineat; ejus preces nec primâ, nec secundâ, nec tertiâ vice exaudiri; easque post aliquam temporis moram suo non frustrari effectu, & ægrum momento sanari. Porro, si subita sanatio sequi debet immediatè post preces, non videtur, quoddam hæc sanatio sit inter Miracula recensenda: si autem satis est, ut ipsa sanatio accidat in momento, etiam si non sequatur immediatè post invocationem, sanatio hæc, dummodo cætera non desint requisita, erit Miraculo ascribenda. Ne verò aliqua irrepat æquivocatio, discernendus esse videtur casus

a ca-

a casu: vel etenim post primas preces non exauditas aliæ subsequentes preces non omittuntur, nulla hoc interim remedia naturalia exhibentur, nec ullum hoc interim sanitatis initium apparet, sed sanitas tota in momento confurgit, vel post primas non exauditas preces æger ab invocatione desistit, se ad remedia naturalia convertit, & aliquod sanitatis initium apparet, cui tandem succedit perfecta sanatio. Si primo modo res se habeat, non poterit excludi sanatio a classe Miraculorum ob defectum instantaneitatis: si autem res secundo modo se habeat, sanatio non erit inter Miracula recensenda, etiam ex defectu instantaneitatis, uti bene innuit Cardinalis de Lauræa cit. art. 20. num. 864. = *Dupliciter accidere potest, ut Miraculum non sequatur statim, seu illico ad invocationem. Primum, quia, facta invocatione, seu applicatione, non sequitur, sed fit aliquod remedium, vel accidit crisis, vel morbi periodus advenit; & tunc multatenus eventus ille censendus est miraculosus, sed naturalis, vel saltem dubius. Secundò accidere potest, ut post invocationem in una hora, aut die non obtineatur eventus, sed post invocationem in alia die, vel hebdomada, vel mense obtineatur eventus, at medio illo tempore neque fuit applicatum remedium, neque accidit crisis, neque constat de periodo morbi; & tunc eventus ille erit miraculosus. Neque officit, quòd non in prima invocatione, sed in postrema accidit eventus; quia id ex duplici capite poterit provenire, vel ex defectu Fidei, seu fiducia in patiente, aut invocante, vel ex Dei providentia exigente majorem dispositionem in patiente, vel probante illius patientiam. Conferunt deducta per Garziam de Caralaps de Canonizat. Sanctor. in Digressione de Miraculis §. 23. ubi annotat, Miracula,*

quæ sunt per intercessionem Sanctorum in ordine ad recuperandam sanitatem corporalem, sæpe differri per aliqua temporum intervalla; ut eorum decursu infirmus majori fide, spe, & devotione inflammetur. Non loquitur Cardinalis de Lauræa de hypothefi, in qua, continuatis post primas preces subsequentibus precibus, nullisque adhibitis naturalibus remediis, initia sanitatis apparent, ægri incipiunt melius se habere, & perfectè tandem convalescunt; sed, hoc minime obstante, iterum asserimus, similes sanationes non esse Miraculis adscribendas (loquendo semper de sanationibus, quæ viribus naturæ obtineri potuissent, sed non in momento) non quia in se ipsis miraculose esse non possint, Deo videlicet eas, sed paulatim, efficiente, sed quia tales nobis non apparent ex defectu instantaneitatis: & coherentè ad hæc, dum fungebatur munere Fidei Promotoris, licet numquam dubitaverim de sanationibus miraculosis, quas ægri in momento temporis consecuti sunt post novendiales preces in honorem alicujus Beati institutas, sæpe tamen dubitavi de sanationibus, quæ tempore novendialium precum successivè, & paulatim acciderunt, ita ut æger nonnullis diebus benè, nonnullis melius, & tandem ultimâ die novendialium precum, vel die immediatè sequenti perfectè se habuerit; consimiles quippe sanationes autumavi inter Gratas potius, quàm inter Miracula, esse numerandas: Matra de Canonizat. Sanctor. part. 4. cap. 8. num. 7. & sequentibus.

19 Explicatis primo, secundo, & tertio requisitis, succedit quartum, quòd videlicet, ut sanatio sit miraculosa, debeat etiam esse perfecta, non

man-

104 *De Serv. Dei Beatif. et Beat. Canoniz.*

manca, aut concisa. Conveniunt omnes in hoc requisito: Genuen. in *Praxi Archiepiscopali Neapolitana* cap. 39. Ricc. in *Praxi Episcopali resolut.* 487. num. 7. & cx Medicis Fortun. Licet. lib. 2. de his, qui diu sine alimento vivunt, cap. 172. in fine, Gaspar a Rejes *jucundarum questionum Elyso Campo quest.* 24. sub num. 1. Zacchias *Quest. Medico Legal.* lib. 4. tit. 1. quest. 8. num. 9. & alii passim. Difficultas ergo in eo residet, ut videatur, quando sanatio dicenda sit perfecta, & non concisa. Passim apud Autores legitur, perfectam, & non concisam dici sanationem, si, juxta antecedens requisitum, malitia morbi illico, & in momento fuerit depulsa, licet per aliquod tempus remanserint nonnullæ morbi consequentiæ, puta lassitudo virium, imbecillitas, cicatrix, si agatur de vulnere, & quamvis prædictæ res subinde cessent vel ope naturæ, vel ope medicamentorum: Contelor. de *Canonizat. Sanctor.* cap. 17. num. 14. Gravina de *Catholicis Transcriptionibus* 2. part. tom. 4. pag. 350. Frances Variar. *Resolut.* cap. 29. num. 45. Rosa in *Addis ad Tract. de Executor. b. Litterar. Apostolicar.* num. 156. Bordon in *Opere posthumo de Miraculis medicis.* 7. num. 24. Castellan. de *Certitud. Glor. Sanctor.* cap. 8. punct. 30. §. 3. Zacchias *Quest. Medico-Legal.* lib. 9. confil. 6. num. 8. ubi sic loquitur = Nihil denique obviare videtur, si post principalis morbi curationem remanserint aliqua consequentia morbum, nec egra tum subitò ab aliis levata sit; satis enim est, si morbi malitia, & acerbitas ad Servi Dei invocationem, & immediatè post applicationem mensura ejus beatissimi Corporis, atque in instanti remiserit = Sebastianus Badus in *Decoribus Roberti Cardinalis Bellarmini* pag. 88. ubi hæc habet: *Respondeo secundò, sa-*

tis esse, morbi malitiam sublatam esse in instanti, quæ naturaliter tolli non poterat, licet effectus perfecta sanationis successu alicujus temporis sequi videatur.

20 Doctrina hæc passim usurpatur a Postulatoribus, & etiam a Medicis pro opportunitate scribentibus, ut respondeant Animadversionibus Fidei Promotoris Miraculum excludentibus vel ex defectu instantaneitatis, vel perfectæ sanationis. Eà quoque passim usi sunt Rotæ Auditores in Relationibus Causarum Canonizationis, in *Relatione videlicet Causæ Sancti Raymundi de Pennafort* art. 5. ubi, postquam dixerunt, & comprobarent, in sanationibus miraculosis necessariam esse instantaneitatem, subdiderunt: *Quid si quandoque successu quadam temporis in Miraculis esse videatur, non facit cessare rationem veri Miraculi, quia semper illud, in quo consistit natura veri Miraculi, sit in instanti, licet quadam Miraculum ipsum subsequens fiat in tempore, ut verbi gratia in vulneribus, & aliis infirmitatibus letalibus, ex quibus moriendum est. Miraculum consistit in tollenda malitia morbi, quæ naturaliter auferri non poterat, aut medicamentis superari: quod autem postea successu temporis claudantur labia vulnere, obducantur cicatrices, & imbecillitas depellatur, non facit cessare Miraculum: quod ipsum legitur in Relatione Causæ Sancti Caroli Borromei 3. part. de Miraculis argum. 26. §. Tertiò prænotavimus, in Relatione Causæ Sanctæ Francisce Romanæ 3. part. art. 1. §. Et licet quandoque, in Relatione Causæ Beati Juliani a Sancto Augustino cap. 19. §. Et quamvis, in Relatione Causæ Sancti Isidori Agricole Miracul. 7. §. Non obviare videtur, & passim in aliis.*

21 Verum, ut eo, quo decet, ordinc, & eà, quæ necessaria est, distin-

stin.

stinzione procedatur, vel agitur de ægro variis morbis laborante, vel de ægro unico tantum morbo affecto: si de ægro variis morbis laborante, oculi ex. gr. cæcitate, cancro in pectore, & hydropis ventris, & oculi cæcitas momento depellatur, nullis adhibitis medicamentis, cæterique morbi cancri in pectore, & hydropis ventris permaneant, sanatio a cæcitate oculi nunquam dici poterit manca, & concisa, Sanctus Augustinus de Civitate Dei lib. 22. cap. 8. narrat, quemdam Adolescentem miraculosè fuisse a Dæmone fortiter obsidente liberatum ad Memoriam Sanctorum Martyrum Gervasii, & Prothasii; narrat, eum habuisse, oculum in maxillam fufum, tenui venulâ ab interiore quasi radice pendentem, & totum oculi medium, quod nigrum fuerat, quasi album factum; narrat, adstantes exclamasse, quod Medicus quæreretur, & Maritum Sororis dixisse, quod Deus, qui Sanctorum orationibus Dæmonem fugaverat, poterat lumen reddere, oculumque lapsum, atque pendentem, loco suo revocatum orario ligasse, & non nisi post septem dies solvisse, quod cum fecisset, sanissimum invenit. Agebatur in hac facti specie de ægro duplici morbo laborante, truculenta videlicet Dæmonis obsessione, & magnâ oculi lésione. Alia similia prostant exempla in *Libris Sancti Gregorii Turonensis*, ubi loquitur de *Miraculis Sancti Martini* lib. etenim 2. cap. 3. narrat, Fœminam quamdam, retortos ad crura pedes habuisse, oculorum lumine caruisse, ipsâque delatâ ad pedes Sancti Martini, statim laxata fuisse fila nervorum arentium, oculorum lumine non recepto, & post duos annos accedentem ad Sancti Martini Sepulchrum oculorum lu-

men recepisse; & lib. 4. cap. 19. refert, hominem paralyticum ad celebrandum Sancti Festum accedentem, discessisse directis membris, sed lumine adhuc adempto, & ad idem Festum redeuntem potentiam visivam recuperasse: cùmque Sanctus Augustinus liberationem a Dæmonis obsessione inter Miracula recenset, etsi per aliquod tempus remanserit oculi morbus, & oculi sanationem adscribat novo, & separato Miraculo, & eodem modo procedant narrationes Sancti Gregorii Turonensis, signum evidentissimum hoc est, quod in laborante duplici morbo, quorum potissimum alter sit independens, & separatus ab alio, permanentia unius, vel etiam subsequens hujus curatio per media naturalia non inficit Miraculum, quod contigit in sanatione, ab altero, nec hujus sanatio ob alterius morbi permanentiam dici valet imperfecta, manca, aut concisa, & quod, si alterius morbi sanatio citra naturæ opem contingat, non pro uno, sed pro duplici Miraculo pronuncian- dum est.

22 Aut agitur de eo, qui laborat unico morbo, quique ab eo dicitur miraculosè liberatus, licet consequentia eundem morbum permanferint, & solum tractu temporis, vel opæ naturæ, aut medicamentorum recesserint, & tunc subdistingendum esse videtur inter consequentia, & consequentia, inter morbum, & morbum. Cicatrix in vulnere est quodammodo morbi consequentia: sed hanc non crederem obitare Miraculo sanationis vulneris ritè, & rectè probatæ. Frequentior morborum consequentia est virium lassitudo: & hanc crederem absque dubio obitare approbationi Miraculi, cum res est de

morbo, qui naturaliter sanari potuisset, licet non eo modo, quo sanatus est, temporis videlicet momento, & sine medicamentis; secus autem, cum res est de morbo, qui naturaliter sanari non poterat. Uno verbo, debilitas virium, quæ, depulso morbo, superest, obstat approbationi Miraculi, cum Miraculum est tertii generis, & non obstat approbationi Miraculi, cum Miraculum est secundi generis, & hoc modo conciliantur sententiae, quæ inter se pugnare videntur, licet re verâ non pugnent, cum illi, qui morbi consequentia, & præcipuè lassitudinem virium dicunt non obstat Miraculo, loquantur de Miraculis secundi generis, & illi, qui dicunt obstat Miraculo, loquantur de Miraculis tertii generis; in morbis enim, qui naturaliter pelli poterant, ut sanatio inter Miracula recensatur, oportet, ut, qui momento sanitatem recepit, possit ea immediatè facere, quæ ante morbum facere poterat, juxta Textum in l. *Quod ita ff. de Edict. Edict.* ubi sic legitur: *Quod ita sanatum est, ut in pristinum statum restitueretur, perinde habendum est, quasi nunquam morbosum fuisset.*

23 Supra citati Consultores Congregationis Sacrorum Rituum supra expositas distinctiones aptè docuerunt, Cardinalis videlicet de Lauræa in 3. lib. Sent. tom. 4. disput. 20. art. 21. de Miraculis a num. 901. usque ad finem, Matthæucci in *Practica Theologo-Canonica ad Causas Beatificationis, & Canonisationis* tit. 3. cap. 1. §. 7. & cap. 2. §. 3. num. 32. Dumungebar munere Fidei Promotoris, & agebatur de Signis, & Miraculis in Causa Beatificationis tunc Servi Dei, nunc Beati Joannis de Prado Martyris, postquam comprobavi, quamdam sanationem,

quæ a Postulatoribus tamquam miraculosa proponebatur, esse referendam, quatenus miraculosa esset, inter tertii generis Miracula, ad ulteriora, progrediens ostendere conatus sum, eam esse a classe Miraculorum rejiciendam ex defectu instantaneæ recuperationis virium. Super eodem Miraculo bini Medici scripserunt, bonæ memoriæ Emanuel Lopez a Postulatoribus requisitus, & supra recensitus Joannes Maria Lancicius iustus pro veritate sensum suum aperire. Vis meæ oppositionis fuit ab eis benè perspecta, omnique idcirco conatu demonstrarunt, virium debilitatem fuisse unâ cum morbo illico depulsam. Legi possunt eorum Suffragia Typis impressa in Positione dictæ Causæ. Verba Lancicii sunt hæc: *Neque verò necesse est, ut quæverè instituum, an omnes morbi reliquæ, quæ ab agritudinibus superesse solent, fuerint hic momento temporis absterse; sufficit enim ad veram Miraculi rationem, quod malum præcipuum, & graviora symptomata, cujusmodi in hoc casu fuerunt hæmoptysis, inappetentia, languor, ac debilitas, illico excesserint.* Postquam autem Sacra Congregatio certiorata fuit de virium instantanea recuperatione, non dubitavit Miraculum approbare, uti colligitur ex Decreto edito die 17. Februarii 1728. & a sanctæ memoriæ Benedicto XIII. confirmato die 5. Martii ejusdem anni, in quo Decreto mentio fit expressa recuperationis virium = *Constare de repentina sanatione Melchioris de Loaisa a copioso, & immoderato sanguinis effluxu, cum instantanea deperditarum virium recuperatione in tertio genere.* Addi possent alia quamplura, similia exempla, sed, cum vulgarissima sint, ab eis recensendis abstinemus. Præterire tamen non possumus sen-

sententiam Beati Raymundi de Capua in secunda parte Vita Sancte Catharina Senensis cap. 8. num. 9. ubi post expositum Miraculum liberationis a morbo huc habet: *Diranno forse costoro, de' quali Iddio non ha toccato i cuori: Che gran cosa egli è, se da un' infermità, quanto si voglia gravissima, è stato curato un Uomo? Tutto giorno ciò naturalmente avviene. A questi io per contrario rispondo, dimandandogli: qual meraviglia, se curò il Signore la Suocera di Simone, la quale, testimonio l' Evangelista, da gran febbri era oppressa? Tutto giorno queste cose naturalmente accadono, che gli Uomini da febbri quanto si voglia gravissime son liberati: Perciò dunque l' Evangelista a noi per Miracolo ciò racconta? Ma attendi, o miscredente, che nulla capisci oltre 'l senso, attendi ciò, eh' ha voluto dimostrare l' Evangelista: Stans (disse egli 4. 39.) super illam, imperavit febri, & dimisit illam, & continuò surgens ministrabat illis. Questo fu il segno del Miracolo, che al comando del Signore, senza dilazione, o natural rimedio parì la febbre, e così, che dalla febbre era sì gravemente oppressa, ed abbattuta, senz' altro conforto incontanente s' alzò in piedi, e ricuperò la forza corporale, come se mai dalla febbre non fosse stata molestata. Così parimente nel nostro proposito chiaramente vedi, se da cecità di mente ingombrato non sei. Si presentò questa Santa Vergine, nel cui petto abitava il Signore, e quel Signore, che curò allora la Suocera di Simone, stette non da vicino, ma da lontano, e comandò alla febbre insieme, ed alla peste, e senz' alcun rimedio corporale, lasciarono senza indugio il paziente Matteo, il qual subito levandosi, mangiò con noi i legumi, e la cipolla senza nocumento, come da tale infermità non fosse mai stato*

aggravato. Apri dunque gli occhi della mente, e non volere essere incredulo, ma fedele.

24 Troilus Malvetius in allegato Tractatu de Canonizatione Sanctorum inter Tractatus magni tom. 14. pag. 101. num. 52. quærit, an manca, & imperfecta sit sanatio, si cum dolore contingat, & an idcirco sit a classe Miraculorum arcenda, & affirmando respondet; licet enim aliqua cum dolore contigerint Miracula, id tamen raro contingit; & cum frequentiora sint exempla Miraculorum absque ullo dolore, concludit, arguendum esse ab his, quæ sæpe, & non ab his, quæ raro contingunt; & sequuntur Matta de Canonizatione Sanctor. part. 4. cap. 10. num. 2. Sebast. Medic. de Mirabilibus Operibus Dei lib. 1. quæst. 22. At ceteri omnes adverterantur, putantes perfectam esse posse, & miraculosam sanationem, etiam si accideret cum dolore, Pavin. in Relatione Cause Sancti Bonaventura part. 2. art. 6. Contolor. de Canonizat. Sanctor. cap. 17. num. 18. Castellan. de Canonizat. Sanctor. quæst. 6. principali vers. Quæro, an sit contra rationem num. 102. Molphei. consil. 46. num. 57. Simoneta in Relatione Cause Sancti Francisci de Paula §. Quod autem contra rationem, Pignatelli. consil. 27. num. 23. tom. 5. Rolà in Addit. ad Tractat. de Executorib. Litterar. Apostolicar. num. 181. Cardinalis de Laurca in 3. lib. Sent. tom. 4. disput. 20. art. 21. num. 896. Matthæuc. in Practica Theologo Canonica ad Causas Beatificationis, & Canonisationis tit. 3. cap. 1. §. 6. Affuerunt exemplum Dæmoniacy a Salvatore curati. Dæmone enim exeunte, & clamante, & obfessum dicente ipse factus est sicut mortuus, ita ut multi dicerent, eum mortuum esse, uti legitur Marci 9. item

impressionis Vulnerum Salvatoris in manibus, pedibus, & latere Sancti Francisci non sine magno ejus dolore, & impressionis Stigmatum in corpore Sanctæ Catharinæ Senensis, qua deprecante, ne vulnera externa apparerent, radii continuò colorem sanguineum mutaverunt in splendidum tanto cum ejus dolore, ut, nisi Deus minuisset, ipsa brevi se crederet morturam. Addi potest, quod legitur in citatis Libris Sancti Gregorii Turo-nensis de Miraculis Sancti Martini, cum lib. 2. cap. 8. referat, Cæcum ad ejus Sepulchrum visum recepisse, sed postquam correptus dolore in oculis spumam ab oculis emiserat; & lib. 3. cap. 16. Infantem cæcitate laborantem, & ad ejus Tumulum prostratum vidisse statim super se Cereum elucere, sed postquam sensit dolorem, qualem sensitset, si aliquis statim pupugisset spiculo oculos ejus, & postquam sanguis ab oculis erumpens cœpit disflue-re per genas ejus. Zacchias *Quæst. Medico-Legal. lib. 4. tit. 1. quæst. 3. num. 9.* ita ad rem scribit: *Ac professi etiam ipsi Philosopho satis fueris ad Miraculi essentiam, ut opus non sit sua natura fa-ctibile, neque curabit ille, an cum dolore vel aliter fiat.* Nec in examine Miraculorum ab hac sententia recesserunt Rotæ Auditores, quemadmodum desumitur ex ipsorum Relationibus in *Causa Sancti Caroli Borromæi 3. pars. tit. de Miraculis post mortem, in exa-mine Miraculi Paula Justina Casata a gravi paralyti liberata = Nec refert, quod, paulo antequam Miraculum fieret, Paula gravissimum in brachio dextero sen-serat dolorem cum adeo sensibili strepitu, ut brachium ruptum videretur, quia licet communis natura Miraculi sit, ut fiat sine dolore illius, in quo fit, ut appareat in multis Christi Miraculis, tamen non*

*est contra rationem Miraculi, si in libe-ratione alicujus contingat dolor; in Causa Sancta Teresta in undecimo Miraculo post mortem = Nec aliquid ob hoc Miraculo detrabere nobis visum fuit, quod, appositâ Reliquiâ ad collum patientis, dolores cre-verint, & maximam anxietatem illi cau-saverim, ut notat Archidiaconus, quidquid velis Troilus Malvetius; & in Causa Sancti Andrea Corfini part. 2. num. 196. post primam consultationem Lævana. Fidei Promotores sæpe opposuerunt sanationibus, quæ tamquam miraculosæ proponebantur a Postulatoribus, quod inter Miracula recenseri non poterant, ex quo cum dolore contigerant. Petrus Franciscus de Rubéis in Causa Canonizationis tunc Beati, nunc San-cti Joannis de Cruce, id latè profes-cutus est. Sæpius & ipse hoc eodem argumento usus sum: sed Sacra Con-gregatio contrariæ adhæsit sententiæ tamquam magis receptæ: in quo eo-dem sensu, & ego ipse sæpe fui pro-veritate Suffragium ferens, & tam-quam Sacræ Congregationis Consul-tor, dummodo tamen dolor interveni-ens judicio Medicorum non habe-retur tamquam medium naturale ap-tum ad morbum depellendum. Et cohærenter ad hæc, me in Causa Bea-tæ Julianæ de Falconeriis opponente, quod sanatio cum dolore secuta erat, & sic quod fuerat naturalis, Dominus Petrus Alfaltus alibi a nobis cum lau-de commemorandus in suis *Physicis Responsonibus* comprobavit, dolorem non obstat Miraculo, nec potuisse ullam naturalem spem sanationi sup-peditare: quibus omnibus maturè pon-deratis, Sacra Congregatio Miracu-lum quarto loco propositum, in cujus examine memoratam proposueram, animadversionem, approbavit, & sanctæ memoriæ Benedictus Papa XIII. con-*

confirmavit, ut colligitur ex Decreto edito die 5. Octobris 1729.

25 Zacchias quoque in suis *Quæst. Medico-Legal. lib. 4. tit. 1. quæst. 8. num. 9. & sequentibus* quærit, an manca, & concisa, & sic a classe Miraculorum arcenda sit ea sanatio, quæ ita contingit, ut morbo uno recedente, alius succedat, puta, si febris longæ quartana, si febris acutissimæ lenta, & diuturna, si malignæ febris abscessus, si apoplexiæ paralyxis, si epilepsiæ melancholia succedant, & respondet, sanationem non esse miraculosam, cum Miraculum ut pote opus a supernaturali, ac perfectissima Causa emanans perfectum debeat esse, & absolutum. Sequitur Pignatelli. *consult. 26. num. 10. tom. 5.* ubi exponendo requisita Miraculi subdit: *Sextum, ut ipsa sanatio, sit perfecta, & absoluta, non manca, & concisa, adeo ut methastasis de uno morbo ad alium etsi leviorē minime sit habenda pro miraculosa.* Subdit tamen Zacchias, methastasis ab uno in alium morbum Miraculo obistere non debere, si contingat post invocationem alicujus Servi Dei, vel Beati, in qua aliquis peteret, ut morbus, quo affligitur, recedat, & alius succedat, quod tamen crederem sic esse intelligendum, si morbus, qui recedit, miraculosè recedat. Affert exemplum Servæ Dei Artiliæ Altissimæ, de qua in *precedenti Libro* sæpius habitus est sermo. Pia ea Mulier acerbissimo hæmorrhoidum dolore vexabatur, & eas tumidas, & exulceratas infusum habebat, nec ullis levabatur remediis. Zacchias, qui eam curabat, consuluit, ut se Chirurgis invisendam sequenti die exponeret: sed ipsa, nocte præcedenti ad diem anniversarium obitus Venerabilis Servi Dei Cardinalis Bellarmini ab eo enixè petente, & expostulante, ut dolorem il-

lum in aliam sui corporis partem transmitteret, ut se ab honesto illo pudore vindicaret, eadem nocte dolores articulares eam detinuerunt, & a dolore hæmorrhoidum, & a tumore, & ulceribus dicto citius libera evasit. Zacchias Miraculum constituit in subita sanatione. De eodem facto loquens Badus in *sin Opere sæpe citato, cui titulus DECORA ROBERTI CARDINALIS BELLARMINI* addit, ulcera momento sanata fuisse, quæ desiderabant agglutinationem, & carnis deperditæ regenerationem, quæ momento naturaliter fieri non poterant, & tam Zacchias, quàm Badus Miraculo obesse non putant methastasin in alium morbum ob limitatam petitionem, & pia Formina factam: *O Sancte Cardinalis, tu, qui tam pridem affectus fuisti erga Vulnera Sancti Francisci, & qui hac die Celum petisti, quæso, ut hinc facessant mea vulnera, impetra mihi a Deo in alias partes, nam rem mihi gratissimam facies: uti legitur in Vita prædicti Servi Dei scripta a Patre Fuligatto, & latius in alia ipsius Vita scripta a Patre Bartolo lib. 4. fol. 321.* Alia infra subdentur, cum de ultimo requisito tractabitur.

26 Superfunt alia duo requisita, ut sanatio inter Miracula recenseri possit. Sextum itaque requisitum est, ut nulla notatu digna evacuatio, seu crisis præcedat cum Causa, & ultimo, ut recidiva, sublato morbo, non contingat. De prædicto sexto requisito citatur Zacchias pluribus in locis *allegati Operis* loquitur, *lib. etenim 4. tit. 1. quæst. 8. num. 13.* inquit, sanationes, non miraculosas, sed naturales esse censendas, si fiant per insignem aliquam evacuationem, per hæmorrhagiam, per alvi fluorem, per

110 De Serv. Dei Beatif. et Beat. Canoniz.

per sudorem, per urinam, aut aliam quamcumque evacuationem, etiamsi sanatio illico, & quasi in instanti fiat & lib. 9. *consil.* 5. num. 3. ait, subitas sanationes & in instanti secutas, esse Miraculo adscribendas, si nulla intercessit crisis; secus autem, si crisis præcellerit: quæ tamen dicta, juxta communem aliorum Medicorum sententiam, sibi debent ut plurimum locum vindicare in morbis acutis, & non in chronicis, & semper in bonis crisisibus, & non in malis, ut ex sequentibus planè inferri potest.

27 Juxta Galenum in 3. de Crisibus, triplici modo potest natura sanitatem inducere, per decubitus, per crism, & per simplicem morbi solutionem, sive coctionem. Decubitus est depositio humoris peccantis a parte nobili ad ignobile: unde idem *cis. lib.* inquit: *Sed etiam parotides non paucos in tempore opportuno liberarunt, & ad genua, & ad pedes, & ad aliud quidpiam ignobile decubitus.* Crisis ab eodem definitur 3. *Aphor.* 13. = *Subita, ac repentina in morbo mutatio & in 3. de Crisibus cap. 7. meminit evacuationis, quæ in crisi contingere debet: Si quis enim subito morbo liberatur, omnino huic aliqua evacuatio effatu digna contingit vel per vomitum, vel per ventris exonerationem, vel sudores, vel urinas, vel sanguinis e naribus effusum, aut ex sede per hamorrhoides, aut in mulieribus per purgationem mestrurorum; & loquendo de simplici morbi solutione, sive coctione, docet, solutionem longiori tempore, & paulatim fieri, cum morbi omnes, qui per coctionem solvuntur, percurrere debeant illa quatuor tempora, principium scilicet, augmentum, statum, & declinationem; & chronici morbi ii sunt, qui ut plurimum cessant per coctio-*

nem, & non per crism, quemadmodum annotavit idem Zacchias *cis. consil.* 9. num. 14. & sequentibus:

28 Docent Medici, nonnullas crises bonas esse, nonnullas malas, plures imperfectas, nonnullas perfectas, & perfectam dicunt, si sit cum omni alleviatione morborum; si etenim, per evacuationem materiz morbus crescat, aut symptomata non cessent, extra naturæ leges crisis appellatur, nec materiam morbosicam satis coctam, & præparatam educit. Idem Medici notant nonnullos pro salutari, & bona crisi dies, quos dicunt decretorios, & alios indices appellant, utpote qui indicant dies criticos, de quibus Sennertus *tom. 1. lib. 3. part. 3. cap. 11. de diebus Criticis*, quamvis hæc perpetua non sint, cum non ita morbi stent hisce legibus adstricti, ut etiam aliis diebus per veras crises non desinant, uti videri potest in ephemeris, quæ die una, aut alterâ judicantur, & in anginis aliquibus, quæ quartâ die suum habent terminum, uti etiam notavit Hippocrates 2. *Epidem. sect. 3. 1. Epid. sect. 2. 5. Epid. sect. 2.* unde Celsus *lib. 3. cap. 9.* concludit, Medicum non debere numerare dies, sed morbi accessiones intueri. Nec omitti potest, quod quando crisis ventura est, aliquid novum fit vel circa respirationem, vel circa mentem, vel auditum, vel visum, vel circa aliquid eorum, quæ uno nomine sumptim critica accidentia ut signa a prædictis Medicis nominantur.

29 Sufficere hæc posse videntur pro sexti requisiti explicatione. In eo autem, quod attinet ad ultimum requisitum sanationis miraculosæ, quod recidiva videlicet, sublato morbo, non contingat, de eo inter Scribentes disputatur. Pavin. in *Relatione Cause*

sa Sancti Bonaventura part. 2. art. 6. putat, recidivam non obflare Miraculo, etiam si contingat paulò post sanationem: Item etiam non est contra rationem Miraculi, quod Sanatur de proximo recidavit (sunt verba ipsius). Sufficit ergo, quod sanitas fuerit verisimiliter duratura, licet causa sit momentanea, aut recidives &c. per aliquod accidens culpabile, & inordinatum. Sequitur Simoneta in Relatione Causa Sancti Francisci de Paula = Illud postremò prætereundum non est, quod ad hoc, ut Miraculi virtus subsistat, satis est, si restituta sanitas verisimiliter videbatur duratura, licet ex Sanati culpa superveniente, aut Divina dispositione momentanea fuerit. Adhærent Castellin. de Certitud. Glor. Sanctior. cap. 8. punct. 32. Gravina Catholic. Trascript. 2. part. tom. 4. pag. 330. Molphei. consil. 46. num. 38. Centol. de Canonizat. Sanctior. cap. 17. num. 22. Bordon de Miraculis meditat. 7. quæst. 11. Zipæus Consult. Canon. lib. 3. pag. 363. Gaspar autem a Reyes quæst. 24. sub num. 1. absolute profert, de essentia sanationis miraculose esse, quod, sublato morbo, recidiva non contingat. Concordare videtur Zacchias lib. 4. tit. 1. quæst. 3. num. 10. ubi testatur, se plures ægrotos vidisse, qui ad adventum Religiosi, vel applicationem Reliquiarum alicujus Beati, vel Sancti se se a morbo liberarunt; sed mox ex eodem morbo deterius molestatos fuisse, & aliquando etiam vitam cum morte commutasse. Matta in Tractatu de Canonizat. Sanctior. part. 4. cap. 10. inquit, ceteris concurrentibus requisitis, sanationem miraculosam censeri debere, etiam si sit momentanea, si constet de nova causa morbi culpabili, vel inculpabili, secus autem, si de ea non constet; & sequitur Rosa in

Addit. ad Tractat. de Executorib. Litterar. Apostolicar. num. 187. & sequentibus. Cardinalis autem de Lauræa in 3. lib. Sent. tom. 4. disput. 20. de Miraculis art. 21. num. 906. & sequentibus docet, quod, quamvis, Deo volente, possit quis aliquando per Miraculum ab uno morbo liberari, & statim in eundem relabi, ea tamen sanatio non debet ab Ecclesia inter Miracula recenferi, nisi constet de limitata petitione, aut de aliis circumstantiis, ex quibus suaderi posset, rem Divinitus sic se habuisse; & post plura concludit: Regulariter enim totaliter, & perfecte sunt a Deo sanationes, nec scio in Scriptura invenire ejus generis Miracula, ut ex uno morbo sanatus incideris in pejorem, aut similem, aut statim in eundem: ideo, nisi, ut dixi, ex præfatis circumstantiis appareat a Deo procedere, Miraculum non censetur; & sequitur Matthæus. in sua Practica Theologo-Canonica tit. 3. cap. 2. §. 3. num. 37. & sequentibus.

30 Cum infra tractabitur de mortuorum resurrectione, aliqua afferemus exempla eorum, qui mortui ad vitam per Miraculum revocati, paulo post mortui sunt, absque eo quod ex morte paulo post novam vitam subsecuta inferri possit, quod mortuus non fuerit per Miraculum ad vitam revocatus, nonnisi quia ex circumstantiis optimè deprehensum est, sic rem Divinitus se habuisse. Interim autem pro re, de qua nunc agitur, facit exemplum Sancti Basilii Magni, quo præsentè Filius Valentis Imperatoris infirmus convaleuit; eoque recedente, vocatisque Hæreticis ad eum visendum, ægrotavit, & paulo post mortuus est: ecquis enim est, qui Pueri sanationem a classe Miraculorum excludere possit sub obtentu, quod Puer

Puer in eandem iterum incidit ægritudinem cum ex circumstantiis clarissimè dignoscatur, tam primam sanationem, quàm reincidentiam in morbum Divinitus contigisse in testimonium veritatis Fidei Catholicæ? Omnia ferè Martyrologia, & etiam Romanum, quo utimur, *ad diem 31. Maji* recolunt Sanctam Petronillam Virginem Filiam Sancti Petri ita dictam, vel quia eam procreavit, antequam esset Apostolus, vel quia, non naturâ, sed spirituali adoptione eam habuit quamquam Filiam, vel quia ipsa eum præcipuâ coluit devotione, juxta ea, quæ plenè habentur apud Florentinum in *Notis ad Martyrologium Occidentalis Ecclesiæ ad dictam diem 31. Maji*. In Actis Martyrii Sanctorum Nerei, & Achillei Marcellus Marci Præfeti Urbis Filius narrat, Petrum Apostolum interrogatum fuisse a Tito, cur Petronillam paralyticam jacere permitteret, cum ceteros sanaret, ipsumque respondisse, sic ei expedire, & ne impossibilitas incolunitatis existimaretur, deinde jussisse, ut Petronilla surgeret, & accumbentibus ministraret: cumque Petronilla sana surrexisset, & sana ministrasset, ministerio expleto, Apostolum jussisse, ut ad grabatum rediret, nec sanitatem ei iterum impetrasse, nisi postquam cæpit esse perfecta in timore Dei, ut apud Continuatores Bollandianos in *Vita dictæ Sanctæ Petronille ad citatam diem 31. Maji*. Factum hoc, si apud Cardinalem Baronium *ad annum Christi 69. num. 33.* notatu digna fundamenta non exponerentur dubitandi de fide citatæ epistolæ Marcelli, propositæ assumptioni prodesse posset; ab eo enim clarè desumeretur, ex circumstantiis bene desumi posse, reincidentiam in eundem mor-

bum secutam paulo post sanationem Miraculo non obitare. Sed, cum tot alia in Historiis Ecclesiasticis extent exempla, operæ pretium non est super eo Sanctæ Petronillæ diutius immorari.

31 At, ut quæstio propoſita resolvatur, oportet, ut ante omnia, explicetur, quid sit recidiva, & quid de recidiva scribant tum Medici, tum Jurisconsulti. Recidiva dicitur morbus factus ex reliquiis præcedentis morbi jam prætergressi, juxta Hippocratem *aphor. 12.* & morbus reverſionem faciens, magis, quàm ab initio, urget, juxta Avicennam 2. 4. *tract. 1. cap. 95.* unde Cicero Cornificio: *Graviter, inquit, agrotant ii, qui, cum levati morbo videntur, in eum de integro incidunt.* Recidivæ cognitio ex quatuor potissimum rebus juxta Medicos habetur, ex modo scilicet solutionis prioris morbi, & ægotantis statu inter unum, & alium morbum, ex tempore, quod intercedit inter priorem, & posteriorem ægritudinem, & ex specie ipsarum ægritudinum, ut docet Zacchias *lib. 1. tit. 4. quæst. 7. num. 17. & sequentibus.* Ex modo solutionis prioris morbi inquit conjici, posteriorem esse ejus recidivam, si prior morbus absque ulla crisi, & evacuatione solutus sit; ex statu ægotantis inter unum, & alium morbum si tempore intermedio aliqua remaneant non naturalis caloris vestigia, si nausæ, vel vomitu æger moleſtetur; ex tempore, quod est inter unum, & alium morbum, hoc est, si tempus intermedium sit breve; ex specie tandem ægritudinum, si posterior videlicet morbus sit ejusdem speciei cum primo: quod tamen intelligi debet, si nova causa, novi morbi non accesserit; in hoc siquidem

rc.

rerum eventu, etiam si secundus morbus sit ejusdem speciei cum primo, non poterit tunc pronuntiari pro recidiva; & e contra poterit pro recidiva pronuntiari, si secundus morbus non sit ejusdem speciei cum primo, dummodo ab eadem causa procedat. Addit idem Zacchias lib. 2. tit. 2. *quest. 14. num. 19.* maximam esse differentiam inter recidivam propriè dictam, & exacerbationes, seu accessiones quorundam morborum: nec enim recidiva, rigorosè loquendo, dicitur contingere in tertianario, & quartanario, quotiescumque de tertio in tertium, aut de quarto in quartum insultum morbi experiuntur, quemadmodum nec recidiva rectè prædicatur de Epileptico, qui per Lunæ circuitus ægrotat, neque de Podagrico, qui in solstitiis, vel æquinoctiis podagrâ detinetur, est enim unus, idemque morbus, qui suam seriem, ac typum servat.

32 Juris Periti judicium recidivæ deferunt ad Judicis arbitrium a circumstantiis tamen regulatum (Abbas in Cap. 2. num. 1. de Clerico Percussore, Soccin. in Cap. Presbyterum num. 8. de Homicidio) & circumstantias explicando, dicunt, quòd, si æger a primo morbo perfectè non convalescit, morbus, qui supervenit, constituit recidivam; item, quòd, si inter unum, & alium morbum modicum tempus intercessit, recidiva præsumitur; & demum, quòd, si post primum morbum nova morbi causa succedat, recidiva non excluditur, nisi nova causa superveniens præponderet primæ morbi causæ, juxta Baldum in Cap. 1. num. 9. Quibus modis Feud. amitt. & latè deducta in Decis. 71. part. 1. Diversè & cohærenter ad hæc, proposita questione ægri, qui cum Chirurgo, vel

Medico pactus fuerat certam pecunie summam, si sanus fieret, excitatoque dubio, an pecunia debeatur, si sanatus in eundem morbum recidat, distinguere consueverunt inter recidivam, quæ sequitur in continenti, & eam, quæ sequitur ex intervallo, afferentes, in primo casu mercedem non deberi, secùs in secundo: Tiraquellus in l. Si unquam, verb. Susceperis, num. 146. Antonius Gabriel de Legib. & Constitutionib. concl. 2. num. 11. Sebastianus Medicus de Regulis Juris part. 1. regul. 4. num. 64. addentes, mercedem quoque deberi, si morbus superveniat ex culpa ipsius ægri: Bartolus in l. Marcius ff. Locati, Summa Angelica in verb. Medicus num. 14. Caroccus de Locato, & Conducto part. 2. *quest. 9. num. 9* & concordat Codronchus de Christianis, & tuta medendi ratione lib. 1. cap. 31. ubi hæc habet: Medicus itaque, qui certam mercedem pactus fuerit cum ægro, postquam restitutus sanitati sat commodè convalescit, quotidianè, & frequentè visitatione missa jam facta, si paulò post in morbum relabatur, deinde curare sine mercede non tenetur, si hoc ei sua culpa accidit, vel nova aliqua causa aliunde emanata præter spem, atque expectationem successerit. Quod si Medici culpa, vel eadem morbi causa non admodum bene curata, vel sublatâ æger in morbum recidat, rursus curationem ejus sine mercede suscipere tenetur; videtur enim inter se pepigisse, ut usque ad exitum morbi æger curaretur.

33 His præmissis, sermone restricto ad veras recidivas rigorosè sumptas, & prout distinguuntur ab exacerbationibus, sive accessionibus morbi, de quibus infra agetur, cum tractabitur de epilepsia, & aliis consimilibus morbis reversivis, qui suam

114 *De Serv. Dei Beatif. et Beat. Canoniz.*

seriem, & typum servant, necnon sermone restrictio ad prædictas recidivas in eo tantum, quod pertinet ad Causas Beatificationis, & Canonizationis, & approbationis Miraculorum in illis, omitti debent, quæ supra ex Medicis deducta sunt, de morbis videlicet sanatis sine crisi, & evacuatione, de signis ægritudinis adhuc remanentis post sanationem, appetentiæ videlicet languidæ, nausæ, & vomitus; nec enim in Miraculi approbatione quæstio de recidiva, an obstat, vel non obstat Miraculo, sibi potest locum vindicare, nisi supponatur, primam sanationem sine crisi contigisse, & nisi supponatur, quod in prima sanatione de omnibus signis constet instantaneæ, & undequaque perfectæ, & absolute sanationis, & sola indago restringi posse videtur ad modicum tempus, quod intercessit inter primam, & secundam sanationem unâ cum concursu novæ causæ. In facti ergo contingentia retinendam censemus relata opinionem eorum, qui, uti supra vidimus, docuerunt, strictè admodum procedendum esse in approbandis similibus sanationibus tamquam miraculosis; licet enim tales in se, & coram Deo esse possint, tales tamen non apparent coram Ecclesia, quæ judicat de externis, & saltè locus est dubitationi, an fuerint naturales, quod satis est pro excludenda Miraculi approbatione. Addimus, magna quoque cum cautela esse procedendum, etiamsi pro asseruendo Miraculo in medium afferatur nova morbi causa, cum ea semper in promptu esse possit; offensio enim aeris crassioris, aut frigidiore, aut calidioris superveniens post primam sanationem, vel etiam

levis animi affectio accedens, & prava aliqua victus ratio juxta Medicos esse possunt causa recidivæ. Quapropter, si, probatis rigorosè extremis primæ miraculosæ sanationis, Fidei Promotor opponat recidivam, & Postulatores, ut satisfaciant animadversioni, novæ causæ morbi, seu recidivæ innituntur, solertissimâ diligentia opus est, ut videatur de veritate, & viribus novæ causæ, & an morbus superveniens sit potius novæ causæ attribuendus, quàm causæ veteri, seu insensibilibus primi morbi reliquiis, quæ adhuc permansissent. Cæterum quæcumque difficultas cessabit, si ad majorem Dei gloriam constare poterit morbum reversum fuisse, ut in exemplis supra recensitis, & si æger ad Servi Dei, vel Beati intercessionem recurrere expressè deprecatus sit, quod sanitas sibi ad aliquod tempus concedatur, & quod paulò post morbo affligatur; tunc quippe sanitas in instanti restituta Miraculo adscribi poterit, neque recidiva obstat Miraculo. Et cum hisce advertentis Sacra Rituum Congregatio processit ad approbationem primi Miraculi propositi in Causa Canonizationis tunc Beati, nunc Sancti Joannis a Cruce die 30. Januarii 1725. in quo ipse scribens uti Fidei Promotor recidivam opposueram.

34 Quæ in hoc Capite a nobis fusè deducta sunt, concordant cum iis, quæ habentur in Instructionibus, quæ transmittuntur a Procuratoribus Causarum Beatificationis, & Canonizationis ad absentes earumdem Causarum Procuratores, aut Postulatores, qui extrâ Urbem ad confessionem Processuum incumbunt; in illis enim legitur, quod in sanationibus, quæ

quæ ut plurimum pertinent ad Miracula tertii generis, probanda est gravitas morbi unâ cum difficultate sanationis per media naturalia; probanda est subita, & instantanea sanatio; docendum est de statu morbi tempore sanationis, an ea contingerit, dum declinabat, de defectu crisis, de independentia a medicamentis, & aliis humanis remediis, de perfectione sanitatis, ita ut simul & morbus omnis abierit, ac vires, vox, alacritas, & quæcumque sanitatem vel faciunt, vel indicant, redierint, de ejusdem sanitatis permanentia, exclusâ incidentiâ de uno morbo in alium, exclusâque reincidentiâ in eundem morbum, utpote quæ Miraculum vel tollit, vel obsecrat: nec in prædictis Instructionibus omittitur, quodd, si res sit de Miraculis secundi generis, non est absolutè necessarium quærere de instantaneitate, de crisi, & medicamentis adhibitis. Concordant quoque, quæ in hoc Capite a nobis

fusè deducta sunt, cum iis, quæ leguntur in Scriptis Virorum doctorum a Gallia ad nos transmissis in ea controversia magnis animorum motibus agitata de falsis Miraculis Diaconi aliàs memorati. Dominus Archiepiscopus Parisiensis in suo *Edicto edito occasione Dissertationis excavata super assertis prædictis Miraculis* pagin. 9. probat, necesse esse ut sanatio inter Miracula recenseatur, vel quodd morbus sit incurabilis, vel quodd sanatio sit perfecta, & subita; & in alio *Mandato, quod edidit ad petitionem Tromatoris Generalis sui Archiepiscopatus* pagin. 21. non solum jam relata confirmat, sed addit, miraculosam non censeri sanationem, si non sit perfecta, & si recidiva contingat. Dominus Archiepiscopus Senonensis in sua *Pastorali Instructione Parisiis edita anno 1734* pag. 25. latè ostendit, sanationem inter Miracula recenseri non posse, si apta præcesserint medicamenta, quibus adscribi valeat.

CAPUT NONUM.

De miraculosa Cæcorum illuminatione.



Ostquam in genere dictum est de miraculosis sanationibus, rectus ordo exposcere videtur, ut de illis speciatim differamus.

2 Animus autem non est præfenti de omnibus, & singulis morbis,

& infirmitatibus agere, de quibus se offert disserendi occasio in Causis Beatificationis, & Canonizationis, cum Dubium de Miraculis proponitur: neque pariter animus est de morbis, & infirmitatibus Tractatum instituendi, omnia colligendo, quæ in Libris exstant Medicorum ad infirmitates, & morbos, de quibus loquimur, pertinentia. Animus est

P 2

ser-

116 *De Serv. Dei Beatif. et Beat. Canoniz.*

sermonem habere de morbis illis, & infirmitatibus, de quibus occasione disputationis Miraculorum frequentius agitur in Sacrorum Rituum Congregatione, de Animadversionibus a nobis factis, dum fungebamur munere Fidei Promotoris, & de his, quæ Medici a Sacra Congregatione consulti, vel a Postulatoribus acciti scriptis exposuerunt: & ex Infirmitatibus Cæcitas prima est, de qua agimus quærentes, an, & quando ejus sanatio sit censenda miraculosa, & excedens vires naturæ.

3 *In Evangelio Matthæi cap. 9.* Christus Jesus tetigit oculos duorum Cæcorum, & aperti sunt oculi eorum: & *in eodem Evangelio cap. 20.* duo Cæci sedentes secus viam audierunt, quòd Jesus transibat, & clamantes, ut miseretur, & suos oculos aperiret, tetigit oculos eorum, & illi confestim viderunt. *In Evangelio Marci cap. 8.* adductus est ad Jesum in Bethsaida Cæcus, qui vidit, statim ac super ejus oculos manus imposuit: & *cap. 10.* Filius Timæi Bartimæus Cæcus sedebat juxta viam mendicans, & clamare cœpit, & rogare, ut suam cæcitatem pelleret; cumque Jesus respondisset, quòd sua Fides eum saluum fecerat, Bartimæus confestim vidit, & eum secutus est in via. *In Evangelio Lucæ cap. 18.* Cæcus sedens secus viam, & mendicans clamavit, ut Jesus sui miseretur, & respondente Jesu, quòd Fides sua eum saluum fecerat, confestim vidit, & secutus est eum: & *in Evangelio Sancti Joannis cap. 9.* præteriens Jesus vidit Hominem Cæcum a nativitate, exspuit in terram, & fecit lutum ex spūto, & linivit lutum super oculos ejus dicens, ut iret ad Natatoria Siloe, idemque abiens lavit, & venit videns, & ait, a sæculo non

esse auditum, quòd quis aperiret oculos Cæci nati. Maldonatus cum Theophylasto dicit, unam, & eandem esse historiam, quæ a tribus Evangelistis Matthæo, Marco *cap. 10.* &, Lucæ narratur, sed Lucam, & Marcum nominasse Bartimæum Filium Timæi utpote famosiorem, licet esset mendicans. Adhæret Natalis Alexander *in idem cap. 20. Matthæi num. 18.* Alii apud Cornelium a Lapide *ad hunc eundem locum vers. 30.* putant, Cæcum, de quo Sanctus Lucas, non esse eum, de quo loquuntur Sancti Matthæus, & Marcus: sed, cum consentiant omnia, quæ a tribus hisce Evangelistis enarrantur, insert Cornelius, unam, & eandem esse personam, de qua tres Evangelistæ loquuntur. At Calmet *in Commentariis ad cap. 20. Sancti Matthæi* accuratè animadvertit, differre historiam relata a Sancto Marco *cap. 10.* ab ea, quæ refertur a Sancto Luca, & a Sancto Matthæo; prima enim contigit, cum Jesus de Jericho proficiscebatur = *proficiscente eo de Jericho* = secunda contigit, cum Jerichum appropinquaret = *cum appropinquaret Jericho* = Matthæus loquitur de duobus Cæcis, alii de uno tantum. Nefas autem esset dubitare de similibus operationibus, an fuerint miraculose, uti benè ponderat Mercurialis. *in suo Libro de Morbis Puerorum cap. 5.* = Solco ego dicere, omnes, qui Christo curandi fuerunt propositi, difficillimos sua naturâ curatu esse: quæ verba ex ipso Mercuriali repetit etiam Hieronymus Jordanus *in sua Disput. inaugural. de Taralyfi, thesi 75.* & loquendo de Hydro-pico, cui Dominus etiam sanitatem largitus est, uti habetur Lucæ *cap. 14.* apud Zacchiam *Quest. Medico-Legal. lib. 4. tit. 1. quest. 5. num. 66.* hæc habentur, sanitatem videlicet Miraculo esse

esse adscribendam, eò quòd Christo semper sanandi oblati fuerunt, qui sanari non poterant. Sequitur Paulus Vecchi *Observ. Medic. in Sacram Scripturam, observ.* 88. per totam; & Guilhelmus Ader in suo Opere de Morbis Evangelicis *Tractatum* Biblicorum tom. 9. in *Epistola ad Episcopum Lumbardensem* inquit, se prædictum Tractatum scripsisse, ut ostenderet, omnes a Christo sanatos Arte Medicâ fuisse incurabiles.

4 In Bullis Canonizationum multa Miracula referuntur illuminationis Cæcorum; in Bullis videlicet *Canonizationum Sanctorum Osmundi, Francisci de Paula, Franciscæ Romanæ, Caroli Borromæi, Ignatii Lojola, Francisci Xaverii, Petri de Villanova, Francisci Salesti, Thomæ de Alcantara, Mariæ Magdalene de Pazzi, Ludovici Bertrandi, Paschalis de Baylon, Isidori Agricola; & Rotæ Auditores in Relationibus Causarum illuminationes Cæcorum inter Miracula retulerunt; in Relatione videlicet Cause Sancti Ignatii in octavo Miraculo, in Relatione Cause Sancti Joannis de Deo in quarto Miraculo, in Relatione Cause Sancti Thomæ de Villanova post Contelorum de Canonizatione Sanctorum pag. 684. & demum in Relationibus Causarum Servi Dei Juliani a Sancto Augustino, Sancti Ludovici Bertrandi, & Sancti Petri de Alcantara.*

5 Scribentes de Canonizatione Sanctorum docent, Cæcum sive natum, sive factum, qui verè talis probetur ex temporis diuturnitate, si potentiam visivam recuperet, intellige absque remediis, vel cum inutilibus remediis, & ut plurimum in instanti, juxta ea, quæ infra dicentur, per Miraculum recuperare, dummodo tamen illuminatio probetur per actus visionis fa-

ciendos ab ipso illuminato, ut ambulando sine duce, scribendo, discernendo unam rem ab alia, præsertim verò legendo, uti habetur apud Bordon *medit.* 8. de *Miraculis.* Matthæucius in sua *Practica Theologo-Canonica ad Causas Beatificationis, & Canonizationis tit.* 3. cap. 3. §. 2. notat, Miraculum potissimum verificari in illuminatione Cæci nati, & concludit, quòd, si etiam ex alia causa amissa sit potentia visiva, Cæci illuminatio erit referenda inter Miracula tertii generis, si ad Sancti invocationem visus subito restituitur. *Matta de Canonizat. Sanctor. parti.* 3. cap. 11. num. 5. & sequentibus notat, aliquando impeditum esse organum, sed non esse destructam potentiam visivam, & tunc contingere posse, ut naturaliter potentia visiva recuperetur. *Pignatellus Consult.* 20. tom. 5. totus est in probando, quòd recuperatio visus, quæ paulatim succedit, ope alicujus Servi Dei imploratâ, non est inter Miracula recensenda; & tom. 10. *Consult.* 177. num. 11. admittit, subitam sanationem morbi in oculis ex inspissatione, & confusione humorum intrâ, & ante pupillam non esse naturæ adscribendam, sed Deo intercessionem Beati ab ægro invocari. *Zacchias Quæst. Medico-Legal.* lib. 4. tit. 1. de *Miraculis* num. 43. & sequentibus ingenuè admittit, Medicos parùm proficere in curandis affectibus oculorum, cum altas egerunt radices; & confirmati sunt, & cæcitatem dependentem ex aliis oculorum affectibus, difficilibus, & contumacibus pannis, maculis, & similibus, accedente temporis longitudine, esse incurabilem; admittit, nonnullos a multo tempore obcecatos ex aliquo accidenti fuisse a cæcitate vindicatos; & demum concludit, esse

esse præter, & supra naturæ vires, si Cæcus a nativitate visum recuperet, uti fusè apud ipsum legi potest.

6 Dum munere fungebar Fidei Promotoris, præter ea, quæ annotavi, dum agebatur de illuminatione Cæcorum, ad probationes facti pertinentia, hoc est, ad probationes præcedentis cæcitatæ, & subsequæ instantaneæ restitutionis visus, Miraculo ut plurimum, & seclusis nonnullis circumstantiis, de quibus infra, censei adscribendam Cæci nati illuminationem. Historia Cæci nati a Christo sanati, quem Cedonius, sive Celidonius nonnulli appellant, & de qua supra ex Evangelio Joannis cap. 9. assertionis constituit probationem, in eo quippe capite legimus, ad infringendam Miraculi veritatem aliquos Phariseos contendisse, quod sanatus esset non ille mendicus, qui erat Cæcus a nativitate, sed alius; prædictum sanatum fuisse vocatum a Judæis, ut exponeret, quomodo oculos aperuisset, & ipsum respondisse, se a Christo fuisse sanatum, & subdidisse: *A sæculo non est auditum, quia quis aperuit oculos Cæci nati.* Unde Sanctus Ambrosius apud Cornelium a Lapide ad cit. cap. 9. Joannis inquit, Cæcum a nativitate curari non esse artis, sed potestatis; donavit enim Dominus sanitatem, non medicinam exercuit; eos enim sanavit Dominus, quos nemo curaret; & Zacchias Quæst. Medico Legal. lib. 4. tit. 1. quæst. 8. num. 48. ad rem subdit: *At verò Cæcum a nativitate visum recuperare, hoc quidem toto genere præter, & supra naturæ vires est; unde videt in Sacra Historia, quid hoc factum ab ipso Cæco sanato tantopere extollitur = A sæculo, inquit, non est auditum, quia quis aperuit oculos Cæci*

nati = & addit = Nisi esset hic a Deo; non poterat facere quidquam = innuens, in ea curatione requiri omnino supernaturalem, ac Divinam Virtutem: unde Thomas Bartholinus in suo Tractatu de Paralyticis novi Testamenti pag. 91. ait, Cæcos, Claudos, Aridos jacuisse in porticibus Piscinæ Probaticæ expectantes salutarem aquæ motum, sed a Christo fuisse sanatum Paralyticum, ne de Miraculo dubitari posset, cum Cæci tantum ibi assarent laborantes levioribus defectibus oculorum, & visus, qui viâ naturali sanari poterant, sed non Cæci nati, qui per Miraculum tantum sanitatem recipere potuissent: Miraculo non careret, si confirmata, & a primis incunabulis producta cæcitas eo fonte illuminaretur. Non de his, sed levioribus oculorum, visusque defectibus, & vitium sermo est medicatâ undâ abstergendis &c. Apud Piscinam bujusmodi Cæcos, non a nativitate lumine privatos, curatos credere cogimur, ne Christi potentia injuri Cæcos curandi rationem illi propriam aliis communicemus. Ideo non Cæcum, sed Paralyticum ex porticibus sumpsit sibi curandum Christus, quia illi per Piscinam curabiles. Difficilius quippe, & Miraculo vicinius fuisset cæcitatem innatam extersisse, quam paralyfin acquisitam.

7 Dictum est autem, Cæci nati illuminationem ut plurimum, & seclusis nonnullis circumstantiis, Miraculo fuisse adscriptam, quod est intelligendum, si cæcitas proveniat ab læso prorsus organo videndi, secus autem, si proveniat ex palpebrarum adhæsiōe, vel ex cataracta, aut ex aliis impedimentis, quæ per medicamenta removeri possunt, de quibus sermo infra habebitur, cum tractabitur de Cæcis, non natis, sed factis. Postquam Zacchias loc. cit. statuit, illu-

illuminationem Cæci nati esse Miraculo adscribendam, ita suam explicat assertionem: *Loquor tamen hic de vera cecitate, non de ea, qua interdum fieri potest ex palpebrarum coalitu, & adhaesu; hæc enim vel manu chirurgicâ juvari potest, dummodo oculus ipse, qui videndi est instrumentum, purus sit, & nihil impediendi patiatur: affectus autem oculorum proprius, qui a natura sit, & qui dicitur cecitas, Arte Medicâ nunquam sanari potest, cum oblitum sit ipsum videndi organum in sua ipsius plasmatione. Solus ergo is, qui illud plasmavit, ad rectum, & sibi debitum munus revocare potest.* Hieronymus Marinus Profellor Chirurgicæ, & Lithotomus Archihospitalis Sancti Spiritus in Saxia in sua *Practica Chirurgica* cap. 2. num. 6. hæc habet: *Non so però, se sia da seguitarsi l' opinione di quelli, che non ammettono alcuna sorta di cura alli Ciechi a nativitate, perchè in tal malattia direbbono male; conciosciachè, essendo Cateratte, si possono facilmente guarire, come riuscì a me in persona d' una Zittella d' anni dodici in Rignano, luogo posto nel celebre Monte Gargano, che nacque cieca d' ambi gli occhi per causa di Cateratte, che io poi gliele deposi nel Mese di Ottobre 1692. e ricuperò la vista. Per lo che bisogna distinguere, da che proceda una tal cecità ne' Fanciulli; imperciocchè, se (come ho detto) viene da Cateratte, riesce curabile, ed anche ne ho veduto degli altri guariti; & consimilis curatio refertur in Opere, cui titulus = SAGGIO DELLE TRASAZIONI FILOSOFICHE = tom. 4. Editionis Neapolitana anni 1734. pag. 129.*

8 Quando autem res fuit de Cæcis, non natis, sed factis, examinandum proposui, an visus deficientia ab aquei humoris effusione provenie-

rit, aqueus enim humor, qui effusus est, citra ullum Miraculum, sed sponte, & naturaliter, licet rarò, in hominibus potest reproduci, uti testatur Sennertus *Operum* tom. 2. lib. 1. part. 3. sect. 2. cap. 34. ubi addit: *Atque ipse etiam tale exemplum vidi; & sequitur Zacchias Quæst. Medico-Legal. lib. 8. tit. 1. quæst. 7. num. 20. ubi hæc habet: Hic humor, etiamsi deperdatur, solet de novo regenerari, ac visus recuperari, ut experimento proprio docet Galenus, & attestari quoque proprio experimento ipse possum.* Legi potest Bernardus Verzalche *Observat. Medical. observ.* 14. ubi ita scribit: *Ego in nobilissimi Viri Filiola similem casum observavi. Hæc dum levibus de causis cum Fratre altercaret, iste iracundiâ percitus cullum scriptorium apprehendit, & Sororis oculo vulnus infligit, unde humor aqueus effluxit. Vocatus præsentem Chirurgum jussi, sequens collyrium tepidè sæpius admovevere &c. Hoc collyrium inflammationem compefcuit, vulnus siccarvit, & sanavit. Hinc post aliquot menses humor aqueus succrevit. Nam visus, sed debilis, cum summo Tarentum gaudio rediit. Alia legi possunt apud Guillelmum Deerham in *Demonstratione de Essentia, & Atributis Dei* lib. 4. cap. 2. in *Notis* num. 33. Sed de hoc iterum infra. Item, si cecitas a simplici compressione nervorum opticorum, aut a retina vel nimis relaxata, vel, plusquam par est, intus producat, novum non est, eam aliquando curari a repentina alvi profusione, uti videri potest apud Hildanum *centur. 5. observat. 19.* & apud Alexandrum de Benedictis *lib. 2. cap. 28.* & in ophthalmia lacrymarum fluxum maximopere prodesse, post Aetium, & Avicennam inquit Sennert. in *Prognost. de Ophthalmia* lib. 1. *praxis* cap. 3. sect. 2. cap. 12.*

9 Inter ceteros morbos, qui oculos affligunt, Amaurosis, five Gutta Serena reperitur, quam Plempius *Ophthalmograph. lib. 3. cap. 30.* ita describit: *Signs Gutta Serena dant Medici omnes omnino hac, quid visus abolitus sit, nullâ apparente in oculis noxâ; & indutam e vestigio Amaurosim, seu Guttam Serenam ex alapa impacta, testantur duo clarissimi Lusitani Zacutus, & Amatus, hic centur. 7. Observ. Med. 44. ille lib. 1. Prax. admir. observ. 52.* Si cæcitas perfecta sit, & æger, qui Guttâ Serenâ laborat, nihil videat, testantur Medici, morbum esse ferè incurabilem (Sennert. *Pract. lib. 1. part. 3. sect. 2. cap. 37.* Sculter. in *Append. var. instrum. Chirurg. tabulâ 15.* Scholiograph. *Scrochii in Ephem. decis. 2. annos. 5. observ. 247.*) unde Guilhelmus Ader Medicus in *suo Tractatu de Morbis Evangelicis enarrat. 6. tom. 9. Tractatum Biblesorum* contendit, Cæcos a Christo curatos in Jericho, & in Galilæa laborasse Guttâ Serenâ, qua, ut dictum est, limpidissimi de foris enitent oculi, sed intus nullam lucem capiunt, & prorsus versantur in tenebris; additque, eos non simplicem visus debilitatem passos, sed integrâ lucis usurâ privatos fuisse, cum non viderint, sed audierint Jesum, transeuntem. His tamen minimè obstantibus, cum de liberatione excitatis a Gutta Serena provenientis agebatur, animadvertendum proposui, quod, cum ea nihil aliud sit, quàm interceptio spirituum animalium per nervos opticos ad oculum descendentium, non erat ita de facili pronuntiandum pro Miraculo, sed perpendendum remanebat, an interceptio esset a spiritibus nervos intus non irradiantibus, an ab humoribus, & lymphâ in ventriculis cerebri nimium

collecta, & nervos ad extra prementem, cum in primo casu morbus sit ut plurimum incurabilis, in secundo verò sanationem suscipere possit.

10 Doctrinam hanc hausit ex Suffragio bonæ memoriæ Jacobi Sinibaldi celeberrimi olim Medici Collegiati, & publici Lectoris Sapientiæ Romanæ in sua, quam edidit, *Dissertatione super Miraculis Sancti Jacobi de Marobia*. Eidem adhæsit bonæ memoriæ Joannes Maria Lancisius in suis, quod edidit, *Suffragio in Causa Beati Joannis Francisci Regis*, ubi ita locutus est: *Si Gutta Serena oriatur a pertinaciter impedito excursu spirituum a cerebro in nervos opticos, quam Paralyfim dicimus, tunc utique, ut cætera Paralyfes, ardua, ac penè desperata est curationis. Ubi autem impedimentum leve est, atque in organorum fibris, ac membranis, eum plerumque faciliè depelli possit, nec anceps, nec difficilis erit curatio morbi, cui ut plurimum præsentissima quæ a natura, vel ab arte sunt remedia.* Et Archiepiscopo Philippenfi Carolo Alberto Cavalcchino alibi cum laude commemorato, & meo dignissimo in Fidei Promotoratu Successori sribenti super Miraculis Septem Beatorum Fundatorum Ordinis Servorum Beatæ Mariæ Virginis, & opponenti eandem Sinibaldi doctrinam Alexander Pascolus celebris Medicus in sua *Dissertatione super primo ex dictis Miraculis falsus est, se theoriâ Sinibaldi libenter amplecti.* Atque ad secundam speciem Amaurosis, seu Guttæ Serenæ referri possunt exempla relata a Stalpartio Vander Wiel Medico Hagienfi in suis *Rarioribus Observationibus observ. 5. pag. 44.* ubi narrat, Fœminam Guttâ Serenâ cæcam factam post febrem vehementem visum recuperasse, & aliam Guttâ Serenâ per annum laborantem, &

in

in desperationem adductam post annum potentiam visivam recepisse ope pertinacis inediae, quæ ipsam ad extremam maciem deduxerat, sed quæ consumpsit omnem corporis humiditatem, ipsamque materiam, quæ Guttam Serenam effecerat.

11 Et, quia a Postulatoribus magna vis aliquando constituebatur in longa, quæ præcesserat, cæcitate, opponere consuevi, quæ leguntur in *Libro Tobie*. Notum enim est, eum, uti habetur *cap. 2. & cap. 11.* cæcum factum esse ex calido stercore hirundinum, quod super oculos ejus cecidit, Angelo admonente, ejus Filium secum tulisse ex felle Piscis, linivisse oculos Patris, cùmque dolorem Pater sustinisset per horam dimidiam, albuginem egredi cœpisse ex oculis ejus, visumque recepisse, postquam in cæcitate permanerat ab anno quinquagesimo sexto usque ad annum sexagesimum, uti habetur *cap. 14.* Nonnulli miraculosam hanc Tobie sanationem dixerunt Miraculum constituentes in revelatione remedii ab Angelo facta, quod tunc a Medicis ignorabatur. Alii, postquam docuerunt, sellem Piscis Callionymi ad extergendas albugines inveteratas maximopere professe, dixerunt, a Deo auctas esse vires medicamenti, ita ut, statim ac applicitum fuit, cæcitatem depulerit, nullâ præcedente corporis evacuatione, nulloque adhibito victu convenienti, uti latè ostendit Vallesius *de Sacra Philosophia cap. 42.* & sequitur Zachias *loc. cit. num. 49. & sequentibus.* Cæteri tamen non desunt rationem Miraculi ab hac sanatione excludentes, cùm oculi Tobie non essent ab intrâ corrupti, nec retina, nec nervi optici damnum ullum sensissent, nec humores alterationem passi essent,

sed totus morbus consisteret in quodam humore extraneo, & abscessu inter albuginez lamellas concreto, qui paulatim inter corneam, & uveam expansus ita radiorum cursum impederat, ut ad interiora oculi penetrare non possent, quæ omnia, naturaliter de medio tolli potuerunt ex felle Piscis prædicti, juxta sensum Naturalistarum, & Medicorum. Calmet has omnes refert opiniones ad *cap. 6. Tobie* concludens, unumquemque posse in suo sensu abundare.

12 Denique sæpe in *meis Animadversionibus* opposui relata a Schenckio in *suis Observationibus tit. de Oculis*, casu videlicet sæpe contigisse, ut nonnulli a multo tempore obcecati ex aliquo accidenti fuerint a cæcitate liberati, ut illi evenit, qui, vulnere in fronte accepto, visum jam a multo tempore amissum recuperavit, & alteri ex morbo Gallico oculis capto, qui, cùm ad eum Gallicum morbum depellendum sese inuncto ex Mercurio inunxisset, deperditum visum denuo adeptus est. Marcellus Donatus in *Historia naturali cap. 11. lib. 2.* narrat, quemdam vulneratum in occipitio statim visum amisisse, cùm ex forti ictu, & plaga nervi optici aut divulsi, aut e thalamis opticis fuissent disjuncti, & *libro ultimo cap. 3.* refert, quemdam Germanum octogenarium visu hebetiore laborantem, & in terram adactum ab equo velociter currente, fere exanimem in lapidem coniectum fuisse, ejusque frontem contractam, in cuius curatione visum recepit, vel obstructis meatibus, e quibus secernebatur humor visum obtundens, vel refferatis nervorum canaliculis, quos animales spiritus ante difficulter permeabant. Riform movet Bartholino

122 De Serv. Dei Beatif. et Beat. Canoniz.

centur. 3. *Epist. 67.* casus Monachi, qui, barbâ promissâ, acutè videbat, barbâ rasâ, cæcus fiebat. *Matta de Canonizatione Sanctorum part. 3. cap. 11. num. 7.* casum exponit suo tempore secutum cujusdam nobilis Juvenis, qui spatio quatuordecim annorum totali cæcitate laboravit, & absque ullo remedio ex improvîso potentiam visivam recuperavit.

13 Juris Periti a Postulatoribus acciti pro Miraculo astruendo Animadversionibus a Jure petitis satisfacere conati sunt: quod ipsum præstiterunt Physici, & Medici quò ad Animadversiones a Physica, & Medicina petitas, qui cæcitatì causam, & symptomata apprime considerant. Dominus Pascalus in *citata Dissertatione* agens de Gutta serena probavit, opticos nervos in ea affici, aut saltèm tunicam retiformem (quæ nihil aliud est, quàm opticoꝝ nervulorũ interioris explicatio) nervosque compressos, dummodo compressio firmior fuerit, vix temporis diuturnitate, & ope medicamentorum ad suum statum redigi posse, & firmiorem compressionem colligi posse ex præcedentibus corporis ægitudinibus, ex pravis defluxionibus humorum, quas Græci *catarrhos* vocant, ex febris præcedenti, ex diuturno capitis dolore; & quamvis levior sit Amaurosis, quæ sensim oboritur, quàm, quæ derepente fit, hanc tamen magna cum difficultate in senibus curari, juxta illud Sennerti *Prætic. lib. 1. part. 3. sect. 2. cap. 44.* ubi ita scribit: *Qua paulatim fit visus obscuratio, non admodum difficultè curationem recipit, nisi senibus accedat* & juxta illud Foresti *Observ. Medic. lib. 11. observ. 33. in Scholiis*, ubi ait: *Si paulatim bœbetudo, aut obscuratio fiat,*

non admodum difficultè curari poterit, nisi senibus accedat; & demum, cæcitatè, quæ in Amaurosi provenit ex optico leviter aut compressis, aut contractis, quemadmodum cicillimè inducitur, ita facillimè, & brevi temporis intervallo tolli, hujusque generis fuisse cæcitates illas, quas vel a natura, vel ab arte penès Scriptores curatas legimus, quas etiã aliquando aut præcessit, aut comitata est evacuatio.

14 Dominus Januarius Jannellius Medicus Urbis adhuc vivens, & famigeratus scripsit ad opportunitatè in *Causa Beati Vincentii de Paulo super primo*, quod proponebatur, *Miraculo subita sanationis ab omnimoda cæcitate*, super quo fuerant a tunc Fidei Promotore Animadversiones exaratz. Gravitate ille Amaurosis, seu Gutte Serenæ in sua *Scriptura* extulit tum propter adhesionem palpebrarum cum cornea, juxta illud Boneti *lib. 2. de Morbis Capitis cap. 33. de Palp. affectibus*, ubi inquit: *Curatur difficultè, si tota coaluit; nunquam serò, si cum cornea simul concrevit* = tum propter atrophiam, sive exsiccationem humorum, secundùm illud Hippocratis *lib. 1. de loc. in homin. vers. 37.* ubi juxta suum sistema sanguinis circulationem non cognoscens, postquam venas descripsit, quæ a cerebro veniente, ut ipse ait, fovent oculum, inquit: *Eadem vena etiã oculum extinguunt, ubi fuerint exsiccata*; advertendo, quòd nomine venarum juxta Prosperum Martianum Hippocrates intelligit nervos opticos, cum venarum inlatis perforati sint, et si ex Anatomicis Modernorum doctrinis non ita constet de Homine, sed tantùm de Simiis, & de Xyphia Pisce, aut juxta Cor-

no-

nelium Celsum intelligit tendines musculorum, qui oculorum motorii dicuntur, & quoddam nomine exsiccationis juxta eundem Martianum non intelligit, omnino exsiccari humores, sed obstructionem potius produci, & exsiccationem, quatenus humorum, spirituumque transitus impeditus est, ac si exsiccatio vera esset.

15 Occasione disputationis Miraculorum liberationis a cecitate actum aliquando fuit de Ophthalmia, quæ nihil aliud est, nisi inflammatio oculi, vel potius tunice adnatæ in oculo, cum tumore, & dolore, juxta unanimem consensum Practicorum apud Pancratium Brunonem in *Lexico Medico*. De dolore hæc habentur apud Carolum Musitanum in *Trutina Medico-Chimica* = *Dolor diu perseverans in Ophthalmia pessimum est indicium, materiam enim aut corrodentem, ac vehementer distendentem, aut suppurantem arguit. Periculum igitur est, ne, vel excessu, vel ruptis tunicis, atque cornu in primis exulcerata, cecitas sequatur, aut, quod mitius malum est, suffusio expectanda erit, crasso humore circa pupillam crescente*. Aliquando in Ophthalmia pannus in tunica adnata efficitur, qui a Zuingerro in *Theatr. Prax. Med.* creditur eadem tunica adnata incrassata. De Ophthalmia bina exstant *Suffragia* ad opportunitatem, uti dicitur, exarata in *Causa Sancti Agnetis de Monte Politano* a Domino Joanne Thomasio Medicinæ, & Philosophiæ Doctore adhuc vivente, Viro sanè docto, cui me multum debere profiteor, cum nonnullis ægritudinibus me afficientibus, dum eilem in Urbe, medicum auxilium felicissimè præstiterit, & in *Causa Beati Petri Forerii* a Domino Francisco Soldato. Thomasius pro a-

struendo Miraculo vim statuit in recuperatione visus instantanea, & in consolidatione tenuium membranarum, & pupillæ jam exulceratæ. Sol-datus Ophthalmiam cum panno vix curabilem censuit. Sed, cum ipse in *meis Animadversionibus* instantaneam, excluderem visus recuperationem, eandemque probaverim mancā, & mutilam, cum sanata visum in uno tantum oculo recuperaverit, & in hoc admodum imperfectè, bonæ memoriæ Joannes Maria Lancisius jussit, ut suum pro veritate exponeret sensum, *Dissertationem* exaravit super *nonnullis*, quæ proponebantur, *Beati Forerii Miraculis*, sed aliqua silentio præterit, inter quæ & illud, de quo nunc agitur, quod tacitè reprobavit, uti mihi per familiarem Epistolam significavit; idemque Lancisius suum proferens pro veritate *Suffragium in Causa Sancti Jacobi de Marchia*, in qua agebatur de liberatione a cecitate, postquam præmisit, cecitatis causam non fuisse invincibilem, cum hæc vel hominibus nascatur, vel superveniat ob defectum, aut discontinuationem in partibus oculorum visioni omnino necessariis, sed membranas, quamquam a pravis succis infarctas, integras tamen cum internis humoribus servatas fuisse, causas morbi examinavit, conclusitque, sanatum Ophthalmiā laborasse, addito panno, seu suffusione externa, a quibus morbis non potuit instantanè, nisi per Miraculum, sanari, & eò fortius, nullā criticā naturæ motionem interveniente in actu sanationis, vel ante illam, nulloque a præcedentibus medicamentis habito subsidio.

16 In *Causa Sancti Andrea Avelini* bonæ memoriæ Paulus Manfredus celebris, dum viveret, Romæ Me-

dicus scribens *super septimo*; quod proponebatur, *Miraculo sanationis instantanea oculi corrossi, & consumpti a variolis* plura ex Sennerto, ex Hieronymo Mercuriali, & Avicenna deduxit, ut ostenderet lætionem oculorum, & cæcitatem ex variolis provenientem. Addidit in sua *Scriptura*, quòd in casu, de quo agebatur, non modò aqueus, sed etiam crystallinus, & vitreus humores effluerant, & quòd, licet aqueus, uti supra dictum est, beneficio temporis regenerari possit, id tamen contingere nequit in cæteris humoribus, nisi per absolutam Dei potentiam, ut innuit Thomas Bartholinus lib. 3. *Anatom. reform. cap. 8.* qui loquens de humore aqueo hæc protulit: *Hic humor non est pars animata, sed tantùm excrementum esse videtur ex nutritione crystallini, nam & in morbis abscuruit, & in vulneribus oculorum deperditur restituitur. Reliqui duo humores partes sunt animata, cum habeant propriam circumscriptionem, nutriantur sanguine per proprias venas adducto, deperditi non resarciuntur.* Sequitur Stalpartius in *Observationibus* pag. 75. ubi, postquam ostendit, aqueum humorem regenerari posse, & etiam fortè crystallinum, experimento ducto e Gallina, a cuius oculo integer humor crystallinus expressus est, & in cuius oculo læso, post octo hebdomadas capite eidem amputato, renatus inventus est humor crystallinus, concludit, id in Homine fieri non posse. Legi potest *eruditissima Epistola* Domini Joseph Pozzi Jacobi filii, egregii Professoris Bononiensis, & Academiæ Scientiarum Instituti Sodalis, cui me multùm debere profiteor, cum multa ex colloquiis cum eo familiariter habitis pro hac illustranda Miraculorum materia

hauserim, *Epistola*, inquam, *Bononia edita anno 1732.* post duas eloquentissimas, quas, omnibus admirantibus, habuit Orationes in publico Archigymnasio, in quo secundà vice, Anatonem publicè explicavit. Inscripta est Epistola Petro Paulo Mulinelli egregio Bononiz Professori tunc Parisiis degenti, in qua adversùs Thomam Bartholinum docentem, in animalibus volatilibus omnibus aqueum, crystallinum, & vitreum oculorum humorem per vim extractum facilè reparari, experientiis a se præmissis ostendit, id non omnibus animalibus volatilibus esse commune. Sed ad rem nostram redeundo. Angelus Victorius, Bernardinus Castellanus, Thomas Grossius, aliique Medici antiqui in *Causa Sancti Aloysii Gonzagæ* uti Miraculum maximum approbarunt visus recuperationem intercessionem Beati Aloysii Gonzagæ secutam in quodam Bernardino Philetto cæco ex morbo variolarum post annum cum dimidio in cæcitæte transactum.

17 Plura autem ex his, quæ hucusque dicta sunt, colligi possunt: primum, quòd, quando agitur de liberatione a cæcitæte, cæcitas ipsa concludentibus probationibus sit confirmanda, & an a nativitate, vel post supervenerit: secundum, quòd non desint probationes temporis, quo cæcitas duravit: tertium, quòd concludentibus etiam probationibus recuperatio visus ponatur in claris, & quidem cum continuatione, necnon qualitate perfectæ recuperationis: quartum, quòd a Physicis, & Peritis statuatur causa cæcitatæ sive a nativitate, sive postmodum subsecutæ: quintum, an aliqua adfuerit causa naturalis, hoc est, an apta medicamenta fuerint exhibita, an opportunè crisis interces-

ferit, quibus citra Miraculum recuperatio visus adscribi possit: ultimum, an recuperatio visus secuta sit in instanti: quod tamen intelligendum est, non in casu, in quo agatur de Czco nato, qui habeat impedimentum in visus organo, aut de aliis Czcis factis, quibus superveniat defectus, aut discontinuatio in partibus oculorum visioni omnino necessariis, sed in casu, in quo agatur de cecitate sive a natiuitate, sive postmodum subsecuta, quæ tamen ope medicamentorum, aut alius causæ naturalis removeri potuisset; prima quippe sanatio ad Miraculum secundi generis, & reliquæ ad Miraculum tertii generis pertinent, & ex alibi dictis subita, & instantanea sanatio requiritur, non in Miraculis secundi, sed tertii generis. Sacrorum Rituum Congregatio per hanc semitam processit in Causa Sancti Jacobi de Marchia, in qua sanationem instantaneam Nicolai Gambacurtæ admisit tamquam Miraculum tertii generis, juxta Suffragium Sinibaldi, & Lancisii, uti colligitur ex Decreto edito die 29. Januarii anno 1726. quod fuit confirmatum a sanctæ memoriæ Benedicto XIII. die 2. Februarii ejusdem anni, & in Causa Beati Vincentii a Paulo, in qua pariter inter Miracula tertii generis recensuit subitam sanationem Claudii Josephi Compoin a cecitate, juxta Suffragium Januarii Jannellii, quemadmodum desumitur ex Decreto edito die 12. Julii anno 1729. confirmato a sanctæ memoriæ Benedicto XIII. die 14. ejusdem mensis, & anni. Hæ sunt sanationes a cecitate, quæ fuerunt tamquam Miracula tertii generis approbatæ in Causis, in quibus scripsi uti Fidei Promotor. Aliæ, quæ fuerunt propositæ in Causa Sanctæ Agnetis, & Beati Petri Forerii,

quibus addi potest alia etiam proposita in Causa Beatæ Hyacinthæ de Marefcortis, & alia in Causa Beati Joannis Francisci Regis, in quibus etiam scripsi uti Fidei Promotor, fuerunt rejectæ ut plurimum ex defectu probationum quod ad instantaneitatem, & quod ad perfectam visus recuperationem, de quarum pondere probationum Medici, qui scripserunt, solliciti esse non poterant; supposito quippe facto a Postulatoribus exposito, judicium ferre debent, an sanatio fuerit naturalis, vel miraculosa. Ipsorum tamen esse debet sedulo animadvertere, an ex Testibus, & præsertim ex Peritis, qui infirmum curarunt, causâ cecitatis deprehendi possit; si etenim deprehendi non potest, inutilis futurus erit ipsorum labor, quem, scribendo, pro Miraculo assumunt: quocirca Joannes Maria Lancisius scribens pro veritate super nonnullis cecitatibus, quarum sanationes tamquam miraculose proponebantur in Causa Beati Joannis Francisci Regis, inquit: *Referant igitur Postulatores, quibus ex causis profecta fuerint in his Feminis cecitates, ut Medicum agere possint, non vatem.*

18 Adversus ea, quæ in superioribus dicta sunt de subita visus restitutione, opponi posse videtur exemplum Czci a Christo sanati, de quo in *Evangelio Sancti Marci cap. 8.* ubi, cum Czcum ad eum adduxissent, ipse exspuit in oculos ejus, & interrogavit, si quid videret, qui respondens ait: *Videō homines velut arbores ambulantes*; impositaque iterum manu super oculos ejus, *cæcis videre, & restitutus est, ita ut clarè videret omnia.* Prætermisso autem, quod una, eademque fuit, moraliter loquendo, actio Christi Domini, qui e loco, in quem ad eum

Cæ.

126 De Serv. Dei Beatif. et Beat. Canoniz.

Cæcus adductus est, non discessit, antequam perfectam contulerit sanitatem, actio Christi Domini fuit plena mysterio, ita ut ab ea illatio desumi non possit ad excludendam instantaneitatem a cæteris, quæ proponuntur tamquam miraculose, liberationibus a cæcitate. Mysterium exponit Euthymius: *Primo Cæcum hunc im-*

perfectè curavit, utpote imperfectè credentem, ut, qui parùm adhuc respiciebat, per modicum aspectum crederes perfectiùs, ac sanaretur perfectiùs; sapiens enim erat Medicus = & mox = Augmentum Fidei augmentum promeruit sanitatis; & latè ad dictum cap. 8. Marci prosequuntur Cornelius a Lapide, Natalis Alexander, Calmet.

CAPUT DECIMUM.

De concessis, aut restitutis loquela Mutis, & auditu Surdis per Miraculum.



Ost visum Cæcis a Christo Jesu concessum Sanctus Matthæus in Evangelio cap. 9. narrat, ei oblatum fuisse Hominem mutum ha-

bentem Dæmonium, & , ejectione Dæmonio, Mutum locutum esse, stupentibus omnibus: *Eccc obtulerunt ei Hominem mutum Dæmonium habentem; & , ejectione Dæmonio, locutus est Mutus, & mirata sunt turba dicentes = Numquid apparuit sic in Israël? = & cap. 12. refert, Cæcum, & Mutum, qui pariter Dæmonium habebat, fuisse a Christo sanatum, & vidisse, & locutum fuisse: Tunc oblatus est ei Dæmonium habens Cæcus, & Mutus; & curavit eum, ita ut videret, & loqueretur & stupabant omnes turba, & dicebant = Numquid hic est Filius David? = Sanctus Marcus in Evangelio cap. 7. hæc habet: *Et adducunt ei Surdum, & Mutum, &**

deprecabantur eum; ut imponat illi manum. Post hæc subdit, Christum Dominum misisse digitos suos in aurículas ejus, & expuendo tetigisse linguam ejus: Et statim aperta sunt aures ejus, & solutum est vinculum lingua ejus, & loquebatur rectè; & præcepit illis, ne cui dicerent. Quamò autem eis præcipiebas, tantò magis plùs predicabant, & ed ampliùs admirabantur dicentes = Bend omnia fecit, & Surdos fecit audire, & Mutos loqui = Sanctus Lucas in Evangelio cap. 1. exponit, Angelum Zachariæ verbis suis fidem non præstanti dixisse = Et ecce eris taceas, & non poteris loqui usque in diem, quo hæc fiant, pro eo quod non credidisti verbis meis, quæ implebantur tempore suo = & , dum quæreretur, quomodo vocandus esset Puer postmodum natus ex ipso, & ex Elisabeth, Zachariam, accepto pugnari, scripsisse = Joannes est nomen ejus = & tunc, stupentibus omnibus, usum loquendi ei fuisse restitutum = Apertum est autem illi-

illico os ejus, & lingua ejus, & loquebatur benedicens Deum; & factus est timor super omnes vicinos eorum, & super omnia montana Judæe divulgabantur omnia verba hæc = & in eodem Evangelio cap. 11. hæc habentur: *Et erat eiciens Daemonium, & illud erat mutum; & cum eiecisset Daemonium, locutus est Mutus, & admirata sunt turba: atque adeo tam per ea, quæ in præcedenti Capite dicta sunt, quam per ea, quæ in hoc exponuntur, impletum est oraculum Iſaiæ dicentis cap. 35. de Christo: Tunc aperientur oculi Cæcorum, & auris Surdorum patebunt, & aperta erit lingua Mutorum.*

2 De Muto a Christo Domino sanato, de quo Matthæi cap. 9. quæritur, an etiam esset Surdus, & an esset Mutus, & Surdus a nativitate, & an hic idem sit ille, de quo in Evangelio Lucæ cap. 11. Mutum autem, & Surdum fuisse, sed non a nativitate, receptor opinio est, & magis consona Textui Evangelico, cum Dæmon eum fecisset Surdum, & Mutum, impediendo usum linguæ, & aurium, quemadmodum benè ponderat Cornelius a Lapide *ad dictum cap. 9. vers. 33.* Addit Natalis Alexander *num. 23.* Græcam vocem significare Mutum, & Surdum; & Calmet. *num. 32.* testatur, receptiorem esse inter Sacros Interpretes sententiam, quod Mutus, de quo hic loquitur Sanctus Matthæus, non sit ille, de quo loquitur Sanctus Lucas. De altero Sanato, de quo Sanctus Matthæus cap. 12. benè inquit Sanctus Hieronymus: *Tria simul in uno Homine perpetrata sunt: Cæcus videt, Mutus loquitur, posseditur a Dæmone liberatur.* Abulensis, & Barradius volunt, hunc non fuisse a nativitate, aut a morbo Cæcum, aut Mutum, sed a Dæmone eum possidente fuisse ocu-

lorum, & aurium usu privatum. De Sanato a Christo Domino, de quo Marci cap. 7. Interpretes annotarunt, eum non fuisse Mutum, & Surdum a nativitate; si enim naturâ Surdus fuisset, ac Mutus, nec sublato quidem linguæ impedimento loqui potuisset, nisi prius didicisset. Addunt, eum non fuisse Mutum, & Surdum ex Dæmonis obsessione, cum Evangelista de ea non loquatur, & sic ex naturæ infirmitate in surditatem, & linguæ impedimentum incidisse. Disputatur quoque, an esset mutus, vel balbutiens, cum enim Evangelista dicat = & loquebatur rectè = id est expeditè, hinc inferri posse videtur, ab eo antecederet aliquem usum loquelæ habitum fuisse, uti videri potest apud Cornelium a Lapide *ad dictum cap. 7. Sancti Marci vers. 32.* Adhærendum autem esse videtur asserentibus, ipsum verè fuisse Mutum, & Surdum, cum id congruat litteræ Evangelii, quemadmodum quoque benè annotavit Calmet *ad citatum locum vers. 32.* Zacharias, de quo in Evangelio Sancti Lucæ cap. 1. nascentem incredulitatis, & diffidentię motum non statim repressit, uti fecit Abraham, cujus mentem cogitatio non abſimilis subiit, cum Deus illi Filium promissit: *Putasne centenarius nasceretur Filius, & Sara nonagenaria pariet?* Zacharias enim signum petiit, & ad suam, Uxorisque propectam ætatem oculos mentis intendens ad potentiam Dei promittentis non respexit. Non sic autem se gessit Abraham, qui contra spem in spem credidit, & in promissione Dei non hæsitavit diffidentia, quod ei reputatum est ad iustitiam, uti legitur *ad Romanos 4.* Adeoque Zacharias in pœnam diffidentię ad tempus mutus factus est, nec tantum vocis,

cis, sed etiam auditus usum amisit, ut inquit Theophilactus: *Merito autem hac duo passus est, quid & non audires, & non loqueretur, quia enim non obedierat, condemnatur, ut surdus sit, & quia contradixerat, ut sileat; nec aliter res esse potuit, cum Amici, & Cognati ejus ipsum nutibus alloquerentur: Inveniebant autem Patri ejus, quem vellet vocari eum; ad huc verba Sanctus Ambrosius lib. 1. in Lucam num. 32. subdit: Zacharias nutu interrogatur, quia incredulitas ei affatum eripuerat, & auditum. De Muto autem, de quo idem Sanctus Lucas in Evangelio cap. 11. nihil est, quod annotetur.*

3 Similia Miracula liberationis Mutorum, & Surdorum, vel aut Mutorum, aut Surdorum, & Mutorum, & Surdorum a nativitate, vel etiam ex infortunio, casu, aut infirmitate leguntur in Bullis Canonizationum Sanctorum Chunequendis, Valsani Episcopi, Villbelmi Congregationis Sancti Victoris Parisiensis Canonici, Laurentii Dublinensis Archiepiscopi, Dominici, Eadmundi, Villbelmi Briocensis Episcopi, Petri Martyris, Stanislai Cracoviensis Episcopi, Clara de Assiso, Ludovici Francorum Regis, Ludovici Tolosatis Episcopi, Thome de Aquino, Birgitta, Francisca de Paula, Didaci, Petri de Alcantara, Isidori, Joannis de Capistrano, & in Relationibus videlicet *Causa Servi Dei Hieronymi Emiliani, Beati Gregorii X. Sanctorum Petri de Alcantara, Andrea Corsini, Tascbalis a Baylon, Jacobi de Marcbia.*

4 Ut reliqua prætereamus, quæ facile cumulari possent, apud Bollandum ad diem 13. Januarii in *Actis Sancti Petri Martyris* legitur, Imperatorem jussisse, ut ei lingua amputaretur, & oculi eruerentur, ipsumque, incisâ

linguâ, Psalmos cecinisse, & Imperatorem confusum nil ampliùs invenisse, quod ei faceret mali. Apud Eusebium Cæsariensem lib. 2. de *Resurrectione* editionis Sirmundi Judex præcepit, linguam incidi Sancto Romano, quæ Deum confessus fuerat: *Lingua incisa est, sicut quæ Martyr rectè locutus est, quàm priùs dicitur, quia Beatus iste Romanus, dum adhuc carneam habebat linguam, similia Moysi loquebatur, hoc est, balbutiens, & non composuit loquens. Dum adhuc haberet totam linguam, & non posset composuit loqui, erat balbus. Qui autem carcerem ingrediebatur, Custos carceris interrogavit eum, quod ei esset nomen, & certa littera jam his, qui valde composuit rectè loquuntur, impedit ad loquendum. Nunc autem Romanus & incisa linguâ, quàm cum haberet & rectè loqui non poterat, spiritus lingua loquitur, & valde rectissime, & dicit: Romanus dicor. Iterum nuntiatur hoc Judici, & Tyranno presenti. Iterum, qui inciderat, Medicus constituitur in timore. Etiam (inquit) iste adhuc Christianus est, ut Fratri parens contempsit præceptum. Forè autem ille cupiens post incisionem lingua non superesse Martyrem & majori mensurâ incidit ad intersectionem potius, quàm ad præcisionem. Tandem comprehensus Medicus ducebatur ad Judicem, & negotium habebat, cur loqueretur is, cui incisa fuerat lingua. Non enim semel locutus tacuit, sed conferebat cum aliis de Cruce, & victoria Christi, & hoc multis mensibus in carcere constitutus. De hoc Miraculo tota est Oratio 43. Sancti Joannis Chrysostomi, & memoratur etiam in Oratione 48. Victor Uticensis lib. 3. de Persecutione Vandalica Scriptor coëptaneus tellis est, quod nonnulli Sancti Martyres, quibus lingua in ea persecutione fuerat excisa, prompè loquebantur: Si quis incre-*

du-

dulus esse voluerit, pergat nunc Constantinopolim, & ibi reperiet unum de illis, Subdiaconum Reparatum, sermones politos sine ulla offensione loquentem. Ob quam causam venerabilis niniū in Palatio Zenonis Imperatoris habetur, & precipue Regina mirā cum reverentia veneratur. Justinianus Imperator in Codice tit. de Offic. Praef. Prætoris Africæ inquit, se vidisse Venerabiles Viros, qui, abscessis radicitus linguis, penas miserabiliter loquebantur. Nonnulli alii, quibus Honoricius Vandalorum Rex linguas radicitus præcederat, loquelam tamen integram habuerunt, præter duos, qui, cum se scortis commiscuissent, loqui amplius non potuerunt. Alia exempla habentur apud Rejes quest. 55. num. 12. apud Petrum a Caltro de loquela Mutis, & auditu Surdis reddito observat. 35. pag. 103. inter Miscellanea curiosa Medico-Physicæ Germanicæ Academiæ decur. 1. anni 1670. apud Jacobum Rolandum de Beled in Descriptione oris sine lingua loquentis pag. 507. inter eadem Miscellanea anni 1672. Apud Anastasium, seu quemvis alium Authorem de Vitis Romanorum Pontificum describitur ingens facinus adversus S. Pontificem Leonem III. Paschalis enim Primicerius, & Campus Sacellarius Ecclesiæ Romanæ aggressi Sacerdotem Leonem solemnī ritu Litanias Majores cum universo Clero, & Populo celebrantem, nefariis hominibus stipati, multis pla-

gis affecerunt, oculos ei eruerunt, linguam præciderunt, & semivivum in custodiam detruserunt: sed, cum indè noctu ad arctiorem custodiam ductus esset, eadem nocte per intercessionem Sanctorum Apostolorum Petri, & Pauli visum recepit, & lingua ei restituta est: cumque quorundam suorum industria clam in Vaticanum abductus esset, a Spoletino Duce, qui repente cum Exercitu advenit, ductus Spoletum, post nonnullos dies ad Carolum Magnum Francorum Regem properavit. Sancti Leonis III. & Miraculi sit commemoratio in Martyrologio Romano ad diem 12. Junii = Roma in Basilica Vaticana Sancti Leonis Papa III. cui erutos ab impiis oculos, & præcisam linguam Deus mirabiliter restituit. Nonnulli recentiores de hujus Miraculi veritate dubitant. Fleury in Histor. Eccles. lib. 45. ad annum 799. rem sic exponit, quod videlicet tamquam Miraculum habitum fuerit, quod, non obstantibus conatibus pro lingua præcidenda, & oculis eruendis, usum retinuerit linguæ, & oculorum. At Pagi Junior in Breviario Romanorum Pontificum tom. 2. in Vita Leonis III. invictis ostendit argumentis, rem se habuisse, uti ab Anastasio narratur & certè Alcuinus Caroli Magni Præceptor in Carmine de Leonis professione ad Carolum apertissimè suffragatur:

Verbera commemorans extinctum lumine vultum

Narrat, & abscessam liquido de gutture linguam;

Nunc, medicante Deo, sanatum & ab omnibus istis

Esse malis &c.

& infra:

Exquiris Carolus casus, auditque laborum

Diverfos: sceleris populi impia facta stupefcit;

Miratur geminas jamdudum luce fenestras

Extinctas: & nunc reparatum lumine vultum,

Truncatamque loqui miratur forcipe linguam.

Alter in alterius configunt lumina vultus.

Post hæc superest, ut aliqua referantur ex Phylis, & Medicis defumpta. In Scholiis ad cit. observ. 35. Petri a Castro de loquela Mutis, & auditu Surdis reddito pag. 99. Operis citati Scholiastes notat, plerumque Mutos a nativitate Surdos esse vel ob conjunctionem nervi septimæ conjugationis, cujus furculus major ad autem, minor ad linguam, & laryngem excutere solet, vel quia, licet Surdi voce non careant, nec oris, linguzque motu, defectus tamen articulationi sermonis exinde oritur, quod ob offensam auditus organa, quemadmodum alios loquentes non audiunt, ita nec ordinariam sonorum humanorum specificationem, juxta normam loquendi consuetam, linguz, vocisque suæ motibus exprimere possunt. Subscribunt Conimbricenses de Anima in Problemate de auditu sect. 2. num. 6. & adhæret Rejes quæst. 55. num. 25. Adamus quidem sine exercitio, sine Magistro perfectè locutus est; sed ille in perfectione creatus, cæteri imperfecti nascuntur ætate perficiendi. Putarunt nonnulli, sermonem quemdam hominibus innatum esse, & hunc esse hebraicum, ita ut, si quis ab infantia nullum omnino doceretur sermonem, hebraicè loqueretur; quos redarguit Valesius de Sacra Philosophia cap. 3. pag. 76. & ad-

hæret Jacobus Rolandus in citata Descriptione oris sine lingua loquentis pag. 309. Operis citati. Plammeticum, vel, ut alii volunt, Boccorim Ægypti Regem Herodotus lib. 2. cap. 2. testatur duos recens natos infantes alendos commisisse Paltori, & mandavisse, ut alterum ab altero seorsum haberet, & numquam coram illis loqueretur, & ab hominum consortio teneret segregatos, eosque, cum loqui pro ætate valuerunt, ingeminalle, identidem Bæcor, quæ vox apud Phryges panem significat, Regemque ex hoc deduxisse, naturalem linguam hominum esse Phrygiam. Experientia hæc autem a plerisque irridetur, qui bene advertunt, ex Caprarum mutitu, cum nihil aliud Pueri audivissent, vocem prædictam didicisse; quod etiam aliis experienciis confirmarunt, cum Pueri similiter educati articulatè locuti non sint, & cæteri Parentum incuria derelicti in infantia, & usque ad adolescentiam inter pecudes enutriti, a Venatoribus postea capti, nihil, nisi balare, noverint, quemadmodum videri potest apud Rejes cit. quæst. 55. num. 25. & apud Calmet in sua Dissertatione de Lingua primitiva.

6 Quod dictum est de Mutis a nativitate, qui etiam Surdi sunt, perpetuum non est, teste Scholiaste Petri a Castro in loco citato, qui ex Do-

Dominico Panarola observat, Puerum aliquando fuisse agentem duodecimum annum a nativitate Mutum, non Surdum, ita ut a tergo interrogatus faciem volveret; quod contigisse dicitur ob solam lésionem nervorum vocalium, vel ob fatuitatem, ob quam nihil didicit. Alia mirabiliora ab iisdem Physicis, & Medicis traduntur, de loquentibus videlicet naturaliter sine lingua: citatus enim Scholiasies Petri a Castro in *Opere citato pag. 103.* refert, Salmuri in Gallia quemdam ex variolis exspuiffe linguam totam, nec tamen loquendi promptitudinem amisisse, & exactè quidem aliqua litterarum elementa proferre nescivisse, sed meliùs illas litteras protulisse, quæ sine linguae allisu enuntiantur, vel e gutturis motu componuntur, vel a labiis eduntur; propter quem casum Jacobus Rolandus integrum supra citatum edidit *Traclatum de Descriptione oris sine lingua loquentis*, ubi, postquam descripsit, a prædicto Puero amissam fuisse linguam totam corruptam, & putrefactam, ut nihil prorsus in bucca remaneret, subdit, cum omnes obiiisse functiones, quæ huic parti tribuuntur, ut sunt loqui, screeare, gustare, cibos benè manios volutare, & eisdem denique deglutire. Meminit hujus ejusdem catus Guillelmus Deerham in *Demonstratione de Effentia, & Attributis Dei cap. 7. pag. 131.* Huc referri possent, quæ narrantur de ventriloquis, hoc est de iis, qui loqui e ventre videntur. De Petro quodam Brabantio narratur, quòd, quoties volebat, toties ex ima corporis parte, ore quidem aperto, sed labiis immotis, loquebatur. At, præscindendo ab opere Dæmonis, qui, uti impurum, & impudicum spiritum

decet, per loca impura, & pudenda aliquando in hominibus locutus est, de quo apud Nieremberg. in *Historia Naturæ lib. 8. cap. 20.* Scholiasies Petri a Castro in *Opere citato pag. 104.* docet, eos, qui sic loquuntur, peculiari quadam arte spiritum intus atrahere, quo fit, ut voces videantur non ab ipsis edi, sed ab alio intrà ipsos latente: & Jacobus Rolandus in *Opere quoque citato pag. 58.* testatur, se a celebri Anatomico audivisse, dum de duplicatura Mediaſtini ageret, membranam istam duplicem naturaliter unitam in duas partes dividi, & tunc loquelam quasi ex pectore procedere, & circumstantes credere, cum non ore loqui, sed pectore; cujus verò explanationis ratio non tanti facienda est, ut, ei omnino standum esse, judicemus.

7 Antonius Maria Valsálva Imolenſis, Philosophiæ, & Medicinæ Doctor in hac nostra Bononiensi Universitate, in suo studiosissimo *Traclatu de Aure humana cap. 1. num. 13.* observat, in foetu, atque etiam in infante recenter nato Meatus auditorii parietes, maxime circà Concham, ad invicem ita accedere, ut Meatus principium ferè ex toto claudatur, & tunc hujus parietes a substantia crassa, & subalbida testos conspici, quæ ulterius ad tympani membranam extensa aliam ibidem membranam componere videtur; ac, si talis membrana non decidat, immo firmior evadat, surditatis a nativitate speciem induci, quæ difficulter quidem, sed a bono Chirurgo, & Anatomico sanari poterit. De Mutis a nativitate hoc ipsum testatur Petrus a Castro in *allegat. observ. 35. Operis citati pag. 97.* ubi ita loquitur: *Modus, cum quo possunt a nativitate Muti curari, miraculosus est, non im-*

132 *De Serv. Dei Beatif. et Beat. Canoniz.*

possibilis tamen ingenio humano; & pag. 98. testatur, se industriâ, dexteritate, & patientiâ in Oppido Verganz Cantabrigiæ Puerum a nativitate Mutum, & Surdum intra, duos menses ad perfectam vocem restituisse. Remedia exprimit a se adhibita: & Mercurialis quidem contendit, arte fieri posse, ut Mutus, & Surdus discant loqui, & audire, uti videri potest apud Scholiasten prædicti Petri a Castro pag. 100. Vallesius in sua *Philosophia Sacra* cap. 3. pag. 78. testatur, se fuisse amicum cujusdam Petri Pontii Monachi Sancti Benedicti, qui natos Surdos docebat loqui: quod Zacchias *Quest. Medico-Legal.* lib. 4. tit. 1. *quest.* 8. num. 32. contendit admitti non posse in Mutis, & Surdis, qui hisce morbis laborant ob naturale vitium nervorum.

8 Demum exempla non deficiunt ab iisdem Physiis, & Medicis relata de Mutis, & Surdis loquelam, & auditum naturaliter recipientibus. Schenckius *Observat. Medicinal.* lib. 1. de *Lingua* tit. de *Sermone*, & *Voce* pag. 207. narrat, & Maximilianum Friderici III. Imperatoris Filium usque ad notum ætatis suæ annum prorsus elinguem, & mutum fuisse, sed tamen beneficio naturæ non solum sermonem obtinuisse, verum etiam fuisse eloquentissimum, consumptâ progressu ætatis largâ humiditate, quæ prædictos causaverat defectus; item, Puerum Raguzum, qui usque ad duodecimum annum habitus fuerat pro mutus, indito laqueo ad nucham, quo capitis humiditates superflux apprimè extinctæ sunt, loqui cœpisse; & pag. 210. ex Herodoto affert illud Filii Cræsi, qui affectus impedimento linguæ, ac vocis proferendæ vocalis evasit, & per omne vitæ tempus expedite locutus

est, adeptâ loquelâ, cum vidit Persam in Cræsum Patrem irruentem. Stalpartius in suis *Observationibus observat.* 5. casum exponit cujusdam Rustici per biennium surdi, & per quatuordecim annos muti, qui non sine auxilio Dei auditum, & vocem recuperavit; & in *Notis ad dictam observationem* pag. 41. facta conglomerat nonnullorum, qui ex improvviso, & vehementi animi motu ex mutis loquentes facti sunt, ex quo fortasse sanguis, vel pituita concreta, atque aut radici linguæ, aut musculis, aut tracheæ impacta, & vicinis nervos comprimens ad motum illum excandescentis animi in motum, libertatemque posita impeditam restituerit loquelam, & vocem; necnon quorundam aliorum, qui infantes muti fuerunt, & postea distinctè locuti sunt. *Inter Miscellanea Curiosa Medico-Physicæ Germanicæ.* detur. 2. anni 1684. pag. 117. exstat *observatio* 41. Michaelis Bernardi Valentini narrantis, Mulierem Giesensem per aliquot annos mutam, ut ne verbum quidem proferre valeret, dum in Aïde Sacra parata erat Exomologesis gratiâ chartam tradere Confessario, in qua sua peccata scripta erant, Confessionem ore tenus, & ad verbum articulatim recitalse, & aliquo temporis spatio perfectè loqui potuisse, ad instar ejus Muti, cujus occasione Author scripsit, qui horâ tantum primâ pomeridianâ loqui poterat; idemque Author sermonem habens de casu exposito Mulieris hæc habet: *Divini quid subesse, credere plures quod si tamen naturaliter id eveniret, desiderio ejusmodi devoto, & sermone tribuere mallet, quod spiritus animales qui quadam ad determinare valet, ut, diffractis silentii repagulis, quâ data porta, ruant, partesque loquela destinatas ad tempus move-*

vere

vere possint; item in eisdem curiosis Miscellaneis decur. 3. anno septimo, & octavo pag. 337. observ. 203. Textor quidam septuagenarius ab antiqua surditate, auris sinistra liberatus est, subsecutâ paralyâ lateris dextræ, translatâ videlicet ad aliam partem materiâ, quæ nervum obstruebat; & Guillhelmus Ader in Enarrationibus Evangelicis enarrat. 7. notat, aliquem aliquando mutum esse ex cicatrice a malè curato frenuli ulcere sub lingua, & hanc agitudinem in pueris, utpote recentem, excisione sub lingua cum scalpello a Chirurgiæ Peritis curari, secus autem in viris, aut ætate confectis, cùm membranz, & ligamenta, quæ linguam devinciunt, & alligant, duriora facta, & exsiccata, curationem respuant, & graves inde hemorrhagiæ ob inevitabilem rinarum sectionem subsequantur, quæ sisti nequeunt; & in Opere, cui titulus est SAGGIO DELLE TRANSAZIONI FILOSOFICHE DALL' ANNO 1700. AL 1720. = tom. 3. Editionis Neapolitana anni 1731. fol. 94. exponitur sanatio Mulieris mutæ, & surdæ a nativitate, quæ anno decimo septimo ætatis suæ loqui cœpit, & audire post febrem, qua laboravit.

9 Zacchias in suis Quest. Medico-Legal. lib. 4. tit. 1. quæst. 8. num. 52. Mutorum, & Surdorum sanationem equiparat restitutioni visus factæ Cæcis. En ejus verba: Porro non minorem admirationem continet Mutorum, & Surdorum sanatio, præsertim, si a natura tales existant, & multò magis, si Muti simul, & Surdi fuerint, quàm Cæcorum, qui a nativitate non vident: unde ob Miraculi paritatem in Sacris hæc simul conjunguntur, & futura prædicantur ab Isaia cap. 35. = Deus ipse

(inquit) veniet, & salvabit nos. Tunc aperientur oculi Cæcorum, & aures Surdorum patebunt, tunc saliet, sicut Cervus, Claudus, & aperta erit lingua Mutorum &c. = Ubi enim impedimentum tam loquendi, quàm audiendi in naturali nervorum defectu consistat, nullo modo fieri potest, ut quis humanâ arte, adjutus vel loqui, vel audire ullo tempore possit, sed hoc absolute requirit Potentiam Divinam, ut sensus etiam Mercur. lib. 2. de Morbis Tuerorum cap. 8. qui id ipsum latius patere vult, & locum habere in quibuscumque, qui Muti simul, & Surdi a nativitate existant. Quocirca, cùm res est de recuperantibus usum loquelæ, & auditus, ponderanda sunt, proportionem servatâ, omnia, quæ in superioribus dicta sunt, cùm agebatur de liberatione a cæcitate. Afferri ergo debent concludentes probationes de præcedenti infirmitate, & de perfecta recuperatione sanitatis unâ cum continuatione. Rursus perpendendum est, an Sanatus fuerit tantùm Surdus, & non Mutus, vel Mutus, & non Surdus, atque an hi defectus fuerint a nativitate, vel ex post supervenerint. Physici quoque causam infirmitatis, aut infirmitatum investigabunt, & an aliqua causa naturalis, uti supra dictum est, adfuerit, ad quam sanitas referri possit, sive sermo sit de infirmitate a nativitate, sive de infirmitate, seu defectu, qui supervenerit: & in eo, quod attinet ad subitam sanationem, sive instantaneitatem, id erit maximè investigandum, an infirmitas provenierit a mala organorum conformatione, si enim ex hac causa processerit, Miraculum erit secundi generis, in quo ex alibi dictis non est de subita sanatione curandum; secus autem, si mor-

morbus ex aliis impedimentis originem habuisset, cum tunc sanatio ad tertium genus Miraculorum esset referenda: Addit Zacchias *loc. cit.* morbum debere esse gravem, ut liberatio ab eo sit adscribenda Miraculo; hinc infert, quod, si aliquis laboraret hzitantia quadam in loquendo, & deinde expedite loqueretur, id tamquam Miraculum haberi non posset. Addit Guillelmus Ader in *Enarrationibus de Morbis Evangelicis enarrat.* 7. in his infirmitatibus sanatis, ut ratio Miraculi statuatur, videndum esse, an post sanationem alii morbi supervenerint, cum aliquando paralyfis, aut convulsio, aut metastasis possint contingere. *In Causa Sancti Stanislai Noviti Societatis Jesu*, cujus Miracula fuerunt discussa, & approbata tempore, quoungebar munere Fidei Promotoris, inter cetera Miracula propositum fuit illud instantaneae sanationis cujusdam Fœminæ a surditate, quam contraxerat, dum erat in ætate trium annorum, lapillo ex levitate puerili in sinistram auriculam ingesto, & quem post lapsum annorum viginti septem eiecit, invocato Beato Stanislao, quem nunquam ejicere potuerat, licet Medici, & Chirurgi peritissimi miris ad eam rem tactis instrumentis ejicere tentassent. At factum hoc non fuit approbatum tamquam Miraculum, opponente videlicet suo tempore Prospero Bottinio Archiepiscopo Myrensi olim Fidei Promotore, quod Miraculum constitui non posset in restitutione auditus, cum surditas processisset ex impedimento merè accidentali organum lzdente, quo sublato, pericula sanatio fieri naturaliter debuit, & quod pariter ratio Miraculi con-

stitui non poterat in remotione impedimenti per expulsionem lapilli, cum ex instrumentis chirurgicis adhibitis, vel beneficio ætatis auriculæ foramen fortè dilatum fuerit, ut naturaliter lapis exierit. Dum quoqueungebar munere Fidei Promotoris, inter cetera Miracula proposita *pro Beatificatione Servi Dei Vincentii a Paulo* propositum fuit illud subitæ largitionis loquelæ, & virium cuidam Puellæ oſtœnni a nativitate mutæ, & ad motum artuum infernorum omnino impotenti. Opposui exempla eorum, qui naturaliter ab impedimento loquelæ liberati fuerunt, & facti sunt vocales. A Postulatoribus autem responsum fuit, multa miranda scripta esse, quæ tamen ad credendum nullius fidem astringunt, atque Historicos non deesse, qui asserunt, Maximilianum FridERICI filium supra memoratum tamquam mutum a nativitate naturaliter sanatum nunquam tali morbo laborasse, sed linguâ tantum balbutiisse, nullamque in proposito casu præcessisse iram, timorem, incendii metum, & similia, ad quæ aliquando loquelæ receptio refertur, uti ponderat Zacut. *lib. 1. Medic. princ. Historie. histor.* 34. *in Tarapraß*, & sic nullo modo subitam sanationem Puellæ, invocato Beati auxilio, a Miraculorum serie esse excludendam, deficiente potissimum applicatione utilium medicamentorum, & cujuscumque crisis intervenitu. Super hoc eodem Miraculo scripsit Januarius Jannellius Medicus supra memoratus, qui *in sua Dissertatione* ostendit, loquelæ impedimentum processisse a vicio nervorum paris septimi, qui motum linguæ impartiuntur, & recurrentis, qui

qui fandi facultatem tribuit, & quorumcumque, qui ad laryngis mufculos, diaphragma, & pulmonarem substantiam, præsertim vesicularem, pertinent; quod multis conjecturis confirmavit: quocirca id

tamquam Miraculum tertii generis fuit a Sacra Congregatione approbatum die 12. Julii anno 1729. & confirmatum die 14. ejusdem Mensis, & eodem Anno a sanctæ memoriæ Benedicto XIII.

CAPUT UNDECIMUM.

De miraculosa sanatione Claudorum, necnon aliquorum ambulare impotentium, necnon Gibborum.



¶ Tl supra visum est, de Christo, & de Apostolis ab Isaia cap. 35. dictum est: *Tunc saliet, sicut Cervus, Claudus.* = In Actis Apostolorum

cap. 3. fusè narratur Miraculum sanationis Claudii: cùm enim Petrus, & Joannes ascenderent in Templum, & quidam Vir, qui erat Claudus ex utero Matris suæ, quem ponebant quotidie ad Portam Speciosam Templi, ut ab introeuntibus peteret elemosynam, ab Apostolis Petro, & Joanne elemosynam petiisset, & ipsi respondissent, se argentum, & aurum non habere, sed ut in Nomine Jesu Christi surgeret, & ambularet, protinus consolidatæ sunt bases ejus, & plantæ, & exiliens stetit, & ambulavit, intravitque cum illis in Templum exiliens, & laudans Deum, videntibus omnibus eum ambulantem, & Deum laudantem, & benè agnoscantibus, quòd erat ille, qui ad elemosynam sedebat ad prædictam Tem-

pli Portam, adeòque maximopere stupentibus in eo, quod illi contigerat; Petroque tunc subdente, se id propriâ virtute, aut potestate non fecisse, sed in Fide Nominis Christi, qui dedit integram sanitatem in omnium conspectu. Multa quòd ad historiam hujus Miraculi habentur apud Cardinalem Baronium *ad annum Christi 34. num. 256. & sequentibus*. Alia plura ab Apostolis patrata fuisse Miracula, certum est, uti colligitur *ex cap. 5. Act. For. = Per manus autem Apostolorum fiebant signa, & prodigia multa in plebe*; sed Claudii curatio a Sancto Luca exactè descripta est, tum quia cæteris fuit illustrior, tum quia facta est juxta Templum, ubi erat turba populi, & demum quia eâ occasione Petrus ad turbam concionem habuit, qua quinque millia hominum ad Christum convertit, uti subditur *cap. 4. = Multi autem eorum, qui audierant verbum, crediderunt, & factus est numerus Virorum quinque millia*.

2 Claudus hic miraculosè sanatus claudus erat ab utero Matris. Cùm sanitatem recepit, erat in ætate anno-

rum

rum quadraginta, uti subditur *Astor. cap. 4.* = *At illi comminantes diviserunt eos* (Petrum videlicet, & Joannem) *non invenientes, quomodo punirent eos propter populum, quia omnes clarificabant id, quod factum fuerat in eo, quod acciderat. Amorum enim erat amplius quadraginta homo, in quo factum fuerat signum istud sanitatis.* Manaverat ergo claudicatio ex natura, & quodammodo in naturam versa fuerat, & sic per medicinam, et naturam quodammodo incurabilis. Dicitur in *Sacro Textu*, consolidatas fuisse bases, & plantas, & sic crura, & tibias, quibus moles corporis fulcitur, & pedes, quibus totum corpus insistit, qui in Claudis contracti sunt, debiles, & manci. Subditur, Sanatum statim ambulasse, & exsiliisse, per quod appareret, Claudio restitutum illico fuisse pedum rectitudinem, & firmitatem. Aliudque consimile Miraculum intercessionis Sancti Pauli a Deo patratum habetur *Astorum cap. 14.* cum enim Paulus, & Barnabas Iconii multos ad Christi Fidem convertissent, expulsi que a Judæis Lystram devenissent, ibi quidam Vir infirmis pedibus sedebat claudus ex utero Matris suæ, qui numquam ambulaverat: cumque Paulus cum vidisset habentem Fidem, ut salvus fieret, ipsique magnâ voce dixisset, ut surgeret, & ambularet, Claudus super pedes suos rectus surrexit, & exsiliivit, & ambulavit, levantibus turbis voces suas, & dicentibus, Deos similes hominibus factos ad se descendisse, & vocantibus Barnabam Jovem, & Paulum Mercurium; ad quæ Barnabas, & Paulus, conscissis tunicis suis, clamantes responderunt, se esse mortales, sed annuntiare conversionem ad Deum vivum, qui fecit cælum, & terram, & mare, & omnia, quæ in eis sunt.

3 *In Bulla Canonizationis Sanctæ Elisabethæ Thuringiæ in Saxonia Landgraviæ, & Sanctimonialis Tertii Ordinis Minorum* habetur, quod ejus intercessione vita Mortuis, lumen Cæcis, auditus Surdis, verbum Mutis, & gressus Claudis collati sunt; quod ipsum legitur in *Bulla Canonizationis Sancti Uvillbelmi Briocensis in Armorica, seu Britannia minori Episcopi, & in Bulla Canonizationis S. Stanislai Cracoviensis in Polonia Episcopi*; & ut cætera prætercantur, in *Bulla Canonizationis Sancti Francisci Salesii* narratur subita sanatio cujusdam contracti; & planè ab ipso ortu ad gressum impotentis; & in *Bulla Canonizationis Sancti Francisci Xaverii* inter cætera, quæ referuntur, Miracula exponitur illud Pueri Goæ nati, qui utrumque pedem a nativitate adeo aridum, & crura sicca habebat, ut illis insiltere non posset, sed manibus reptare cogeretur, quique ad Sancti Sepulchrum ab Educatrice perductus, tertiâ die, qua Sepulchrum visitabat (statuerat enim Educatrix novem diebus visitare) suis stetit pedibus, & ambulare cœpit, & statim omnino sanus evasit, & intra novem dies crura carne repleta fuerunt, & sic deinde semper valens, & sanus vixit.

4 Dum Causæ Canonizationum ab Auditoribus Rotæ examinabantur, antequam judicium subirent Congregationis Sacrorum Rituum, juxta ea, quæ non semel alibi dicta sunt, actum sæpe fuit de miraculosa sanatione Claudorum; in *Relatione* videlicet *Causæ Beati Petri Regalati Miracul. 5. post mortem, in Relatione Causæ Servi Dei Juliani a Sancto Augustino cap. 15. in Relatione Causæ Sancti Ludovici Bertrandi ad tit. Miraculum sanationis Claudii, in Relatione Causæ Servi Dei Hieronymi Emiliani in Miracul. 1. post obitum, in*

Re-

Relatione Cause Sanctæ Tereſiæ Miracul. 4. poſt mortem, ubi referunt, quemdam Puerum ætatis annorum quatuor a nativitate ita contractum, contortum, & inhabilem fuiſſe, ut figura corporis litteram S repræſentare videretur, nec pedibus ſubſiſtere, nec jacens ſe movere poſſet, quamvis ex ejuſmodi contractione corporis nullo dolore afficeretur, ipſumque delatum ad Cellam in Monafterio exiſtentem, in qua Sancta Tereſia habitaverat, ultimo die nuneupatæ ad eam Novæ fuiſſe ſubito ſanatum, liberumque a contractione remaniſſe, & propriis pedibus expedite ambulare. Factum hoc Rotæ Auditores miraculoſum reputarunt, & quidem in ſecundo genere. Miraculoſum autem reputarunt, attentis gravitate morbi, præcedenti oratione, & ſanitate repente, & perfectè reſtitutâ; illudque deinde poſuerunt in ſecundo genere, cùm natura poſſit dare rectitudinem, aptamque membrorum compositionem, ſed non homini contorto, & contracto a nativitate: & plura alia legi poſſunt in ſertia parte *Relationis* eorundem Auditorum, quam ediderunt in *Cauſa Sancti Caroli Borromæi*, agentes de quadam Margarita Monta utroque pede capta, & in inſtanti reſtituta ſanitati Sancti Caroli interceſſione.

§ Tranſeundo ad phyſica, docent Phyſici, & Medici, quòd, ſi hominum corpus ſolidis non firmaretur oſſibus, iſque per articulos junctis, & adaptatis, nec agere, nec motus exercere poſſet ad vitæ commodum neceſſarios, Fant. *Tractat. Anat. pag. 3.* cùmque inter motus ad vitæ commodum neceſſarios motus progreſſivus præcipuum ſibi vindicet locum, hic, ut perfectè fiat, præter oſſium ſoliditatem, continuitatem, & articu-

lationem, requirit ulterius ligamenta, & faſcias, quibus os jungatur, & firmetur, & muſculos cruris, & pedis ſtriſtè dictos, Verheyen *Anatom. tract. 2. caſ. 5. de motu progreſſivo pag. 163.* & præterea expoſcit debitam proportionem in articularum cavitatibus, in oſſium conſiſtentia, in eorum longitudine, in elatiſticate fibrarum, robore tendinum, tenſione nervorum, humectatione a fluido mucilaginoſo facta, ut apud Mang. *tom. 1. pag. 126.*

6 Explicant Phyſici modum, quo ſit prædictus motus progreſſivus: homo quippe pedibus, ſive pavimento innixus transfert lineam propenſionis modò ſuper plantam pedis dexteri, modò ſiniſtri, quæ pedum plantæ transferuntur, non per unam lineam rectam, ſed per duas inter ſe parallelas; quocirca, elongato crure poſtico per extensionem pedis, impulſoque retrorſum pavimento, machina erigitur, quæ per antieum alterum pedem firmum impulſa motu tranſverſali movetur, & hinc immediate poſt pes poſticus elongatus a terra, ſuſpenditur flexis tribus articulis coxendicis, genu, & pedis externi per proprios muſculos, quo facto, ſecunda ſtatio celebratur, & poſtea eadẽ periodo pes poſticus operando grefſus continuat, uti latè explicant Borell. *Anat. de OEconom. Anim. p. 5. pag. 168. de grefſu bipedum pag. 961.* Verheyen *tract. 2. de motu progreſſivo cap. 5. pag. 163.*

7 Ex his autem facile deſumi poterunt cauſe claudicationis, quarum prima erit impedimentum affluxus vel ſpiritus, vel ſanguinis, vel utrorumque ad articulos coxendicis, genu, tibiz, pedum, juxta ea, quæ habentur apud Ettmuller. *tom. 2. pag. 734.*

S

non

non quidem & sinistrorsum, & dextrorsum, nam tunc impeditus omnino erit incessus, sed ad unum, vel ad alterum dictorum articulorum.

8 Secunda ea erit, quæ potest articulos e sinu suo detorquere, & quoquo modo actionem impedire, vel abbreviando articulum e sede sua dimotum, vel eundem nimis, quàm par est, elongando. Abbreviatur autem articulus, quoties tendines dirumpuntur, ligamenta solvuntur, musculi convelluntur; & ex opposito articulus elongatur, quoties laxantur tendines, musculi resolvuntur, & præsertim inter os, & os articulatam, concrevit materia gypsea, ossa, alteriusve naturæ, quæ sensim, & sensim dimover articulum e sinu, & illum elongat, de quibus Aquapenden. *Chirurg. lib. 3. cap. 1. pag. 167.*

9 Tertia causa erit in osse, vel cum circa articulum fractum apparet, vel cum multà teneretur carie, vel cum ossium cartilagines circa capiuntur arefactæ, & induratae, vel denique cum os in sui substantia exosum, divisum, vel fractum est, de quibus omnibus plura habentur apud *Munik Chirurg. Tract. de Fract. pag. 329.*

10 Quarta denique causa erit, quæ a nativitate os, aut articulum, aut tendinem, aut musculos depravat, ut, cum quis rhachiticus nascitur, cum musculi breviores sunt, aut longiores consueti, & cum os brevius est, quàm ferat natura: & quamvis plures alie innumerabiles causæ claudicationum haberi possint, omnes tamen ad prædictas referri valent.

11 Ardua profectò res est, sed non impossibilis, ut nonnullæ ex prædictis claudicationibus subito naturaliter sanentur; & tales esse possunt

illæ, quæ ab impedito spirituum, et sanguinis affluxu pendent, dummodo tamen res stet in obstructione vasorum, nec partes solidæ vitium antiquum contraxerint: et ad hanc classem pertinent relata a Zacut. lib. 1. *Medic. princ. Histor. histor. 34 in Parapbrasi*, ubi hæc habet: *Mirabiles sunt effectus, quos unio nativi caloris præstare solet: sic, plures diu claudos resolutos, & contractos, irâ timore, vel incendii metu percitos, repenti sanos fuisse factos, elegantis exemplo refert Valerola lib. 2 observ. 4. quorum eventuum causa statuenda est a gressu nature ad expellendum humorem noxium; et sequitur Gaspar a Rejes quæst. 79. num. 20. & ad hanc eandem classem pertinent relata a Joanne Francisco Loy ab Erisfeld in sua Appendice Medica de Morbis Infantium impressa Norimbergæ anno 1699. pag. 469. = Pueri sæpe in ætate annorum duorum, cum gradi incipiunt, incipi, & ad eundem rari esse consueverunt: de quo Matres sollicitè auxilium querunt a Chirurgo, qui plerumque variis machinis crura, & tibias erigere conatur; sed frustra, quia sponte a natura ut plurimum circa ætatem trium, aut quatuor annorum tibia, & musculi firmantur, & partes ad statum naturaliter redeunt: & certè natura firmandorum articulorum optima est architectrix. Subscribit Marcus Aurelius Severinus cap. 9. inquit Gibbis, Valgis, Varis: Affectus hic puerorum valgorum interdum ope nature solvitur. Solvitur, inquam, ubi vigor accedens ætatis morbo, qui præoccupaverat, fit superior &c. Ad hunc modum ergo apparet, quòd natura vir, & humorum habitudo momenti plurimum habet ad solvendas huius generis distorsiones &c. Interim natura sponte curator equidem referre possumus. Unus ante memoratus Puer de Pompeis, qui valgis utriusque*

gru-

cruribus, & secundum infimas spina verberas languens, ac dolens ab ineunte propemodum aetate, subularibus fulcris innixus, hac undecimo jam anno vacua, & inutilia repensè se sentiens integrum abiecit. Puer pertenuis, & strigosus, atque etiam propter cataractos edentulus, qui quinque jam annis arthracem in laevo brachio perpeffus, ut Joannes Dominicus Malliconus Medicus Neapoli percelebris testari potest: id, quod ad biederbilocaces, & valgorum communitates advertendas dictum esto. Alter Josephi Jordani vitrearum constantioris Filius, quem omnino motionibus corporis inertem ex improvviso restituendum non fallenti judicio prädixeram. Item alii non pauci, quos eodem forte positos observavi junior apud Præceptorem Julium Jafolinum. Schenckius Observat. lib. 3. de affectu pedum narrat, quemdam Architectum, qui de eminenti Turre præceps ruerat, cum antea altero claudicare pede, rectè deinceps ambulasse; & Virum grandævum ex utroque pede claudum, & non ambulantem, nisi adjutum sustentaculis ligneis, repensè de uno loco in alium totum corpus traxille; & in Observationibus ad sit. de Femore subdit ex Petro Messia, quemdam ex vulnere in femore claudicantem, in eadem parte rursus sauciatur, & sanatum, rectum in posterum incessasse: ex quibus proinde nemo est, qui non videat, ad eandem classem claudicationum, quæ naturaliter sanari, & fortè in instanti recedere possunt, vitia illa pertinere articulorum, quæ a simplici luxatione pendent, etiam si aliquando ad aliquod non breve tempus extrà situm os permaneat, cum per motum subitaneum contrarium motui lapsus ossis sanitas haberi possit, & aliquando habita sit.

12 At profectò aut juxtà solas na-

turæ vires, aut juxtà medicam artem sanabiles, saltè in instanti, dici, & haberi non possunt claudicationes, quæ proveniunt ex tendinibus, vel nervis ruptis, juxtà illud Hippocratis aphor. 19. sect. 6. = *Si dissectum fuerit os, vel cartilago, nervusque, neque augetur, neque coalescit.* Idem dicendum est, si adsint excrescentiæ ossæ, vel tophi si solidum in intima sui structura læsum sit, sub quo censu veniunt claudicationes omnes a vitio ante natiuitatem contracto, ex ossibus videlicet distortis, & malè in utero materno conformatis articulis. Ex quibus proinde efficitur, quòd, si in Sacrorum Rituum Congregatione aliquod factum proponatur tamquam miraculosum, sanationis videlicet Claudii non solum oportebit, ut duo extrema concludentibus probationibus demonstrantur, verè videlicet claudicationis præcedentis, & veri, perfecti, & continuati subsequents incessus, sed etiam temporis, quo duravit claudicatio, & ætatis ipsius Sanati: & Physici ad consilium acciti causam, & qualitatem claudicationis investigare debebunt, & an aliqua causa naturalis adfuerit, cui possit sanatio adscribi, & an claudicatio sit ex illis, quæ opè naturæ etiam in instanti sanari possunt, vel sit ex illis, ad quarum sanationem vires naturæ non extenduntur, si etenim sit ex his, celebrissimum erit Miraculum, si sanatio in instanti contingat, sed erit etiam Miraculum, quamvis in instanti non accidat, in classe secundi generis reponendum.

13 Dum munere fungebar Fidei Promotoris, & Causa proponebatur Sancti Peregrini Latiofi super Miraculis, sextum, quod proponebatur, Miraculum erat sanationis cujusdam

S 2

Pue:

140 *De Serv. Dei Beatif. et Beat. Canoniz.*

Pueri quinquennis a nativitate viciati, & impotentis ad ambulandum, & septimo loco proponebatur sanatio alterius Pueri pariter quinquennis a contractione nervorum, a qua ortum habuerat impotentia ad usum manuum, & pedum. *In meis Animadversionibus* opposui, naturam esse optimam architectricam firmandorum articulorum, & præsertim in pueris. Alexander Pascolus Medicus alibi memoratus scribens pro altruendo Miraculo respondit, hæc vera esse, sed in instanti naturaliter contingere non posse. Sed prædictæ duæ sanationes non fuerunt a Sacra Congregatione approbatæ tamquam miraculosæ. *In Causa Beati Vincentii de Paulo* cum inter cætera Miracula pro ejus Canonizatione obtinenda quinto loco proponeretur subita sanatio cujusdam Pueri a totali pedum, brachiorumque inversione, urgente Domino Ludovico de Valentibus, qui modò Officium Fidei Promotoris laudabiliter exercet, quoddam similes sanationes in Pueris naturaliter contingunt, & respondente Domino Marco Angelo de Marcangelis in Romano Archigymnasio publico Medicinæ Professore pro Miraculo scribente, quoddam hæc sibi vindicabant locum, quando aberant artuum contorsiones, quando contorsiones erant recentes, & quando, crassis fucis superatis, bonus humor potuit in sanguinem, & cum sanguine ad partes advehì, & illis fucosam, volatilem, & veluti de novo compositam communicare substantiam, secus autem, quando, prout ipse in casu proposito contendebat, ex mala corporis nutritione, tabe, strumis, & cæteris pessimis symptomatibus ostendebatur, fluida adhuc fuisse corrupta, viscida, atque tenacia,

Sacra Congregatio abstinuit ab eo facto inter Miracula recensendo, uti colligitur ex *Decreto edito die 10. Augusti anno 1736.* prudentissimi siquidem Consultores Sacræ Congregationis crediderunt, prædictas claudicationes processisse ab impedito spirituum, & sanguinis affluxu, non autem a nervis, & tendinibus ruptis, aut solidis læsis. Antequam ad munus Fidei Promotoris fuisset evectus, uti Sacræ Consistorialis Aulæ Advocatus patrocinium præstiti in *Causa S. Catharina de Bononia*. Inter cætera autem, quæ discutienda proponebantur pro ejus Canonizatione, Miracula tertio loco proponebatur illud repentinæ sanationis pedis luxati, turgidi, & lividi, & judicio Medicorum dissecandi: Monialis enim Monasterii Bononiensis, in quo Sanctæ Catharinæ Corpus publicè exponitur venerationi, Candida Diana Fabri appellata, lubrico e vestigio luxatum retulit pedem, qui a Chirurgo, uti dicebatur, in locum ineptè repositus, ac tristius curatus, tumens, lividum, & inutile pondus evasis, cumque per tres menses ægra in lecto irrequieta, & acerbissimis doloribus dislocata jacuisset, invocata Sanctâ Catharinâ, tumor, & nigredo a pede recesserunt, nulloque innixa adjutorio ad Ecclesiam processa est. Bonæ memoriz Angelus Modius Urbis Medicus scribens pro veritate super hoc Miraculo, & non ad Causæ opportunitatem consideravit, os luxatum fuisse egregiè a Medico Chirurgo repositum, pedis tumefactionem non fuisse quidem impeditam, sed sumpto paulatim augmento in ingentem molem excreville cum magna doloris sensatione, manifesto superficiali livore, & extenuatione colli pedis: cumque juxta

ex-

experientiam, & Medicorum asserta dixerit, materiam fermentatam potuisse naturaliter resumi, & insensibiliter tumores evanescere, Sacra Congregatio prædictam sanationem non approbavit tamquam excedentem vires naturæ. Antiqui Medici Vincentius Temonius, & Jacobus Minutus ab Auditoribus Rotæ consulti, dum agebatur de *Miraculis Sancti Aloysii Gonzagæ*, & præcipue de quodam, quod contigit in homine a natiuitate curvo, & per annos jam octodecim manibus, pedibusque ranarum more humi reptante, quique, Voto ad Beatum a Matre factò, assurrexit in pedes, & gradi cœpit more hominum, dixerunt, inter Miracula esse recensendum, quia, licet hoc vitium fortè medicamentis adhibitis amoveri potuisset Sanati ætate infantili, id tamen naturaliter sequi non poterat, postquam nervi per octodecim annos a natiuitate contracti, & indurati permanferunt, & eò magis, cum sanatio secuta fuerit in instanti, nullis præcedentibus medicamentis, & præviâ tantùm Beati invocatione: & iidem Rotæ Auditores in *Relatione Cause Sancti Francisci Xaverii Miracul. 3. post obitum* inter Miracula recensuerunt subitanæ sanationem Pueri, de quo supra, quique per quinquennium sæpe humi reptaverat, & cujus morbus ullo medicamento tolli non potuerat, qui etiam utrumque crus, & pedem siccum, & aridum semper habuerat, recuperatâ etiam crurum crassitie intra spatium novem dierum, quibus Mater, Voto ad Sanctum nuncupato, promissit, se Ecclesiam visitaturam esse, in qua ejus Corpus requiescit.

14 In *Evangelio Sancti Lucæ* narratur, oblatam fuisse Christo Domino Mulierem, quæ habebat spiritum in-

firmitatis annis decem, & octo, & erat inclinata, ita ut sursum omnino respicere non posset, cui cùm Jesus dixisset, eam dimissam esse a sua infirmitate, & illi manum imposuisset, confestim erecta est, & Deum glorificavit. Ader de *Morbis Evangelicis enarrat. 3.* putat, eam Mulierem fuisse vel convulsam, vel gibbosam simplici illâ gibbositate vulgari, quæ fit a semotione, & luxatione vertebrarum dorso, cùm utrumque vitium spinam dorso inflectere, & inclinare valeat; & postquam probare conatus est, Mulierem fuisse convulsam, & sanationem fuisse miraculosam, cùm convulsio non in fieri, uti dicunt, sed in factò esse jam esset constituta, & marcida, & vel necessariâ nutritionis materiâ orbata in hæticam incidisset, vel ad minùs gibbositas multos eam occupasset annos, pro magnitudine Miraculi concludit.

15 Apud Sennertum lib. 2. *Traſſicar. parti. 2. cap. 21.* plures gibbositatis species enumerantur: sed tres præcipuæ sunt: prima, cùm vertebræ luxantur ad exteriora, ex quarum luxatione tumor in dorso apparet, & hæc proprio nomine vocatur gibbositas, & eam patientes gibbi: secunda, cùm vertebræ luxantur versus anteriora, & in dorso cavitas apparet, tumor autem sese prodit in pectore circa sternum; & hæc gibbositas dicitur repanditas, recurvitas, & ægri repansi, & recurvi: tertia est, cùm in alterutrum latus vertebræ luxantur, & hæc gibbositas dicitur obliquatio, & tortuositas, & ægri obliqui, & tortuosi, uti latè prosequitur Zacchias *Quæst. Medico-Legal. lib. 8. tit. 1. quæst. 13. num. 6.*

16 In *Causa Canonizationis Sancti Joannis a Sancto Facundo* disculsum

sum fuit, & approbatum sequens Miraculum ejus intercessione a Deo paratum, de quo hæc habentur in *Bulla Canonizationis*, ubi inter alia Miracula approbata recensetur illud *Emanuelis de Castello gibbosi per triennium exruptura spina dorsi ob lapsum e scala*, dum erat novennis; qui, cum propterea cogeretur curvatus medio corpore, manibus super genua appositis, & cum adjutorio sustentaculi sic incedere, ut se erigere vultens cum impetu procideret, ductus a Matre ad Sepulchrum Beati, ut novendilibus precibus incumberet, illuc ingressus ab ingentibus, quos patiebatur doliis, & ab incurvatione sanus evasit, consolidatis nimirum vertebribus disruptis, cruribusque sic corroboratis, ut domum maternam veloci gressu redierit sustentaculum in altum gereus, ac demum etiam a gibbositate convalescit, postquam denus a Matre in Capellam Beati ductus Evangelium in fine Missæ lectum audivit, permansente tamen esse elevato, ubi prius erat gibbosus. Petrus Franciscus de Rubéis tunc celeberrimus Fidei Promotor opposuit, gibbositatem ex sola vertebrarum luxatione processisse, & sic fuisse sanabilem; item, impotentiam ad motum cessasse, perseverante gibbositate; & demum, remansisse ossis elevationem: quæ omnia dixit obflare Miraculo. At Joannes Baptista Bottinius inter Sacræ Consistorialis Aulæ Advocatus, Vir magni nominis, & dum viveret, speciali mihi amicitia conjunctus, pro Miraculo scribens primò demonstravit, gibbositatem processisse ex spina, & vertebribus fractis, juxta Medici, & Teltium attestaciones: secundò ponderavit, gibbositatem, non recentem, sed antiquam fuisse; in quo rerum eventum vix sanabili dici potest, quemadmodum scripsit Valasus de Taranta lib. 1. § *Prognostica*, ubi = *Antiqua gibbositas non reci-*

pit curationem = cum quo concordat Severinus in *Libro de Gibbis, Valgis, & Variis* cap. 6. ubi instituens curationem gibborum inquit: *Propositur curatio gibbosi recentis: porro vetus, & confirmata sanabilis non est: tertiò ad ulteriora, progrediens probavit, quòd, etiamsi vitium gibbositatis ex spinæ luxatione ortum fuisset, tanto temporis intervallo incurabile quodammodo evasisset, juxta ea, quæ habentur apud Paulum Æginetam lib. 6. cap. 109. & cap. 118. circa medium, & apud Sennertum lib. 5. Practicarum part. 6. cap. 1. tit. Prognostica §. 7. demum conclusit, Miraculi magnitudinem desumendam etiam esse ex hoc, quòd sublata fuerit impotentia ad motum, perseverante ad modicum tempus gibbositate, cum impotentia a gibbositate proveniret, & sic, remanente causâ, sublatus fuerit effectus; & ossis elevationem non obflare Miraculo, cum vis ejus stare in perfecta reductione ossium spinæ in propriam sedem, & deformis gibbositatis ablatione, & perseveraverit ossis elevatio ad Miraculum manifestandum. In *Causa Sancti Philippi Beniti* approbatum fuit septimum, quod pro ejus Canonizatione proponebatur, Miraculum, subitæ videlicet sanationis Pueri aridi in artubus inferioribus, & gibbosi ab utraque parte a nativitate, cruribus sine vitali spiritu, ita ut ad instar funis ad omnes corporis partes tam in caput, quàm in scapulas reflecti possent, nec aliter, quàm sedendo, sistere valeret, in quo statu per sexennium permanerat, quemadmodum aperte colligitur ex *Decreto edito die 11. Novembris 1670* Ex quibus in facti contingentia Consultores Congregationis Sacrorum Rituum plura pro efformando judicio super sanatione Gibborum haurire poterunt.*

CAPUT DUODECIMUM.

De miraculosa sanatione Paralyticorum.

1



Arrat Sanctus Matthæus in suo Evangelio cap. 8. quodd, cum Jesus ingressus esset Capharnaum, accessit ad eum Centurio

rogans eum, & dicens, quodd suus Puer jacebat in domo paralyticus, & malè torquebatur, & quodd, subdente Christo, se ad illum statim venturum, eumque curaturum, Centurio subdidit, se dignum non esse, ut Christus in suam domum ingrederetur, sed tantum diceret verbo, benè sciens, Puerum suum sanandum esse, & quodd Dominus Noster tantam Centurionis Fidem admirans ei dixerit, ut vaderet: *Vade, & sicut credidisti, fiat tibi: & sanatus est Puer in illa hora.* Eadem historia refertur a Sancto Luca in suo Evangelio cap. 7. ubi narrat, Centurionem misisse Seniores Judæorum ad Christum Dominum, qui rogarent, ut ad se veniret, & Servum suum sanaret malè se habentem, qui erat moriturus, & quodd, cum illis eunte Domino, cum a domo longè non esset, Centurio misit ad eum Amicos, qui ei dicerent, se scire non esse dignum, ut sub testamento suum intraret, et propterea ipse ad eum non venerat, sed diceret verbo, probè noscens, hoc modo Puerum suum esse sanandum, et quodd, mirante Domino, et subdente, se tantam Fidem in Israël non invenis-

se, qui missi fuerant; reversi domum, Servum, qui languerat, sanum invenerunt. Centurio Officialis erat Militum Romanorum, et centum hominibus imperabat. De Sanato quæstio est, an Filius, an Servus Centurionis, an Miles esset, de qua Thomas Bartholinus in hujus Paralytici Historia. Centurionem fuisse Gentilem, cum Romani Centurionis officium solis Romanis conferrent, communiori calculo Interpretes restantur; licet alii non desint asserentes, esse posse, quodd esset Proselytus, uti erat Cornelius ille Centurio, de quo in Actis Apostolorum. Videri potest Calmet ad cap. 8. Matthæi, ubi quoque scitè animadvertit, hujus Paralytici historiam quodammodo per compendium ab eo narrari, quæ magis distinctè a Sancto Luca refertur: quæ enim Sanctus Lucas facta dicit a Centurione per Seniores Judæorum, et per Amicos, Sanctus Matthæus tamquam facta exponit ab ipso Centurione, juxta consuetum Sacræ Scripturæ morem, quæ tamquam facta ab ipso mandante inquit ea, quæ ejus mandato, et imperio facta sunt; sic enim dicitur, ab Herode capite truncatum fuisse Sanctum Joannem Baptistam, et Christum ab Herode vapulas.

2 Major de qualitate morbi, quo Servus Centurionis laborabat, quæstio superest ab eisdem Sacris Interpretibus pertractata, Guilielmus Ader in sæpe citato Tractatu de Morbis

144 *De Serv. Dei Beatif. et Beat. Canoniz.*

his Evangelicis enarrat. 2. inclinare videtur in eam sententiam, quod xger, non paralyti, quæ affectio est sine sensu, & motu, sed convulsione laboraret, in qua motus, & sensus non aboleri, sed depravari, saltè quod ad motum, certum est, & quod Centurio eum paralyticum appellavit, cum vulgus quoslibet motu captos paralyticos vocet. Cornelius a Lapide *ad cap. 8. Matthæi* morbum ait fuisse acutam Paralytism cum cruciatu, & periculo vitæ, & cruciatum provenisse a convulsione, & contractione nervorum, qui a cerebro oriuntur; cum etenim hi præter naturam detorquentur, aut distenduntur, gravissimos excitant dolores. At Thomas Bartholinus *in hujus Paralytici historia*, eum fuisse paralyticum, probat, succedente convulsioni paralyti, vel utroque affectu invicem complicato, quod aliquando contingere ostendit.

3. Sanatio secundi Paralytici refertur ab eodem Sancto Matthæo *in suo Evangelio cap. 9.* cum enim oblatu fuisset Christo Paralyticus jacens in lecto, eique dixisset, ut consideret, quod sua sibi peccata essent remissa, subdentibus Scribis, quod blasphemabat, & Jesu eorum cogitationes vidente, ut ostenderet, se habere potestatem peccata dimittendi, dixit Paralytico, quod surgeret, & ambularet, qui, stupentibus omnibus, surrexit, & tollens lectum suum abiit in domum suam. Eadem historia refertur a Sancto Marco *in suo Evangelio cap. 2.* ubi addit, quod, cum multi convenissent, & quatuor Viri, qui Paralyticum ferebant, non possent eum præ turba Christo offerre, lectum nudaverunt, et patefecerunt submittentem grabatum, in quo Paralyticus jacebat. Thomas Bartholinus *in Histo-*

ria hujus Paralytici latè modum describit, quo fuit ille demissus una cum grabato in cubiculum, in quo Christus erat. Ader *loc. cit.* exponens morbum, quo hic xger affligebatur, inquit, fuisse paralytism gravem, & universalem, cui periculum vicinæ apoplexiæ immincebat. Thomas Bartholinus *in Annotationibus ad Historiam hujus Paralytici* strenuè redarguit quemdam asserentem, eum fuisse apoplecticum sine intellectu, aut sensu, cum lecto affixus deberet portari, & in sella sedere non posset; cum enim Fidem certam in Christum habuerit, & in apoplexia deleantur sensus omnes externi, & interni, qui in paralyti ex parte remanent, evidens hinc desumitur argumentum, quod ille, non apoplexiâ, sed paralyti affectus est.

4. Tertii Paralytici sanatio refertur a Sancto Joanne *in Evangelio cap. 5.* ubi, cum Jesus Hierosolimam ascendisset, & Hierosolymis esset Probatica Piscina habens quinque Porticus, in quibus jacebat multitudo languentium expectantium, ut Angelus Domini descenderet in Piscinam, & aqua moveretur (qui enim prior in Piscinam post aquæ motionem descenderat, sanus fiebat) & ibi esset homo per triginta, et octo annos infirmus, et Jesus eum interrogasset, an vellet sanus fieri, ipsoque subjente, se hominem non habere, qui eum mitteret in Piscinam, cum aqua turbabatur, Jesus dixit, quod surgeret, et tolleretur grabatum suum, et ambularet, et ille statim factus est sanus, et sustulit grabatum suum, et ambulavit. Si quis quæstiones Sacrorum Interpretum de hac Piscina noscere vellet, manum admoveat potest *ad Commentaria Calmet ad dictum cap. 5. Joannis*. Quod ad genus verò infirmitatis, illud

illud a Scriptura non explicatur, sed Interpretes communi calculo asserunt, fuisse Paralyticum, apud Cornelium a Lapide *ad dictum cap. 5. vers. 5.* Ader in eis. enarrat. 2. ponderans, quod omnibus partibus infra caput resolutus esset, ait, eum universali totius corporis paralyti, & jam inveteratâ, laborasse, quam si Medicus curaret, ut ipse subdit, dealbare Corvum, aut Æthiopem. Junctam quoque autumat atrophiam paralyti, marcorem nempe, ac maciem insignem carni; & piè ait, Deum voluisse, ut tot annos hic Paralyticus viveret, ut in curatione tam difficili, impossibili, & inaudita Infideles omnes, licet cor induratum habentes, de Christi Divinitate ampliùs dubitare non possent. Subscribit huic sententiæ Thomas Bartholinus in *Historia hujus Paralytici*; inquit enim, eum atrophîa laborasse, quæ est ultimus inveteratæ paralyseos gradus: quod & comprobatur; cum enim in Porticibus Piscinæ jaceret, ut in aquam projiceretur, Aurelianus, Sylvius, Mercurialis, Mercatus, Sennertus, Zacutus vehementer commendant curationem in paralyti ab atrophia per Balneum: idemque Bartholinus extollens magnitudinem Miraculi hæc habet: *Quo triplicem nobis Miraculi fecit fidem: quod statim dictum factum convalesceret; tantaque momento receperit vires, ut & ambulare, & grabatum ferre potuerit, cum ordines suos alioquin servare natura medendi artifex, parique temporis intervallo resurgat æger, quo laborare capis, statu nostro intercedente; & tandem, quod verbo solo modum restrinxerit, ut pbrasti Tertullianus utar.*

5 Demum in *Actis Apostolorum cap. 9.* Petro deveniente ad Sanctos, qui habitabant Lyddæ, cum invenisset ho-

minem quemdam nomine Æneam ab annis octo juvenem, qui erat paralyticus, & ei dixisset, quod Dominus Jesus Christus eum sanabat, & sic quod surgeret, ille continuo surrexit, videntibus omnibus, qui Lyddæ, & Salonæ habitabant, quique ad Dominum conversi sunt.

6 Tum in Bullis Canonizationum, tum in Relationibus Rotæ Auditorum mentio passim habetur miraculose liberationis a paralyti, uti quod ad *Bullas Canonizationum* desumitur ex illis *Sanctorum Udalrici, Dominici, Richardi Episcopi in Anglia, Hedwvigis Ducissa Polonia, Ludovici Regis Francia, Petri de Morono Summi Pontificis Romani Cælestini V. nuncupati, Nicolai de Tolentino, Ignatii de Loyola, & quod ad Relationes Rotæ Auditorum ex illis Sanctorum Thoma de Villanova, Francisci Xaverii, Felicis a Cantalicio, & passim ex aliis.*

7 Paralytis nihil aliud est, quàm motus abolitio ex nervorum, ac spirituum animalium vitio, quemadmodum docet Galenus de hoc affectu lib. 3. cap. 10. ubi inquit: *Itaque nervorum resolutio potissimum dicitur, ubi motus perditus est.* Potest paralytis esse vehemens intensivè, & extensivè; intensivè, si amissioni motus conjuncta sit amissio sensus; quocirca Scribentes dicunt, paralytim esse fortio-rem, & gravio-rem, in qua tam sensus, quàm motus amittuntur, & levio-rem, in qua amittitur tantummodo motus, aut sensus = Bellinus in suo *Tractatu de urinis, & pulsibus, ubi de Paralyti, pag. 469.* Theophilus Bonnet. in *Thesaur. Medico practico lib. 2. cap. 26. de Paralyti pag. 751. num. 17.* Maillard. in *Tract. Medic. lib. 1. cap. 16.* Scheneider de *Paralyti cap. 4.* Marcellus autem Donatus in *sua Medica Historia*

146 De Serv. Dei Beatif. et Beat. Canoniz.

mirabili lib. 2. cap. 5. benè explicat, quomodo, licet nervi munus sit sensum, & motum partibus corporis impartiri, interdum fiat, ut motus duntaxat, vel solus sensus deperdatur, altero integro permanente, nonnumquam verò ambo aboleantur. Extensivè autem vehemens esse potest Paralysis, si magnam corporis partem afficiat; & inter vehementes vehementior habetur illa, quæ occupat crura, præ illa, quæ occupat brachia, juxta ea, quæ habentur apud Gasparum a Rejes quest. 81. num. 8. ubi sequens proponit problema = Dubitari meriti potest, quid fiat, quod Paralytici, qui corporis medietatis, brachii, & eruris, sensu omni, & motu privantur, adhibitis remediis, quibus aliquando utilitatem consequuntur, hanc potissimum in crure experiantur, ita ut, laboriosè licet, eos incedere, plerumque videamus, brachii verò resolutio gravissimè, aut nunquam emendetur, sed immobile, & paralyticum prorsus maneat = cui sic num. 9. respondet: Ego triplicem invenio causam: prima nervorum est rectitudo, cujus ratione facultas promptius ad pedes, quàm ad brachia fertur, cum in brachio nervi obliquam magis conformationem obtineant; secunda est ipsius morbi causa materialis, quæ, cum nervorum principium occupet, brachii nervos magis offendit, tamquam viciniores, unde in majori gravitate in illis imbibitur, & ad illos diffunditur: tertiò quia ex natura ordinis factum est, ut sensus tactus prope cerebrum inbecillior sit, ad extrema verò perfectior, & validior reperitur. Quod si totum corpus, excepto capite, sensu, motuque destituitur, Paraplegia, & Paraplexia dicitur; & si solum pars dextera, vel sinistra afficitur adhuc cum capitis medietate, nuncupatur Hemiplegia, ac Hemiplexia.

8 At, quod magis augeat paralytici vehementiam, est, si convulsio conjungatur paralyti, juxta illud Hippocratis 1. *Epidem. sect. 3. egrot. 13.* ubi Prosper Martianus in *Commentariis* inquit = Non est ergo inconveniens, quod ex hac historia colligimur, unam, & eandem partem & convulsione simul, & resolutione tentari: idque observavimus & nos in Domino Hieronymo de Coquis ad *Scalas Ara Celi*, qui medià ætate ex insolatu in paralytism partis dextera incidit, cui, superveniente die undecimæ febre, factæ sunt convulsiones in omnibus partibus resolutis, & tandem circà decimum septimum diem mortuus est = & latè prosequuntur Duret. in *Coac. Hippocratis* pag. 193. num. 50. Bartholinus in suo *Tractatu de Paralytici novi Testamenti Histor. 2. Mercat. Consult. Medic. 7. de Paralytico convulso*, & tabescente tom. 5. Bonnet. *Anatom. præct. lib. 4. sect. 3. observ. 5. §. 8. tom. 2.* Scheneider de *Spasmi tract. 2. cap. 5.* vel si partes affectæ fuerint extenuatæ, quæ extenuatio dicitur a Græcis atrophia, juxta illud Hippocratis lib. 2. *Prædictio. §. 42. num. 8.* ubi ait: Reliqui verò fiderati sunt, quibus una cum hoc, quod movere non possunt, morboſa corporis pars attenuatur, si in sanitatem restitui non possunt. Subscribunt Riverius lib. 1. cap. 5. pag. 156. ubi incurabilem censet paralytism, in qua insignis attenuatio affectæ parti advenit, Jungken in *Praxi Medica* pag. 779. ubi ait = Pessimum signum in paralyti est atrophia = Scheneider de *Paralyti cap. 8.* ubi hæc habet = Ea paralytis, in qua præter sensum, & motus privationem refrigeratio membri, & atrophia percipitur, ferè desperata est, eò quod privetur suo calore nativo propter obstructionem non tantum nervorum, sed etiam venarum, & arteriarum = Bellinus de

de morbis capitis, ubi de Paralyfi, pag. 333. = Paralyfis omnis cum atrophia leihalis plūs, minūs, citius, tardius, pro diversitate partis affecta, similiterque cum frigore periculosa; erit enim frigus perseverans, & contumax proximus ad atrophiam gradus = Ettmullerus tom. 1. cap. 10. pag. 389. = Quò magis calor membrorum resolvitur, eò minus spei pro salute recuperanda affulget; & de facto Manget. in sua Biblioth. Medic. Practic. tom. 3. in verb. Paralyfis fol. 770. ubi describit historiam miraculose sanationis Mulieris paralyfi laborantis, refert, eandem paralyfi, & atrophia laborasse, impotentia a genibus usque ad extremos pedes, sensu partium illarum prorsus sublato, quæ ligni instar exsiccatae erant. Nec inter ea, quæ vehementiorem efficiunt paralytim, omitti possunt vel ætas ejus, qui ipsa afficitur (facilius enim curatur in pueris, quàm in senibus, teste Sennerto *Operum Medic. tom. 2. lib. 1. part. 2. cap. 27. de Paralyfi, in Prognosticis pag. 196.* ubi ita scriptum reliquit: *In senibus difficulter curatur paralyfis ob caloris nativi imbecillitatem*; & adhæret Angelus Viçtorius *Consult. Medic. consult. 21.* ita scribens: *Verùm, quia juvenis est, & sumus in tempore calido, quod ad hujusmodi affectiones submovendas magnam exhibet commoditatem, posset fortasse propostam superare difficultatem*) vel diuturnitas ipsius paralyfis; quò enim diuturnior est, eò difficilius curatur, teste Sylvio in *Praxi Medica lib. 2. cap. 22. num. 36. pag. 330.*

9 Hæc sunt ea præcipua, quæ, dum Fidei Promotoris munere fungabar, in meis Animadversionibus consideranda proposui; cùm in Sacrorum Rituum Congregatione aliqua sanatio a paralyfi tamquam miracu-

losa proponebatur; ex alibi enim dictis morbus debet esse gravis, ut sanatio inter Miracula recenseri possit, In iisdem quoque Animadversionibus, si ex Aëris defumebatur, ægrum ante sanationem tremore, aut febre fuisse affectum, & multò magis sudorem emisisse, hæc censui signa naturalis, non miraculose sanationis: quocirca Sennertus *Pract. Medic. part. 2. cap. 27. de Paralyfi pag. 185. tit. Prognostica* ita scribit: *Tremor paralyfi superveniens, bonum, quoniam meatus nervorum aliquo modo aperiri significat, per quos aliquod spiritus animalis ad aliqualem motum sufficiens transire potest*; quod ipsum docet Ettmullerus *tom. 2. part. 1. Colleg. Practic. cap. 3. art. 3. de Paralyfi* & pro febre facit illud Hippocratis *lib. 2. aphor. 26. & lib. 4. aphor. 57.* ubi ita scribit: *Qui a convulsione, aut distensione membrorum tenentur, febre superveniente, liberantur*; & in eo, quod attinet ad sudorem, præter regulam generalem, quòd, si crises fiant per insignem evacuationem cum levamine, sanatio naturæ, non Miraculo, attribuenda est, quemadmodum habetur apud Zacchiam *Quest. Medico-Legal. lib. 4. tit. 1. quest. 8. num. 13.* bene ad rem subdit Sennertus *Oper. Medic. tom. 2. lib. 1. part. 2. cap. 27. quest. 3.* falli Ludovicum Septalium, qui sudorifera in paralyfi rejicit, & præfert urinam cientia, cùm in paralyfi causa morbi circa nervos hæreat, ex quo fit, ut per ambitum corporis facilius sit evacuatio, quàm per vias urinæ.

10 Addidi, investigandam esse causam paralyfis: cùm enim provenire possit a flatibus, hæc durat, quoad usque durant flatūs, & cessat, cessantibus flatibus, juxta illud Hippocratis in *Libro de flatibus num. 180.* =

Cum ergo flatus frigidi multi penetrant, ac inflant carnes, partes corporis stupida fiunt; & si quidem plurimi flatus per universum corpus discurrant, totus homo fideratur; atque, ubi abierint flatus, cessat & morbus; quamdiu autem permanserint, consistit & morbus: idque sic se habere, indicat perpetuus fideratorum biatus. A scorbutica quoque affectione paralyfis sæpius contingit: & hæc a cæteris paralyfibus differt, quod in his permanens, & continuus affectus est, nec intervallum habet: in paralyfi verò scorbutica, qui pridie pedem vix loco movere potest, cruribus insistit, & levi adminiculo nixus ambulat, uti observat Eugalenus in suis *Observationibus* pag. 98. Item paralyfis non semper ab humore frigido, & viscido provenit, verum etiam a vaporosa materia ad principium nervorum transmissa, ut innuit Petrus Salius afferens exemplum cujusdam Tonforis, qui post crapulam nocte mediâ cum timore suffocationis exasperatus incidit subito in paralyfim omnium corporis partium, sensuque, & motu adeo privatus est, ut nec acu profunde perforatus, nec gladiolo scarificatus, quidquam sentiret, nullamque partem, nisi caput, movere posset, qui, solutâ crapulâ, ac frictionibus tantummodo, & inunctionibus quibusdam ad spinam, intrâ tertiam diem omnino sanatus est.

11 Et denique non destitit asserere exempla eorum, quorum paralyfis omnino soluta est ex quodam improvviso timore, aut ira concepta. Schenckius in suis *Observationibus* lib. 1. de *Paralyfi*, tit. de *Curatione fortuita*, observ. 2. ita quens factum exponit: *Joannes Berla Civis Arelatensis alterius partis resolutione affectus complures annos (quantum fide proborum Virorum, & rei veri-*

*tate affirmatum est) miserè debebat omni ope humanâ destitutus &c. Casus verò tum mirificus intervenit. Flagrat igne domus, in qua debebat &c. Incendio omnia complentur: cum ecce ager & metu, & irâ frement, graviq; timore percussus de repente sese erigit, seque summo nixu attollere conatur; mox verò, incitatus corporis partibus, atque in unum collectis, se e summo adium precipitem dat; a suis tamen adjutus morbo confestim liberatur, restituiturque illi in parte sensus, ac motus, ita ut, qui multos annos immotus constitisset, liberè deinceps absque ullo molestia sensu progredi caperit, obfirmatâ etiam in reliquum temporis, quoad vixit, valetudine. Concordat Valeriola lib. 2. observ. 4. celebrequè est factum relatum a Gregorio Horstio lib. 3. *Consl. & Epist. scilicet* 12. de quodam Cive, qui in expugnatione Urbis Niort, cum nocte quadam concursum ex strepitu armorum præsentisset, & hostem in Urbem ingredi, intellexisset, licet esset a tribus annis paralyticus, & lecto affixus, e veltigio e lecto prostravit, & cum reliquis se in hostes projecit, & ab eo tempore perfectè sanus in posterum vixit. Marcellus Donatus de *Medica Historia mirabili* lib. 5. cap. 5. refert, quemdam Civem Avenionensem irâ percitum in quemdam famulum, quem plagis cedere nitebatur, ita corpus exagitasse, ut confestim, distentis crurum nervis, poplitibus emollitis, sine ullo doloris sensu incedere, & erectus postmodum stare potuerit, cum antea incurvo corpore per sex annos perstitisset. Stephanus Blankard. *Collect. Med. Phys. centur. 3. cap. 49. testatur, Amstelodami* 1676. Mulierem quamdam constitutam in ætate annorum quadraginta subito a paralyfi liberatam fuisse, qua spatio decem, & quatuor anno-*

rum

rum laboraverat; & Diemerbroeck *Anatom. lib. 8. cap. 1. de Nervis* testatur, Mulierem per triginta annos aded paralyticam, ut neque brachia, neque cruris sinistri ullum articulum loco movere posset, paralyti repente liberatam fuisse, & in recepta sanitate continuasse, expulsâ obstruente materiâ e nervis ob immensum, quem passa fuerat, terrorem ex maximo, horrendoque nocturno cum fulmine tonitru, quo illa Mundum periturum putabat: adedque benè ad rem subdit Gaspar a Rejes *quæst. 79. num. 20.* = *Constat siquidem, per animi affectus ita corpus totum affici, ut repentinâ illâ alteratione humores etiam im-* *passi, & crassi a sua sede moveantur: quod licet omnes animi passiones efficere valeant, in metu, & ira multò prom-* *ptius contingit; ut in illo, qui ignis me-* *tu paralyticus, & artuum torporem excu-* *sit.*

12 Medici vel a Postulatoribus Causarum pro Miraculo astruendo acciti, vel a Sacra Congregatione consulti, ut suum pro veritate sensum exponerent, ab his, quæ supra dicta sunt, non recesserunt: gravitatem quippe paralytis admiserunt, si motus, & sensus in ea sint amissi, si magna corporis pars sit affecta, si convulsio sit conjuncta paralyti, si atrophia non desit, si paralytis diuturna sit, & si senem afficiat, uti videri potest in *Dissertationibus Sinibaldi, & Lancilii super nono*, quod proponebatur, *Miraculo in Causa Sancti Jacobi de Marchia, in Dissertatione ejusdem Lancilii in primo, & duodecimo Miraculis*, quæ proponebantur in *Causa Sancti Stanislai Koska, in Dissertatione ejusdem Lancilii super primo*, quod proponebatur, *Miraculo in Causa Beati Francisci Regis, in Dissertatione*

Alexandri Pascoli super Miraculo primo Sancti Peregrini Latiosi, in Dissertatione Petri Allalti super quarto, quod proponebatur, *Miraculo in Causa Sancti Joannis Nepomuceni*, ubi gravitatem paralytis demonstravit etiam ex partibus affectæ contractione, juxta *Emmullerum Prax. lib. 2. sect. 3. cap. 3. art. 3.* ex temporis diuturnitate, juxta illud *Amati Lusitani Curat. Medic. centur. 4.* ubi loquens de acuta, et diuturna paralyti inquit = *Nisi infra decem dies resolvatur, evadit morbus consuetudinarius, & habitualis, nec amplius curari potest* = ex vigore, et vehementia, quæ in dies augeatur, et ex quo paralytis a luxatione provenierit, veluti plenè explicat *Dolzus Encyclop. Chir. lib. 6. cap. 6.* Aliqua fuit inter eisdem discrepantia super puncto, an vehementior sit paralytis, quæ occupat crura, præ illa, quæ occupat brachia; id enim admissum fuit a *Lancilio in Dissertatione super septimo Miraculo in Causa Sancti Turribii*, sed de eo dubitavit *Pascolas in citata Dissertatione super primo Miraculo Sancti Peregrini Latiosi* = *Quid itaque refert, utrum paralytis fuerit in brachiis, utrum in cruribus? Trateretia, quidquid de hac re opinetur citatus Rejes, ipse tamen & anatome corporis humani, & legibus motus physicis aque, ac mechanicis instructus dissentire ab ipso non dubito.* Crura longè magis distant a cerebro aquè, ac a corde, quàm brachia, ab organis videlicet impellentibus. *Motus ergo sanguinis, item & influxus spirituum animalium, longè validior cæteris partibus, esse debet in brachiis, quàm in cruribus. Facilius ergo referre potuisset obstructions in nervis, & musculis brachiorum, quàm crurum.* Quod dictum est de febris, et de sudore, Medici cum distinctione statuendum adseruerunt dicentes, non-
quam-

quamlibet febrim proficuum esse Paralyticis, sed illam duntaxat, quæ materiam, a qua paralyfis facta fuit, denuo exagitat, eliminat, vel absumit, quam potestatem febris vix obtinere potest, ubi materia in spinalis medullæ latibulis fuerit reposita; nec proficuum præterea esse febrim, quæ lenta est, & longo tempore durat, cum per hanc febrim non levis, ac blanda excitetur fermentatio, aut moderata humorum commotio, quæ requiritur, ut hærentes in nervorum filamentis succi dissolvantur, extenuentur, & per convenientia corporis emissaria extrudantur, sed ex repetito, atque ad multum tempus continuato lentæ febris accessu tanta inducatur fluidorum dissolutio, ut, quantum magis particulæ oleosæ volatiles pereunt, ac a sanguine excutiantur, uberior exerceat fomes paralyfis, & oblitata ejus duratio persistat, uti videri potest in *Dissertatione Domini Joannis Antonii Vulpii Medici, & Philosophi, & in Archigymnasio Romano Botanices Professoris super Miraculis Sancti Joannis a Cruce, & in Dissertatione Domini Marci Angeli de Marcangelis in Romano Archigymnasio publici Medicinæ Professoris super secundo*, quod proponebatur, *Miraculo in Causa Canonizationis Beati Vincentii de Paulo.*

13 Loquendo de sudore, Mathezucc. de *Offic. Cur. Eccles. cap. 47. sub num. 23.* inquit, quod, si sudor post invocationem Servi Dei, vel Beati subsequatur, non sit crisis, sed initium Miraculi; at, quia, quando aliquid ad naturam referri potest, non est habendus recursus ad supernaturalia, Lancisius in *sua Dissertatione supra allegata super nomo Miraculo Sancti Jacobi de Marechia* benè annota-

vit ex Hippocrate in *Concis Translationibus Jell. 2. num. 270.* inter modos sanationis paralyfis, & convulsionis sudorem enumerari, sed addidit ex Sennerto, sudorem in via naturæ proficere, cum paulatim suboritur, & per integras hebdomadas continuatur, secus autem, si unica vice profluat, cum materia chronicas paralyfes, & convulsiones producat sit altè in musculis incuneata, & propter angustiam, & profunditatem viarum tota unico ictu solvi, & excludi non possit.

14 Demum, quæ de variis causis paralyfis procedentis aut a flatibus, aut ab affectione scorbutica, aut a vaporosa materia ad principium nervorum transmissa in superioribus dicta sunt, fuerunt confirmata a Domino Sinibaldo in *sua Dissertatione super primo*, quod propositum fuit, *Miraculo in Causa Canonizationis Sancti Tii V.* in qua totus fuit, ut ostenderet, paralyfim, de cujus miraculosa liberatione agebatur, a nulla ex dictis causis processisse; per quæ etiam vestigia processit Lancisius in *sua Dissertatione super eodem Miraculo.* Uno verbo, quotquot Medici vel ad opporunitatem, vel pro veritate in his Causis scripserunt, vim Miraculi constituerunt in morbi gravitate, & diurnitate, in symptomatibus eum concomitantibus, convulsione videlicet, & atrophîa; cæterisque supra relatis, causam morbi investigarunt, si enim a sanguinis redundantia paralyfis exorta fuisset, aut a vaporosa materia, libenter dixerunt, eam solvi potuisse naturæ, aut artis beneficio. Scripserunt, paralyfim in principio potuisse originem habere a denegato duntaxat spirituum animalium, sive succi nervi ex glandulis aut corticalibus

cerebri ; aut medullaribus medullæ spinalis influxu per nervos, ac musculos ; sed tractu temporis ob texturam mollem, atque implicatissimam ejusdem medullæ spinalis obstrui, & deleri potuisse, ita ut paralysis ex humerali transierit in organicam, quæ cæteris est fortior. Considerarunt quoque, an remedia, & quæ, & quanto, & quo tempore fuerunt adhibita, an profuerint, vel proficere potuerint, an ulla alia causa naturalis accesserit, ad quam sanatio referri posset ; & quoties gravitas, & diurnitas paralysis accesserunt, quoties probatum est, paralyfim non provenisse ab illis causis, quæ aliquando sponte recedunt, remedia non fuisse adhibita, aut nullum levamen præstitisse, causam quamcumque naturalem abfuisse sanationi faventem, et perfectam, et constantem, et instantaneam sanationem, implorato auxilio Divino, supervenisse, non dubitarunt pro Miraeulo pronuntiare.

13 Cohærenter ad hæc, me uti Sacræ Conistorialis Aulæ Advocato patrocinium præstante, antequam ad Officium Fidei Promotoris essem assumptus, primum, quod inter Miracula Sancti Pii V. pro ejus Canonizatione approbatum fuit, Miraculum fuit illud instantaneæ sanationis Puellæ a paralyfi, qua in coxis, & cruribus laboraverat : paralysis autem plurium, id est octo, mensium spatio duraverat, coxas, erura, & pedes affecerat, fuerat amissus sensus, & motus, nec ulla fuerant adhibita medicamenta. Post ad me delatum munus Fidei Promotoris in Causa Sancti Stanislai Kofka inter cætera Miracula pro ejus Canonizatione approbata duo fuerunt sanationis a paralyfi, quemadmodum defu-

mitur ex Decreto edito die 12. Novembris 1713. sed in primo paralyfis quatuordecim mensium spatio duraverat, frequentibus, & gravissimis convulsionibus fuerat comitata, brachia, & tibia occupaverat, quæ macie confectæ, & exsiccatæ nihil præter cutem, & ossa præferebant, amissus fuerat undequaque motus, ita ut æger nec pedibus se sustinere, aut articulos Paralyticus movere posset, & de morbi insanabilitate Medici jam suum tulerant judicium ; & in secundo agebatur de forti, & levissima paralyfi in tota dimidia corporis dextera parte, in qua caro languida, & ferè demortua ab humero ad pedes nullum vitalitatis præbebat indicium, ita ut, licet ferreæ acu pluries puncta, & perforata fuerit, infirmus nil penitus senserit doloris, adhibitis, sed frustra, medicamentis, & subitanæ, perfectæque sanatione in utroque casu post invocationem superveniente. In Causa Sancti Joannis de Cruce binæ sanationes a paralyfi inter cætera Miracula fuerunt a Sacra Congregatione approbatæ, quemadmodum habetur ex Decreto edito die 3. Februarii 1725. & eodem anno inter cætera Miracula pro Canonizatione Sancti Peregrini Latiosi recensita fuit sanatio a paralyfi : sed, præter subitaneas, & perfectas in prædictis omnibus Paralyticis sanationes, prima ex prædictis Sanata detinebatur a vera, & perfecta paralyfi dexteri lateris, quæ Hemiplegia appellatur, nedum motus, sed etiam sensus erat amissus, cum primum per asperos, & molestos contactus institutos per digitos, deinde per aciculæ infixionem nullum doloris sensum præstulerit ; in secunda agebatur de ægitudine per duodecim annos

nos protracta, de membris, & infernis artubus atrophîa affectis; & in tertia de diuturno morbo confirmato cum tabe partium affectarum, & cum convulsione. Demum in Causis Sancti Turribii, Sancti Jacobi de Marchia, Sancti Joannis Nepomuceni, Beati Vincentii a Paulo, & Beate Julianæ de Falconeriis quædam sanationes a paralyfi fuerunt Miraculo adscriptæ, ut in *Causa Sancti Turribii* desumitur ex Decreto edito die 11. Januarii 1726. in *Causa Sancti Jacobi de Marchia* ex Decreto edito die 2. Februarii 1726. in *Causa Sancti Joannis Nepomuceni* ex Decreto edito die 16. Februarii anno 1729. in *Causa Beati Vincentii a Paulo* ex Decreto edito die 11. Julii 1729. in *Causa Beate Julianæ de Falconeriis* ex Decreto edito die 3. Octobris ejusdem anni 1729. at in prima agebatur de paralyfi, in qua licet motus, & non sensus fuisset amissus, spatio tamen trium annorum duraverat, & quamvis adhibita fuissent medicamenta, ante sanationem, tamen spatio trium mensium nulla fuerant adhibita, & ea, quæ antecederent fuerant adhibita, nullum præstiterant levamen, cum paralyfis alie venerea processisset, & hæc non expellatur, nisi medicamenti mercurialibus, uti bene annotavit bonæ memoriæ Lancisius in *Suffragio super dicto Miraculo*; in secunda sanatione agebatur de perfecta paralyfi cum privatione sensus, & motus in brachio, & manu sinistra unâ cum convulsione, & quæ spatio sex mensium duraverat; in tertia agebatur de gravissima paralyfi spatio quoque sex mensium inveterata in toto brachio dextero cum stupore, marcere, atrophia, articulisque valde contractis; in quarta res erat de paralyfi conjun-

cta cum convulsione; & in ultima agebatur de paralyfi, quæ post apoplexiam supervenerat, de Sanato constituto in ætate annorum quinquaginta sex, de morbo, qui duraverat spatio sex mensium, de brachio, & crure sinistri lateris affectis cum privatione motus, & convulsione.

16 Ideoque, omnia in unum colligendo, cum in Sacrorum Rituum Congregatione aliqua sanatio a paralyfi proponitur recensenda inter Miracula, non modò status præcedens morbi, et status subsequens perfectæ sanationis, et momentanea, et subitanea sanatio sunt advertenda, et, quando asseritur, quòd in morbo non tantum motus, sed etiam sensus fuerat deperditus, videndum est, quomodo sensus amissio, quibus experimentis, quo tempore, an longè a sanatione, vel prope, probata sit, verum et Physicorum auxilio causa morbi ponenda est in aperto, symptomata, medicamenta, si fuerint exhibita, et quæ fuerint, si exhibita sunt, ponderanda sunt: omnia demum advertenda, ne suspicandi locus supersit, paralyfim ex illis esse, quæ naturâ, vel arte momento expelli possunt, de quibus supra, et an sanatio inter Gratiæ, vel inter Miracula sit recensenda. Valeriola lib. 4. observ. 4. inter Miracula piè recensuit sanationem Sacerdotis Galli senis a paralyfi, quam ipse feliciter curaverat adhibitis medicamentis tum internis, tum externis, quæque evanuit, morbo in dies paulatim, & sensim decrefcente: *Quod ego professò pro Miraculo habeo, & Dei potentia magis, quàm medicamentorum viribus factum arbitrari oportet, quòd & agritudo ipsa sùapte naturâ incurabilis ferme sit, præsertim in senibus, & quòd in tanta ætate convalescere a tanto morbo*

bo ager, id Dei immensa potentia adscribendum; si enim de hac sanatione actum fuisse in Sacrorum Rituum Congregatione, ea certe non fuisset recensita inter Miracula tum propter proportionata exhibita medicamenta, tum propter sanationem, non momento, sed successivè receptam. Quæstio stat in perfecta, & momentanea sanatione, & in gravitate paralytici, quam Willisius cap. 9. de Paral. pag. 383. explicat similitudine a plantis deducta: Enimvero paralytici hominibus non secus, ac syriasis, sive uredo arboribus accidit: quippe ventis nonnulli balneis plius quàm frigidis, scilicet spiritus nitroso, aut vitriolico, præditis cum virescent, tenerosque arborum frutices sufflant, eos repenti emarcescere faciunt, in quantum scilicet stamina tenella nervorum instar solii, & fruticibus passim intertextæ maligni aeris afflatu ita penitus constringuntur, ut succum e trunco, aut radice suppeditatam non amplius suscipiant, ab ejus defectum exarescunt. Non absimili ritu particula extranea, & quasi vitriolica intra sensus, & motus organa admisse, quatenus una poros conspiciant, & spiritus animales dejiciunt, vel a motu supprimunt, partibus respectivis quasi uretorem inducunt.

17 Dum agebatur de paralytici, aliqua dicta sunt de atrophia, & aliqua idcirco in præsentem remanent annotanda de membrorum ariditate. Oblatus est Christo Domino homo habens manum aridam, quem ipse momento sanavit, uti habetur Matthæi cap. 12. = Et ecce homo habens manum aridam &c. Tunc ait homini: Extende manum tuam; & extendit, & restituta est sanitati, sicut altera. Sanctus Lucas in Evangelio cap. 6. hanc ipsam refert sanationem, additque, manum aridam fuisse manum dexte-

ram: & in lib. 3. Regum cap. 13. Jeroboam stante supra Altare, & thus adolente, orante Prophetâ, Altare scissum est, & manus, quam Jeroboam extenderat, exaruit, ipsoque Prophetam orante, ut sibi manus restitueretur, Propheta Dominum oravit, & reversa est manus ad eum, & facta est, sicut prius fuerat. Sanctus Hieronymus in Mattheum testatur, Sanatum a Christo fuisse exmentarium: Iste homo, qui aridam manum habet, cementarius scribitur, istiusmodi vocibus auxilium precans. Cementarii manibus victum querentes precor te, Jesu, ut mihi restituas sanitatem; ne turpiter cibos mendicem. Ader de Morbis Evangelicis enarrat. 11. contendit, totam manum cum brachio aridam fuisse. Sanctus Bernardus in Vita Sancti Malactie Miraculum in ejus funere secutum sequentibus verbis exponit: Interim parantur Exequia, offertur pro eo Sacrificium, consumuntur ex more omnia cum summa devotione. Stabat enim Puer, cui emortuum pendebat a latere brachium, magis illi impedimento, quàm usui: quo comperto, innuit (sermo est de altante funeri) ut accederet; & apprehensam aridam manum applicavit ad manum Episcopi, & revivificavit eam: nempe vivebat in mortuo Gratia sanatum, & manus ejus fuit mortua manui, quod mortuo homini Eliseus: & mentio miraculose liberationis ab ariditate membrorum habetur in Bullis Canonizationum Sanctæ Clare de Assisio, Sancti Ludovici Regis Franciæ, Sancti Elzearii de Sabrano, & passim in aliis. Zacchias in Quæst. Medico-Legal. lib. 4. tit. 1. quæstion. 8. num. 41. notat, atrophiam esse partis alicujus consumptionem, & ariditatem, in qua passio corpus, seu corporis pars aliqua non amplius frui-

V

tur

154 *De Serv. Dei Beatif. et Beat. Canoniz.*

tur nutrimento , & , naturaliter semper aliquibus decedentibus , nullis verò in eorum locum idoneis subeuntibus , summa mæies oritur , ita ut pars arida dici possit vitæ earere , cùm vita per nutritionem existat , Ariditas est ultimus gradus morbi , ut inquit Ludovicus Mercat. *de intern. morb. curat. tom. 3. lib. 1. cap. 15. pag. 70. litterâ G* & pag. 72. *litterâ E.* & pag. 74. *litterâ F.* & quamvis pars corporis arida , quoadusque cruciatur , curari possit , quemadmodum respondit Joannes Fort. *tom. 2. centur. 3. consult. 33.* magna tamen cum difficultate curationem admittit , si ariditas longo tempore perseveret , uti conclu-

dit Donat. Anton. ab Altomari *de medend. human. corpor. cap. 14.* Quocirca , si ariditas sit inveterata , & perfecta sanitas momento succedat post Servi Dei invocationem , non adhibitis , aut frustra adhibitis medicamentis , de Miraculo non erit dubitandum , uti ad rem annotavit Matthæus cius in *Tractata Theologo-Canonica ad Causas Beatificationis , & Canonizationis tit. 3. cap. 3. §. 4. num. 11. & sequentibus* . De Apoplexia aliquid fortè dicendum esset , antequam finis imponatur discurfui de Paralyfi , cùm Apoplexia sæpius definat in Paralyfim ; sed infra sermo distinctus instituetur de Apoplexia .

CAPUT DECIMUM TERTIUM.

De miraculosa sanatione Epilepticorum , & passione Hystericâ laborantium .



In Evangelio Sancti Matthæi cap. 17. narratur , fuisse allatum ad Christum Dominum a quodam homine filium , quem habebat

lunaticum , cùm sæpe caderet in ignem , crebrò in aquam , & malè pateretur , quem , ejectione Dæmonio , statim sanavit . Idem factum exponitur in *Evangelio Sancti Marci cap. 9.* qui addit , quòd statim , ac æger fuit allatus ad Christum , allisus in terram spumavit , & quòd , Christo Domino Patrem interrogante , a quanto

tempore morbus inceperat ; ipsoque respondente , quod inceperat ab infantia , Spiritui immundo iussit , ut exiret , qui cum discerpens exiit , & ægrum reliquit tamquam mortuum , quem deinde Jesus elevavit , & sanavit ; & concordat Sanctus Lucas in *Evangelio cap. 9.* Origenes , Sanctus Joannes Chrysostomus , & Sanctus Hieronymus nullam in hoc ægrotante naturalem morbi causam agnoscunt , autumantes , Dæmonem , ut homines deciperet , eosque tentaret ad blasphemandum adversus Creatorem Lunæ , & Astrorum , certo tempore , juxta augmentum , aut Lunæ declinationem , ægrotantem tormentis afficere .

cic

cille. Putant alii, morbum in humoribus fuisse, & Demonem pravâ dispositione corporis utentem tormenta ingeminasse, & sic xgrum hunc fuisse epilepticum, qui tempore crescentis Lunæ fortioribus paroxysmis afficeretur, quemadmodum videri potest apud Calmet in Commentariis ad dictum cap. 17. Matthæi, quod ipsum latè prosequitur Ader de Morbis Evangelicis enarrat. 4. ubi hæc habet: Epilepsia autem laborasse, verba ipsissima Patris, & Evangelistarum testimonia, fidem faciunt. Convellabatur, dentibus stridebat, cadebat frequenter, & interim spumabat ore. Quæ symptomata epilepsiam consequi, ut signa certa, pathognomica, & concomitantia, Medicis est in confesso. Lunaticus deinde factus, & ad Lunæ motum compositus morbus est: solet enim epilepsia per Lunæ quadras eadem servitæ stasis recurrere periodicis. Surdo tandem, & muto spiritus correptus, arreptivus lunaticus factus est, ut loquitur Avicenna. Hæc igitur est summa morbi. Concordat Vallesius de Sacra Philosophia cap. 71. ubi post allata recitata verba Evangelii Sancti Matthæi cap. 17. = Domine, miserere filio meo, quia lunaticus est, & malè patitur; nam sæpe cadit in ignem, & crebrò in aquam = & alia ejusdem Evangelii cap. 4. = Obtulerunt ei omnes malè habentes variis languoribus, & tormentis comprehensos, & qui Demonia habebant, & lunaticos, & paralyticos = subdit: Ex his Evangelii verbis constat baud dubiè, Epilepticos dici Lunaticos; & latè prosequitur Zacchias Quæst. Medico-Legal. lib. 2. tit. 1. quæst. 14. num. 25. & sequentibus, quod ipsum resumit lib. 4. tit. 1. quæst. 8. de Miraculis num. 20. ubi hæc habet: Lunaticus enim morbus, propriissimè loquendo, epilepsia est molesta, & confirmata, & quæ secundùm Lunæ

motus exacerbatur, & invalescit, fortioresque patitur accessiones &c. Aliquis interdum Dæmoniaci operâ ipsius Dæmonis lunatici efficiuntur, qualis erat ille, de quo Matthæi cap. 17.

2 De miraculosa liberatione a morbo comitiali, sive epileptico sermo fit in Bullis Canonizationum Sancti Stanislai Episcopi, Sancti Ludovici Tolosani Episcopi, Sanctæ Franciscæ Romanæ, & passim in aliis; & a Rotæ Auditoribus in Relatione Causæ modò memoratæ Sanctæ Franciscæ part. 3. in sexto Miraculo, in Relatione Causæ Sancti Andree Corsini apud Lezanam tom. 4. consil. 1. num. 271. & in Relatione Causæ Sancti Cajetani in octavo Miraculo, & passim in aliis.

3 Epilepsia apud Græcos Morbus Sacer appellabatur, vel quia putabant, illum hominibus immediatè a Deo fuisse immissum, uti voluit Hippocrates, vel quia nobilissimam, & maximè sacram corporis partem, cuius regimine partes reliquæ gubernantur, occupat, uti scribit Plato de Natura sol. 759. vel quia in illa parte sedem habet ratio, quod voluit Aristoteles sect. 33. Problem. quæst. 7. de quibus apud Scalpartium observ. 6. pag. 51. Epilepsia nihil aliud est, quàm universalis convulsio, teste Galeno lib. 1. de Sympt. caus. cap. 8. Præter humoris copiam qualitas venenata, & graviter insensa, atque inimica subtilitatis cerebri statuenda est causâ epilepsicæ, quæ, quoties exagitur, & præcepit in cerebrum, cerebrum in se ipsum sese contrahit, ut, quod noxium est, expellat, & ex hac colluclatione, & dimicatione epilepsia confurgit, uti latè explicat Schenckius lib. 1. de Epilepsia in suis Observationibus Medicinalibus, ubi latè agit de causis ejusdem. Huc referri possunt, quæ

habentur in Observationibus Anatomicis, cum in Epilepticorum capitibus aliquando serum fetidum, ac putre, acre aliquando, & tenuius in cerebri substantia, tum extrâ repertum sit: Bonett. *Anatom. Traët. lib. 1. sect. 12.* Scheneiderus de *Cataract. lib. 2.* subditque Willisius in *Tat. celeb. de mot. convuls.* se in prædictorum Epilepticorum capitibus animadvertisse laticem intrâ cavitatem cerebello subjectam congestum, qui membranam, quæ medulla oblongata investitur, distendebat, & nervorum origines invadebat.

4 At, his omiſſis, quæ propriè spectant ad Medicos, signa demonstrativa, & pathognomonica veræ epilepsiæ sunt, si æger in quibusdam temporum mutationibus derepente paroxysmo apprehensus ex improvviso cadat, extrâ mentem rapiatur, membris distorqueatur, spumam ex ore emittat, uti, collectis Medicorum autoritatibus, latè docet Zacchias *Quæst. Medico-Legal. lib. 9. consil. 17. num. 1.* & benè annotarunt Rotæ Auditores in *Relatione Cause Sanctæ Franciscæ Romanae part. 3. in sexto Miraculo*, ubi ita scribunt: *Morbus erat comitialis, sive caducus, qui a Græcis appellatur Epilepsia, ut indicant circumstantia, quibus describitur; est enim convulsio quadam omnium corporis partium, non perpetua, sed quæ ex temporum accidis intervallis cum mentis, sensuum, ac motus lassione.* Citatus Zacchias *lib. 8. tit. 1. quæst. 3.* latè explicat, quomodo Epilepsia dicatur gravis, & quomodo levis: docet enim, epilepsiam dici gravem ex gravitate symptomatum, & eorum multitudine, frequentia accessionum, eandem duratione, & ex iis tandem, quæ ab accessione relinquuntur; quapropter, si magna sit contortio mem-

brorum, gravis erit epilepsia, si modica sit, eadem levis erit; si frequentia accessionum aderit, puta, si contigerit singulis noviluniis, & pleniluniis, & in Lunæ quadratis, gravis, & gravissima erit epilepsia, secus autem, si rariùs accessiones contingant. Rursus gravis erit epilepsia, si paroxysmus multùm duret, & levissima erit, in qua homines citò ad sese redeunt, & post paroxysmum sese habent perinde, ac si nihil mali passi essent. Demum gravis erit epilepsia, si Epilepticus a paroxysmo liberatus nullâ verecundiâ afficiatur, tamquam si nihil passus fuisset, si fatuitas adsit, aut stulticia, aut mentis inconstancia, aut memoriz defectus, aut impotentia ad motum, aut membrorum torpor, aut oculorum obfuscatio, & id genus alia. De Epilepticorum ululatibus, aut obmutescencia, & harum rerum causis ita scribit Levinus Lemnius de *occulis natura Miraculis lib. 2. cap. 3.* = *Tro habitu siquidem, & constitutione corporis, pro organorum, ac meatuum amplitudine, vel angustia, proque humoris viscosi redundantia varias, diversasque differentias percipiunt, ac mutationes subeunt: hinc alii ululant, canâmpque more latrant; alii sibilant, ac dentibus strident; nonnulli clamores edunt horrendos, atque intensius vociferantur; non desunt, qui prorsus obmutescant, cerebro præsertim oppleto densis humoribus oppressoque diaphragmate, atque occlusis respirandi fistulis, quo fit, ut spiritus inoffensè commovere nequeat, atque ultro, citroque reciprocare, qui omnium acerbissimè mihi torqueri videntur.* Favent dictis, quæ leguntur apud Joannem Baccanellum de *Consensu Medicorum in curandis morbis pag. 241.* ubi ex autoritate Aetii, & Avicennæ hæc habet: *Si acutissimus fuerit affectus, tum ob crebras*
ac-

accessiones, tum ob symptomatum vehementiam statim jugulas: & quæ habentur apud Ludovicum Mercatum lib. 2. de interiorum morborum curatione cap. 16. pag. 73. ubi ita scribit: Præterea scito, omnem epilepsiam acutissimorum morborum more accessiones habere breves, & periculo plenas, etque periculosiores, quod frequentius acciderint, aut longius protrahantur; & ex mentis lésione, & oris spuma comitialis, sive epilepticus morbus fecernitur, & distinguitur a convulsione, ut ait Donat. Anton. ab Altomari cap. 18. = Insuper in vera convulsione nullum sit principibus functionibus nocumentum: in morbo autem comitiali non modò functiones principes, verùm & sensibiles operationes suscipimus deprimendum.

§ Præter ea, quæ modò dicta sunt, alia non desunt, quæ gravem constituunt epilepsiam: si etenim post vigesimum quintum annum supervenerit, vel si sit hereditaria, hoc est, quòd eà affecti fuerint Genitores ægri, hæc influunt in morbi gravitatem, pertinaciam, & difficiliorem, ne dicam impossibilem, sanationem. Facit illud Hippocratis aphor. 7. sect. 3. = Epilepsia, quibus ante pubertatem sunt, mutationem accipiunt, quibus autem vigesimo quinto anno sunt, sæd commoventur = in cujus Commentario Lucas Tozzius celebris ejus Scholialtes, & quem Romæ agnovimus, dum erat Archiater Summi Pontificis Innocentii XII. ita loquitur: Præpotens mali causa arguitur, cui ætas juvenilis obfistere non potuit, tum quid juvenes nullam in melius mutationem sunt in cæteris subsequensibus ætatibus speraturi, quippe per hæc semper in pejor ruunt, satiescente naturâ ob sanguinem, cæterosque liquores, qui semper, semperque bebetiores, acidiorefque evadunt: quæ tamen dicta

cenferi debent, non quia aliquando Epileptici morbo affecti post annum vigesimum quintum non fuerint a morbo sanati vel per crifim naturalem, ut sæpe fit in morbis acutis, vel per vehemens pharmacum humores noxios quaquà versùs evacuant, quod & in acutis, & in chronicis non rarò contingit, vel ex longa febris, aut scabie, quæ ægrotanti superveniant, ut narrat Sennert. lib. 1. Prax. pars. 2. cap. 31. pag. 155. ut interea omittatur metastasis, seu commutatio in alium morbum, puta in paralyfim, vel in paraplegiam, surditatem, cæcitatem, de quibus apud Horstium lib. 2. observ. 41. apud Ludovicum Straußium Palæstr. Medic. part. 1. gymnasion. 8. thes. 10. sed quia liberatio a morbo post dictam ætatem invadente rarò accidit, ut indicant verba Hippocratis = magna ex parte = & annotavit Vallerius in Commentario sequentibus verbis: Nec tamen hoc semper fit, sed magna ex parte; nam quadam epilepsia sunt, quæ in juventute accedentes inclinante ætate sedari possunt. Sequitur Riverius in Præxi Medica tit. de Epilepsia, ubi hæc habet: Licet autem post vigesimum quintum annum incurabilis dicatur Epilepsia ab Hippocrate, hoc tamen non est perpetua veritatis; multos enim ætate propectos ab hoc morbo liberatos fuisse, pluribus observationibus relatum est, quamvis tamen hoc rarò contingat: & in eo, quod attinet ad metastasim in alium morbum, animadvertit Tozzius loc. cit. ubi, ponderatis verbis Hippocratis, subdit: Non inde deducendum est, eos, qui ultra vigesimum quintum annum hoc morbo correpti sunt, esse in sæno commoventiuri; nam, ineunte virilitate, plurimæ vifis sunt perisse, commutata præstissimè epilepsia in apoplexiam.

158 *De Serv. Dei Beatif. et Beat. Canoniz.*

6 Ex eodem quoque Hippocrate in Libro de Morbo Sacro num. 5. habetur, quod *Genitura est ab omnibus corporis partibus, a sanis quidem sana, a morboſis morboſa decedit, ex quo fit, quod, teſte Sennerto Tract. lib. 1. part. 2. cap. 31. pag. 162. diathesis epileptica a parentibus in filios propagatur, quæ aded magna cum difficultate curatur, ut nonnulli Medici ſcripſerint, incurabilem eſſe, uti legitur apud Bernardum Gordonium part. 2. cap. 35. = Si parentes ſint epileptici, deinde genitus incurrit epilepſiam, talis non videtur curabilis = apud Nicolaum Piſonem lib. 1. de Morbis curandis cap. 19. = Si autem vigefimum quintum annum ſuperaverit, numquam ſeneſcit, maxime ſi comitialibus natus eſt parentibus = apud Lazarum Riverium lib. 1. Practic. cap. 7. = Epilepſia hereditaria incurabilis eſt = apud Sebaſtianum Egherti in Scholio ad cap. 13. Praxis Medicæ Dodonæi = Quid ſi Familia propria, non ſtat, non Medicus diſcutere illam valet = apud Dolæum Encyclop. Med. lib. 1. cap. 9. pag. 68. = Hereditaria quoque epilepſia ob cerebri pororum diſpoſitionem viſitatam nullis cedens medicamentis tolli nequit, eſtque incurabilis; & Zacutus lib. 1. Prax. admirand. obſervat. 36. ſcitu dignum adducit exemplum Epileptici, cujus octo Filii, & tres Nepotes per multos annos miſerrime epileptici inſulſibus exercitati vitam ducebant; quos omnes hic inſuperabilis morbus uſque ad mortem, nullis proſcientius auxilium, eſt comitatus.*

7 Rurſus contentanè ad ea, quæ in ſuperioribus dicta ſunt, levis & contrario, non gravis, epilepſia erit, ſi æger in terram non prolabatur, aut in paroxyſmo advertat, quæ ſunt, & ſit ſui compoſ.; nec enim hæc fieri impoſſibile eſt in epilepſia levi, &

quæ ſit per conſenſum. Marcellus Donatus de Medica Hiſtoria mirabili lib. 2. cap. 4. quæſtionem proponit de Hiltione a ſe feliciter curato, & in eo eſt ſenſu, quod eſſet epilepticus epilepſiâ per conſenſum, licet paroxyſmo oppreſſus in terram non caderet, nec, paroxyſmo durante, eſſet undequaque mente alienatus: *Nihilominus hominem epilepticum fuiſſe, ſtatuendum decrevimus; at non cadebat, quia non per ſe cerebrum, ſed per conſenſum patiebatur, eratque paſſio, non fortis, ſed debilis, hinc nec ſpuma oris aderat, ſignum alioquin Epilepticis communiſſimum. Leviter itaque per conſenſum affecto cerebro, duntaxat motus convulſivi excitabantur, ita ut, veluti ſaliendo, per intervalla corpus contraheretur, & concuteretur, cique ob id pariter ſolvebatur affectio huiusmodi: hinc quoque ſactum, ut non inſignem in principibus facultatibus læſionem obſervaremus; nam paſſio levis & ipſa erat, quemadmodum & Galenus 3. de locis affectis meminit de Puero illo, qui, veluti auram frigidam aſcendere ad cerebrum, epilepſia paroxyſmo adveniente, perſentiebat, & in ipſo paroxyſmo mentis ita compoſ erat, ut, quæ fierent, perciperet, & proſugata acceſſine, eadem narrare ſcires. Ex quo, in epilepſia quandoque, eaque debili, & parùm lædi primarias operationes ſtatuendum eſt: quod prænartrato ægrotanti accidiſſe obſervavimus, cui eſſi aliquando mens obladeretur, quæ tamen fierent, perſentiebat, ac, licet motus convulſivi excitarentur, ita ut hinc inde caſum minaretur, non tamen cadebat, eò quod affectio prægrandis non eſſet. Idemque Marcellus pluribus explicat epilepſiam ex conſenſu, quam dicit provenire, non a cerebro primò, & per ſe malè affecto, ſed ex malo vapore elevato vel ab una parte corporis, vel a toto. Quo-*

CIT.

circa bonæ memoriæ Joannes Maria Lancilius in suo Suffragio pro veritate edito in *Causa Beati Hyacinthæ de Marefcottis super quodam Miraculo liberationis ab epilepsia*, de quo infra, ita scripsit: Animadvertendum breviter hic est, epilepsiam in varias species, quas differentias vocant, per Medicos commo- dè dispartiri. Sunt quidem alia, quæ ex levisus externis causis orta citò disparent, nec revertuntur; alia e contra, quæ hereditario quasi jure contracta gravius, ac pertinacius usque ad mortem plerumque comitantur: omnes verò sunt vel idiopathica, hoc est, indulto, firmatoque vitio, seu diatresi in cerebro, ejusque continen- tibus membranarum, vel sympathica, videlicet per consensum partium extrà, atque infra cranium existentium: multa quoque ante pubertatem corripiant, & mutatione ævis desinunt; nonnulla post vigesimum quin- tum annum invadentes, aut antea jam incepta sæpius repetunt, & rebelles per- severant, confirmatæque cum ægris moriuntur, nisi natura, vel ars decubitus, vel abscissum, quod quàm rarissimè accidit, ad externa moliantur: & de hac epilepsia per consensum plura habentur apud Schenckium lib. 1. fol. 111. & se- quentibus.

8 His prænotatis, videretur, tuto pede statui posse, miraculosam cen- sendam esse liberationem ab epilepsia, si epilepsia, non levis, sed gravis sit, si sanatio nulli causæ naturali adscri- bi possit, & si ulterius statim post invocationem sanatio perfecta mo- mento succellerit, ut innuit bonæ memo- riæ Jacobus Sinibaldus in suo *Suf- fragio super miraculosa liberatione ab e- pilepsia*, quæ discutienda propone- batur in *Causa Sancti Jacobi de Mar- chia* = Cùm itaque apud Liborium (nomen erat Sanati) nulla penitus crisis imme- diatè ante sanationem apparuerit, nullum

vehemens pharvacum intercesserit, non alia ex natura vi ad salutem via rema- nebat, quàm per coctionem, & fermenti epileptici incinerationem: quæ utique na- turales operationes cum non, nisi in tempore, & per gradus, fieri possint, necesse erat, Li- borii symptomata graduatim alleviari, & ad mensuram progredientis coctionis epi- lepticos insultus, qui vicies in die, ut Testes deponunt, invadebant, primùm ad decies, deinde ad quinquies paulatim di- minui, intè per dies, & hebdomadas fe- riari, donec tandem omnino evanescerent. Constat ergo Miraculi evidentia in repen- tina, totali, & nunquam redituri morbi sanatione.

9 At, quia a Medicis passio epi- leptica distinguitur in paroxysmum, qui modò per certas periodos tamquam morbosus effectus improvise erumpit, & cessat, & in causam, quæ in ægro- tantis corpore delitescit, atque ad no- vos reditus excitandos sensim cumu- latur, & in solutione paroxysmi nihil apparet præternaturale, cùm passim videamus Epilepticos per vias caden- tes, & sinè ullo Medicorum auxilio sponte suâ paulatim solvi; tota idcir- co quæstio, cùm agitur de Miraculo, non est ad excitationem a paroxysmo reducenda, sed ad liberationem per- fectam ab epileptica diatresi, sive a novis recurribus, quæ non ita faciliè resolvi potest, ut innuit Bordon. in *Opere posthumo de Miraculis medicis*. 7. num. 37. ubi hæc habet: *Difficile est scire, an quis dicatur liberatus ab hoc malo, quia continet non durat, sed interpolatis temporibus venit, & recedit*. Dum fun- gebar munere Fidei Promotoris, & in *Causa Beati Hyacinthæ de Marefcottis* discutienda proponebatur in- stantanea liberatio cujusdam Monialis ab epilepsia, qua post vigesimum quintum annum inceperat laborare, quæ

160 *De Serv. Dei Beatif. et Beat. Canoniz.*

quæ gravissimis symptomatibus fuerat comitata, qua fuerant affecti ejus Genitores, & a qua, recurſu habito ad interceſſionem Beatæ Hyacinthæ, liberata perfectè dicebatur, absque eo quodd ulla præcellerit crisi, aut profuerint medicamenta, & licet post excitationem ab ultimo paroxysmo crasioribus alimentis usa esset, & vinum bibisset, quæ recuperatæ sanitati officere poterant, uti, loquendo de crasioribus alimentis, animadvertit Forestus lib. 10. observ. 68. pag. 483. &, loquendo de usu vini, prosequitur Henricus ab Heers observ. 24 pag. 213. ubi ait = *Novi quosdam juvenes ab hoc morbo curatissimos, qui, cum vino abstinere nollent, incurabiles evasere* = opposui, Processum super sanatione confectum fuisse decem, & octo mensibus post secutam liberationem ab ultimo paroxysmo, ignorari, an dicto tempore Monialis eodem morbo iterum vexata fuerit, &, quatenus eo tempore a morbo immunis fuisset, cum adhuc viveret, posse dicto morbo iterum tentari; ex quibus deduxi, a Miraculi approbatione esse abstinendum.

10 Plura a Postulatoribus, ut hanc animadversionem eliderent, egregiè deducta: probare siquidem conati sunt, Monialem spatio prædicto decem, & octo mensium a morbo perfectè liberam fuisse, idque sufficere, cum Jus Canonicum in *Can. Communiter dist.* 33. unius anni tempus exposcat, ut Sacerdos, qui ob epilepsiam prohibitus fuerat, ne Missam celebraret, ad Sacrificium offerendum admitratur, & cum recidiva Monialis in morbum epilepticum, quatenus contigisset, verus regressus dici non potuisset proveniens ex reliquiis morbi præcedentis, sed novus morbus contractus ex usu ciborum non salutarium, & vini,

juxta ea, quæ habentur apud Ripam in *Tractatu de Peste particul. 2. partis ultima num. 140.* & passim apud Medicos. At, me urgente, in tantum post annum continuatæ salutis Sacerdotem admitti ad Missam celebrandam, in quantum, si post annum apud iterum opprimatur, potest iterum ab Altari amoveri, & in quantum agitur quodammodo de causa necessariò definienda, quæ nihil habebat commune cum approbatione Miraculi, tum quia hæc approbatio inter causas non necessariò definiendas est referenda, tum quia post Miraculi approbationem non videbatur, esse posse locum retractioni, res eò redacta est, ut, licet sanatio ab ultimo paroxysmo contigisset anno 1709. approbatio tamen miraculosæ sanationis facta non fuerit, nisi die 2. Julii 1722. a Sacrorum Rituum Congregatione, confirmante sanctæ memoriæ Innocentio XIII. & sic post intervallum fere tredecim annorum, allatis de tempore in tempus probationibus perfectæ sanitatis, necnon usus ciborum minus salubrium, & vini. Post hujus miraculosæ sanationis approbationem iterum de hac eadem materia tractatum est in Causa Sancti Jacobi de Marchia, & me quoque tamquam Fidei Promotore opponente, quæ opposueram in Causa Beatæ Hyacinthæ de Marefcortis, & respondentibus Postulatoribus, & comprobantibus, epilepsiam fuisse gravissimam, momentaneam fuisse sanationem, Sanatum sex annis supervixisse, epileptico morbo numquam hoc tempore affectum fuisse, post annum sextum alio morbo diverso occubuisse, nec longioris temporis probationes exquiri posse, ut in Causa Beatæ Hyacinthæ de Marefcortis, cum in hac Causa, ut dictum est, Sanata

ad.

Lib. IV. Pars Prima Cap. XIII. 161

adhuc viveret, & in ea Beati Jacobi sanatus post sexennium mortuus esset, hæc non profuerunt, ut sanatio inter Miracula recenseretur, ex quo non fuit concludenter probata continuatio sanitatis per sexennium, quo Sanatus vixit. Quæ omnia ostendunt, quanta cum maturitate Sacrorum Rituum Congregatio procedat, cum res est de sanatione ab Epilepsia.

11 Epilepsix succedit passio hysterica, quæ etiam dicitur uteri suffocatio, quæ foemine nonnullæ laborare consueverunt. Paroxysmi recurrunt, sicuti in epilepsia, uti benè annotavit Schenckius in *Medic. Observat. lib. 4. tit. de uteri Suffocatione*. Dicitur, epilepsiam a passione hysterica differre, cum Epilepticus non intelligat, nec recordetur eorum, quæ in paroxysmo contigerunt; quæ verò uteri suffocatione affecta fuit, audiat, sentiat, & qualitatum sui paroxysmi recorderetur. Forestus in *Observ. lib. 10. observ. 36. in Scholiis pag. 410.* hæc habet: *Traslocata, si respondere nequit, tamen intelligit, & omnia, quæ in paroxysmo acta sunt, post paroxysmum recordatur, quod Epilepticus non facit.* Adhæret Rodericus a Castro in *Libro de Morbis Mulierum cap. 1.* In uteri suffocatione mulier vocata sæpe audit, præsertim cum pungitur, aut pili avelluntur, sentit, & manu collo admotâ, se suffocari, indicat, & licet non possit respondere, tamen post accessum recordatur, & non habet spumam, qualis conspicitur in epilepsia. In epileptica autem accessione neque vocata audit, nec postea recordatur, & spumam in ore habet. At Zacchias *Quæst. Medico-Legal. lib. 2. tit. 1. quæst. 22. num. 9.* & sequentibus prædictas assertiones interpretatur, ut Suffocatz non deficiant in ratione extrâ paroxysmum, quemad-

modum Epileptici, hoc est, quòd non ita intensè a ratione abalienentur, veluti abalienantur Epileptici: & certè non videtur, negandum esse, quòd aliquæ mulieres aliquando passione hysterica affectæ sensu, motu, & ratione careant, cum nonnullæ ex eis pro mortuis habitæ, & sæpe quoque elatz, & tumulatæ, vivæ subinde repertæ sint, quarum exempla congerit Schenckius *Observat. Medicinal. lib. 4. pag. 706.*

12 Affectionem hysterica uteri vitio produci, apud Medicos olim adèd compertum fuit, ut eam nomine suffocationis uterinæ appellarint. At recentiores eam produci putant vitio succorum digestionibus inservientium, qui afficiunt membranas ventriculi, atque intestinorum, & nervosos plexus; quam affectionem comprobant, tum quia in Cadaveribus mulierum eo morbo mortuarum nullum vitium in utero repertum est, teste Willisio de *Morb. convuls. cap. 6. & 10.* tum quia hoc ipsum declarant ipsius morbi symptomata, quæ, non uterum, sed cætophagum, stomachum æquè, ac intestina in primis affecta esse designant. Non est tamen, quòd, sicut succi pravi irritare possunt stomachi nervos, non possint quoque pun gere tunicas uteri, unde & vera affectio hysterica ab utero producat.

13 Morbus hic passim periculo vacare dicitur; sed periculosus omnino dicendus est, si sæpius recurrant paroxysmi, aut si symptomata gravia sint, veluti benè ponderant Sennert. *Tract. lib. 4. part. 2. sect. 3. cap. 4.* Ettmuller. *Coll. Tract. de Morbis Mulierum sect. 3. cap. 3.* quocirca Rodericus a Castro, cum de af-

X

fecti-

162 *De Serv. Dei Beatif. et Beat. Canoniz.*

seclibus hystericeis curandis verba facit, sapienter *Consult. Medic. lib. pag. 98.* hæc subdit: *Hinc duo possumus addiscere, alterum alterius consentaneum. Primum, quod prognosim scilicet, non esse audacter promittendam sanitatem, sed assentibus difficultatem sanandi propagandam &c. Alterum, quod pertinet ad curationem, est, non esse lutandum cum morbo insuperabili, & totis viribus expugnationis incumbendum, sed tantum levibus, benignis, dulcibusque modis agendum, ut scilicet ex mente Hippocratis, si non juravimus, saltem quàm minimè noceamus.*

14 Post hæc descendendo ad miraculosam sanationem ab hoc morbo, non solum sibi vindicant locum ea, quæ in superioribus dicta sunt, dum sermo habebatur de epilepsia, quod vis videlicet Miraculi non est reponenda in excitatione a paroxysmo, sed in expulsiōe qualitatis morbificæ, quæ novos paro-

xysmos producere potest, verum ulterius animadvertendum est, nonnullas in mulieribus crises naturales non omnium oculis expositas ut plurimum accidere, quæ totalem a morbo liberationem producere possunt; in quo rerum themate difficile admodum erit, liberationes ab hoc morbo recensere posse inter Miracula. Quod si id aliquando a Postulatoribus Causarum Beatificationis, & Canonizationis tentatum est, numquam tamen vidi admissum; Medicique acciti, ut pro opportunitate scriberent, operam suam, licet infelici conatu, constituerunt in demonstrando, quod morbus non erat passionis hysterice, sed alterius naturæ, ingenuè hoc modo difficultatem probandi recognoscentes, quod liberatio ab ipso fuisset præternaturalis, si res esset de liberatione a passione hysterica, sive ab uteri suffocatione.

CAPUT DECIMUM QUARTUM.

De miraculosa sanatione a Mania, & Hydrophobia.

1



N Evangelio Sancti Matthæi, & in Evangelio Sancti Lucæ, utrobique cap. 8. narratur miraculosa instantanea sanatio a Chri-

sto Domino facta eorum, qui habentes Dæmonia, & excentes e monumentis sævities exercebant, ita ut ne-

mo posset per viam transire, & licet alter eorum esset vinctus catenis, & compedibus custoditus, ruptis vinculis, a Dæmonio agebatur in Desertum. De hisce Sanatis habebitur sermo infra, cum tractabitur de ejectione Dæmonum a corporibus obsessis. Interea autem satis erit annotare, quod Ader de Morbis Evangelicis e narratione 3. contendit, prædictos Sanatos fuisse Lycanthropidos, vel Mania-

nia.

niacos; ex infra quippe dicendis constabit, morbis aliquibus naturalibus Dæmonem aliquando uti, ut a se obfessorum corpora exagitet, & quoddam aliquando, depulso naturali morbo, Dæmon, qui eo utebatur, a corpore obfello recedit.

2 In Actis Sanctorum non desunt exempla miraculorum ab hoc morbo sanationum. In *Bulla Canonizationis Sancti Petri Celestini* hæc habentur: *Quidam factus ita furiosus, & amens, ut, ne se ipsum, aut alios offenderet, funibus, & catenis ferreis ligaretur, adductus ad dicti Fratris præsentiam, cum comedisset de pane per ipsum exhibito, sic est curatus perfectè, ut de dicta infirmitate nil ulterius unquam senserit.* In *Bulla Canonizationis Sanctæ Elaræ* commemoratio fit pacationis nonnullorum furiosorum. Apud Wadingum in *Annalibus ad annum 1231.* refertur, quemdam Maniacum suis clamoribus interrupisse aliquando conciones Sancti Antonii Patavini, eundemque a Sancto arcessitum, licet furore, & impetu exagitatum, impositâ super ipsum Stollâ, eo momento perfectam sanitatem fuisse consecutum. Item, dum munere fungebat Fidei Promotoris, in *Causa Sancti Turribii Alonsi Mogrobesii Archiepiscopi Limani* inter Miracula pro ejus Canonizatione proposita approbatum fuit illud subite restitutionis judicii deperditii Josepho de Andrada, qui demens, & furiosus spatio novem mensium, ita ut opus fuerit manus ejus, & pedes vinculis ferreis colligare, applicatâ a Matre ejus corpori Sancti Archiepiscopi Reliquiâ, illico compos mentis factus est, solutisque catenis, accessit ad videndam supplicationem in honorem Beati indictam, & deinde studia theologica mirabili profectu profecutus est, adeptâ Do-

ctorali Laureâ, initis certaminibus; vulgò *concurfibus*, ad obtinenda Beneficia Ecclesiastica, habitis e Suggestu ad Populum concionibus, aliisque peractis, quæ judicium undequaque perfectum conprobarunt, uti desumitur ex *Decreto edito die 11. Januarii 1726.*

3 Si res, de qua nunc agitur, esset judicio Juristarum absolvenda, solemne apud illos effectum est, morbum hunc esse insanabilem; inquit enim Paulus de Castro in *L. Qui Testamentum 20. §. Nec furiosus num. 3. ff. de Testamentis* = *Qui semel incipit sanari, nunquam liberatur.* At, quia plûs Physicis, & Medicis hac in re deferendum est, quàm Juris Peritis, manus idcirco admovenda est ad eorum Libros, ut tutum de miraculosa hujus morbi sanatione ferri possit judicium.

4 Fernelius lib. 5. de *Part. morb. & sympt. cap. 2.* ita describit hunc morbum: *Melancholia succedit Mania nobis dicta, qua cogitatione, verbo, aut opere Melancholicorum quadam deliramenta imitatur, sed iracundiâ, jurgiis, clamoribus, borrendo aspectu, multâ denique majore corporis impetu, & mentis perturbatione laborantes exerces, ac impellit, ut quasi fera, & immanes bellua in obvios dentibus, unguibus, & pugnis iniunctâ rabie petulanter invadant.* Sequitur Sennertus in *Med. Pract. lib. 1. pars. 2. cap. 15. de Mania* = *Mania levi negotio cognoscitur ex imaginatione, & ratiocinatione depravata, cum agri in falsa imaginantur, & absurda, & inepta multa agunt, & quidem sine timore, sed potiùs cum audacia, temeritate, loquacitate, jurgiis, iracundiâ, fœvitate in se, & alios, & omnino animi perturbatione tanta, ut agri bestiarum instar obvios quosque invadant, nec sibi ipsis parent, sed vestes dilanant suas, ac manus* p. 2.

164 De Serv. Dei Beatif. et Beat. Canoniz.

lentas sibi inferant, & propterea custodia, & vinculis custodiendi sunt, e quibus tamen omni conatu erumpere conantur. Adhæret Tozzius in *Med. Pract. tit. de Mania*, in principio, ubi de Maniacis: *Furunt, ac nihil omnino formidantes omnia temerè audent, & indiscriminatim aggrediuntur: & de affectis hac ægritudine ita loquitur Nicolaus Piso lib. 1. de cognoscendis, & curandis morbis cap. 24. = Plures rixi sunt furore correpti, qui ab excaudescencia, vel ira, vel mœstitia principium habuere, promptè se habente corpore ad incidendum in tales affectiones; & ad amentiam, & furem Medici dicunt apertissimum esse aditum per timorem, mœstitiam, & nimiam studiorum intensionem = Forestus in Schol. ad observ. 21. lib. 10. pag. 179. Daniel Sennertus Instit. lib. 2. pars. 3. sect. 2. cap. 4. pag. 421. cap. 1. Joannes Baptista Silvaticus eorum. 1. consil. 53. pag. 57.*

5 De hujus morbi gravitate non videtur esse dubitandum; inquit enim Galenus: *Nulla deliratio tua est; additque Curtius Martinellus: Ægrè, ac difficilè hæc passio curatur; & potissimum, si morbus fuerit obfirmatus temporis diuturnitate: unde meritò Thomas Willis lib. 1. de Morbis animæ mobiliore facultates obsidentibus cap. 10. subdit: Si mania inveterata, aut hereditaria fuerit, aut morsu Canis rabidi infertur, ægrè, aut vix omnino integrè sanatur; & rationem reddit Doleus Encyclopædia lib. 1. tit. de Mania pag. 45. frequentibus verbis: Ubi jam radices egerit altæ, malum vix curari potest; in cerebra enim vestigia olim impressa, sed postea sublata, & quasi concremata minimè restitui possunt. Nam, plicas firmiter cerebri impressas explicare, non hominis est: ut in charta, vel in corio, cum aciculâ leviter imago alienius rei*

est impressa, tractu temporis, & motu chartæ imago penitus obliteratur; verum, si acus alius adacta fuerit, & foramina effecerit, nunquam imago delebitur.

6 Alia traduntur a Medicis scitu digna tum quò ad qualitatem maniz, tum quò ad judicium ferendum de sanatione secuta, tum quò ad hujus morbi celsationem; licet enim ex dictis curatu difficilis sit, & præsertim, quando est inveterata, vel cùm est periodica, non ob hoc tamen ipsi censent, eam aliquando non posse tolli remediis, aut non posse naturaliter evanescere.

7 Ducto initio a qualitate maniz, docent Medici, faciliore esse sanationis, & minoris periculi maniam, quam risu comitatur, juxta illud Hippocratis 6. apbor. 53. = *Desipientia, quæ cum risu fiunt, securiores; & benè prosequitur Riverius cap. de Mania §. Facilius curatur: quæ tamen in re cavendum est, ne motus convulsivus pro risu sumatur; nil enim vetat, ne aliquando sola labia reducantur in motum convulsivum risui analogum, quem admodum explicat Bellinus in cap. de Mania pag. 306. favetque historia Tychonis §. Epid. text. 94. apud Hippocratem memorati, qui percussus in pectore a Catapulta, paulò post risu tumultuoso correptus fuit, quem casum Scholiastes Franciscus Vallelius pag. 277. ad motum convulsivum refert, inquit enim: Ego verò, ut in Controversiis dixi, non arbitror, hunc fuisse risum, sed convulsivum quemdam motum risui similem.*

8 Transito faciendo ad judicium ferendum de sanatione secuta, Cornelius Celsus lib. 1. cap. 18. monet, aliquando Maniacos videri astantibus sanitatem consecutos, cùm prudenter loquantur, sed rem hoc modo non
fe

se habere, cùm eo modo dolose loquantur, ut a vinculis liberentur: Neque credendum est, si vinculas aliquis, dum levare vinculis cupit, sanum jam se fingat, quamvis prudenter, & mirabiliter loquatur, quoniam is dolus insipientis est. Rursus aliquando re verà cessat hic morbus per aliquod tempus, sed deinde iterum occupat ægrum: idque efficit, ne ex ejus cessatione, licet ad aliquod tempus protracta, judicium tutum ferri possit de sanatione secuta: unde merito Ettmullerus de Deliriis tit. Quid ad prognosim Mania pag. 301. ait: Mania est malum admodum diuturnum, & difficillimum curatu, quod, licet interdum per menses remittat, vel intermittat, postmodum tamen antiquè atrocitate recurrit, & sæpe ad mortem ipsam ægros comitatur.

9 Superest, ut aliqua subdantur de hujus morbi cessatione aut operamentorum, aut per vires naturæ. Naturæ viribus sanabilem esse, suadere possunt nonnulla exempla, relata per Schenckium Observat. Medicinal. lib. 1. tit. de Mania verb. Curatio, observat. 2. & 3. Helleborus antiquis in usu erat, & magno cum Maniacorum profectu. Item, venæ sectione, insignibus evacuationibus per alvum, aut per sudorem Maniacos curari, & feliciter curatos fuisse, passim docent Medici. Sennertus Pract. lib. 1. part. 2. cap. 15. pag. 394. in principio inquit: Plurimi sanati sunt ex reiteratis frequenter venæ sectionibus, & postea incolores langam duxerunt vitam &c. Incubanda verò curatio a venæ sectione &c. Est autem venæ sectio repetita in hoc affectu tam singulare præsidium, ut multi Maniaci ab aliis derelicti hoc solo remedio sanati sint &c. Vis ad salutem est insignis aliqua evacuatio per alvum, aut per sudorem. Apud

Hippocratem 4. Epidem. juxta Vallisii divisionem num. 133. insigne excitat exemplum sanationis manie, quæ ob intempestivam hæmorrhoidalis fluxus suppressionem inducta, superveniente acuta febris, cessavit. Observat Riverius in Praxi Medica lib. 1. cap. 13. Maniacos aliquando liberatos fuisse a morbo, accedente febre tertianâ, aut quartanâ, cujus facti rationes legi possunt apud Bellinum de Morbis capitis tit. de Mania pag. 511. Quibus omnibus addi potest, novum non esse, quod mania cessaverit per metastasim, ut dicunt Medici, ex quo videlicet Maniacus laborare cœperit dysenteria, hydropo, arthritide, vel tussi, juxta illud Hippocratis in Libro de Diebus judicatoribus num. 10. ubi inquit: Insaniam aliquando curatam, subito dolore ad pedes, aut ad pectus, aut per tussim vehementem.

10 Post hæc annexata, ad nostrum redeundo institutum, si aliquando contingat, proponi in Sacrorum Rituum Congregatione tamquam miraculosam, & excedentem vires naturæ sanationem alicujus mania laborantis intercessione alicujus Servi Dei, vel Beati a Deo factam, necessarium esse videtur primò, ut mania cum suis requisitis furoris, & cæteris supra relatis planè probetur. Secundò, ut consimilibus probationibus demonstretur, eam fuisse, non recentem, sed inveteratam; præter enim supra exposita, si mania sit recens, inter magnos morbos pro Miraculo constituendo necessarios non est recensenda: unde apud Amatium Lusitanum centur. 2. observ. 57. pag. 280. exemplum prostat Pueri per viginti quinque dies maniaci, qui brevissimo quinque dierum spatio a mania vindicatus est, & Fab. Hildanus

cen-

166 De Serv. Dei Beatif. et Beat. Canoniz.

centur. 3. observ. 13. pag. 301. proponit historiam juvenis, quem ipse post solos quindecim manix dies phlebotomiâ, purgationibus, & scarificatis cucurbitulis citissime reddidit sanitati. Tertiò strictè indagandum est, an sanatio contigerit in instanti. Quartò, an fuerit perfecta, & signanter an hebetudo quædam remanserit, seu ingenii stupiditas, signa etenim hæc erunt liberationis non undequaque absolutæ, & perfectæ: animales quippe spiritus, qui per furorem in confusionem vehementer acti, & ab antiquis sani iudicii tramitibus omnino devii facti fuerant, atque absurdarum idearum altas imagines in cerebro imprellerant, non possunt dici ad suum ordinem redacti, nec, quæ insculpta fuerant, vestigia in totum deleta dici queunt, si hebetudo, aut ingenii stupiditas remanserint. Quintò nullo modo omitti potest indago temporis, quo subita sanatio contigit, si etenim accidisset diebus canicularibus, solstitiis, vel æquinoctiis, Medici facillè suspicantur, sanationem naturalem fuisse secutam. Sextò quærendum est de tempore, quo perfecta sanatio duravit: cum enim versemur in morbo reversivo, longum tempus expectandum est, ut tutum de perfecta sanatione ferri possit iudicium. Huc referri debent, quæ a libi dicta sunt de morbo comitiali, sive epileptico, de quo, utpote reversivo, probavimus, multum tempus expectandum esse post paroxysmum, a quo æger convaleuit, antequam tutò dici possit, eum fuisse a morbo liberatum: quocirca Joannes Maria Lancisius in suo *Suffragio pro veritate edito in Causa Canonizationis Sancti Turribii Archiepiscopi Limani super subita liberatione Maniaci*, postquam demon-

stravit, maniam fuisse inveteratam, & cessasse in instanti, statim ac Reliquia Beati fuit ejus corpori applicata, ita scripsit: *Sed, quod præ omnibus in animum meum Miraculi vim ingerit, illud est, quod Sanatus post tres, aut quatuor dies ab accepta pristina valetudine populi conventum adire, & Supplicationem in aliena domo videre potuerit, indeque nullas mentis suæ turbas experiri. Profectò, quoniam mania confirmata, ejus generis hæc erat, id præcipuum habere solet, ut remittat quidem, vel etiam intermitat, sed postea antiquæ atrocitate recurat, perspicuum in casu nostro miraculosa sanationis argumentum dedit juvenis, cum ab anno 1680. in quo sanatus fuit, usque ad annum 1689. cum producti sunt Testes, nempe novem annorum decursu non tantum nihil de restituta menti suæ perspicuitate, ac prudentia amisit, sed multum novarum cognitionum ex continuatis studiis acquisivit.*

11 Et, quia Judicium hoc absque Medicorum consilio in Sacra Congregatione non absolvitur, Medici ad consilium acciti diligenter investigare debebunt qualitatem morbi, symptomata, an medicamenta fuerint adhibita, an, si fuerint adhibita, profuerint, an aliqua crisis intercellerit, uno verbo, an ulla causa naturalis adfuerit, ad quam sanatio referri possit. Quod si de mania præsertim inveterata constiterit, constiterit de ejus sanatione in instanti secuta post Servi Dei, aut Beati invocationem, si de perfecta sanatione nulla sit dubitatio, si recidiva, non obitante longo temporis lapsu, abfuerit, si gravia accesserint morbi symptomata, si medicamenta non fuerint adhibita, aut adhibita non profuerint, si nulla demum inter-

cel-

Lib. IV. Pars Prima Cap. XIV. 167

cesserit crisis, aut metastasis, fidenter pro Miraculo erit pronuntium.

12 Apud Medicos mentio habetur hydrophobiæ, hoc est averſionis ab aqua, quæ causam habet a rabie, & quam ut plurimum comitatur gravis, & horrenda mania. Dictum est ut plurimum, cum aliqui aliquando dati sint casus, in quibus depravata non fuit phantasia hydrophoborum, veluti ponderat Codronchus de Rabie pag. 100. &, allegatis Cælio Aureliano, Fonseca, Salio Diverso, Horſtio, prosequitur Scalparius in priore centuria observationum observ. 100. pag. 433.

13 Morbus hic, quem ex dictis ut plurimum mania comitatur, invadit eum, qui mordetur a Cane rabido, vel ab alio Animali in rabiem aëto. Scribit Galenus lib. 6. de loc. affect. cap. 5. hæc, quæ sequuntur: Quomodo enim brutorum nulli supervenit rabies, Cani hac soli accidunt. Nonnulli dictum Galeni interpretantur, quod dicere voluerit, ut plurimum rabiem Canibus accidere. Mercurialis lib. 1. variarum Lectionum cap. 2. docet, nullum rabidum animal præter Canem fuisse a Galeno cognitum. At, quid quid sit de sensu Galeni, præter ea, quæ infra dicentur, apud Aristotelem 8. de Historia Animalium cap. 22. & 24. apud Aurelianum, Avicennam, & Fernelium exempla prostant multorum animalium, quibus sponte, nec a Cane morſis rabies supervenit, Luporum videlicet, Camelorum, Porcorum, Boum, Vulpium, Urſorum, Pardorum, Mustellarum, Gallorum, Gallinaceorum. Amatus Lusitanus centur. 7. curat. 66. fol. 195. ubi Xuaræ, hæc habet de rabida Fele: Mercator Theſſalonicenſis, alique ejus dome-

ſtici quatuor maſculi, & femina uno, eodemque die a Fele denubis, unguibusque sunt commorſi, laniatæque, qui simul brevi inde ſerviſſimis ſymptomatibus correpti suum obire diem; ibique in Scholio refertur Epitaphium a nobis etiam ſæpe lectum, dum Romæ morabamur, in Templo Sanctæ Mariæ apud Portam Flaminiam, Epitaphium, inquam, cujuſdam Hiſpani, qui obiit ob morſum Felis rabidæ;

*Hæſper, diſce novum mortis genus:
improba Felis,*

*Dum trahitur, digitum mordet,
& intereo.*

De recitata ſententia Galeni nonnulla legi poſſunt apud Marcellum Donatum de Medica Hiſtoria mirabili lib. 6. cap. 1. pag. 292. & apud Gaſparum a Rejes in ſuo jucundarum Quaſtionum Elyſio Campo quaſt. 61. num. 4. & ſequentibus, ubi num. 6. ſic Galenum explicat: Unde inferri poteſt, Galenum tam loſtis manibus hoc negare non potuiſſe (reliqua videlicet animalia, præter Canem, in rabiem agi) nec crederem, in re adeo vulgari hallucinatum fuiſſe: quare, illum de frequenti eventu locutum fuiſſe, exiſtimaverim, dum, Canem tantum rabie corripi, dixit, cum verò, aliorum nullum, de illo, quod rariùs accidunt: ſæpe & illum excuſabimus, & vera dixiſſe, interpretabimur.

14 Nec ad morbum inducendum eſt abſolutè neceſſarium extrinſecum cauſæ inſtrumentum, puta morſus: poteſt quippe de ſacili ab intrinſeco oriri, uti patet in illo Cane, qui primus fuit rabidus; ſi enim primus eſt in rabie, non potuit rabidus fieri a morſu alterius Canis rabidi. Concordant nonnullorum Medicorum,

cz:

exteris licet contradicentibus, assertiones, in humanis videlicet corporibus tales produci posse humores, qui ad rabidi Canis venenum maximè accedant, quique, nullo extrinsecus accedente contagio, homines in hydrophobiam impellant = Salius Diversus cap. 19. fol. 328. de affect. particul. Gaspar a Reyes quæst. 61. num. 20. & 21. scribit, ex aeris infectione rabiem excitari posse, & ab interna maligna aliqua dispositione sine externo animalium morfu, aut aeris vitio: quod argumentum latè profequitur Joannes Melchior Verdries in sua *Dissertatione de Veneno Canis, & Animalium rabidorum* §. 3. & sequentibus.

15 Ira vehemens, & calor æstivus pro causis antecedentibus, quinimmo sæpe conjunctis hydrophobiz haberi solent. Hinc faciliè Canes in rabiem aguntur Mense Augusti, cum Sol urget, & animalia fiunt maximè venenosa ex ira, ut videmus in Scorpionibus, in Araneis, in Viperis, quæ, nisi ad iram excitentur, morsus venenosos non edunt; & pluribus, iisque egregiis, experimentis Franciscus Redi ostendit, Viperæ venenum nullum esse, nisi hæc ira subitâ commoveatur: & quemadmodum vehemens furor talem in hominibus corruptionem sanguinis inducit, ut febres malignæ, phrenitides, acuti, chronicique morbi exoriantur, sic quoque aliquando ita ira salivam, & reliqua potest inficere fluida, ut ex istorum communicatione fiat id, quod evenit in Contagio, in Luc Gallica, in Scabiæ.

16 Bruta in rabiem acta fiunt hydrophoba. Michael de Heredia *Tractat. varior. Medicinal. lib. 1. fol. 1.* hæc habet: *Vidi Canem rabientem, quem vulgus, ut solet, fustibus, & lapidibus persequabatur: Jugiens vero ille populum per-*

sequentem rivulo factus obviam se aquam pertinuit, ut retro conversus malueris experiri suorem populi insequentis, quam aquam rivuli pertransire, vel accedere; & homines morsu tum a Canè, tum ab alio animali rabido ab aquis summpere abhorrent. In Nosocomio Sanctæ Mariz de Morte hujus Civitatis Bononiæ non multis abhinc annis Mulier ab alia Muliere irata demorsa, Rusticus ab Asino rabido in brachio dextero laceratus, Fœmina a Mure similiter rabido in digito percussa, aquam aded averfabantur, ut horrendos in ejus conspectu ederent ejulatus. Arabum Schola addit, in rabidorum urinis Catulos, aut aliquid illis simile apparere; unde ait Beatus Petrus Damiani lib. 1. *Epistolarum ad Pontifices Epist. 3. = Et hoc experimento cognoscitur, quia, si rabidus Canis hominem fortè momorderit, tantâ vi rabies ejus in viscera protinus humana transfunditur, ut mox in ipso urina conceptaculo Catuli generentur.*

17 Unde autem proveniat hæc ab aqua aversio, non ita faciliè explicari potest. Nonnulli id referunt ad corruptum ex morfu, & transfuso veneno mentis judicium: diuturnâ quippe, & continuatâ de læsione, & morfu cogitatione tales imprimi dicunt imaginationes, ac phantasmata cerebro, ut assidue ægri se putent mutatos in Canes, mordere, & latrare gellant, Canumque imaginationes ut plurimum mentem subeant, cum vident aquam, in qua sibi persuadent Canes latere. Marcellus Donatus de *Medicæ Historia mirabili lib. 6. cap. 1. pag. 295.* hæc habet: *Probabilior nobis alia videtur ratio, qua communiter assignatur, quodd scilicet, cum rabidi effectus homines operationes intellectus corruptas habeant, fiat, ut ex longa circa Canes cogitatione im-*

Lib. IV. Pars Prima Cap. XIV. 169

imprimantur in eorum imaginatione forme, & idola Canum, ita ut assidue sermō pra oculis Canes habere sibi videantur, quinimmo & se ipsos Canes effectos putent, tuncque potissimum, cum aquam tamquam speculum splendidam imaginem reddens intuentur imaginantes, in ea Canes inesse; & latē prosequitur Gaspar a Reyes quest. 62. num. 11. ex quo etiam inferit, hydrophobos, uti supra dictum est, quodam genere maniz laborare, præsertim circa aquæ metum. Rases, Avicenna, & ceteri Arabes, quos tamen reprobatur Codronchus de rabie pag. 220. tubulos quosdam confici iusserunt, quibus ægris, ne aquæ terrentur aspectu, potus exhiberetur. Petrus Salius Diversus prædictam non admittit opinionem; testatur enim, se ægrotos sæpius interrogasse, an Canes viderent, eosque respondisse, se nihil videre: quocirca aliam adducit causam docens, aquæ, & liquorum, usu rabidum illud virus ita excitari, & veluti ebullire ad instar aquæ calci assusæ, ut vehementiùs multò agitatam atrociùs, & crudeliùs partes interiores aggrediat, atque commoveat. Marcellus Donatus loc. cit. pag. 295. ait, Catulos in urina rabidorum non videri a cæteris, sed ab eo solo, qui rabidus est, ob depravatam imaginationem; & sequitur Gaspar a Reyes cit. quest. 62. num. 6. ubi benè annotat, Beatum Petrum Damiani vixisse tempore, quo Saracenorum Secta in Medicina maxime vigeat, a qua Catulorum in rabidorum urina fabula primò dimanavit, & eum retulisse, quæ audiverat, non quæ viderat.

18 At, quidquid sit de his, triplex est hydrophobæ gradus, incipiens unus, progrediens alter, extre-

mus tertius. Primus vix habet signa, nisi consideremus noctes præter alium insomnes, vagas quasdam æstuationes, & sitim sinè manifesta causâ. Alter gradus circa quadragesimum diem, solet manifestari, licet aliquando virus per plures annos lateat, & tandem furor superveniat, teste Brasavolo lib. 2. Aphorism. comment. 23. & signa ejus esse solent inquietudo quædam ad omnia, promptitudo ad iram quocumque tempore, oculorum scintillatio, palpebrarum convulsio, & levis quædam averfio fluidorum, multa tamen premente siti. Quæ omnia si augmentum fumant, si accedant ejularus, impetus, & furor in obvios, & in se ipsum, spuma ad os, oculorum torvitas, totalis aquæ, & fluidorum formidatio, morbus jam est perductus ad extremum gradum. Primus, & secundus gradus curationem admittunt, secus autem tertius, veluti testantur Rudius de Morbis oculis fol. 132 cap. 13. Lomnius Observ. lib. 2. fol. 63. Fonseca Consult. Medic 25 fol. 90. ubi ita loquitur = *Illud affirmare licet, nullam, ubi ad illud statum deveneris, sanari posse, nec sanatum fuisse* = cum aliis, quos cumulat, & sequitur citatus Scalpartius Observat. centur. priore, observ. 100. pag. 419. & sequentibus, ubi assertit illud etiam Ovidii =

*Tollere nosam nescis Medicina po-
dagram;*

*Nec formidatis ulla medetur a-
quis* =

& explicat Verdries loc. supra cit. §. 38. ubi hæc habet: *Si hydrophobia cum gravius symptomatibus, spasmis, convulsionibus, singultu, syncope, cum sudore, &*

frigido accedat, nulla serè reconualescendis spes superest &c. Non desunt quidem exempla hydrophobia quoque curata apud celeberrimos Practicos, & ipsum quoque Dioscoridem: rariore tamen sunt ejusmodi observationes, atque malum in illis casibus nondum altas radices egit, neque horror a liquidis adeò magnus fuit, ut, naufragis magis, quàm borruisse aquam agros, credibile sit.

19 Medicum non agimus, & sic de medicaminibus non loquimur, quæ in rabiem actis, & constitutis in primo, & secundo gradu applicari solent, de quibus Lævinus Lemnius de *Miraculis occultis natura lib. 3. cap. 3.* Aliqua ex Medicina desumimus, quæ putamus facere posse pro re, de qua nunc agimus, hoc est, pro tuto judicio ferendo, cum sanationes a morbo tamquam miraculosæ proponuntur. Addere ergo operæ pretium esse censemus, nonnullas aliquando ab hoc morbo sanationes dari, quæ tales re verà non sunt, cum morbus idem post aliquod tempus redeat. Abel Roscius Medicus sequens factum litteris significavit Hildano, quas recensuit *observat. 86. centur. 1. fol. 65.* Narrat ergo Abel, anno 1581. Matronam quamdam sibi affinem a Canerabido ex improvviso impetitam in sinistro brachio morsam fuisse, & doctissimos Medicos advocatos exquisita remedia applicasse, quæ ipse recenset, elapsisque paucis diebus, salvam, & incolumem evasisse, vel evasisse vitam, nullam in brachio noxam, nec tantum cicatricem ferè relictam, nulloque in corpore, ut apparebat, restantem veneno. Addit, post septimum annum symptomata multò seviore recruduisse, persensit etenim in brachio alias læso dolorem acerbissimum. Supervennerunt furor, mentis alienatio,

mæror, tristitia, sitis inextinguibilis, febris, maxima virium prostratio, ciborum odium; sed numquam tamen a potu abhorruit, nec liquida rejecit, quæ sitim extinguere possent. Morti proxima judicata est; sed, adhibitis medicaminibus, intra paucos dies sanata visa est, & sæva accidentia paulatim cessarunt. Post annos septem ab hac invasione, & decimo quarto a Canis morsu Fœmina gravissimis morbis, principio ducto a sinistro illo brachio, tentari coepit. Curata fuit, & sana mansit per annos sex: sed anno vigesimo a vulnere accepto symptomata redierunt, & subsequentibus annis frequentioribus, sed brevioribus paroxysmis tentata, fuit, & in omnibus serè temporum mutationibus, sibi brachium vellicari, persensit. Idemque Abel Roscius in *Epistola* testatur, quòd ea adhuc mortua non erat, licet timcret citò morituram. Eiusdem historiz meminit Gaspar a Rejes *quest. 61. num. 34.*

20 His præmissis, si aliqua a rabie, & hydrophobia sanatio tamquam miraculosa proponitur, multa videntur esse annotanda. Primum est, quòd, si morbus contractus dicatur a morsu Canis, aut alias Animalis rabidi, probandum est, Canem, aut Animal rabidum re verà fuisse, & hydrophobum; & signa Canis rabidi sunt cauda promissa, oculi rubri, & torvi, spuma ad os, lingua exterta, & nigricans, labia pendula, os dehiscens, cursus inordinatus, arreptio corporum obviorum, pili hirti, & demissus quidam, tremulusque latratus, fuga a domo, aversio ab aqua. Secundum est, quòd morsus probetur, qui probari poterit aut per vulnus in parte corporis morsam, aut per cicatricem adhuc existentem. Tertium est, quòd
in

Lib. IV. Pars Prima Cap. XIV. 171

In homine morbo doceatur de signis morbi contracti, de illis videlicet, quæ supra exposita sunt, dum loquebamur de gradibus morbi. Communia hæc sunt primo, secundo, & tertio gradui hydrophobiz. Quodd si questio sit de liberatione miraculosa a morbo in primo gradu constituto, vis Miraculi in eo tantum constitui poterit, quod morbus, qui naturaliter progredi debebat ad secundum, & deinde ad tertium gradum, cessaverit. Opus ergo erit, ut in instanti cessaverit, nullis adhibitis medicamentis, sine crisi, & metastasi, & quod cessaverit in instanti, invocato Dei Servo, vel Beato, &, elapso tempore judicio Medicorum apto, & sufficiente, ut de perfecta sanatione, & recidivæ, & timoris recidivæ exclusione tutum ferri valeat judicium. Si verò questio sit de liberatione a morbo in secundo gradu constituto, quam Postulatores contendunt esse Miraculo adscribendam, vis Miraculi erit constituenda non modò in non progressu morbi a secundo ad tertium gradum, sed etiam in liberatione ab ipso morbo in secundo gradu constituto. Morbus enim in secundo gradu constitutus gravis est, non levis, quemadmodum est idem morbus in primo gradu constitutus. Probandum ergo erit, morbum hunc in secundo gradu constitutum cessasse in instanti, invocato Dei Servo, aut Beato, nullum medicamentum fuisse propinatum, vel propinatum ineptum fuisse, aut inutile, nullam contigisse crism naturalem, per urinam potissimum, & sudorem, nec morbum rediisse post elapsum tempus judicio Medicorum sufficiens. Quodd si questio sit de liberatione a prædicto morbo in tertio gradu constituto, superflua erit quæ-

cumque indago medicamentorum; aut crisis, necnon cessationis in instanti, & satis erit, cessationem, invocato Dei Servo, aut Beato, contigisse. Quid autem dicendum erit de liberatis a morbo in tertio gradu constituto? Erit ne expectandum aliquod tempus post liberationem, ut tutò de Miraculo judicari possit. Profectò crederem, aliquod tempus esse expectandum: si enim morbus recrudesceret post receptam sanitatem, signum hoc esset, quod morbus non erat in tertio gradu constitutus, cum scribat Galenus lib. 6. de Loc. aff. cap. 5. & 1. Coac. prænot. 2. text. 17. ægros raro quarto die superesse, metiendo tempus ab eo instanti, quo aquæ timor manifestari incepit. Dictum est in superioribus, posse morbum hunc contrahi etiam sine extrinseco cause instrumento, & posse in humanis corporibus tales produci humores, qui ad rabidi Canis venenum proximè accedant. Si autem sanationes ab hoc morbo tamquam miraculose proponantur, non erit inquirendum de rabie Canis, aut alterius Animalis, nec de morfu, aut cicatrice, sed de cæteris tantum omnibus inquirendum erit, de quibus supra.

21 In Rhodiginis Paludibus Divi Bellini Templum est Miraculorum, frequentia celeberrimum. Cælius Rhodiginus antiquar. Lection. lib. 17. cap. 28. narrat, quod morfi a Canibus rabidis, si Clavem tangerent, qua Ædis Sacræ ostium recluditur, perfectè sanantur. Mathioli Comment. in cap. 37. libri sexti Dioscoridis inquit, per paucos a Cane rabido demorfo suo tempore Medicos consuluisse, sed ad Divi Domnini, & Divi Bellini Templum confugisse, in quibus sanabantur; & similia narrantur de Sancti Hu-

172 *De Serv. Dei Beatif. et Beat. Canoniz.*

berti Fano apud Leodienses, unde apud Joannem Molanum in *Natalibus Sanctorum Belgii* ad diem 25. Martii refertur Elogium Sancti Huberti Antuerpiæ existens apud Præmonstratenses, in quo inter cætera legitur:

Effera, quæso, procul rabies abigatur in ævum.

Theophilus Raynaudus *Operum* tom. 8. eo loco, qui ita est inscriptus = **TULI CULTUS SANCTORUM SPECIALIS** = pag. 316. hæc subdit: *Quid adversus rabidorum Canum morsus conferat Sanctus Hubertus Episcopus Leodiensis, vulgatissimum est, & a Joanne Roberti in Opere de illius Sancti rebus latè illustratum. Estque notatu dignum, quod Joannes a Chapevilla scripsit pertexens Acta Episco-*

porum Leodiensium, Agiomachorum facile principem Joannem Calvinum, cum Filium haberet a rabido Cane demorsum, ablegasse eum ad Sanctum Hubertum, ut ejus ope curaretur. Sancta Walpurga & adversus Canum rabidorum, & adversus ferocium quorumvis Animalium morsus propitiâ se præbet. Agit de ea pland Robur in Bavaria Sancta; idemque Theophilus Operum tom. 13. de Stigmatismo sacro, & profano cap. 9. plura habet de applicatione Clavis Sancti Huberti, ad cujus contactum ægri rabidi sanantur; & multa alia habentur apud Patrem Thirsum, Gonzalez olim Superiorem Generalem Societatis Jesu tom. 2. Veritatis Religionis Catholicae cap. 8. & apud Patrem Josephum Prolam ejusdem Societatis Theologum in suo Opere de Novendiculis Supplicationibus cap. 12.

CAPUT DECIMUM QUINTUM:

De miraculosa sanatione Hydropicorum, ubi & alia de miraculosa sanatione ab Empyemate, & Hernia.



E Hydropico divinitus curato loquitur Sanctus Lucas in *Evangelio* cap. 14. cum enim Jesus ingressus esset indonum cujusdam Principis Phariseorum Sabbato manducare panem, stetit ante eum Hydropicus: Ipse vero apprehensum sanavit eum. Adet de Morbis Evangelicis enarrat. 10. putat, tentata, & ex-

perta prius fuisse in eo, sed infelici eventu, hydragoga, quæ ad exhauriendas a ventre aquas vulgo nota sunt, & usitata, & paratu facilis; subditque, quodd, si fuissent induciæ, aut si putatum esset, ventris punctiorem, quæ paracentesis appellatur, esse profuturam, omilla nullatenus fuisset; & tandem concludit: *Quis te mirabilia* (loquitur de Christo) *agere denegabit? Quis te Christum non adoravit? Turgasti Mundum ab aquis in cataclysmo: exhauris modò aquas in Hydropico. Quid gratia*
no-

nobis ut aqua tantum, qua super Calor sunt, laudens nomen Domini? At, quidquid sit de hydropis a Christo sanati circumstantiis, quæ ab Ader enarrantur, quamvis in aliquibus ægrotis a Christo curatis nulla habeatur mentio de gravitate, difficultate, & longitudine morborum, aliisque conditionibus eorum sanationem impediendibus, omnia hæc tamen supponenda sunt, utroque asserendum, hydropem, de quo nunc agitur, talem fuisse, hoc est, viribus naturæ insaniabilem, veluti benè animadvertit Zacharias *Quest. Medico-Legal. lib. 4. tit. 1. quest. 8. num. 66. & pluribus sequentibus*. In Bullis Canonizationum inter Miracula multæ recensentur Hydropticorum sanationes, ut colligitur ex *Bulla Canonizationis Sancti VVilfridi, Sancti Eadmundi Episcopi, Sancti VVilhelmi Episcopi, Sanctæ Clara de Assisio, Sancti Ludovici Regis Francia, & ex Relationibus Rotæ Auditorum editis in nonnullis Canonizationum Causis, & signanter in illa Sancti Caroli Borromæi 3. part. Miracul. 8. & in illa Sancti Ignatii Miracul. 3.*

2 Verùm, ut juxta morem nonnulla a Medicis desumantur, quæ nostro instituto prodesse valeant, tres ab illis referuntur hydropis species. Prima dicitur *ascites*, cùm aqua videlicet est vel in cavitatibus, vel inter peritonæum, & musculos: & hæc est præcipua hydropis species; ex quo fit, ut, quando quis absolutè hydropicus appellatur, ascite laborare intelligatur, ut ait Sennertus tom. 3. lib. 3. part. 6. sect. 2. cap. 3. §. Est autem *Asc. prope finem*. Secunda species dicitur *tympanites*, in qua aer est pro causa distendende, & ampliante membranas, de qua Thomas Willis in suo *Traçtatu de Anima Brutorum* sect. 2.

cap. 4. hæc habet eam describens: *Tumor abdominis fixus, & constans, aquabilis, durus, remissus, & a pulsatione fontium edens, a partium, & viscerum membranaceorum inflatione ortus, propter spiritus animales in fibras istas copid nimis adactos, ibidemque succi nervi obstruentis vitio a recessu impeditos, cui ascitioni consequenter flatuum in locis vacuis aggestio velut complementum accedit*. Addit Riverius in *Praxi Medica lib. 11. cap. 6. de Hydropse* §. *Observandum*, tympanitem, & ascitem aliquando esse conjunctas, cùm status videlicet tympanitem efficiens est aquæ permixtus in abdomine. Tertia species dicitur *anasarca*, in qua aqua effunditur ad ambitum corporis inter musculorum interstitia, cutem, & glandulas. Rursus hydrops alius est incipiens, alius confirmatus: & aliqui addunt aliam speciem hydropis, primatui videlicet, & per consensum; per consensum nempe, cùm hydrops causatur a simplici potatæ aquæ frigide cumulo, aut a sudore critico in abdomen impulsio, & ibi stagnante, aut ab aliqua simili levi abalienatione functionis hepaticæ, veluti prosequitur Ader loc. cit. & demum, si hydrops per universum corpus effundatur, dicitur universalis, aut perfectus, & si hanc, vel illam tantum detineat partem, particularis appellatur, sive imperfectus, veluti animadvertit Dominus Alexander Pascolus alibi a nobis cum laude commemoratus in suo *Traçtatu de Homine, sive de corpore humano lib. 3. sect. 3. cap. 1. pag. 173.*

3 Ex alibi dictis, cùm morbus, ut ejus sanatio inter Miracula recenseri possit, debeat esse non levis, sed gravis, non est hic opus habere sermonem de hydropse incipiente; hic enim facilè sanari potest, ut prosequitur Pas-

174 De Serv. Dei Beatif. et Beat. Canoniz.

Pascolus loc. cit. pag. 169. ubi hæc habet: *Hydrops principio curatu non perdifficilis: quemadmodum quoque opus non est habere sermonem de hydrope per consensum, de quo Ader loc. cit. hanc profert sententiam: Sed, qui per consensum hydropes fiunt, aliquando leves de illis non semel Medici triumphant. Sermo idcirco transferendus est ad hydropes primarios, de quibus idem Ader = At in eo, qui per atoniam, & primarius est, sperare eutam, sustinet Calum humeris alter Atlas, qui tale onus ætnd gravius sibi imponit = & ad illos hydropes, de quibus Aretæus per ethnicam emphasim loquens ait, quod ad eos sanandos oportet totum hominem permutare, quod per Jovem neque Diis ipsi facile fuerit.*

4 Ascites ergo, non incipiens, sed confirmatus, est incurabilis, seu curatu difficilis: & signa ascitis confirmati dicuntur tumor in ventre, tumor in pedibus, & cruribus, sitis intolerabilis, si tussis sicca succedat, si alvus fiat styptica, si urinæ deficiant, si accedant diarrhææ, maculæ erumpant in cruribus, hæmorrhagiæ succedant, crura disrumpantur, & ulcus fiat; tunc enim mors est in limine, uti passim docent Medici apud Dominum Lucam Tozzi lib.1. pag. 216. Tympanites aliquando curatu facilis, aliquando curatu difficilis est. Curatu facilis dicitur, non solum si sit incipiens, sed etiam si contingat in juvenibus, & corpore raris, neque quid sit intus in visceribus aut læsum, aut obstructum. Curatu difficilis est, si sit conjunctus cum ascite, vel si accedat micturiti per stillicidium, ut habet Hippocrates in Coacis, vel si multa bilis redundet in corpore Tympanitici, uti prosequi-

tur Riverius loc. cit. iniquens = Tympanites in corpore atrabiliario, aut qui sit ab atra bile multa in corpore redundante, letalis est, & frustra illi remedia adhibentur = aut demum si tympanites sit cum doloribus hepatis, & stomachi, unde bonæ memoriæ Joannes Maria Lancisius in suo Suffragio pro veritate exarato super repentina liberatione Sanctimonialis ab inveterata infernorum artuum ad motum impotentia cum gravibus ventris doloribus, & hydropes tympanite intercessione tunc Servi Dei, nunc Beati Joannis Francisci Regis dolores hepatis, & stomachi ponderavit, ut gravitatem passionis tympaniticæ, & difficilem curationem altrueret: Rursus non est, cur silentio hic involvamus ingentis momenti circumstantiam, quæ certo certius magnitudinem tympaniticæ hujus passionis augebat: hæc autem fuit gravitas dolorum hepatis, & stomachi, quibus Sanctimonialis miserrime torquebatur: Nam ejusmodi cruciatus, cum diu abdominis viscera affluerint, fibras nerveas ventriculi, & intestinorum, necnon ligamenta hepatis consueque distendunt, & acerbis, efferviscentibus spiritibus implent, ut circumposcat peritonæi, ac musculorum abdominis peripherias extrudant, atque attollant. Quo sanè factum est, ut Medicorum omnium Tractor Hippocrates longo artis usu ex doloribus imi ventris hydropem secum, hoc est tympanitem, prædixerit 4. aphor. 11. Verba sunt = Quibus adjuncta tormina, & circa umbilicum labores, & lumborum dolor, qui neque a medicamento, neque aliter solvitur (ut nostra in Moniali) hydrops secus contrahitur = qui, cum a Medicis rarissimè curatus suis in Epheemeridibus referatur, meritis plerumque pro insanabili traducitur. Anasarca demum curatu facilis est beneficio naturæ criticæ, & curatu diffi-

fici-

facilis est, si agatur de sene, de obstructo, & si conjuncta sit febris, & virium summa prostratio. De anasarca ita loquitur Sennertus lib. 3. part. 6. sect. 2. cap. 5. tom. 3. = *Anasarca inter omnes species hydropis minus periculosus est: etsi enim vitium cum pluribus partibus communicetur, tamen minus habet hoc periculi; nam humor pituitosus, quo universa corporis moles abundat, initium aliquod collectionis suscepit, propiusque ad sanguinis naturam accedit, quam serosus, & aquosus humor in ascite &c. Si leucophlegmatia, quod est idem, ac dicere anasarca, detento fortior diarrhoea supervenit, morbum solvit 7. apbor. 29. Oportet autem, criticam esse evacuationem, & qua morbo incipiente, fiat, viribusque adhuc integris, & ut copia excreti humoris morbo non impar sit. Si vero, agro debili, & viribus insigniter affectis, prosterium alvi sequatur, & cetera desint, non morbum diarrhoea tollit, sed agrum: & Hippocrates pronuntiavit, lethalem esse hydropem, si morbo acuto superveniat = *Hydrops acuto superveniens, letalis* = & si recidiva post sanationem superveniat: *Hydropici, qui remediis convalescerunt, si reciderint, desperati.**

5 Multæ referuntur historię curationum hydropis, etsi inveterati, de quibus Marcellus Donatus de Medica Historia mirabili lib. 4. cap. 21. ubi sic loquitur: *Etsi itaque inveterati hydropes difficiles curatu sint, longæque artis ope, ac auxiliorum usu opus sit, tamen aliquando curatos legimus. Exempli apud eum legi possunt, qui & alia congrua exempla Hydropicorum ope tantum naturæ sanatorum: Sed quid multos Medicæ ope ab hydropse liberatos recensere, cum etiam & sponte naturæ nonnulli fuerint sanati? Schenckius in suis Observationibus Medicinalibus lib. 3. de*

Hydrope narrat, quosdam Hydropicos humidorum usu a Medicis interdicto sibi temperantes restitutos, quemdam ex vomitu in mare ab hydrope curatum, alium hydropicorum sudore spontaneo exoneratum, mulierem, licet sexennium asciticam, cum in lapidem impigisset, & ventrem vulnerasset, liberatam, alios ascite laborantes, perforato vi naturæ umbilico, & foras prodeunte aqua, pristinx sanitati restitutos. Quapropter, cum sanationes Hydropicorum proponuntur, ut inter Miracula recenscantur, necessarium esse videtur primò, ut bene judicio Medicorum statuat, an morbus, cuius sanatio proponitur, fuerit hydrops (ut enim bene inquit Thomas Sydenham in suo Tractatu de Hydrope pag. 65. = *Sunt & alia duo species tumorum abdominis hydropem mentientes faminis utraque familiares. Prima est carcinum in partibus intrâ abdomen excrescentia praternaturalis, quæ ventrem in molem haud minùs conspicuam attollit, quàm solent inclusa aqua. Altera species stativus ortum debet, qui non tumorem tantum, sed & alia ingravitationis signa parit*) & ut firmetur species hydropis; secundò, ut videatur, an hydrops sit incipiens; tertio, an adfuerint symptomata morbi gravitatem indicantia; quarto, an fuerint adhibita medicamenta; quintò, an aliqua crisis intercesserit; ultimò, an in instanti cessaverit morbus, sublata fuerit intumescencia corporis, sanitasque repentina accesserit cum restitutione virium: & quatenus species hydropis fuerit ascites, vel tympanites, hydrops esset inveteratus, signa non deessent gravitatis morbi, medicamenta non fuissent adhibita, vel, si fuissent adhibita, nullum attulissent præsidium, utpote inepta, & nullatenus proportionata causæ morbi,

176 De Serv. Dei Beatif. et Beat. Canoniz.

bi, crisis abfuisse, & perfecta sanitas, uti supra expositum est, invocato Dei Servo, aut Beato, contigisset, non esset de Miraculo dubitandum, quemadmodum etiam concludit Matthæus in *Practica Theologo-Canonica ad Causas Beatificationis, & Canonisationis tit. 3. cap. 3. §. 7.*

6 Supra dictum est, hydropem, si per universum corpus effundatur, dici universalem, aut perfectum, particulatam verò, seu imperfectum appellari, si hanc, vel illam tantum detineat corporis partem. Porro, si caput solum hydrope intumescat, morbus a Medicis hydrocephalus nuncupatur, & a quibusdam non immerito hydrope capitis dicitur, ut apud Munnicks in *sua Chirurgia lib. 1. cap. 13. num. 2.* & ille infantibus, & puerulis familiatis est, ita ut aliquando ipsis capita usque ad monstruosam magnitudinem augeant, uti habetur apud Marcum Aurelium Severinum de *record. abscess. natura lib. 4. cap. 9. §. 1.* & apud Mercurialem *lib. 1. de Morbis Puerorum cap. 4.*

7 Juxta diversitatem materię, ex qua generatur, duplex est species hydrocephali: alter aquosus dicitur, quod ab aquoso humore originem ducit; alter ventosus appellatur, quia ex ventositate gignitur: primus omnino lethalis est; secundus periculo vacat.

8 Medici ad ulteriora progrediuntur, scrutando locos, in quibus aqua hydrocephalum aquosum faciens colligi solet; aliquando enim materia colligitur inter capitis cutem, & pericranium, membranam nempe cranium convescientem, aliquando inter pericranium, & cranium, aliquando inter cranium, & meninges, membranas scilicet cerebrum cooperientes

Durx, ac Piz Matris. nomine appellatas, aliquando inter meninges, & cerebrum.

9 Si materia est collecta inter capitis cutem, & pericranium, vel inter pericranium, & cranium, morbus aliquando cum facilitate curatur. Si verò materia collecta est inter cranium, & meninges, morbus dicitur incurabilis: unde Paulus de *Morbis Puerorum cap. 14.* inquit: *Hic igitur* (nempe, qui habent aquam intrà cranium) *ceu desperata salutis, non est manus ad-movenda; & subscribunt Paræus lib. 1. sua Chirurgia cap. 1. dicens: Ex tuore intus sub cranio contento neminem convalescere vidi: Omnibonus Ferrarius de Arte medendi Infantes lib. 3. cap. 12. sic loquens: Indicatio istius curationis superat humani ingenii vires, & potestatem hominis: & apud Schenckium Observ. Medic. lib. 1. de Hydrocephalo legitur: Nos infantes ferè omnes hydrocephalo laborantes mortuos vidimus, præsertim quibus intrà cranium communicata est aqua: & apud Arantium lib. de Tumoribus cap. 1. subditur: Eorum, qui ab interna causa hydrocephalo corripiuntur, & præcipuè, altius latitante malo, neminem evasisse vidi.* Denum, si materia collecta est inter meninges, & cerebrum, citissimè jugulat, levissima symptomata excitando, nec ullam curationem admittit, ita ut nec ulla ab Authoribus regula tradatur eam curandi. Hæc autem innuisse satis sit; si etenim liberatio ab hydrocephalo proponatur tamquam recensenda inter Miracula, poterunt Consultores Congregationis Sacrorum Rituum, prolati a Medicis judicio de qualitate hydrocephali, statim dignoscere, an morbus fuerit gravis, vel levis, an facile, vel difficilè curabilis, ponderatisque supra recensitis cæteris conditionibus, tutum ju-

judicium ferre, an ea sit, necne, recensenda inter Miracula.

10 Actum fuit de sanatione ab hydrocephalo in *Causa Canonizationis Sancti Laurentii Justiniani*. Zacchias vocatus ad judicium ferendum super sanatione ab hydrocephalo conjuncto cum epilepsia, an esset miraculosa, necne, sensit pro Miraculo, ut ex ejus *Consl. 1. post Quaestiones Medico-Legales* colligi potest. In eo *Consilio*, postquam præmisit ea omnia, quæ a nobis supra dicta sunt, & quæ ab eo desumptimus, de natura, qualitate, & speciebus hydrocephali, inquit, hydrocephalum, de quo tunc agebatur, fuisse internum, & tertiz speciei ob collectam materiem inter cranium, & meninges, & sic fuisse morbum gravissimum, & insanabilem: sed, cum in ea sanatione, de qua tractabatur, invocata ope Beati Laurentii Justiniani, tumor ad extrâ apparuisset, excitata est difficultas, an sanitas fuisset per crism recuperata, per motum nempe naturæ propellentis materiem morbificam ab interioribus ad exteriora; inquit enim Hippocrates *lib. 6. apbor. 25*, quoddam motus humorum ab interioribus ad exteriora semper bonus est, & e contra malus, & juxta sensum ipsius Zacchiæ alibi a nobis relatam, cum intercedit crisis, sanatio potius naturæ viribus, quam Miraculo, est adscribenda.

11 Ut Zacchias huic satisfaceret difficultati, ait, expulsionem fieri posse vel a validitate naturæ expellentis noxia, vel a vi, & malitia morbi naturam stimulantis, & cogenitis ad motum, puta, si adsit magna quantitas materiez morbificæ, quæ ob sui copiam tota in interioribus contineri non potest, & ob id ad exte-

riora redundat; & in primo casu voluit, sanationem naturali crisi esse adscribendam, secus autem in secundo: utque ostenderet, rem, non in primo, sed in secundo casu versari, observavit, quoddam ex motu materiez ad exteriora morbus invaluit, & symptomata aucta sunt, quod non accidisset, si motus a natura fuisset; tunc quippe subsecuta esset alleviatio morbi, & symptomatum ab eo emanantium: & tandem conclusit, aut morbum non fuisse criticum, aut crism non fuisse bonam, & ad salutem, sed malam, & ad perniciem. Delatâ Causâ super Miraculis Beati Laurentii Justiniani ad Sacrorum Rituum Congregationem, Prosper Bottinius Archiepiscopus Mytensis tunc Fidei Promotor in examine prædicti Miraculi nonnulla ponderavit adversus facti probationes, & ad judicium Medici jussu Sacræ Congregationis pro veritate scribentis examen remisit difficultatis excitatæ, & responsionis a Zacchia datæ. Medicus electus erat bonæ memoriæ Romulus Spetiolius Archiater Summi Pontificis Alexandri VIII. sed, cum hic in suo *Suffragio* de duobus aliis Miraculis propositis favorable judicium tulerit, & silentio præterierit illud liberationis ab hydrocephalo, licet juncto cum epilepsia, Sacra Congregatio alia duo Miracula ab eo approbata approbavit, uti desumitur ex *Decreto edito die 27. Junii 1690.* & prudenter abstinuit ab approbatione ejus, in quo de sanatione hydrocephali agebatur, vel ob sufficientis probationis defectum, vel ob crisis naturalis possibilitatem: per quæ confirmantur, quæ in superioribus dicta sunt de necessitate exclusionis crisis naturalis, ut liberatio tum in hoc, tum in ceteris

morbis, quamvis instantanea, sit inter Miracula recensenda. Apud Ingrassiam de Tumoribus præter naturam pag. 311. exstat exemplum miraculose liberationis ab hydrocephalo intercessione Sancti Vincentii: *Non temerè inter infantium morbos Avicenna hydrocephalum computavit. Cum talis, tantæ capitis inflatio, ut futura dispareant in pueris, ob ossium ténacitatem, mollitiemque contingere queat. Atque ego vel in me ipso hujusmodi tumorem prope quartum ætatis meæ annum expertus sum. A quo statim evidentissimo Redemptoris nostri Miraculo, desperantibus Medicis, liberatus sum. Intercedentibus interim Divi Vincentii precibus, cui Mater mea collacrymans novit, expeditaque Misit, domum reversa me incolumem reperit. Cujus quidem casus (ita Deus Optimus Maximus perpetuò me adjuvet) ac si veri, aut nudiùs tertius successeris, certissimam habeo memoriam.*

12 Frequenter accidit, ut in morbis diuturnis, antequam æger decedat, humores concreti viscera infarciant, ac, retardato fluidorum motu, serum ubique fundatur; quod si in pulmones confluat, ibique stagnet, aut in capacitatem thoracis effusum aded cumuletur, ut laborem inducat spirandi, & pulsus perturbet, morbus hic a Medicis appellatur *hydrope pectoris*, aut juxta Hippocratem *hydrope pulmonum*. Febris lenta ægrum invadit, qui etiam acriter tussit, quamvis nihil plerumque excernat, cum labore respirat, inexplabili siti torquetur, & manus, & pedes tumescunt, & minuuntur urinæ, uti observat Hippocrates lib. 2. de Morbis num. 39. Dominus Pascolus in citato Tractatu de Humore, seu de Corpore humano lib. 3. sect. 3. cap. 1. edoctus diutinâ sectione cadaverum observat, enarrata sym-

ptomata passim fieri ob vesículas pellucidas lymphâ plurimâ ex pulmonibus intumescentes, quæ *hydatisides* nuncupantur, & hunc hydropem pronuntiat insanabilem. Marcellus Donatus de Medica Historia mirabili lib. 3. cap. 11. inquit, pulmonis hydropem rarò a Medicis visum, a se tamen binos hoc hydrope laborantes tractatos fuisse, in quorum thoracis cavitate, dum se hinc indè movebant, aqua commota sonitum edebat, qualem in utre agitato fieri, quotidie observamus. Hujus descriptio hydropis pulmonis, ejusque plena curatio habetur apud Petrum Salium cap. 5. pag. 242. plurimæque hujus morbi historiz profant apud Schenckium in suis Observ. Medic. lib. 2. de Pulmonibus sit. de Hydrope pectoris, & pulmonis. Sennertus tom. 3. lib. 2. part. 2. cap. 20. agens de prognostico hujus morbi sic loquitur: *Malum est curatu difficile, & rarò sanatur; ut enim hydrope ex caloris nativi, viscerumque debilitate provenit, ita & hic ex eadem causa ortum habet. Et licet quandoque morbus sponte solvi videtur, erumpente ad alvum aqua, tamen paulò post malum, & quidem gravius, recrudescent, & incrementum paulatim sumis, tandemque in hydropem vertitur, ægerque suffocatur.*

13 Nihil est ad rem nostram notatu dignum in hydrope pectoris, seu pulmonum, cum quò ad illum, si ejus sanatio proponatur Miraculo adscribenda, omnia sint advertenda, quæ in superioribus proposuimus, dum agebatur de miraculosa sanatione ab hydrocephalo, aut exteris speciebus hydropis. Matta in suo Tractatu de Canonizatione Sanctorum part. 3. cap. 18. num. 317. inquit, hydropem pectoris ab empyemate non differre. Si autem ad Medicorum Libros manus admovea-

veatur, empyema nihil aliud est, quàm pectoris angustia, sive spirandi labor a pure in cavo thoracis effuso, ibique collecto, atque stagnante proveniens: non semel enim evenit, ut humor peccans, qui, in tubulis stagnando, aut pleuritidem, aut peripneumoniam fecerat, in pus conversus abscessum subinde faciat, quo disrupto, si sanies profluat in cavum thoracis, ibique congeratur, atque infedat, ægritudo oritur, quæ propriè *empyema* nuncupatur, quæ ægritudo affinis est ægritudini hydropis pectoris, quemadmodum enim in hydropse pectoris aqua, & serosi humores in cavitate thoracis colliguntur, ita in empyemate pus colligitur in eadem thoracis cavitate, uti optimè animadvertit Sennertus tom. 3. lib. 2. part. 2. cap. 20.

14 Medici post pectoris hydropem agunt de empyemate, & nos eorum vestigiis inherentes aliqua hic subdimus de empyemate. Guillelmus Ballonius in suis Medicis Observat. pag. 357. plures refert empyematicos curatos convaluisse. Empyema aut totam thoracis cavitatem, aut partem occupare potest: unde Hippocrates 2. prognost. t. 31. docet, quòd, si empyema in altera tantùm parte existat, eos convertere, ac discere oportet, doceant ne in altero latere, & an alterum altero calidius sit, atque cubantem supra sanum latus interrogare, an videatur sibi onus aliquod desuper suspendi: si enim ita est, in quodcumque latus pondus sit, in altero suppuratio existit; quemadmodum si utrimque calor, & pondus sentiat, in tota thoracis cavitate pus continetur; & Sennertus loc. cit. cap. 19. docet, malum periculosus esse, si pus totam cavitatem thoracis occupet, quàm si in altero solum latere contineatur,

& empyema, quod unum occupat latus, esse periculosius, si sinistrum latus occupet, quàm si dexterum, quia sinister cordis ventriculus ut nobilior a pure tum magis afficitur. At, ut dignoscatur major, aut minor qualitas morbi, quæ maximè prodest etiam Suffragium laturis in Causis Beatificationis, & Canonizationis Servorum Dei, vel Beatorum, cum questio est de liberatione ab empyemate nature, vel Miraculo adscribenda, deferenda non est perspicua citati Hippocratis doctrina 2. prognost. 63. sic loquentis: *Suppuratorum hi potissimum supersunt, quos febris eadem die dimiseris post ruptionem, ac cibum citius appetunt, & si liberati sunt, & venter exigua, ac consentia deiecit, & pus album, leve, concolorque est, & vacans pituita absque labore a valida tussi expurgatum. Itaque optimè quidem sit, ac celerrimè indicantur, si minus, quibus ad hæc proximè accedunt. Moriuntur verò hi, quos febris non deseruerit, aut, cum videretur deserre, demum recalescens innotescit, & siliunt, nec cibum appetunt, alvus humida est, pus viride, lividumque spumant, vel pituitosum, spumosumque. Ut Medici Empyematicos memoratis ab Hippocrate signis vicinæ mortis affectos a morte liberent, utque pus educant, paracentesi utuntur. Bonetus ex Hippocrate in Mercur. compital. lib. 3. pag. 164. num. 21. monet, hanc curationem futuram multis utilissimam, si tempestivè administraretur, sed nunc paucis, aut vix ullis esse auxilio, aut quia non fit, aut quia fit multò tardius, quàm oporteret. Palscolus in suo edito Tractatu de Homine tom. 2. lib. 2. sect. 3. cap. 2. pag. 234. testatur, se bis in Nosocomio Sancti Jacobi Incurabiliū Urbis Empyematicos extremā macie prope confectos, paracentesi ab incly-*

180 De Serv. Dei Beatif. et Beat. Canoniz.

to Professore Victorio Masini felicissime peractâ, curatos vidisse. Sed, ut prædicta curatio feliciter adhibeatur, opus est, ut adhibeatur in ægroto fractas vires non habente, ne optimum præsidium, ægro mortuo, difametur, qui sinendus, ut incruentè decedat, ne videatur occisus, veluti ad rem annotavit Scultetus *Ann. Chirurgic. tobul. 37. pag. 131. num. 3.*

15 Cum munere fungebar Fidei Promotoris, in *Causa Beatificationis tunc Servæ Dei, nunc Beate Hyacinthe de Alarçottis* de hac empyematis materia tractatum est. Virgo quædam ad tabem sponte suâ inclinans, ac temperamenti melancholici, cum annum ageret trigelimum tertium, toto corpore supra lapideum gradum corruit, & pectus contudit, unde per quindecim dies magno dolore in pectore affecta est; cùmque deinde ex pedestri itinere plurimum incaluisse, & aquâ frigidâ tum faciem, tum pectus lavisset, paulò post conqueri cœpit de dolore dexteri lateris in pectore, & continua febris eam tenuit cum catarrho. Symptomata hæc clarè demonstrarunt, eam fuisse correptam morbo laterali, seu pleuritide, inflammatione videlicet pleuræ, hoc est, membranz costas subcingentis. Juxta Hippocratem 5. *apbor. 8.* quotiescumque pleuritides in quatuordecim diebus non repurgantur, prout in hypothesi contigit, ad suppurationem, hoc est, ad pulmonum abscessum, atque ad empyema vertuntur. Ægra, nisi in dextero latere, non poterat decumbere, & si in sinistrum se componere volebat, purulenta materies suffocationem intentabat. Sputa erant graveolentia, cinerea, ac viridia; & febris continua non deerat. In morbi initio prætermissa est sanguinis missio, quam

omnes Practici laudant in pleuritide, inducta præsertim a violenta corporis exercitatione, & contactu aque frigidæ, quemadmodum legitur apud Forestum *lib. 16. observ. 28. pag. 155.* Conversâ pleuritide in abscessum pulmonum, hoc est, in empyema, exhibitâ quidem fuerunt a Medicis medicamenta, sed inutiliter, quemadmodum ipsi interrogati ingenuè confessi sunt. Ecclesiæ Sacramentis, etiam Extremæ Unctionis, Virgo jam morti proxima munita est: sed, cum, habito recurso ad intercessionem Servæ Dei, admotâque ejus Imagine dolenti lateri, ægra in alterum latus statim se convertere, & dormire potuerit, sine externo auxilio sese in lecto sessura facilè crexerit, benè comederit, leta Medicum suum exceperit, eique gratiam recuperatz salutis nuntiaverit, & Medicus eam invenerit sine febris, Postulatores hanc sanationem tamquam Miraculo adscribendam, & ultra vires naturæ factam a Deo intercessione Servæ suæ Sacræ Congregationi proposuerunt, ut eam tamquam miraculosam approbare dignaretur.

16 In hujus propositi Miraculi examine nonnulla a me ratione muneris fuerunt opposita. Aliqua respiciebant facti probationes, & signanter quò ad punctum instantaneitatis, & recuperationis virium; quæ responsionibus Scribentium tum in facto, tum in jure plenè sublata fuerunt: alia Medicos respiciebant; cùm enim Medici, qui curationi Virginis operam præstiterant, & in Processu examinati pronuntiaverant pro sanatione miraculosa, inter cetera eam Miraculo adscripissent, ex quo materiz evacuatio per sputum quadagesimum diem prætergressa fuerat, juxta illum *apborifmum,*

mum Hippocratis 15. lib. 5. = *Quicumque ex morbo laterali suppurantur, si quadraginta diebus purgantur a die, qua fit ruptio, liberantur; si vero non, ad tabem transeunt* = quem Galenus ita commentatur = *Addens suo sermone ruptionis vocabulum manifestum se fecit, de illis loqui, in quibus, lateris inflammatione in suppurationem convertit, deinde disrupta, in spatio thoracis, atque pulmonis intermedio pus continetur, his enim omnibus, nisi ut plurimum in quadraginta diebus puris evacuatio fiat per sputiones purgati, necessarium est, pulmonem exedi, putre processu temporis putrescente* = dixi, non esse ita præfinitum tempus quadraginta dierum, ut, si intrâ illud magna puris copia per sputi evacuationem, anacatharsim appellatam, facta sit, reliqua pars post illud evacuari non possit, juxta doctrinam Sennerti tom. 3. lib. 2. part. 2. cap. 19. ubi ita inquit = *Non quidem opus est, ut quadragesimo die æger plane ab omni pure liberatus sit, sed sufficit, si eo tempore tanta ejus copia rejecta sit, ut reliquis exigua, quæ supersunt, facili postea evacuari possint: cujus evacuationis non ita certus terminus definiri potest; nam ultra diem quadagesimum mollis, & rava pulmonis substantia pus sine damno vix sustinere potest, ideoque opus est, ut intrâ eum terminum maxima ejus pars rejiciatur* = & sequitur Tozzius tom. 4. in Aphorismos Hippocratis lib. 5. aphor. 15. = *Sed non per hoc, quod intrâ quadraginta dies non sint repurgati, omnino sit, ut tabidi interire debeant, quoniam fieri potest, ut etiam ultra hoc tempus repurgatio protrahatur, & evadant: multoties enim accidit, ut vel ex multitudine, vel ex crassitie materiei suppuratae satis non sint dies quadraginta ad integrè expellendam e pectore repurgationem, unde deinceps adhuc expectatio desideretur,*

ac, perduret; & novis exaratis Animadversionibus, addidi, quòd, licet Medicus ordinarius dixisset, Virginem inventam fuisse sine feбри, alter tamen Medicus, qui semel, aut bis infirmam visitaverat, inquit, se eam invenisse, non sine feбри, sed sine magna feбри: La ritrovai sgravata di febre, e migliorata assai di forze.

17. Saepe memoratus Joannes Maria Lancisius electus, ut judicium ferret pro veritate super proposita sanatione, inquit, sedulo consideranda esse signa, & symptomata, ut cognosceret, & distingui valeat, qui ex suppuratione intrâ, vel post quadagesimum diem evadere, aut soleant interire; resumtisque symptomatibus, quorum meminit Hippocrates loc.cis. febris videlicet continuæ post ruptionem, puris, non albi, & levis, sed cinerei, viridis, & foetidi, sputique, quod non, nisi cum magno conamine, etiam post quadagesimum diem ægra poterat excernere, conclusit, de magna morbi gravitate nullam superesse difficultatem, ob imminens videlicet periculum transitus in tabem, aut mortem, ut accidit filio Antiphonis relato ab eodem Hippocrate Epid. Hist. 27. juxta Vallesii divisionem, cui licet tussis redundaret cum multa suffocatione, & tunc malum remitteret, tamen post quadagesimam sextam, & prope sexagesimam diem mortuus est. Idem Lancisius multa alia in suo Suffragio pro gravitate morbi alstruenda deduxit, & postquam exhibita medicamenta ex Aëtio vidit fuisse inutilia, & subitam, & perfectam sanationem secutam fuisse, invocata Dei Servâ, stetit pro sanatione miraculosa: & in eo, quod attinebat ad Medici assertum de non integra a feбри liberatione etiam post invocationem, præferendam dixit at-

te-

testationem Medici ordinarii, qui totaliter liberam Virginem a febris pronuntiavit, attestationi Medici extraordinarii, qui bis, aut ter ægram visitaverat, quique contra totalem a febris liberationem iudicium protulisse videbatur; quinimmo, totum contextum depositionis huius Medici perscrutando, scitè consideravit, eum non locutum fuisse de vera febris, sed de quadam levi celeritate motus in pulsibus, quæ in ægrotis per plures, ut in casu, menses morbo afflictis superest, quamque nemo ex optimis Practicis febrem appellat, quotiescumque enim motus irregularis pulsus ab irritatione morbozæ causæ venerit, eam etiam cessante, ad datum temporis spatium in eadem crebriori vicissitudine perseverat, uti videmus in pendulis, qui alternas vibrationes consuecunt diutius semper producere, quamquam vis illa cessaverit, sive potentia, quæ a manu, pondere, aut elatere impellentibus derivari solet. Quibus, aliisque pluribus rectè animadversis, post longum, & maturum Causæ examen Sacrorum Rituum Congregatio, approbante sanctæ memoriæ Benedicto XIII. propositam sanationem inter Miracula recensuit, uti colligitur ex Decreto edito die 14. Julii 1726.

18. Antequam huic Capiti finis imponatur, aliqua addenda sunt de hernia statuosa, aut aquosa; hæc enim ab hydropse originem ducens ex abdomine influit in scrotum, juxta ea, quæ habentur apud Matthæum in *Practica Theologo-Canonica ad Causas Beatificationis, & Canonizationis* tit. 3. cap. 3. §. 9. At, loquendo cum Peritis in Arte Medica, si, vel minimis fractis lymphaticis, vel sanguiferorum tunicis laxatis, lymphæ, sive serum intus in tunicis testes vestienti-

bus exsudans, & cumulatam eas præter modum extendat, progenerat eam herniæ speciem, quæ *hydrocele*, aut *aquosa* vocatur. At, si lymphæ, serive loco ob flatum inclusum tunice præfatæ intumescant, hernia, quæ exinde provenit, dicitur *ventosa*, sive *pneumatocele*. Aquosa faciliè curatur vel per manualementem Chirurgicam operationem, apertâ scilicet cute scroti lanceolâ, & inde effusâ aquâ, vel applicitis medicamentis discussivis, & exsiccantibus, quæ via, licet sit tutior, nihilominus est proluxior. Hernia fluctuosa est omnibus speciebus herniæ securior, & facilioris curæ, quinimmo ex se non rarè evanescit, discusso flatu, quod in puerulis observatur in dies. Ob morbi levitatem difficile nobis esse videtur, sanationem ab hisce herniis tantum inter Miracula recensere. Sed, cum in Bullis Canonizationum passim sanationes ab herniis Miraculis adscribantur, quod ipsum quoque legitur in Relationibus Rotæ Auditorum, uti colligitur ex 3. part. *Relationis in Causa Sancti Caroli Borromei* Miracul. 18. ex *Relatione Causæ Sancti Petri de Alcantara* Miracul. 8. ex *Relatione Causæ Sancti Aloysii Gonzagæ* Miracul. 10. & 11. ex *Relatione Causæ Sanctæ Francisce Romanæ* 3. part. Miracul. 11. inter Miracula edita, dum ipsa miraretur, ex *Relatione Causæ Sancti Ludovici Bertrandi* in *Miraculo*, cui titulus = *Sanatio ab hernia* = ex *Relatione Causæ Sancti Isidori* Miracul. 9. & demum ex *Relatione Causæ Servi Dei Hieronymi Emiliani* Miracul. 7. post mortem, & passim ex aliis, ad submovendas quascunque æquivocationes operæ pretium est cum Medicis animadvertere, adesse, præter recensitas, alias herniæ species; si enim testes tumeant, & quando-

doque extuberent in nodos fungosos, alia species herniæ procreatur, quæ *sarcocele*, vel *hernia carnea* a Chirurgis appellatur. Rursus, si serotum, omento, aut intestinis prolapsis, præter modum extendatur, dux aliæ efformantur species herniæ, quarum altera *epiplocele*, altera *enterocele* dicitur, vel *hernia omentalis*, aut *intestinalis*. Hernia carnea curatu difficilis est, utpote quæ medicamenta exigit exsiccantia, vel, ut placet Neotericorum Scholæ, dissolventia, & aliquando degenerat in cancerum. Difficile quoque curantur herniæ intestinalis, & omentalis: cum etenim juxta communioem sententiam illæ ut plurimum dependant a ruptura peritonæi, membranæ videlicet omnia viscera ventris inferioris continentis, & ea, præsertim in adultis, coalescere non possit, neque, nisi raro, immo rarissime, per medicamenta conglutinari, coguntur miseri patientes, subligaculo terreo semper gestato, impedire, ne intestina, vel omentum decendant in serotum, & herniæ augmentum inhibere.

19 *Sæpe in Sacrorum Rituum.* Congregatione contigit disputatio de liberatione ab hisce herniis, an esset, necne, Miraculo ascribenda, antequam ad officium Promotoratus Fidei essem assumptus, tempore officii, & post illud a me dimissum.

20 Antequam assumptus essem ad munus Fidei Promotoris, inter cætera Miracula proposita pro Canonizatione Sancti Ludovici Bertrandi proposita fuit sanatio ab hernia intestinali, quod & ipsum contigit in *Causa Beatificationis tunc Servi Dei, nunc Sancti Francisci Solani*, & rursus in *Causa Beatificationis Martyrum Gorcomiensium*, & demum in *Causa Cano-*

nizationis Sancti Andrea Avellini. In *Causa Canonizationis Sancti Ludovici Bertrandi* Postulatores, allatis concludentibus probationibus, ostenderunt, per prolapsum intestinorum in serotum illud aded ædum fuisse, ut ad genua proveniret; quod dixerunt contingere non potuisse sine magna peritonæi ruptura: cumque subita, & perfecta post invocationem contigerit sanatio, de Miraculo dixerunt non esse dubitandum; unde inter cætera pro Canonizatione Sancti Ludovici approbata Miracula refertur & illud *subita sanationis Bartholomæi Christophori Dominquez ab hernia intestinali, & aded deformi laborantis, ut serotum, cum genua fleckeret, bumum attingeret, & fetorem emitteret, ita ut abdomina corrupta, & serotum ulceribus erosum putresceret.* In *Causa Beatificationis Sancti Francisci Solani* Fidei Promotor in dubium revocavit, an hernia ex simplici relaxatione, vel a vera ruptura, & laceratione peritonæi processisset; & Postulatores ostenderunt, quod aderant signa distinctiva rupturæ a relaxatione membranæ: cumque eadem oppositio facta fuisset in *Causa Beatificationis Martyrum Gorcomiensium*, eademque sublata fuisset per eandem repositionem, editum est *Decretum die 25. Septembris 1674.* in quo, previo consilio Congregationis Sacrorum Rituum, sanctæ memoriæ Clemens X. declaravit, *constare de quarto, & quinto Miraculis instantanea sanationis Theodori a natiuitate, & Egidii intestinalibus herniis pertinacibus, & difformibus fracturis per plurimos annos laborantium, qui statim, emissio Voto, integri, sanique, ac si nunquam simili morbo correpti fuissent, reperi sunt.* In *Causa autem Sancti Andrea Avellini* nulla super proposita sanatione herniæ edi potuit

184 *De Serv. Dei Beatif. et Beat. Canoniz.*

tuit resolutio, cum Physicus vocatus ad iudicium ferendum pro veritate dixerit, se ex Actis colligere non posse, cujus speciei esset hernia, cujus sanatio proponebatur tamquam miraculosa.

21 Ter se obtulit occasio disputationem instituendi de sanatione ab hernia, dum munereungebar Fidei Promotoris, in *Causa* videlicet *Beatificationis tunc Servi Dei, nunc Beati Joannis Francisci Regis*, in qua opposui, non conflare, an hernia, cujus miraculosa sanatio proponebatur, fuisset cum scissura, vel totali ruptura peritonæi, vel potius cum simplici relaxatione; quæ enim est cum simplici relaxatione, naturaliter sanabilis est, juxta Nicolaum Tulpium *Observ. Medic. lib. 3. cap. 13. pag. 209.* Secunda fuit in *Causa Canonizationis Beati Gregorii X.* in qua opposui, Sanatum post lapsum decem, & octo mensium eodem morbo affectum fuisse, adhibita quoque medicamenta morbo proportionata, cessasse dolorem post invocationem, sed ex cessatione doloris non inferri ad perfectam sanitatem, & demum Sanatum tam ante, quam post sanationem semper subligaculo usum fuisse. Tertia fuit in *Causa Beatificationis tunc Servi Dei, nunc Beati Petri Forerii*, in qua opposui, quod agebatur de duobus Fratribus adhuc pueris, in quibus hernia facile curatur, juxta Fabricium ab Aquapendente, qui lib. 1. de *Tumoribus cap. 37. pag. 67. inquit* = *Omni herniam curatu esse difficilem, nec medicamentis cedere, nisi in rupturis parvis, recentibus, & in pueris* = & præter alia multa, quod sanatio ab hernia, etiam intestinali, & omentali, quatenus fuisset miraculosa, fuisset Miraculum tertii generis, in quo erat necessaria instantaneitas, quæ in casu deficiebat.

22 In *Causa tunc Servi Dei, nunc Beati Joannis Francisci Regis* expe memoratus Joannes Maria Lancifius a sanctæ memoriæ Clemente XI. deputatus, ut suum pro veritate ferret super proposita sanatione iudicium, sensit, nihil in illa eorum desiderari, quæ sunt necessaria pro constituendo Miraculo etiam secundi generis; tum quia agebatur de hernia ingentis magnitudinis, de hernia complicata ex intestinali simul, omentali, & flarulenta, & de hernia, quæ longo tempore duraverat; tum quia agebatur de hernia maximopere excruciente, ita ut admitti essent status, & feces, quamque probabatur in eodem statu magnitudinis, complicationis, & doloris perseverasse usque ad momentum receptæ sanitatis; & demum quia Sanatus erat in ætate annorum quadraginta trium, quique statim, invocato Dei Servo, sanationem perfectam obtinuerat, quam tentata inutiliter medicamenta illi dare non potuerant. Quibus omnibus, aliisque seridò ponderatis, prævio consilio Congregationis Sacrorum Rituum, sanctæ memoriæ Clemens Papa XI. die 28. Aprilis 1715. sanationem prædictam retulit inter Miracula, non secundi, sed tertii generis; pronuntiavit enim = *Conflare de duobus Miraculis tertii generis, nempe de primo repentina liberationis Joanne Maria Teret Monialis a diuturna inferiorum artuum ad motum impotentia, & hydropæ tympanite, ac de quarto instantanea sanationis Joannis Gasparis Monteymar ab enormi hernia.* = In *Causa Beati Gregorii Papa X. bonæ memoriæ Jacobus Sinibaldus Medicus scribens pro Miraculo, sanationem ab hernia fuisse miraculosam, sequentibus verbis comprobavit: Concludamus igitur, hernia magna antecedentis sanationem fuisse Mi-*

raculum secunda classis, quia, licet hic morbus de sui natura non sit incurabilis, si recens sit, si parvus, si in puero, si Medicorum, & Chirurgorum opere statim adjuvetur, incurabilis tamen omnino est, si magna sit peritonæi scissura, si antiqua, & septimestris, si in senē serē octogenario, debili, emaciato, asthmatico, tussiculoso, & aliis morbis affecto, uti erat noster: & propterea insigne fuit Miraculum, quia in instanti, quia sine dolore, quia sine Medicorum, & Chirurgorum ope intestini regressus, & scissura consolidatio fuit absoluta. Adhæsit Sinibaldi Lancisius pro veritate scribens; sed, difficultatibus a me excitatis cum Sacra Congregatio reputaverit non fuisse sufficienter responsum, abstinuit a resolutione edenda super Miraculis propositis in Causa Beati Gregorii X. In Causa tunc Servi Dei, nunc Beati Petri Forerii Postulatores ponderarunt, alteram ex herniis unius ex Fratribus, cujus sanatio contigit, invocato Dei Servo, fuisse a nativitate, & tam hanc, quam aliam alterius Fratris æquē sanati fuisse inveteratam, utramque fuisse magnæ molis, tentata fuisse, sed inutiliter, medicamenta, alterum ex sanatis fuisse quidem in ætate annorum quinque, & alterum in ætate annorum octo, sed id Miraculo non obflare, cum herniæ non essent parvæ, & recentes, utramque herniam in eodem statu perseverasse usque ad punctum sanationis, sanationem denique undequaque perfectam non in uno ex fratribus, sed in utroque secutam fuisse immediatè post applicationem Sudarioli, quod Tumulum Servi Dei tetigerat, nuncupatoque ipsi Voto. Medicus Soldatus in hac eadem Causa suum in scriptis protulit Suffragium, resumptisque prædictis omnibus circumstantiis, pon-

deratoque, quod herniæ processerant non a simplici peritonæi relaxatione, sed quod ab omnimoda ipsius ruptura, ac discissione causam habuerant, sanationes inter Miracula recensendas censuit: & Sacrorum Rituum Congregatio Generalis die 4. Octobris 1729. inter cætera, quæ approbavit, Miracula pro Beatificatione Servi Dei Petri Forerii approbavit & illud in tertio genere repentinæ sanationis Jaanis, & Nicolai de Croissellæ fratrum ab hernia intestinali; quod Decretum Apostolicæ confirmationis robore fuit confirmatum a sanctæ memoriæ Benedicto XIII. die 6. Octobris prædicti anni.

23 In Causa memorati Beati Petri Forerii Animadversiones fuerunt a me tunc Fidei Promotore exaratae, sed Decretum editum est post dimissum a me Promotoratus officium. In Causa verò Beati Vincentii a Paulo, cum quæreretur de Miraculis post indultam a Sancta Sede ipsi Venerationem, Animadversiones fuerunt exaratae a Domino Ludovico de Valentibus, qui modò magna cum laude fungitur officio Fidei Promotoris. In illa ergo cum inter cætera approbanda Miracula proponeretur & illud instantanæ sanationis ab hernia, memoratus Fidei Promotor doctè opposuit, naturam plurimum posse etiam in sanatione herniarum intestinalium, licet inveteratarum, & licet agatur de Sanatis in ætate quadragenaria, & ultra constitutis, & potissimum, si subligaculo usi sint, juxta Schenckium lib. 4. Observ. Medic. tit. de Herniis, ubi refert, hominem enterocæle laborantem, & in ætate annorum quadraginta constitutum, & gravibus doloribus affectum jussu Medici subligaculum assumpsisse, nec unquam dimisisse, & benè spatio quinquen-

186 *De Serv. Dei Beatif. et Beat. Canoniz.*

nii, & ultra se habuisse, ipsoque ex pleuritide deinde mortuo, petita copiâ videndi cadaveris, ut dignoscere-
tur, quid natura esset operata in via illa, qua intestina devolvebantur, circa foramen processus peritonæi substantiam inventam fuisse adiposam ovi minoris magnitudine, eoque loci sic tenaciter adhærentem, ut vix ipsa sinè vicinarum partium divulsione inde distrahi potuerit; idemque Fidei Promotor addidit, statum desperatum non fuisse probatum tempore immediato ante sanationem. Difficultatibus facti responsum plene fuit a Postulatoribus, qui luculenter ostenderunt, paucis horis ante sanationem solito vehementius intestina in scrotum descendisse. Physicus Marcus Angelus de Marcangelis electus ad iudicium ferendum pro veritate demonstravit, herniam fuisse enormem, completam, & complicatam; *enormem*, cum scroti tumor figuram humani capitis æmuleretur; *completam*, cum intestina ultra inguina devolverentur, & scrotum penetrarent, & ipsum undequaque intumesceret; *complicatam*, cum in scrotum præter eam, quæ dilabi consuevit, intestini ilei partem sociâ quoque omenti portio descendisset. Idem Physicus non dubitavit de ruptura peritonæi; addiditque, herniam fuisse diuturnam, ætate confirmatam, eademque die, qua deleta est, paulò ante sanationem atrociter recruidisse; & tandem pronuntiavit, de Miraculo non esse dubitandum ob superventam instantaneè perfectam sanationem, imploratâ ope Servi Dei. Quibus omnibus, exterisque benè ponderatis, Sacrorum Rituum Congregatio die 31. Januarii 1736. inter cætera Miracula pro Canonizatione Beati Vincentii a Paulo

recensuit & illud in tertio genere *instantaneæ sanationis Francisci Richer ab hernia perfectæ, inveteratæ, & desperatæ*, quæ resolutio fuit confirmata a Sanctissimo Domino Nostro Clemente Papa XII. die 10. Augusti ejusdem anni.

24 Ex his, quæ hucusque dicta sunt, benè colligi potest, multa esse a Consultoribus Congregationis Sacrorum Rituum advertenda, cum sanationes ab hernia proponuntur inter Miracula recensendæ. In primis itaque advertenda est herniæ qualitas: si etenim hernia fuerit aquosa, aut ventosa, quemadmodum morbus hic levis est, ita subita ab eo solo sanatio apta esse non videtur pro constituendo Miraculo; at secus res se habebit, si hernia fuerit intestinalis, & multò magis, si etiam omentalis: tumorisque magna amplitudo indicium esse dicitur, omentum cum intestinis in scrotum descendisse; unde in cadaveribus illorum, qui ex hoc morbo decesserunt, & in quibus extraordinaria intumescencia scroti non detuit, inventum est, quòd omentum cum intestinis descenderat, uti asserit Theophilus Bonetus *Sepulchr. Anat. tom. 2. lib. 3. sect. 29. observ. 13.* omentum quippe intestino ileo semper adhærens hujus descensum per novum, amplumque foramen comitari debet, cum nihil sit, quod, altero descendente, alterum descendere, prohibeat.

25 Ut eò fortiùs de gravitate motu tutum iudicium feratur, examinandum quoque est, an peritonæum fuerit scissum, vel tantùm dilatatum. Scio, Fabricium Hildanum *centur. 6. observ. 70. & 71.* & Joannem Munnickium *lib. 1. de Tumoribus præternaturalibus cap. 30.* asserere, quòd in nullo

her.

herniarum genere peritonæum scindatur, sustinentes, quodduntaxat distenditur, & dilatatur in amplitudinem enormem, quemadmodum venæ in varicibus dilatantur. At, cum ceteri huic sententiæ communiter adversentur, uti videri potest apud Fabricium ab Aquapendente de Chirurg. Operat. tit. de Intestinali Hernia pag. 88. apud Sennertum lib. 3. part. 2. sect. 1. cap. 6. apud Paulum Barbettam in Chirurgia cap. 7. pag. 41. prædicta circumstantia non videtur in examine omittenda: & non simplicem dilatationem, sed rupturam peritonæi patefacere quoque potest magnus tumor in scroto, veluti tradit Musitanus de Tumoribus cap. 56. ita inquit: Si peritonæum tantum sit relaxatum, ex eo cognoscitur, quia tumor est parvus, ac sensim incrementis, & quod prolapsus est, ad testiculorum usque fundum non descendit. Si sit disruptum, subito excrescat, subitoque incrementum sumit, & facile usque ad fundum testiculorum, quod prolapsus est, descendere potest. Sequitur Paræus lib. 7. cap. 14. litteræ D, ubi repentinum dolorem etiam inter signa enumerat rupti peritonæi: Rupti peritonæi signa sunt tumoris subitum, & repentinum incrementum, dolor acutus, & lacinians; nam, laxato tantum peritonæo, sensim, adeoque exiguo cum dolore crescit tumor; & Bernardus Gorgonius in Lilio Medicina particul. 7. cap. 7. methodum exponit distinguendi relaxationem a ruptura peritonæi; inquit enim, quodd, si aliquis stet supra pedes suos, & impellat anhelitum versus inferiora, & ad impulsione anhelitus intestina descendant, de ruptura peritonæi dubitandum non est, & e contra pronuntiandum pro simplici relaxatione, si intestina ad dictam anhelitus impulsione non descendant.

26 In examine præterea harum nationum habenda est ratio tum durationis morbi, tum ætatis ægri: durationis morbi, ut optime advertit Langius Oper. Medic. disput. 37. de Herniis intestinalibus lib. 3. cap. 4. ita scribens: Circa prognosin rectè sensit Gorgonius in sua Traxi Lilio Medicina inscripta, omnem herniam facilius curari circa principium, difficilius, si aliqua temporis mora intercesserit; interea enim nimium distentum peritonæum robur amittens suum non facile se rursus contrahit, aut dilaceratum cum ipsis intestinis coherescit: ætatis ægri scribit enim Ettmullerus tom. 2. sect. 12. cap. 1. in verb. Prognosis hæc, quæ sequuntur: In prognosi quæ disturnior, & quæ major, vel minor, eò etiam periculosior, aut levior est hernia &c. Confirmata est curatu difficilis, præsertim in adultis, in quibus rarissime absque Chirurgia operatione curari potest; & adhæret Bonetus in Thesaur. tom. 2. lib. 4. de affect. abdom. cap. 24. pag. 482. In senibus herniam curandi difficultas augetur ex infirmitate calidi nativi, quod in consolidandis partibus adjuvantes manus aliàs porrigere tenetur; nisi enim nature efficaciter cooperantis robur, quod in senibus deficit, in curatione morborum Medico velificetur, oleum, & operam perdet; & quodd hernia curatu difficilis sit in senibus, si præsertim peritonæum sit disruptum, pronuntiant Barbetta cap. 7. de Herniis pag. 42. Munnicks de Tumoribus cap. 30. Ettmullerus Colleg. Pract. sect. 12. cap. 1. de Herniis.

27 Uno verbo, statuta qualitate, & gravitate morbi ex symptomatibus supra expositis, aliisque per Physicos afferendis, qui & super utilitate, vel inutilitate medicamentorum, si fuerint adhibita, iudicium ferre debent, pertinet ad Consultores Sacræ Congre-

gationis sedulo perpendere, primò, an morbi gravitas persistiterit usque ad tempus obtentæ sanitatis; secundò, an non solum in instanti, præmissâ invocatione, intestina ad locum suum redierint, sed etiam in instanti remanserit glutinatus enormis hiatus ille, per quem, tamquam per latam viam, subito ruunt, nisi subligaculo prohibeantur; & ultimò, an adsint concludentes probationes continuatæ sanitatis cum exclusione recidivæ.

28 Dicitum est, ultra gravitatem morbi, & gravitatis persistentiam usque ad tempus obtentæ sanitatis perpendendum esse, an in instanti non solum intestina ad locum suum redierint, sed etiam enormis hiatus fuerit in instanti glutinatus, cum in solo, quamvis instantaneo, regressu intestinorum ad locum suum Miraculum constitui non possit; nec enim novum est, quòd, ægris resupinatis, intestina sponte ad suum locum redeant, aut quòd periti Chirurghi manus eadem intestina fota prius, atque emollita leniter, ac subito ad locum suum restituant, uti quotidianâ experientiâ docemur, & testatur Tulpus *Observat. lib. 3. observ. 13. & 14.* & latè prosequitur Munnicks in sua *Chirurgia. lib. 1. cap. 30. num. 10. & sequentibus*, licet sæpius in hac Chirurgica operatione morbus augeatur, & æger decedat, superveniente videlicet inflammatione, atque gangræna, quemadmodum scriptum reliquerunt Forelli *Observat. lib. 27. observ. 16. in Scholiis*, Panarola in *Medic. Observat. observat. 49. Ettmullerus tom. 1. cap. 21. num. 2.* & 6. Silvius de le Boe in *Praxi Medica lib. 1. cap. 15. num. 23.* Hofmann in *Metodo Medicina lib. 2. cap. 3.* Roling. in *Dissert. Anat. lib. 1. cap. 13.* & eò magis, si, ultra intestinum,

omentum etiam descenderit, cum intestinum, & non omentum, habeat motum peristalticum, seu vim sese contrahendi, & corrugandi. Dicitum est autem, pro constituendo Miraculo opus esse, quòd in instanti enormis hiatus fuerit glutinatus; nec enim opus est, ut torus hiatus anuli in inguine sit glutinatus, sed tantum, ut via sit restricta, impediaturque descensum intestinorum, cum hiatus ille debeat naturaliter haberi, sed levis, & quantus sufficiens est ad deducenda ad testes vasa spermatica, & processus peritonæi.

29 Dicitum est quoque, videndum esse de continuatione sanitatis cum exclusione recidivæ: & continuatæ sanitatis probationes non deerunt, si æger in pedes assurgens absque dolore, & absque ullo novo descensu intestinorum, aut omenti, nullo amplius adhibito subligaculo, moveatur, & in posterum se habeat, sicuti ceteri homines, qui eo morbo numquam laborarunt, quemadmodum enim, decumbente ad horizontem corpore, ipsa intestina fortasse etiam per supra memoratum proprium peristalticum motum intrâ abdomen sæpe revertuntur, & e contra, ad lineam posito corpore, iterum in scrotum dilabuntur, ita ad dignoscendum, num æger a morbo integrè convalescerit, & an sanitas momento obtenta verè perseveraverit, oportet, ut ipse in pedes assurgat, ambulet, ceterasque peragat functiones, quæ a sanis hominibus peraguntur, & quidem per spatium non exigui temporis, ne videlicet apud nos aliqua rationalis remaneat de Miraculo dubitatio; supinus enim in lecto longus decubitus, teste Fabricio *Hildano centur. 5. observat. 54.* nullo alio medicamento, Senem ab enterocæle feli-

feliciter liberavit. Et, quod dictum est de rationabili Miraculi dubitatione quò ad nos, si æger a lecto non assurgeret, videtur, quòd sibi quoque locum debeat vindicare, si, postquam a lecto surrexit, subligaculo, seu cingulo usus sit, sive subligaculum esset ex simplici fascia, quæ a Peritis præscribitur ad simplicem præsertionem, & impediendam rupturam, sive sub-

ligaculum esset contextum ex ferreis laminis valido corio contextis, quæ post rupturam ab ipsis Peritis præscribuntur, de quorum subligaculorum differentiis agunt Scultetus in *Armam. Chirurg. tabul. 39. pag. 144. & 145.* Hildanus *Observat. Chirurgic. centur. 6. observat. 73. pag. 393. in verb. Declaratio instrumenti.*

CAPUT DECIMUM SEXTUM.

De miraculosa liberatione a fluxu sanguinis, & generatim ab hæmorrhagiis, & de miraculosa vulnorum sanatione.



E insigni sanæ a Christo Mulieris, quæ duodecim annis sanguinis fluxu laboraverat, Miraculo loquitur Sanctus Matthe-

us in suo Evangelio cap. 9. = *Et ecce Mulier, qua sanguinis fluxum patiebatur duodecim annis, accessit retro, & tetigit fimbriam vestimenti ejus. Dicebat enim intra se = Si tetigero tantum vestimentum ejus, salva ero. = At Jesus conversus videns eam dixit = Confide filia: Fides tua te salvam fecit. = Et salva est facta Mulier ex illa hora.* Idem factum enarratur a Sancto Marco in suo Evangelio cap. 5. ubi addit, quòd Mulier fuerat multa perpessa a compluribus Medicis, & erogaverat omnia sua, nec quidquam profecerat, sed deterius habebat: quæ omnia pariter exponuntur a Sancto Luca in suo Evan-

gelio cap. 8. Ader in suo Tract. de Morbis Evangelicis enarrat. 12 meritò miratur, Carthusianum sensisse, Mulierem hanc fuisse a naribus hæmorrhoidalem. Gregorius Horstius *Oper. Medic. tom. 2. lib. 4. observ. 52.* putat, Mulierem hanc fluxu hæmorrhoidali laborasse: & per transennam annotare fas sit, nonnullos Rabbinos scribere, quòd affectio ea gravis, qua Deus usus est in puniendis Philistæis ob crimen Arcæ Domini positæ in Templo Dagonis, fuit fluxus hæmorrhoidalis, quemadmodum videri potest apud Frammannum in Tractatu de Hæmorrhoidibus problem. 34. At, ad Mulierem a Christo sanatam redeundo, citatus Ader addit, eam non fuisse hæmorrhoidalem ab effluxu venarum hæmorrhoidali, sed a fluxu muliebri importuno, odioso, & irregulari. Sequitur Calmet ad cap. 9. *Matthæi* scribens, Mulieris morbum fuisse fluxum continuum, & malè regulat-

190 De Serv. Dei Beatif. et Beat. Canoniz.

latum suatum purgationum : quæ sententia, attentis facti circumstantiis, cæteris probabilior esse videtur. Cur etenim Mulier venit in turba retro, & retigit vestimentum Christi? Cur, quærente Domino, quis sua vestimenta tetigisset, ipsa timens, & tremens venit, & procidit ante pedes ejus, & illi dixit omnem veritatem, uti latè referunt Marcus, & Lucas locis citatis? Non, nisi quia ex fluxu suarum purgationum erat juxtà Legem Hebræorum immunda, veluti benè ponderat Sanctus Petrus Chrysologus *Serm.* 33. sequentibus verbis: *Mulier habas emicus, quam natura pudore perfuderat, quam per hoc immundam Judaica Lex notarat dicens: Immunda eris, & Sanctum non continget: contingere metuens, ne Judaicum furorem, ne Legis posset subire sententiam. Dicere non est ausa, ne circumstantium confunderet, & oneraret auditum, ne fieret populorum fabula, quæ tot annis studium fuerat possessionum. Siquidem & ampliùs ferre, & sustinere dolor diuturnus, & continuus non sinebat, & deliberandi tempus Christi prætereuntes ecclesitas amputabas, & noreras, quid occultanti morbum suum sanitas non daretur.*

2 Mirabilium ab hæmorrhagiis sanationum exempla prostant in Bullis Canonizationum. In Bulla Canonizationis Sancti Nicolai de Tolentino ita legitur: *Quedam verò Mulier triennio continuo sanguinis fluxum patiens ad Nicolaum veniens, & manum illius devotissimè osculans precebat eum, ut preces ad Dominum pro illius sanitate recuperanda porrigeret. Sanctus ipse illam Crucis signo signavit, & liberata recessit.* In Bulla Canonizationis Sancti Raymundi de Penafort hæc habentur: *Anna Boneta vocata Barcine bene factis Parentibus nata*

ipso Epiphania Festo copioso sanguinis profusio in summum vitæ periculum adducta erat, neque adhibita Medicorum remedia sanguinem ullo modo sistere poterant, neque ipsa in proximum diem victura putabatur &c. mortem expectabat. Interim in Beati Raymundi præsidium toto animo confugit, ac, pulveres ex ejus Sepulchro ad se deferri, atque in cyatho misceri sibi, iussit: quibus epotis, meliùs se habere cepit, & absque ullo prorsus alio pharmaco vitæ discrimen evitavit. In Bulla Canonizationis Sancti Francisci Xaverii subditur: *Eandem virtutem experta est Francisca Rebelles, quæ a multo tempore sanguinis fluxum, ac ventris tumorem cum ingenti dolore patiebatur. Lampadis enim ante ejus Imaginem pendens identidem se oleo unguens statim adeò perfectè convalescerat, ut nullas ampliùs eorum morborum sensisset reliquias. Reliquisque omisiss, in Bulla Canonizationis Sancti Joannis de Deo sequens narratur Miraculum: Philippa Araix quatuor annorum puella ex febris, & immoderata per os, & nares sanguinis effusione penè animam agebat: sed, statim ut exiguum pulveris e domo Joannis acceptum naribus Philippa admotum suis, sanguis, & vitæ stetit.*

3 Auditoros Rotæ in Relationibus, quas ediderunt in *Causa prædicti Sancti Francisci Xaverii*, magnitudinem morbi ponderarunt, diuturnitatem, prava symptomata, ventris tumescitionem, febris magnitudinem, sanationem momento receptam, ineptitudinem olei Lampadis ad sanitatem naturaliter tribuendam, ut in ea videri potest *Miracul.* 10. In *Relatione Causæ Sancti Joannis de Deo* animadvertenter, hæmorrhagiam non processisse ab abundanti sanguinis copia, sed a vitiosa illius qualitate, quam desumpserunt ex pravis symptomatibus, quæ eam fuerant comi-

tata. De magnitudine ergo morbi non dubitarunt; habitâque consideratione tum momentaneæ perfectæ sanitatis, tum ineptitudinis portiuncule terræ extremis naribus admotæ pro constituenda causâ naturali sanitatis, sanationem inter Miracula recensuerunt. De eadem materia locuti sunt Rotæ Auditores in *Relatione Cause Sanctæ Franciscæ Romanæ part. 3. Miracul. 9.* ubi subitam sanationem magni fluoris sanguinis continuati per sexdecim menses, nullo adhibito medicamento, sed invocatâ tantùm ope Sanctæ Franciscæ, momento perfectè sanati inter Miracula retulerunt: & consimilia leguntur in *Relatione Cause Beati Petri Regalati Miracul. 3. post mortem, & in Relatione Cause Servi Dei Hieronymi Emiliani Miracul. 5. post mortem.*

4 At, ut aliqua pro re, de qua nunc agitur, e Libris Medicorum desumantur, sanguinis profusio per nares a Medicis appellatur hæmorrhagia narium. Si sanguis floridus, & spumans per tussim ex pulmone fertur, hæmorrhagia hæc in Medicorum Scholis appellatur hæmophthisis. Si ex ventriculo cruor concretus colore quodam atro nigricante tinctus, & cum phlegmate insipido, acido, aut viscido mistus per vomitum ejicitur, hæmorrhagia hæc dicitur ventriculi. Rursus, si liberalior sanguinis hæmorrhoidalis fluxus contingat, si larga sanguinis per uterum effusio in læminis in lunari periodo, vel alio tempore accidat, illa hæmorrhoidalis dicitur, hæc uteri hæmorrhagia immoderata denominatur. Item datur hæmorrhagia per urinarias vias, quando per eas cum, vel sinè urina ex vasis renum, sive vesicæ nimium ampliatis, ruptis, aut erosæ mingitur sanguis. Et denique datur hæmorrhagia cerebri, for-

tis videlicet, & perniciæ illa apoplexia sanguinea, quæ oritur ab effusione cruoris in cerebro, ruptis ibi citra violentiam externam vasculis, quæque subitò functiones animales, & vitales extinguit.

5 Modò relatæ sunt consuetæ, & frequentiores hæmorrhagiæ. At extraordinariæ quædam aliæ hæmorrhagiæ datæ sunt, & dantur, de quibus apud Authores. Schenckius *lib. 3. Observ. Medic. tit. de Venis, & Sanguine* narrat, quamdam Religiosam, cùm incidisset in Militum manus, & evaginatos gladios vidisset, adèd territam fuisse, atque commotam, ut, sanguine ab omnibus corporis partium meatibus manante, in oculis hostium mortua sit; & curatum fuisse quemdam alium, qui per omnes corporis meatus, per oculos, aures, nares sanguinem emittebat. *Amatus centur. 2. lib. 2. curat. 21.* testatur, per uberum papillas sanguinem in scæminis aliquando exiisse. Fallopius *lib. de Vulneribus cap. 37.* se alium vidisse inquit, qui singulis annis, integrâ existente cute, per ipsam a jecoris regione libram circiter sanguinis effundeat. Alia legi possunt apud a Rejes *quest. 86. num. 8. & sequentibus.* Nec omittendum est, quod narratur a Salmutho *centur. 3. observ. 36.* de sanguine excreto per minimum digitum; item, quod subditur a Bartholino *Observ. Anatom. centur. 1. bisser. 30.* de sanguine menstruo a genu, & manu profiliente: quæ fieri dicendum est, ex quo sanguis sese exonerat per alias vias, in quibus paulò profundius vasa latitant. Legi potest Stalpartius *centur. 1. observ. 80.*

6 At, ut ad ordinarias, & consuetas hæmorrhagias redeamus, hæmorrhagia narium aliquando critica, aliquando symptomatica est: critica, &

salutaris, si in synocha febre, aut semicritico, vel critico die erumpat; symptomatica, si accedat febribus exanthematicis, vel etiam malignis, aut si erumpat in chronicis morbis. Avicenna lib. 3. tract. 1. cap. 9. pag. 241. inquit: *Scias, quod quandoque viris homo in fluxu sanguinis narium, usquequo egrediantur ex eo ultra viginti libras, & usque ad viginti quinque libras; deinde moritur: quantitas etenim sanguinis in corpore humano quod ad aliquos hœmines ad libras viginti quinque, quod ad alios ultra triginta conceditur, quemadmodum docet Craanen lib. de Statu Hominis pag. 130. celebris, & notorium est in Urbe exemplum Oritoris prope Colosseum, qui supervixit post ejectionem per nares viginti quatuor librarum sanguinis saprio decem, & octo horarum, teste bonæ memoriz Paulo Manfredo Medico in sua secunda Disseratione exarata in Causa Canonizationis Sancti Stanislai Kofka super decimo tertio Miraculo §. 14.*

7 De sanguinis fluxu ex pulmonibus, qui, uti supra insinuatum est, dicitur hæmophthisis, Hippocrates sect. 4. apbor. 25. inquit: *Sanguis quidem supra, qualiscumque fuerit, semper malum: quem textum Joannis Heurnius ita vertit: Si cui sanguis per superiora erumpat, cujusmodi tamen is fuerit, calamitosum; & Franciscus Vallesius pariter in Commentariis subdit: Sanguinem quæcumque per os emitti, malum est; nam vulturam, aut corrosionem, aut laxitatem venarum significat.*

8 Lethalis ergo sæpissime est hic morbus. Sed, si hæmophthisis a sola abundantia, aut ebullitione sanguinis procedat, nec est periculosa, nec capitalis, si rectâ medicatione, victusque ratione excipiat: & Clinici criticam

nonnumquam hæmophthisim observant affirmantes, per hanc atrocissimas aliquando, & inveteratas solutas fuisse ægitudines.

9 Hæmorrhagia, quæ fit ex vomitu cruento, exteris est periculosior; & si vomitui cruento nigra, & piei similis, eaque graveolens alvi dejectio jungatur, teste Hippocrate, mors est præforibus. Quod si symptoma hoc absit, si æger febri non afficiatur, si vomitus a suppressis evacuationibus ex plethora oriundus causam habuit, adeo periculosus non est.

10 Fluxus hæmorrhoidalis, si moderatus sit, ægrum a nonnullis morbis liberat, juxta illud Hippocratis 6. apbor. 11. = *Melancholicis, & nephriticis hæmorrhoides supervenientes bona sunt* = & apbor. 21. = *In sanis, si varices, & hæmorrhoides supervenerint, morbi fit solutio.*

11 At, si immodicus sit fluxus, ægrum in hydropem, phthisim, & alios morbos præcipitat; unde Galenus 3. de Naturalibus cap. 8. scribit: *Ex hæmorrhoidibus diuturnis suppressis, vel immodico profluentibus ad extremam frigiditatem devenientes ægri sæpe in aquam intercutem incidunt; & Aetius tetrab. 4. serm. 2. cap. 3. concordat, ut ex sequentibus ejus verbis desumitur: Hæc affectio malorum plurimorum hominibus causa existit. Nam & deformitatem, & miseram vitam hominibus inducunt; multos vero etiam vitam privant; & deformitatem quidem propter coloris totius variationem ex evacuatione succedentem, miseram vero vitam propter corporis debilitatem. Quandoque autem de vita periclitantur sic affecti, cum ob excessentem evacuationem perfrigeratum hepatis aquam intercutem operatur; cæterique sequuntur, Henric. Regius Prax. Med. lib. 3. medit. 45. = Hic morbus valde periculosus*

losus est; metuendum enim, ne ex diuturno illo fluxu atrophiam, extabescencia, vel hydroproriatum = in eujus loci Notis Theodor. Ctaanen = Atrophiam metuit Auctor, quia sanguis diminutus minorem impetum habet, quem ut particula ad nutritionem apta per poros arteriarum in partium nutriendarum poros satis altè possint protrudi = Joannes Dolzeus *Encycloped. Medic. theor. pract. lib. 3. cap. 10.* = Fluxus etiam hæmorrhoidalis non est negligendus, aut contemnendus, utpote a quo graviores, & diù durantes, varia produci possunt mala, hydrops scilicet ascites, leucoplegmatis, cachexia, marasmus, & tabes, febres hecticæ, & similia alia.

12 Fluxus uteri est affectus contrarius retentioni, & suppressioni menses. De hoc fluxu ita scribit Galeenus de Symp. caus. cap. 1. & 5. aphor. 37. = Possibile est, immodice fieri menses evacuationes, si ora vasorum, qua pertingunt ad uterum, ultra modum aperiantur, & si sanguis vel calidior, vel tenuior fiat, vel si totum corpus propter malum habitum aliquem gravetur sanguine, quem, licet modum convenientem natura non excedat, expellit ad venas, qua in utero sunt.

13 Si fluxus sit immodicus aut ratione quantitatis, aut diuturnitatis temporis, ita ut vires debilitentur, & syncope sæpe accidat, morbus inter graves recensetur: quocirca Sennettus *Pract. lib. 4. part. 2. sect. 2. cap. 6.* in Prognosticis hæc habet: Quò autem fluxus est diuturnior, eò difficilior curatur, immo sæpe incurabilis evadit, & mortem inducit &c. Si virium debilitas, symptomatumque vehementia nullo modo minuat, sed in dies augeatur, mortem certam id portendit. In senescente muliere menses nimis fluxus plerumque incurabilis, & letalis est.

14 Fluxus ex urinariis viis multis modis contingere potest. Si itaque sanguis sincerus confertim, repente, & sine dolore mingitur, Hippocrates *sect. 4. aphor. 78.* rectè judicat, illum prodixisse ex renum substantia sanguineo-vasculosa; sed, ubi parcius ejicitur sanguinis quantitas obscuri, & nigricantis coloris cum, vel sine materia purulenta, & potissimum cum dolore, tunc ex vesicæ læsæ, aut exulceratae illum stillasse, certum est, juxta *aphor. 80.* citati Hippocratis *lib. 4.* = Si quis sanguinem, unaque grumum sæpe mingat, ac stranguariam habeat, unaque dolor incidat in aqualiculum, & in interseminum, huius vesicæ vicine partes labrant.

15 Cruenta mictio aliquando critica, & salutaria, aliquando morbofa est: cessantibus enim aut menstruis purgationibus, aut hæmorrhoidibus, frequentissimè fit sanguinis mictio per renes magna in copia, rariùs autem, & in minore quantitate per sphincterem vesicæ citra dolorem, & magnum incommodum; & tunc hæc mictio cruenta critica est, & salutaria. *Friedericus Hoffmannus tom. 4. part. 2. Medicina rationalis systematica sect. 1. cap. 6. §. 17.* & sequentibus de sanguinis fluxu ex urinariis viis sic fatetur: Omnis eruentis mictus est periculosus non expertus; etenim, licet in principio salutaria, & eritica a palindrome facta ob mensem, vel hæmorrhoidum suppressionem visus fueris, tamen, quia non modo facili revertitur, & vires exhaurit, sed, etsi error accidit vel in dieta, aut si imprudenter stipticis tractatur, inflammatio, ac corruptio facili ipsi renibus, vel vesicæ induci potest, atque periculum alio &c. Ex periculosis mictus sanguinolenti specibus est, qua exrene, vel vesicæ profundius læsa, & ul-

cerata venit, & junctum habet cum a-
cervo dolore puris mistum.

16 Idem Hoffmannus *loc. cit. cap.*
7. multa docet de cerebri hæmorrhagia; postquam enim explicavit, quomodo cerebrum dispositum est ad concipiendam sanguinis stagnationem, & quomodo sanguis tardius circumit, facile subsistit, adituque in venas intercluso, alveos canalium admodum dilatat, concludit, facilem posse esse transitum in rupturam vasorum, ita ut ea non modò cruore turgant, sed & ab impulsu jugiter novo nimium facta dehiscant, rumpantur, & sanguinem effundant, effusque in cerebro cruore, totus circularis sanguinis per eum motus turbetur, & interceptiatur, animalesque, ac vitales functiones elanguescant, & tandem penitus extinguantur.

17 Addit Hoffmannus, sanguineam hanc apoplexiam discernendam esse ab alio morbo, qui fit a seri secessu, & quem consequitur hemiplexia, & paralytis totius lateris, sed vita servatur; si etenim sanguis nimia copia cum impetu congeratur ad caput, nec tamen vasa perumpat, sed propter diuturnam tantum stagnationem serum per poros secedat, ac descendens vel ad cerebri basim, vel ad spinalis medullæ alterutrum latus eidem incumbat, tam secretio liquidi subtilioris activi, quam influxus in nervos interceptiatur, & partes in latere alterutro sensu privantur, ac motu. De sanguinea hac apoplexia multa habentur apud Senertum *Instit. Medic. lib. 2. part. 3. sect. 2. cap. 6. vers. Sanguinem verò.* Joannes quoque Lancisius in suo *Tra-*
ctatu de Moribus subitaneis lib. 1. cap. 8. doctè explicat, quomodo sanguis, si supra alterum cerebri hemisphærium

effundatur, unum duntaxat corticem comprimendo, ac simul obstruendo, inducat tandem apoplexiam, & eam quidem cum illius lateris paralyti, quod affecto hemisphærio respondet, & quomodo sanguis, si effluat ex vase ad cerebri basim posito, ut plurimum gignat aphoniam, jactationes, & denique apoplexiam citra præviā paralytism, dummodo alia non concurrant, quæ paralytism inducunt: & demum de hac cerebri hæmorrhagia sequens habetur prognosticon apud Hoffmannum, *vehementiorem* videlicet, quæ a sanguine effuso derivatur, non solvi, & *debiliorem*, quam sanguis stagnans, & serum secedens produxerunt, difficile solvi, nec in hac spem salutis esse, nisi post venæ sectionem, & congrua adhibita auxilia intrā horas viginti quatuor sequatur levamen, & symptomata remittant, & tertium diem longissimum esse moriendi terminum.

18 Hæc sufficere posse videntur, ut aliqua harum hæmorrhagiarum, superficialis idea habeatur sufficiens pro Consultore Theologo, aut Canonista Congregationis Sacrorum Rituum. Nunc autem aliqua subdenda sunt de recidiva in eundem morbum, vel de metastasi in alium morbum; nec enim in judicio ferendo de sanatione miraculosa fatis est, ut morbi qualitas, ejusque gravitas perspectæ sint, sed etiam oportet, ut habeatur respectus ad recidivam in eundem morbum, & ejus conversionem in alium, juxta ea, quæ alibi annotata sunt.

19 Quod ad narium hæmorrhagiam, si ea sanetur, sæpe recrudescit, & ejus immatura suppressio plerumque parit vertigines, apoplexias, convulsiones, tinnitum aurium cum difficul-

tate

tate auditus, atque serenam guttam. Quò ad hæmorrhagiam, seu sanguinis fluxum ex pulmonibus, ille non modò redivit, sed aliquando in pus, ulcus, ac denique in hæcticam, & tabem lethalem transit. Idem judicium fertur de vomitu eruento, seu de ventriculi hæmorrhagia, quam Præctici observant reverti etiam post annorum decursum: per sanguinis quippe effusionem partes debilitantur; eundem ipsi copiosius, & validius affluenti resistere non possint, pristinas ille servat vias, subsistit, & tandem erumpit. Suppressus hæmorrhoidalis fluxus morbos aliquando ingenerat, qui ex labe hepatis, lienis, pancreatis, mesenterii, & intestinorum fiunt: unde merito Hippocrates lib. 6. apbor. 12. ait: *À disturnis sanato hæmorrhoidibus, si una non servatur, periculum est, aquam intercutem, vel tabem advenire*; quem textum Cornelius Celsus lib. 2. cap. 7. sic explicavit: *Si ora venarum sanguinem solita fundere subito suppressa sunt, aut aqua intercutem, aut tabes sequitur*; citaturque Hippocrates Epidem. lib. 4. text. 132. subdit: *Alcippus habens hæmorrhoidas prohibebatur curariis curatus insanivis*. Hoffmannus, quæ hueusque dicta sunt, latissimè prosequitur, quemadmodum & cætera omnia, quæ ad alias hæmorrhagiarum species pertinent tum quò ad reversionem, tum quò ad conversionem in alios morbos. Scribentes de Canonizatione Sanctorum nimis jejunè se expediunt a materia, de qua nunc agitur. Bordon. de Miraculis medit. 7. quæst. 19. ait, miraculosam esse sanationem a fluxu sanguinis, si, implorato Dei auxilio, cesset. Pignatell. tom. 10. consult. 177. num. 13. & sequentibus loquens de hæmorrhagia narium inquit, quòd, si ea fuerit in

magna copia, & repentiè cohibita fuerit cum perfecta, robusta, & continuata patientis valetudine, id erit Miraculo adscribendum. Matthæus in sua Practica Theologo-Canonica tit. 3. cap. 3. §. 10. loquens de uteri hæmorrhagia docet, sanationem ab ea esse miraculosam, si fuerit inveterata, si in magna copia, & si medicamentis non cesset. At, methodicè procedendo, si aliqua ab hæmorrhagiis sanatio tamquam miraculosa proponatur, species hæmorrhagiæ, ejus gravitas, diuturnitas, symptomata, adhibito Medicorum consilio, erunt ponderanda. Querendum pariter erit, an medicamenta fuerint exhibita, an profuerint. Rursus non erit omitenda ratio de sanatione momentanea, unà cum recuperatione virium, nisi forte ageretur de cerebri hæmorrhagia, de qua supra num. 16. cujus miraculosa sanatio, utpote secundi generis, non exposceret instantaneitatem. Nec erit prætermittenda indagatio de morbi reversione, aut conversione in alium morbum. Præter supra exposita Marcellus Donatus de Medica. Historia mirabili lib. 3. cap. 9. multos affert casus tum reditus horum morborum post multum tempus, tum conversionis ipsorum in alios morbos; & Zacchias Quæst. Medico-Legal. lib. 4. tit. 1. quæst. 8. loquens de Miraculo Hæmorrhoidis a Christo sanati hæc habet: *Id, quòd mirum duco in hac Muliere, est, quòd tamdiu fluxu sanguinis constituta, sive ille menstrualis fuerit, sive hæmorrhoidalis, in alium morbum non inciderit, cum, quicumque ille fuerit fluxus, cachexiam, hydropem, aliosque consimiles morbos, si inveteraverit, non solum aptus sit excitare, sed quasi de necessitate inferat, refrigerato nempe naturali calore, ipsaque hepatis sanguificatrice virtute la-*

196 De Serv. Dei Beatif. et Beat. Canoniz.

beſtat; iſa ut ex his non poſſum mihi non perſuadere, eam Mulierem non fuiſſe in extrema cachexia, quod ſorſaſſe innuere voluit Evangeliſta illis verbis = *Nec quidquam proſecerat, ſed magis deterius habebat* = Non tamen habet expreſſam mentionem alterius morbi, ſed ſolius bujus ſymptomatis, nempe fluxus ſanguinis, quia hic erat præcipuus, & primus affectus, & cauſa aliorum, ſi qui inerant.

20 Actum eſt in Congregatione Sacrorum Rituum de nonnullis, quæ proponebantur tamquam miraculoſæ, ab hæmorrhagia ſanationibus, in Cauſa videlicet Beatificationis tunc Servi Dei Alſonſi Turribii, tum in Cauſa Canonizationis iſius poſt obtentam Beatificationem, & demum in Cauſa Beatificationis tunc Venerabilis Servi Dei, nunc Beati Joannis de Prado. In Cauſa Beatificationis tunc Servi Dei Alſonſi Turribii inter Miracula approbanda proponebatur liberatio cujuſdam Mulieris a fluxu ſanguinis poſt diſſiſſimum puerperium per tres meſes continuati, fruſtratis trium Medicorum remediis, quique ceſſaverat, Cruce pectorali prædicti Servi Dei ſupra ventrem reposita. Proſper Bottinius Archiepiſcopus Myrenſis tunc Fidei Promotor multa oppoſuit adverſus facti probationem; & ad ulteriora procedens inquit, quòd Sanata fuerat vehementi timore percuſa, & quòd rimor fluentem ſanguinem ſiſtit, juxta Zacutum lib. 1. *Praxis admiranda* cap. 66. Addidit, nonnullis gemmis virtutem inelle ſiſtendi curſum ſanguinis, hancque virtutem adſcribi jaſpidi ſigmanter, & ſmaragdo, uti tradit Silveſter Rattray lib. de *Sympath.* & *Antipath.* pag. 23. & veriſimile admodum eſſe, quòd Crux pectoralis Servi Dei ventri Mulieris applicata ex prædictis gemmis eſſet compoſita: & de-

mum oppoſuit defectum inſtantaneitatis, & reincidentiam in eundem morbum. Quæ Animadverſiones, licet ad eas plures datæ fuerint reſponſiones a Poſtulatoribus, tanti fuerunt roboris, & momenti apud Sacram Congregationem, ut nulla de ea ſanatione tamquam miraculoſa, habita fuerit ratio, ſed ad Beatificationem tranſitus factus ſit dependenter a duobus aliis Miraculis. In Cauſa Canonizationis ejuſdem Beati, nunc Sancti Alſonſi Turribii inter cæteras ſanationes, quæ tamquam miraculoſæ propoſitæ ſint, propoſita fuit & illa ſanationis ab hæmorrhagia narium. Idem Proſper Bottinius Fidei Promotor ponderavit, quòd ſpatio octo, vel decem horarum ex naribus non effluxerat, niſi quantitas trium librarum ſanguinis, & quòd hæc quantitas erat exigua, cùm ageretur de adoleſcentes narrat enim Zacutus de *Prax. Medic. admirand.* lib. 1. obſerv. 72. ſe curaviſſe Mulierem gracilem, & carnem, quæ intra ſeptem dies triginta circiter libras ſanguinis per nares emiſerat. Conſideravit idem diligentiffimus Fidei Promotor, quòd ex ea ſanguinis emiſſione per nares æger debilitatem virium non contraxerat. Addidit, plura adhibita fuiſſe medicamina unà cum geminata venæ ſectiōe, ægro deliquium ſuperveſſiſſe, & tam venæ ſectiōem, quàm animi deliquium fluxum ſanguinis naturaliter cohibere, juxta Riverium in *Tract. Medica* lib. 4. cap. 7. §. 5. *Ac primum ſanguinis, & §. 5. Sed multo.* Reſponſum fuit a Poſtulatoribus tum in facto, tum in jure, & etiam in phyſicis a bonæ memoriæ Paulo Manfredo. Ipſe ad Fidei Promotoratum aſſumptus adhuc Animadverſionibus mei Prædeceſſoris. Addidi, non conſtare de in-

ſtan-

stantaneitate, nec minùs dici potuif-
fe, quòd conftaret de gravitate mor-
bi, cùm, excepto Penitentiz Sacra-
mento, Viri Religiofi, in quorum do-
mo æger manebat, alia Sacramenta
eidem non adminiftraverint, Sanctif-
simi videlicet Viatici, & Extremæ
Unctionis. Bonz memoriz Joannes
Baptifta Foffombronus Medicus ele-
ctus, ut fuum pro veritate ferret ju-
dicium, fenfit, omnia juxtâ naturam
in ea fanatione proceffiffe. Quapro-
pter in Canonizatione prædicti Beati ea
fanatio non fuit inter Miracula recen-
fita. In *Caufa Beatificationis tunc Servi
Dei, nunc Beati Joannis de Prado* age-
batur de Sacerdote in provefta æta-
te conftituto, qui pati cœpit ex ore
vehementem, & exceffivam sangui-
nis ejectionem. Terribilis sanguinis
fluxus fpatio octo dierum duraverat,
& æger a Medicis deploratus, recep-
tis Ecclefiz Sacramentis, Domini
adventum expeftabat. In hoc despe-
rato fanitatis ftatu Divinam opem im-
ploravit per interceffionem Venera-
bilis Servi Dei, & in puncto, quo
ejus corpori admota fuit Servi Dei
Reliquia, ceffavit sanguinis efflu-
vium, æger, recuperatis viribus, fe erexit in
lecto, cibum petiit, & plenè conva-
luit, & femper in pofterum benè fe
habuit. Ipfe fungens munere Fidei
Promotoris multa quòd ad vim pro-
bationum oppofui, quibus Scribentes
in factò, & in jure plenè fatisfecerunt.
Dubitandum propofui, an vi-
rium recuperatio effer potius referen-
da ad cibum, quem æger fumpferat,
quàm ad Miraculum; & tandem di-
xi, quòd caufa ignorabatur, a qua
procefferat vomitus sanguinis, & quòd
aliquz sanguinis per os evacuationes
profunt fanitari, juxtâ Sennertum *O-*
pærum tom. 2. lib. 2. part. 3. cap. 7.

ubi hæc habet: *Refert Plinius, Volu-*
fum Saturninum omnibus annis, ftato tem-
pore, sanguinem expuiffe, & nihilominus
ad annos monaginta vixiffe; & novi Vi-
rum nobilem plethoricum, qui per inter-
valla fape a pulmone sanguinem copiofum
finè omni incommodo rejiciebat, in fene-
ctute verò per eandem viam quotidie ma-
gnam pituita copiam finè omni damno re-
jiciebat, qui nihilominus ad fummam fene-
ctutem pervenit. Bonz memoriz Emma-
nuel Lopez in *fua Confultatione Medi-*
co-Phyfica, ex magna copia sanguinis
effufi, & ex duratione per octo dies
colligi poffe, putavit, vas aliquod ru-
ptum fuiffe, juxtâ Joannem Heurnium
in *Comment. Aphor. Hippocratis lib. 4.*
aphor. 78. & Hieronymum Mercu-
rialem ad eandem aphorifmum, & Lu-
dovicum Mercatum de intern. morbor.
curat. lib. 2. cap. 5. tom. 3. sanguinis-
que profluvium ex rupto vase in pul-
mone manaffe, & fic imminens fuiffe
periculum mortis, phthifis, aut hydro-
pis, veluti notant Ettmuller. Medic.
Pract. part. 2. pag. 160. Theophil. Bo-
nett. Thefaur. Medic. Pract. tom. 1.
lib. 2. cap. 49. fol. 1043. Hyacinthus
Andreas Gotholan. Pract. Medic. lib.
2. cap. 22. fol. 236. Criticam, & fa-
lutarem sanguinis emiffionem citatus
Lopez vi fymptomatum, quibus æger
afficiebatur, exclufit, fubitamque id-
circo perfectam fanationem unâ cum
virium recuperatione Miraculo adfcri-
pfit. Bonz memoriz Joannes Maria
Lancifius electus, ut fuum pro ve-
ritate ferret judicium, annotandum
cenfuit primò, quòd, non modica,
fed magna copia sanguinis effluxit,
& non femel; & fic, quòd fanguis,
non a venis, fed ab arteriis prodibat,
juxtâ Willifium de *Medic. Oper. part.*
2. feft. 1. cap. 7. pag. 78. & Ettmul-
lerum tom. 1. tit. Hamorrhagi pag. 355.
& quòd

198 De Serv. Dei Beatif. et Beat. Canoniz.

& quod sanguis, utpote ab arteriis facilius fluens, quam a venis, difficilius sistitur: secundo, quod ex sanguinis sputo xger, non levamen, sed maximam virium imbecillitatem contraxit, ita ut evacuatio non potuerit esse critica, cum juxta Hippocratem 1. *apbor.* 2. quæcumque evacuationes, ac vasorum inanitiones bonæ, & salutaris sint, si inde xgri melius se habeant, ac leviter tolerant, contra, verò malæ, si non conferant, nec leviter ferant: tertio, quod, si sputum cruentum fuit ab aspera arteria, & a pulmonibus, transitus imminabat in phthisim, juxta effatum citati Hippocratis 7. *apbor.* 15. & 16. = *A sanguinis sputo puris sputum, a puris sputo phthisis*; si verò a solis faucibus erat, cum sæpe in die, & in magna copia efflueret, non modica illius portio per œsophagum in ventriculum debuit necessario descendisse, & in eo acorem contrahere, sanguinemque in grumos coactum juxta Galenum quodammodo naturam veneni assumere, & præsertim, cum ab xgro-tantis alicujus corpore effluit, particulas enim morbosas secum adducit, quinimmo fieri vix poruisse, quin eo in loco, unde sanguis e faucibus effluebat, ulcus, verruca, aut aliud tumoris genus subnasceretur. Ex his autem, & aliis ab eo in *suo Suffragio* ponderatis dixit, de gravitate morbi dubitari non posse, nec de aliorum imminenti morborum periculo, qui naturaliter ab hæmophthisi tamquam ejus fonte, uti rivuli, fluere debuissent. Post hæc receptam momento sanitatem post invocationem unà cum virium recuperatione, nec non sanitatis continuationem tum absque reversione morbi, tum absque conversione ejus in alium spatium octo

annorum (tot enim a sanitate recepta ad Processum confectionem elapsi erant) sedulo examinavit, & approbavit, & pro sanatione miraculosa, conclusit: & post longum, & maturum Causæ examen Sacrorum Rituum Congregatio inter cætera Miracula, quæ approbavit pro Beatificatione Servi Dei Joannis de Prado, approbavit & illud *repentina sanationis Melchioris de Lwajia a copioso, & immoderato sanguinis effluxu cum instantanea deperditarum virium recuperatione in tertio genere*; quod Decretum fuit Apostolica autoritate confirmatum a sanctæ memoriæ Benedicto XIII. die 5. Martii 1728. Quæ prosectò omnia ponunt in claris, quid ponderandum, & examinandum sit, cum agitur de miraculosis sanationibus ab hæmorrhagiis, cohærenter ad ea, quæ a nobis paulo ante dicta sunt.

21 Hactenus de hæmorrhagiis, quæ a morbis, quibus naturaliter homines afficiuntur, procedunt. Nunc autem aliqua dicenda sunt de hæmorrhagia, seu ingenti sanguinis profusione, quæ accidit in vulneribus corpori humano inflis: licet enim, si, vulnere inflis, modicè sanguis fluat, permittendum sit, ut tantum effluat, quantum commodum videbitur; si tamen immodicè profluat, ut vires deiciat, quamprimum sistendus est: præterquamquod in curatione, nihil proficitur, quamdiu sanguinis fluxus continuatur. Apud Medicos, & Chirugos legi possunt remedia, quæ adhibentur, ut, sauciis jugularibus vasis, occurratur sanguinis profluvio, inter quæ sutura numeratur, & ligamen. Carolus Musitanus de *Vulneribus* cap. 7. ait: *A suturis aufugiendum est, veluti ab illis, quæ ex una parte nihil penitus proficiunt, ex altera*

Lib. IV. Pars Prima Cap. XVI. 199

verò in immensum nocere possunt; & judicio recentiorum Chirurgorum, quot sunt puncta, tot nova sunt vulnera, quæ dolorem, inflammationem, pus, ac febrem excitant, promoventque: unde meritiò Paulus Barbeta *Chirurgia lib. 2. part. 2. cap. 6.* optimum fore, judicavit, si Chirurgus ac numquam indigeat; sic enim æger a dolore, vulnus ab inflammatione, & ipse Chirurgus a molestiis variis liberabitur. Non sic autem se habet res, si ligamen adhibeatur, quando videlicet Chirurgus hamulo vulneratum vas apprehendit, & attollit, & deinde partem utrimque ligat, totumque vas transversim præcindit, veluti bene explicat Munnicks in sua *Chirurgia lib. 2. cap. 20. num. 9.* licet & hoc suo non careat periculo, cum sæpe, disrupto, aut laxato filo, renovetur hæmorrhagia; unde Scultetus in suo *Armam. Chirurg.* quoddam describit instrumentum constrictorium. Pulvis quoque sympatheticus mirabilis observatus est in sanguine sistendo, sive supra partem vulneratam admoveatur, sive supra intinctum recenti sanguine linteum inspergatur, ac deinde detineatur in loco ab omni aeris inclementia libero. Qui tam pro, quàm contra hujus Pulveris usum scripsere, exstant uno Volumine collecti, quod *THEATRUM STAM-PATHETICUM* inscribitur. Tozzius tom. 5. de recto usu sex rerum naturalium lib. 3. cap. 7. explicat, quomodo Pulvis operetur, etiam si videatur agere in distans; inquit enim, per aerem diffusos esse quosdam halitus, atque instar catenæ devinctos, & sic mutuo vim communicantes, vaporesque ita devinctos, atque per aerem diffusos, cum e sanguine vulneratæ partis exhalant, commisceri cum

halitibus vitriolicis, unàque communicare, & sic, figendo fluentem ex vulnere sanguinem, & fibrillas partium corrugando, medelam afferre. Quærant Theologi, an usus hujus Pulveris sit superstitioni obnoxius, & nonnulli negando respondent, cum ex eo, quoddam causa ignoretur, non debeat statim exclamari, rem esse Dxmoniacam; non omnia enim noscimus naturalia, nec in nos omnes sapientie apices sunt transfusi, quemadmodum bene advertit Pater Cæbeus de Meteor. lib. 4. cap. 4. quæst. 2. & Pater Hieronymus Vitalis Clericus Regularis pro licito usu hujus Pulveris novissimè scripsit.

22 At, quidquid sit de his, quæ fati erit innuisse, nullo a nobis prolato judicio, ad institutum nostrum redeundo, dum munereungebar Fidei Promotoris, magna quæritio ad rem præsentem pertinet, & hic idcirco referenda, excitata fuit in Sacrorum Rituum Congregatione, dum agebatur de Miraculis a Deo intercessione tunc Beati, nunc Sancti Stanislai Kostkæ patris pro ejus Canonizatione obtinenda. Æthiops Servus sibi jugulum ferro secuerat, & per vulnus respirabat, ingenti sanguinis copiâ emissâ, sandi impotens in terra procumbebat animo deficiens. Dissectas istu fuisse internas venas jugulares, & arterias carotides, Testes asseruerunt, tantæque profunditate dixerunt gladium adactum, ut præter asperam arteriam, œsophago etiam transversim inciso, digiti per os immissi ex ipso vulnere conspicerentur. Urgente ergo mortis periculo, factus est domesticorum concursus. Arcessiti fuerunt Medici, & Chirurgi, vulnusque actum confutum est. Æthiops sacro Baptismo lustratus, implorato

ab

ab astantibus Beati Stanislai patrocinio, & ipsius Imagine vulnere imposita, statim a mortifera sanguinis effusione liberatos loquelæ usum recuperavit, comedit, & præviz integræ valetudini restitutus est.

23 Gravitatem vulneris admisi, juxta doctrinam Hieronymi Fabricii de *Vulneribus* part. 2. lib. 2. cap. 35. Pazzii Parisiensis in *Thesaur. Chirurgia de partium Vulneribus* lib. 9. cap. 29. Cæsaris Magati lib. 2. de rara medicatione *Vulnerum* cap. 63. sed subdidi, novum non esse, quod aliqui periculosis, & lethalius vulneribus fauciati naturaliter sanantur. Exempla prostant apud Panarolam in *suis Medicis Observationibus observ.* 43. apud Franciscum Valeriacum lib. 2. *emmarat.* 8. apud Schenckium *Observ.* lib. 1. tit. de *Vulneribus*, & apud Marcellum Donatum de *Medica Historia mirabili* lib. 3. cap. 4. & ne videretur, quod in generalibus tantum vis fieret, attuli casus vulneratorum in venis jugularibus qui sani naturaliter evaserunt, de quibus Munnicks loco supra cit. ubi hæc refert: *Nonnulli vulnerata rassa naturalia obstruere nolunt, digito vas apertum aliquamdiu comprimendo, donec ibidem sanguis concrecat, atque concretus vulneris orificium obstruat, adeoque amplius non permittat, cruorem profuere. At habet Calmeteus exemplum, cujusdam in vena jugulari externa vulnerati, qui familiarium operâ vicissim vulnere digito per tres dies admoventium evasit. Atque, haud ob simili modo vulneratam jugularem venam in collo Celsissimi Augustorum Principis Guillelmi I. obstruatam, sanguinisque ex eadem fluxum inhibuit fuisse, superius de venarum, & arteriarum vulneribus narravimus.*

24 Et, quia a me bene prævisum est, posse a Postulatoribus responderi, recensitas vulnerum sanationes non

fuisse cum totali asperæ arteriæ, & œsophagi, utriusque arteriæ carotidis, omnium venarum jugularium scissura cum immenso sanguinis actuali profusio, cum virium omnimoda jactura, cum impossibili reparatione quarundam actionum, quæ a læsis illis partibus dependebant; item, eas contigisse sine medico præsidio, & demum, in casu Principis Guillelmi I. venam jugularem vulneratam digitis per duos, vel tres dies fuisse compressam, usquequo sanguis per hanc constrictionem inhibitus grumesceret, & sic exsiccatum operculi ad instar impellenti sanguini exitum prohiberet: difficultates difficultatibus additi tum contra sanationis instantaneitatem, tum adversus dicta Testium, qui nimium exagerasse in suis attestacionibus mihi visi sunt, usu quippe aliquando evenit, ut augeantur mala, quo mirabiliora restitutæ valetudinis beneficia reputentur.

25 Dixerant Testes, ictu dissectas fuisse venas jugulares, & arterias carotides, magnam sanguinis effusionem, quæ jugulati Bovis speciem referebat, Dixerant, Domesticos convenisse, Peritos vocatos, vulnus exploratum, & confutum, Baptismum collatum, Beatum invocatum, ejusque Imaginem vulnere admotam. Cumque, omnia hæc ut citissime fierent ab imparatis, integra ad minus hora fuerit necessaria, eâ decurrente, Æthiops juxta naturalem rerum cursum mori debuisset, tum quia Bohn in *suo Tractatu de remissione vulnerum lethaliū scilicet.* 1. pag. 60. demonstrat, vulneratos non solum in arteriis carotidibus, sed vel in iis, quæ diametri minoris sunt, & prope inguina locantur, brevi, & antequam Chirurgus advocetur, cum sanguine animam deponere, tum quia

Lib. IV. Pars Prima Cap. XVI. 201

quia horæ decursu copiosus sanguis ex arteriis utrimque adjacentibus quaque versum erumpens usque ad pulmones defluens ægrotum præfecat, juxta ea, quæ advertit Lucas Schrokkius agens de gutturi vulnere in *Scoliiis observat.* 2. *Joannis Helwingii*, cum quo concordat Sennertus *Med. Pract. de Vulneribus lib. 5. part. 4. cap. 3.* ubi docet, sanguinem e magnis disiectis arteriis perniciosissime exsurgentem confestim irruere in pulmones. Quodd si Æthiops, veris existentibus narratis per Testes, mori debuisset, & mortuus non est, dubitandum esse videbatur de eorum æquivocatione, aut nimietate in ferendo testimonio: & quatenus responsum fuisset, quodd mors contingere debuisset, si juxta consuetum naturæ ordinem res processisset, secus autem, accedente Miraculo, præventivè replicatum est, nihil de Miraculo excogitari posse, nisi post invocationem; cùmque invocatio facta sit, quando applicata fuit vulnere Imago Beati, & id præstitum sit post concursum domesticorum, & omnia alia supra exposita, in quibus peragendis tempus horæ ad minùs erat necessarium, ex his dixi, eò magis dignosci Testium imperitiam, aut exaggerationem; *imperitiam*, quia Miraculum secutum ante invocationem Beati non poterat adscribi ejus intercessioni, ut ipsi contendebant; *exaggerationem*, cùm Æthiopem absque Miraculi præsidio vivum dixerint, qui vulneratus vulnere supra recensito unà horâ naturaliter vivere non poterat.

26 Bonæ memoriæ Joannes Maria Lancisus jussu sanctæ memoriæ Clementis Papæ XI. electus, ut suum pro veritate proferret judicium, longâ Dissertatione prædictum argumen-

tum prosecutus est; utque eò evidentiorem redderet Testium exaggerationem, consideravit, digitos per vulneris hiatum in tracheam immisiss apparere illis potuisse, qui ex aperto ore in fauces spectabant, sed negavit, digitos per os immisiss, etiam si longissimos, potuisse ad labia vulneris in trachea pertingere, ut Testes deposuerant, cùm tanto obliqui itineris intervallo distet os ab œsophago, atque a trachea, ut, quamquam ore per oscificationem maximè hiant, nemo, utcumque conetur, extendere illuc digitos possit, qui vix ultra avulam, seu columellam ad pharyngem, hoc est, ad œsophagi initium perveniunt. Et, quamvis idem Lancisus, ponderatâ vulneris gravitate, & quodd sanitas vel nullâ, vel nonnisi diuturnâ curatione, sperari poterat, sanationem inter Miracula recensendam autumaverit; & bonæ memoriæ Paulus Manfredus pro Miraculo scribens multa ingeniosè deduxerit, testatusque sit, se aliquando vidisse nonnullos voluntariè Stomachum subversuros totam manum per os introducere, adeò ut digiti ultra laryngem descenderent; & in hujus dicti comprobationem allata fuerit experientia facta a Chirurgo Mario Cecchino coràm Testibus, in qua, exposito cadavere hominis defuncti in Archihospitali Sanctissimi Salvatoris ad Sancta Sanctorum in Urbe, discissoque capite asperæ arteriæ, injectâque in os manu, extrema pars digitorum per vulnus visâ est; & a Postulatoribus in factò, & in iure scribentibus multa deducta sint, ut ostenderetur, non fuisse necessarium horæ lapsum, ut fierent, quæ facta sunt, & invocationem Beati applicationem Imaginis ipsius præcessisse:

Cc

Sa.

202 *De Serv. Dei Beatif. et Beat. Canoniz.*

Sacra nihilominus Congregatio, penes quam insuperabilis est animadversio, quæ fidem Testium respicit, prudentissimè abstinuit ab hujus Miraculi propositi approbatione, & nonnulla alia approbavit, quorum ope ad Beati Stanislai Canonizationem eventum est.

27 Felicius res processit in *Causa Beatificationis tunc Servi Dei, nunc Sancti Alfonsi Turribii*, cum enim inter Miracula ejus intercessione a Deo patrata sanatio proponeretur Joannis de Godoy lethaliter in thoracho vulnerati, qui magnam sanguinis copiam evomerat, & suspensâ ejus collo Cruce pectorali Servi Dei, sanus evasit, ponderatum fuit, vulneratum ex ictu hostilis gladii fuisse principaliter ventriculorum, & cum eo venam cavam, & arteriam magnam, ita ut de gravitate vulneris nulla superesse posset dubitatio, ut infra demonstrabitur, adque subitam, & perfectam sanationem post Reliquæ applicationem Miraculo tertii generis esse adscribendam: & in *Causa Canonizationis Sancti Andrea Avellini* inter cætera Miracula fuit approbatum illud in tertio genere sanationis instantaneæ Joannis Baptistæ Coriæ a profundo vulnere capitis, absque ullo signo cicatricis, uti colligitur ex Decreto edito die 12. Maji 1701.

28 Pro Capitis complemento operæ pretium esse videtur aliqua ex Libris Medicorum, & Chirurgorum desumere, quæ Consultoribus Sacræ Congregationis prodesse possint, cum in ea tamquam miraculosæ proponuntur sanationes a vulneribus inflatis Perro vulnera nonnulla sunt lethalia, nonnulla non lethalia. Inter lethalia nonnulla sunt absolutè, & omnino lethalia, nonnulla simplici-

ter lethalia. Absolutè autem, vel ex necessitate lethalia sunt, quæ non requirunt curam, & consilium Medicorum, & Chirurgorum, vel sunt talia, ex quibus Vulneratus statim moritur vel ob quæ moritur, quamvis omni arte, & industria curetur; & lethalia simpliciter ea sunt, ex quibus Vulneratus non statim moritur, & ex quibus quandoque etiam non moritur; & demum non lethalia sunt, quæ semper ad salutem, quantum in ipsis est, vergunt, licet per accidens, aut incuriâ medentis, vel ipsius vulnerati aliquando fiant lethalia, uti latè ostendit Mannicks in sua Chirurgia lib. 2. cap. 2. Celebris est aphorismus Hippocratis de vulneribus absolutè lethalibus: *Vesicæ discissæ, aut cerebro, aut corde, aut praecordiis, aut aliquo ex tenuioribus intestinis, aut ventriculo, aut jecore, lethale est.* Hoc ipsum idem Hippocrates tradit lib. 1. de Morbis ita dicens: *Moritur autem, si quis cerebro sauciatus fuerit, aut spinali medullâ, aut hepate, aut praecordiis, sive septo transverso, aut vesicâ, aut venâ sanguisâ, aut corde;* & quod dictum est de vulneribus non lethalibus, sed quæ per accidens fiunt lethalia, præcipuum sibi vindicat locum in levibus capitis vulneribus, teste eodem Hippocrate in Libro de vulneribus capitis, ubi sic loquitur: *Nullum capitis vulnus leviter contemni debet; saepe etenim sola cutis confusa ferro, aut aliq[uo] aliâ re, si non rectè tractetur, scilicet, si sanguis concretus non expurgetur, aut aliud quidquam negligatur, ulcus incurdescens, Ego periculum, & Medico negotium non minus offert; & prosequuntur Horst. Observ. Medic. lib. 2. observ. 1. Belloni. Consil. Medic. lib. 1. consil. 49. Zachias Quæst. Medico-Lagot. lib. 3. tit. 2. quæst.*

quæst. 9. num. 1. & sequentibus. Nonnulli scribunt, lethalia vulnera non solum a vulneratæ partis natura, sed etiam ab essentia vulneris, ab ejusdem magnitudine, a complexu symptomatum, atque a propriis solutæ unitatis differentiis proficisci. At Thomas Reinecius in sua Schola Jurisconsultorum Medica lib. 4. cap. 2. strenuè contendit, vulnera lethalia tamen unice a parte vulnerata desumendam: & Tozzius tom. 4. part. 3. in Aphorismis Hippocratis lib. 6. aphor. 18. bene animadvertit, vulnera dici lethalia, si in partibus vitæ tuendæ necessariis conformationem, texturam, & nexum vasorum, aut structuram earumdem discendant, ac turbent; item, si circuitum sanguinis interrumpant; & ex his duobus capitibus vulnera cordis, & cerebri esse lethalia. Addit, vulnera quoque dici lethalia ex alio capite, si excrementorum repurgationes impendant; & tam ex hoc impedimento, quàm ex supra relatâ interruptione circuitus sanguinis lethalia esse vulnera pulmonis, jecoris, & aliorum viscerum magnis, latifque venis, & arteriis refertorum. Concludit denique, lethalia quoque esse vulnera, si inflammationem, gangrænam, dolorem vehementem, aut alia symptomata graviora inferant; & lethalia esse vulnera intestinorum, & vesicæ non solum ex hoc capite, sed ex alio quoque supra exposito impedimenti repurgationis excrementorum:

29 Paræus lib. 9. cap. 33. lethalia pronuntiat vulnera lienis; postquam enim cum Hippocrate lethalia dixit vulnera ventriculi, & tenuiorum intestinorum, subdit: *Ferè sunt aquè periculosa lienis vulnera: quamvis enim ejus non sit aqua dignitas, ac hepatis, infirma*

tamen vasa per ipsum disseminantur; unde infirmæ profusiones sanguinis contingunt, quibus occurrere non possumus. Hippocrates autem in citato aphorismo nullam facit mentionem lienis, vel quia parem sortitur conditionem cum jecore, vel quia, si fortasse vulneretur, commodè rescindi potest. Loquitur quoque Hippocrates eo in loco de tenuioribus intestinis: quocirca, juxta ipsum, Duodenum, Jejunum, & Ileum erunt insanabilia, & facilioris curationis Cæcum, Colon, & Rectum, licet & hæc non sint periculi expertia, quia, etsi non tam graviter plerumque afficiantur, possunt tamen aliquando ex ingenti, & magna discussione pari modo periclitari, sed longè minus, vel tardius, quàm gracilia. Nonnulli partibus ab Hippocrate memoratis, præter lienem, alias adjiciunt, vesicam felleam, pericardium, pulmonem, spinalem medullam, renes, venas, & arterias, potissimum circa fauces, & guttur, & meninges cerebri, uti videri potest apud Brasavolum, & apud Cornelium Celsum lib. 1. cap. 26. ita loquentem: *Servari non potest, cui basis cerebri, cui cor, cui stomachus, cui jecinis porta, cui spina medulla percussa est, cuique aut pulmo medius, aut jejunum, aut tenuis intestinum, aut ventriculus, aut renes vulnerati sunt, cuique circa fauces grandes vena, vel arteria præcise sunt.* At Tozzius scitè animadvertit, non quicumque vulnera, quæ insanabilia sunt, lethalia esse dicenda; ossa quippe, & cartilagine, si frangantur, aut vulnerentur, licet plerumque insanabilia evadant, mortem tamen necessariò non afferunt: & partibus ab Hippocrate memoratis ipse addit œsophagum, qui vulneratis non dissimiliter lethum affert.

30 Munnicks eit. lib. 2. cap. 2. hæc
Cc 2 omnia

omnia latè prosequitur: quod ipsum fusè habetur apud Reinesium *cit. lib. 4. cap. 3. & sequentibus*. Parvus in suis Canonibus Chirurgia 2. can. 13. inquit: *Magna magnorum vasorum vulnera lethalia censentur*. Vidus Vidijs de Curatione lib. 8. cap. 6. hæc pronuntiat de vulnere asperæ arteriæ: *Vulnera, quæ in asperam arteriam penetrant, plerumque celerissimam moriendi necessitatem afferunt ob sanguinem, qui ex venis jugularibus præcisus effusus confertim pulmonem obruit*. Petrus Pigreus lib. 4. *Tractatorum Medicinæ Chirurgicæ* cap. 12. de colli, & gutturis vulnere hæc proferit: *Si simplex sit, & in externa tantum carne, ab alijs vulneribus nihil differt. Si autem fuerit cum œsophagi, aut tracheæ, seu asperæ arteriæ læsione, eaque penitus secta fuerit, ejus curatio desperanda est*. Jacobus Berengarius Carpenis in *Tractatu de Fractura Cranii* cap. 13. testatur, se vidisse sex homines, a quibus notabilis quantitas medullæ cerebri exiit, & sanati sunt; sed subdit: *Licet verò ex his aliqui non multo post tempore mortui sunt apoplectici, aliqui, maxime duo, semper passi sunt paralysem unius lateris; vixerunt tamen per duos annos*. Circumferuntur nonnullæ sanationes vulnerum etiam in principalibus visceribus; sed hisce exemplis Jeremias Triverius in *Comment. ad apbor. 18. lib. 6 Hippocratis* ita respondet: *Principalia tamen viscera non diu mortem inferunt, non diu legitimum illorum munus citra mortem desiderari potest. Proinde falsum, quod quidam dicunt, sese altissima, hoc est, profundissima hepatis vulnera curasse, aut etiam, febri hepati abscessu, restituisse*. Alia prostant exempla apud Donatum *loc. cit.* & Schenckium, qui lib. 1. de *Vulneribus capitis* multa refert de sanationibus vulnerum deploratorum cerebri cum ejusdem

substantiæ effluvio, & jactura, quæ in hac nostra Civitate Bononiæ peritissimorum operâ factæ sunt. Hæc quoque resumuntur a Mattheo de Canonisatione Sanctorum part. 3. cap. 13. num. 492. & cap. 23. num. 11. sed optimè Tozzius *loc. cit.* observat, quod, qui testantur, aliquos a vulneribus capitis, cordis, & pulmonum convalescisse, non locuti sunt de partibus organicis istorum viscerum, sed solum de superficialibus, & extimis eorumdem; potest enim aliqua portio corticis cerebri rescindi, illeso medullario; potest eor vulnerei ea in parte, quæ illius mucronem constituit, possunt pulmones vulnecari, superstitè vitâ, si vulnera pertingant extremitates, & apices loborum. Idem dici potest de jecore: secus verò, si interna cerebri substantia læsa sit, si vulnera inflicta sint basi cordis, ventriculis, arteriæ aortæ, cæterisque duobus principalibus ejusdem, & si vulnus inflictum sit in substantia pulmonis, aut jecoris. Primi generis vulnera lethalia sunt, sed simpliciter, cum ex eis non intercipiatur motus sanguinis, & eordis; secundi verò generis vulnera absolute, & per se lethalia sunt, ex quo sanguinis circulationi sunt impedimento, quemadmodum fusè legi potest apud ipsum.

31 Ex his autem, quæ hucusque dicta sunt, unusquisque faciliè colligere poterit, quandonam curationes a vulneribus Miraculo sint adscribendæ. De sanatione ergo vulnerum non lethalium nulla poterit haberi ratio pro re, & ad effectum, de quo agitur, nisi fortè non lethalia evalescent lethalia per accidens, & incuriâ medentis. De verè ergo, absolute, & ex necessitate lethalibus juxta explanationes supra positas potissima ratio erit

erit habenda, & earum sanatio secundi generis Miraculis erit adscribenda, & in earum examine pro approbatione satis erit, quod adsint requisita necessaria pro Miraculis secundi generis. Sanationes verò vulnerum simpliciter lethaliū, & non lethaliū, quæ tamen lethalia facta sunt ex imperitia medentis, vel incuriâ, & naturali dispositione vulnerati, si Miraculo sint adscribendæ, non poterunt adscribi, nisi classi Miraculorum tertii generis, in quibus idcirco omnia concurrere debent, quæ sæpe a nobis concurrere debere dicta sunt pro constituendis tertii generis Miraculis. Conferunt deducta per Pignatellum *Consult.* 191. tom. 10. & per Rotz Auditores in *Relatione Cause Sanctæ Franciscæ Romanæ* 3. part. Miracul. 5. & in *Relatione Cause Sancti Ignatii Miracul.* 3. & Medicorum, & Chirurgorum, qui ad sanandum Vulneratum acciti sunt dicta erunt ferè perpendenda, ut dignoscatur, quænam corporis partes fuerint vulneratæ, quæ symptomata adfuerint; & Medicorum, & Chirurgorum pro veritate scribentium consilia erunt requirenda, cum ex symptomatibus, de quibus Testes, & Medici, & Chirurghi, qui Vulneratum curarunt, testati sunt, de natura, & qualitate vulneris iudicium possint desumere. Sic juxta Celsum *lib. 5. cap. 26.* pulsuum infelix conditio vulneris ventriculi offendit, quemadmodum & sudores graves: *Venarum motus elanguescent, sudores graves oriuntur.* Sic, teste Parzo *lib. 9. cap. 33.* si cibus, & potus per vulnus erumpant, si sudatiunculæ obrepant, aut alia quædam symptomata ab ipso narrata, signa hæc sunt ventriculi læsi, & tenuium intestinorum: *Ventriculo, vel tenuium intestinorum aliquo*

vulneratis, cibus, potusque per vulnus erumpunt, illa intumescunt, & indurantur, singultus agrum exerceat, sæpe & bilis mera vomitus adest, sævus doloris cruciatus ventrem, alvumque torquet, frigida sudatiuncula obrepunt, extrema refrigerantur. Sic denique magnus effluxus sanguinis, arteriam, & venam læsas esse, demonstrat, & crassior, & nigrior venam, & rubicundior, & saliens arteriam læsas ostendunt, veluti latè docet Joannes Tagaultius *lib. 2. Instit. Chirurgicæ. cap. 12. = Signum vena, atque arteria incisa est sanguinis profuso.* Quod si sanguis cum impetu, aut saliendo profuatur, & tenuis, ac flavus, fervensque appareat, arteriam divisam esse, significatur: si verò crassior, & nigrior conspiciatur, ac quietè sub pulsū, & citra saltum effundatur, indicium est, ipsum a vena effluere.

32 De vulneris curatione mentio fit in *Evangelio*: Matthæi quippe *cap. 26.* narratur, unum ex his, qui erant cum Jesu, quando turba multa cum gladiis, & fustibus advenerat, eumque tenebat, gladium suum exeruisse, & amputasse auriculam Servi Principis Sacerdotum. Idem habetur Marci *cap. 14.* & Joannis *cap. 18.* ubi additur nomen tum vulnerantis, tum vulnerati, Perri videlicet, & Malchi; & apud Sanctum Lucam *cap. 22.* habentur hæc verba: *Et, cum tetigisset (sermo est de Christo Domino) auriculam ejus, videlicet Malchi, sanavit eum.* Quæritur, an auricula fuerit penitus abscissa, vel tantum ex parte, ita ut tantisper adhuc hæret capiti. Abscissam quippe nonnulli deducunt ex verbis Matthæi, Marci, & Joannis, in quibus dicitur, auriculam fuisse amputatam. Alii putant, auriculam fuisse adhuc aliquantulum capiti hærentem, id desum-

men-

206 *De Serv. Dei Beatif. et Beat. Canoniz.*

mentes ex verbis Sancti Lucæ, in quibus narratur, eam fuisse a Christo tactam, uti videri potest apud Calmet. *ad cap. 14. Sancti Marci*. At, quomocumque res se habuerit, de Miraculo dubitari non potest; & quidem, si primo modo se habuerit, Miraculum erit secundi generis, si secundo, tertii generis. Erit autem secundi generis, si primo modo res se habuerit, quia pars animalis viventis a suo principio divisa illico commoritur, nec ad vitam restitui potest, nisi ex Miraculo. Erit deinde tertii generis, si secundo modo res se habuerit, quia, licet ope medicamentorum aliqualis temporis decursu potuisset naturaliter auricula sanari, id tamen naturaliter fieri non poterat in instanti, & per solum tactum manus, uti benè ad rem ponderat Zacchias *Quæst. Medico-Legal. lib. 4. tit. 1. quæst. 8. num. 77. & sequentibus*. De Sancto Joanne Damasceno legitur in *Martyrologio Romano ad diem 6. Maji*, quod dexteram manum ipsi amputatam jussu Leonis Isaurici Beatissima Virgo integram, & sanam reddidit. Si ergo similes casus in Sacrorum Rituum Congre-

gatione proponantur, examen erit reducendum ad facti probationem, & ad modum, an videlicet membrum amputatum, & restitutum, fuisset totaliter abscissum, vel adhuc in aliqua parte corpori hæreret, & an in hypothefi, in qua in aliqua parte corpori hæssisset, restitutio in instanti contingerit, nullisque adhibitis medicamentis, aut, si fuerint adhibita, ea undequaque inutilia remanserint. Arcæus *de curandis vulnibus lib. 5. cap. 7.* casum narrat nasi, non omnino tamen, a suo principio divisi, illicoque reconjuncti, & optimè alligati. Similia alia leguntur apud Schenckium in *suis Observ. Medic. tit. de Naribus*, quæ resumuntur a Mattheo *de Canonizatione Sanctorum part. 3. cap. 11. num. 2.* ex quibus inferitur, membra non totaliter abscissa posse naturaliter restitui, & corpori reconjungi, sed ope medicamentorum; non autem in instanti, & citra usum aptorum medicamentorum, & similia facta esse Miraculis ascribenda, in secundo videlicet, aut tertio genere, juxta ea, quæ modò dicta sunt.



CAPUT DECIMUM SEPTIMUM.

De miraculosa sanatione a Lepra, Cancro, Gangrana, aliisque quibusdam morbis.



I N Evangelio Sancti Matthæi cap. 8. ita legitur : *Cum autem descenderet, Christus videlicet Dominus, de Monte, secuta sunt eum verba multa ; & ecce Leprosus veniens adorabat eum dicens : Domine, si vis, potes me mundare. Extendens Jesus manum tetigit eum dicens : Volo, mundare. Et confestim mundata est lepra ejus ; & ait illi Jesus : Vide, nemini dixeris ; sed vade, ostende te Sacerdoti, & offer munus, quod præcepit Moyses, in testimonium illis.* Similia leguntur in Evangelio Sancti Marci cap. 1. & in Evangelio Sancti Lucæ cap. 5. In his tribus Evangeliiis agitur de una, eademque sanatione unius Leprosi, uti ostendunt idem gestus, eadem Infirmi supplicantis, eadem Christi sanantis verba : & quamvis Sanctus Lucas referat Miraculum sanationis hujus Leprosi tamquam secutum in una Civitate, id tamen est explicandum, ut fuerit patratum prope unam Civitatem, scilicet Capharnaum ; Urbium enim ingressus Leprosi erat prohibitus, ut infra. Similis loquendi modus passim in Scripturis usurpatur. Sic Christus in Hierusalem passus dicitur, quia prope Urbem crucifixus est in Monte Calvario. Sic Apostolus ad Hebræos 9. inquit, in Arca fuisse Urnam auream Mannâ plenam,

& Virgam Aaron, id est prope Arcam, cum in Arca nihil fuerit præter duas Legis Tabulas, ut constat 1. Regum 8. Sic quinque Reges Amorrhæorum cum exercitibus suis contriti dicuntur plagâ magnâ, & profligati in Gabaon, id est prope Gabaon. Sanctus Ambrosius lib. 5. in Lucam advertit, in hoc insigni Christi Miraculo tres hæreses fuisse confutatas ; cum enim dixerit = *Volo* = suam potentiam æqualem ostendit Patri adversus Photinum ; cum addiderit = *Mundare* = Arium confutavit negantem Christi Divinitatem, & ejus Omnipotentiam ; cum Leprosum tetigerit, se veram, & naturalem carnem habuisse, patefecit adversus errores Manichæorum. En verba Sancti Ambrosii : *Tangit non dignatus, & imperat non diffusus ; hoc enim est indicium potestatis, quia, quasi habens potestatem sanandi, & jubendi auctoritatem, operandi testimonium non refugit. Volo, ergo dicit propter Photinum ; imperat propter Arium ; tangit propter Manichæum.* Idemque Sanctus Ambrosius ad ulteriora progrediens instantaneam sanationem a morbo incurabili consideravit uti magnum Miraculum : *Es confestim mundata est lepra ejus ; nihil enim medium est inter opus Dei, atque præceptum, quia in præcepto est opus. Denique dixit, & facta sunt. Voluntas Dei potestas est. Itaque statim lepra discessit, ut intelligas medentis effectum, qui veritatem operi addidit.*

2 In citato Evangelio Sancti Lucæ cap. 17. aliud Christi Domini Miraculum liberationis decem Leproforum exponitur: Et factum est, dum iret in Hierusalem, transibat per mediam Samariam, & Galilaam; & cum ingrederetur quoddam Castellum, occurrerunt ei decem Viri leprosi, qui steterunt a longe, & levaverunt vocem dicentes: Jesu præceptor, miserere nostri. Quos ut vidit, dixit: Ite, ostendite vos Sacerdotibus. Et factum est, dum irent, mundati sunt. Unus autem ex illis, ut vidit, quia mundatus est, regressus est eum magna voce magnificans Deum. Et cecidit in faciem ante pedes ejus gratias agens; & hic erat Samaritanus. Respondens autem Jesus dixit: Nonne decem mundati sunt? & novum ubi sunt? Non est inventus, qui rediret, & daret gloriam Deo, nisi hic alienigena. Et ait illi: Surge, vade; quia fides tua te salvum fecit. Ader de Morbis Evangelicis enarrat. 1. agit de loco secute hujus miraculose sanationis, ostenditque, morbum fuisse naturaliter incurabilem; quod ipsum argumentum ex eodem latè prosequitur Cornelius a Lapide in cit. cap. 17. Sancti Luca: & magnitudinem Miraculi ponderans Tertullianus lib. 4. contra Marcionem cap. 35. hæc habet: Incinerare purgavit sine tactu jam, & sine verbo, tactus potestate, & sola voluntate.

3 In Lege animadversum est Levit. 13. morbo Lepre homines, ædes, & vestes corripi. Indicia ad discernendam Lepram in Lege præscripta sunt ejusdem morbi gradus: tumores, pustulæ, maculæ albicantes, lucentes, & purpureæ Lepram indicant; & si albicantibus, rubentibusque, necnon rutilantibus maculis caro aspergatur, & pili in maculis subrubri, & cutis fuerint inæqualis, ejusdem Lepre in-

dicium sunt apertissimum. Homines Lepre affecti a ceterorum contubernio in arva, & loca infrequentia segregabantur, ut in Libro Numer. cap. 5. = Locutusque est Dominus ad Moysen dicens: Præcipe filiis Israel, ut ejiciant de Castris omnem Leprosum = & in cit. cap. 13. Levitici = Omni tempore, quo leprosus est, & immundus, solus habitabit extra Castra: æqualis etiam erat conditio Regum, si eo morbo afficerentur, cum e domo, societate, atque Regni administratione pellerentur, ut Oziz Regi Judæ accidit, veluti legitur lib. 2. Paralip. cap. 26. = Cumque respexisset eum Azarias Pontifex, & omnes reliqui Sacerdotes, viderunt Leporam in fronte ejus, & festinato expulerunt eum &c. Fuit igitur Ozias Rex leprosus usque ad diem mortis suæ; & habitavit in domo separata plenus Lepre, ob quam ejectus fuerat de dono Domini. Torro Joatham filius ejus rexit domum Regis, & judicabat populum terræ: & si accidebat, ut Leprosus convalesceret, ille ad januam Urbis se sistens Sacerdotum inquisitioni subiciebatur, & si probabatur, Templum petebat, & oblationem faciebat, de qua Levit. cap. 14. Corruptus interiùs sanguis sive nutritionis, sive alio quocumque vitio in externum prodians pro ejus causa assignatur. Alii Leporam, & ceteros hujus generis morbos vermicibus quibusdam inter cutem, & carnem gliscentibus autumant tribuendam; idemque asserunt de Lepre domorum, & de Lepre vestium, cum in domibus inventi sint aliquando vermiculi, qui lapides corrodunt, & experientia constat, lanam malè expurgatam, & pannos diutiùs reconditos vermicibus quibusdam, cinceisque faciliè absumi, & corrumpi. Contagione quoque morbus Lepre contrahabatur, hacque

Lib. IV. Pars Prima Cap. XVII. 209

que de causâ Moyſes tam ſedulò cav-
vit, ne Leproſorum contagione mor-
bus propagaretur; & mortuorum cor-
pora Leprà infecta ab aliis ſegregata
tumulabantur, ut *ex cit. cap. 26. Pa-
ralip. lib. 2.* colligitur: *Dormivitque
Ozias cum Patribus ſuis, & ſepelieturum
eum in agro Regalium Sepulchrorum, cò
quòd eſſet leproſus; regnavitque Joatham
ſilius ejus pro eo.* Binæ exſtant *Diſqui-
ſitiones* Calmet, altera de natura, cau-
ſa, & effectibus Lepre, altera de morbo
Job, in quibus omnia, quæ in ſuperio-
ribus dicta ſunt, fuſè exponuntur;
idemque juxtà communem Medico-
rum aſſertionem pronuntiat, exorien-
tem Leporam admittere curationem,
inveteratam autem eſſe deploratæ va-
letudinis: & Ader loco citato, recita-
tis remediis, quæ Lepre applicari poſ-
ſunt, inquit: *Quæ maxima Lepre ha-
bentur remedia, ea ceritè ratio non eſt,
vix, aut poſſeſſas morbos graviffimos in
habitu firmatos ut reſtituant, leproſosque
homines totâ membrorum compage ſudatos
cute, & carne innovent.* Medici adver-
tunt, etiam in ſcorbuto maculas ap-
parere unâ cum inflatione, & eroſio-
ne gingivarum, & vacillatione den-
tium; quocirca conſtituunt, hæc eſſe
ſigna Lepre diſtinctiva, eutem vide-
licet nunc liveſcentem, nunc flavſcen-
tem, & rubro-nigricantem, unctuo-
ſam, rugoſam, furfuraceam, nodis,
tuberculis, & impetigine conſpurca-
tam, aures tenſas, narium pinnas
tumidas, gravem in ægrotante pruri-
tum, quamvis vix humor a cute per
ſcalpturam emittatur: Aretæus *lib.
4. de Signis cap. 12.* Galenus *Maſag.
cap. 12.* Valeriola *lib. 6. enarrat. 3.*
Hildan. *Epiſt. 24.* Horſlius *obſerv. 18.
21.*

4 In nonnullis Canonizationum
Bullis inter Miracula recensentur ſa-

nationes a Lepre, in Bulla videlicet
Honorii III. *ſuper Canonizatione Beati
Willhelmi Abbatis, in Bulla Innocen-
tii IV. ſuper Canonizatione Beati Ead-
mundi Episcopi, in Bulla Urbani VIII.
ſuper Canonizatione Sancti Franciſci
Xaverii;* eademque mentio habetur
in *Relatione Rotæ Auditorum edita,
in Cauſa Sancti Franciſci Xaverii Mi-
racul. 9. & in Relatione facta in Con-
ſiſtorio ſecreto coràm ſanctæ memoria
Urbano VIII. a Franciſco Maria E-
piſcopo Hoſtienſi Sanctæ Romanæ
Eccleſiæ Cardinali a Monte die 13.
Januarii 1625. ſuper Vita, Sanctita-
te, & Actis Canonizationis Beatæ Eli-
ſabethe Regine Portugalliæ Miracul. 3.
& inter Acta Beatificationis tunc Ser-
væ Dei, nunc Sanctæ Roſe de San-
ctæ Maria tertii Ordinis Sancti Do-
minici ſexto loco propoſita fuit tam-
quam miraculoſa liberatio a Lepre,
ſed ea non fuit inter Miracula recen-
ſita.*

5 Ranchinus in *Traſtatu de Lepre*
putat, Leporam Hebræorum fuiſſe
maximè diverſam ab illa Græcorum,
Arabum, atque Europæorum, cùm
illa non ſolùm veſtibibus, & parieti-
bus adhæreret, ſed illius quoque cu-
ratio, non ad Medicos, ſed ad Sa-
cerdotes pertineret; ex quo inferitur,
illam ſupernaturaliter fuiſſe immiſ-
ſam, nec viribus, niſi ſupernaturali-
bus, curari potuiſſe. Marcellus Do-
natus *lib. 1. Medica Hiſtoria cap. 4.* hi-
ſtoriam narrat cujuſdam Hannibalis
Pedemontani Leprà infecti, qui fami-
liares ſecum tractantes Leprà non in-
fecit; & alia ſimilis hiſtoria proſtat
apud Gaſparum a Rejes *queſt. 60.
mun. 11.* Contagioſam autem eſſe Le-
pream Arabum, & non ſolùm per
contactum, ſed etiam in diſtancia in-
ficere poſſe, poſt Paulum Æginetam
D d do.

docuit Sennertus *tom. 4. lib. 6. pars. 3. cap. 4.* At, quidquid sit de his, Medicorum nostrorum doctrina est, Scabiem, Pforam, & Leporam gradibus tantum distare. Scabiem dicunt minimarum pustularum, sive ulcusculorum proventum, quæ cutem scedant. Pforam, si infestus adjiciatur pruritus. Leporam, si ulterius symptomata prædicta procedant, & cutem intimè magis adhuc lædant. Rursus Medici Leporam distinguunt in siccam, vel squamosam, vel furfuraceam, quam Græcorum dicunt, atque in saniosam, & magis malignam, quam Arabum appellant, sive elephantiasim; Ut Lues venerea prætereatur, quam Calmet in sua Dissertatione in morbum Job inquit unum, eundemque morbum esse cum Lepra, non ita pridem ab exteris Nationibus affectio scorbutica ad nos delata est, quæ est congeries symptomatum, quæ variè torquent organa corporis humani tum intus, tum foris, vitia sanguinis, aliorumque succorum, qui, utpote tenaces, & rodentes, meatus obstruunt, nervos pungunt, tubulos lacerant. Sive autem Lepra, qua hodie nonnulli afficiuntur, eadem sit, sive diversa à Lepra Hebræorum, frequentissimus olim in Europa erat Leproforum numerus, quem ex Judæorum frequentia, & consortio inductum aliqui suspicabantur, alii mercem contendebant ad nos delatam ex variis Expeditionibus Crucisignatorum in Syriam, ita ut curandis Leprosis constructi essent Aedæ per Europam usque ad numerum 19000. ut ex Parisio notat Calmet in citata Disquisitione de natura, causis, & effectibus Lepre. Animus non est hic prosequi singulos recensitos morbos, sed satis erit innuisse, in eorum sanationibus,

fi tamquam miraculose proponantur, ea omnia esse singulariter advertenda, quæ generaliter advertenda esse diximus, ut sanationes inter Miracula possint recenferi; & interea transitus faciendus est à Lepra, quæ est Cancer universalis, ad Cancros particulares, juxta illud Avicennæ = *Quomodo curabitur Lepra, cum sit Cancer universalis, quando Cancer particularis Medicinam nescit?* = de quibus frequentior se obulit, & offert occasio sermonem habendi in Sacrorum Rituum Congregatione: non omisis tamen signis scorbuticæ affectionis, quæ sic optimè à Lindano proponuntur: *Ardor, & sitillatio in gingivis cum subsequente eruentatione, adeo ut, si parùm fricentur, eruantur, ubi sanguis agnosus, & solvus effluere solet, qui postea fit sordidus; secundo sub corneo oculorum apparet color purpureus, qui est quasi semilunaris; tertio macula, præsertim in femoribus, & infimioribus tibiæ partibus, subinde apparent; quarto signum admodum singulare, & multum conducent ad cognitionem scorbuti est vacillatio genuum, ita ut eorum robur corpus fulciant pereat, & ægri quasi sint lapsuri; quinto adest intensus, & insignis sator oris, isque præsertim, jejuno ventriculo; sexto sentiunt crebro phlogosum, & exastuationem per totum corpus; quibus omnibus Etmuller. tom. 2. pag. 434. addit areulas rubras, & facile friabiles adherentes lateribus matulæ urinariæ.*

6 In Causa Sancti Aloysii Gonzaga Monialis quædam integro quadriennio in sinistra corporis parte doloribus molestissimis fuerat divexata a summo ad imum, & præcipuè in brachio, & humero. Quadam nocte somno excitata impetu vehementi distillationis, & tussis sub sinistra mam-

Lib. IV. Pars Prima Cap. XVII. 211

millia grave quoddam onus, & partem affectam inuēns rodi sensit; cūque eam partem manu tentasset, invenit quiddam ovi magnitudine, & marmoris duritie, quod Cancrum esse existimavit. Ita quoque alii, præcipuèque Medici, existimarunt, tum propter locum tali morbo consuetum, nempe mamillam, tum propter conditionem personæ, Virginis videlicet Menialis, rursus propter solitam magnitudinem, & duritiem Cancrorum occulorum, & demum propter effectus inde procedentes, intensum videlicet dolorem, internam corrosionem, nocturnas vigilias, & læsionem aliarum operationum vitalium, & partium adjacentium. Infelix ægræ spatio trium mensium in hoc novo infelici statu perseveravit: cūque repleta fiducia erga tunc Servum Dei, nunc Sanctum Aloysium Gonzagam impetrasset, ut sibi tangere liceret ejus Osse partem correptam Cancro, acerbissimo dolore correpta est, eique visum fuit, ab injecta manu pectus sibi aperiri, & inde magnā vi Cancrum, & reliquum omne malum avelli; & statim, abjectā prorsus omnis morbi molestiā, tum Cancer, tum tota illa sinistri lateris infirmitas, quæ jam quartum annum detinebatur, ita evanuit, ut sana omnino, & inecolomis remanserit. Hieronymus Mercurialis editis Voluminibus satis notus, & Pompejus Tursius Medicus Florentinus, considerato statu morbi, dixerunt, eum fuisse Cancrum occultum. Mercurialis addidit, ægros ab hoc morbo non consuevisse liberari, etiam adhibitis remediis efficacissimis; & Torsius inquit, ægram naturaliter sanam fieri non potuisse temporis momento, cū Cancer occultus aut curationem non admittat, aut longis-

simam exposcat, & per efficacissima remedia. Septem alii insignes Medici tunc Romæ viventes, cognitione Miraculi delatā, ut tunc moris erat, ad Rotæ Auditores, jussi sunt sensum suum aperire; Ambrosius videlicet Galianus, Angelus Victorius, Bernardinus Castellanus, & Philander Colutus, qui dixerunt, morbum fuisse Cancrum occultum, nec potuisse sine Miraculo evenire, ut absque ullo prævio medicamento ille statim evanuerit simul cum alio morbo, qui jam per quatuor integros annos perduraverat; Julius Cæsar Lagalla Artium, & Medicinæ Professor, qui adhæsit supradictæ sententiæ, & circumstantiam ponderavit morbi, seu Canceri, non incipientis, sed confirmati, cū esset ad inlāt ovi, & Cancer, cū in principio apparet, sit uti faba parva; Pompejus Caimus, & Thomas Grossius Medici, qui sanationem miraculosam quoque confirmarunt: eademque inter Miracula recensita fuit tum ab Auditoribus Rotæ, tum a Sacrorum Rituum Congregatione, & memoratorum Medicorum judicia typis edita fuerunt in magna Postione Causa Sancti Aloysii Formis Romanis impressa anno 1721.

7 In Causa Canonisationis S. Laurentii Justiniani, cū nobilis quædam Matrona ætatem septuagenariam attingens in infirmitatem febrilem incidisset, post lapsum quindecim dierum emerfit tumor in ejus pectore nigricantis coloris ad magnitudinem ovi cum duritie, & doloribus acerbissimis. Jussu Medicorum tumor oblitus est oleo liliaceo, & amygdalino, & post quatuor, aut quinque dies paululum suppuravit inlāt foraminis acus, ex quo satis exiguus humor stilabat; Sed, ægrōtā in pejus corridente,

& a Medico deploratâ, & post amissam loquelam Sacramento Extremæ Unctionis munitâ, imploratâ ope tunc Beati, nunc Sancti Laurentii, Ulcus clausum momento apparuit, momento dolores omnes cessarunt, nec aliqua species morbi remansit. Propositâ a Causæ Postulatoribus sanatione inter Miracula recensendâ, demandatum fuit Paulo Zacchiæ, ut sensum suum pro veritate aperiret. Aperuit. & ejus Consilium est octavum in ordine post suas *Quæstiones Medico-Legales*. In eo examinavit naturam, & essentiam morbi, quem dixit fuisse tumorem cancerosum cum ulcere in pectore, licet Testes Medicinæ ignari eum gangrænam appellassent. Ætatem ægrotantis viribus destitutam, utpote prægresso morbo dejectis, sedulo ponderavit. Quò ad curam a Medico præstitam, exhibito supradictò oleo, inquit, fuisse simpliciter palliativam ad dolorem tantummodo mulcendum, cum oleum prodesse non posset ad concoquendum, aut dissolvendum humorem renitentem, durum, ac cancerosum. De puris evacuatione, utpote modica, nullam dixit habendam esse rationem, tum quia pus verè non erat, sed ichor quidam, qualis ex malignis ulceribus fluere solet, tum quia tumor ab ejus evacuatione minutus non est, nec ægra aliquod sensus levamen: conclusitque pro Miraculo, cum in instanti morbus recesserit, recesserint omnia symptomata, morbum consequentia, & nec vestigia quidem tumoris, aut ulceris ulterius apparuerint. Siluit Causa Canonizationis Sancti Laurentii Justiniani spatium multorum annorum, eademque resumptâ tempore sanctæ memoriæ Alexandri VIII. cum Prosper Bottinius Archiepiscopus Myrensis tunc

Fidei Promotor in suis *Animadversionibus* easdem iterum proposuerit difficultates, quibus Zacchias in allegato Consilio responderat, bonæ memoriæ Romulus Spetilius Pontificius Archiater judicium suum pro veritate proferens, novis rationibus allatis, vera esse existimavit omnia a Zacchia deducta: & Sacrorum Rituum Congregatio habita coràm memorato Pontifice die 27. Junii 1690. inter cætera Miracula, quæ approbavit pro Canonizatione Sancti Laurentii Justiniani, recensuit & illud subita sanationis, ejusdem Beati ope imploratâ, tumoris ulcerati, ob quem Marina Griiti Nobilis Veneta aetate septuagenaria, a Medicis deplorata, Sacramento Extremæ Unctionis munita, loquendi facultate amisit, ad bonam moritura existimabatur.

8 Sub eodem Pontifice Alexandro VIII. expedita fuit Causa Canonizationis Beati Joannis a Sancto Facundo, in qua tempore sanctæ memoriæ Clementis X in Congregatione videlicet habita coràm ipso die 8. Martii 1672. inter cætera, quæ fuerunt approbata Miracula approbatum fuit illud Elisabethæ Gomezæ Cancro in mamilla sinistra per annum cum dimidio inveterato, & in molem insignem aucto laborantis, & altero subitus brachium in latere sinistro prope eor, qui a Medicis tanquam insanabiles habiti fuerant: quare, post accessum ad Sepulchrum dicti Beati, illius invocationem post Consecrationem Sacramentalem, & susceptionem Sacrosanctæ Eucharistiæ, ac impositionem Habitui ejusdem super dictam mamillam, mane sequenti post iteratam illius invocationem sana, & incolumis a prædictis Canceris, & acutis doloribus, quibus afflictebatur, absque ullo signo, seu vestigio prædictæ infirmitatis comperta est. Quid in hujus approbatione Miraculi fuerit pon-

ponderatum, ex recitatis, verbis Decreti plenè defumitur, & aliquid infra innuetur. Sed, cùm in *Causa Canonisationis tunc Beati, nunc Sancti Francisci Solani* inter cetera, quæ fuerunt approbata, Miracula legatur & illud in tertio genere approbatum *repentina sanationis Joanna de Blancas a tumore canceroso*, uti habetur in *Decreto edito die 14. Julii 1726.* aliqua in eo occurrunt notatu digna, quæ hic exponuntur.

9 Joanna de Blancas per septennium Cancro laborasse dicebatur in sinistra mamilla, absque eo quòd adhibita remedia potuerint quidquam proficere. Tumor in dies augebatur, & patiens affligebatur acutissimis doloribus, ita ut nec in lecto decumbere, nec somnum capere posset. Desperatis humanis auxiliis, ad intercessionem Beati Solani recursum habuit, ipsius Imaginem super Cancro collocavit, & placidissimo somno correpta est. Mane excitata se sensit omni dolore vacuam. Ad Ecclesiam perrexit, in cujus Altari erat Effigies Beati, fervidè oravit, & post regressum ad domum tumor mamillæ repentinè crepuit tanto impetu, ut aqua copiosa exinde profiliens tam circumstantes, quàm parietem ipsum asperferit. Ægra mortuæ similis decubuit, vocatiquè Medico, & Chirurgo, hic ex amplo Ulcere mamillæ extraxit Cancrum absque ullo minimo dolore patientis, aut aliqua sanguinis eruptione: cujus Cancri figura apparuit adeò prægrandis, ut manus magnitudinem adæquaret, radicibus varicosis, & tetrici coloris inter viridem, & nigrum; cavitasque profunda, & ampla, quæ in mamilla remansit, injectis in eam a Chirurgo nonnullis globis linaminum melle rosaceo imbutis, nonâ die car-

ne repleta est, & ægra perfectam undique sanitatem obtinuit.

10 Paulus Manfredus, & Joannes Trullius Medici Collegiales, & Professores in Urbis Archigymnasio fuerunt in sensu, quòd morbus esset verus Cancer. Joannes Baptista Pierius Hospitalis Consolationis Urbis Chirurgus in diversam abiit opinionem, & sensit, morbum fuisse tumorem cancerosum, sed non verum Cancrum. Adhæsit Pierio bonæ memoriæ Antonius Placentinus Medicorum Urbis Decanus: sed, cùm tam Pierius, quàm ipse sanationem inter Miracula recensendam dixerint, licet morbus non fuerit verus Cancer, necessarium esse, existimatum fuit, iterum exquirere a Manfredio, & Trullio, qui morbum dixerant fuisse verum Cancrum, & sub hoc themate ejus sanationem Miraculo dixerant adscribendam, an miraculosam censerent sanationem, etiamsi morbus Cancer non fuisset, sed tumor cancerosus, & illi affirmando responderunt.

11 Degebat in Urbe tunc temporis clarissimus Malpighius, ipseque de suo sensu super ea re interrogatus sequens edidit responsum: *Il tumori cancerosi sogliono per la corruttela della materia, ebe si fa analoga all' acqua forte, isulcerarsi, e gettare materia sciroso, fetentissima, e per lo più in poca quantità, quale, rendendo la sostanza solida, o facendo esser fenese morbosa, corrompe la parte affetta, e poi le vicine, e finalmente, comunicando i fieri maligni nella massa del sangue, produce la morte. Succedono però casi, e ne registra uno di un Cancro nella mammella il Platero, ne' quali oltre la sostanza de' tumori cancerosi si fa la raccolta d' un' umore, che non ha condizione di san-*

214 *De Serv. Dei Beatif. et Beat. Canoniz.*

sangue corrotto, ma pintosto di linfa estravassata, e trattenuta, quale è bianca alle volte, come chiara d' uova, ed alle volte gialla, quale, aprendo la cute con un' ulcere, esce con impeto, restano la mole del tumore canceroso, quale, quando è levato con le sue code, e con quella membrana, che serve di colatojo, e che somministra la materia acida, ed acre, e che la rende maligna nella concavità lasciata, niente tramanda, e naturalmente presto si consolida, e cicatrizza. Quello, che suol succedere in simili casi, è, che dopo un' anno si regenera simil tumore nello stesso luogo, o in altra parte, specialmente nei corpi di mal' abito. Nel caso nostro non sono fuori dell' attività della natura l' apertura sponanea della mammella, lo sgorgo impetuoso della materia, la qualità, e quantità della materia, l' estrazione della sostanza cancerosa, e la presta consolidação. Quello, che vi è di singolare, e fuori del consueto, è, che non sia ricorato il tumore, almeno manifestato in altre parti per lo spazio di sette anni, nè quali sopravvisse sana. Di più nell' estrazione di simili tumori suole scaturire, nel levarsi il follicolo, copia di sangue corrotto: cosa, che, non accadendo nel caso nostro, lo rende mirabile.

12 Super eo Miraculo, de quo nunc agitur, Prosper Bottinius Fidei Promotor suas exaraverat Animadversiones. Ipse quoque ejusdem in unere successor novas addidi, in quibus disputandum proposui, an effluxus albicantis materiz, seu aquosi humoris a tumore sponte rupto naturæ Cancrì opponeretur, & an aquosus ille humor, qui ex Cancro promanavit, eundem ita emollire, vel circum excavare potuerit, ut tam facile sine ferro, aut igne, & absque ullo dolore, aut laceratione fue-

rit extractus: & conelusi, ex ipso Peritorum diffidio satis colligi, certum non esse, morbum fuisse verum Canerum, ejusque idcirco sanationem, quatenus pro miraculosa habenda esset, non posse recenseri, nisi inter Miracula tertii generis; sed neque ad hoc genus reduci posse, cum deficeret instantaneitas.

13 Hisce meis Animadversionibus responsum fuit a bonæ memoriæ Dominico Lopcz in sua Consultatione Medico-Physica, ubi ponderavit, quod, licet Julius Cæsar Claudinus Responso Medic. 35. ex effluxu albicantis materiz morbum cujusdam Virginis dixerit non fuisse verum Cancrum, sed tumorem cancerosum, & spurium = Ex altera verò parte, quoniam Ulcus ibidem ante quinque menses excitatum materiam ichorosam albam fert semper, minimeque nigricantem sine fæore, emittit, idcirco Cancrè minime hic locum habere videbitur = Claudini tamen asserctionem provenisse inquit, ex quo ejus tempore nondum in aperto erat structura mamillarum, quam postea accuratio Anatomæ detexit, illis nimirum inesse præter arterias, venas, & nervos, glandulas, vasa lymphatica, tubulos lacteos, ex quorum vasorum diversitate humores etiam diversi emanare possunt, prout videlicet hi, vel illi tubuli discessi, eorosisque fuerint a scindentibus, & corrosivis Cancrì ichoribus; unde Bonetus Anatom. Tract. lib. 4. sect. 2. observ. 7. in Scholiis hæc habet: Interrogatus Hildanus centur. 6. observat. 391. esset ne verus Cancrè mamma, in quo similis materia alba reperta fuerat, affirmative respondit, materiam illam crassam albam, ac sero similem in medullis tumoris cancerosi repertam nullam asserre dubitationem, verus ne sit Cancrè. Idcm

Idem quoque Lopez pluribus ostendit, aquosum humorem, qui ex tumore erupit, ipsum avellere non potuisse, ita ut subinde a Chirurgo absque dolore folliculus fuerit extractus, cum id nec adscribi posset vi emollienti, aut vi corrosivæ: non vi emollienti, cum curatio per emollientia Cancro adverteretur, & Cancer non emollitus, aut comminutus, sed solidus, & integer fuerit extractus; non vi corrosivæ, cum Medici corrosivum Cancri ichorem valde reformident, nec umquam ab eo sanitatem ægrorum sperent, sed, experientiâ teste, interitum verentur.

14 Responderunt quoque egregii Viri tum in factis, tum in jure scribentes; & post longum, & maturum Causæ examen Sacrorum Rituum Congregatio ponderans, quod Medici, qui ægrotam in Hispania curaverant, in Processu examinati curationem dixerant miraculosam, quod tot alii Medici Urbis ad Suffragium ferendum vocati unanimes fuerant in pronuntiando pro Miraculo, quod sola disputatio inter ipsos fuerat de genere morbi, quod tot post invocationem Beati acciderant circumstantiæ sanationi faventes, ut in ipsa unione aliquid inesse visum sit excedens cursum rerum naturalem, quod denique defectus instantaneitatis, non sanationem morbi, sed cicatricis potius respiciebat, prudenter abstinuit a qualificando morbo tamquam vero Cancro, ipsum appellavit tumorem cancerosum, & ipsius sanationem inter Miracula tertii generis adscripsit.

15 Si itaque aliqua sanatio a Cancro tamquam miraculosa proponatur, ante omnia opus erit examinare, an morbus fuerit Cancer, an Scirrhus,

an tumor aliquis medius, quem nonnulli zaratanem, aut tumorem cancerosum appellant, ut videri potest apud Ludovicum Mercatum lib. 1. de Affectionibus Mulierum cap. 17. Ad nos non pertinet ponderare, ex quibus causis Cancer oriatar. Sennertus Praef. lib. 3. part. 1. cap. 20. pro causa Canceri assignat atram bilem, in quam vel flava bilis, vel humor melancholicus degeneravit propter ulationem. Munnicks in sua Chirurgia ad proximamodiernam adornata lib. 1. cap. 23. docet, acidum acre potentius, ac valentius esse causam proximam Canceri, causamque remotam esse totum id, quod generare potest humorem acrem austerrum, & sic aerem calidum, aerem vitiosum, crassos cibum, & potum, vigiliis immodicas, passionem animi vehementes, & præsertim iram, obstructionem quorundam viscerum, suppressionem mensium, hæmorrhoidum, & aliarum consuetarum evacuationum.

16 Omnes corporis partes Cancro affici possunt, sed in primis laxiores & fungosæ, juxta illud Galeni lib. 2. ad Glauconem cap. 10. ita scribentis: *Cancerasti tumores in omnibus consueverunt, sed præcipue in mamillis mulierum, quacumque suis naturali purgatione privantur*; unde Sennertus lib. 6. part. 3. sect. 1. cap. 7. bene subdit: *Oritur vero is tumor in mamillis frequenter, quia fungosæ, & laxæ sunt*. Ab eodem Sennerto lib. 3. part. 1. cap. 20. referuntur signa diagnostica Canceri; docet enim, Cancrum esse initio exiguum tumorem, & sensim crescere, habere colorem plumbeum, & lividum, aut nigrescentem, dolorem esse modò majorem, modò minorem, caliditatem, & ardorem esse in tumore, tumorem quasi venas nigro sanguine di-

216 De Serv. Dei Beatif. et Beat. Canoniz.

distentas habere, ex minima quantitate in maximam molem excrecere, tumoris causam materialem maxima ex parte in venis residere, quæ refertæ pedes, & brachia Cancræ referunt. Aetius *Serm. 16. cap. 43.* hæc de Cancro habet: *Cancer animalis Cancro similis est; nam & prominet, & ad tactum renititur, & difficulter tractabilis est; & si mamma occupet tumor, apparet ingens ad tactum, renitens instar feræ, servus penitissimè, perimaciter infertus, radices longè, latèque extendens, & venit circumfusus velut illigatus, quas circumcirca varicosas habet, colore cinericius ad ruborem vergens, & aliquando sublividus, & videntibus quidem mollis apparet, tangentibus autem durissimus est, ut visui non sit credendum, dolorem autem inducit pungentem, latè se extendentem, ut sæpe per consensum glandularum malignar inflammationes sub aliis excitet: & in eo, quod attinet ad scirrhum, caret ille dolore, & humor, qui scirrhum efficit, non in venis præcipuè, sed in spatiis, & poris partium residet; unde etiam venæ non amplè sunt, & turgidæ, & tardiùs, quàm Cancer, incrementum sumit, veluti profequitur Sennertus loco allegato, & ante ipsum benè dixerat Celsus lib. 5. cap. 28. = Signa verò permutationis, id est, si Scirrholus in Cancrum degenerare velit, facillè immutescunt. Si, cum priùs tumor suò dolore est, dolorem perferre incipit, & continuò vehementior fit; & novissimè Munnicks loco allegato num. 6. scripsit: Cancer a scirrho distinguitur in primis dolore; etenim rursus scirrhus indolens est, Cancer autem continuò dolorem facit; atque, tum scirrhum in Cancrum degenerare, conjicimus, cum incipiat acriter dolere.*

17. Expositis, ponderatisque Cancræ signis, videndum est, quid Me-

dici doceant de ejus sanatione. Testatur Galenus *cir. lib. 2. ad Glanconem*, se incipientem Cancrum curasse; sed, cum ille in molem creverit insignem, aliè modò relati Authores docent, non esse sanabilem citra Chirurgiam, cum ejus tanta ferocitas, tanta sævitia sit, ut vehementissima quæque respuat medicamenta, illisque potius irritetur, & excandescat, quàm ullà ratione curetur. Celebris est *apborismus 38. Hippocratis lib. 6. = Cancros occultos habentes meliùs est non curare: curati enim citò pereunt; non curati verò longius tempus perdurant.* Quid pro occultis Cancris Hippocrates in textu intelligere voluerit, inter Medicos quæritur. Afferunt nonnulli, textum intelligendum esse de Cancris in profundo corporis, & in intimioribus partibus enatis: sed, cum Cancræ in reconditis partibus corporis geniti, utpote intractabiles, nullatenus subijci possint curationi per medicamenta localia, quæ ab occultis ad patentes illos deducant, verisimilior est expositio illorum, qui Hippocratem explicant de Cancris nondum apertis, aut ulceratis, quos Græci *carcinomata* vocant, uti latè videri potest apud Tozzium tom. 4. in *Apborismor Hippocratis lib. 6. apbor. 38.*

18. Sanctus Augustinus lib. 22. de *Civitate Dei cap. 8.* referens insignè Miraculum in Civitate Carthagenensi secutum benè usus est prædicto Hippocratis aphorismo: *In eadem Carthagine Innocentia religiosissima famina de primariis ipsius Crivitatir in mamilla Cancrum habebat, rem, sicut Medici dicunt, nullis medicamentis sanabilem. Aut ergo præcidi solet, & a corpore separari membrum, ubi nascitur, aut, ut aliquantò homo diutius vivat, nam inde mortem, quantumlibet tardiùs, assuaturam, secundum Hip-*

Hippocratis, ut fertur, sententiam, omnis est omittenda curatio. Hoc illa a perito Medico, & sua domui familiarissimo acceperat, & ad solum Deum se, orando, converterat. Admonetur in somnis, appropinquante Tascbâ, ut in parte fœminarum observanti ad Baptisterium, quæcumque illi baptizata primitus occurrisset, eundem locum Signo Crucis signaret. Fecit, & confestim sanitas secuta est. Medicus sanè, qui ei dixerat, ut nihil curationis adhiberet, si paulò diutius vellet vivere, cum inspexisset eam postea, & sanissimam comperisset, quam prius habere illud malum tali inspectione cognoverat, quævisit ab ea vehementer, quid adhibuisset curationis, cupiens, quantum intelligi datur, nosse medicamentum, quo Hippocratis definitio vinceretur. Cùmque ab ea, quid factum esset, audivisset, voce velut contumelientis, & vultu, ita ut illa metueret, ne aliquid contumeliosum verbum proferret in Christum, religiosâ urbanitate respondisse fertur: Tutabam (inquit) magnum aliquid te mihi fuisse dicturam. Atque, illâ jam exhorrescente, mox addis: Quid grande fecit Christus sanare Cancrum, qui quadriduam mortuum suscitavit?

19 Hucusque deducta ostendunt, Cancrum, non incipientem, sed confirmatum, nondum apertum, aut ulceratum esse iudicio Medicorum insanabilem; quod ipsum magis etiam dicendum esse videtur de Cancro confirmato, quamvis exulcerato, uti prosequitur Sennertus cit. lib. 3. part. 1. cap. 20. = Immo in universum plerique existimant, Cancrum confirmatum, & exulceratum nullum curari posse: & Cancer exulceratus cognoscitur ex ulceris fœditate, labiis crassiss, tumidis, ioversis, lividis, inæqualibus, eros, sanicem, seu potius ichorem fœtidum, & copiosum eructantibus, acriter doleantibus, atque sanguinem frequenter

fundentibus, quemadmodum latè explicat Munnicks loc. cit. num. 6. Testatur quidem Joannes Scultetus in *Armam. Chirurg. observ.* 52. se fecisse Cancrî curationem; sed in casu ab eo relato, ut ipse testatur, Cancer profundas radices nondum habuerat: Item Scultetus, præmissis debitis cautelis, & diligentis, purgatione videlicet patientis, mamillam abscidit: quæ curatio æquivoca est, cùm vera curatio in eo sita sit, ut mamilla remaneat, & Cancer sanetur. Additur, ipsum in partem dissectam ignem iniecisse, ut sanguinis effluvium compesceret, & per ignis potestatem extingueret, quidquid malignitatis Cancrî superesse poterat. Et demum ipse fatetur, Cancro sanatam pluribus aliis morbis deinde fuisse vexatam, & signanter herpete miliari. Felix quoque Platerus lib. 2. *Observ. Medic. pag.* 530. multa assert de sanatione a se peracta ejusdem tumoris cancerosi. Prætermisso autem, quodd plurimum dubitari poterat, an tumor ille esset verus Cancer, vis major stat in hoc, quodd, ipso teste, morbus recruduit: Anno sequenti serè elapso, rursum caro sensim ad capitis magnitudinem excrevit, cui adnati duo tumores minoris infantis capitis instar illie conspiciebantur, ex quibus vermes virvi prodierunt. Jam, dum hæc scribo, paulatim ei vires deficiunt, quod mortis brevis subsæcutura indicium. Et hoc est illud, quod passim a Medicis asseritur, quodd, si Cancrî curantur, post aliquod tempus aut repullulant, aut æger, qui sanatus videbatur, aliis tumoribus afficitur: A. vicenna lib. 4. tract. 2. cap. 16. pag. 131. = Medicus quidam incipis mamillam cancerosam, & cancerata est altera = Mercatus de *Mulier. affect.* lib. 1. cap. 17. pag. 534. = Mihi alienum a ratio-

Ee ne

218 De Serv. Dei Beatif. et Beat. Canoniz.

ne semper visum fuit, Chirurgied operatione carcinoma quodvis extrahere; tum quia, etsi ex toto eradices, non subinde corpus sanabit, revertitur enim non multo post; tum quia periculum est, aut corpus deinceps in gravius aliquod malum prorumpere, aut in affecta parte ulcus insanabile superesse = Sennert. in Prax. Medic. tom. 3. lib. 5. part. 1. cap. 20. in Prognost. num. 6. = Observatum est saepius, quamvis excisi, & aliquando curati fuerint Canceri in exterioribus, eodem tamen postea rediisse in eadem, vel etiam in aliis partibus, ut, Cancro in mamma curato, alium in utero subortum fuisse = Joannes Fort. Consult. Medic. tom. 1. centur. 4. consult. 85. vers. Considerandum, MONTON. consil. 186. est. 472. Interdū C. Aquapendent. lib. 1. cap. 22. pag. 218 §. Ultimo, quodd, Albugalis tract. 2. cap. 53. = Ego enim non potui sanare ex eo (videlicet Cancro) aliquem; neque vidi alium ante me, qui pervenerit ad illud = Plater. ubi supra pag. 524. §. Cancer in mammis = Quamplurimos tumores ejusmodi in feminis vidi verum Cancrum exprimentes tam integros (hoc est, non ulceratos) quā pestes exulceratos &c. diū excrevientes, atque, etsi radiceis in aliquibus ad costas usque amputarentur, rursum repullulantes, tandemque mortem asferentes. Et hinc fit, quod, si aliqua sanatio a Cancro tamquam miraculosa proponatur, non solum, quemadmodum supra dictum est, videndum erit, an Cancer esset incipiens, aut incrementum sumpserit, an omnia signa veri Canceri aduerint, sed etiam, an sanatio perfecta subsecuta sit, exclusā metallasi, exclusā recidivā, uti alibi dictum est, dum de morbis reversivis agebatur. Quod si res sit de vero Cancro, non incipiente, sed constituto in eo statu,

in quo respuat medicamenta, & in vocato Dei Servo, aut Beato, sanatio acciderit, rursus, si sanatio fuerit vera, & perfecta, nec post multum temporis lapsum aut idem morbus repullulaverit, aut Sanatus aliis tumoribus fuerit affectus, de Miraculo non erit dubitandum. Pro qua assumptione faciant Bullae Canonizationum Sancti Thoma de Villanova sub §. 24. Sancti Caroli Borromei §. 42. Sancti Ignatii Loyola §. 41. Sancti Francisci Xaverii sub §. 4. necnon Relationes Rotor Auditorum in Causa Sancti Thoma de Villanova Miracul. 2. post obitum penes Conclor. de Canonizatione Sanctorum, in Causa Sanctae Theresiae Miracul. 5. post mortem, in Causa Sanctae Elisabethae Miracul. 4. in vita, in Causa Servi Dei Hieronymi Emiliani Miracul. 3. post mortem: etiamli vel adhibita fuissent medicamenta, vel sanatio in instanti secuta non esset, cum verus Cancer, ex dictis, medicamentis non sanetur, & cum instantaneitas non sit necessaria in Miraculis secundi generis. Quid autem dicendum erit de sanatione a Scirrho? Paulus Aegineta lib. 3. Aetius lib. 10. cap. 27. sequens judicium proferunt de sanatione a Scirrho: Haec communis Medicorum sententia verissima est, quod antiqui Scirrbi curari nequeant, & qui non admodum antiqui sunt, cum maxima difficultate in partibus externis, multo magis in internis, & praecipuis, ut est Hepar, in quo indurati Scirrbi non modo incurabiles sunt, sed ut plurimum ab hydropem terminantur. Galenus docet, quinam Scirrhi antiqui sint appellandi. Ea ejus verba 2. ad Glauco. cap. 5. = Scirrbum quidem hepatis ab initio sanavimus saepius: ubi vero ad plures dies fortē foret extensus, neque ipse potui sanare,

no.

neque alium vidi, qui posset: ex quibus verbis quemadmodum Sacre Congregationis Consultores benè edoceri possunt, quandonam Scirrhus sit morbus curatu facilis, quando curatu difficilis, quando medicamentis sanari possit, aut non sanari, ita suum ex illis rectum efformare possunt iudicium, quando ejus sanatio sit, aut non sit inter Miracula referenda, aut quando inter Miracula secundi generis, aut tertii.

20 Ulcus, Gangræna, Sphacelus, Fistula ab ignaris Medicinæ passim pro Cancro usurpantur, adeoque, dum Tertium Medicinam ignorantium dicta perpenduntur in Causis Beatificationis, & Canonizationis, opus est, ut Medicinæ Periti morbi qualitatem, signa, & symptomata ab eis exposita benè perpendant, ut videatur, an morbus, de cujus momentanea sanatione deponunt, fuerit Cancer, ut ipsi locuti sunt, vel Ulcus, Gangræna, Sphacelus, aut Fistula, juxta ea, quæ habentur apud Zacchiam *cit. consil.* 8. ubi narrat, Testes sanationem referentes morbum appellasse Gangrænam, licet esset verus Cancer. facile profecto esset, ut passim confimiles acciderent æquivocationes, si in Causis, de quibus agitur, cùm res est de Miraculis, Testes tantùm Medicinæ ignari examini subicerentur: sed, cùm ex alibi dictis major vis constitutur in Medicis ad ægri curationem vocatis, nulla videtur adest posse similitudinis æquivocationum dubitatio, licet adhuc aperta sit seriis disputationibus via de morbi natura, discrepantibus videlicet inter se Medicis ad ægri curam vocatis, neque consentientibus curæ Medicis cum Medicis a Sacra Congregatione electis ad judi-

cium ferendum, & aliquando discrepantibus etiam inter se Medicis illis in Peritos assumptis, ut suum pro veritate proferant de miraculosa sanatione iudicium, uti supra visum, est in Causa Sancti Francisci Solani, in qua scissi sunt inter se Periti electi, non in puncto, an morbus fuisset Cancer, aut Ulcus, aut Gangræna, aut Sphacelus, vel Fistula (hæc enim fuisset disputatio Medico indigna) sed an morbus esset verus Cancer, aut spurius, seu tumor cancerosus.

21 Ut verò Sacre Congregationis Consultores, aut Theologi, aut Juriste aliquid præ oculis habere possint, quod ad eos morbos pertineat, qui ab idiotis cum Cancro confunduntur, dicemus, Ulcus definiri *solutionem continui in parte carnosa cum sanie, aut pure; vel potius, Ulcus esse solutionem continui cum imminuta magnitudine in parte molli, ortum habens a materia erodente:* quæ Ulceris definitio videtur omnium perfectissima, cùm ea distinguat exactè inter se Vultus, & Ulcus; in Vultu enim tantùm est soluta unitas, & nihil ex necessitate de parte affecta amissum est; in Ulcere verò semper aliquid de parte imminutum, & amissum observatur, uti fusè docet Munnicks in *sua Praxis Chirurg. lib. 3. cap. 1. num. 2.* Dicemus, Gangrænam, & Sphacelum nec tumores esse, nec ulcera, sed partis mollioris affectu mortificationem; & Gangrænam in hoc differre a Sphacelo, quod Gangræna est via tendens ad mortificationem, & Sphacelus est plena, perfecta, & absoluta mortificatio non solum invadens partes molliores, puta cutem, carnem, venas, arterias, nervos, sed & alias solidiores, puta ipsamet ossa, veluti latè prosequitur

Sennertus *Pract. lib. 3. part. 2. cap. 19.* Addit Hieronymus Fabricius ab Aquapendente *Tentattheus lib. 1. cap. 19.* tam Gangrænam, quàm Sphacelum esse passionem mortificantem, neque differre, nili per magis, & minùs, & unico potissimùm ligno Gangrænam, & Sphacelum distingui, quòd, si pars laborans secetur, pungatur, vel aduratur, & nihil prorsùs sentiat, affectio hæc Sphacelus dicitur, & si sentit, Gangræna appellatur. Concordant antiquiores, videlicet Paulus Ægineta *lib. 4. cap. 19.* ita scribens: *Gangrænas appellant, eùm membrum aliqd ob inflammationis, qua conficitur, magnitudinem emoritur; neque jam consummatas se dicunt, sed qua etiam nunc fiunt* &c. ubi verò membra se vitiosa in totum sensu fuerint deficta, non amplius Gangræna, sed jam Sphacelum nuncupatur; Avicenna *lib. 4. tract. 1. cap. 15. littera B.* ubi loquens de inflammatione ad Gangrænam tendente ait: *Et, quod de hoc est in principio, & non corrumpitur cum eo sensus ejus, cui est sensus, nominatur Gangræna. Et propriè, quod est phlegmonodes in principio, & quod ita confirmatum est, ut destruatursensus ejus, cui est sensus, & illud est, ut corrumpatur caro, & quod ipsam sequitur, & usque ad omnes, siue sit incipiens, aut succedens apostemati, nominatur Asphacelus, scilicet Sphacelum, ut ex Notis marginalibus desumitur, ubi ea vox Arabica explicatur. Dicemus denique, fistulam esse sinum callosum, per quem aliquid assiduò expurgatur; nec enim datur Fistula sine callo, juxta Zacchiam *Consil. 38. post Quæst. Medico-Legal. num. 7.* & e Fistulis materia sæpe cum copia, & nonnumquam in quantitate pauca excernitur, juxta Loixum *Encycloped. Chirurg. lib. 6. cap. 2. pag. 280.* nili fortè ob magnam cal-*

lositatem nulla materia a Fistula prodeat, ut inquit Musitan. *Chirurg. tom. 2. cap. 20. de Ulcere fistuloso in principio pag. 85.* Scribit Munnicks in sua *Chirurgia lib. 3. cap. 7.* Fistulam esse sinum angustum, & oblongum, ejus orificium esse angustum, fundum verò latum, & callosum, in quo sanies copiosa simul, & virulenta colligitur, quæ ab eo continuè emanat.

22 In Actis Canonizationum multa prostant Miracula liberationum a morbis prædictis. Quòd ad sanationem ab Ulcibus legi possunt *Relationes Rotæ Auditorum in Causis Sanctorum Aloysii Gonzaga Miracul. 9. Ludovici Bertrandi ad tit. Sanatio ulcerosi abscessus, Tascbalis de Baylon Miracul. 13. Beati Petri Regalati Miracul. 4. post mortem; & novillimè Sacrorum Rituum Congregatio, approbante sanctæ memoriæ Benedicto XIII. inter cætera Miracula pro Beatificatione tunc Servi Dei, nunc Beati Vincentii a Paulo recensuit & illud instantanea sanationis Sororis Maturine Guerin ab inveterato, & maligno Ulcere in tibia. Quòd ad sanationes a Gangrænis, ut antiquiora exempla sileamus, legi possunt *Decreta edita pro Canonizatione Sanctorum Peregrini Latiofi, & Alfonso Mogrobesii: in primo quippe edito die 24. Decembris 1724. Miraculis adscribuntur instantanea sanatio Francisci Armigioni Sacerdotis ab Ulcere gangranoso, & instantanea pariter sanatio Maria Gertrudis Valentina Monialis in Monasterio Sanctæ Cecilia Croisatis Tiferi ab Ulcere pariter gangranoso = & in secundo edito die 11. Januarii 1726. Miraculo adscribitur sanatio instantanea Tetrionilla Arias Maldonado ab Ulcere gangranoso = Et denique quòd ad sanationes a Fistulis legi possunt *Bulla Canonizationum Sancti Petri Martyris, ubi: Cuiusdam sinistra manus di-***

digitum ex morbo *Fistula* plurium foraminum concavitate deossu mirā consolidatione sanavit = *Sancti Richardi*, ubi: *Antiquatas Fistulas* plurium ossum extratione concavas, & sine spe sanitatis stilantes saniem ejusdem *Sancti* meritis, ulceribus etiam repensē sanatis, *Divina Bonitatis* affluentia defecavit = *Sancti Petri de Morono*, ubi: Puella etiam quadam, qua *Fistulam* tam gravem habebat in pede cum aperturis pluribus, ut de perditione pedis a *Medicis* timeretur, portata ad ipsum, & facto per eum super plagā ter *Signo Crucis*, statim sanata est, ita ut post dies paucos non apparuerit in dicto pede aliquod infirmitatis prædictæ vestigium, vel cicatrix.

23 *Sanctus* quoque *Augustinus* de *Civitate Dei* lib. 22. cap. 8. postquam narravit, *Innocentium* fuisse *Fistulā* quadam vexatum, ita ut proximo mane esset ad incisionem deveniendum = *Illuxit dies*, qui metuebatur: aderant *Servi Dei*, sicut, se affuturos esse, promiserant. *Ingressi sunt Medici*: parantur omnia, quæ hora illa posebat; tremenda ferramenta proferuntur, attonitis, suspensisque omnibus = sanationem *Miraculo* adscribit, cum *Fistula* inventa sit occlusa cum firmissima cicatrice: Solvuntur nodi ligamentorum, nudatur locus, inspicit *Medicus*, & secundum illum finem armatus, atque intentus inquiri. Scrutatur oculis, digitisque contrahat. Tentat denique modis omnibus, invenit firmissimam cicatricem; & paulō post aliud simile narrat *Miraculum*, quod contigit in sanatione *Lucilli Episcopi*: *Memorati Memoriam Martyris* (*Sancti* videlicet *Stephani*) qua posita est in *Castello Syriacensi*, quod *Hippone* Colonia vicinum est, ejusdem *Loci Lucillus Episcopus*, *Populo* præcedente, atque sequente, portabat. *Fistula*, cujus molestia

jamdū laboraverat, & familiarissimi sui *Medici*, qui eam secaret, operiebatur manus, illius pia sarcina vocatione, ubi *Sanctus* attigit *Reliquias*, repente sanata est: quibus sanationibus, utpote a tanto *Viro* enarratis, impium esset obfistere, asserendo, quod, non miraculosē, sed naturaliter contigerint, uti quoque ipsi *Physici* admittunt, videlicet *Manget*. in *Bibliotheca Medica*, in verb. *Fistula* pag. 482. *Sennertus Operum* tom. 3. lib. 5. part. 2. cap. 10. in fine.

24 *Scribentes* de *Canonizatione Sanctorum* in miraculosa sanatione ab hisce morbis vim totam constituent in sanatione instantanea. *Matta* part. 4. cap. 7. num. 13. loquens de sanatione ab *Ulcere* inquit: *Si sanatio fiat in continenti, cogitur intellectus fateri, sanationem fuisse miraculosam; cum enim constet de extremis, nempe de transitu instantaneo a morbo ad sanitatem, & non ex causa naturali, qua non potest perfectē operari in instanti, per consequens necessariō concludendum est, talem sanationem fuisse miraculosam*: limilique modo loquentes de *Gangrena*, & *Fistula* prosequuntur *Bordon* de *Miraculis* medit. 7. quæst. 17. *Matthæus* in *Practica Theologo-Canonica* ad *Causas Beatificationis*, & *Canonizationis* tit. 13. cap. 13. §. 14.

25 At eorum pace plura alia, crederem seriō esse ponderanda, antequam de sanatione miraculosa proferatur judicium: loquendo quippe de *Ulcere*, ejus forma, & subiectum, & causa efficiens debent præ oculis haberi; item, an fuerit magnum, vel parvum, an antiquum, vel recens, an cum humorum affluxu, an internum, & latens, vel externum, & patens, an cum, vel sine ossis corruptione, vel carie, juxta fuscē, & do-

doctè relata a Munnicks *Chirurgia lib. 3. cap. 1. & pluribus sequentibus*, qui ex prædictis circumstantiis benè desumit facilem, aut difficilem Ulceris curationem. Fabricius ab Aquapendente *lib. 3. part. 2. Ulceris rotundi curationem docet esse difficiliorem*. Refragatur Marcus Aurelius Severinus in *Medic. Efficac. part. 1. cap. 15. At pro opinione Fabricii stat Magnus Hippocrates 6. Epid. sect. 1. text. 18. ubi Ulcera hujus figuræ perniciofa vocat, quod confirmat Vallesius in Comment. his verbis: Terniciofa quidem sunt ejus figura Ulcera, & curatu difficillima, ut Libello de Ulceribus ipsemet Hippocrates testatur, adeo ut curari non possint, nisi duplici, aut quadruplici sectione ex rotundis longa fiant. Fridericus Hoffmannus in Annotat. & Additam. ad Petrum Poserium pag. 110. difficilem pronuntiat Ulcerum curationem in partibus nerveis, membranaceis, & cartilagineis, secus in carneis, & sanguineis: Ulcera in partibus nerveis, membranaceis, & cartilagineis oborta difficillimè sanescunt, quoniam partes hæc angustis tubulis constant, per quos liquor alibilis temperatus, nullo sale volatili, vel oleo imbutus transit: hinc facilem statim, & acorem concipit. Secus fit in partibus carneis, & sanguineis, quibus ob præsentiam salis volatilis oleosi, quod corruptionis custos est, difficillimè inducitur acor: quare Ulcera hæc in locis consistentia faciliùs sanationem suscipiunt. Ulcus narium putidum, & graveolens *Ozena* a Medicis appellatur, & hæc Ulcera narium curatu difficilia dicuntur ob humiditates, & excrementa cerebri ad eam partem defluentia, quemadmodum latè exponit Sennertus *Pract. lib. 1. part. 3. cap. 1. & Munnicks loc. cit. cap. 3.**

num. 4. pronuntiat, cariam ossium, impedire Ulceris curationem, nec ulum Ulcus perfectè sanari posse, cui subest os corruptum, & ut os corruptum tolli possit, detegendum, & denudandum esse, si carne operiatur, Ulcere dilatato vel per sectionem, vel immisâ turundâ ex radice Gentianæ, aut Spongiâ preparata.

26 Apud Schenckium *lib. 4. Medic. Observ.* exponitur historia gravissimæ Gangrænæ existentis in ostio uteri cujusdam Matronæ Artis adjutorio, & vi medicamentorum sanatæ. Sennertus *Pract. lib. 3. part. 2. cap. 19. in Prognosticis* docet, Gangrænam esse malum periculosum, & nisi citissimè auxilium feratur, in Sphacelum degenerare, sed facilem esse curationem, si fiat in vegeto adhuc, & juvenili corpore, in quo spiritus vitales adhuc sunt integri, & muscoli, & nervi nondum sunt læsi; & Sphacelum esse malum periculosius, cum pars Sphacelo correpta, nisi a viva excindatur, & separetur, partes inficiat vicinas: & in eo, quod attinet ad Fistulas, vulgatum est, Fistulam antiquam difficiliùs sanari, quàm Fistulam recentem, & faciliùs Fistulam sanari in juvene, quàm in sene, juxta ea, quæ habentur in *Thesauro Chirurgia præstantissimorum Autorum* collecto per Petrum Uffenbachium pag. 808. ubi ita loquitur: *Expedita quoque curatio est in Fistula simplici, recenti, intra carnem; adjuvatque ipsum corpus, si juvenile, si firmum est; inimica contraria his sunt.*

27 Hæc igitur, & alia plura e Medicorum Libris, & Consiliis desumenda ultra instantaneam sanationem in sanationibus ab Ulceribus, Gangrænâ, & Fi-

& Fistulis sunt diligenter examinanda, antequam illæ Miraculis adscribantur, cum, uti sæpe dictum est, Miracula non fiant, nisi in magnis morbis, quique difficile curari possunt. De medicamentis exhibitis, si fortè exhibita fuerint, ratio haberi debet, ut videatur, an eorum vi sanatio adscribi possit. Quodque notatu dignum est, etiam si Ulcus, Gangræna, Fistula momento sanata essent, & sanatio non posset ad vim medicamentorum referri, & Ulcus, Gangræna, & Fistula qualitatibus prædictæ fuissent, quæ morbi gravitatem indicassent, antequam de Miraculo iudicium proferatur, congruum tempus est expectandum, ut videatur, an ex Ulceris, aut Fistulæ cicatrizatione alii postmodum morbi Sanatum invaluerint, cum metastasis in alium morbum obstat approbationi Miraculi, & loquendo de morbis prædictis, facilis sit, cum sanantur, conversio in alium morbum, & ejusdem reversio. Hippocrates id observat his verbis: *Cuidam erat Ulcus magnum in tibia. Hoc cum parvum factum esset (quid, si penitus occlusum?) lateris dolor, & pectoris sinistri e directo, & febris. Mortuus est a febre.* Richardus Mortonus *Phthisiologia lib. 3. cap. 8.* testatur, a veterum Ulcerum, Fontanellarum, & similium suppressione phthisim pulmonariam ut plurimum fieri, & historiam refert Simonis Chirurghi, qui post longævam Fistulam suâ sponte clausam phthisi pulmonariâ teterimissimâ comitatâ symptomatibus consumptus interiit. Amatus Lusitanus *centur. 2. histor. 6.* & Bartholinus *centur. 3. histor. 20.* memorant ex Ulcere sanato epilepsiam subortam. Fabricius Hildanus *Observat. Chirurg. centur. 3. ob-*

servat. 39. exemplum affert ejusdem Comitæ, cui Ulcus cacoethes in crure sinistro aderat, quod cum Empirico cuidam curandum tradidisset, *Ulcus quidem curatum fuit, sed post menses aliquot in sinistro latere pleurisi de eum maximis doloribus, & febre correptus intra paucos dies obiit.* Ea verò, quam morbo durante, expuebat, materiam, qualis antea ex Ulcere emanare solita erat, referebat. Quod dictum est de Ulceribus, sibi vindicat locum etiam in Fistulis: scribit enim Dolæus in *Chirurgia rationali tom. 2. lib. 6. cap. 2. pag. 292.* hæc, quæ sequuntur: *Sunt & nonnulli, quibus occluduntur Fistula: hinc conquiescunt de anxietate, & angustia pectoris, respirandi difficultate. Ratio est, quia sunt coagulationes in succis nostris.* Sequitur Sennertus *Oper. Medic. tom. 3. lib. 5. part. 2. cap. 10. de Fistulis num. 3.* ubi, loquendo de Fistulis antiquis, & remotis a partibus nobilibus, & per quas humores superflui, ac viciosi jamdiu expurgari consueverunt, subdit: *Tales Fistula, cum homines a multis morbis præservent, claudenda non sunt; verum, etiam si claudantur, rursus aperienda sunt.* Docuit Hippocrates *6. Epid. sect. 3. text. 35.* Fistulas esse aliorum morborum medelas: adedque Vallesius in *Comment. text. 34.* ita scribit: *Cum consueta aliqua evacuatio cohibetur, omnia periclitantur simul. Ut vel vulgi jam sit opinio, cum vetus aliqua evacuatio cessat, periclitari hominem de vita; idque, sive Chirurgus cessare faciat, sive sponte cesset, & clarius in textu sequenti =* *Igitur in omni diuturno abscessu, sive sit cum evacuatione, ut Ulcus, Fistula, Mammoibis, sive etiam sine ea, ut vetus podagra, videndum est, quomodo cures; plurimò enim eorum, qui ta-*
li

224 De Serv. Dei Beatif. et Beat. Canoniz.

li morbo multis jam annis laborarunt; solent in nephritisidem, aut asthma, aut etiam aliquam apoplecticarum passionum incidere.

28 Et coherenter ad hæc, cum inter Miracula approbata pro Canonizatione Beati Vincentii a Paulo relatatum fuerit illud instantanea sanationis a putridis, & diuturnis Ulceribus eum longa, & contumaci urina retentione, atque enormi hydropo, uti colli-

gitur ex Decreto edito die 10. Augusti 1736. Dominus de Marcangelis in Romano Archigymnasio publicus Medicinæ Professor pro veritate scribens inter cætera benè pro Miraculo deducta hæc addidit: *Bevisita antiquorum Ulcerum contumacia, neque in affecta, neque in alia postmodum parte transgredi, & recrudescere visa est.*

CAPUT DECIMUM OCTAVUM.

De sanatione a Febri, quando fit Miraculo adscribenda.



Ananionem Filii Reguli a Christo factam exponit Sanctus Joannes in Evangelio cap. 4. = Erat quidam Regulus, cujus Filius infirmabatur

Capharnaum. Hic, cum audisset, quia Jesus advenires a Judæa in Galileam, abiit ad eum, & rogabat eum, ut descenderes, & sanaret Filium ejus; incipiebat enim mori. Dixit ergo Jesus ad eum: Nisi signa, & prodigia videritis, non creditis. Dicit ad eum Regulus: Domine, descende, priusquam moriatur Filius meus. Dicit ei Jesus: Vade, Filius tuus vivit. Credidit homo sermoni, quem dixit ei Jesus, & ibat. Jam autem, eo descendente, servi occurrerunt ei, & nuntiaverunt dicentes, quia Filius ejus viveret. Interrogabat ergo boram ab eis, in qua melius habuerit. Et dixerunt ei, quia: *berò borà septimà reliquit eum Febri.*

Cognovit ergo Pater, quia illa boram erat, in qua dixit ei Jesus: Filius tuus vivit. Et credidit ipse, & domus ejus tota.

2 Ter sermo fit in Evangelio de Socru Simonis febricitante, & a Christo Domino miraculosè liberata: Matthæi siquidem cap. 8. ita legitur: Et cum venisset Jesus in domum Petri, vidit Socrum ejus jacentem, & febricitantem, & tetigit manum ejus, & dimisit eam Febri, & surrexit, & ministrabat eis; & Lucæ cap. 4. = Surgens autem Jesus de Synagoga introivit in domum Simonis. Socrus autem Simonis tenebatur magnis Febribus, & rogaverunt illum pro ea. Et stans super illam imperavit Febri, & dimisit illam, & continuò surgens ministrabat illis; & Marci cap. 1. = Decumbebas autem Socrus Simonis febricitans, & statim dicunt ei de illa. Et accedens elevavit eam, apprehensâ manu ejus; & continuò dimisit eam Febri, & ministrabat eis; quod Christi Domini Miraculum

hic

Lib. IV. Pars Prima Cap. XVIII. 225

hisce carminibus elegantissimè expressit Sedulius Presbyter, natione Scotus, Poeta Christianus, qui claruit sub Theodosio anno 430. & cujus Opera

edita fuerunt in magna Bibliotheca Patrum Editionis Parisiensis anni 1634. tom. 8. =

Fortè Petri valida terrebat lampadis astu

Febris anibela Socrum, dubioque in funere pendens

Sauca sub gelidis ardebat vita periculis,

Immensusque calor frigus letale coquebat :

At, postquam sessos Domini manus attingit artus;

Igneus ardor abit, totisque extincta medullis

Fonte latentis aqua cecidit violentia flammæ.

3 Ader de Morbis Evangelicis enarrat. 9. ait, Filium Reguli malignâ quadam Febre putridâ, acutissimâ, & lethali fuisse vexatum: & enarrat. 8. ponderat, Socrum Petri probabiliter fuisse constitutam in anno ferme quinquagesimo ætatis suæ; erat enim Mater Uxor Petri, & Filix, juxta antiquam legem, & consuetudinem, ante decimum octavum annum Matrimonio non jungebantur; & habitâ ratione loci, in quo contraxit morbum, & ejus temperamentum siccum, & biliosum, arguit ad magnitudinem morbi. Zacchias Quæst. Medico-Legal. lib. 4. tit. 1. quæst. 8. licet notat, Evangelistam non dixisse, quod Socrus Petri tenebatur magnâ Febre, sed magnis Febribus, ut indicaret videlicet nimiam fixitiam, & acutem symptomatum, & magnitudinem Febris in Filio Reguli satis patefieri ex illis Evangelistæ verbis: Incipiebat enim mori. Aliudque Miraculum liberationis a Febre narratur Act. cap. 28. = Contigit autem, Patrem Publii Febribus, & dysenteria vexatum jacere. Ad quem Paulus intravit; & cum orasset, & imposuisset ei manus,

salvavit eum. Quo facto, omnes, qui in Insula habebant infirmitates, accedebant, & curabantur. Porro, cum duplex sit dysenteria, alia benigna, quæ comitem non habet Febrem, aut, si habet, levem admodum habet, alia maligna, qua laborans valde febriçit; ad indicandam morbi gravitatem meriti facta est mentio tum Febrium, quod, juxta supradicta, magnitudinem Febris indicat, tum dysentericæ, & demum vexationis, cum tormina a torquendo ab aliquibus dysenteria ipsa dicta sit. Celsus lib. 4. cap. 15. hæc habet de dysenteria: Proxima bis inter intestinorum mala tormina esse consueverunt: dysenteria græcè vocatur. Intus intestina exulcerantur; ex bis cruor manat, isque modò cum stercore aliquo liquido, modò cum quibusdam quasi mucosis excernitur. Interdum simul quadam carnosa descendunt. Frequens deiectionis cupiditas, dolorque in ano est. Hollerius in Comment. ad aphor. 3. sect. 6. inquit, Hippocratem interdum vidisse dysenteriam sine Febre; & Fernelius lib. 6. de part. morb. & sympt. cap. 10. docet, non omnem dysenteriam statim, & necessariò Fe-

F f

brem

226 De Serv. Dei Beatif. et Beat. Canoniz.

brem comitari, sed eam tantum, cuius humor est acerrimus,isque e visceribus, aut e venis magnam corporis perturbatione profusus; & Sennertus Tract. lib. 3. part. 2. sect. 2. cap. 7. in Signis diagnosticis subdit: Si dysenteria Febris accesseris, qua antea non aderat, aut, si qua exigua aderat, intendatur, vel putredinem circa ulceram majorem faciam, vel inflammationem aliquam accessisse, significat, quorum utrumque periculosum est.

4 Febris ex Hippocrate, & Galeno dicitur conversio naturae caliditatis in igneam naturam; ex Avicenna calor praeternaturalis in corde accensus, &, mediantibus sanguine, & spiritibus, per arterias, & venas in totum corpus diffusus; ex Willisio motus inordinatus sanguinis, ejusque nimia effervescencia cum calore, scilicet, aliisque praeterea symptomatibus, quibus oeconomia naturalis valde perturbatur; ex Bellino vitium sanguinis aut in motu, aut in quantitate, aut in qualitate, aut in horum aliquibus, aut in omnibus. A nonnullis dicitur natura conatus materia morbifica exterminationem in aeri salutem omni ope molientis, uti habetur apud Manget. in Biblioth. Medic. tit. de Febris pag. 17: ex quo fit, ut plures Facultatis Medicæ Scriptores apud Tozzium de Febris firmiter doceant, Febrem non esse rigorosè morbum, sed potius motum alteratæ fermentationis in sanguine opportunè excitatum, ut ita tamdiu sanguis effervescat, quamdiu heterogeneis, inutilibus, impurisque particulis malleam ejus foedantibus, prout in musto observamus, depurgatus defecetur. Quapropter Febris, non a serreo, sed a februo, scilicet emundo, trahit etymologiam; & huc spectant nonnulli Hippocratis aphorismi = Quibus dolor circa hypo-

ochondrium fit absque inflammatione, iis Febris super-veniens morbum solvit = item = Quicumque sani dolore capitis repente capiuntur, & statim muti fiunt, & sterunt, in septem dies pereunt, nisi Febris apprehenderit: habet enim Febris vim attenuandi, resolvendi, & crassos succos concoquendi, necnon ligatos, & obstructos nervos vitales solvendi, & humores cerebrum afficientes digerendi, & aliud exturbandi; dummodo tamen Febris nec aded mitis, & levis sit, ut humores impactos, crassosque non diluat, nec multum vehemens, aut diutius protrahat, quæ vires infringat, & deprimat, ut benè legi potest apud Tozzium part. 3. tom. 4. lib. 6. aphor. 40. & aphor. 51. qui in Commentariis ad primum prædictum aphor. 40. ita concludit: Pro coronide autem deducere licebit ex hoc aphorismo, non semper Febrim nocuam esse, sed saepe sapius salutarem, quemadmodum non hic solum, sed alibi pluries idem Hippocrates est testatus.

5 Cum nec animus sit edendi Tractatum de Febris, nec ille ad nostrum institutum pertineat, & quatenus animus esset, & ad nostrum pertineret institutum, humeri nostri tantum onus ferre non possent, exemplum idcirco asseremus sanationum a Febris in Sacrorum Rituum Congregatione examinarum, ex quibus ejusdem Consultores, quid in facti contingencia dicendum sit, cum se obtulerit occasio, poterunt sufficienter dignoscere; nec enim omnis, licet instantanea, Febris sanatio post invocationem Servi Dei Miraculo ab eadem Sacra Congregatione adscribitur, uti signanter colligi potest ex Actis Canonisationis Sancti Raymundi de Penafort a Penia Rotæ Auditore col-

collectis, & editis, in quibus plures propofitæ leguntur fanationes a Febribus, quas nec Rotæ Auditores, nec Sacrorum Rituum Congregatio inter Miracula pro Canonizatione voluit recensere.

6 In *Causa Canonizationis Sancti Caroli Borromæi* actum fuit de fanatione cujusdam Monialis Capucinæ; & res ita se habuerat, uti defumitur ex *Relatione Rotæ Auditorum 3. part. Miracul. 3. & ex Relatione facta in Consistorio secreto die 30. Augusti 1610. eorū sanctæ memoria Paulo Papa V. a Dominico Episcopo Hostiensis Sanctæ Romanæ Ecclesiæ Cardinali Pinnello.*

7 Candida de Agudis Monialis Capucina tribus annis, & ampliùs gravi Febri hæctica tertiz speciei, quæ partes solidas consumit, & ideo humanis remediis est infanabilis, miserè laborabat; unde & propter morbi gravitatem, & propter frequentia symptomata, quæ ægrotanti superveniebant, in extremo vitæ periculo erat constituta: cæterum, cū in die sacro Festo Sanctorum Petri, & Pauli post recepta humiliter Sanctissimæ Ecclesiæ Sacramenta orationem cum devotione præmisisset, & vota Famulo Dei Carolo nuncupasset, si ita animæ suæ conducibile esset, superpositamque Vestem Caroli paulisper tetigisset, e lecto incolumis surrexit, & suis pedibus ad Ecclesiam gratias Deo actura pro cumulata recepto beneficio sanitatis properavit. Rotæ Auditores in *eiusdem facti expositione* alia quædam symptomata ex Processu desumpta retulerunt, magnæ videlicet prostrationis virium; Monialis enim sine aliorum adiutorio caput erigere non poterat, & motibus convulsivis aliquan-

do affligebatur: cūque iidem Rotæ Auditores fanationem ad Miraculum secundi generis retulissent, Sacrorum Rituum Congregatio eam inter Miracula recensere non dubitavit, uti legitur in *Libro Marci Aurelii Gratætolæ de Canonizatione Sancti Caroli lib. 1. cap. 39.*

8 Porro de morbi hujus gravitate nulla esse poterat dubitatio tum ratione durationis, tum ratione symptomatum, prostrationis videlicet virium, & convulsionum, juxta illud Galeni in *Comment. 1. lib. 1. sect. 30. Coac. Hippocr. = Convulsio in Febre, manuum, pedumque dolor maligna sunt = & juxta aliud ejusdem Galeni in *Comment. 66. apbor. lib. 4 = Febres vehementes velut ignis nervos exsiccentes, eos extendunt, & convellunt, atque hoc modo perniciosas afferunt convulsiones = & ratione demum qualitatis hæcticæ Febris tertiz speciei. Hæctica enim Febris tres gradus habere dicitur: primus est, cū in ea calor febrilis admodum lenis est, ut vix percipiatur; quo in casu febricitantem non modò, atque astantes, verùm & Medicum ipsum eludere valet: alter est, ubi calor febrilis aliquantulum exacerbat, & unâ præsertim, vel alterâ horâ post pactum interpositâ, intensior fit: tertius est, ubi calor febrilis, acris, & mordicans admodum intenditur, atque extenditur, ut, partibus solidis adiposis in primis liquatis, corpus universum extenuet, emacietque; & quando Febris hæctica id evenit, dicitur marasmodas, marasmus, sive tabes: & in primo gradu creditur faciliè curari posse, difficilius in secundo, neutiquam in tertio; unde Galenus lib. 1. de *Differentiis Februm cap. 8. inquit: At, quæ ex ipsis (loquitur de Febribus hæcticis) ad marasmodum, id est tabem, per-***

228 *De Serv. Dei Beatif. et Beat. Canoniz.*

pervenerunt, ubi jam exquisitè consistunt, & jamdudum inceperunt, non modò est easdem curare difficile, sed etiam impossibile; & in lib. 10. *methodi medendi* cap. 10. addit: Ergo illico eos, qui hectica febricitant, omni ratione refrigeremus, antequam progressi in marasmodum pervenerint; quem autem marasmus jam occupaverit, hunc sanare ne tentaveris. Avicennas lib. 4. *Fen. 1. tract. 3. cap. 1. de hectica laborantibus* ait: Amplius non sanatur ille, qui consequitur statum, nisi Deus velit: quibus verbis ostendit, sine Miraculo sanationem contingere non posse. Actuarius lib. 2. *methodi medendi* cap. 1. prope finem ait: Inter has (loquitur de Febribus hecticis) deteriores sunt nota, quas hecticas, marasmodos nominant Græci, in quibus vitalis vis emarcuit, contabuitque, in quibus acri ut evadant, fieri non posse putatur. Alexander Can. 4. cap. 1. *tract. 3. lib. 5. cap. 22.* hæc habet: Ubi jam Febris hectica exquisitè consistit, & jamdudum incepit, illam curare est impossibile; & Mercurialis lib. 5. *de Febribus* cap. 7. in fine concludit, quod, si confirmata, & tertiz speciei hecticæ sanatio fieri posset, fieri etiam posset, ut a Medicis homines a morte liberarentur, & fierent immortales. Tozzius *Operum* part. 1. tom. 1. *de Febre hectica* scitè inquit, primum ejus gradum facilis esse curationis, sed difficilis cognitionis, & postremum facillimæ cognitionis, sed difficillimæ curationis. Denique Hoffmannus in suo *Rationali Systematico Medicina rationalis* tom. 4. part. 1. *sect. 2. cap. 13. de Febribus lentis*, & hecticis distinguit Febres lentas ab hecticis docens, lentas esse illas, quæ mitiora habent symptomata, hecticas autem esse æstum continuum, quod corpus efficit imbecillum, & traci-

dum; lentas curari posse, hecticas difficillimè, nec integram recipere sanationem, uti videri potest loc. cit. §. 2. quod ipsum repetit §. 16. = *Lenta* quidem, si tempestivè occurrat, medicationem admittit; hectica autem rarè, & perfectè planè non: quod & latè prosequuntur Cortellius *Tract. Medic. part. 3. cap. 24.* Mariott. *Tract. de Febribus* lib. 5. cap. unie. Heredia *Tract. de Febre hectica* cap. 10. Piens *Tract. de Febribus in specie* cap. 4.

9. In *Causa Canonisationis Sancti Aloysii Gonzaga* inter sanationes miraculosas approbandas sequens tertio loco proposita fuit, uti habetur in *Relatione* Rotæ Auditorum: Camilla de Ferrarius incola Oppidi Castellionis Febris hectica, & pthibis cum sanguinis excretionem per annos octo laboravit, & pluribus medicamentorum generibus frustra adhibitis, incurabilem omnino infirmitatem Medici censuerunt. In hunc modum affecta infelicem vitam afflictissima Fœmina debebat, & in lecto decumbebat morti proxima. Post hæc narratur invocatio, & subditur: Votum secuta est illico sanitas, & nullà intercedente morâ, omnino planè Febris, morboque depulsa, pristina sanitati restituta est. Auditorum autem Rotæ judicium de hac sanatione sequentibus verbis expositum est in *Relatione* = Hanc etiam sanationem fuisse miraculosam tum ratione facti, tum ratione modi, nemo potest inficiari. Ratione facti, quia morbus supponitur fuisse pthibis in specie confirmata; & ita deponunt non modò Testes, qui audierunt a pluribus Medicis, qui eam inviserunt, dum agra esset, verùm etiam constat ex fide Medicis, qui diligenter de natura morbi aegrotantem interrogavit. Quid si morbus fuit pthibis, prout miraculosa fuit ejus curatio, cum pthibis sit totus corporis extenuatio cum lenta Febre consequens ad insanabili pul-

pulmonis ulcera. Quod si non fuit phthisis, miraculosa fuit curatio ratione modi, cum Febris diuturna octo annorum cum extenuatione totius corporis, & ex consequenti cum debilitate virium magna, non potuerit natura viribus, aut alicujus alterius virtutis finita ope tam subito removeri, & ita omnino curari, ut aegrotans penitus sana, & ab omni libera aegritudine remanserit.

10 Judicio Rotæ Auditorum ad hæsit Sacrorum Rituum Congregatio: sed, antequam aut Rotæ Auditores, aut Sacrorum Rituum Congregatio sanationem Miraculo adscriberent, benè considerata fuit ab eis Medici curæ attestatio, qui sanationem dixerat fuisse Miraculum evidentissimum. Benè quoque consideratæ fuerunt approbationes octo insignium Medicorum Rotæ Censorum, qui post plura super exposito facto funditus animadvertita ita responderunt: Cum per quinque confesser efficaciter probatum sit, nobilem Mulierem Camillam de Ferrariis, quæ Castelliozæ per octo integros annos Febre hectica, & phthisi confirmatâ laborabat, & sæpe sanguinem expuerrat, & ad extremam maciem, & extenuationem totius corporis devenerat, ita ut relictum fuerit a peritis Medicis, ne domesticis quicquam uterentur ex iis, quibus illa utebatur, ne eodem modo inficerentur, cum fuerit ipsamet statim, & in eodem instanti, quo ipsa se preibus Beato Aleysio Gonzaga commendaverat, & ad ipsius Imaginem Votum emisit, prorsus ab omni morbo liberata, & perfecta sanitati restituta, ut etiam nunc per multos annos sana persistit, satendum omnino esse, factum hujusmodi supra naturæ, & artis vires non sine magno Miraculo intercessione Beati Aleysii acceidisse.

11 In prima sanatione a Febre hectica intercessione Sancti Caroli secu-

ta nulla habetur mentio expuitionis sanguinis. At hinc non valet illatio ad defectum hecticæ Febris, etiam tertiz speciei: licet enim ab ulcere pulmonum, vel aliorum Viscerum phthisis nascatur soboles indivisa Febris hecticæ, & hinc derivetur sanguinis expuitio, nihilominus non sunt termini ad invicem convertibiles, neque consequentiz necessariæ = Omnes, & quicumque patiuntur ulcus in pulmonibus, incidunt in hecticam, & expuunt sanguinem: Ergo omnes, qui patiuntur hecticam, habent ulcus in pulmonibus, & sanguinem expuunt = cum possit Febris hectica invadere independenter ab ulcere pulmonis; datur enim hectica senilis sine ulla pulmonum labe, dantur hecticæ ex corruptione partium solidarum, & ex diuturnis abcessibus, uti habetur apud Joannem Fernelium lib. 4. de Febribus cap. 16. Item in casu sanationis secutæ intercessione Sancti Caroli nullum legitur intercessisse Medicorum vetitum, ne domestici quicquam uterentur ex iis, quibus Sanata utebatur, ne eodem morbo inficerentur. At neque ex hoc valet argumentum ad defectum hecticæ Febris, etiam tertiz speciei: apud peritiores quippe Medicos in comperto est, non omnem Febrem hecticam esse contagiosam, sed eam esse contagiosam, quæ juncta est phthisi, & ulceri pulmonis; in quo sensu explicant Galenum lib. 1. de Feb. diff. cap. 2. sic dicentem = Es eorum, qui tæbe correpti sunt, consuetudo nequaquam secuta, neque omnino eorum, qui putridum expirant, adeo ut domus, quas habitant, factidum exhalent odorem = uti ad rem, benè distinguendo, profequitur a Rejes quæst. 69. per totam. Demum in sanatione miraculosa intercessione Sancti Aleysii

Gon-

Gonzagæ obtenta non irrationabilis insurgere poterat dubitatio, quomodo Febris hæctica cum phthisi conjuncta durare potuerit usque ad septem, octo, & plures annos; inquit enim Hippocrates in *Libro de internis affectionibus* loquens de tabe: *Hic morbus multis ad tres annos perseverat, verum moriuntur; & faciunt narrata de Rege Joram 2. Paralip. cap. 2. = Cumque diei succederet dies, & temporum spatiaolverentur, duorum annorum expletus est circulus, & sic longè consumptus tæbe, ita ut egeret etiam viscera sua, languore pariter, & vitâ caruit: At Angelus Victorius celebris Medicus in sua approbatione prædicti Miraculi testatur est, se duos curasse, qui per annos duodecim, & plures semper tabidi, & phthistici vixerunt. Similia leguntur in approbatione Philandri Collutii Medici, qui in ea testatus est, se quemdam curasse Religiosum Societatis Jesu, qui a quatuor annis jam erat sequestratus in Collegio Romano ab aliis, ne eos contagione phthisis, & hæcticæ afficeret. Suffragatur quoque auctoritas citati Hippocratis lib. 1. de Morbis dicentis, quod, qui hujusmodi morbos habent, partim brevi pereunt, partim in longum protrahuntur usque ad senectutem, & commoriuntur, cum differat corpus a corpore, ætas ab ætate, morbus a morbo, tempus a tempore, & patientia tolerandi ab impatientia: quæ tamen omnia sic crederem esse intelligenda, ut sibi locum non vindicent, quando morbus ad marasimum, & extremam maciem, & totius corporis consumptionem devenit, sed cum Febris hæctica a principio debilis, & parva temporis progressu crescit ad marasimum, ita ut spatium illud septem,*

octo, & plurium annorum initium, progressum, & statum morbi comprehendat. Denique in *Causa Canonizationis tunc Beata, nunc Sancta Rose de Sancta Maria tertii Ordinis Sancti Dominici, vulgò Limane*, sequens Miraculum approbatum est pro ejus Canonizatione obtinenda, uti colligitur ex *Compendio Vitæ, Virtutum, & Miraculorum*, necnon *Actorum a Secretario Congregationis Sacrorum Rituum occasione Canonizationis edito anno 1671. = Miraculum effulsit in persona Joannis Zelilli ab imminenti morte mirabiliter præseverati: hunc enim per quatuor menses oppresserat Febris hæctica tertie speciei progressa in exquisitum marasimum cum ulcere pulmonis, tussi marcidum cruorem excreante, ac rosione gutturis pariter ulcerati. Unde ager, susceptus Ecclesie Sacramentis, ad extremum, vitæ fugientis agonem perductus jacuit sine motu, cessavit arteriarum pulsus, & confusa trium Medicorum voce jam in faucibus mortis herere conclamabatur. Sed, implorato Beata Rosa potenti auxilio, modicum pulveris e Sepulchro ejusdem Beata hausit e cochleari aquâ resolutum, & illico salutem cum pristino rigore integerrimè recuperavit.*

12 In *Causa Canonizationis Sanctæ Catharinæ de Bononia*, me tunc Sacre Consistorialis Aulæ Advocato, nec adhuc Fidei Promotore pro Causa scribente, inter cætera Miracula approbata fuit approbatum & illud in ordine octavum, subitè videlicet sanationis Sororis Marix Gertrudis de Ghirardellis Monialis ejusdem Monasterii Sanctissimi Corporis Christi a gravissima infirmitate Febris cum delirio, & lethargo ad dies ferè sexaginta protracta, & a Medicis deplo-

13 Factum autem ita se habuerat.

rat. Soror Maria Gertrudes de Ghirardellis anno 1673. Mense Octobris in Febrem levem inciderat, quæ diris postmodum symptomatibus exasperata est. Medici vocati sunt, & quamvis adhibita fuerint remedia, morbus contumacior evasit. *Die* quippe 24. *Novembris* supervenit delirium, mox, principio videlicet Mensis Decembris, sopor invasit, qui in lethargum inexpugnabilem, & tremotem degeneravit, ita ut nec excitari poterit, quamvis manuum digiti obtorti, crines e capite evulsi, mordacissima vesicantia, testæque candentes admotæ fuerint brachiis, & cruribus. *Die* 8. *Decembris* sævitia morbi decrevit; tuncque Monialis Sacro Viatico munita, & extremo Chrismate inuncta est. Post hæc morbus recruduit; biduo quippe integro nulum sumere valuit alimentum, & validiori lethargo oppressa in eodem permansit, licet duæ ustiones in occipitio fuerint ei adhibitæ. Viribus prorsus destituta ob continuatam Febrem immanitatem, & venam sex vicibus, ac variis modis incisam, cæterosque medicos cruciatus in lecto decumbebat, & jam quartus supra quinquagesimum dies a die decubitus elapsus erat. Imploratâ ope Sanctæ Catharinæ, Infirma se propriis vestibus induit, e grabato prostravit, celerique gressu per conclave deambulans, Sodalibus admirantibus, ad Ecclesiam profecta. Sacerdoti animæ suæ Moderatori conscientiam aperuit, flexo poplite, tria Sacra audivit, & post receptam Sacram Synaxim per gradus quadraginta, & amplius eujusdam Scæle corpore firma, læta, vultu hilari, & rubicundo, ad quamdam Ædem Sacram ascendit, in qua Imago Beatissimæ Virginis Monialium

enerationi exposita est, eodemque mane in communi triclinio discubuit, panem emendicatum, & ferè mucidum, & reliquas viliores escas jucundè comedit, officia Monasterii resumpsit, & impigrè deinde exercuit, nec ullum umquam adversæ valetudinis indicium præbuit.

14 Factum hoc cum prædictis omnibus circumstantiis undecim Testes de visu, inter quos tres Medici, & unus Chirurgus, omnes fide digni comprobarunt. Joannes Galeatus Manzius Philosophiæ, & Medicinæ Doctor magni nominis, dum viveret, in hac nostra Civitate Bononiæ, qui Moniali xgræ medebatur, interrogatus sanationem Miraculo adscripsit; ejusque judicio adhæserunt Albertus Carradorius, & Jacobus Pafius Philosophiæ, & Medicinæ Doctores, & Jacobus de Bovis Chirurgus: cùmque proinde nec quò ad factum, nec quò ad sanationis, uti dicitur, relevantiam ulla dubitatio irrepere potuerit, sanatio fuit adscripta Miraculo, uti colligitur ex *Decreto edito die 17. Maji anno 1707.*

15 Et meritò: de gravissimis quippe symptomatibus, lethargo videlicet, delitio, insigni virium jactura, renitentia ad cibum, Febri acutæ adjunctis planè constabat. Hippocrates *lib. 2. de Morbis* docet, lethargum septem diebus interimere, & præsertim, si, prout in casu, tremor supervenerit, uti habetur 7. *apbor. 21.* eò quia, ut subdit Galenus in *Commentario*, indicio est, materiam ad principium nervorum transferri: & Celsus *lib. 3. cap. 9.* inquit, lethargum citò jugulare, nisi statim succurratur; & loquens de simplici somno nimio in morbis acutis Mercatus *lib. 3. part. 2. art. 4. quæst. 188.* eum lethalem pronuntiat. Idem ju-

judicium ferendum est de delirio, necnon de virium lapsu, veluti prosequitur Mercatus lib. 3. part. 2. class. 1. quest. 186. = *Ad mortem predicandam statuendum est ea signa idonea esse, qua natura virium a morbo oppressarum ruinam, jacturamque ad presentem monstrant, aut futuram presagiunt; & ad rem ratiocinatur Thomas Fienus in Semiotica part. 1. cap. 6. §. 1. =*

Cum omnis prognostis pendeat ex collatione morbi, & curum, qua ad morbum spectant, nempe causarum, & symptomatum, cum viribus nature, nam, qua altera fortior est, eam superabit, & secundum fortiozem est exitus morbi futurus &c. Nec renitentia ad cibum aliis symptomatibus gravissimis juncta haberi poterit tamquam res parvi momenti: pronuntiat enim Hippocrates sect. 2. aphor. 33. = In quovis morbo mente constare, ac valere, ac recte se habere ad oblata, bonum; contra vero se habere, malum = in cujus Commentario Hollerius rem explicans desperationem decernit, si cum prædictis signis alia mala adjungantur: Caterum, quod dicat bonum esse, aut malum esse, id non simpliciter est accipiendum, tamquam ob id sit convalescitur ager, aut moriturus; verum, si alia bona adsint signa, bonum est, & sperandum omnimode de salute acri, fin alia signa mala, malum, & de salute est desperandum; & quamvis morbus pertransierit terminum morborum acutorum, qui est quadragesimus dies, non ob hoc tamen dici potuit, morbum fuisse in declinatione, cum computatio dierum criticorum non sit inchoanda a prima die invasionis morbi, quando morbus ex non acuto fit acutus, aut alicui morbo acuto succedit alter acutus, sed duplex tunc debeat fieri computatio, altera a prima invasione morbi, altera a die invasionis novi mor-

bi superinducti, veluti ratiocinantur Vallerius lib. 10. Controrv. Med. & Philosoph. cap. 5. & Andreas Laurentius lib. 2. de Crisibus cap. 11. qua computatione retentâ, & sic habito respectu ad supervenientiam delirii, & lethargi, unusquisque facili negotio cognoscere poterit, morbum Monialis, quando cessavit, non fuisse in declinatione.

16 Duplex Febris malignæ causa est: alia, quæ a sanguinis nimia inspillatione pendet; alia, quæ ab ejusdem solutione. Plethora, acida qualitas, & alia hujus census inspillationem progignunt: quæ verò aut nimis acria, aut virulenta, & quasi caustica sunt, faciunt solutionem. Febres malignæ a solutione pendentes summam habent comitem virium lassitudinem, diarrhæas in principio, hæmorrhagias, sudores, urinas copiosas; sed, quò magis ejusmodi excretiones apparent, eò periculosior morbus est, & fit gravior. Coagulatio sanguinis exadverso nimiam facit fluidorum in excretionem temoram, somnolentiam producit gravem, pondus in universo corpore: atque, ut hæc auxilium Medicorum non ita difficulter recipit, sic altera operam Medicorum eludit, & brevi interimit. Willisus cap. 12. de Febre maligna §. Sunt alterius generis explicat sanguinis coagulationem in maligna Febri contingentem: Particula crassiores se mutuo implicant, & (inftar lactis ab infuso coagulo, aut spontanea acefcentia) invicem coagulantur: hinc eror in vasis grumescit, ut minus promptè in eis circuletur; hujus portiones coagulatae interiori in cordis sinus delata illuc stagnare apta sunt, adeoque crebras syncopes, & lipothymias pariunt, cæteraque malignitatis phænomena efficiunt &c. Sanguinis autem coagulatio ipsum ad puer-

tredecim, seu corruptionem citò disponit, uti videre est in sanguine extravasato, qui citò nigrescere, & putrescere solet; Hippocrates *Pren. num. 20.* ita distinguit gradus Februm malignarum: *Malignissima*, & signis horrendissimis oborientes quarto die, aut priùs occidunt. Primus igitur ipsarum insultus sic desinit. Secundus autem ad septimum produciunt. Tertius ad undecimum. Quartus ad decimum quartum. Quintus ad decimum septimum. Sextus ad vigesimum; & *Tozzius* in *Traxi Medica tit. de Febri maligna* malignarum Februm naturam exponit dicens: *Quæ congruis adhibitis remediis non cedit, & in necem terminatur.*

17 Sæpe in Congregatione Sacrorum Rituum tractatum est de sanationibus a Febris malignis inter Miracula recensendis; & ipsa modò recensuit, modò non recensuit, juxta varias factorum circumstantias. Inter cætera Miracula approbata pro Canonizatione Sancti. Cajetani refertur, & illud, quod sequitur, desumptum ex *Compendio Vita, Virtutum, & Miraculorum ipsius edito juxta morem a Secretario Congregationis Sacrorum Rituum, cùm ejus Causa erat in Sacro Consistorio referenda; Nicolaus Filius Ducis Gasparis Casarelli Febri malignâ correptus, convulsione cum intentione, & extensione manuum, pedum, & trunci totius corporis, membro emprostotico deformi, ad instar Sirena thoracis musculis convulsis, absque loquela, aliisque infirmitatibus, & symptomatibus letalibus oppressus, viribus consumptis, & a Medicis proclamatus, veluti eademmet nocte vigesima nonâ suæ infirmitatis moriturus, emissio tandem Voto dicto Beato, qui illi radius, & splendoribus circumfusus apparuit, statim, & in continentis sanus, & incolumis, ac robustus*

compertus est cum omnimoda virium recuperatione, æque ac si brevissimi infirmitatibus nunquam laborasset. Simile fuit Miraculum approbatum in Canonizatione Sanctæ Rose Limana, & expositum in *Compendio Vita, Virtutum, & Miraculorum ipsius edito a Congregatione Sacrorum Rituum occasione Canonizationis ejusdem; Seraphinus Polist ex Ordine Beate Mariæ de Monte Carmelo malignâ Febri letaliter exustus, ac decimo septimo suæ infirmitatis die omnino derelictus a Medicis constanter asseverantibus, borâ quintâ, aut sextâ noctis proximè insequentis exspiraturum, jamque amisit loquela, & visu, luctans cum ultimo agone, mox ut opem Beate Rose toto corde imploravit, eandem habuit manifestè conspicuam, subitèque valens, incolumis, & vegetus cum stupore omnium evasit. Et cum prædictis sanationibus concordat alia sanatio a Febri maligna adscripta Miraculo in *Causa Canonizationis Sancti Stanislai Kostke, uti desumitur ex Decreto edito die 9. Mæji 1713. & die 13. Novembris 1714 tempore, quoungebar munere Fidei Promotoris.**

18 In *Causa Beatificationis tunc Servæ Dei, nunc Beate Catharinæ de Ricciis* plures propolite fuerunt tamquam miraculose sanationes a Febris malignis, sed nulla illarum fuit Miraculo adscripta, uti colligitur ex *Decreto edito die 14. Augusti 1732.* aut quia symptomata malignæ Febris ex dictis Testium desumebantur, & non ex attestacionibus Medicorum, qui curationi interfuerant, quorum examen fuerat omissum, aut quia de instantanea sanatione non docebatur, vel quia non aderat probatio momentaneæ recuperationis virium; abique eo quod Postulatorum intentioni prodesse potuerit ingeniosa ref-

ponſio, quòd, ſicuti in ſubita ignis extinctione, quæ contingit interceſſione alicujus Servi Dei, aut Sancti, de Miraculo non dubitaretur, etiamſi muri intenſè calefacti, & aliquantulum corroſi, ac debiles permanſerint, ita in ſanatione a Febre maligna pro Miraculo pronuntiandum eſt, ſi ea ceſſat in inſtanti, quamvis per aliquod tempus ſubſiſtat virium imbecillitas. Colligendum autem ex his eſſe videtur, quòd, ſi aliqua ſanatio a Febre maligna tamquam miraculoſa in Sacra Congregatione proponatur, afferri debent Medicorum atteſtationes, qui curæ interſuerunt, in quibus relata ſint Febriſ ſymptomata; exſpectandum eſt judicium Medicorum, quorum Conſilia pro veritate exquiruntur, cum ad ipſos pertineat judicium ferre de malignitate Febriſ, & an malignitas ex ſymptomatibus aptè deſumatur; inquirendum eſt de ejus duratione, de remediis adhibitis, vel non adhibitis, de excluſione bonæ criſis, de momentanea ſanatione, de perfectà immediata virium recuperatione, de perſiſtentia in ſanitate abſque recidiva, & abſque converſione in alium morbum. Dictum eſt, debere inquire de excluſione bonæ criſis, cum, juxta ea, quæ alibi expoſita ſunt, criſis, ut ſit ſalutaris, debeat optimis ſignis indicari, eſſe maniſeſta, fieri die critico, & ulterius debeat eſſe fida, & tuta, & conveniens tum morbo, tum naturæ, ſive conſtitutioni ægrotantis. Dictum eſt quoque, habendam eſſe rationem perſiſtentix in ſanitate abſque recidiva, & abſque converſione in alium morbum; nam juxta Hippocratem *progn. 2.* = *Quibus Febres ceſſant ſine ſignis coctionis, recidivam in his exſpectare oportet* = & jux-

tà ipſum: *Coctiones celeritatem judicii, criſis nimirum, & morbi ſecuritatem oſtendunt; cruda verò, & non concocta, aut in malos abſceſſus converſa dolores, aut diſturbitatem, aut mortem, aut recidivam afferre ſolent.*

19 Quærit Matthæuccius in ſua *Practica Theologo-Canonica tit. 3. cap. 3. §. 11. an, ſi in ſanatione a Febri maligna poſt invocatum Dei Servum Infirmus, qui deploratus ſomnum numquam noctibus præcedentibus capere potuerat, ſomno capiatur, & a ſomno excitatus liber a morbo undequaque inveniat, ſanatio inter Miracula debeat recenſeri; &, affirmando, reſpondet. De ſomno inquit Sennertus *Operum tom. 1. part. 3. cap. 5.* = *Spiritus in ſomno inſtaurantur, calorque febrilis extinguitur, & humoris morbiſci reliquia concoquantur, & abſumuntur.* = In *Cauſa Beatificationis Servi Dei Petri Forerri*, dum munere fungebam Fidei Promotoris, & de quadam ſanatione quærebatur, an eſſet Miraculo adſcribenda, difficultatem excitavi a ſomno petitam. At bonæ memoriæ Joannes Maria Lanciſius ita reſpondit: *Cum ſomnus hic tranquilliffimus non fuerit inductus ab aſſumpto aliquo narcotico, ſed a ſola proxime præcedenti invocatione, & admotione plena Fidei Reliquiarum Servi Dei, mihi quidem videtur, a Chriſtiano Philoſopho nec poſſe, nec debere, illum tribui naturali potius, quam ſupernaturali virtuti;* & Miraculo adſcripſit, quòd æger in placidiſſimum ſomnum compoſitus ſubito ſanus, & vegetus ſurrexit. Similem propoſui Animadverſionem in examine Miraculi, quod examinabatur in *Cauſa Canonizationis Beata Agneis de Monte Politano*. At Joannes Maria Thomafius celeberrimus Medicus, & alibi a nobis cum laude commemoratus putavit, eam*

non obesse Miraculo, innixus auctoritati Hippocratis, qui apbor. 1. scilicet. 2. ait: *In quo morbo somnus laborem facit, mortale; si vero iuvat, non mortale*; in cuius aphorismi explicatione Tozzius hæc habet: *Hippocrates non dixit, signum esse salutare, sed non mortale; si quidem somnus suepæ naturæ agritudinem lenire potest, at verò delere nequaquam*. Verùm & Lancisius, & Thomasius consulti in casu sanitatis a morbo, cuius vitium tam in liquidis, quàm in solidis multo tempore fuerat defixum, benè dixerunt, naturaliter impossibile fuisse, ut humores tam viscerati, & concreti per somnum dissolverentur, & in pristinum naturalem statum redirent, infirmusque sanus, & liber illico evaderet. Secùs autem dicendum esse videretur in liberatione a Febre acuta, eùm per somnum faciliè aliqua crisis sequi posset; in quo rerum themate, uti sæpe dictum est, sanatio tunc Miraculo adscribi non potest: unde Vallerius in lib. 2. Prognost. Hippocr. cap. 5. agens de prædictione ex somno, & vigiliis ægrotum petenda, postquam distinguit somnum in naturalem, præternaturalem, & criticum, subdit: *Somnus naturalis in Febris maxime est salutis argumentum: ex eo quippe elicimus, materiam morbi miscere, nec halitu acris feriri cerebrum, phreneticisque suspensionem, vel internis phlegmonis, aut lethargi periculum adesse*. Præterea, cùm in eo somno placido restitit facultatis robur emicat, ab ipsa morbum triumphatum iri, sper efflorescit &c. Sapius animadvertens est, per longiores somnos felices crises contingisse, debellatosque morbos &c. In somno longiore, sed critico, utique blando, ac placido, concoctionis perfectionem, ac sudores, & deinde dejectiones peritiles præstolabitur: &c, quod dictum est de somno quò ad Febrem

malignam, & acutam, a fortiori sibi vindicat locum in Febris synochis, & ephemeris. In Causa Beatificationis Servæ Dei Hyacinthæ de Marefcottis agebatur de sanatione instantanea a Febri, qua fuerant afflicti Vir, & Mulier, quæque tamquam miraculosa examini proponebatur. Ipse in meis Animadversionibus dixi, Febres fuisse leves, morbosque leves non esse subiectum Miraculi. Addidi, utrumque ægrum fuisse somno correptum, adeoque sanationem, etsi instantaneam eum recuperatione virium, non esse Miraculo adscribendam. Supra citatus Lancisius in suo Suffragio pro veritate exarato meis Animadversionibus adhæsit. En ejus verba: *Febres diaria, & synocha sunt adeò simplices, adeò mites, & extra periculum, ut nullus dubito affirmabit, Miraculi basin constituere posse; ubi enim de veris Miraculis in sanatis a Febris agitur, semper illas graves, malignas, & summo cum vita discrimine ægros male habuisse, supponitur; & paulò post sermonem habens de somno subdit: Somnus, cùm in sanguine, & spiritibus conceptum virium motum, & ex motu calorem, ac fibrarum tensionem leniat, & coerceat, assum temperare, dolores sedare, ac Febrem extinguere valet; & proinde de his sanationibus nulla habitanda est ratio in Causa Beatificationis dicte Servæ Dei*.

20 Hactenus ut plurimum de primariis Febris actum est, videlicet de illis, quæ nullum alium morbum sequuntur, sed a propria causa dependent. Nunc aliqua subdenda sunt de Febris symptomatiacis, quæ ab aliis morbis causam habent.

21 In Causa Canonisationis Sancti Francisci Solani inter ceteras sanationes, quas inter Miracula recensendas

236 *De Serv. Dei Beatif. et Beat. Canoniz.*

Postulatores contendebant, fuerunt, quæ sequuntur; illa videlicet sanationis Franciscæ Victoriæ a Febre maligna, & bubonibus, alia Petri ipsius Fratris eadem infirmitate laborantis; & demum alia Annæ Mariæ ipsorum Matris a delirio, & Febre maligna. Franciscæ Victoriæ correpta fuit vehementissimâ Febri cum vomitibus, & delirio, & sub ejus axillis detecti sunt duo bubones magnam duriem, & tumorem præferentes. Agnovit Medicus morbum pestilentialem, qui & deinde grassatus est in Civitate Montiliæ, in qua prædicti degebant: de qua Peste alibi a nobis sermo habitus est. Adhibita fuit sectio venæ, bubonesque inuncti oleo dulcium amygdalarum: sed morbus excrevit ita, ut Infirma fuerit Sacramentis resecta. Mater Infirmæ ex corde fugit ad opem Beati Solani, applicatâque Imaginē bubonibus, bubones illico evanuerunt, cessavit Febris maligna, & Aëgra omni ex parte sanata optimè se habuit. Sanatâ Filiâ, infirmata est Anna Mater; ex præcedenti quippe contactu Filiz vehementissimâ Febris ipsam aggressa est, mente capta evasit ita, ut non potuerint ei Sacramenta administrari, adhibitisque tribus sanguinis emissionibus, morbi pertinacia non cessavit: sed, invocato per Filiam Beati auxilio, Mater statim convaleuit, applicatâ ipsi Imaginē Beati. Postmodum Pests Civitatem Montiliæ invasit, supervenitque Petro Fratri, & Filio respectivè Sanatarum bubo in inguine cum magna Febri, & vomitu; in quo statu spatio unius dici perseveravit, licet oleo amygdalino fuerit inunctus: sed, factâ quoque ipsi applicatione Imaginis Beati, liber subito remansit a Febri, & bubone, & alterâ die ad sua ruralia munera rediit.

22 Prosper Bottinius tunc Fidei Promotor multa deduxit adversus facti probationem, & præterea animadvertit, tam Filiz, quàm Matri in morbi principio sectam fuisse venam, & Filiam, & Filium, seu Fratrem fuisse inunctos oleo amygdalino, nec novum esse, bubones, etiam pestilenciales, naturaliter sanari posse, & demum Matrem solâ Febri absque bubonibus laborasse. Postulatores in facto, & in jure scribentes oppositionibus ex facto, & jure petitis satisfacere conati sunt. Medici ad Causæ opportunitatem scribentes, Manfredus videlicet, & Trullius dixerunt, nullum quod ad Filiam dubium esse posse de Febre pestifera, cum deliriis, & sensuum turbationibus fuerit affecta, & bubones habuerit; tumores omnes, & sic etiam bubones, naturaliter cessare posse, sed vel per discussionem, quæ temporis moram exposcit, vel per retrocessionem, quæ majoris mali causa esse consuevit; de Febre Matris pestilentiali certissima suppetere argumenta ex deliquio, & delirio ex Medici attestazione, licet nullus tumor pestilens eam invaserit; idemque eò magis dicendum esse de Petro Fratre, qui bubonem habebat in inguine; & post ponderatam in omnibus Aëgris sanationis instantaneitatem conati sunt Sacre Congregationi suadere, triplicem eam sanationem esse Miraculo adscribendam, licet a Medicis sectio venæ fuerit adhibita, cum venæ sectio potius damnum, quàm utilitatem afferat in morbo pestilentiali, quorum eruditam catervam cumular, & sequitur Petrus Salius Diversus lib. de Febre pestilenti cap. 21. pag. 146. ita scribens: *Eorum autem sententia, qui in pestilenti Febre vena sectionem admiserunt, & laudant,*

vercor, ne in perniciem humani generis infecta fuerit: & latè prosecutus est Dominus Ludovicus Antonius Muratorius in Opere post ea scripta edito de Peste lib. 2. cap. 4. pag. 214. & sequentibus.

23 Tempore, quo agi coeptum est de prædictorum Miraculorum approbatione, debebat in Urbe clarissimus Malpighius, qui de sua sententia interrogatus, eam sequentibus verbis exposuit: E' certo, che la Figlia, ed il Figlio, furono oppressi da una Febbre pestilenziale, essendovi i dovuti segni, cioè la Febbre ardentissima, vomita, delirio, e buboni. Nella Madre è probabile, che la Febbre fosse per contagio, ma di minore attività. I tumori, che nella peste si manifestano nel principio della Febbre, o avanti nell' ascille dopo le orecchie, o nell' anguinaglia, benchè siano segni pestiferi, osserva però Sidenam, che alle volte si liberano: Vomitus enormes, dolor circa cordis regionem, vehementissima Febris ardens indefinenter, agros dirivexant, donec aut mors ipsa, aut benigna bubonis, vel parotidis eruptio, qua materiam morbificam ablegat, eos a luctuosissimo discrimine liberet. Lo stesso conferma il Diamembreck, che in questo secolo medicò in una ferissima Peste: Tumores in emunctoriis laudabiles erant, quo citò prodibant, & præcipuè si ante Febrim prodirent, cita sanationis, & salutis magnam spem dabant. Circa la condizione de' tumori osserva il Diamembreck, che tumores in principio duri instar tendinis cum tolerabili dolore, hominum erat, præcipuè si in crescendo duritiem illam aliquando servarent. La retrocessione de' buboni suol' essere funesta; ma essendo piccolo il tumore, e non avendo la sua materia concepito maggior corrutela con la fermentazione, forse non accese fuoco nelle viscere, tanto più che con olio di mandorle dolci fu fomen-

tato, atteso che osserva Carlo della Font de Pest. = In exoticis Regionibus serò nullo vi disse ex ipsi extinctos, quibus hoc in prima pestis invasione administrabatur. Hoc autem parabat ex æquis partibus olei communis, & vini, quod quotidiano, ut dixi, usu comprobari videtur. E benchè l' Autore proponga l' olio per bocca, per invischiare i sali corrosivi, che formano la Peste, gli stessi possono anche localmente applicati insinuarsi nella materia contenuta nel bubone. Circa l' emissione del sangue stimata nociva nella Peste, sono in contrario sensu Sidenam, e Tratallo: Nullam Pestem esse putò, cui hæc non posset esse salutaris supra omnia remedia; e la vogliono copiosa. Intorno al modo, essendo instantaneamente, è mirabile.

24 Ut alibi animadversum est, Canonizationum Causæ ut plurimum in longiora tempora protrahuntur: quapropter longè post obitum memorati Malpighii reposita Causa Beati Solani super Miraculis, super qua nulla fuerat edita resolutio, bonæ memoriæ Emanuel Lopez Dissertationem super prædictis Miraculis exaravit, in qua asseruit, Matris Febrim fuisse gravem ob symptomata, syncopem, videlicet, faciem cinericam, & delirium continuum, fuisse pestilentialem, bubonum retrocessionem tum in Filia, tum in Filio naturaliter debuisse esse funestam; de oleo amygdalarum nullam esse habendam rationem, tum quia aliud est, quod oleum per os assumatur, & aliud, quod exterius adhibeatur, tum quia inutile erat tam subitam bubonum diffusionem a sola olei inunctione expectare; & quæstionem de sanguinis missione an proffit peste correptis, nullum in proposito casu sibi vindicare locum, cum in eo post sanguinis missionem omnia ruerint in de-

238 De Serv. Dei Beatif. et Beat. Canoniz.

terius. Bonæ memoriæ Joannes Maria Lancisus pro veritate sensum suum de mandato Summi Pontificis aperiens adhæsit sententiæ Lopez. At Sacra Congregatio, re maturè discussâ, inter Miracula, quæ approbavit pro Canonizatione Beati Solani, non recensuit sanationem Matris, nec Filii, sed tantùm Franciscæ Victoriz Filiz a peste, & Febre maligna, uti colligitur ex Decreto edito die 14. Julii 1726.

25 Non recensuit autem inter Miracula sanationem Matris, non quia verè dari non possit vera Febris pestilentialis sine bubonibus, uti quoque benè admisit bonæ memoriæ Joannes Maria Lancisus in suo *Suffragio*, sed quia juxta censuram Malpighii Febris Matris minoris fuit activitatis, & de ejus instantanea sanatione non constabat. Rursus inter Miracula non recensuit sanationem Filii ob defectum sufficientis probationis. Recensuit autem inter Miracula sanationem Franciscæ Victoriz Filiz tum ob Febris gravitatem, tum ob bubones, juxta Riverium in *Præxi Medica* lib. 17. sect. 3. cap. 1. pag. 360. §. Carbunculi, ubi ita scribit: *Bubones maximam testantur malignitatem, & maximum periculum minantur, cum eos Febres comitari soleant, quarum peculiaris caracter in eo constitutus est, ut ex iis plures intereant; & demum ob instantaneam, perfectamque sanationem.*

26 Præterea bubonum retrocessio ad applicationem Imaginis pro re, de qua agebatur, in maximo pretio habita est. Carolus Vallchius de *Peste* cap. 8. pag. 117. sanitatem spondet ægris, si bubones ad maturitatem perducantur, & interitum, si sponte evanescent: *Si bubones in peste*

perducantur ad maturitatem, victicis natura triumphos spondent; seu verò evanuerint, licet æger convalescere videatur, repente occumbit. Ambrosius Parvus celeberrimus Chirurgiz Artifex, & Scriptor, qui in Civitate Lugdunensi debebat tempore pestis unâ cum Carolo IX. Gallorum Rege, testatur, se oculis propriis vidisse, unam ex Ancillis Reginz Matris, exteritis omnibus, mortuam esse post tertiam diem bubonis ad interiora refluxi, licet receptæ, & consistentis sanitatis indicia præstulisset, uti videri potest lib. 21. cap. 17. pag. 467. Ludovicus Septala, qui grassante peste Mediolani tempore Sancti Caroli Borromæi operam Medicam per biennium præstitit, in suo *Opere de Morb. contag.* pag. 124. perniciem bubonum, qui introvertuntur, in hanc sententiam expressit: *Malignitatem verò multo majorem adesse ostendunt, ubi aut difficiilius suppurantur, aut exigui sunt, aut, quod pessimum est, ubi semel oborti fuerint, iterum postea delitescunt, quod naturam resolvit, venenumque intrò remeare, & mortem subsequituram faciliè ostendunt.* Hoffmannus in *Medicina rationali* tom. 4. part. 1. sect. 1. cap. 12. de Febris pestilentiali §. 7. observat, pestilentialia hujus Febris venenum non expelli, ut in aliis Febribus malignis, per sudores, neque per alvi, aut urinæ fluxum, neque per profluvium hæmorrhoidum, aut mensium, sed tantùm per excretionem, quæ fit per tumores in externo corporis ambitu prodeuntes, quorum venenum, si subito relabatur, sphacelum inducit, & ocus ad omnia viscera, & ipsum sanguinem serpit, uti prosequitur §. 9. Univerfa pariter Medicorum, & Chirurgorum Schola id unum sollicitè in bubonum retropullione studet,

det, ut emplastris suppurantibus, cucurbitulis, atque etiam epispasticis, hoc est erodentibus, iterum veneficus humor ad pristina loca reducat, & inde extra corpus evacuetur. Quinimmo commune eorum præceptum est, ut, etiam si bubones, & carbunculi nondum ad maturitatem perducti sint, non expectetur suppuratio, sed immaturi aperiantur, ut sic detur exitus miasmati venenato, quod si retropellitur, massam sanguinis inficit, & mortem cum diris symptomatibus, præsertim cum syncope, & convulsionibus infert: Hieronymus Mercurialis *Comment. in Hippocr. Progn.* fol. 178. hanc regulam generalem statuit: *Ubi recurrunt inferiores abscessus, & absque coctionis signo delirescunt, esse prædicendum, & mortem, & delirium, & hac est causa, quod melius multò est, ut non fiant abscessus, quam ut fiant, & statim delirescant, atque recurrant;* & redeundo ad bubones, Horatius Augenius de *Febribus* lib. 8. cap. 3. fol. 217. hæc habet de bubone pestilenti: *In primis autem illud malum in hujusmodi effectu cernitur, si pars in tumorem elata repente ad naturalem statum sese convertat; virulentia enim humoris ad extimas partes prorumpens ad interiora viscera præstantissimè revertitur;* atque subscribunt Gaspar Calder de *Heredia in Tribunali Medico Magico, & Politico* part. 1. de *Peste Hispanensi* stat. 7. litteræ B. fol. 330. Joannes Dollzux *Encycloped. Chirurg.* tom. 2. lib. 3. cap. 3. de *Bubone*, §. 11. pag. 64. Carolus Mulsitanus *Chirurg.* Tract. lib. 1. cap. 53. de *Bubone pestilenti* pag. 291.

27 Absque eo quod pro excludendo Miraculo, aut venæ sectionis, aut olei amygdalini exterius adhibiti ulla consideratio haberi poterit, vel quia

post ea remedia Febris adaucta est, vel quia oleum amygdalinum exterius adhibitum potuit quidem laxare tensas fibras, sed neuitquam cicurare pestilentielle venenum in bubonibus, vel quia etiam admixta utilitate sectionis venæ in hisce morbis, cui tot insignes Medici adversantur, & quam Fallopius de *Tumoribus* cap. 11. pag. 116. statuit vix recipiendam in Febris pestilenti, & pura, sed sine bubone, retentæque sententiæ Celsi, qui lib. 3. cap. 4. suum in hac controversia aperit sensum sequentibus verbis: *In hac (loquitur de Febre pestilentiali) minimè utile est fame, aut medicamentis uti, aut alvum ducere; si verd vires sinunt, sanguinem mittere, optimum, præcipue si cum dolore Febris est;* edque magis, si sectio venæ non adhibeatur in principio post invasionem, ubi terrore, & metu æger jactatur, sed secundo, vel tertio die, si urget plethora, & vires sinunt, & sanguinis emissio sit moderata, veluti concludit Hoffmann *loc. cit.* §. 7. repentina tamen, & instantanea sanatio, & transitus immediatus a desperato statu ad sanitatem perfectam sine Miraculo sequi non poterat.

28 Adedque Sacrorum Rituum Congregatio sanationem Franciscæ Victorix recensuit inter Miracula tertii generis, cui sententiæ suffragati fuerant tum Medici curæ, tum ceteri, qui in Urbe scripserant, vocati ad iudicium pro veritate ferendum, a quibus in suo Suffragio clarissimus Malpighius non recesserat, ut ex ejus verbis supra recensitis desumitur: *Intorno al modo essendo instantaneamente, & mirabile.* Et quamvis ipse scribens uti Fidei Promotor dixerim, a Malpighio sanationem non fuisse dictam miraculosam, sed mirabilem, & Miraculum

lum differre a mirabili, juxta ea, quæ habentur apud Scacchum *de Notis, & Signis Sanctitatis* sect. 8. cap. 1. pag. 366. & apud Mattam *de Canonizatione Sanctorum* part. 3. cap. 21. num. 1. suffragium tamen ferens in Sacra Congregatione, uti ejusdem Consultor, non solum dixi, mirabile aliquando fumi pro vero Miraculo, juxta illud Ecclesiastici cap. 48. num. 4. = *Sic amplificatus est Elias in mirabilibus suis* = sed etiam subdidi, Malpighium de vero Miraculo locutum fuisse, licet tertii generis, cum vim constituerit in modo sanationis, videlicet in ejus instantaneitate.

29 Febris erysipelacea aliquid affinitatis habet cum Febre pestilentiali, nam sicuti hæc subito cum intenso horrore, æstu, virium prostratione, vehementi dorſi, capitisque dolore, vomitu, & delirio accedit, ita & sæpiſſime erysipelas statim in principio iisdem symptomatibus stipatur; & sicuti in peste nil periculosius, quàm si materia expulsa ab externis ad interiora relabatur, sic eadem noxa, idemque periculum metuendum a retrocessione erysipelatis. Differt autem erysipelacea Febris a Febre pestilentiali, quòd, non ex contagio, sive causa externa, sed interna oriatur, nec contagiosa sit, nec alios solà exhalatione inficiat, neque tam virulenta sit, & cum mortis periculo juncta, quemadmodum fusè legi potest apud Hoffmannum *tom. 4. part. 3. sect. 10. cap. 13. §. 1. & sequentibus*. Dictum est autem, metuendum esse a retrocessione erysipelatis, quod confirmatur sententià Hippocratis *Epid. lib. 1. sect. 3. text. 8.* = *Quæcumque sine signo aliquo disprens, difficilis sunt judicationis, ut Puella Polimarci erysipelas; in cujus sextus Commentario Franciscus Val-*

lesius inquit: *Erysipelas non potest bene solvi, nisi paulatim, & exculd in parte male affecta cute, reliisque vestigio. Si nullo relicto evanescat repente, non debet probari ea solutio; significat enim introverti, quod tantopere in Prognostico vituperatur. Item eodem loco text. 36.* Hippocrates subdit: *Tumores præter rationem levantes fallax ut Andronici Tuero erysipelas recurrit; ibique Vallesius hæc habet: Fallax salus est, tumores repente evanescere, quod Hippocrates millies docet, & nunc recordatus Tuero Andronici exemplo confirmat.* Celebris demum est ejusdem aphorismus 25. lib. 7. = *Erysipelas ab exterioribus versi ad interiora, non est bonum; ab interioribus autem ad exteriora, bonum; & Tozzius in Commentariis ad hanc aphorismum bene notat, quod per versionem eryipelatis ad externas partes indicatur, interiora viscera remanere libera ab ægritudine, & e contra introversionem erysipelatis faciliè inficere sanguinem, qui per interna viscera perpetuò circumit. Addit, perniciosam introversionem erysipelatis esse, cum citra quæcumque occasionem, aut causam externam evenit, si enim fortè eveniret ex ambiente frigido, a lotionne aquæ gelidæ, ab applicatione medicamentorum refrigerantium, & repellentium, malum esset, sed minus profectò malum, cum id non eveniret ex defectu naturæ, neque ex vitio peccantis humoris, & bonum esse erysipelas extra versum, si per hujusmodi extraversionem liberentur partes internæ, quod prudens Medicus conjiciet, si Febris, sitis, ardor, inquietudo, & cetera symptomata, quæ cum erysipelate conjunguntur, omnino desinunt, vel magna ex parte remittuntur; secus, si perseverent, nec ullâ ratione intermittantur.*

30 Actum fuit in Causa Canonisationis Sanctæ Tereſiæ de liberatione cuiusdam Monialis a gravi eryſipelate, & ingenti Febre. Franciſcus Maria Cardinalis a Monte in Relatione facta in Conſiſtorio ſecreto coràm Sanctæ memoriæ Gregorio XV. ita factum expoſuit: Anna a Nativitate Monialis Conventus Mediæ del Campo eryſipelate, ac Febre graviter afficiebatur, cui Tereſia primùm blandita, deinde affecta loca leviter manu attritans: Bono animo, inquit, ſis, Filia. Deus, ut ſpero, te hoc modo abſolutam dimiſſet, atque extemplo omnis ab ea morbus expulſus eſt. Auditores Rotæ in ſua Relatione latiùs factum expoſuerunt, narrantes, Monialem a pluribus annis eryſipelate cum Febre laboraſſe, naſeque adeò intumuiſſe eryſipelate, ut Medici timuerint, ne in illis cancer generaretur. Inſtantaneam ſubinde ſanationem ponderarunt, & modum operandi per contactum manus ad inſtar plurimorum Miraculorum a Jeſu Chriſto, & ab Apoſtoliſ patratorem: unde non dubitarunt iudicium ferre pro miraculoſa ſanatione; ſimileque iudicium tulerunt in conſimili factò in Causa Sancti Petri de Aleantara, ut in ipſorum Relatione art. 3. Miracul. 3.

31 Porro, ſi, probatà gravitate morbi, idem iſtantaneè recedat ad contactum manus Servi Dei, de cuius Sanctitate quo ad Virtutes heroicas, jam latum iudicium eſt, nemo eſt, qui non videat, tutò pronunciarì poſſe pto Miraculo. At, ſi ſanatio ad contactum manus non accidat, & aliqua naturalia remedia, fuerint antecedenter applicata, quæ tamen inutilia fuiſſe contendatur, aſſumenda eſt ſolertius indago de qualitate morbi, de remediis adhibitis, de modo ſanationis, de excluſione

criſis, & de perfectæ ſanitate, & ſic de non reverſione morbi, juxtà ea, quæ alibi dicta ſunt, cum eryſipelas ſit morbus reverſivus teſte Sennerto lib. 2. de Febribus cap. 16. = Soles enim hic morbus nonnullis familiaris, & quaſi hereditarius eſſe, eoſque ſapiùs invadere.

32 Eryſipelas juxtà Practicos diſtinguitur in verum, quod ſimplex, & in nothum, quod ſchorbuticum nonnulli vocant, quod & ſubdiſtinguunt in illud, quod cum, vel ſine exulceratione eſt; & Eryſipelas nothum ſubdunt aliud eſſe phlegmonoides, aliud ſcirroides, aliud xedematoides, quod eſt idem ac dicere modò congiungi phlegmonibus, & tum maxime periculoſum eſſe, modò ſcirris, quod morbi longitudinem facit, modò denique xedemati, quo in caſu, ſi exulceretur, faciliùs in gangrenam vertitur, & Febrem eryſipelaticeam modò idiopathicam, ſive morbum primarium, modò ſymptomaticam, ſive morbum ſecundarium dicunt; & facilioris curationis aſſerunt eryſipelas, verum, quàm nothum, & eryſipelas ſine exulceratione, quàm cum exulceratione. Præterea docent, eryſipelas non eſſe in omnibus unius ſemper indolis, ac vehementiæ, cum in quibuſdam, & maxime juvenibus, materia nec adeò virulenta, nec adeò multa ſit, nec Febrem intenſam moveat, & e contra in ſenibus, & impuris corporibus Febris eſt ærior, diu affligit, & cum majore periculo; & demum diſſerre eryſipelas ratione partium, quibus incumbit, veluti latè proſequitur Hoffmannus cit. ſect. 1. cap. 13. §. 4. & ſequentibus. Unde Paulus Ægineta in Chirurgia Medica tit. Eryſipelas, ſeu Reſa, lib. 4. cap. 21. ſcribit, eryſipelata, quæ cæ-

H h

piti

242 *De Serv. Dei Beatif. et Beat. Canoniz.*

pitii potissimum eboriuntur, plus facessere negotii, adeoque esse periculosa, ut, nisi efficax consequantur auxilium, interim quoque affectos strangulent; & Munnicks in sua *Cirurgia* lib. 1. cap. 5. num. 7. subdit: *Equidem raro periculosus est affectus eryspelas, nisi ab exterioribus ad interiora materies repellatur; periculosior verò, si circa oculos, fauces, aliasque nobiles partes consistat, aut si vulneri, ulceri, fractura, luxationi superveniat.* Sequitur Franciscus Romanus *Consil. Medic. Chirurg.* 31. ubi de erysipellate sic loquitur: *Sed cum caput occupat, non solum est malum, verum etiam exitiale, ut prater Celsum lib. 3. cap. 26. refert Paulus lib. 4. cap. 21. & notavit Aetius, precipue cum in dies exerceat; non enim semel vidimus, caput hoc malo correptum ad maximam, monstrosamque magnitudinem devenisse, & egrotantes fatis cecidisse; & de erysipellate exulcerato subdit Fernelius de ext. corp. affect. lib. 7. cap. 4. his verbis: Alterum, quod Celfo sacer ignis nuncupatur, est exulceratum eryspelas. Hujus dua species sunt. Una, qua summa cutis sine altitudine exulceratur, in qua & crustula instar purpuris excitantur. Altera, cujus exulceratio altius in cutem penetrat, e qua, ruptis pustulis, purulenta sanies exit; & Tagaultius Chirurg. Instit. lib. 1. cap. 8. ita exponit naturam erysipelatis exulcerati: Atque aliquando cutis exulceratio spatio temporis ad profundum pervenit, ita ut inferiorem, seu subiectam carnem attingat, nuncupaturque tunc ejusmodi affectus etiam eryspelas, sed cum ulceratione, quod, Galeno auctore ejusdem generis est cum herpes.*

33 Bis actum fuit de sanatione ab erysipellate inter Miracula recensenda, dumungebar munere Fidei

Promotoris, in *Causa* videlicet *Canonizationis Sancti Turribii, & in Causa Canonizationis Sancti Joannis de Cruce.* In prima agebatur de erysipellate, quod caput invaserat, cujusque sanatio tamquam miraculosa proponebatur, quia applicata Imagine Beati dolor cessavit, æger placide dormivit, & expergefactus, a Febri, & omni morbo liber evasit. At, præter Animadversiones adversus facti probationem excitatas, cum observatum fuerit tum a meo Prædecessore Prospero Bottinio, tum a me, erysipelas potuisse esse crism naturæ, & hunc morbosum affectum naturaliter pelli potuisse per sanguinis emissionem, quæ pluries a Medico fuerat adhibita, item morbum fuisse paucorum dierum absque symptomatibus lethilibus, somnum potuisse magnum levamen conferre, & tandem post primam sanationem morbum recruduisse, responsiones a Jure, vel a Medicina petite nihil proficere potuerunt, & Sacrorum Rituum Congregatio inter ea, quæ approbavit, Miracula sanationem ab erysipellate non recensuit, uti colligitur ex *Decreto edito die 11. Januarii 1726.* In secunda agebatur de instantanea sanatione ulcerosi, & maligni erysipelatis, quod capiti incumbabat. At, præter oppositiones a me factas adversus vim probationis, cum demonstraverim, multa applicata fuisse apta medicamenta, morbum fuisse in ultima parte status, sanationem non fuisse instantaneam. Sacra Congregatio abstinuit ab ea sanatione approbanda tamquam miraculosa, uti desumitur ex *Decreto edito die 5. Februarii 1725.*

34 Angina dicitur ab angendo, & anginam dicere possumus spirandi,

di, & deglutiendi molestum laborem faucibus inflammatis, atque intumescens. Distinguitur a Præcisis in *veram*, & *notam*. *Vera* oritur a sanguinis flati. *Notam* magis a congectione seti, quàm sanguinis, inflammatoria in faucibus, & collis internis. *Vera* morbus acutus est, nunquam sine rigore, & Febre. *Notam* junctam habet Febrem plus lymphaticam, & catarrhalem, quàm acutam. Si angina internis laryngis musculis insidet, & in ea exterius non rubor, sed internè ardens dolor urget, & ob angustatum asperæ arteriæ caput vox non modò supprimitur, sed & spiritus difficilis redditur, evidenti non caret periculo, ut innuit Hippocrates *Prædict. lib. 3. cap. 109.* = *Angina gravissima est, & celerimè interimit, qua neque in cervice, neque in faucibus conspicitur quid habes; hæc etenim eodem die, & secundo, & tertio, & quarto strangulat.* Idem Hippocrates *apbor. 10.* hæc habet de angina: *Quicumque ab angina liberantur, is ad pulmonem revertitur, & in septem diebus pereunt, si verò bos effugerint, supperantur;* & *apbor. 37.* = *Angina correpto si tumor fiat in collo, bonum, foras enim morbus deducitur.* Sensus aphorismi decimi est, quod illi, qui ex angina videntur liberati, sed citra inflammationis maturationem, aut resolutionem, & sine ulla manifesta materiz expurgatione, incidunt in pulmonis inflammationem, & humore in pulmonem translato tumore ipsius partis affectæ respiratori destinatæ, tum etiam ratione Febris adjunctæ acutissimæ imminet periculum vitæ; & sensus secundi aphorismi est satis clarus, cum in eo Hippocrates repetat, quæ supra de erysipelate dixerat, & nos cum eo

asseruimus. Legi potest Tozzius in *Commentariis ad dictos apborismos*; & duce eodem Hippocrate in *Libro de loc. in hom. §. 1.* tam veteres, quàm recentiores Medici unicum adversus hunc morbum præsidium constituunt in venæ sectione: *Angina affectis a sanguine in venis colli collecto, & coagulato sanguinem ex venis brachiorum, & pedum detrabet, & simul alvum infernè subduces;* quò, quod morbum exhibet, detrabatur. Qui plura scire cupit de angina, manum admoveere potest ad citatum Opus Hoffmanni *sect. 2. cap. 4.* Sed hæc innuisse satis sit pro eo, quod pertinere potest ad nostrum præfens institutum; ex illis enim Sacræ Congregationis Consultores satis aptè desumere poterunt, quandonam liberatio ab angina Miraculo adscribi possit. Nec enim satis est, ut liberatio in instanti contingat, uti vult Matthæucci in *Præfata Theologo-Canonica tit. 2. cap. 3. §. 8.* cum aliquando ipsa angina naturaliter rumpatur, & qui pro mortuo lugebatur, integram consequatur sanitatem, juxta casum relatam apud Schenckium *lib. 3. observ. 3. pag. 301.* sed oportet ulteriùs, ut qualitas anginæ serio examinetur, indago instituat de symptomatibus, & de Febre eam concomitante, de remediis adhibitis, si fuerunt adhibita, & præsertim si sectio venæ facta sit, de crisi exclusione, & an sanationi ab angina alius morbus successerit, vel qui jam sublatus videbatur, redierit. Fuerunt hæc a me, dum munereungebar Fidei Promotoris, pensata in *Causa Sancti Joannis de Cruce*, in qua inter cætera Miracula, proposita fuit instantanea sanatio Barnabæ de Medina Medici a strangulante angina, de qua tamen nulla

244 *De Serv. Dei Beatif. et Beat. Canoniz.*

fuit habita ratio, ita ut bonæ memoriæ Antonius Pacchionus celebris, dum viveret, Medicus a Sacra Congregatione electus, ut suum iudicium ferret super Miraculis, quæ in ea Causa proponebantur, licet de aliis propositis iudicium tulerit, visis prædictis Animadversionibus, nullum in sua *Dissertatione* fecerit verbum de liberatione a strangulante angina, eam hoc modo modestè a classe Miraculorum rejiciendo.

33 In Causa Canonizationis Sancti Laurentii Justiniani inter cæteras sanationes, quæ tamquam miraculosæ proponebantur, erat illa instantaneæ liberationis a Tetano, quo æger afflatus fuerat per dies viginti unâ cum Febre. Tetanus spasmus quædam species est, vel convulsio. Verbum græcum est, & Latini morbum hunc generico nomine distensionem appellant. Tetanus enim est nervorum tensio æqualiter in toto corpore facta, per quam illud rigidum, & immobile remanet, cum partes anteriores æque, ac posteriores contrahantur. Duo sunt aphorismi Hippocratis de hoc morbo loquentes: alter est: *Quicumque Tetano corripitur, in quatuor diebus pereunt; si vero hoc effugerint, sani sunt*; alter est: *Ab æstivis fortibus convulso, aut Tetano, malum*. Tozzius plura adnotavit in *Commentariis ad illos aphorismos*; & in *Commentariis ad primum supra dictum* observat, tempore Hippocratis Tetano correptos post quartum diem mortem evadere ob salubriorem incolatus constitutionem, vel ob fortiores corporum temperaturas; sed hodie in septimo, atque etiam post septimum diem eo morbo affectos periclitari. Scripsit Zacchias super Miraculo, quod proponebatur in Causa Sancti Laurentii; & *Consilium*

impressum est, post Quaestiones Medico-Legales ab eo editas, Censuerat ipse sanationem miraculosam: sed, cum in sua *Consilio* dubium excitasset, quod Sanatus fuerat Febri affectus, & quod ex Hippocrate, & multò magis ex ipsa experientia habetur, Febrem aliquando convulsioni remedio esse, & per eam resolvi materiam, quæ convulsionem excitavit, quamvis dubitationi satisfacere conatus fuerit, ejus tamen responsiones nihil profuerunt, nec proposita in ea Causa sanatio fuit adscripta Miraculo; & bonæ memoriæ Romulus Spetiolius Archiater sanctæ memoriæ Alexandri Papæ VIII. electus, ut suum pro veritate ferret iudicium, in suis *Medicis Ponderationibus, prælo editis*, in quibus nonnullas alias propositas sanationes censuit miraculosas, nullum verbum fecit de prædicta, ipsam, uti supra dictum est, hoc modo modestè rejiciendo.

36 Ne Caput hoc in immensum excreseat, aliqua tantum addemus de Febre pneumonica, pleuritica scilicet, & peripneumonica; morbus etenim hic nostris temporibus est frequentissimus, adeoque sæpe se offert occasio disserendi de sanationibus ab ipso, quæ tamquam miraculose proponuntur in Sacrorum Rituum Congregatione. Gordonius in *Lilio Medicinae partikulæ 4. cap. 8. de Pleurisi* signa exponit, quibus pleuritice Febres mortales dijudicantur: *Omnia signa pleurisi, si fuerint multum intensa, & laboriosa, mortem significant, sicut est dolor vehemens, cum virtus totaliter prosternatur ex vehementia doloris. Similiter vehemens difficultas anhelitus &c. Similiter si tussis laboriosa impediatur somnus, & cibum &c. Ex spūo similiter accipiuntur signa mortalia, sicut cum est lividum, nigrum, viscosum, & cum laboriosa tussi.*
Si.

Similiter cum non potest expelli &c. Et est intelligendum, quod in Pleurisi, & in quacunque agitudine, si Medicus rectè operetur: & nullus error intercedat, si pateret propter medicamina rectè applicata universalia, & particularia, non alleviatur, sed aggravetur, signum est pessimum, & mortale: quæ omnia signa repetuntur etiam a Sennerto, Zacuto, Hortlio, quibus ex nostris adhæret Villalpand. in Append. Prætermis. ad Tract. de Magia cap. 3. ad lib. 1. num. 13. & sequentibus.

37 Febris hæc est inflammatoria, & inflammatio in thorace partibus insidet diversis, & varia non modò accipit nomina, sed differt symptomatibus, eventu, & curandi ratione. Antiqui Medici putarunt subiectum Pleuritidis, & Peripneumonix esse pleuram, Medici mediæ ævi asseruerunt, in Peripneumonia pulmones, in Pleuritide pleuram cum musculis, quos succingit affici. At recentiores Medici accuratâ anatomicâ partium cognitione instituti pleuriticum malum omnino volunt in pulmonibus consistere. Id comprobavit Hoffmannus in *Dissertatione de Pleuritide, & Peripneumonia*; & Dominus Pascolus in suo *Tractatu de Homine, feve de Corpore humano lib. 2. sect. 3. cap. 2.* ita locutus est: *Nos autem, qui, quoties Pleuritide, & Peripneumoniam interfectos secari fecimus, toties promiscue, modò tamen magis, modò minus pleuram unâ, & pulmones aequè inflammatos vidimus; & in Commentariis de nostro Bononiensi Scientiarum, & Artium Instituto atque accademia pag. 153. narratur, quod anno 1705. cum in Accademia sermo propositus esset de Pleuritide, Dominus Morgagnus magni utique nominis Physicus tunc Accademix Princeps sensit, in pleuritide vitium potissimum esse in pul-*

monibus; sectis enim Cadaveribus eorum, qui legitimâ Pleuritide interierant, inventi sunt ipsorum pulmones exteriore interdum parte usque adeò depravati, atque corrupti, ut partis hujus portio aliqua inter trahendum facillimè lacerata, & divulsa adnexæ pleuræ adhærens relicta sit, quæ tamen pleura, abrais diligenter pulmonum reliquiis, illæsa omnino apparuit, vel tantùm nonnihil rubra; citatque Hoffmannus tom. 4. *Medicina rationalis part. 1. sect. 2. cap. 6.* docet, quod, si inflammatio externas tantummodo partes occupet thoracis, Pleuritis est, sed spuria, si membranosæ pulmonaris substantiæ superficiem, Pleuritis est vera; si verò altius in ipsam pulmonem substantiam descendit, gravior est, atque profundior, & peripneumonica appellatur.

38 Testatur idem Author, in *spuria* Pleuritide dolorem esse valde acutum, & pungitivum lateris, tussim esse siccam sine ejectione materiæ pituitosæ, vel cruentæ, & junctam esse Febrem cum pulsu subduro, depresso & frequenti; in Pleuritide vera majorem esse, quàm in spuria angustiam spirandi, sputum esse cruentum, & Febrem concomitantem esse magis acutam, ac in spuria: in Peripneumonia verò dolorem esse magis tensivum, obtusum, majorem esse spirandi difficultatem, & anxietatem, & in majori periculo ægros esse constitutos, cum facile moriantur, & præsertim si senes sint. Tandem citatus Hoffmannus testatur, in nulla, alia Febre crises esse frequentiores, quàm in hac, nullam aliam Febrem facillè recidivare, ac Febrem pneumonicam, & ad præcavendum inflammationis incrementum nihil esse utilius sanguinis emissionem. Porro ex his Consultores:

Sa.

246 De Serv. Dei Beatif. et Beat. Canoniz.

Sacræ Congregationis poterunt facile cognoscere non solum naturam morbi, de quo agitur, sed etiam ejus gravitatem, facilitatem crisis, periculum recidivæ, & utilium remedium usum: quæ omnia sedulo animadvertere debebunt, antequam de sanatione miraculosa ferant judicium, quod optimè præstiterunt in *Causa Beatificationis tunc Servi Dei, deinde Beati, nunc Sancti Joannis de Cruce*, in qua ex adhibita potissimum venæ sectione instantanea quædam sanatio a Febri pleuritica non fuit Miraculo ascripta. Hoc ipsum accuratissimè de more præstitit Dominus Joannes Maria Thomæ Medicus sæpe a nobis cum laude commemoratus, electus ut suum pro veritate ferret suffragium in *Causa Canonizationis tunc Beata, nunc Sanctæ Agnetis de Monte Polistano*; in quarto enim, quod tamquam Miraculum proponebatur, instantaneæ sanationis cujusdam Mulieris a Pleuritide, & Febre maligna, adhæsit Animadversionibus a me uti Fidei Promotore propositis, dixitque, miraculosam haberi fortè potuisse hanc sanationem, cum naturaliter possibile non esset, Pleuritidem paucarum horarum spatio posse judicari, & multò magis sine ulla crisi, sed se eam uti talem approbare non posse, cum Mulier sanata per multos menses dolore laborasset, & histericis affectionibus fuisset obnoxia, ita ut periculum adfuerit, ne ab his simile quid proditum esset, quod Pleuritidem simularet, cui Febri potuit esse proficua, utpote solvens materiam, quæ causabat dolorem. Sensit autem idem Thomæ, instantaneam sanationem Morbialis a Pleuritide cum Febre gravif-

lima, ac a tumore erysipelatoso in crure dextero esse Miraculo adscribendam, quod & deinde admissum fuit a Sacra Congregatione, uti desumitur ex *Decreto edito die 2. Aprilis 1726.* sed postquam ostendit, Pleuritidem non fuisse spuriam, sed veram, fluida Infirmæ fuisse in tali concretionis gradu constituta, ut natura non solum apta non esset ad utiles, & necessarias secretiones exercendas, sed a magno fluidorum vitio quasi depressa ad alias cogeretur morbosas depositiones, & demum nullam præcellisse secretionem per sputum, per sudorem, aut per aliam viam; in quo proinde rerum statu Pleuritis in morbum graviolem, ac contumaciorlem transire solet, uti etiam observavit diligentissimus observator Nicolaus Chesnau in *secundo Libro suarum Observationum*, ubi inquit: *Nisi Pleuritidis solvatur sudoribus, vel hæmorrhagiis, vel sputis, transit in Peripneumoniam intra septem dies, aut in abscessum, aut in empiemam post decimum quartum; & facit apborismus Hippocratis: Quicumque morbo laterali laborantes intra quatuordecim diebus non repurgantur, is ad suppurationem vertuntur.* In Latina versione scribitur: *Quicumque morbo laterali; sed in Græco Codice scribitur: Pleuritico*; unde de Pleuritide intelligendus est Hippocrates, non de morbo laterali, qui costis, & musculis intercostalibus externis accidit; in hoc enim repurgatio per sputum, quæ ab Hippocrate memoratur, expectari non potest, quæ benè sperari potest in morbis pectoris partes internas afficientibus, uti benè ponderat Tozzius in *Commentariis ad dictum apborismum.*

CAPUT DECIMUM NONUM.

De miraculosis sanationibus a variis infirmitatibus.



E Christo Domino in Evangelio Matthæi cap. 4. legitur: *Es circuebat Jesus totam Galileam, docens in Synagogis eorum, & prædicans*

Evangelium Regni, & sanans omnem languorem, & omnem infirmitatem in Populo; & abiit opinio ejus in totam Syriam, & obtulerunt ei omnes malè habentes, variis languoribus, & tormentis comprehensos, & qui Dæmonia habebant, & lunaticos, & paralyticos, & curavit eos; & cap. 8. = Omnes malè habentes curavit, ut adimpleretur, quod dictum est per Iſaiam Prophetam dicentem: Ipse infirmitates nostras accepit, & agrotationes nostras portavit; & Marci cap. 1. habetur: Vespere autem facto cum occidisset Sol, afferébantur ad eum omnes malè habentes &c. & curavit multos, qui vexabantur variis languoribus; & Lucæ cap. 4. = Cum autem Sol occidisset, omnes, qui habebant infirmos variis languoribus, ducebant illos ad eum. At ille singulis manus imponens, curabat eos; & Lucæ pariter cap. 6. = Et omnis turba querebat eum tangere, quia virtus de illo exibat, & sanabat omnes; unde Sanctus Joannes Chrysostomus in Matthæum cap. 8. inquit: Intende, quantam multitudinem curatam transcurrunt Evangelistæ, non unumquodque curatum enarrantes, sed uno verbo pelagus ineffabile Miraculorum inducentes. Hinc occasio facile sumi posset agen-

di de miraculosis sanationibus ab universis morbis; sed cum materia tum propter amplitudinem, tum propter gravitatem nostris viribus æqua non sit, nec eam nostri humeri ferre possint, sed constanter recusent, sermo coarctabitur ad nonnullos morbos, Apoplexiam videlicet, Arthritidem, seu Podagram, Ischuriam, Ileos, Aneurysma, cum de sanationibus ab hisce morbis actum aliquando sit in Sacrorum Rituum Congregatione; & pro sanationibus ab aliis morbis sufficere poterunt cætera, quæ a nobis dicta sunt, cum generaliter actum fuit de requisitis pro miraculosis a morbis sanationibus.

2 Apoplexia est subductio sensus, & motus in organis universis, aut est vehemens, & repentina totius corporis resolutio, aut stupor, seu repentina actionum animalium omnium, sensus videlicet, & motus abolitio cum Principum læsione Facultatum. Apoplexiam Medici bipartitiuntur in humoralem, & organicam, & rursus humoralem in eam, quæ fit obstructione nervorum, & in eam, quæ fit per extrinsecam nervorum compressionem; quibus præterea addi potest illa, quæ fit lymphâ, sive sero exuberante, quam pituitosam aliqui vocant, & ea, quæ fit sive ex redundantia, sive ex nimio sanguinis fervore, quàm alii sanguineam appellant, quæque plethoricis solemnis esse solet, quæque in temulentis ex ebrietate non semel viſa

vifa est, uti latè legi potest apud Dominum Pascolum in suo *Tractatu de Homine lib. 2. sect. 1. cap. 4.* Brevis res absolvitur a Tozzio, qui *lib. 2. Apborismorum apbor. 42.* ita scribit de Apoplexia: *Apoplexia est privatio sensus, & motus in toto corpore, superstita respiratione, licet & hac multumque offendantur.*

3 Admirandas nonnullas Apoplexias colligit Marcellus Donatus in suo *Tractatu de Medica Historia mirabili lib. 2. cap. 6.* Sed, relictis iis, quæ ad Medicos præcipuè pertinent, & ut aliqua exhibeatur idea hujusmodi morbi pro eo, quod necessarium esse potest Consultoribus Sacræ Congregationis Rituum, repetemus primò cum iisdem Medicis, Apoplexiam esse ablationem animalium actionum omnium, motus scilicet, ac sensuum, cum Principum Facultatum læsione. Quocirca, si homo subito concidat, omnisque sensus, & motus, ac simul vox repente auferatur, solà respiratione, sed eà difficili remanente, & remanentibus colore faciei, & pulsu, membrumque nullum moveat, sed omnia membra laxa sint, & si brachium, vel pes elevetur, pondere suo, ut in cadavere, concidat, nec æger audiat, aut videat, nec, si tangatur, vel pungatur, sentiat, aut loquatur, & ore hiant, & cum stertore respiret, oculosque clausos, vel palpebras suspensas, aut contractas habeat, æger hic Apoplexiâ dicitur laborare. Fusè hæc omnia prosequitur Sennertus *tom. 3. Pract. lib. 1. part. 2. cap. 33. de Apoplexia, in Signis diagnosticis ejusdem*, ubi etiam docet, hinc signis differre Apoplexiam ab omnibus cognatis affectibus: differt quippe a lethargo, cum lethargo laborantes somnolenti sint, & excitari

possint, secus apoplectici; differt a caro, cum carus, non subito, ut Apoplexia, sed sensim invadat, & in caro respiratio sit libera, & facilis sine stertore; differt ab uteri suffocatione, cum in hac color faciei mutetur, & in hac vis sentiendi nonnunquam maneat, neque respiratio impediatur, aut si impediatur, pulsus simul obscuretur; differt a syncope, cum in hac color faciei a naturali in pallidum mutetur, & in syncope, spiritibus, & sanguine subito ad cor raptis, musculi per consensum afficiantur; unde ægri dentes, aut os, item manus ardeant, claudunt, ut vix possint aperiri; differt ab affectione melancholica, cum in hac pulsus, & respiratio obscurentur; differt ab epilepsia, cum in hac corpus convellatur; & motu inordinato concutitur; differt a catarrho suffocativo, cum in hoc subito humor a capite ad pectus & pulmones decumbens inspirationem, & sermonem sæpius interrumpat, & hominem sensu, & motu integre suffocet, aut certò suffocationis periculum minetur. Optimè Tozzius *Medicina parte prior tom. 1. ad tit. de Apoplexia §. Itaque.*

4 Dicemus secundò cum eisdem Medicis, Apoplexiam suos habere gradus, & ejus magnitudinem æstimari ex respirationis noxa majore, vel minore. Gregorius Hymannus in *Tractatu de Apoplexia cap. 30.* hæc habet ex Galeno: *Galenus quatuor Apoplexia species constituit. Prima est, quando ægri respirant adhuc cum aliquo ordine, quam inter omnes species mitissimam nominat. Altera est, in qua ægri inaequaliter respirant, & cum interpositione, ita ut per intervalla spiritum ducant. Hanc priore longè vehementiorem constituit. Tertia est ea, in qua ægri quidem res-*

respirant, sed cum magna violentia. Quarta omnium acutissima, periculosissima, & maximè letalis est, in qua dicitur cum motu, & sensu respirationem quoque perdis, & amitti. Vides ergo, concedere Galenum, Apoplexiam dari absque manifesta respiratione. Galenum sequuntur Medici fere omnes statuentes, apoplecticos nonnullos, præter motum, & sensum, manifestà quoque respiratione privari, ita ut sæpius, æger vivat, vel mortuus sit, ambigatur. Sequitur Zacchias *Consil. 31. num. 4. & sequentibus post suas Quæstiones Medico-Legales, & adhæret Forti Consil. & Respons. Medic. centur. 1. consil. 37. sub §. Subitanea privatio sensus, ubi hæc habet: Qualis autem fueris (loquitur de Apoplexia) ex lesione respirationis conijcere possumus: si namque respiratio est tantum inæqualis, inordinata, & intercepta, fortis in primo gradu; si cum stertore, in secundo; que si vix observari potest, in tertio gradu fortissima. Concordant, quæ leguntur apud Tozzium ad *apbor. 42. lib. 2.* ubi docet, primam, & fortissimam apoplexiam esse, cum respiratio omnino prohibetur, vel saltè sensibilis non est, fortem, cum respiratio quidem offenditur, sed non prorsus est abolita, minùs gravem, cum respiratio adhuc minùs laeditur, licèt anhelitus habeatur, vel interrupta thoracis expansio; levem, cum respiratio vix a naturali, & consuetu motu declinat, & in qua patientes nec omnino soporati, nec sensu, motuque destituti observantur.*

§ Hippocrates, postquam *lib. 2. apbor. 41.* dixerat = *Qui frequenter, ac fortiter absque causa manifesta desciunt animo, repente moriuntur* = in subsequenti *apbor. 42.* afferens aliud exemplum morborum insanabilium subdit: *Solvere Apoplexiam fortem, impossibile; debilem*

verò, non facile: quibus verbis innuit, juxta supra relata Apoplexiæ divisionem a Tozzio traditam, primam, & secundam Apoplexiæ speciem impossibile esse curare, & tertiam, & quartam non ita facile, & non nisi paucissimos, ac juvenes, & robustos ab eis evadere, commutatà Apoplexià in paralytim, ut idem Tozzius prosequitur in *Commentariis ad apbor. 42.* Schenckius *Observ. Medic. lib. 1. de Apoplexia, in Observationibus de Curatione* narrat, quandam fœminam ætatis annorum 48. fortissimà correptam Apoplexià mortem evasisse; sed, cum in casus expositione referat, eam admodum difficilem habuisse respirationem, explicandus ideo est, quòd loquatur, non de prima, sed de secunda specie Apoplexiæ: idemque, prosequendo sermonem de tertia, & quarta specie Apoplexiæ, benè notat, non esse difficile hos ægros fervare, sed admodum difficile esse, eos ita curare, ut nulla labes relinquatur. Forestus *lib. 10. observ. 74.* notat, quòd in levi Apoplexia, quæ juxta dicta sanabilis est, si homines sanantur, facile ad sanam mentem redeunt, licèt non tam subitò pristinum mentis vigorem recuperent.

6 Pro veritate *apborismi 42.* Hippocratis nonnulli mordicus pugnant, nonnulli de ea dubitare videntur. Ambrosius Nunez in *Commentariis ad eum* planè negat, possibile esse; alium ex forti Apoplexia evadere posse, contenditque, eos non fuisse apoplecticos, qui ab Apoplexia, licèt forti, evasisse dicuntur, sed affectos aut forti syncope, aut utri validà suffocatione. Sanctorius *lib. 1. vitand. error. cap. 31.* redarguit errorem illorum, qui putant, Hippocratis aphorismos esse æternæ veritatis, & ab eis non ex-

cludi casus raros, qui, si acciderent, aphoristicam doctrinam non tollunt, & cum Galeno concludit, citatum Hippocratis aphorismum sic accipiendum esse, ut magna ex parte fortis Apoplexia solvi non possit, non quod aliquando aliter non evenerit, aut valeat evenire. Pro hoc suadendo facere potest exemplum deductum ab apbor. 28. ejusdem Hippocratis lib. 6. ubi legitur = Eunuchi neque podagrâ laborant, neque calvi fiunt = ex apbor. 29. = Mulier podagrâ non laborat, nisi menstrua defecerint = ex apbor. 30. = Puer podagrâ non laborat ante usum veneriorum, nisi enim aphorismi isti explicentur, ut sibi vindicent locum in his, quæ ut plurimum contingunt, falsitatis protectio vitio laborarent: Galenus quippe in Comment. ad cit. apbor. 28. loquens de Eunuchis ita inquit: *Tanta est illorum desidia, insatiabilitas, ebrietasque, quod etiam sine veneris podagrâ corripitur possunt; & de apbor. 29. legitur apud Senecam epist. 95. = Maximus ille Medicorum, & hujus Scientia conditor femini nec capillos defluere dixit, nec pedes laborare: atqui hæc jam & capillis destituntur, & pedibus agra sunt. Non mutata feminarum natura, sed vita est &c. Quid ergo mirandum est, maximum Medicorum, ac natura peritissimum in mendacio deprehendi, cum tot femina podagrica, calvaeque sint. Venescunt sexus suis viribus perdiderunt, & quæ feminam exuerunt, damnata sunt morbis virilibus; & sermonem habendo de apbor. 30. nemo est, qui ignoret, pueros ante usum veneriorum podagrâ laborare, & potissimum, si eam hereditariâ contagione a parentibus contraxerunt: porro, eunuchos, feminas, & pueros comprehendendo, Athenæus lib. 2. cap. 10. scribit: Hege-*

norum spatium moros fructum non tulisse, affirmat, atque tantam podagra pestem omnes invasisse, ut non homines solum, sed pueri, puella, eunuchique, & mulieres eo morbo laborarent. Legi potest Schenckius Observ. lib. 5. pag. 747. At, redeundo ad apbor. 41. cum Mercuriali Gaspar a Reyes quest. 79. num. 17. docet, verbum impossibile in eo adhibitum non esse rigorè accipiendum tamquam consummatam impossibilitatem importans, sed solum tamquam significans extremam difficultatem; additque, quod illud verbum solvere, de quo in aphorismo, non est intelligendum pro liberatione a morte, sed pro integra solutione ad salutem, & sanitatem, in quo sensu, ait, Hippocratem bene locutum esse, cum naturaliter ex forti Apoplexia nullus evadere possit, quin in paralysem deveniat: & Zacchias Quest. Médico-Legal. lib. 2. tit. 1. quest. 14. num. 7. & sequentibus ait, quod mortem evadentes in forti Apoplexia fatui evadunt per totam vitam; & ipsemet Tozzius inquit, quod, licet Hippocrates asseruerit, impossibile esse, fortem solvere Apoplexiam, non ob hoc non est tentandum, quoad usque vires naturæ tulerint, quodcumque prodesse poterit, aut aliquando contulisse visum sit.

7 Aliqua adfunt exempla sanationis ab Apoplexia Miraculo adscripta, in Causa videlicet Beatificationis Servi Dei Nicolai Factoris, & in Causa Canonisationis Sanctæ Mariæ Magdalene de Pansis, Sancti Ignatii, & Sancti Felicis de Cantalicio, ut ex Relationibus Rotæ Auditorum colligi potest: In Causa Canonisationis Sancti Turribii, dum munereungebar Fidei Promotoris, inter cæteras sanationes, quæ proponebantur tamquam miraculose, pro-

proponeretur & illa cujusdam Pueri ab Apoplexia. At bonæ memoriæ Paulus Manfredus, licet vocatus, ut scriberet pro Miraculo, Dissertationem exaravit super aliis sanationibus, sed prædictam omisit, ingenuè confitendo, se tutum judicium de qualitate morbi efformare non potuisse; & Joannes Baptista Fossombronius Medicus electus, ut suum pro veritate, ferret suffragium, ex symptomatibus in facti historia relatis deduxit, morbum Pueri non fuisse apoplecticum, sed epilepticum: quocirca de ea sanatione nulla habita est ratio in Causa Canonizationis dicti Beati. Quod si aliquando se offeret occasio querendi, an sanatio ab Apoplexia inrer Miracula sit recensenda, nemo est, qui non videat, ante omnia videndum esse, an morbus fuerit vera Apoplexia, & cujus speciei, an, & quæ remedia fuerint adhibita, an sanatio successerit in instanti, an aliqua causa naturalis adfuerit, cui sanatio possit adscribi, an recidiva acciderit, aut metastasis in alium morbum. Si mordicus esset insistendum Hippocratis aphorismo, quando res est de prima, & secunda specie apoplexiæ, superflua videri posset indago de remediis adhibitis, & de instantaneitate sanationis; sed, cum citatus aphorismus suas patiaturs difficultates, & suas admittat explicationes, consulere, ut tam in prima, quàm in secunda specie Apoplexiæ tum remedium examinem, tum probatio instantaneitatis nullatenus omitterentur.

8 Arthritis, & Podagra sunt veluti synonyma, vel ad summum differunt, ut genus, & species, & unum, & idem sonare consueverunt, dolor videlicet articulis, partibusque

finitimis pertinaciter inhxrens ab humore quodam acri, qui nervorum stamina, in articulis præsertim, pungit. In nostra Bononiensi Academia, ut ex ejus Commentariis desumitur pag. 148. & sequentibus disputatum est, an Arthritis ab acido, vel ab alkali constet, dictumque est, modò ab uno, modò ab alio principio causam habere, & hinc fieri, quòd nonnullis podagricis vinum profuit, aliquibus nocuit, profuit iis, qui morbum ex copioso, & nimio alkali contraxerunt, nocuit iis, qui ex acido podagrici facti sunt. Cum vagatur per articulos, dicitur Arthritis vaga, & universalis: cum hos, aut illos invadit, fixa, sive particularis nuncupatur; quæ propterea iterum distinguitur in Chiragram, Gonagram, Ischiadem, & Podagram propriè dictam. Chiragra dicitur, quæ manus corripit; quæ genua, Gonagra; quæ articulos aut coxendicis, aut in proximo afficit, Ischias vocatur; quæ pedes, Podagra. Morbus hic tempore Hippocratis rarus erat, nunc autem frequentissimus; unde Galenus in Comment. ad aphor. 28. supra allegatum inquit: *Estote quidem Hippocratis pauci Podagrâ laborabant propter vitam moderantiam: nostris vero temporibus, usque aded auctis edulsiis, ut nihil eis addi posse videatur, infinita est podagricorum multitudo, cum nulli sint, qui nihil exerceantur, & eruditatibus, atque ebrietatibus offendantur, & ante cibum assumptum bibant vina potentia, ac veneris utantur immoderatis; nonnulli vero, etsi non his omnibus, in uno saltem, aut duobus ex iis, quæ dicta sunt, delinquant* & paulò post *Accedit & ad has causas, ob quas plerique incidunt in Podagras, quòd multi & Taret, & Aque habuere podagricos, in quibus semen*

252 De Serv. Dei Beatif. et Beat. Canoniz.

erat vitiatum, atque illico postea vehementiorem fecerunt parium imbecillitatem.

9 Morbus hic lethalis non est, nisi accedant symptomata gravia, puta, quod vires a doloribus, & vigiliis multum debilitate sint, quod periculosae inflammationes accedant, aut perniciose febres. Curatu tamen difficilis est, si morbus non sit recens, uti fuscè demonstrat Sennertus *Operum tom. 4. in Tractatu de Arthritide cap. 4. num. 3.* & sequentibus, & latè prosequitur Tozzius *tom. 1. partis prioris Medicinae ad tit. de Arthritide* = Quamquam autem Podagra, Chiragra, Ischiatis, alique dolores particulares ob adjunctam vigiliam, ciborum nauseam, virium dejectionem, aliaque symptomata graves sint, & atroces, longè tamen peior Arthritidis universalis, quæ corpus reddit semianime, & in longum tempus protrahit fit immedicabilis, atque Febri sociata periculo non vacat. Ischiade etiam laborantes summi, assidueque doloribus cruciantur, & quidem aliis a summitate interdum per totum crus adusque genu, & in extremum pedem. Pars illa pariter universa contabescit, & sæpe sæpius decurtatur, luxato articulo, femoreque a suo sinu dimoto. Ex Podagra, & Chiragra, potissimum diuturniori, aded pedum, & manuum digiti contorquentur, ut immobiles, & tabidi remaneant, quin & tubercula saphæacea exerant pland irrefolubiles; & paulò post docet, diuturnam, & inveteratam Podagram non cedere remediis, & illi protinus occurrendum, & præcipuè exactà vitæ ratione: Diuturna, & inveterata Podagra medicamentis non cedit, immo ab illorum usu, præsertim importuno, gravior, & periculosior sæpius evadit, ut propterea in proverbium jam transferis Ovidii carmen

Tollere nodosam nescis Medicina
Podagram,

& vulgo opprobrium Medicorum dici soleat. Omnis proinde industria adhibenda est, ut, cum recedens invaserit, profigetur, ne deinceps alias radices figens omnem Medicinæ operam eludat. Illi igitur protinus occurrendum, nec tam multis, variisque medicamentorum generibus, quàm exactà viçtus ratione. Exempla naturaliter sanatorum a Podagra nondum tamen confirmata habentur apud Donatum de Medica Historia mirabili lib. 6. cap. 8. ubi post ea relata inquit: Ex hujusmodi exemplis, Podagram non confirmatam sanari posse, & cum nondum nodi pedes occuparint, manifestum est. Cælius Rhodiginus lib. 13. antiquarum lectionum cap. 25. hoc memorabile subdit de liberatione a Podagra: Quosdam legimus morbo articulari, & Podagra humoribus laborantes bonorum præscriptione ad simplicem mensam, & pauperes cibos redactos convalescere: quod argumentum latè prosequitur Gaspar a Rejcs quæst. 88. num. 9. & sequentibus. Celebre est exemplum cujusdam Pechii Cisalpini, qui inclusus in carcere spatio decem, & novem annorum, pane, & aquâ perexiguit alitus, cum podagricus esset, sanitatem eo modo perfectè recuperavit, uti narrat Majolus in Diebus Canicularibus tom. 1. pag. 85. = Mirum, cum Podagrâ laboraret, immisus in carcerem, reliquo omni tempore ineolui corpore suis, etiam postquam eo periculo exemptus fuit; eum eo etenim collocuti sumus, hæcque ex illius ore didicimus, cum Mediolani compertum hominem rogaremus, ut hæc nobis enarraret.

10 Hippocrates 2. Prognost. benè explicat, quinam podagrici sanabiles sint, & qui insanabiles: De podagricis
hoc

hoc dico: quicumque aut senes sunt, aut circa articulos callos topiaceos concretos habent, aut arumosis vivunt siccam alvum habentes, hi omnes sani fieri non possunt humanâ arte, quantum ego novi. Sanat quidem hos optimè dysenteria, si supervenerit; sed & alia eliquationes valde profunt, quæ ad infernos locos repunt. Qui vero juvenis est, & circa articulos nondum callos topiaceos habet concretos, & accuratè vivit, & laboris amans est, & animum bonum habet ad obediendum pro studiorum ratione, hic sanè Medicum intelligentem nactus sanari poterit; & concordat Galenus lib. 10. Comp. Med. Sec. loc. cap. 2. = *Est postquam fuerint producti (loquitur de tophis) ne speraveris, ad pristinam constitutionem exactè redire articulum posse: ex quibus proinde deduci posse videtur, Arthritidem esse in senibus insanabilem, esse quoque insanabilem, si materia in tophos concreverit, qui sint inveterati, & idem iudicium ferri posse de Arthritide hereditaria, uti prosequitur Sennertus in citato Tractatu de Arthritide quest. 10. = Insanabilis tamen Arthritide meritis etiam cam annumeramus, quæ hereditaria est. Nîm, ut alii morbi hereditarii, ita & Arthritis hereditaria difficulter expugnatur. De nodosa, & confirmata Arthritide Scheneiderus lib. 1. de Arthritide cap. 15. hæc habet: Cum nodosa, seu confirmata Arthritis consistat realiter, & formaliter in everfa, destructa, vel labefacta sive majore, sive minore integritate totius articuli, quæ consistit in laudabili primarum qualitatum semperie, debita partium unitate, & iusta earum compositione, hujusmodi autem constitutio restitui non potest ab ullo agente creato, manifestum est, nec hunc affectum ullis remediis naturalibus esse curabilem, quia restituere non possumus integritatem sub-*

stantialem articuli, quæ plura, minusve sublata est; & Ludovicus Mercatus de intern. morb. cur. cap. 18. testatur, quòd omnes Medici, qui podagricos tophos curare professi sunt, lateri coacti fuerint, omnis salutis spe deposita, articulum ad pristinam constitutionem redire non posse.

11 Adedque, si aliqua sanatio a Podagra tamquam miraculosa proponatur, opus erit sedulò ponderare ætatem Sanati, diuturnitatem morbi, an, & quæ remedia fuerint adhibita, an Arthritis fuerit hereditaria, an sanatio contigerit in instanti, & maximopere cavendum erit, ne alleviatio a dolore sumitur pro perfecta sanatione, ut enim benè observat celebris Medicus Thomas Sydenham in suo Tractatu de Podagra pag. 17. naturaliter dolor decrevit in eo, qui pluribus annis Podagrâ laboravit: *Animadvertendum est enim, quòd, ubi quis ad multos annos Podagrâ laboraverit, dolor singulis paroxysmis gradatim minuitur, tandemque egritudine potius conficitur, quàm dolore; quem enim in his patitur, dolor, quolibet sint productiores, vix ad decimam partem ejus assurgit doloris, quem pati solebat, cum viribus esset magis integris.* Quapropter, ut perfecta sanatio, qualis necessaria est pro Miraculo constituendo, adfuisse dicatur, oportet, ut dolor non tantùm alleviatur, sed in totum cesset, & ut, sublato membrorum impedimento, eorum usus illico restitatur, ut restitutio perduret, & dolor, & impedimentum non redeant, juxta ea, quæ a nobis alibi dicta sunt, dum agebamus de morbis reversivis, & ut denique Podagra in alium morbum non convertatur; notum est enim, quòd a Podagra, & Chiragra per aliqua inter-

tex.

tervalla revertente plerique a diversis ægritudinibus præservantur, unde optimè Sanctus Augustinus lib. 22. de Civitate Dei cap. 8. referens miraculosam liberationem cujusdam Medici a Podagra hæc habet: *Medicum quemdam podagricum in eadem Urbe, qui, cum dedisset nomen ad Baptismum, & pridie, quàm baptizaretur, in somnis a pueris nigris circatus, quos intelligebat Demones esse, baptizari eodem anno prohibitus fuisset, eisque non obtemperans, etiam conculcantibus pedes ejus in dolorem acerrimum, qualem nunquam expertus esset, isset, magisque eos vincens lavacro regenerationis, ut voverat, ablui non distulisset, in Baptismo ipso non solum dolore, quo ultra solitum cruciabatur, verum etiam Podagræ caruisse, nec ampliùs, cum diù posset vixisset, pedes doluisse, quis novis. Quid autem dicendum erit, si res sit de sanatione ab Arthritide cum tophis, seu callis in articulis generatis? Erit ne pro constituendo Miraculo necessarium, ut remedia adhibita non fuerint, & ut sanatio in instanti contingerit. Porro ex una parte videri posset, hæc non requiri, cum morbus sit naturaliter insanabilis, & sic ejus sanatio Miraculo secundi generis sit adscribenda, in quo non requiritur instantaneitas. Ex alia autem parte, cum Medici tam Græci, & Latini, quàm etiam Arabes, & tam vetustiores, quàm recentiores plura præscribant remedia ad tophos in articulis tollendos, eaque aliquando profuerint, si fides præstanda est Schenckio lib. 5. de Arthritide pag. 762. ubi affert exemplum cujusdam nobilis Silesiaci per remedia naturalia liberati a nodosa Podagra, qua septem annis laboraverat, nodo circa genu producto magnitudine ovi gallinarum, crederem, ut etiam in hoc morbo, an-*

tequam de Miraculo pronuntietur, quærendum sit, an, & quæ remedia fuerint adhibita, & an perfecta sanatio contingerit in instanti. Inter cetera Miracula, quæ propofita fuerunt in Causa Sancti Laurentii Justimiani pro ejus Canonizatione obtinenda, propositum fuit illud sanationis cujusdam Monialis constitutæ in anno sexagesimo quinto suæ ætatis, quæ spatio duorum annorum fuerat vexata nodosa Arthritide, ita ut brachia essent extenuata, & tophi in articulis generati in cubitos jam prodissent, quæque, brachiis vix admotis Sepulchro tunc Beati, nunc Sancti Laurentii Justimiani, nunc adhibitis remediis, illico se validam habuit, & sanam, immediatè omnia munia Cœnobii expedite obivit, perinde ac si nunquam talem infirmitatem passa esset. Requisitus Paulus Zacchias de suo judicio super hæc sanatione, stetit pro Miraculo, & facta sibi oppositione, tophos naturaliter sanari posse, respondit, id contingere non posse, nisi remedia per multum tempus adhibeantur, & nisi sanatio paulatim sequatur, & sic sanationem, de qua agebatur, esse Miraculo adscribendam, utpote secutam sinè remediis, & illico, implorato Beati auxilio, ut ex ejus Confess. 3. impresso post Quaestiones Medico-Legales colligi potest. Ex iisdem fundamentis Romulus Spetiolius Archiater Summi Pontificis Alexandri VIII. jussus, ut suum quoque ferret pro veritate judicium, existimavit sanationem Miraculo adscribendam. Cùmque Sacrorum Rituum Congregatio prædictorum sensui adhæserit, de necessitate, examinis tum remedium, tum instantaneitatis in morbo, de quo nunc agitur, non videtur esse dubitandum:

12 Ulcus, & inflammatio renum,

&

& vesicæ, & aliarum partium, necnon etiam Calculi magna afferunt incommoda corpori humano viventi. Hinc Ischuria, Dysuria, & Stranguria causam habent. Ischuria est, cum urina supprimitur, sive diù, antequam egeratur, continetur. Dysuria, quando urina cum labore, aut difficultate egeritur. Stranguria, quæ etiam urinx stillicidium est, cum ea guttatim egeritur. Sennertus *Pract. lib. 3. part. 8. cap. 2. & 3. in Prognosticis* ita loquitur de Ischuria, & Dysuria: Urina suppressio satis periculosum malum est; neque potest homo cum urina diù suppressa vivere. Es quidem, si non descendit per renes ad vesicam urina, necur opprimit, sanguinem inficit, & inquinat, ac in totum corpus regurgitat, balneumque corporis aqua, ut in anasarca fieri solet, replet, suffocationis periculum inducit, nunquam, & cerebro in consensum, tracto torporem inducit. Interdum quoque sanguis corrumpitur, & humores putrescunt, unde febres accenduntur, & nisi ante septimum diem mingant, pereunt. Est enim postea urina profluat, tamen ob febrem moriuntur &c. Urina difficultas minus periculosum malum est, quam integra ejus suppressio; cum enim pars aliqua urinx reddatur, non tam gravia inducit symptomata. Cause quoque, quia non suis potenter, facilius tolluntur si demque Sennertus cap. 4. verba faciens de Stranguria in *Prognosticis* subdit: Malum equidem hoc per se periculosum non est; molestiam tamen, & sæpe diuturnam, & qua ægros, præcipui senes, ad mortem usque comitatur, excitat.

13 Quod dictum est a Sennerto de Ischuria, confirmatur autoritate Petri Salii cap. 14. de *Affectionibus particularibus*, ubi asserit, se observasse nullum servatum, etiamsi post septimum mingant, eà allatâ ratione,

quòd feculitas illa retenta intrâ venas totam massam sanguinis corrumpit, & febres continuas, pravaque generat; & sequitur *Fonsæca tom. 2. consult. 96.* At totalis urinx retentionis ad longius tempus protrahere non desunt historię apud Medicos relatæ. Apud Schenckium *Observ. Medic. lib. 3. tit. de Ischuria* bina prostant exempla tum ægri, cui per octo dies retenta fuit urina, tum alterius ægri, cui per sexdecim dies urina suppressa est, quique tandem, urinâ ejectâ, convalescerunt. Vallesius de *Sacra Pöileosophia cap. 66. in fine* testatur, se vidisse, ægrum usque ad undecimum diem urinam retinuisse. Gradi cap. 13. de *urina difficultate* terminum protrahit usque ad decimum, vel undecimum diem. Forellus *lib. 24. observ. 29.* alterius meminit, qui post duodecimum diem urinam emittens salvus factus est. Gaspar a Reyes *quæst. 87. num. 8.* testatur, se duos vidisse, transacto die decimo tertio, urinantes, quorum alter per dies septem placidus post septimum mortuus est, & alter maximo cum labore liber evasit. Apud Marcellum Donatum de *Medica Historia mirabili lib. 4. cap. 27.* celebre prostat exemplum aliorum Medicorum, qui ægram curaverant, testimonio roboratum, cujusdam videlicet Monialis, quæ ob spectri terrorem in ventris incidit alstrictionem, ita ut per quatuor menses nihil ex alvo reddiderit; sed, eà jam respondere incipiente, urinx excretio ablata est, & per quatuor alios menses de guttam quidem eminxit, quo tempore finito, per consuetam viam lotium iterum expellere coepit; sed, cum, in utriusque evacuationis suppressionem deinde per plures dies incidisset, naturâ interim per poros ventriculi

256 *De Serv. Dei Beatif. et Beat. Canoniz.*

ingentem feri copiam transmittente; paulatim tandem ad naturalia rediit beneficia, & sanata est. Quibus, aliisque perpenſis, Gaſpar a Rejes *loc. cit.* tria ſtatuit: primum, nullum terminum temporis eſſe determinatum, ultra quem ſi urina retineatur, neceſſario homo perire debeat, quamvis poſtea illam excernat: ſecundum, in iudicio ferendo de hoc morbo, & de diſpari ejuſdem eventu, cum aliqui ante ſeptimam diem, alii poſt decimam convaleſcant, alii ante ſeptimam diem mortui ſint, habendam eſſe rationem naturæ ægrotantium, virium, caloris, & roboris partium internarum, quorum omnium vi ægri diutius urinæ retentæ, & putrefactæ impuritati reſiſtunt; item, habendam eſſe rationem putredinis iplius urinæ, vaſorum corporis, & internorum ſpatorum, cum urina modò magis, modò minus corrumpatur, & corporis vaſa, & interna ſpatia, ſi capaciora ſint, copioſiorem feri copiam conſervare poſſint: tertium, quòd in illis, qui poſt ſeptimum ad multos alios dies non urinantes, decimo tandem quinto, aut decimo octavo die urinam excernentes liberati ſunt, ſemper aliqua feri evacuatio contigit per ſecellum, ſudorem, aut vomitum, naturâ videlicet vias ſibi quærente, & evacuationem moliente, ut onus deponeret; niſi enim ea feri evacuationem per aliam viam tentaret, onere oppreſſa ſuccubuiſſet, quod iplum ex ſupra relatis, aliisque morborum hiſtoriis confirmat.

14. *In Cauſa Canonizationis Sancti Aloyſii Gonzaga* inter cæteras ſanationes, quæ tamquam miraculoſe propoſitæ ſunt, propoſita fuit illa Patris Joannis Juſtiniani e Societate Jeſu,

qui Calculi morbo detentus, oculoſo penitus urinæ meatu, adhibitis fruſtrâ remediis, ne minimam quidem lotii guttulam per undecim dierum ſpatium expellere potuit, univerſo corpore tumefacto, & fœtore ex eodem manante, ita ut, accepto mortis nuntio, ſe ad recipiendum Viaticum præparaverit. Alter ex eadem Societate Sacerdos nomine Baſilius, qui ægrotantem interceſſioni tunc Beati, nunc Sancti Aloyſii commendaverat, cum ſibi dicentem audiviſſe viſus eſt, ut morbum die ſequenti ante meridiem ſanandum Infirmo nuntiaret. Cumque nuntiaſſet, & Infirmus latus, & alias partes dolore affectas Reliquiis Beati ſignallæ, tempore præſignato, nullâ penitus intercedente morâ, Calculus a latere evulſus eſt, & in veſicam immiſſus, ejectâ conſectim unâ cum triginta libris lotii magnâ arenæ vi, ægerque illico convaleſcit, illico ad Sepulchrum Beati Aloyſii perrexit, ut Deo, & Interceſſori ſuo gratias ageret, & poſtridie pedes per Urbem inceſſit, ſtupentibus omnibus, quibus infirmitas innocuerat. Julius Cæſar Lagalla, Angelus Viſtorius, qui curationi interluerat, Thomas Groſſus, Franciſcus Lallus de Reguardatis celebres ſuo tempore Medici a Rotæ Auditoribus pro veritate conſulti ſanationem Miraculo adſcripſerunt, iplorumque iudicio adhæſerunt Rotæ Auditores *in ſua Relatione*, & Sacrorum Rituum Congregatio *in ſuis Reſcriptis*: agebatur enim de morbo gravi, qui nullis ceſſerat remediis. Corporis intumeſcentia, & fœtor magnam vaſorum corporis capacitatem, & levem urinæ putredinem excludabant. Deſuit digna feri evacuatio. Sanatio conti-

git

git post invocationem illico, & perfecte, die prænuntiata, unâ cum totali virium recuperatione. Ex quibus omnibus inferri posse videtur, quodd in statuenda miraculosa ab hoc morbo liberatione non solum habenda est ratio temporis retentionis urinæ, sed aliarum etiam memoratarum circumstantiarum, gravitatis videlicet symptomatum, repentinæ sanationis, & virium recuperationis.

15 Ileus, latine Volvulus, morbus est, in quo nil, quod superne assumptum est, descendit ad inferiora, & ad alvum, sed potius sursum revolvitur, & per os regeritur, obstructo, constipatoque, aut etiam contorto, atque inflammato intestino ileo, a quo morbus ipse nomen desumpsit. Non est necesse, ut vomitus conjungatur cum non modo ileon intestinum, sed etiam reliqua superiora dolore, cruciatu, & torminibus affici possint citra vomitum, qui tamen, si postmodum subsequatur, esse solet solius cibi assumpti, vel humoris stagnantis in cavo ventriculi. Quodd si vomitus inde stercorearius accedat, aut etiam cum singultu, morbus hic omnino lethalis est, juxta apbor. 5. Hippocratis lib. 7. = *Ab ileo vomitus, singultus, desipientia, vel convulsio, malum; & Tozzius in Commentariis ad illum docet, unumquodque memoratorum symptomatum, hoc est, vel singultum, vel convulsionem satis esse ad indicandam morbi gravitatem, observatque, ægros intra quadriduum mori. Sennertus Oper. tom. 3. lib. 3. par. 2. cap. 1. hæc profert de gravitate morbi: Iliacus dolor magis periculosus est, si tota intestina inficiantur; minùs, si secundum partem; & adhuc minùs, si secundum partem inferiorem a ventriculo, & hepate remotiorem. De hac iliaca affectione unâ*

cum vomitu stercoreario hæc habet Ettmullerus *Tract. tom. 2. pag. 44. = Quando ergo alvus ita obstruitur, ut per superiora ejiciantur excrementa, vocatur Ileus, seu morbus iliacus, convolvulus, chordapsen, quodd tenue intestinum tactu deprehendatur convolutum instar chordæ; cujus causa rectè dicitur motus peristalticus inversus, ita ut re vera id, quod est vomitus in stomacho, hoc est iliacus morbus in intestinis. Antiqui Medici putabant, passionem hanc iliacam fieri per convolutionem, sive complicationem intestinorum. At recentiores Anatome penitus instructi observant, alteram intestinorum portionem alteram ingredi immediate subsequentem, & sic, obstitendo, ne fæces ab uno in alterum deferantur meatum, & validd extendendo tunicas intestinorum, & comprimendo vascula membranarum intestinalium, & glandulas, passionem iliacam excitare; motuque radicem positam esse in fine intestini Ilei circa Cæcum, & in principio Coli, ubi est Valvula, uti videri potest apud Hildanum *centur. 1. observ. 614. & apud Nicolaum Fontanum in Consiliis pag. 84. Adduntque, difficiliorem esse curationem, si superior portio intestinaorum ingreditur inferiorem, quàm si inferior sese immitit in superiorem: & quamvis, si accedat vomitus stercorearius, morbus periculosus sit, curationem nihilominus admittere, & multos ex eo convalescere, juxta ea, quæ habentur apud Sennertum *loc. cit. = Omnis quidem Ileus periculosus est; is tamen, cui etiam stercoreis vomitus succedit, exitialis, & ab eo vix ullus salvatur, ut docet Galenus. Aliquos tamen convalescere, vidit Petrus Salus Diversus, qui ex intestinorum in scrotum delapsu in hoc malum inciderant. Sanatorum exempla existant apud***

Kk

Ri.

258 *De Serv. Dei Beatif. et Beat. Canoniz.*

Rivierum *Observ. commun. observat.* 1. pag. 107. & per sola emollientia clysteribus immilla iliacas passiones felicissimè curatas, etsi pluribus diebus omnia per superiora rejecta fuissent, memorant Forest. lib. 21. *observ.* 22. Etmuller. *Colleg. Pract. sect.* 9. art. 2. de *Passione Iliaca*, & ex nostris annotavit Matta de *Canonizatione Sanctorum part.* 3. cap. 18. *sect.* 4. num. 319. Dum munereungebar Fidei Promotoris, inter cætera Miracula proposita pro obtinenda Canonizatione tunc Beata, nunc Sancta Margarita de Cortona proposita fuit sanatio a morbo Ilco. qui vulgò dicitur *Volvulus*, aut *Miserere mei*. Opposui levitatem morbi; cum enim æger cum contraxisset, equitando, probabile admodum erat, quòd pars inferior intestinorum sese immisisset in superiorem in quo rerum situ passio iliaca non est adeò periculosa ex supradictis. Opposui, quòd defecerat febris, defecerant signa vicinæ mortis, sudor videlicet frigidus, & urinæ difficultas, juxtà Sennertum *loc. cit.* Opposui, quòd aptissima fuerant subministrata remedia externa, & interna, unctiones videlicet, fomenta, cataplasmata, clysteres, balnea cum emollientibus, & intromissio per os pilarum plumbeorum. Dixi, nullam habendam esse rationem modicæ durationis morbi, cum sit de genere acutorum, qui brevi sive ad sanitatem, sive ad mortem terminum habent. Dixi denique, sanationem fuisse secutam post invocationem celeriter quidem, sed non instantaneè, & ægros celeriter evadere ab hoc morbo per usum medicamentorum, licèt non diu protractum. Cumque ex his omnibus intulerim, sanationem non esse Miraculo adscribandam, & Dominus Pascolus Phyticus electus, ut

suum pro veritate ferret judicium, prædictis adhæserit Animadversionibus, Sacra Congregatio abstinent ab ea sanatione recensenda inter Miracula, & ad Canonizationem processit, approbatis aliis Miraculis a Cause Postulatoribus propositis.

16 Aneurysma dicitur arteriæ dilatatio, seu tumor tactu mollis, pulsans, digitis cedens, ab arteriæ tunicæ interioris quidem apertione, exterioris verò dilatactione ortum habens, seu potius tumor præter naturam, pulsans, indolens, digitis faciliè cedens, ac iterum illico sese extendens, ortus ab interna arteriæ tunica dehiscente, cæteris dilatatis: cum enim arteriæ tubus quatuor distinctis conflectitur tunicis, intimâ nerveâ, secundâ musculari, tertiâ glandulosâ, & extimâ vasculosâ, si contingat, internam tunicam nerveam rumpi, sanguis illabitur in tunicam muscularem, & ei proximas, quibus propter ténacitatem mox extensis, tumor ille pulsans causatur, qui *Aneurysma* appellatur, uti benè explicat Munnicks in sua *Praxi Chirurgica lib.* 1. cap. 27. Aliqui ex Medicis contendunt, Aneurysma non fieri ex arteriæ interna tunica dehiscence, & exterioribus dilatatis, sed ex integro arteriæ canali disrupto, & cruore inter musculos, & alias partes diffuso, qui ex viscidioribus sui particulis sibi ipsi pelliculam generat, in qua continetur. At opinionem hanc strenuè redarguit Sennertus *Pract. lib.* 3. part. 1. cap. 43.

17 Bonæ memoriæ Joannes Maria Lancisius Opus conscripsit de *Motu Cordis, & Aneurysmatibus*, quod vivens non edidit, sed Nos uti Executores Testamentarii ab eo constituti, juxtà alibi relata, edendum curavimus anno 1728. *formis Romanis. = In lib.* 1.

de

de Aneurysmatibus in genere propositi. 4. sic ab eo Aneurysma definitur: *Immitata pluri, minusve, aut omnino ablata cohaesio villorum contractilium arteriarum, & cor alicubi textentium; unde oritur vel tumor pulsatilis arteria, vel fluxus vehemens ejusdem sanguinis extra arteriam.*

18 Dividit idem Lancisius in sequenti propositione Aneurysmata in legitima, & spuria. Legitima vocat ea, quae sunt a causis proximè debilitantibus texturas arteriarum, & cordis, nimirum, quae brevi tempore tollunt, aut saltem imminuunt firmum, & validum villorum nexum, quod aliquando provenit ab exterioribus causis, puta a vulneribus, aut contusionibus, aliquando ab interioribus, nimirum vel a naturali villorum paucitate, ac laxitate, vel ab erosionibus, aut tabescentia villorum.

19 Spuria appellat ea Aneurysmata, quae in sui principio non pendent a debilitata villorum resistentia, & fibrarum cor, & arterias textentium, sed ab adaucta vi sanguinis nimium impellentis ordinariam arteriarum, & cordis resistentiam, cui si succellerit erosio, Aneurysma spurium transit in legitimum.

20 Ad ceteras deinde Lancisius prosequitur divisiones; dividit enim Aneurysmata legitima in ea, quae conjunctam habent integram scissuram tunicarum arteriarum, aut partium cordis, & ea, quae comitem habent solam dilatationem diametri cavi arteriae, vel cordis, unde tumor in iis locis non a vicinis partibus sanguine repletis elevatur, sed a valido impetu liquidi per ea cava fluentis.

21 Dominus Pascolus in suo *Tratatu de Homine* tom. 1. lib. 1. sect. 2. cap. 17. agit de Aneurysmate, docet-

que, Aneurysmata alia esse apparentia, quae sensibus observantur, alia esse occulta, quae, utpote condita in recessibus, sive in cavis, aliisque partibus abditis humani corporis, Medici per conjecturas assequuntur; memoratusque Lancisius in alio *Tratatu de Mortibus repentinis observ.* 3. in Scholion num. 2. signa exponit, quorum ope Aneurysmata dignoscuntur abscondita in cordis, & arteriarum praecordiis. En ejus verba: *Tussis urget, cor salit, & gravius pulsat, mox sepulchrum, ac brevi fugitans corripit dolor, qui postea pertinacius haeret, & modò ad alteram scapulam, claviculamque, modò per brachium, quandoque usque ad cubitum propagatur. Tandem profunda persentitur pulsatio, elevantur alicubi costae, aut sternum, ceteraque succrescant gravia, & prorsus miseranda atrocis hujus mali phaenomena, quae ut plurimum subitò morte finiuntur.*

22 Aneurysma est arteriae, Varix autem est venae praeter naturam dilatatio, & in qua non simpliciter venae dilatantur, sed quodammodo intorquentur, subindeque quosdam nodos contrahunt, & efformant nigricantes. Varix quoque duplex est, alia interna, alia externa: interna, cum in internis corporis partibus venarum tumores oriuntur; unde Hippocrates in pulmonis venis varices notavit: externa, cum in membrorum exteriorum, & praesertim crurum, venae superficie turgentes conspiciuntur, atque pars affecta aut nigra, aut livida, apparet, & pressus tumor retrocedit, sed mox iterum revertitur. De Aneurysmate interno ita loquitur Parvus lib. 6. cap. 28. = *Quae in partibus internis contingunt, Aneurysmata sunt incurabilia.* De Aneurysmate externo hæc habet Munnicks lib. 6. cap. 27. num. 6. =

K k 2 Ce.

260 De Serv. Dei Beatif. et Beat. Canoniz.

Catèrum difficulter adhuc curatur Aneurysma. Equidem, quod minus est, & reuens, curationem aliquam admittit: antiquum verò, & majus vix unquam curatur, nisi unà cum membro, in quo occurrit, tollatur; & sequitur Sennertus cit. cap. 43. in Prognosticis = Aneurysmata omnia sunt difficilis curationis. Ea tamen, quæ minora sunt, ac recentia, curationem admittunt. Antiqua verò, & majora, cum sanguis ille astringentibus repelli, & arteria consolidari non possit, atque ita non nisi sectione curanda sit, vix ullam curationem recipiunt. Et de Varicibus Medici dicunt, nihil in eis periculi esse, nisi aperiantur, & ex aperture hæmorrhagia funesta sequatur; & de Varicibus pronuntiat Hippocrates lib. 6. apbor. 21. = Infans, si Varices, vel hæmorrhoides supervenerint, infania solutio; & per Varices totum corpus a exulento sanguine expurgatur; atque Periti docent, quòd, nisi Varices sint maximi & timeatur sanguinis profusio, vel nisi valde doleant, aut ulcus magnum, & malignum adsit, non sunt curandi, ne, iis sanatis, graviora mala accedant. Antiqui sectione in iis curandis utebantur; unde Plutarchus in Vita Caji Marjii scribit de eo: Exemplum est, quid, cum ex ambobus cruribus laborares, & plena Varicibus haberet, ferretque agra animo illorum deformitatem, Medicum suum ad alterum crus adhibuit, & inter medendum nec se movit, nec suspiria emisit, sed, cum tacitus, fixisque oculis incidendum se exhiberet, moras quasdam dolorum inter intercidendum perferre non formidavit. At Medico alterum crus curare volenti minime assensum præbuit dicens: Nosco remedium istis doloribus indignum; & de eodem facto loquens Cicero 2. Tuscul. Quest. querens medium

inquit: Vides ne igitur, opinionis esse, non natura malum? Et tamen, fuisse acriorem morsum doloris, idem Marius ostendit; crus enim alterum non præbuit: ita & tulit dolorem, ut vir, & ut homo, majorem ferre sint causa necessaria non luit.

23 De Varicibus, utpote levioris momenti morbo, numquam, quod sciam, actum est in Sacrorum Rituum Congregatione; secus autem de Aneurysmate, in Causa videlicet Beatificationis tunc Servæ Dei, nunc Beata Catharina de Ricciis, Catharina, Alexandra Bonfia Sanctimonialis in Cœnobio Sancti Vincentii Civitatis Pratenfis, cum nonnullis febribus laborare cœpisset, nec illæ, adhibitis licet opportunis remediis, umquam remississent, asperis deinde afflictæ symptomatibus, pulsatione videlicet internâ in sinistra pectoris parte, respirationis molestiâ, sanguineo sapore in faucibus, elevatione costularum, pulsibus intercitis, necnon impotentia in lecto jacendi, ac simul ex eo surgendi, in pessimum statum redacta est: cumque in eo per annum, & ultra manisset, & mors singulis ferè momentis immineret, implorata toto corde ope Servæ Dei, e lecto surrexit, receptam valetudinem intercessione Servæ Dei Catharinæ instantibus nuntiavit, & liberè mune-
ra, quæ uti Monialis exercere debebat, exercuit. Medici curæ, inter quos Dominus de Vasellis adhuc vivens, & celebris Physicus, morbum Monialis dixerunt fuisse cordis pal-
pitationem cum Aneurysmate, & sanationem Miraculo adscripserunt. Dominus Pascolus a Postulatoribus accitus, ut pro Miraculo scriberet, dixit cum communi Practicorum doctrina, cordis palpitationem esse motum

tum ejus depravatum præcipuè consistentem in urgentia contractionis, & interdum adeo vehementem, ut ab altantibus percipi possit sonus percussiois costarum. Dixit cum Wilisio *Tharm. rat. part. 1. sect. 6. cap. 3.* potissimam palpitatiois cordis causam esse sanguinis segnitiam, & cruorem refertum crassioribus particulis. Ponderavit ægritudines, quibus Monialis laboraverat ante cordis palpitatioem. Symptomata tussis, doloris, elevationis costularum fusè retulit: conclusitque, ex perenni præternaturali concussione cor in substantia vitium contraxisse, ipsisque articularum principiis præter modum laxatis, organicum morbi genus hinc provenisse, qui dicitur Aneurysma, quique nullam admittit curationem, & omnem adimit spem futuræ salutis. Dominus Franciscus Soldatus adhuc vivens, & boni nominis Medicus in Urbe, vocatus, ut judicium suum ferret pro veritate tum in qualitate, tum in gravitate morbi, consensit cum Domino Pascolo, asseruitque, morbum fuisse Aneurysma internum in cavitate pectoris incurabile: licet enim in quolibet magno Aneurysmate, quod in externis partibus, & præsertim in artubus, excitatur, incurabilitas prædicari possit, numquam tamen imminet mors, quin immo spes non deest vitam protrahendi, quod certè non contingit in internis. Quibus, aliisque ponderatis, tum Medici curæ, tum Medici Urbis, habitæ etiam ratione repentinæ sanationis post invocationem, sanationem dixerunt Miraculo adscribendam.

24 Eadem Monialis Catharina Alexandra de Bonfiis post quatuor menses elapsos gravissimo morbo correpta

fuit, febribus videlicet, respiratione intercisâ, & anhelitu, cordis palpitatioe, acutissimo capitis dolore, molestissimo tumore in sinistro brachio, vaniloquio, seu delirio, summâ virium prostratione, & quandoque pulsum defectu, ita ut de morte imminenti nulla esset dubitatio. Procefferant hæc omnia ex immoderato cibo, quem Monialis dicto tempore sumpterat, juxta *apbor. 10. Hippocratis lib. 2. = Non pura corpora quantò plùs nutries, tantò magis lades*: cùmque, iterum invocata Servâ Dei Catharinâ, morbus hic novus momento recesserit, Postulatores sanationem hanc tamquam novum Miraculum, a priori distinctum examini Sacræ Congregationis exhibuerunt. Archiepiscopus Philippenfis tunc Fidei Promotor opposuit, novum hunc morbum nihil aliud fuisse, quàm primi morbi reversionem, adedque primam sanationem non esse ullo modo Miraculo adscribendam ob recidivam. Postulatores in facto, & in jure scribentes ob novæ causæ supervenientiam, immoderatam videlicet ciborum sumptionem, probare conati sunt, secundum morbum fuisse totaliter a primo distinctum, nec perfectioni miraculosæ primæ sanitatis ob stare posse. Dominus Pascolus hac eadem responsione usus est. At Dominus Soldatus in ea fuit opinione, quod secundus morbus non esset morbus Aneurysmatis, cùm longo tempore non perstiterit palpitatio cordis, & defuerit manifesta tumefactio partis affectæ, sive sinistri thoracis lateris. Dixit ergo, morbum fuisse gravem, cùm cordis palpitatio ratione partis affectæ gravis sit morbus, juxta Sennertum *tom. 1. lib. 2. part. 4. cap. 4. de cordis palpitatioe, tit. Prognostica,*

262 *De Serv. Dei Beatif. et Beat. Canoniz.*

sica, & juxta Riverium in *Praxi Medica lib. 8. cap. 2. de cordis palpitatio- ne §. Prognosi* ; & eò magis, cum ab aliqua accidentali causa non processisset, puta ab iracundia, aut terrore, sed a crassis, & vitiosis humoribus, uti prava ostendebant symptomata, quæ sub sensum cadebant, & quæ morbum sequuntur, ut umbra corpus, juxta communem Scriptorum doctrinam relatam a Stephano Rad Castrensi *Predic. Med. part. 1. particul. 2. pag. 30.* Addidit, quodd, etiam si aliquis contendisset, quodd novus morbus fuisset uterina præfocatio, non ob id morbus potuisset haberi levis, cum affectio non fuerit simplex, & solitaria, sed complicata, & longa, in quibus circumstantiis Medici de ejusdem gravitate non dubitant, uti videri potest apud Valleium in *6. Epid. sect. 7. num. 13.* & apud Jacobum Primerosium *lib. 3. de Morbis Mulierum cap. 11.* Attentâque morbi gravitate, & repentinâ sanatione perfectâ post invocationem, Soldatus pro novo, & distincto Miraculo sententiam aperuit. At, re discussâ in Sacrorum Rituum Congregatione, censuit ipsâ, ex duabus sanationibus unum constitui Miraculum sanationis ab Aneurysmate, uti desumitur ex *Decreto edito die 14. Augusti 1732.*

25 In *precedenti hujus Operis tom. 3.* dum agebatur de Oratione, narravimus, quodd, Sancto Philippo Nerio fervidè Deum orante, in ejus pectore circâ sinistrum latus, absque aliquo doloris sensu, nullâ accedente percussione, aut externâ violentiâ, extuberans quidd elevatum est ad magnitudinem ovi gallinæci ; quodd, dum contemplationi Divinarum rerum erat intentus, cor fervebat, exultabat, & palpitabat, totumque cor-

pus concutiebatur, & incalcescebat ; & quodd, dissecto post ejus mortem corpore, in parte thoracis anteriore, in qua illa extuberatio erat omnibus conspicua, inspiciebantur duæ costæ ex mendosis superiores, omnino fractæ, ac ita divisæ, ut pars a parte distaret, cor majus solito inventum est, ejusque substantia solito durior, & solidior, pericardium sine aqua, arteria pulmonaria duplo major, & durior, pulmones a naturali statu parùm dissimiles, hepar nihil immutatum. Historiam desumpimus ab *Opusculo Roma edito anno 1613.* ab Angelo Victorio Balneoregensis Philosopho, & Medico, qui Corpus Sancti Philippi secuit. Concordat Andreas Celsipinus Medicus contemporaneus *lib. 6. Artis Medice §. 20.* ubi hæc habet : *Repertum est Roma nuper in Beato Philippo Neri Sacerdote, qui sæpius in palpitacionem cordis incidebat ex vehementi cessasi, cor valde amplum, & arteria, quæ ducit in pulmonem, duplo latior naturali. Eidem duæ costæ mendosæ in latere sinistro abruptæ a suis cartilaginibus follis instar elevabantur, & deprimebantur, dum palpitacionem pateretur ; & Pater Jacobus Baccius in Vita Sancti Philippi Neri *lib. 1. cap. 6.* restatur, cum per totum vitæ suæ tempus magnam cordis palpitacionem habuisset, qua tamen unâ cum corporis tremore afficiebatur, cum vacabat orationi, vel quando Missam celebrabat, aut cum de Deo sermo erat ; & palpitacionem non fuisse in eo motum necessarium, sed voluntarium, cessabat enim, cum ipse volebat, sed nolebat, quodd cessaret, cum Divinis vacabat.*

26 Actum fuit inter Medicos, an hæc ad causas naturales, vel supernaturales essent referenda. Andreas Celsipinus

sal.

Lib. IV. Pars Prima Cap. XIX. 263

falpinus, Antonius Portus, Rodolphus Silvester, Bernardinus Castellanus, Angelus Victorius Tractatus de ea re ediderunt, & eam Miraculo adscripserunt. Medicorum sensum retulerunt Rotæ Auditores in *Relatione Cause Sancti Philippi tit. de Devotione, & Lacrymis*. Difficultatem ingerebat doctrina Fernelii lib. 5. de part. morb. cap. ult. ubi ait, palpitationis tantam vim esse, ut costas thoracis sibi vicinas, & directè objectas frangere valeat; superiores verò, ad quas ob maiorem distantiam violentia ictus cordis tam validè pervenire non potest, e propria sede tantum depellere valet, id est luxare, vel flectere, vel extollere, sed non rumpere, aut frangere. Fernelio adhaerent Eustachius lib. 2. cap. 3. de virtutibus, & vitiis cordis, Piso lib. 2. cap. 11. sua Praxis, Petralba lib. de vera forma media cap. 13. Ex his quippe inferri posse videbatur, costarum fracturam ex interna causa naturali provenisse. Difficultas majores profectò vires assumpisset, si Medicis, qui pro Miraculo steterunt, innotuissent, quæ vel ab Hippolyto Francisco Albertino insignissimo Medico Bononiensi adhuc vivente (cujus nomen non modò celebre est in hac nostra Civitate, sed in tota Europa, & cui nos multum debere profite-mur, cum ex sua Bibliotheca pro nostro hoc Opere conficiendo selectos indicaverit, & commodaverit Libros) vel a Lancisio annotata sunt. Albertinus etenim in suo aureo Opusculo inserto in Commentariis de Bononiensi Scientiarum, & Artium Instituto, atque Academia invictè ostendit, ad vitia generis aneurysmatici ea dilatationis vitia esse reducenda, cum quibus ad pectus præternaturalis, diù durans, & cum vibratione, ictuque micans pulsatio

conjungitur, & ea, cum quibus motus sine tali pulsatione, aut ferè insensibilis adest, esse revocanda ad vitia generis varicosi; & Lancisius in Opere citato de Aneurysmate cap. 6. proposit. 48. demonstrat, aliquando molem totius cordis cum Aneurysmate auctam repertam fuisse: ex quibus proinde aliquis facilè deducere posset, omnia juxtà naturalem rerum cursum in S. Philippo Nerio contigisse.

27 At, si circumstantias sedulà attentione ponderemus, ex quibus sæpe infurgit ratio Miraculi, in eam firmam spem adducimur, omnes vel rigidiores Physicos esse dicturos, supernaturale aliquid adfuisse in eo rerum contextu, de quo nunc agitur. Demus enim, a cordis palpitatione fracturam costarum naturaliter provenire potuisse; demus, vitium fuisse aneurysmaticum; demus, cor ex morbo naturali potuisse augeri: ecquis erit, qui digitum Dei supernaturaliter agentis non dignoscat, si animadvertat, cordis palpitationem ab æstu amoris erga ipsum processisse; si animadvertat, eà Philippum laborasse non invitum, sed quasi pro arbitrio, ut jam dictum est, neque nisi, cum Divinis vacabat; si animadvertat, symptomata hæc initium habuisse, dum ipse erat constitutus in ætate annorum triginta, ipsumque, illis minimè obstantibus, quamvis laboribus, jejuniis, & pœnitentiis attritum, feliciter ad decrepitam ætatem vitam produxisse, Deo, & proximo constantissimè interveniendo; si denique animadvertat, quòd sæpe, admodò ejus cordi ab astantibus manu, importunè Diaboli tentationes, quibus admoventes urgebantur, recesserunt, nec ampliùs redierunt.

28 Adeòque, concludendo, si aliqua liberatio ab Aneurysmate tamquam

264 De Serv. Dei Beatif. et Beat. Canoniz.

quam miraculosa in Sacrorum Rituum Congregatione proponatur, iudicium Medicorum erit necessarium, ut qualitas morbi dignoscatur, symptomata ab eis erunt ponderanda, advertendum erit, an morbus fuerit recens, vel antiquus, an, & quæ remedia fuerint adhibita, an adhibita profuerint, an sanatio fuerit instantanea, an perfecta, an recidiva adfuerit: cavendumque maximopere

erit, ne perfecta sanatio desumatur tantum a pulsatione decrescere, vel etiam ab ejus deficientia; in antiquis enim Aneurysmatibus sæpe contingit, pulsationem decrescere, & deficere, & morbum perseverare, uti videri potest apud Severinum *Observ. nat. pag. 178.* apud Ruyfchium *observat. 38.* & apud Lancisium *cap. 7. proposit. 38.*

CAPUT VIGESIMUM.

De Partu Miraculoso.



1. Uzrit Sanctus Thomas 3. part. *quæst. 30. art. 4.* an annuntiatio ab Angelo facta partus Christi Domini convenienti ordine fuerit perfecta; & affirmando, respondet, cum Angelus a Deo missus fuerit, ut partum Virgini annuntiaret, & quæ a Deo sunt, ordinata sunt, uti habetur ad Romanos 13. Sed, cum Angelus Beatissimæ Virgini suadere volens, possibile esse, ut pareret Filium, licet Virum nec cognovisset, nec esset cognitura, usus sit exemplo Elisabeth, quæ Filium in senectute sua conceperat, licet sterilis esset = *Et ecce Elisabeth cognata tua, & ipsa concepit Filium in senectute sua, & hic mensis sextus est illi, quæ vocatur sterilis, quia non erit impossibile apud Deum omne*

verbum = Sanctus Doctor sequentem sibi opponit difficultatem: *Majus non potest probari sufficienter per minus: sed majus fuit, Virginem parere, quàm Vetulam; ergo non fuit sufficiens probatio Angeli probantis conceptum Virginis ex conceptu Senis: & huic difficultati ita ab eodem Sancto Doctore respondetur: Dicendum, quod, sicut Ambrosius dicit in Hexameron, ob hoc multa sterilis prævenierunt, ut partus credatur Virginis, & ideo conceptus Elisabeth sterilis inducitur, non quasi sufficiens argumentum, sed quasi quoddam figurale exemplum, & ideo ad confirmationem hujus exempli subditur argumentum efficax ex Omnipotentia Divina.*

2. Idem Sanctus Doctor eodem 3. part. *quæst. 33. art. 4.* quærit, an conceptio Christi fuerit naturalis, vel miraculosa; & respondet, conceptionem fuisse simpliciter miraculosam, & supernaturalem, sed secundum quid natu-

tu.

turalem: Respondeo dicendum, quod, sicut Ambrosius dicit in Libro de Incarnatione, multa in hoc Myfterio & secundum naturam invenies, & ultra naturam. Si enim consideremus id, quod est ex parte materiae conceptus, quam Mater ministravit, totum est naturale. Si verò consideremus id, quod est ex parte virtutis activae, totum est miraculosum. Sed, quia unumquodque magis judicatur secundum formam, quam secundum materiam, & similiter secundum agens, quam secundum patiens, inde est, quod conceptio Christi debet dici simpliciter miraculosa, & supernaturalis, sed secundum aliquid naturalis. Hanc veritatem late illustrent Theologi, tum quia in conceptione Christi Domini Maria Virgo simul, & Mater permansit; tum quia, statim ac Beata Virgo Gabrieli praebuit assensum dicens: Ecce Ancilla Domini fiat mihi secundum verbum tuum: eodem momento, nullaque interposita mora, in utero Virginis Corpus Christi compactum est integrum, & omnibus organicis membris absolutum; tum quia Corpus Christi non solum in momento conceptionis fuit integrè formatum, sed insuper eodem momento fuit animatum Animâ rationali; & demum quia in instanti conceptionis Christi Corpus fuit unitum Verbo Divino. Legi possunt duo insignes Sancti Thomae Discipuli, bonae memoriae Pater Graveson de Myfteriis, & Annis Christi dissert. 2. & Eminentiſſimus Gotti in sua Veritate Christiana Religionis tom. 4. part. 1. cap. 5. §. 4.

3 Testante ergo Spiritu Sancto, qui nec fallere, nec falli potest, miraculosum credimus partum Elisabeth, quae naturaliter apta non erat ad generandum ob ætatem, & ob sterilitatem. Miraculosum credimus par-

tum Saræ Uxoris Abraham, de quo Genesis cap. 17. = Dixit quoque Dominus ad Abraham: Sarai uxorem tuam non vocabis Sarai, sed Saram, & benedicam ei, & ex illa dabo tibi filium, cui benedicturus sum, eritque in nationes, & Reges populorum orientur ex eo. Cecidit Abraham in faciem suam, & risit dicens in corde suo: Tutas ne centenario nascetur filius, & Sara nonagenaria pariet? Est autem Deus ad Abraham: Sara uxor tua pariet tibi filium, vocabisque nomen ejus Isaac: unde Apostolus in Epistola ad Hebraeos 11. inquit: Fide & ipsa Sara virtutem accepit ad emissionem feminis; & de Abrahamo, & Sara Sanctus Augustinus de Civitate Dei lib. 16. cap. 28. ait: Ambo autem senes erant, sicut Scriptura testatur, sed illa etiam sterilis, & cruore menstruo jam destituta, propter quod jam parere non posset, etiamque sterilis non fuisset. Miraculosum credimus partum Manue, quæ peperit Samsonem, ut in Libro Judicum cap. 13. = Apparuit Angelus Domini, & dixit ad eam: Sterilis es, & absque liberis, sed concipies, & paries filium. Miraculosum credimus partum Elcanæ, quæ peperit Samuelem, ut in lib. 1. Regum cap. 1. = Dominus autem concluserat vulvam ejus.

4 At, deficiente Divino testimonio, requæ redactâ ad humanis probationes ab ætate Patris, aut Matris, vel præcedenti longâ sterilitate deductas, quamvis partus in se possit esse miraculosus, difficile tamen erit, eum uti talem approbari posse ab Ecclesia, ad partes etenim posito exemplo hominum antediluvianorum, Adami videlicet, qui, teste Moyse cap. 5. Genesis, vixit annis 930. Sethi, qui vixit annis 912. Enosii, qui vixit annis 905. Cainanis, qui vixit annis 910. Jaredi, qui vixit annis 962. Mathu-

266 *De Serv. Dei Beatif. et Beat. Canoniz.*

falem, qui vixit annis 969. Noemi, qui vixit annis 950. & quorum nonnulli filios genuerunt in xtate admodum provecta, cum in eodem Libro *Geneseos* legamus, Sethum genuisse Enoſium anno vitæ ſux 105. Enoſium jam nonagenarium genuiſſe Cainanem, Mathuſalem genuiſſe Lamechum anno xtatis ſux 187. & denique Noemum anno xtatis ſux 500. genuiſſe filios Semum, Chamum, & Japhetum, & translato ſermone ad homines poſt diluvium, rarum eſt, ſed aliquando tamen datum eſt, quod mulier major quinquagenariâ naturaliter pepererit, juxta Textum in *L. Si major C. de leg. bered.* ubi ita legitur: *Si major quinquagenariâ partum ediderit, ſi debet bujuſmodi ſoboles paſſi ſuccedere, & hereditatem ejus nanciſci, a Caſariana advocacione interrogati ſumus. Et ſancimus, licet mirabilis bujuſmodi partus inveniat, & raro contingat, nihil tamen eorum, quæ probabiliter a natura noſcuntur eſſe producta, reſſui.* Frequentiora ſunt exempla virorum, qui majores ſexagenariis liberos habuerunt, licet terminus generationis in anno ſexageſimo quò ad homines conſtituatur, juxta latè deducta apud Sanchez *de Matrimonio lib. 7. diſput. 32. num. 16.* quodque præcipuum eſt, non deſunt exempla hominum, qui filios naturaliter genuerunt in xtate octoginta, nonaginta, & centum annorum, puellarum, quæ in xtate octo, vel novem annorum naturaliter pepererunt, & mulierum, quæ pepererunt filios in xtate annorum ſexaginta ſeptem, ut legi poteſt apud Lemnium *de Miraculis occultis natura lib. 4. cap. 34.* & apud Marcellum Donatum *de Medica Hiſtoria mirabili lib. 4. cap. 14.* Thomas Reineſius in *Schola Jure-Confultorum Medica lib. 3. cap. 9.* quærit, quis ulti-

mus ſit annorum terminus ad concipiendum idoneus; & poſtquam cum Ariſtotele præmiſit, ſeptuageliſimum annum in viris, & quinquageliſimum in mulieribus ultimum eſſe terminum, ſtatuit, hominum naturam eſſe inſpiciendam, & hinc ſæpe proveniſſe, nonnullos viros in xtate annorum nonaginta, & in xtate centum annorum conſtitutos filios generaliſſe, & nonnullas ſcæminas etiam prætergreſſas annum ſexageliſimum feliciter concepſiſſe.

§ *Matthæuccius in Practica Theologia. Canonica ad Cauſas Beatificationis, & Canonizationis tit. 3. cap. 3. §. 13.* duplicis ſp:ciei partum dari, ait, alterum prodeutem figurâ naturali, & conſuetâ, alterum prodeutem figurâ præternaturali, & extraordinariâ. At Sennertus *tom. 4. lib. 4. Pract. part. 2. ſect. 6. cap. 3.* docet, partum alium eſſe naturalem, alium difficilem naturalem, alium vicioſum, ſeu difficilem præternaturalem, alium tardum, alium nullum, ſcæru in utero mortuo, alium demum cæſareum. Partus naturalis eſt, cum infans perfectus eſt, & exitum quærit, & natura eum expellere conatur, & urgentibus doloribus, ſinè quibus fœtus non ederetur, infans capite deorſum verſus uteri os convertitur, crura ſurſum dirigit, & brachia quoque ſurſum ad femora directâ habet, ruptisque membranis, aquæ efluunt primò pauce, deinde copioſe, & poſtmodum ſanguis aquoſus, uterique oriſcium ad fœtum excludendum aperitur: & Zacchias *conſil. 55. num. 3. poſt ſuas Quæſtiones Medico-Legales* quinque conditiones expoſcit in partu naturali; quarum prima eſt, ut partus debito, ac juſto tempore fiat; ſecunda, ut fœtus in exitu ad lucem ſuum naturalem ſitum ſervet; tertia, ut dolores non ſint nimis

mis acuti, & acerbis; quarta, ut brevi tempore absolvatur, ita ut non pertranseat spatium viginti quatuor horarum; ultima, ut secundæ, & puerperia in ipso actu pariendi rectè procedant.

6 Partus difficilis naturalis est, qui a naturali, de quo supra, deflectit. Sub hoc capite non comprehenditur casus infantis exitum sibi quærentis figurâ non naturali, cum ille pertineat ad caput partus difficilis præternaturalis, de quo infra. Quocirca, partus difficilis naturalis est, cum vel mater debilis est, nec urgetur doloribus, qui ex uteri conatu excitantur ad sætum expellendum, vel si sætus non sit unus, sed multiplex, & uterque eodem tempore exitum quærat, vel si sit magnus aut secundum totum corpus, aut secundum caput, vel si sit debilis, ut membranas rumpere, & exitum sibi parare non possit; partusque difficilis naturalis est etiam, si membranz sint crassiores, & densiores, ut eas infans faciliè disrumpere non possit. Ex quibus proinde inferitur, triplicem esse causam partus difficilis; aliam, quæ se tenet ex parte matris, & vis expultricis; aliam, quæ se tenet ex parte sætus, qui editur; & aliam, quæ se tenet ex parte viarum, per quas infans egreditur.

7 Partus difficilis præternaturalis est, cum sætus prodit non eo situ, & figurâ, quâ naturaliter, & frequenter edi solet. Hujus vitiosi, & præternaturalis partus multi modi sunt, quorum schemata expressa sunt apud Sennertum *loc. cit. cap. 3.*

8 Partus tardus est ille, qui tardius nascitur, quàm naturaliter solet. Partus nullus, sætu in utero mortuo, est, cum tempore legitimo pariendi conatus sese manifestant, dolores gra-

vidam apprehendunt, & aqua, ut fieri solet, effluit, & postea omnes illi dolores evanescunt, & sætus non excluditur: quod accidit quatuor modis; vel enim sætus, & mater moriuntur; vel mater viva manet, & sætus moritur; vel mater vivit, & sætus vivit, sed in lucem edi non potest; vel mater moritur, & vivus sætus in utero relinquitur.

9 Partus demum cæsareus est, cum sætus ex utero extrahitur per sectionem abdominis, & uteri, quæ in tribus casibus fit: primus est, cum sætus mortuus est, & mater vivit secundus, cum mater mortua est, & sætus vivit; tertius, cum mater, & sætus vivit: & qui hisce duobus modis vivi eduntur, Cæsares nominantur, quod ex utero excisi sint, & ipsa illa actio partus cæsareus.

10 Juxta modò exposita, inter requisita partus naturalis illud reperitur, quod debito, ac justo tempore fiat; hinc oritur occasio quærendi, an, si extra debitum, & jultum tempus feliciter sequatur, invocato aliquo Dei Servo, vel Beato, possit id Miraculo adscribi. Tempus legitimum pariendi sunt mensis nonus, & mensis decimus a conceptione; unde *lib. 2. Michæeor. cap. 7.* Mater sic alloquitur Filium = *Fili mi, miserere mei, quia te in utero novem mensibus portavi, & lac triennio dedi, & alui, & in aetatem istam perduxi* = & *Sapientia cap. 7.* legitur = *Sum quidem & ego mortalis homo, similis omnibus, & ex genere terreni illius, qui prior factus est, & in ventre matris figuratus sum caro. Decem mensum tempore coagulatus sum in sanguine ex semine hominis, & delectamento hominis conveniente* = subditque Hippocrates in *Libro de Natura Puerorum* = *In decem mensibus, quod longissimum est, nascitur*

268 De Serv. Dei Beatif. et Beat. Canoniz.

fœtus. Non agitur in præfenti de fœtu, qui editur longè post dictum tempus; de hoc quippe tractabitur, cùm sermo erit de partu tardo. Sermo ergo coarctatur ad fœtus, qui ante præfinitum prædictum tempus eduntur.

11 Zacchias in *Quæstionibus Medico-Legalibus lib. 1.* latè improbat sententiam Platonis, & Aristotelis, qui asseruisse dicuntur, hominem, ut cætera animalia, non habere certum terminum nascendi, statuitque, septimestrem partum non nasci naturaliter, & secundùm cursum communem naturæ, & dicto tempore nascentem ut plurimum mori, vel vivere imperfectum, & imbecilem, & partum octimestrem, quidquid asserant communiter alii, qui eum non habent pro vitali, esse magis vitalem, quam septimestrem. Adhæret Sennertus *Præf. lib. 4. part. 2. sect. 6. cap. 1.* Hippocrates exadverso *lib. de octimestri partu* docet, octimestres non esse vitales: *Propterea octimestres non supervivunt, quia impossibile est, ut duas consequenter succedentes afflictiones pueri ferre possint. Affligitur enim tum ea, quæ in utero fit, afflictione, tum ea, quæ in partu.* Tozzius *Medicæ parte priore tom. 1. tit. de partu* duplicem hanc improbat afflictionem dicens, quòd, si vera esset, frequentius accideret in partu decimestri ob motionem factam in nono mense. Thomas Reinclius in *Schola Medica Jure-Consultorum lib. 3. cap. 7.* putat, Hippocratem non loqui de motione fœtus, quæ octavo mense accidat, cùm hi, qui etiam septimo, aut nono mense nascuntur, paulò ante partum commoveri a fœminis deprehendantur, & Hippocratem esse intelligendum de angustis, & laboribus, quos octavus mensis qua-

dam proprietate, ac vi naturali afferre observatur, exemplo allato febre laborantium, quos ait ut plurimum sexto die periclitari, non quòd ab illius die humorum motione quidquam ipsis timendum sit, sed quòd sextus hic dies, qua ratione ignoratur, ægrotantibus esse solet infestus.

12 Aliqui, ut suadeant, fœtum trium, aut quatuor mensum posse esse vitalem, utuntur illo *Esfdræ lib. 4. cap. 6.* ubi, loquendo de venturis circa finalem Judicii diem, prædixit: *Anniculi infantes loquuntur vocibus suis, & prægnantes immaturos parient trum, & quatuor mensum, & vivunt, & suscitabuntur.* Prætermisso autem, quòd hæc potiùs significant aliquid monstruosum, & portentosum, nemo est, qui ignoret, Ecclesiam rejicere hunc quartum Librum *Esfdræ* tamquam apocryphum, & eum multis scateri fabulis.

13 At, quidquid sit de his, cùm sæpissime naturaliter acciderit, & accidat, fœtus editos fuisse quinto, septimo, & octavo mense, ipsosque supervivisse, & benè valuisse, non poterit quòd ad nos umquam adscribi Miraculo, quòd partus editus quinto, septimo, aut octavo mense feliciter prodierit, vivus, & vitalis fuerit, & ad longam ætatem vitam produxerit, etiamli hæc contigerint, imploratâ intercessione alicujus Servi Dei, vel Beati. Exempla partuum vitalium editorum quinto, sexto, septimo, & octavo mense cumulata sunt a Schenckio *lib. 4. Observ. Medic.* Fortunius Licetus in *suo Opere de Monstris pag. 222.* tellatur se natum septimo mense; & ipse diù vixit in bona valetudine, & mortuus est in bona senectute. Lemnius de *Miraculis oculis natura lib. 4. cap. 22.* hæc habet: *Ceterum, quod*
ad

Lib. IV. Pars Prima Cap. XX. 269

ad septimum mensem attinet, novi complures apud Belgas maritimos, etiam gemellos, qui ad extremam, dexteramque atatem crudo, ac viridi corpore, menteque vegeta deventerunt. Quoscirena futilis est, nulliusque momenti illorum persuasio, qui septimi mensis partum inabsolutum, minusque vitalem statuunt, & non, nisi exactis novem mensibus, infantem omnibus membrorum numeris consummatum in lucem producendum. Armanus in Medicina eritica cap. 1. fol. 13. refert Decisiones Facultatis Medicæ Lipsiensis editas die 26. Octobris 1564. & pluribus rationibus, & exemplis ostendit, naturaliter esse possibile, infantem quinto, aut sexto mense nasci, & vivere; quod & clariùs eadem Facultas declaravit anno 1656. ut idem Armanus refert fol. 450. Theophilus Raynaudus de Ortu Infantium per Sectionem Cesaream Operum tom. 14. fol. 316. ait, quòd, licet ordinarii partus ante septimestre non sint vitales, tamen id non est universaliter verum, cum aliquando secus acciderit; quod ipsum asserit etiam de partu octimestri. Montuus Anafceves Morborum lib. 4. cap. 41. testatur, se novisse Pincernam Christianissimi Regis Henrici, qui mense quinto natus erat, & in ætate jam consistente vivebat; & Cardanus in Commentariis ad Librum Hippocratis de septim. Part. narrat, Cardinalem Sfondratum octavo mense natum esse. Thomas Reinellius in citata Schola Medicæ Jurconsultorum lib. 3. cap. 7. hæc habet de partu octimestri: Fateor igitur, multos octimestres vitales non esse: sed falsum id tamen puto, hos omnes interire; nam, quòd Auctores dixerint, illos vitales non esse, aut magna ex parte hoc dictum intellige, aut dices, sacula illa plùs nimio numeris ereditisse, ideoque res ipsas plerumque, non ex propria natura, sed tantùm pro numeri

ratione menses esse. Gaspar a Rejes quæst. 90. allatis exemplis demonstrat, non paucos fœtus vixisse, licet editos quinto mense; subditque: Qui eventus, cum toties fuerit animadvertus, in pluribus aliis accidisse putantur est; nec enim omnes casus illorum, qui sic nati sunt, & superstites evaserunt, in Medicorum Libris sunt annotati. Concordat Tozzius loc. cit. de Partu tum quòd ad editos quinto, tum quòd ad editos octavo mense: & Medicorum testimonia de partu quinquemestri vitali retulit, & secuta est Rota Romana in decis. 110. num. 6. coràm claræ memoriæ Cardinali Alexandro Caprara, cujus memoria in benedictione sit; cum enim esset Rotæ Romanæ Auditor, me, licet nihil tale cogitantem, eximîa humanitate invitavit, ut ei qualemcumque operam meam præstarem in Causarum discussione, quæ in dicto Tribunali erant decidende, quod pluribus annis præstiti sub tanti Viri disciplina, quæ mihi ostium aperuit ad graviora Romanæ Curie ministeria.

14. Dictum est, loquendo de partu naturali, dolores prodesse, ut fœtus edatur, sed eos non debere esse nimis acutos, & acerbos. Confirmatur hoc ipsum ex Libro Genesis cap. 35. ubi de partu Rachelis ita legitur: Ob difficultatem partus periclitari cepit; dixitque ei obsterrix: Noli timere, quia & bene habebis filium. Egreidente autem animâ præ dolore, & imminente jam morte, vocavit nomen filii sui Benoni, id est, Filius doloris mei. Pater vero appellavit eum Benjamin, id est, Filius dexteræ. Mortua est ergo Rachel, & sepulta est in via, qua ducit Ephratam, hoc est Bethlehem; & bene explicat Zacchias Quæst. Medico-Legal. lib. 1. tit. 4. quæst. 4. num. 4. & sequentibus: Quòd ergo in immodicis partus laboribus, ac doloribus con-

sue-

fueto moleſtioribus humores plurimùm agitentur, ſpiritus diſſipentur, & ſanguis in venis inflammationem, ac præternaturalem calorem concipiat, ita ut ex ea commotione facilè vel febris acuta accendatur, vel alius quidam morbus exciteſtur, ut uteri inflammatio, & huiusmodi, notum eſt nobis Medicis. Quid ergo dicendum erit in hypotheſi, in qua mulier acerbiffimis vexata doloribus, invocato Dei Servo, vel Beato, edat feliciter foetum? Erit ne id adſcribendum Miraculo? Porro, ſi meus ſenſus exquireretur, dicerem, id poſſe eſſe in ſe miraculoſum, ſed non quò ad nos, ſola enim fœmina de acerbitate dolorum, & eorum immodica gravitate teſtimonium ferre poteſt: & quamvis Hippocrates multùm credat deſerendum teſtimonio fœminarum in his, quæ ſpectant ad partum, in ſuo Opere de ſeptimeſtri partu text. 2. pag. 169. = Porro mulieribus de partibus fidem derogare non oportet; dicunt enim omnia, & ſemper dicunt, & ſemper præferunt; neque enim opere, aut ſermone perſuaſe ſunt, ſed ex eo, quod cognoverunt in corporibus ſuis contigſſe = cùm tamen facili negotio accidere poſſit, ut aſſerant ſe correptas graviffimo, & acerbiffimo dolore, licèt dolor tantùm fuerit acerbus, & gravis, nemo eſt, qui non videat, nimis debilem futuram eſſe probationem gravitatis morbi, ſi ea, quamvis eſſentialiter requiſita in Miraculo, ſoli atteſtationi fœminæ patientis inniteretur. Quapropter in facti contingentia opus eſſet, ut ultra magnam dolorum acerbitatem, & ſymptomata, quæ dolores concomitantur, ex doloribus aliquis alius morbus proveniſſet, de quo Medici ferre iudicium poſſent, an eſſet gravis, necne, an, edito foetu juxtà

naturalem rerum curſum, nedum dolor, ſed morbus ceſſare in inſtanti potuerint; Zacchias etenim loc. cit. non tam dolorum, quàm acutæ febris, & uteri inflammationis meminit. Et in his terminis procedit exemplum miraculoſi partus relati in Bulla Canonizationis Sancti Raymundi de Tennaſort, in quo non modò fœmina acerbiffimis pariendi doloribus oppreſſa tribus diebus, ac noctibus ob languentis ſtomachi faſtidium cibos omnes, & hauſtus reſpuerat, & a ſenſibus alienata, & vocis uſu privata jacuerat exanimis, ſed etiam, ultra ſanitatis inſtantaneam recuperationem poſt Beati invocationem, nullo adhibito remedio naturali, multæ aliz ex parte foetus circumſtantiæ adſuerant expoſitæ in Relatione Rotæ Auditorum, quibus certum periculum mortis tum ipſius, tum matris fuerat imminens, quod, utroque feliciter ſuperſiſte, Beato intercedente, ſublatus eſt.

15 Dictum eſt, partum naturalem debere brevi tempore abſolvi, ſpatio videlicet viginti quatuor horarum. Repetit hoc ipſum Zacchias Queſt. Medico - Legal. lib. 1. tit. 2. queſt. 7. num. 15. Adhæret Sennertus Præſt. lib. 4. part. 2. ſect. 6. cap. 4. in Prognosticis = Si mulier quatuor diebus in partu laboret, vix fieri poteſt, quin fœtus moriatur, quia interea temporis & matris, & fœtus vires collabuntur; & ſequitur Dolzus Encyclopæd. Medic. lib. 5. cap. 7. §. 6. Si autem, invocato Dei Servo, vel Beato, partus excedat tempus prædictum, & feliciter ſequatur, incolumi matre cum filio, erit ne id inter Miracula recenſendum? Quæſito reſpondendum eſſe videtur, uti antecedenti quæſito reſponſum eſt, poſſe videlicet factum eſſe

esse in se miraculosum, sed non quod ad nos; cum novum non sit, fœminas parturientes etiam naturaliter a morbo evadere, quamvis in partu per tres dies fuerint doloribus affectæ, uti videri potest apud Forestum tom. 2. pag. 777. lib. 28. de *Mulierum morbis*: unde Riverius cap. 18. de *Partu difficili* pag. 403. partus difficultatem non constituit in longiori tantum temporis mora, sed in atrocioribus doloribus, aliisque symptomatibus gravioribus concomitantibus: *Partus difficilis* appellatur, qui debitas, atque ordinarias nature leges non servat, sed longius tempus infumit, & dolores subitè vehementiores, aliæque symptomata graviora comitantia habet. Dum munere fungebis Fidei Promotoris, inter cæteras miraculosas sanationes in *Causa Canonizationis tunc Beati, nunc Sancti Turribii* proposita fuit illa liberationis mulieris a puerperio, quæ per tres dies partus doloribus aded fuerat afflicta, ut animam emissura videretur, quæque, invocato Beato Turribio, infantulas gemellas feliciter edidit: & quamvis Postulatores multum laboraverint, ut id inter Miracula adscriberetur, sub obtentu potissimum dolorum protractorum ad tres dies, & felices partus immediate post invocationem, Sacra tamen Congregatio abstinuit ab eo inter Miracula recensendo.

16 Dicitum denique est, in partu naturali aquas primò effluere debere parvas, deinde copiosas, aquas, inquam, quæ continentur inter membranas Chorion, & Amnion, de quibus novissimè Sebastianus Mellus in suo *Opere*, cui titulus = *LA COMARE* = lib. 1. cap. 6. pag. 97. *Venetæ Editionis* anni 1721. ex quo fit, præ-

cilem reddere partum. Zacchias *Quest. Medico-Legal.* lib. 1. tit. 4. *quest. 4. num. 11.* ita scribit: *Disruptis ante tempus opportunum dictis panniculis, aquæ effunduntur, & loca muliebria exsecrata relinquunt; excrementa enim cum sætu exuvia facilem partum reddunt.* Sennertus lib. 4. part. 2. sect. 6. cap. 4. ait: *Via tandem minùs lubrica sunt, cum membrane ob tenuitatem nimis citò rumpuntur, & aqua, quæ vias istas humectare, & lubricas reddere solent, citiùs, quàm par est, effluunt.* Ortlobius in *Dissertatione de partu*, & *visis fœtus* pag. 292. §. 9. obstertricem admonet, ne membranas rumpat, & intempestivum excitet aquarum profluvium: *Cautè tamen & hic agat obsterrix, ne, ipsas membranas rumpendo, aquarum intempestivum profluvium; & debine difficilem partum, aut etiam violentiam simul instanti inferat.* Idem docet Verheyenius cap. 24. pag. 392. = *Aqua illa effluens vocatur aqua parturitionis, quia e parturientibus, id est parere conantibus, excernitur.* Insuper autem tunc illa aqua ad laxandas, & lubricandas vias pro faciliiori fœtus exitu. Legi possunt Mauriceau in *Traicté de Partu* lib. 2. cap. 2. pag. 170. & Sebastianus Mellus in suo citato *Opere* lib. 2. cap. 8. pag. 222. & Bonetus lib. 3. cap. 26. de *symptom. part.* num. 31. ex præmatura aquarum dejectione imminentem inferi fœtus mortem, si ille post aliquot dies nascatur: *Daunigitur humores manant, fluxu suo, & inundatione vias lubricant, ac, nisi partus statim subsequatur, sed ad tempus, & dies aliquot moram nectat, alimentum fœtus decedit, partusque fit difficilior, fœtus imbecillior, & consequenter necessariò moritur; & Cranaen relatus per Bonetum loc. modò cit. ante num. 35. subdit: Quia aqua illa viis pro egressu fœtus debent glabritiem conciliare, forsàn obviet etiam ra-*

272 De Serv. Dei Beatif. et Beat. Canoniz.

tio hac, quid aqua ille infervant pro respirationis materia, sicut nobis aer; nam in inspiratione assumit eas, reddisque iterum in respiratione. Cum igitur aqua illa deficiunt fœtus, idem est, ac si nobis eriperetur aer, adeoque fermentatione cordis fœtus maximum subflammationis incurrit periculum. His politis, quxrere nunc opus est, quid erit dicendum, si in partu præmatura aquarum ejectione sequatur, & post nonnullos dies fœtus, incolumi matre, incolumis edatur. Erit ne hoc Miraculo adscribendum, si id sequatur post invocationem aliqujus Servi Dei, aut Beati? Porro crederem, partum ex eo solo capite præmaturæ effusionis aquarum, etſi feliciter prodeuntem, haberi non posse tamquam aliquid excedens vires naturæ, & sic miraculosum. Bonetus in *Medicina Septentrionali* Editionis Genevaſis anni 1686. part. 2. pag. 92. refert observationem Pauli de Sorbait de aqua ante puerperium quindecim diebus innoxie effusa: *Illustrissima Comitissa de Staremberg quindecim diebus ante partum aquam puerperii semper rejicit absque gravi damno, ubi masculum paritura est, non verò ubi foemellam: an quia fœtus masculinus plus attrahit, quàm foemellus? an quia fortior masculus aperit? an præcox ille fluxus sit hydropis uteri prodromus? Nimia dolorum acerbitas, dolorum perseverantia ad tres, vel quatuor dies, præmatura effusio aquarum circumſtancie sunt, quarum unaquæque, etiam singillatim sumpta, sufficit, ut partus haberi debeat pro difficili naturali, adeoque pro periculoso, juxta illud Sennerti cit. cap. 4. in Prognosticis = Omnis partus difficilis, periculosus, & cum mater, tum fœtus in eo periclitantur; sed non omnis felix vaſio a partu naturali difficili, & periculoso satis est pro*

Miraculo constituendo, uti respondebant Consultores Congregationis Sacrorum Rituum Zacchiz scribenti pro partu miraculoso, de quo infra, in *Causa Beati Gregorii X.* quemadmodum colligitur ex ejus *Conſil.* 10. num. 1. post *Quæſtiones Medico-Legales*.

17 Dum in superioribus agebatur de partu difficili naturali, dictum est, partum difficilem naturalem esse, si parturientis vires sint nimis debiles, aut si fœtus non sit unus, sed multiplex. Hippocrates lib. 5. aphor. 55. hæc habet: *Quæcumque utero gerentes a febribus corripuntur, & fortiter caleſcunt sine occasione manifesta, difficulter pariunt, & cum periculo, aut abortum facientes periclitantur; & Thomas Willis in suis Operibus Medicis cap. 26. inquit: Tuerperarum febres supra communium aliarum indolem valde periculosas esse, vulgaris experientia abunde testatur. Antonius Deulingius in suo Tractatu de generatione fœtus in utero pag. 204. num. 80. maternum exposcit conatum pro fœtus editione: Corpus etiam maternum totum quodammodo conatum corſert; nec enim musculi duntaxat abdominis, ac diaphragma animali quodam motu ad uteri compressionem concurrentes partum promovent, sed partes itidem reliqua corporis irritata quasi naturali quodam conamine, atque comixto motu, & contractionem sui instituunt a superioribus deorsum ad ipsum hypogastrium, utrumque convergentem. Atque hi verè labores, ac dolores partus sunt, quibus nec ipsa parturiens volens nolens obſistere potest, utpote ab ipsa natura irritata quodammodo (velut singultus, sternutatio, convulsiones sunt) proficiſcentibus. Celebris Malpighius in *Epist. rar. argum.* pag. 221. diligenter observavit, uterum esse musculum cavum, cujus textura fibrosa, & reticularis ab ipso deter-*

82

ita vigorem partus tempore acquirit, ut intro urgeat, & eo modo, quo potest, conetur expellere foetum sua in cavitare contentum. Si parturientis ergo vires febrile dejectae sint, aut ex quacumque alia ratione vis expellendi foetum maxime debilis sit, de partu difficili naturali non erit dubitandum, veluti late explicat Sennertus *loc. cit.* sed, admissa magna debilitate virium matris vel ratione morbi, aut ex alia causa, non statim felix partus, incolumis videlicet foetus, erit ad Miraculum referendus, cum foetus ipse proprio conatu valeat naturaliter egredi, & defectum virium matris supplere. Ex triplici viventium, vegetabilium nempe, oviparorum, & viviparorum, ordine foetus omnes duorum primorum ordinum suis ab uteris erumpunt propter solum proprium nifum, nihil plane adjuvantibus conatibus maternis. Plantarum foetus, quia servantur intra semina, merito vegetabilium ova Empedocli dicta, atque a celebri Malpighio demonstrata, suos uteros, quos *pericarpia* dicunt, adolescendo diffingunt, nullo tunc subministrato adiutorio a fruticum ramis, & ramorum gemmis, a quibus, tamquam e sinibus maternis, olim deciderunt. Universi pulli per se ipsos, hoc est per suos rostrulos, ovorum putamina perrumpunt, nullo tunc matrum auxilio concurrente. In viviparis ad partum concurrunt tum vires matris, tum foetus; sed, si ipsi fuerint robustiores, premortuis quamvis matribus, uterum dilatando, in lucem venire possunt. Christianus Fridericus Garmann de *Miraculis Mortuorum lib. 1. tit. 9. §. 7.* variis exemplis probare conatur, gravidas mulieres mortuas parere posse; licet enim, proprie loquendo, mulier, quae mor-

tua est, non possit dici, quod pariat, cum partus sit actus mulieris viventis, & enitensis, juxta ea, quae plenè annotarunt Alciatus, Brecheus, & Rebuffus in *l. Anniculus §. Falsum ff. de verbor. significat.* infans tamen ex utero matris mortuae exiens in lucem venire dicitur, & nasci, uti prosequitur Rebuffus *loc. cit. vers. 3. = Verum est quod ad ipsam, ut quere peperisse non dicatur; nihilominus editus infans, & natus esse dicitur =* & sequitur Tiraquell. in *l. Si unquam C. de revocandis donationibus in verb. Susceperit liberos num. 140. & sequentibus: quae nativitas aut sit per sectionem illam, quae a Chirurgis dicitur Caesarea, de qua late Carolus Stephanus lib. 3. de diffet. part. corp. human. cap. 1. & Franciscus Mauriceau in suo Tractatu de morbo mulier. pregnant. lib. 2. cap. 32. vel ob connisus prolis, matre premortua, vi sua profligentis, quemadmodum bene explicat Theophilus Raynaudus Operum tom. 14. cap. 1. de Ortu Infantium per Sectionem Caesaream num. 10. Huc spectant, quae habentur apud Riolanum Anthropographix lib. 6. cap. 8. fol. 398. = Totus fatus suapte impetu, ruptis membranis tenerrimis, & jam extensus, vivus ab utero emergere, prius tamen mortuus, & extincta matre = apud Hildanum in Epistola ad Oringium pag. 1174. apud Harveum de Generatione Animalium exercit. 72. tit. de Partu scribentem = Mulier mortua &c. mane sequenti in semore ejus repertus est infans, qui proprio nifu exitum sibi procuraverat = apud Bartholinum centur. 2. Hist. Anat. rar. observat. 99. ubi ait: Sphinx Theologice - Philosophica cap. 17. narrat, quendam, cum mortua uxori pararet exequias, matris ab utero, subido emissio claro vagitu, salvum, & inco-*

M m

274 *De Serv. Dei Beatif. et Beat. Canoniz.*

lumen pusionem vidisse egredientem &c. & ex Hero Matriti Matriona ex Familia Domini Francisci Lasso post tridui agonem mortuo busto inferebatur. Post aliquot menses, busto iterum aperto, cadaver repertum fuit eodem loco, sed in dextro brachio infans mortuus jacebat: non poterat autem infans in eo statu reperiri, nisi vivus ex utero matris prodisset. De conamine foetus, ut ab utero exeat, loquitur Hippocrates de natura Puerorum num. 37. En ejus verba: *Se movente* (loquitur de foetu) & *manibus*, ac *pedibus calcitrante*, pelliculam quamdam internam, rumpi contingit: rupta autem und, etiam alia debiliorem vim habent, & rumpuntur, primum quidem illi contigua, & cohaerentes, postea extrema. Cum autem rupta fuerint pellicula, tunc foetus a vinculo exsolvitur, & agitatus foras procedit &c. Quando autem procedit puer, violat, ac dilatat uteros in exitu, utpote teneros existentes. Procedit autem in caput, si secundum naturam prodierit, & post Hippocratem explicat Antonius Deusingius in *Tractatu de generatione foetus in utero* pag. 176. num. 70. Fatum quidem ad exitum sui multum conferre, rumpendo membranas, ac sub vehementissimis motibus capite suo uteri angustias aperiendo, dubium esse non potest. In oviparorum animalium coitu id liquidò deprehenditur, ubi, non matres, sed foetus ipse corticem rumpit: & ante omnes hanc foetus in nativitate operam, & molimen proprium Hippocrates eleganter descripsit *Lib. de Nat. Puer.*

18 Quod dictum est de partu difficili naturali ob debilitatem virium parturientis, sibi quoque vindicat locum quò ad partum difficilem naturalem, ex quo foetus non est unus, sed multiplex, cum nec in hoc, licet feliciter edito, tam ipso, quam

matre superstitibus, etiamsi id contingat post invocationem alicujus Servi Dei, vel Beati, veri Miraculi ratio ordinariè constitui possit.

19 Foetus gemini, seu Gemelli duplici modo esse possunt: aut in conceptione, aut in partu. Gemini in conceptione sunt, qui eodem tempore fuerunt concepti. Quomodo autem id fiat, pendet a celebri quæstione de viviparorum genesi ex ovis, pro qua strenuè pugnant Verheyen, & Franciscus Maria Nigritoli in suo *Tractatu Italicè conscripto de viventium generatione*, & adversus quam scribunt Lamy, Barbatus, Du Vernoy, Sbaralea, & Dominus Joannes Hyacinthus Vogli in sua *elucubrata Dissertatione de Genesi Viviparorum*, quam hic Bononiz edidit anno 1718. Apologiam scribens pro suis Theſibus Physico-Medicis in hoc publico Bononiensi Archigymnasio disputatis: cui honesto, & docto Viro me multum debere profiteor, cum eximià diligentia, ut mihi rem gratam faceret, horum meorum Librorum editioni præfuerit, & errata correxerit, quamvis muneri addictus publici Lectoris in Archigymnasio, & ægrorum curis per Urbem.

20 Foetus gemini, seu Gemelli in partu sunt, qui eodem tempore eduntur, licet eodem tempore non fuerint concepti; quod facili negotio accidere potest, si conceptus ante duos menses novimeltris prodeat, & alter post duos menses conceptus prodeat septimeltris.

21 Regulariter loquendo, Gemini, seu Gemelli appellantur, qui eodem tempore concepti eodem tempore eduntur, quales fuerunt Jacob, & Esau. De Geminis, seu Gemellis hoc modo sumptis ita loquitur Hippo-

Lib. IV. Pars Prima Cap. XX. 275

pocrates in Libro de Superfet. num. 7. = *Qua* Gemellos gestat, eadem die parit, velut contempit; habet autem utroque pueros in una secunda. Franciscus Vallesius in Commentario illius historiz relatx ab Hippocrate, Fœminæ scilicet, quæ duas fœmellas gemellas fuerat enixa, & in hydropem inciderat, lib. 2. sect. 2. text. 21. ita scribit: Hinc ex partus difficultate facta sunt duo gravissima mala, hydrops, & ulcera uteri. Merito autem fuit difficilis partus, quia peperit fœminas duas nam, & quia fœmina, & quia duæ, poterant id facere, cum geminus partus simpliciter sit difficilior, & fœmina, quàm viri. Gemelli unius sexus vivaciores sunt, quàm diversi sexus, veluti observat Sennertus Pract. lib. 4. part. 2. sect. 4. cap. 5. in Prognosticis. Nonnulli opinati sunt, possibile esse, ut quinque fœtus eodem tempore edantur, quod desumunt ex Textu in 1. Si Pater ff. de solut. & lib. & latè annotavit Gellius Noft. Attie. lib. 10. cap. 2. cum totidem cellulæ in utero humano reperiantur: sed, cum uteris prædictis cellulis sit destitutus, & unâ tantùm cavitare donetur, licet pars dextera a sinistra per crassiusculam quamdam lineam segregetur, passim admittitur, non solum quinque, sed alios multos fœtus naturaliter eodem tempore edi posse, licet, si tres uno partu edantur, non ita facile contingat, ut vitales edantur, sicuti annotavit Zacchias Quæst. Medico- Legal. lib. 1. tit. 2. quæst. 8. num. 8. & sequitur Tozzius Operum tom. 1. tit. de Superfatantibus, & Multiparis per hæc verba: Hinc, Gemellis exceptis, rarè hi partus superstites sunt, rùm ob uteri angustiam nec satis nutriri, nec adulescere possunt. Immo, si natura opifitium contemplerur, quæ gemina tan-

tùm ubera hominibus largita est, aliis verò animalibus, quæ plures simul fatus edunt, mammarum multitudinem, humani partus trigemini, quadrigemini monstris videntur. Quia verò tot prostant exempla fœcunditatis mulierum, quæ etiam plures, quàm quinque, liberos eodem tempore ediderunt, quæ collecta legi possunt apud Marcellum Donatum in Medica Historia mirabili lib. 4. cap. 24. & apud Schenckium Observ. Medicin. lib. 4. de Part. ad tit. Partus numerosus, & sæpe naturaliter contigit, fœminam, & masculum eodem tempore natos incolumes, & superstites fuisse, uti quoque refert Sennertus loc. cit. tresque liberos eodem tempore natos vitam ad longam ætatem protraxisse, juxta eam, quæ habentur apud Mellum in Opere supra citato lib. 2. cap. 5. pag. 192. ex his unusquisque facili negotio deprehendere poterit, quanto cum fundamento in superioribus dictum sit, non posse, ordinariè loquendo, Miraculum constitui in partu naturali difficili, & in quo fœtus non est unus, sed multiplex.

22 Diximus, ordinariè loquendo, si etenim circumstantiæ ostenderent, geminorum, aut multiplicium fœtuum editionem aliquod prodigiosi in se habuisse, de Miraculo non esset dubitandum. Exemplum esse potest in partu Rebeccæ, de quo Genesis cap. 25. = Deprecatusque est Isaac Dominum pro uxore sua, ed quid esset sterilis, qui exaudivit eum, & dedit conceptum Rebeccæ. Sed collidebantur in utero ejus parvuli. Quæ ait: Si sic mihi futurum erat, quid necesse fuit concipere? Perrexitque, ut consuleret Dominum. Qui respondens ait: Duæ gentes sunt in utero tuo, & duo populi ex ventre tuo dividuntur; populusque populum superabit, & major

276 *De Serv. Dei Beatif. et Beat. Canoniz.*

*serviit minori. Jam tempus parienti ad-
venerat, & ecce Geminus in utero ejus re-
perit sunt. Qui prior egressus est, rufus
erat, & totus in morem pellis hispidus,
vocatumque est nomen ejus Esau. Proti-
nus alter egrediens plantam fratris tene-
bat manu, & idcirco appellavit eum Ja-
cob. Certamen enim, & lucta par-
vulorum Jacob, & Esau, non vi na-
turæ, sed Dei ductu facta est ad præ-
sagium, quod Jacob, & Esau nati
inter se colluctarentur, & concerta-
rent de primogenitura, & primatu;
unde Jacob tenuit plantam Esau, quasi
eum supplantare volens, ne prior ex
utero egredereetur, quemadmodum ex
Ruperto latè annotavit Cornelius a
Lapide ad dictum cap. 25. *Genesis*. Ex-
emplum quoque miraculosi multi-
plici fetus esse poterit in Margarita
Florentii Comitissæ Hollandiæ filia,
quæ, cum mulierculam stipem peten-
tem, & gemellos in ulnis gestantem
acerbè increpasset asserens, eam uno
partu duos producere non potuisse,
nisi duorum quoque virorum com-
mercio usa esset, Mendicæ precibus a
Deo contendente, ut in signum suæ
pudicitiz Comitissa gravida tot pare-
ret infantes, quot essent in anno dies,
exacto gestationis tempore, anno 1276.
ipsâ die Parasceves tercentum sexa-
ginta quatuor infantes partim mares,
partim fœmellas peperit, qui a Gui-
done Trajectensi Suffraganeo Sacro
Baptismate abluti, simul omnes cum
matre uno, eodemque die mortui sunt.
Historia hæc marmore descripta est
in Pago Lausdun non procul a Lug-
duno Batavorum, & Schenckius *loc.
cit.* tum verba Monumenti, tum Hi-
storicorum testimonia refert, & col-
ligit. Apud Schottum *Philosoph. curios.
pars. 1. lib. 1. cap. 10.* alia narrantur
numerosi partus exempla. Et, ut ali-*

quid de superfœtatione subdarur, et si
Galenus eam videatur non admisisse,
veluti ostendit Marcellus Donatus in
Opere citato lib. 4. cap. 16. eam tamen
sæpe naturaliter conrigisse, certum est.
Joannes Rhodius *Observat. Medicæ cen-
tur. 3. observ. 52.* refert de Navicularii
cujusdam Patavini uxore, quæ quo-
vis anno superfœtare consueverat. Cer-
tum pariter est, fœtus hoc modo na-
tos vivos, & vitales fuisse, ita ut de
rei veritate dubitari non possit, quem-
admodum profecquitur Sennertus *loc.
cit. cap. 6.* Hippocrates *lib. 3. aphor.
51.* inquit: *Qua utero gerunt, iis uteri
os comprimuntur; vel (ut alii vertunt)
conrivet, constringitur, aut corrugatur;*
& quomodo, hoc minimè obitante,
ex novo concubitu superfœtatio fiat,
explicant Tozzius in *Commentariis ad
dictum aphorismum*, & Mellus in *Opere
citato lib. 2. cap. 5. pag. 190.*

23 Transitum faciendo ad partum
difficilem præternaturalem, prænosce-
re opus est, modum, quo natura
parrum promovet, eum esse, ut fœ-
tus per superna membra, quæ infer-
nis majora, & graviora sunt, quem-
admodum indicavit Hippocrates *de
Natur. Puer. num. 37.* prono scilicet
capite, exitum quærat, & subsequen-
tibus humeris faciliorem infernis mem-
bris mole minoribus viam aperiat, &
sternat, validâ tum accedente, & con-
spirante tam uteri, quam infimarum
partium vi sese constringendi, ac
compellendi. Uno verbo, partus se-
cundum naturam frequentissimus, &
minimè omnium periculosus est, si
fœtus, quem mater usque ad statu-
tum a natura tempus utero gestavit,
instante partu, caput ex alvo emittit,
veluti annorantur post Hippocratem
loc. cit. Aristoteles *4. de gener. animal.*
& Galenus *lib. 13. de usu part. cap. 7.*
Pro-

Proximus huic pariendi modo alter est, cum puer ambobus in lucem pedibus exit, & sic nascentes Agrippæ Latinè dici solent ex Aulo Gellio lib. 16. Pariendi hæc etenim figura propinqua est naturali, & præsertim, si infans manibus super utroque femore extensis rectâ deferatur. At, si puer maturus, & perfectus, non capite, non pedibus, at obliquus ex alvo matris erumpere conetur, alteramve manum, vel utramque complicatam, vel pedum unum ex. gr. emitat, altero intus detento, vel duplicatus utero ostio insistant, hic pariendi modus periculosus est: quod Hippocrates lib. 1. de Morbis Mulierum apertissimè demonstravit exemplo deducto a vase oleario angusti oris, in quod si quis rectâ, & in longitudinem nucleum immiserit, non facile obliquum extrahere poterit. Horum partuum schemata videri possunt apud Sennertum cit. lib. 4. Pract. part. 2. sect. 6. cap. 3. & de illis plura habentur apud Mellum in Opere citato lib. 3. Sennertus in Prognosticis loco allegato hæc habet de difficili præternaturalis partus figuris ibi depictis: *Omnes ista fetus exitum querentis figura præternaturales non solum difficiles sunt, sed & periculose, ut interdum mater, interdum fetus, interdum & mater, & fetus pereat. Minus tamen periculi est, cum infans in pedes, præcipue utrumque, exit. Latini hoc modo natos Agrippas appellant.*

24 Thomas Campanella Medicinæ lib. 6. cap. 21. art. 9. num. 12. & 13. ita de his partibus loquitur, & de naturalibus remediis adhibendis: *Et, cum naturalem configurationem exeuntis non servat fetus, periculosus est partus valde sibi, & matri. Naturale quidem est, si in caput exeat, ad motus ad femora manibus, vel si pedes juncti*

*prius exeant, manusque adhaerentes lateribus sequantur. Si autem nates, aut venter, aut alia media membra in os uteri primò inferantur, vel una manus exeat foras, vel pes unus, tunc non est trahendus foras, ne luxetur, rumpaturque ipse, aut mater, sed dextrâ intrudendus manu calidâ adipe litâ junctis intromissâ digitis, conandumque, ut, naturali configuratione adeptâ prius, mox extrahatur. At, si mortuus fuerit partus, ex motus privatione agnitus, difficilis erit; tunc trahendus obstericis manu, pellendusque matris abdomine; &, cum desperatur, configurationem adipisci posse commodum, & mors ejus matri ob putrefactionem minatur mortem, tunc per Chirurgiam particulam scissâ extrahendus: quod etiam vivis miserè faciendum, ne ipse, ac mater simul pereant; & si tangi potest, ita prius baptizandus: multò autem magis, cum partus monstruosus fuerit biceps, triceps, quadrimanus. Non agitur hic formiter de fœtu mortuo, de quo infra, sed de fœtu vivente, exitum querente: figurâ præternaturali: cumque plures suppetant modi, quorum optima figura præternaturalis ipsius naturalis evadere potest, aut quia ille suis conatibus figuram in exitu naturalem acquirere valet, aut quia vel parturientis conatus, vel obstetricum auxilia, vel naturalia remedia id præstare valent, unusquisque benè cognoscere poterit, difficile admodum esse, quòd partus difficili præternaturalis, licet prodeat incolumis, & post invocatum Dei Servum, vel Beatum, Miraculo ascribatur, pro ut benè responderunt Consultores Congregationis Sacrorum Rituum. Zacchiæ scribenti pro Miraculo partus difficili præternaturalis in Causa Beati Gregorii X. ut ex ejus Consil. 10. num. 1. colligitur: *Augeat facti possibilitas.**

278 *De Serv. Dei Beatif. et Beat. Canoniz.*

litatem quotidiana experientia, cum in-
boras videamus, pueros in nates, in
ventrem, in latera, divaricatis cruri-
bus, aut brachiis extensis; altero pede
tantum exerto, non tantum nasci, sed
nasci etiam vivos, & incolumes, matre
quoque involumi permanente; & in ter-
minis foetus mortui positi in figura
præternaturali hæc referuntur a Lu-
ca Schroeckio apud Bonetum in *Me-
dic. Septent. tom. 2. lib. 4. sect. 7. ob-
serv. 10. pag. 93. Editionis Geneven-
sis*. En ejus verba: Decima Februarii
noctis hora decima vocabar ad Pistoris
cujusdam Uxorem juvenulam difficulter
admodum parientem, prominente jam
extra partus fetus masculi manu dexte-
ra, brachioque sensum sequente, ast re-
liquo corpusculo intra uterum subsistente,
nihil, vel parum in tertium usque diem
proficientibus Puerpera, & natura con-
atus, quos adjuvare idoneis remediis
auxilium contendebam, sed incassum om-
nia. Verum, cum parum spei de salute
superesses, ob deficientes puerpera vires,
& abortum putridum & brachio propen-
denti gangrenâ jam infecti fetorem, Di-
vinum subveniebat auxilium, dum sti-
mulum ad urinæ excretionem ex impro-
viso sentiret, & simul novum parturien-
tis doloris nixum: quare a præsentem tum
obstetricem instanter sollicitata, ut quan-
tum virium corporis adhuc restaret, eas
intenderet ad omnimodam fetus exclusio-
nem, id animosè, ac strenuè fecit, cum
felici admodum successu, ut integrum pueri
emortui corpusculum exin fuerit exclusum.
Prosequitur Author ad referendos
alios morbos, quibus parturiens af-
flicta fuit; & narrationem tandem
sic concludit: *Hæc tempore, quo talia
scribo, immunis plaud semina vitam pan-
craticè transigit.*

25 Post hæc nihil aliud remanet,
quàm, ut aliqua subdantur de partu

tardo, & de partu nullo, præcipuè
ob foetum in utero mortuum. Ut
prætereamus casus foetuum natorum
post undecimum mensem a concep-
tione, de quibus Aulus Gellius lib.
3. *Noct. Attic. cap. 17.* & Alcianus lib.
3. *Taradoxorum cap. 7.* celebris est cas-
us, de quo Mercurialis *Consil. 85. ad Illustissimum Christophorum a VVel-
ebenstein*, ubi hæc habet: Nuncquam
aut visum, aut scriptum est, quantum
ipse recorder, mulierem ullam seium vi-
rum quatuor annis ventre gestasse, quem-
admodum hæc a te mihi proposita mul-
lier, quam scribant, anno decimo quinto
enixam marem, mox primo conjuge orba-
tam cum secundo, ac tertio sexdecim an-
nis sterilem mansisse, donec tandem quar-
tò nupta concepit fetum, quem ipsa om-
nino affirmat se, jam quarto anno exalto,
vivum gestare non modò absque ulla
insigni molestia, verum etiam cum sum-
mo valetudinis lucro, nempe, quæ prius
innumbris penè malis tentaretur, nunc
verò a cunctis libera sit. De hoc casu
loquens Sennertus *Pract. lib. 4. part. 2.
sect. 2. cap. 6.* subdit: Sed hæc rara,
& penè miraculosa sunt. Acciduntque,
procul dubio ob semen debile, utriusque
calorem languidum, quibus de causis &
fetus tardius absolvitur, & expultrix
languet. Non est autem in Medici po-
testate talia corrigere, sed natura omnia
permittenda: quam etiam rationem
late exornat a Rejes *quæst. 90. num. 3.*
Ad duodecimum, ad tertium, & quar-
tum supra decimum mensem non-
nullos lætus progressos, & in lucem
felicitè editos ostendit Caranza *cap.
15. de Partu naturali*. Alii insoliti
casus cumulantur a Thoma Bartholi-
nino in sua *Dissertatione de insolitis
partus humani viri cap. 2.* inter quos
exilat ille relatus a Nicolao Trigau-
tio lib. 1. *de Christ. exper. apud Sinas
cap.*

cap. 10. Lauzu videlicet Philosophi Chinenſis octoginta annis in alvo matris geſtati, de quo tamen, aliſque antecedenter expoſitis inquit Bartholinus loc. cit. = Omnibus fidem adhibere vix poſſum. Diſputant Medici, an Harſtocker, vel Levvenoeckius fuerit primus, qui exiſtentiam nonnullorum parvorum vermium in ſemine animalium, & ſic etiam in ſemine hominis, obſervaverit; & Andry, ſuppōſitā doctriā exiſtentiae prædictorum vermium, inſert, naturaliter contingere poſſe, quodd mulier poſt undecimum, aut duodecimum meſem a conceptione foetum edat, intelligendo nomine conceptionis primariam actionem, per quam humor ſpermaticus in crā matricem retinetur, poſtquam in eam ovum lapſum eſt, & docendo, tunc fieri foeminam gravidam, cūm vermis ovum ingreditur. Doctrinam hanc exponit celebris Antonius Valliſnerius in ſua erudita Hiſtoria de hominis, & animalium generatione part. 1. cap. 8. num. 9. = Di qui può naſcere (conchiuſe) loquitur de Andry, cōè una Femmina, il di cui Marito ſarà poco dopo morto, cōè ella avrà concepito, e non partorirà, cōè nell' undecimo, o duodecimo meſe, e qualche volta ancora nel decimo tergo, poichè il verme non ſarà entrato nell' uovo, cōè dopo lo ſpazio di un meſe, o due, e può eſſere tre dopo la concezione. Confeſſa eſſere il fatto difficile, ma però non impoſſibile, eſſendo ſi alcuna ſiata veduti di sì fatti parvi ſenza alcuna macchia di colpa.

26 De partu nullo, & foetu in utero mortuo ſcribit Sennertus loc. cit. cap. 7. in Prognōſticis = Si fetus ex utero edi non poſſit, periculoſiſſimum eſt, & periclitantur cum mater, tum infans; & quidem interdum fetus moritur, mater

verò manet; interdum mater moritur, & infans ſalvus ſupereſt; interdum & mater, & fetus moriuntur; interdum & mater, & fetus vivus manet, atque uterque ſervatur Chirurgicali extractione. Niſi fetus mortuus quamprimum excernatur, putreſcens in viſa periculum matrem conſicit. Quid pejora, & plura, ſetu mortuo in utero, matres apprehendunt ſymptomata, eò magis periclitantur, utpote ſi convellantur, ſi tremant, ſi leſbargo, & ſomno gravi corripiantur, ſi pulſus ſit debilis; ſi verò nihil tale paſſiantur, ipſas ſervari poſſe, ſper eſt. At ex hiſtoris patet, quodd natura quandoque ſpontè foetum corruptum expellit, & varias vias quærit. Albucacis lib. 2. Chirurgia cap. 76. factum a ſe viſum exponit: Vidi mulierem ſetum mortuum utero etiamnum gerentem, nihilominus denuo impregnata, eundemque ſetum ex ſecundo conceptu genitum mortuum. Huic multo tempore poſt apoſtema in umbilico obortum, & iuſſatam ſuppurationem eſt. Vocatus itaque ad curationem diù ejuſdem medicationi inſiſti, neque tamen ad conſolidationem ulcus deduci potui. Itaque emplaſtra vehementer attrahentia adhibui, quorum beneficio paucis poſt diebus offacula prodierunt. Admiratione igitur ductus, eum ventrem offibus cavere ſerem, rem diligentius, & multiſariam expendi, deprebendique, offacula illa non niſi ex ſetuum mortuorum cadaverulis proveniſſe. Causa itaque morbi certò cognita, medendique ratione inventa, offacula plurima per intervalla ex apoſtemate eduxi, muliere interdum melius ſe habente, que poſtmodum diù adhuc ſupervixit; ulcus verò ſubinde, nonnihil putrilaginis ex ſeſe remiſiſt. Rariſſimas alias foetus in utero mortui hiſtorias colligit Marcellus Donatus de Medica Hiſtoria mirabili lib. 4. cap. 22. Gaſpar a Rejes quæſt. 90. in fine reſert, Uxorem cujuſdam Servi Mar-

chio.

280 *De Serv. Dei Beatif. et Beat. Canoniz.*

chionis de Montexar post convalescentiam cujusdam gravioris morbi tantam carnis, & ossium quantitatem per os deposuisse, ut integram humani fœtus confabricationem æquarent, & hominis, sive fœtus absque dubio fuisse in utero geniti, cum ipsa ante morbum gravida esset, nec per consuetam, aut aliam viam conceptum aliàs emisisset. Rejes miratur, quomodo, nullâ patente viâ, ab utero ad os caro, & ossa ferri potuissent; & tandem concludit, de naturæ majestâte, & potentia hæc, & majora nos credere posse, cum plumbecos globulos, cultellos, ensium frustra, & alia multa per ignotas vias, & sibi solum cognitâ sæpius extrâ corpus transmisisse visâ sit, de quibus adducit exempla *quæst. 92.* & alia prostant apud Marcellum Donatum *lib. 2. cap. 12.* Denum Joannes Dominicus Sanctörinus Protomedicus Supremi Magistratus Sanitatis, & Professor Anatomicus in Civitate Venetiârum *anno 1717.* Typis Venetis historiam edidit, quam etiam eruditâ Animadversionibus illustravit, cujusdam fœtus sædi maximè odoris, ex priore corporis parte ferè integri, & ex posteriore aliquantum corrupti, qui, incolumi matre, mortuus ab ejus corpore extractus est ope Chirurgicâ per anum; unde meritò Jacobus Sinibaldus celebris olim Medicus Urbis scribens in *Causa Canonizationis Sancti Pii V.* super instantanea emissione fœtus a pluribus diebus jam mortui ab utero, post narratum casum supra deductum ex Albucasi, conclusit: *Alios hujusmodi casus legere est apud Hildanum, Cordæum, Langium, Batbiniuum, Schenckium, Marcellum Donatum, & alios quamplurimos Auctores, quos longum esset numerare, sætuum nempe corruptorum, qui vel per apostema,*

vel per anum, vel aliter, matre superstitæ, fuerunt educti. Tot igitur, ac tales ab Auctoribus descriptæ historia mirabiles, adeoque frequentes, ut non amplius Medicis sint mirabiles, luculenter ostendunt, non semper calamitosam, ac letalem esse corrupti fœtus diuturnam retentionem.

27 Scribentes de Canonizatione Sanctorum, cum agunt de partibus periculosis, tria putant necessaria pro statuendo Miraculo, invocationem videlicet Beati, aut Sancti, Medici attestationem de periculo probabili mortis imminētis, perseverantiam dolorum per tres, aut quatuor dies, & maximè, si fœtus moriatur ante egressum e corpore, uti videri potest apud Bordonum de *Miraculis medic. 15. num. 22.* Matthæucci in *Practica Theologico-Canonica ad Causas Beatificationis, & Canonizationis tit. 3. cap. 3. §. 13.* miraculosum admittere videtur partum, si fœtus obliquus ex alvo matris erumpere conetur, & ad suum naturalem exeundi modum reduci non possit, & vivus nascatur, incolumi matre. Miraculum quoque admittere videtur in partu, si fœtus mortuus per aliquod tempus in corpore matris persistat, & ab ejus utero prodeat, incolumi matre: & in reliquis subscribit Bordonus, dummodo tamen post partum alii morbi mulierem non invadant. Pignatellus *Consult. 26. tom. 7.* agens de fœtu transverso in utero ait, ejus editionem esse Miraculo adscribendam, si fiat nullo virium naturæ, aut artis adjutorio; & *Consult. 177. num. 34. tom. 10.* subitam liberationem a periculossimo puerperio inquit inter Miracula recensendam; & *Consult. 183. eodem tom. 10.* stat pro Miraculo, si, nullo adhibito naturali remedio, fœtus mortuus feliciter edatur. Quid

et

ergo dicendum erit? Erit ne in constitutendo Miraculo res adeò jejune expedienda, & conspectu præsertim tot Medicarum observationum supra relatarum? vel potius erit absolute dicendum, partus quomodocumque difficiles, & periculosos (quamvis mater, & fœtus ab eis incolumes evadant) non esse subjectum sufficiens pro Miraculo, licet in Bullis Canonizationis Sanctorum nonnullæ felices a partu evasiones inter Miracula recenscantur, ut in *Bulla Canonizationis Sancti Ludovici Episcopi Tolosani*, in *Bulla Canonizationis Sancti Didaci*, in *Bulla Canonizationis Sancti Raymundi de Pennafort*, & in *Relationibus Rotæ Auditorum*, in illa videlicet *Causa Sancti Philippi Neri* 3. part. de *Miraculis in vita*, in illa *Causa Sancti Francisci Borgia* art. 2. de *Miraculis in specie*, in illa *Causa Beati Gregorii X. Miracul. 13.* in illa *Causa Sancti Jacobi de Marchia* ad tit. *Puerpera in extremis laborantis levatio*, in illa *Causa Sancti Joannis de Deo* in *tertio Miraculo post mortem*, in illa *Causa Sancti Raymundi de Pennafort* in *tertio Miraculo post mortem*, in illa *Causa Sancti Caroli Borromei Miracul. 14.*

28 Si meus qualicumque sensus exquireretur, dicerem primò, cautè, & plùs quàm cautè, & sobriè esse in hac materia procedendum; quod est conforme praxi Sacre Congregationis, quæ non ita frequenter partus, et si difficiles, recensuit inter Miracula, licet sibi fuerint frequentissimè a Postulatoribus propositi tamquam miraculosi.

29 Dicerem secundò, nullam pro effectù, de quo agitur, habendam esse rationem vitalitatis fœtuum, qui quarto, septimo, aut octavo mense editi sunt, totum multiplicium,

seu gemellorum, aut in majori numero prodeuntium, juxta ea, quæ in superioribus dicta sunt, necnon fœtuum masculorum potius, quàm fœminarum (etiamsi tamquam fabula rejiciatur eorum assertio, qui contendunt, per salubria Medicinæ præcepta marem generari posse loco fœminæ, uti videri potest apud Thomam Reinesium in *Schola Medica Juriconsultorum lib. 3. cap. 10.*) aut fecunditatis obtentæ post longam sterilitatem, cum id provenire possit a viciosa aliqua dispositione, quæ sit in utero, vel in semine, quæque naturaliter cesset aut ope remedium, aut aliter, uti latè ostendit Sennertus *Præf. lib. 4. part. 2. sect. 4. cap. 3.* Dictumque est, nullum horum habendam esse rationem pro effectù, de quo agitur, agitur enim hic, & nunc de Miraculis veris, & rigorosis in ordine ad Beatificationem, & Canonizationem, & non de Gratiis, ad quas dicti eventus facile reduci possunt. Porro ad Miracula aliquis ex dictis eventibus referri posset, puta partus post sterilitatem, si constaret, sterilitatem ab aliquo vitio organico processisse, quod, ordinariè loquendo, probari non potest, eandemque sterilitatem cessasse, invocato Dei Servo, vel Beato: unde optimè subdit citatus Vallisnerius *part. 3. cap. 2. num. 54. = Alla struttura viziata delle ossa, o alla macchina degli organi principali, tutta, o in parte cospicua, e che riguarda all' utero stranamente torta, e scomposta, non vi trovo rimedio, e dissi quasi con Arceo, benchè in altro proposito parlasse: Oportet, Medicum hoc in morbo totum hominem immutare, quod, per Jovem, nec Diis facile fuerit. Non può il Medico fare que' Miracoli, che al solo*

282 *De Serv. Dei Beatif. et Beat. Canoniz.*

Domenedio si riferbano, e fa ognuno, che ex morbo fit morbus.

30 Dicerem tertio, quoddam concurrentibus debitis circumstantiis, poterit partus esse subiectum Miraculi, & poterunt etiam felices ejus evasiones approbari tamquam miraculose, sed facilius, si tamquam supra numerum Miracula approbentur, intervenientibus videlicet aliis binis saltem Miraculis diversæ speciei approbatione dignis; & ita, dum munereungebar Fidei Promotoris factum est in *Causa tunc Beati, nunc Sancti Joannis de Cruce*, ut colligitur ex *Decreto edito die 5. Februarii 1725. = Sanctitas Sua, accitis infra scripta die coram se R. P. D. Prospero de Lambertinis Archiepiscopo Theodosien. Fidei Promotore, & me Sacra Congregationis Secretario, ex septem jam propofitis Miraculis tria tamquam tertii generis approbavit, nimirum primum instantanea sanationis Sororis Anna Terefia a Sancto Benedicto Monialis in Monasterio Sancta Terefia Civitatis Baren. a Paralyfi, necnon septimum instantanea item sanationis Sororis Joanna Francisca Jarvejon Monialis in Monasterio Sanctissima Annuntiata Civitatis Neocastri in Lotbaringia pariter a Paralyfi; secundum verò, scilicet liberationis Albertæ Maria de Alpharo in Oppido Noblexas in Hispania a difficillimo, & periculoso partu, tamquam supra numerum approbavit.*

31 Dicerem quarto, posse felices evasiones a partibus inter Miracula, non supra, sed intra numerum referri, si instantanea emissio foetus accidat statim post invocationem Beati, vel Sancti, si nulla fuerint adhibita media humana pro ejus emissionem, si felix undequaque fuerit partus, incolumi matre, incolumi filio, si post partum mulier alio mor-

bo vexata non fuerit, quod in evasione a partibus periculosis expe-rit contingit, veluti annotavit Zacchias *Consil. 9. num. 19. post Quaestiones Medico-Legales*, quodque caput est, si evidens periculum mortis matris, aut foetus præcellerit, non ab una, aut altera causa deductum, sed a pluribus simul unitis, quæ prudenti Medico suadere poruerint, rem eò redactam esse, ut sine ope Divina non esset mater incolumis emissura fetum, nec foetus, vivam matrem, sine ope pariter Divina esset in lucem vivus, & vitalis proditurus; huc referri possunt, quæ in superioribus annotavimus de nimis acutis, & acerbis in partu doloribus, de eorum protractione ad tertium, & quartum diem, de præmatura aquarum effusione, de nimia debilitate virium parturientis; poterit enim fortè in unoquoque ex dictis casibus, & in unoquoque ex dictis circumstantiis felix partus naturaliter accidere, sed non, si omnes prædictæ circumstantiæ fuerint insimul unitæ.

32 Dicerem quinto, quoddam, si tamquam miraculosus proponatur partus, quem Postulatores contendunt, non capite, non pedibus, sed obliquum ex alvo matris erupisse, vel duplicatum uteri ostio instillisse, incolumi matre, incolumi filio, & præviâ invocatione alicujus Servi Dei, vel Beati, ostendere debent aptis probationibus, rem sic se habuisse, editum videlicet fuisse feliciter fetum in ea præternaturali figura, nec a fetu novam, & naturalem ante partum figuram assumptam fuisse; quæ probatio admodum difficilis est. In *Causa Canonizationis Beati Gregorii X.* actum fuit de miraculoso partu, qui ab utero in lucem venire frustra ten-

taverat, quique alteram tantum manum, ac brachium emiserat, neque ab obstetricibus peritissimis intro propelli, & ad idoneum locum reduci ullo modo potuerat, ita ut puer in ea figura non naturali positus, postquam diu, multumque laboraverat, vitam in utero reliquerit, incolumi tamen matre, quæ infantem mortuum, invocato Beato Gregorio X. statim feliciter emisit. Antequam Causa juxta morem tunc temporis receptum in Rotæ Romanæ Auditorio discuteretur, scripserunt celeberrimi Medici, Zacchias videlicet, cujus Consilia impressa sunt *post ejus Quaestiones Medico-Legales*, Æmilius Vezosius Physicus Aretinus, qui curæ interfuerat, Bernardus de Bernardis ex Collegio Placentino Artis, & Medicinæ Doctor, Angelus Victorius Balneoregensis Medicus Romanus, Aurelius Marocchus Medicus Physicus, qui omnes unanimiter steterunt pro Miraculo; & Rotæ Auditores factum prædictum inter Miracula recensuerunt in *Relatione* ab ipsis edita. Delatâ Causâ ad Congregationem Sacrorum Rituum tempore, quoungebar munere Fidei Promotoris (nec enim ex alibi dictis Auditorum Rotæ judicium umquam profuit, nisi a Sacrorum Rituum Congregatione fuerit approbatum) operæ pretium esse, reputatum est, novos audire Peritos. Auditus fuit Dominus Soldatus, qui scribens ad Causæ opportunitatem censuit, partum esse Miraculo adscribendum. Auditus fuit bonæ memoriæ Lancisius, qui scribens pro veritate Domino Soldato adhxlit. Sed, me tamquam Fidei Promotore urgente, quod non probabatur, feminam peperisse infantem in ea adhuc figura, & situ permanen-

tem, in quo Testes dixerant illum fuisse in principio partus, & possibile fuisse, ut partus fuerit obstetricum manibus in illum situm, illamque figuram redactus, in quibus sine magna difficultate poterat expelli, sanctæ memoriæ Clemens Papa XI. nullum edidit in ea Causâ responsum.

33 Dicerem sextò, quod, si in partu difficili præternaturali vis Miraculi reponatur in hoc, quod intermissione Servi Dei, vel Beati partus habens figuram irregularem regularem assumpserit, & fuerit conversus, opus est, ut quodcumque remedium naturæ, vel artis excludatur, opus est, ut doceatur de positura, in qua sese pariens collocavit, opus denique est, ut instantanea emissio foetus post invocationem, incolumi matre, incolumi foetu, ponatur in claris. Nec in re, de qua nunc agitur (salvo semper meliori judicio) crederem, conversionem foetus, & acquisitionem aptæ figuræ naturæ adscribi posse: licet enim Ruyfchius secundinæ, & foetus demortui expulsionem naturæ concedat, nullum tamen vidi, qui naturæ fidat foetus conversionem, & acquisitionem aptæ figuræ, ut ab utero exeat; vehementes siquidem diaphragmatis, musculorum abdominis, uteri, & nervosarum partium compressiones profunt ejectioni foetus, qui in utero continentur, minime tamen foetum pravè dispositum versant, & aptam illi figuram tribuunt.

34 Dicerem denique ultimò, quod, si emissio foetus mortui tamquam miraculosa proponatur, incolumi matre, plura sunt demonstranda: primum, quod foetus per notabile tempus in utero matris mortuus perman-

ferit: secundum, quod mortuus fuerit fœtus ex causa interna, & non ex causa externa, puta, percussione, vel casu: tertium, quod mater ex diuturno antecedenti morbo in evidentissimo mortis periculo constituta viribus esset impotens ad pariendum: quartum, quod femina sine dolore pepererit: quintum, quod feliciter pepererit, statim invocato Dei Servo, vel Beato, exclusis remediis subministratis, & apris pro fœtus mortui exclusione: ultimum, quod puerpera immediatè benè se habuerit, nec a partu ægotaverit. Hisque insimul concurrentibus, me tunc Consultorialis Aulæ Advocato, nec adhuc assumpto ad munus Fidei Promotoris, scribente in *Causa Canonizationis Sancti Pii V.* auditis insignioribus Medicis Urbis, Sinibaldo videlicet, & Lancisio, quorum Suffragia fuerunt typis edita, Sacrorum Rituum Congregatio inter Miracula recensuit instantaneam emissionem fœtus a pluribus diebus jam mortui in utero matris, & absque ulla ejus dolore editi cum ipsius matris preservatione ab evidenti mortis periculo.

33 Post hæc, descendendo ad explicanda memorata requisita, fœtus mors ex pravo halitu matris desumitur, uti autumant Varandæus de *Morbis Mulierum* cap. 7. pag. 137. Phrygius *Comment. in Epid. Hippocrat. part. 3. apot. 14. pag. 539.* Cortes. *Miscell. Medic. decad. 10. quæst. 10. fol. 799.* Vega de *Arte medendi* lib. 3. cap. 23. Zacut. *Lusit. Medicor. Princip. Hæstor. lib. 3. hisstor. 17. fol. 513.* sed tutius signum mortis fœtus ex uteri tactu videtur delendum, cum ex eo desumatur, an fœtus careat, aut non careat motu, & consequenter an sit vivus, vel mortuus, uti latè

prosequuntur Thomas Burnett. in *Thesaur. Med. Pract. tom. 1. sect. 18. pag. 567.* Bernardin. Christin. in *Praxi Medica Observationum centur. 10. cap. 19. pag. 141.* Franciscus Mauriceau in *suo Tractatu de Morbis Mulierum prægnantium* lib. 10. cap. 12. pag. 188. quoddamque ejus mors procellerit a causa interna, demonstrari poterit per exclusionem cujuscunque causæ externæ, & per pravam humorum collectionem in matre, qui, ut sensim in matre cumulantur, ita sensim filio communicantur, & morbos, ac mortem inferre solent.

36 Bonæ memoriæ Lancisius in *suo Suffragio pro veritate edito in allegata Causa Sancti Pii V.* inter cætera ponderavit, mortem fœtus processisse, non a causa externa, sed interna: Cum igitur ex *Actis* constet, fœtum intra uterum occidisse absque ulla externa occasione, sed ex febris duraxat, maloque, ac perverso materni corporis apparatu, statim oportet, periti Medici in mentem veniat, emissio utcumque fœtu, ab iisdem pravis humoribus in vita discrimen adduci debuisset, idemque paulo ante in eodem Suffragio dixerat, superstiti ut plurimum genitrici, edi fœtum mortuum ex causa externa, si mater priùs sana fuerit.

37 Pro evidenti mortis periculo femine parturientis haberi quidem potest ratio fœtus in utero mortui per plures dies, juxta ea, quæ ponderat Sennertus *lib. 4. Pract. part. 2. sect. 6. cap. 5.* Nisi fœtus mortuus quamprimum excernatur, putrescens in vite periculum matrem conjicit, & quod peiora, & plura fœtu mortuo in utero matris apprehendunt symptomata, eò magis periclitantur & sequitur Burnett. in *suo Thesaur. Med. Pract. tom. 1. sect. 18. de fœtu mortuo* pag. 597: in fine =

Quam.

Quamprimum expellendus est fetus, aliàs præsentissimum exitium prægnanti infert; sed id solum sufficere non debet, juxta ea, quæ in superioribus deducta sunt: unde evidens periculum matris a præcedentibus morbis, & concomitantibus signis erit ulterius comprobandum, si videlicet parturiens febribus acutis, aut malignis fuerit afflicta, si luridus, & cadavericus ejus color apparuerit, juxta illud Hippocratis in Prognosticis lib. 1. part. 7. & 8. ita scribentis: Colorem totius faciei pallidum, aut etiam nigrum, & lividum, aut plumbeum ex morbo talem factum, ægros morti proximò esse significare: & juxta illud Vallesii post Galenum super 6. Epid. sect. 5. text. 23. pag. 39. = Qualis in cute color, talis humor redundat in corpore.

28 Quò ad nimiam virium debilitatem, videtur in ea magna cum cautela esse procedendum, cum parturientes sæpe dicant, se viribus omnibus esse destitutas, licet id in rei veritate non subsistat. Facit casus supra relatus ex Luca Schroeckio, in quo licet deficientia virium puerperæ appareret, hortante nihilominus obstetrice, vires collegit, & animosè, & strenuè fetum mortuum emisit. Quocirca, ut rectum de virium debilitate feratur judicium, præcedens extenuatio parturientis a præcedenti languore inducta erit serò advertenda; nec erit omittenda probatio desumenda ex pulsu, cum juxta Medicos pulsus sit mensura virium: & quamvis vires vitales a viribus animalibus distinguantur, veluti benè ostendit De le Boe lib. 3. Praxis Medica cap. 7. pag. 418. num. 176. cum tamen vires animales a sanguine oriantur, quotiescumque sanguis propter febrem magno affectus est vitio, & pertur-

batur movetur, vitales validæ esse non possunt; unde bonæ memoriæ Jacobus Sinibaldus in suo Suffragio edito in Causa Sancti Pii V. mulieris parientis fetum mortuum exponens inquit: In statu salutis desperato, viribus destituta, & pulsu jam deficiente, necessarios ad pariendum conatus nullo modo efficere poterat.

39 Quò ad defectum dolorum, etsi dolor in partu sit pœna peccati primorum Parentum, juxta illud Genes. 3. = In dolore paries = & dolor partus in muliere consequatur virilem commixtionem, uti benè ponderat Sanctus Thomas 3. part. 35. art. 6. Ad primum, partulque idcirco Beatissimæ Virginis fuerit sine dolore, juxta illud Ilat. 35. = Germinans germinabit sicut lilium, & exultabit lata-bunda, & laudans = & juxta illud Sancti Bernardi Sermon. 4. in Vigilia Nativitatis = Conceptus Christi fuit sine pudore, partus sine dolore; in eo tamen, quod spectat ad naturam, certum est, dolores non spasmodicos; neque spurios, sed genuinos parturientis emissioni factus maximopere prodesse, uti benè consideravit bonæ memoriæ Joannes Maria Lancisius in suo Suffragio pro veritate edito in Causa Sancti Pii V. ubi hæc scripta reliquit = Tertio loco causa deducenda venit, cur Isabella majori semper difficultate, immo penè omni facultate pariendo destitueretur, cum esset absque doloribus, qui, ut communiter a Medicis advertitur, non sunt tantummodo futuri partus signa, sunt principales causæ; cum enim dolet uterus, per dolorem ipse contrahitur, & per contractionem fetus emissionem adiuvat. Ubi igitur uterus non dolet, non contrahitur, & utero non contracto, nulla fieri potest fetus mortui emissio = & confirmavit bonæ memoriæ

Si.

286 De Serv. Dei Beatif. et Beat. Canoniz.

Sinibaldus in allegato Suffragio = Mirabilis etiam fuit modus, quo peperit, hoc est, sine dolore; licet enim in penam culpæ originalis fuerit Hæva filiabus decretum, ut parerent cum dolore, talis tamen est illius doloris natura, & vis, ut mirum in modum conferat ad scitus expulsiōem, & quāto majores, ac frequentiores sunt dolores, tamō facilius, ac celerius mulier sit paritura; ut proinde, quod de Achillis hasta sapulatur Poete, quæ vulnus unā, & auxilium inferebat, concinnō puterperarum doloribus adaptetur, qui & penam, & præsidium

simul abfolvunt. Dictum est autem, prodesse partui genuinos dolores, non spasmodicos, & spurios, juxta monitum Deventrii, qui in suo *Artis obstetricandi Libro* cap. 17. pag. 6. ita scripsit: Non incommode addemus, feminas quasdam laborare mixtim tam spuris, quā genuinis doloribus, quorum illi nonnullis dicuntur tergiversantes; nam, quando dolores videntur partum deprimere, & parturientes omnibus viribus conuultur, subitō isti mutantur in contrahentes dolores perisimiles spasmō, ut partum excludere sit impossibile.

CAPUT VIGESIMUM PRIMUM.

De Revocatione Mortuorum ad vitam, seu de Resuscitatione.



1 Nequam sermo inflictuatur de mortuorum revocatione ad vitam, seu de eorum resuscitatione, an videlicet Miraculo sit adscribenda, quatuor præmittenda esse videntur. Primum est, resuscitationem differre a resurrectione; resuscitatio enim est actio, qua Deus mortuum revocat ad vitam, unde se tenet ex parte Dei viventis ei, qui e vita decessit; resurrectio autem est passio defunctum, ipsum afficiens, qui ad vitam revocatur. Secundum est, resuscitationem duplicem esse; aliam ordinariam, & universalem, qua omnes mortui resurgunt in ultimo Judicio,

de qua in *Libro Job* cap. 19. hæc verba leguntur = *Es rursus circumdabor pelle mea, & in carne mea videbo Deum Salvatorem meum* = & *Ezechielis* cap. 37. = *Hæc dicit Dominus Deus: Aquas tuas ventis veni spiritus, & insuffla super interfectos istos, & reviviscant* = & *lib. 2. Machabæorum* cap. 12. = *Nisi eos, qui ceciderant, resurrecturos speraret, superfluum videretur, & vanum orare pro mortuis* = quamque inter Judæos negarunt Sadducei, & Samaritani, uti legitur *Matthæi* cap. 22. & *Actorum* 23. & primis Ecclesiæ temporibus Simoniani, Saturniani, Basilidiani, Valentiniani, & Marcionitæ, quibus addi potest Socinus nefandissimus Hæreticus, qui inter virulentos, quos disseminavit, errores asserere ausus est, homines impio penitus annihilari, & nullam impio-
rum

rum resurrectionem futuram, aliam deinde resuscitationem dici posse particularem, & extraordinariam, per quam Deus ex singulari privilegio revocat ad vitam hunc, vel illum mortuum extrâ finale Judicium. Tertium est, in hoc differre resurrectionem universalem a particulari, quod post resurrectionem universalem nulla mors sequitur, quæ tamen sequitur post particularem resurrectionem, cum in particulari resurrectione, qui resurrexerunt, mori debeant, ut cum aliis in resurrectione universali resurgere possint. Ultimum demum est, de resurrectione agi posse & quod ad homines, & quod ad bestias.

2 His præmissis, in præsentī agendum est, non de resurrectione universali, de qua eruditam de more Dissertationem Calmet exaravit, sed de particulari; & primo loco sermo instituendus est de hominum resuscitatione, & deinde de resuscitatione bestiarum. Porro particularis nonnullorum hominum resuscitatio inter Miracula in Sacra Scriptura recensetur In lib. 4. Regum cap. 4. Eliseus, uti etiam supra visum est, suscitavit a mortuis filium Sunamitidis hospitiæ = Ingressus est ergo Eliseus domum, & ecce puer jacebat in lectulo ejus, ingressusque clausit ostium super se, & super puerum, & oravit ad Dominum &c. Venit illa, & corruit ad pedes ejus, & adoravit super terram, tulitque filium suum, qui jam resurrexerat, & egressa est = & cap. 13. Mortuus injectus Elisei Sepulchro, cum tetigit ossa ejus, mirabiliter revixit: Cum tetigisset ossa Elisei, revixit homo, & stetit super pedes suos. = In Evangelio Matthæi cap. 4. cum venisset Jesus in domum Principis, jussit turbæ tumultuanti, ut re-

cederet; & cum dixisset, filiam dicti Principis non esse mortuam, sed dormire, omnes eum deriserunt; & cum ejecta esset turba, intravit, & tenuit manum ejus, & surrexit puella, & exiit fama hæc in universam terram illam. = In Evangelio Lucæ cap. 7. cum Jesus appropinquaret Portæ Civitatis Naim, & defunctus efferretur filius unicus matris suæ, accessit, & tetigit loculum: Hi autem, qui portabant, steterunt, & ait: Adolescens, tibi dico, surge. Es resedit, qui erat mortuus, & cepit loqui: & dedit illum matri suæ. Accepit autem omnes timor, & magnificabant Deum dicentes: Quia Propheta magnus surrexit in nobis, & quia Deus visitavit plebem suam. = In Evangelio Sancti Joannis cap. 11. ampla exponitur historia Lazari resuscitati, ante quatuor dies jam mortui, & deinde subditur: Multi ergo ex Judæis, qui venerant ad Mariam, & Martbam, & viderant, quæ fecit Jesus, crediderunt in eum: de qua Lazari resuscitatione ita loquitur Euthymius in Joannem cap. 11. tom. 19. Bibliotheca Patrum pag. 702. = O maximum, ac duplum Miraculum! Non solum, qui jam olebat, resurrexit, sed etiam, qui obvinctus erat, exivit e monumento; & Sanctus Basilius Homil. de gratiarum actione pag. 39. eam resurrectionem vocat Miraculum in Miraculo. = Actuum cap. 9. orante Sancto Petro, Tabitha, quæ mortua fuerat, resurrexit = Petrus ponens genua oravit, & conversus ad corpus dixit: Tabitha, surge. At illa aperuit oculos suos, & viso Petro, resedit. Dant autem illi manum erexit eam; & cum vocasset Sanctos, & Viduas, assignavit eam vitam. Notum autem factum est per universam Joppen, & crediderunt multi in Domino = & Actuum cap. 20. cum, disputante Paulo, quidam adolescens nomi-

mine Eutychus somno oppressus de tertio cenaculo deorsum cecidisset, & tamquam mortuus sublatu esset, Apostolus incubuit super eum, & complexus dixit: *Nolite turbari; anima enim ipsius in ipso est* &c. Adduxerunt autem puerum viventem, & consolati sunt non minimè. Inter particulares resurrectiones, de quibus in Sacra Scriptura, non enumeramus resurrectiones eorum, qui revixerunt cum Christo, de quibus in *Evangelio Sancti Matthæi cap. 27.* = *Tetra scissæ sunt, & monumenta aperta sunt, & multa corpora Sanctorum, qui dormierant, surrexerunt*; quæstio enim adhuc est inter Theologos, an, qui tunc resurrexerunt, resurrexerint ampliùs non morituri, vel ita resurrexerint, ut denuo obirent in universali deinde Iudicio resurrecturi, de qua controversia alibi a nobis agitur. Scupor autem, admiratio, Infidelium conversio satis apertè demonstrant, memoratas resurrectiones, non viribus naturæ, sed Dei Omnipotentis supra vires naturæ operanti adscriptas fuisse. Item in *Psalm. 87.* legitur: *Numquid mortuis facies mirabilia, aut medicis suscitavit, & consuevit tibi?* & apud *Job cap. 14.* habetur: *Homo, cum mortuus fuerit, & nudatur, atque consumptus, ubi quasi est? Sic homo, cum dormierit, non resurget, donec atteratur cælum, non evigilabit, nec consurget de somno suo* &c. Putas ne, mortuus homo rursus vivat? quæ verba, sicuti patefaciunt, impossibile esse, ut naturaliter homo mortuus resurgat, ita probant, resurrectionem, quæ aliquando contigit, Divinæ Omnipotentis esse adscribendam.

3 Tritum insuper est apud Philosophos, a privatione ad habitum naturæ viribus regressum minimè da-

ri, uti satis apertè responderunt Philosophi Patavini ab Episcopo consulti, ut iudicium ferrent de duorum mortuorum resurrectione, quæ a Deo facta dicebatur intercessione Sancti Antonii Patavini, de qua infra, & apud Georgium Ragusejensem Venetum in *Appendice ad Librum de Divinatione*, & apud Abelly Episcopum Rhutenensim in *suos Euciridii Pastoralis Sollicitudinis pag. 223.* Ad rem optimè argumentatur Theologus Gallus in *suâ Epistola theologica duodecima num. 25.* & sequentibus; postquam enim præmisit, existentiam hominis esse argumentum sensibile, & evidens existentis Dei infinitè sapientis, & potentis (equus enim præter Deum infinitè sapientem, & potentem efformare potuisset multitudinem infinitarum partium in corpore humano, unionem adeò strictam duarum substantiarum adeò inter se differentium, animæ videlicet, & corporis?) intulit, solius Dei infinitè sapientis, & potentis opus esse, posse partes corruptas corporis humani reformare, spiritus producere reanimantes universam machinam, & iterum unire, prout fit in resurrectione, memoratas duas substantias animæ, & corporis: & quamvis Plutarchus narret, Thespesium Solensem a morte ad vitam revocatum Purgatorii, & Inferni poenas luculenter exposuisse, & longè ante eum Plato in *lib. 10 de Republica* inducat præstantissimum quemdam Virum Herum Armenium genere Pamphylium, qui, cum in prælio occubisset, sublati decimo die cadaveribus jam planè corruptis, integer ipse, incorrupto corpore, repertus fuit, domumque delatus, ut sepeliretur, duodecimam jam ab obitu die, dum pyrexia imponere-

tur,

Lib. IV. Pars Prima Cap. XXI. 289

cur, revixit, & redivivus commemoravit ea, quæ viderat apud Inferos, quæque præmia, aut supplicia manerent pios, atque impios, cujus Platonice narrationis mentio habetur apud Sanctum Augustinum de *Civitate Dei* lib. 22. cap. 28. & de nonnullis aliis referatur, quod mortui naturaliter revixerunt, ut sunt Aristæas Proconneſius, Cleomedes Aſtipalæſis, Hermotimus Clazomenius, Epimenides, Romulus, Apollonius Thianeus, quos ad elevandam revivificentiæ Chriſti admirabilitatem Chriſtianis Celfus oppoſuit apud Orogenem lib. 3. quibus addi poſſunt Glaucus, Hippolytus, Alceſtes; hæc tamen in nullo pretio habenda ſunt, aut quia falſitatis vitio laborant (quidquid de Pamphylio, & Theſpſio probare conetur Fortunius Licetus in *Libro de ſexto quaſitis per epistoſas*, ubi veras fuiſſe prædictorum reſurrections, oſtendere conatur) aut quia plerique ex eis mortui falſo crediti ſunt, cum morbi tantum vehementiâ eſſent oppreſſi. Quare, ne actum agere videamur, Lectorem remittimus ad Huetium Epiſcopum Abrincenſem in ſua *Demonſtratione Evangelica* propoſit. 9. num. 5. & ſequentibus pag. 1035. Editionis Lipſienſis anni 1703. ad Medicos Patavinos in eitato Conſilio apud Abelly pag. 236. ad Zacchiam in *Quæſt. Medico-Legal.* lib. 4. tit. 1. quaſt. 11. ad Martinum del Rio *Diſquiſit. Magicar.* lib. 2. quaſt. 29. ſect. 2. præter ea, quæ a nobis dicta ſunt 3. lib. cap. 49. num. 2. & inter Authores Forenſes ad Pignatellum *Conſult.* 60. tom. 4. Sanctus Juſtinus in *Serm. exhort. ſeu Orat. paramet.* ad Genes paulò poſt medium loquens de reſurrectione Heri a Platone narrata putat, ideam reſurrectionis fuiſſe a Platone deſum-

ptam ex libris Judæorum, &, ut Græcis ſuaderet, præmium, & pœnam manere poſt hanc vitam, caſum finis reſurrectionis prædicti Heri: *Quæ Plato apud Tropheas legerat, quamvis Authores metu Græcorum diſſimulet, ſub ſiſtitia Perſona cuiusdam in acie caſi, & duodecimâ poſt die ſunerandi, ac in regiſtrum rediviſi, denarrantisque res inferas recenſes his verbis &c.* Hæc mihi videtur Plato non de extremo judicio Prophetarum didiciſſe oracula, ſed & de ea, quam Græci non credunt, reſurrectione. Dominus Hecquet narrat, quemdam Ruſſiæ populum mori tempore hiemali, & reſurgere tempore verno, ut poſſibilem naturaliter aſſuat reſurrectionem; ſed eum itrenuè redarguit Theologus Gallus in ſua decima quarta *Epistoſa theologiae* num. 64. & pluribus ſequentiſque. Fuſiſſimè, & erudiſſimè Medina de reſcit in *Deum Fide* lib. 2. cap. 7. pag. 54. de prædictis ſuſcitationibus ita loquens = *Hæ ſuſcitationes vel ſunt fabuloſæ, quod ſemper apud eorundem Gentium Sapientes eſt creditum, vel non ſunt vera ſuſcitationes, quæ veram mortem, id eſt, veram animæ, & corporis ſolutionem, ſupponunt* = id oſtendit in qualibet mortui reſuſcitatione, quæ naturaliter facta ſupponitur: & poſt plura, tranſitum faciens ad mortuorum reſuſcitationes ſecutas imperio Chriſti, aut Apoſtolorum, inquit, veras animæ, & corporis ſolutiones præceſſiſſe, quod oſtendit primò, quia illi, qui in Beelzebub Dæmonia fugare, & rem cum Diabolo Chriſtum habere quotidie, dicebant, in mortuorum ſuſcitatione, non apoplexiam, non ſyncopem, non naturales morbos cauſati ſunt; ſecundò, quia in ſceto Lazari corpore animæ eſſe non poterat, tantaque erat mortis evidentiæ

290 *De Serv. Dei Beatif. et Beat. Canoniz.*

in suscitatione Filix Archisynagogi, ut, Christo dicente, non esse mortuam, sed dormire, astantes quasi delirium riderent; tertio, quia suscitationes a Christo, vel Apostolis in ejus virtute, non sponte, sed ad Christi, vel Apostolorum imperia, in Evangelicæ prædicationis testimonium secutæ sunt: ex quo clarissimè infertur, suspicionem naturalis morbi nullum sibi posse locum vindicare; nisi fortè dicatur, Christum, & Apostolos, & Evangelicos Viros cum morbis, & malignis humoribus pactos fuisse, ut tempus, quo cessaturi essent, indicarent, atque adeò non prius illorum hominum suscitationes aggressos, quàm consumptos humores, qui languores effecerant, aperitè cognoscerent: quod, etsi per impossibile admitteretur, non parvum esset Divinitatis indicium, scire videlicet exactè, quando esset terminus morbi, & quanta esset humorum periodus, in his præsertim, qui non varias Orbis plagas addiscendæ medicinæ ratione peregrini percurrerant.

4 Quapropter nemo est, qui unquam dubitaverit, particulares resurrectiones mortuorum, quæ precibus Sanctorum a Deo factæ sunt, esse inter Miracula, saltèm secundæ classis, recensendas. Exempla habentur in *Thaumasia vera Religionis Patris Petrus sanctæ tom. 1. cap. 52. in Relationibus Rotæ Auditorum*, quas ediderunt in *Causis Sanctorum Hyacinthi, & Raymundi, Francisci Xaverii, Philippi Neri, & Beati Petri Regalati, & in Bullis Canonizationum Sanctorum VVilhelmi Canonici Regularis Congregationis Sancti Victoris, Laurentii Dublinensis Archiepiscopi, VVilhelmi Eboracensis in Anglia Archiepiscopi, Elisabeth San-*

Himonalis tertii Ordinis Sancti Francisci, VVilhelmi Briocensis in Britannia minori Episcopi, Petri Martyris, Stanislai Cracoviensis Episcopi, Richardi Cisterciensis in Anglia Episcopi, Hedwvigis, Ludovici Tolosatis Episcopi, Thoma Herfordiensis in Anglia Episcopi, Birgitta, Nicolai Tolentinensis, Leopoldi Austriae Princeps, Francisci de Paula, Didaci, Raymundi de Pennafort, Philippi Neri, Francisci Xaverii, Thoma de Villanova, Francisci Salesi.

5 Hæc quò ad hominum resurrectionem; nunc autem transeundo ad bestiarum mortuarum resurrectionem, in *Vita Sancti Francisci de Paula edita, & Notis illustrata a Domino Episcopo Perrimezzio in Notis ad cap. 6. pag. 114. ex Processibus super ejus Canonizatione factis comprobatur, non una, sed pluribus vicibus vitam mortuis Piscibus ab eo datam fuisse. De nonnullis Avibus resuscitatis intercessione Sanctæ Pharaïldis Virginis, & Sancti Kentigernii Episcopi probationes existant apud Bollandum ad diem 4. & ad diem 13. Januarii, & apud Severinum de Cracovia lib. 2. de Vita Sancti Hyacinthi Confessoris Ordinis Sancti Dominici cap. 28. de Equo ejus intercessione ad vitam revocato: & si quis alia exempla animalium divinitus ad vitam evocatorum legere cuperet, manum admovere potest ad *Admiranda Orbis Christiani collecta a Bagatta tom. 1. cap. 6. lib. 6. §. 1. & sequentibus*. Sed, cum resurrectio requirat numericam identitatem rei resurgentis tum quò ad formam, tum quò ad materiam, hinc oritur disputatio, an vera resurrectio de solo homine prædicari possit, cum homo ita propriam formam habeat a corpore separatam, animam videlicet rationalem, & immortalem,*

ut

ut ab eo separata per se existat, & vivat: quo præmissis, per novam introductionem animæ in idem corpus, quod ante mortem informabat, homo resurgens nihil a se ipso, neque in ætate, neque in faciei lineamentis, neque in quavis alia re mutatus existit. Cum verò cætera animalia animam corpori habeant coherentem, & annexam, & quæ corrumpitur, corruptæ materiâ, & in nihilum abit, perinde ac si numquam in rerum natura fuisset, necesse esse videtur, ut in revocatione Equi, aut Tauri ad vitam nova anima reproducatur; quæ nova animæ reproductio efficit, ut Equus, & Taurus, qui ad vitam revocantur, non illi sint, qui mortui fuerant, quemadmodum innuit Martinus del Rio in lib. 2. quæst. 29. sect. 1. ubi idcirco asserit, brutorum resuscitationem esse impropriam, & latius profequitur Zacchias Quæst. Medico-Legal. lib. 4. tit. 1. quæst. 11. num. 14 & pluribus sequentibus, & alii annotarunt apud Meldulensem disput. 5. de Generatione num. 154. §. Secunda opinio. Sanctus Thomas quolibet. 4. art. 5. proponit quæstionem, utrum Deus possit reparare idem numero, quod in nihilum est redactum; & propositæ quæstioni respondet, quædam esse, quorum unitas in sui ratione habet durationis continuationem, ut patet in motu, & tempore, & alia esse, quorum unitas non habet in sua ratione durationis continuitatem, sicuti unitas est rerum permanentium; & quod ad prima dicit Sanctus Doctor, non posse eadem in numero a Deo reparari, cum interruptio sit contraria unitati, adedque eorum reparatio contradictionem implicaret, importaret enim motum interruptum

esse unum; & quod ad secunda autumat, posse eadem numero a Deo reparari, etiam si fuerint in nihilum redacta, cum in ejus potestate sit effectus producere sine causis mediis. Ad tramites hujus doctrinæ Angelici Præceptoris nemo est, qui non videat, veram resurrectionem prædicari posse tum de hominibus, tum de brutis; de hominibus ob regressum animæ, quæ non perierat, uti immortalis, ad idem corpus; de brutis per reproductionem ejusdem animæ, licet ante ad nihilum redactæ, cum Deo æquè facile sit & ad existendum primò vocare, quæ numquam fuerunt, & revocare, quæ fuerunt, ut rectè respondit, cum de hisce brutorum resuscitationibus quondam ejus sensum exquireremus, Dominus Petrus Franciscus Peggi in hac Bonon. Studiorum Universitate Philosophiæ Magister probatissimus, & perinsignis Collegiæ S. Petronii Canonicus, quem hic nominamus non tantum singularis amicitie causâ, quæcum prosequimur, verum etiam, ut grati animi signa erga eundem exhibeamus, cum illius curâ non modicè usi simus in hujus Noltri Operis editione. Sed, quatenus, cum bruta ad vitam redeunt, Deus novam formam reproduceret, non ob hoc cessaret ratio Miraculi, & quidquid sit, an, rigorosè loquendo, reviviscencia hæc dici posset resurrectio, largè tamen, & non metaphysicè, sed moraliter loquendo, resurrectio semper dici posset, cum brutum redivivum semper eundem usum, idemque adjutorium homini præstet, quod ante mortem ipsi præstabat, & redivivum oculis hominum appareat, ut idem, quod antea mortuum fuerat.

292 *De Serv. Dei Beatif. et Beat. Canoniz.*

6 In examine refuscitationum, quæ in Sacrorum Rituum Congregatione proponuntur, ut inter Miracula recensentur intercessione Servorum Dei, vel Beatorum a Deo patrata, gravis, eaque obvia difficultas est, an vera mors præcellerit, uti benè innuit Zacchias *loc. cit. num. 27.* = *Cortigit in examine hujus Miraculi dubitare, an is, qui resurrexisse præsumitur, mortuus verè esset, necne* = & sequitur Pignatellus *Consult. 61. num. 9. tom. 4.* ubi sic loquitur = *Ex quibus elicitur, in examine Miraculi resurrexerit a mortuis diligentissimè prius indagandum esse, an is, qui dicitur resurrexisse, verè mortuus fuerit* = & annotavit Matta de *Canonizatione Sanctorum part. 3. cap. 10. num. 9.* = *Maturè considerandum est, an verè, & concludenter constet de morte, quando mortui dicuntur miraculosè ad vitam revocati; & ex defectu prædictæ probationis non potuit approbari Miraculum a Postulatoribus propositum tertio loco in Causa Beatificationis Sancti Turribii Archiepiscopi Lomani; Prosper enim Bottinius Archiepiscopus Myrensis tunc Fidei Promotor ostendit, mortem non fuisse probatam, nisi dicto unius Testis de visu, deponentibus aliis de auditu ab ipso, & exteris de publica voce, & fama.*

7 Aurelius Cornelius Celsus, quem major eruditorum pars putat, imperante Tiberio, natum usque ad Trajani tempora vitam produxisse, in *lib. 2. de Medicina cap. 6. pag. 37.* Editionis Amstelodami sententiam refert Democriti asserentis, certas apud Medicos notas finitæ vitæ nullatenus esse: *Quin etiam Vir jure magni nominis Democritus, ne finitæ quidem vitæ satis certas notas esse, proposuit, quibus Medici credidissent* &c. Schenckius in *Observat. Me-*

dicinal. lib. 1. de Apoplexia in ultima observatione casus refert nonnullorum apoplecticorum, qui mortui credebantur, & mortui non erant; & in lib. 2. de Suffocatione observat, nonnullos laqueo strangulatos, & alios aquâ suffocatos pro mortuis habitos vires resumpsisse. Philosophi consulti ab Episcopo Patavino in examine Miraculi refuscitationis duorum mortuorum intercessione Sancti Antonii Patavini narrarunt, Conradum quemdam Braitenaverum Viennæ Aultrix propter furtum laqueo necatum, cum horis aliquot pependisset, sub crepusculum a Carnifice in Gymnasium Medicorum anatomiz causâ deportatum ad se rediisse, & contra Carnificis immanitatem, qui laqueum de collo pendentem denuo constringere parabat, defensum, scriptorioque cultello tribus venis apertis, loqui, & ambulare cœpisse; & Medici ab eodem Episcopo quoque consulti addiderunt auctoritatem Hippocratis docentis, strangulatos, aut suffocatos, nondum tamen mortuos, licet mortui appareant, ad se redire, quemadmodum habetur apud Abelly in citato Enchiridio Episcopalis sollicitudinis pag. 235. Christianus Fridericus Garmannus in suo Tractatu de Miraculis Mortuorum lib. 1. tit. 3. §. 24. ex Zacuto refert, Piscatorem post spatium quatuor, & viginti horarum apoplecticum, toto corpore frigidum, lineo panno involutum in terra jacuisse, & dum a Vespillonibus ad sepulturam deportaretur, ræcum, & ignotum clamorem edidisse, & Zacutum cum aliis duobus Medicis vocatum in metacarpio arteriarum motiones explorasse, auxilia subministrasse, & Piscatorem, qui mortuus credebatur, post paucos dies

pan-

pancraticè valuisse. Marcellus Donatus in sua *Medica Historia mirabili lib. 4. cap. 11.* tellatur, non deesse varia exempla plurimorum, qui sepulti postmodum vivi in Sepulchris reperti sunt sedentes, facie laceratâ cum unguibus, & evulsis capillis; additque, se recordari, id contigisse cuidam fœminæ nomine Domitillæ. Subscribit Arnald. in *cap. de Apoplexia*, ubi hæc habet: *Vidi, & audiivi hoc de multis, qui saliter subterrati fuerunt, & postmodum auditii sunt in Sepulchro clamantes, ut jurarentur, infra spatium sexaginta horarum, & alii, qui mortui sunt in Sepulchris, & post in processu temporis, apertâ Sepulturâ eorum, inventa sunt cilia eorum dilaniata per ipsos, & ipsi cum brachiis, & pedibus disolutis mortui sunt inventi.* Alia legi possunt apud Gasparum a Rejes in suo *jucundarum questionum Elysio Campo quest. 79. num. 8. & pluribus sequentibus*, ubi inter cætera refert, Joannem Duns Scotum suis scriptis, & ingenio celeberrimum bis mortuum fuisse, & semel sepultum; cùm enim exanimis jaceret, & Fratres, eum obiisse, credidissent, & in Sepulchro concamerato sepelivissent, tertiâ nocte ad se rediit, apertoque subinde aliâ occasione Sepulchro, inventus est alio in loco ab illo, in quo relictus fuerat. Quidquid autem sit de aliis casibus a Gaspare relatis, in eo certè, quod attinet ad casum Joannis Duns Scoti, quem Jacobus Philippus Bergomenis primus retulit, & ab eo transcripserunt Sabellicus, & Jovius, de ejus veritate maximopere dubitare contingit ob validissimas rationes, & conjecturas adversùs eam allatas a Luca Wadingo in *Vita ipsius*, quæ edita est *tom. 1. Operum prædicti Scoti Editionis Lugdunensis anni 1639.* monet

que Hoffmannus *tom. 25. cap. 1. pag. 35.* Medicos, ne syncope correptos statim habeant pro mortuis: *Quare sibi cavent Medici, ne fortiori syncope correptos pro mortuis habeant: cujus rei infelix olim exemplum edidit Vesalius, qui ad mulierem hystericam, quæ mortua credebatur, dissecandam accessit adeò se negligenter gessit, ut novaculum in corpus adigeret; verùm illa motu, & clamore se vivam mox ostendebat: & de nonnullis laqueo suspensis, qui pro mortuis habiti fuerunt, & ope salis ammoniaci incolumitatem receperunt, testantur oculati Testes Pecklin. de aer. & alim. def. cap. 7.* Guillelmus Deerham in sua *Demonstratione de Essentia, & Attributis Dei lib. 4. cap. 7. sub num. 13. in Notis.* Unde Lævinus Lemnius de oculis naturæ *Miraculis lib. 2. cap. 3.* ita scribit: *Quamobrem, Lege cautum esse, convenit, ne Libitinaris, ac Vespillones præpropere quos mortuos existimant, extinctæque animæ speciem præbere vident, loculo includant, eos præsertim, qui apoplexiâ, aut morbo comitiali, uterique strangulatione suffocantur, cùm in illis nonnumquam delitescat anima, quæ rursus corpus spiritu, vitæque imbuat.*

§ Hucusque deducta, & alia multa, quæ facili negotio afferri possent, plenissimè evincunt, quanta cum ponderatione procedendum sit, antequam pronuntietur, aliquem e morte ad vitam fuisse revocatum. Utque id methodicè explicetur, supponamus, aliquem ab æstantibus haberi pro mortuo, nullumque in eo respirationis signum apparere; supponamus etiam, aliquem ex æstantibus ad aliquem Dei Servum, vel Beatum preces fundere, ut ille ad vitam revocetur, eumque post preces signa vitæ præferre, & sic quæri, an hæc fuerit vera

294 *De Serv. Dei Beatif. et Beat. Canoniz.*

vera refuscitatio. In hac autem quæstione, juxta regulas supra recensitas, stricte quæri debet, an vera mors præcesserit: & hæc quæstio duplici modo resolvi potest, vel habitâ tantum ratione temporis, quo homo in eo statu permanfit, vel habitâ ratione signorum, aut experimentorum, quæ adhibita fuerunt, ut constaret, an ille verè mortuus esset.

9 Si quæstio resolvenda est, habitâ tantum ratione temporis, quo æger in eo statu permanfit, in casibus repentinz mortis præscribitur in Rituali Romano, quod corpora sepulturæ non tradantur, nisi post debitum temporis intervallum, ut nullus omnino de morte relinquatur dubitandi locus. Temporis autem præfinitio non exprimitur in prædicto Rituali: Tribus diebus, totidemque noctibus Christi Corpus in Sepulchro jacuit, uti habetur Matthæi cap. 12. Cur autem tertiâ die resurrexerit, Divus Thomas 3. part. quæst. 53. art. 2. elegantem assignat rationem: *Resurrectio Christi necessaria fuit ad instructionem Fidei nostræ. Est autem Fides nostra & de Divinitate, & de Humanitate Christi; non enim sufficit, alterum sine altero credere. Et ideo ad hoc, quod confirmaretur Fides de veritate Divinitatis ipsius, oportuit, quod citò resurgeret, & ejus Resurrectio non differretur usque ad finem Mundi. Ad hoc autem, quod confirmaretur Fides de veritate Humanitatis, & mortis ejus, oportuit, moram esse inter mortem, & Resurrectionem. Si enim statim post mortem resurrexisset, videri posset, quid ejus mors vera non fuerit, & per consequens nec Resurrectio vera. Ad veritatem autem mortis Christi manifestandam sufficiebat, quod usque ad tertium diem ejus Resurre-*

ctio differretur, quia non contingit, quin infra hoc tempus in homine, qui mortuus videtur, cum vivat, appareant aliqua indicia vite.

10 At, a theologicis ad physica transeundo, trium dierum spatium in his, qui sunt apoplectici, nonnulli requirunt, ut tutum de eorum morte ferri possit judicium. Ita Schenckius in suis *Observationibus Medicinalibus* lib. 1. de *Apoplexia* ad tit. *Apoplexia* qui mortui credebantur, reviviscerent, ubi hæc habet: *Non est sepeliendus, nisi post tres dies; illo enim spatio moriuntur omnes corporis humores, & extra illud aut mortis, aut vite evidens demonstrabitur signum.* At alii censent, distinguendum esse casum a casu: vel etenim sermo est de apoplectico, & septuaginta dux horæ necessariæ esse videntur, ut tutum ferri valeat de morte judicium; & ad apoplexiam revocantur suffocatio ex aqua, suffocatio ex laqueo, strangulatio ex fumo carbonum, suffocatio ex ebrietate, ex fulminis ictu, ex cerebri percussione, ex fumo mercurii, animi defectus ex peste; vel sermo est de syncope affectis, quæ distinguitur a lipothymia, & ab animi deliquio secundum magis, & minus; in syncope enim omnes facultates concidunt, non una tantum, ut in animi deliquio; cumque forti syncope detentus longo tempore vivere non possit, tempus viginti quatuor horarum sufficiens erit, ut forti syncope affectus pro mortuo haberi debeat: vel denique sermo est de suffocatione ex utero, qui morbus mulieres afficit; & mensura temporis in hoc morbo retinenda est eadem cum mensura temporis, quam diximus observandam in apoplectis, septuaginta videlicet duarum horarum,

rum,

Lib. IV. Pars Prima Cap. XXI. 295

rum, quemadmodum bene prosequitur Zacchias *loc. cit. num. 28.* & pluribus sequentibus, & ex eo resumit Pignatellus *Consul. 61. num. 10.* & sequentibus *tom. 4.* At, in syncope, & hysterice passionibus non modò quartum, sed septimum, & ultra diem esse expectandum, ut tutum de morte ferri possit iudicium, ostendere conatur Medina de recta in Deum *Fide lib. 2. cap. 7. pag. 55.* est enim doctissimorum Medicorum usu compertum, nonnumquam in quartum, nonnumquam in septimum diem huiusmodi languidos durare, neque, si rem exactè dispiciat, aliquid obstat, quominus ampliori temporis spatio, quàm septem diebus, quis perduret, præsertim in syncope, & hysterice passionibus, quibus unà cum motu, & respiratione sensus, & pulsus extinguuntur. Nam in attonito morbo, quem apoplexiam vocant, ubi, manente cordis calore, non potest sine respiratione consistere, aliud esset iudicium. Sed a communi sententia superius exposita non videtur esse recedendum.

11 Hæc quò ad tempus: nunc de signis, & cæteris sermonem instituendo, Hippocrates 2. *apbor. 43.* spumam in ore apparentem in quacumque suffocatione habet pro signo mortis. Galenus autem, & alii id habent pro signo sufficienti, sed non certissimo; & alii exposcunt unà cum illo deperditionem respirationis, & alia symptomata exitalia. Facies livida, & nigricans, aut viridis indicium præbet certum caloris suffocati, & extincti. In omnibus morbis, quibus ægri laborant, de quibus quæritur, an mortui sint, oculus esse considerandos, perique docent; quamdiu enim homo vivit, oculi tantisper fulgere, & intuentium ima-

ginem reddere solent: partium deinde, aut partis alicujus livorem, & cadaveris æstuationem, & fetorem, qui ex ipsius jam putredine ortum ducit, infallibilia esse secutæ mortis signa, communis est Scribentium opinio, uti videri potest apud Zacchiam *loc. cit. num. 55.* & sequentibus, & adhæret Hoffmannus *tom. 25. cap. 1. pag. 34.* ubi ita scribit: *In certissimis autem mortis signis incipiens corruptio habenda est;* subditque Medina *loc. cit. pag. 53. a tergo,* quòd, quia nulla natura creata in fœtidum ex quatruiduana sepultura cadaver animam ab Inferis revocatam iteratà vità poterat infundere, videntes Judæi Lazari fuscitationem, quæ cæteris fuit illustrior, nec eam valentes refundere in magiam, aut naturæ, vel Diaboli potestatem, statim, coactò Concilio, quo pacto Christus esset de vita tollendus, deliberarunt, cum ampliùs nullà fucatâ ratione, nulloque mendacio Dæmones, qui nihil tale præstare queunt, prætereundere possent.

12 Nonnulla circumferuntur experimenta, quorum ope creditur faciliè deprehendi posse, quòd æger mortuus sit. Admoveretur ori jacentis flocculus gossipii, seu lanæ tenuissimè carptæ, aut accensa candelæ, item super ægri pectus imponitur cyathus aquæ plenus, & ex immobilitate, vel motu gossipii, candelæ, aut aquæ dicitur dignosci, an homo verè mortuus sit, vel vivat adhuc. Hollerius autem *lib. 1. Tractatuum cap. 59.* has experientias tamquam minus tutas respuit, & parvi pender. Alii speculum tersissimum ori admovent, quod si infici, & obfalcari vident, vivere adhuc ægrotantem, dicunt, sin minùs, jam e vivis excessisse.

296 *De Serv. Dei Beatif. et Beat. Canoniz.*

fille. Experientia hæc tutior cæteris supradictis dicitur, sed non tutissima. Tutissima autem appellatur illa, quæ sit, post multa experta ad excitandum ægrotum per sternutatoria naribus applicata; si enim ille non sternutaverit, omnium consensu pro mortuo judicatur, juxta ea, quæ habentur apud Zacchiam loc. cit. num. 54. & sub num. 55. cui adhæret Hoffmannus loco pariter allegato sequentibus verbis: *Sunt tamen certi mortis indices omnium membrorum frigiditas, & corporis gravitas, sique ad forte sternutatorium naribus admotum nulla sensatio conspiciatur, neque in cordis regione, aut in collo, ubi carotides sita sunt, vel minime quidem motus observetur, aut in speculo ori admotum nulla macula observetur.*

13 Verùm materia hæc novissimè ad examen revocata est a felicis recordationis Joanne Maria Lancisio. Inter cætera Opera ab eo edita celebre est illud de *subitaneis mortibus*; & in ejus lib. 1. cap. 16. postquam præmisit, hominem absque voce, & utu interiorum, & exteriorum sensuum, & motuum a voluntate pendentium vitam aliquandiu protrahere posse, sed eam protrahere non posse sine sepulta, atque exili salutem respiratione, & cordis trepidatione, docet, respirationem sepultam sternutatoriis acribus, & vehementibus esse tentandam, ut vivens a mortuo distingatur. Addit, non esse respuenda experimenta lanæ, candelæ accensæ, speculi, cyathi aquæ pleni, quæ etiam profuisse asserit in casus contingencia: sed his, & aliis pluribus ab eo ibi allatis putat locum esse debere, non quando præcessit invincibilis causa mortis, sed quando vincibilis tantum præcessit,

ut videri potest eodem cap. 16. num. 2. ubi sic loquitur: *Porro, ut Medicus facilius judicet, an re verè quis vitæ sanctus fuerit, omnium primò necis causas exploret; quæ si existerint invincibiles, libere decernat, ægrum jam è vivis exemptum fuisse, cum vocem, respirationem, ac pulsus, brevi etiam tempore, amiserit. Quod si contra causa occurrant per se vincibiles, tunc acriori sensuum, rationisque criterio sibi opus erit. Deductis, & approbatis a tanto Viro libenter subscribimus; & si aliquis scire cupit, quænam sint causæ invincibiles mortis, legere poterit cap. 13. lib. 1. citati Operis de subitaneis mortibus, ubi omnia planè explanata inveniunt.*

14 In *Causa Canonizationis Sancti Thoma de Villanova* inter cætera, quæ fuerunt discussa, Miracula discussum fuit & illud resurrectionis duorum mortuorum. Existat *Relatio* Rotæ Auditorum in ea *Causa* exarata, & edita a Contelorio post *Tractatum de Canonizatione Sanctorum*. Rotæ Auditores in hujus Miraculi examine considerant, quæ contigerant in ægitudine, alia, quæ facta sunt, dum ægri habebantur pro mortuis, & demum cætera, quæ subsequuta fuerunt. Quæ præcesserant, profectò magna erant, sed non ita facile inter causas mortis invincibiles poterant referri: quocirca prudenter considerant experientias factas, dum habebantur pro mortuis, ut verè videretur, an mortui essent: cumque omnes experientie secutam mortem indicassent, subdiderunt, de temporis brevitate non esse curandum, quo pro mortuis habiti sunt, quibus cum successerit pristina incolumitas, invocato nomine Sancti Thomæ, non dubitarunt iidem Rotæ Auditores Mira-

cu-

culum approbare, refuscitationem videlicet duorum jam mortuorum, ut ex dicta Relatione colligi potest; & eorum iudicium fuit comprobatum a Sacrorum Rituum Congregatione, uti desumitur ex serie Actorum prædictæ Cause Roma edita occasione Canonizationis ipsius anno 1658. a Patre Andrea Aznar Ordinis Eremitarum Sancti Augustini pag. 35. Ex quibus profectò confirmantur, quæ in superioribus dicta sunt.

15 Dum munereungebar Fidei Promotoris, inter cætera Miracula, quæ discutienda proponebantur in Cause tunc Venerabilis, nunc Beati Petri Foreris, primum erat duorum mortuorum ad vitam revocatorum. Res autem hoc modo se habuerat. Duo Pueri, alter sex, alter quatuor annorum, ludebant circa currum onustum dolio vini octo menfuris pleno: cùmque sic ludentes currum dimovissent, pars ejus posterior ipsorum subitus jacentium colla, & pectora oppressit. In eo infelici statu permanerunt spatio circiter trium horarum: cùmque rhedarius ad currum reversus, sed insufficiens tanto ponderi levando, opem aliorum implorasset, Pueri tandem fuerunt ab onere liberati; quorum corpora inventa sunt frigidissima, facies lividæ, lingua extra os protracta, spuma circa labia, & demum pectoris ossa confracta. Medicus, & Chirurgus Pueris sine motu jacentibus pluries venas aperuerunt, sed nec vel una cruoris guttula exivit. Involuta fuerunt eorum corpora in linteis vino rubro, eoque calido, madefactis, sed nullus prodiit motus vitalis. Aquæ cordiales in eorum ora infusæ nihil præstiterunt. Inutiliter quoque cessit remedium arietum ex-

coriatorum, quorum pellibus corpora fuerunt involuta. Cùmque Mater capitibus eorum successivè Pileolum imposuisset, quo Servus Dei Petrus Forerius, dum viveret, usus fuerat, signa vitæ prodierunt, oculi aperti sunt, calor corporis, & rubor carnis redierunt, locuti sunt, surrexerunt; cùmque hora vespertina jam inclinaret, sequenti die de mane cum Genitoribus gratias acturi ad Ecclesiam perrexerunt, & sequenti die ad Gymnasium, ut antea, absque eo quòd ullum præcedentis ossium contractionis indicium remaneret.

16 In meis Animadversionibus dixi, mortem non esse probatam, cùm Medicus, qui medicamina supra relata exhibuit, eos non mortuos, sed quasi mortuos dixisse mihi visus esset, & cæteri, qui de secuta morte deponebant, non essent Medicinæ periti. Addidi, Pueros fortè fuisse apoplexiâ perculosos, & sic signa mortis potuisse apparere sine morte, & ed magis, cùm spatio tantum trium horarum sub eo pondere permanissent: atque morte concludenter non probatâ, cessare conclusi Miraculum suscitationis. Prædictus Joannes Maria Lancisius jussus, ut ferret suum pro veritate Suffragium, ponderans quoque, Medicum non dixisse, Pueros mortuos fuisse, sed veluti mortuos, atque exanimis, professus est, se ei velle adhzrere, cæteris omnibus Testibus, qui eos interemptos existimaverant: Miraculum tamen censuit approbandum, non tamquam mortuorum refuscitationem, sed tamquam evidentem a morte liberationem, habitâ potissimum ratione fortissimæ apoplexiæ, & suffocationis ad tres horas protractæ, inutilitatis medicamentorum, & celeritatis recu-

P p

pe.

298 *De Serv. Dei Beatif. et Beat. Canoniz.*

peratæ salutis. Adversus hæc Dominus Franciscus Soldatus adhuc vivens, & Medicus primarius in Venerabili Archihospitali Sanctissimi Salvatoris ad Sancta Sanctorum ejusdem Lancisij discipulus *Dissertationem* exaravit, in qua, resumptâ sui Magistri doctrinâ jam supra relatâ de certa morte dignoscenda potius per examen causarum, quæ præcesserunt, quàm per observationem signorum, quæ secuta sunt, diruptionem vasorum cerebri intrâ cranium, & interdictum omnino ingressum, & regressum æris intrâ pulmones cautas fuisse dixit invincibiles tum apoplexiæ, tum suffocationis, ex quibus certum deduxit de morte judicium, quamvis privatio vocis, respiratio- nis, & pulsus duarum, aut trium horarum spatium non excessissent. At utilior fortè fuit pro Miraculi approbatione Dissertatio Thomæ Montecatinii celebris in hisce Caulis Advocati, qui in sua elaborata *Scriptura*, pervoluto Processu, & considerationis singulis partibus longè attestationis a Medico factæ, evidenter demonstravit, Pueros habitos ab eo fuisse, non tanquam semimortuos, sed uti verè mortuos: & Sacrorum Rituum Congregatio Generalis habita coràm sanctæ memoriæ Benedicto XIII. inter cætera Miracula, quæ approbavit, approbavit & illud revocationis ad vitam duorum Puerorum tamquam Miraculum in secundo genere, & Sacræ Congregationis Resolutio approbata fuit ab eodem Summo Pontifice sanctæ memoriæ Benedicto XIII. die 6. Octobris 1729. & meritiò, cùm inter Miracula ad Memoriam Sancti Stephani a Deo patrata simile omnino referatur a Sancto Augustino lib. 22. de *Civitate*

Dei cap. 8. ut ex sequentibus verbis colligitur: *Puerum quemdam parvulum, cùm in area luderet, exorbitanter boves, qui vehiculum trahabant, rotâ obtriverunt, & confectum palpavit expirant. Hunc Mater arreptum ad eandem Memoriam (Sancti Stephani videlicet Protomartyris) posuit, & non solum revixit, verùm etiam illa sus apparuit.*

17 De his, qui in puteum, vel flumen delapsi, & qui longo tempore sub aquis manserunt, & ab aquis extracti pro mortuis habiti, invocato aliquo Dei Servo, vel Beato, ad functiones vitales, & pristinam incolumitatem statim revocati sunt, speciales urgent difficultates, an verè ad vitam revocati dici potuerint, quod est idem, ac dicere, an ex longa mora sub aquis sufficienter eorum mors fuerit comprobata.

18 In *Bulla Canonizationis Sanctæ Hedvigis* edita a Summo Pontifice Clemente IV. inter cætera Miracula ejus intercessione patrata refertur illud cujusdam Pueri casu fortuito in amnem delapsi, & ad Molendini rotam ita allisi, ut ea idcirco impedita fuerit, ne revolveretur. Præfides custodiæ Molendini causam exquirentes, cur rota perstitisset, Puerum invenerunt, cujus pedum extremitas ferebatur super aquæ verticem. Corpus sic erat ob rotæ magnitudinem compressum, quòd in ea parte, qua venter dorso adhxret, redactum erat ad spissitudinem, uti loquitur *Bulla*, palmæ manus. Testes, qui aderant, Puerum mortuum proclamant: sed, invocato Sanctæ nomine, ei vita reddita est, & suis pedibus mane diei sequentis ambulavit, nullo in eo perdurante læsionis vestigio. Confimilia Miracula leguntur in *Bulla Canonizationis Sancti Thomæ Her-*

Lib. IV. Pars Prima Cap. XXI. 299

Herfordiensis, & in Bulla Canonizationis Sancti Francisci de Sales: & in Causa Canonizationis Sancti Caroli Borromaei, cum Puer quidam Papiensis infans filius Bernardini Ticonii delapsus esset in Ticinum aquis tumidum, & quarta horæ pars elapsa esset, antequam ei auxilium præstari potuerit, numquam demersus, sed tamquam leve corpus supernatans, non sine evidenti præsidio Sancti Caroli, qui fuit invocatus, & qui etiam apparuisse dicebatur, liber a periculo evasit. De hoc Miraculo actum est a Rotæ Auditoribus in Relatione, quam in dicta Causa ediderunt, & illud approbatum fuit, non tamquam Miraculum resurrectionis, sed tamquam Miraculum præsertionis ab evidenti mortis periculo; & concordat Bulla Canonizationis ejusdem Sancti edita a Summo Pontifice Paulo V. Item, dumungebar munere Fidei Promotoris, in Causa Sancti Stanislai Neronii Societatis Jesu inter cætera, quæ fuerunt discussa, Miracula tria proposita fuerunt trium Puerorum suffocatorum in puteo, stagno, & flumine respectivè, qui revocati ad vitam dicebantur intercessionem prædicti Sancti, de quibus infra. Addi possunt consimilia Miracula relata in Vita Sancti Hyacinthi conscripta a Fratre Severino Cracoviensi lib. 2. cap. 33. & cap. 34. & cap. 46. & cap. 57. & apud Iulium Lipsium de Virgine Halensi cap. 18. & cap. 28.

19 Michael Angelus Lapius inter cætera, quæ edidit, Opuscula, dum erat Fidei Subpromotor, unum edidit Roma impressum anno 1670. de tempore, quo quis sub aquis manere potest, & non mori, & in Trastione proficitur, se illud edere, ut

justum ferri possit judicium in Causis Beatificationis, & Canonizationis, quando in eis disputari contingit de prolapsis in aquas, & qui longo tempore sub eis manserunt, quique extracti, & habiti pro mortuis per Miraculum ad vitam revocati dicuntur, invocato aliquo Dei Servo, vel Beato. Putat autem, hæc Miraculis non esse adscribenda, si submeriti naturaliter potuerunt vivere sub aquis toto tempore, quo sub illis permanferunt, licet ab aquis extracti habiti fuerint pro mortuis, cum semimortui potius dici debuerint; deficiente quippe probatione mortis præcedentis, ipsorum revocatio ad vitales functiones numquam habenda est pro resurrectione.

20 Porro in Opusculo Lapius, multis allatis exemplis, & præcipuè eorum, qui margaritas, & gemmas in mari piscantur, contendit, impossibile non esse, hominem longo tempore naturaliter sub aquis vivere, licet sub aquis respirare non possit: Onde mossi da simile esperienza molti Letterati di grand' ingegno hanno creduto, non esser fuori de' limiti della naturalezza il vivere certi uomini lungo tempo sott' acqua senza respirare. Addit, syncope, apoplexiâ, & consimilibus morbis affectos longo tempore vivere absque respiratione, allato inter cætera exemplo Summi Pontificis Innocentii VIII. qui duobus ante obitum annis vehementi syncope correptus spatio viginti duarum horarum perstitit immobilis absque ullo signo pulsus, & respirationis, & redivivus apparuit tunc, cum Cardinales agere incipiebant de Successore eligendo: cumque verisimile admodum sit, quod labentes sub aquis apoplexiâ, aut syncope afficiantur,

hinc insert Lapius, quòd, sicuti longo tempore quis extra aquas vivere naturaliter potest sine respiratione, ita hoc ipsum contingere potest in eo, qui sub aquis meegitur: Or dunque potendosi vivere sopra acqua tanto tempo senza respirare, perchè non si potrà fare il medesimo sotto acqua, se, chi vi è, sia sopraffesso da simile accidente? Dissertationem autem hanc Lapii refellit, & impugnât Pignatellus Consult. 57. tom. 4. ubi probare conatur, hominem, statim ac in aquam conatur, necessariò suffocari, & mori, cum aere, & respiratione juvari non possit: quod absque dubio contingere affirmat, si lapsus in aquas fuerit artis natatoris imperitus, & diù manserit sub eis, uti videri potest in prædicta Consultatione a num. 6. usque ad num. 10.

21 At, antequam ad quæsti resolutionem procedatur, præmittendum est, vitam dari non posse sine respiratione, nec respirationem sine vita, & spirationem, & vitam converti, cum, spirantem non vivere, aut viventem non spirare, sit impossibile, juxta ea, quæ habentur apud Zacchiam cit. lib. 4. tit. 1. quest. 11. num. 41. & pluribus sequentibus; unde Hippocrates de utu aeris inquit: Mortalius hic spiritus (hoc est aer) tum vita, tum malorum agrotis causa est; tantaque corporibus omnibus spiritus inest necessitas, ut, si quidem aliis omnibus & cibis, & potionibus quis abstineat, duas, aut tres, vel plures dies possit vitam ducere. At, si quis spiritus in corpus vias interceptat, vel exigua diei parte, homini pereundum sit. Ad id necessarius est usus spiritus in corpore. Ad hæc quoque, cum omnibus aliis actionibus homines quiescant, quid mutationibus innumeris vita sit exposita, ab hac ta-

men sola actione numquam desistant animantia, quin aut spiritum adducant, aut reddant: quem Hippocratis textum recte Robertus Boyle in Experimentali Scientia clarissimus in suis novis Experimentis Physico-Mechanicis pag. 133.

22 Antequam Marcellus Malpighius toto Orbe celeberrimus, & Academix nostræ Bononiensis sublimis decus, & præcipuum ornamentum, quemque speciali colui observantiâ, dum Romæ Archiater erat Summi Pontificis Innocentii XII. struaturam pulmonum scrutatus esset, multa inutilia, & improbabilia de usu respirationis a Medicis, & a Philosophis dicebantur. At pulmonum usum recentiores Anatomici feliciter subinde explicarunt. Willis in Pharmacut. part. 2. §. 1. cap. 2. §. 2. hæc habet: Præcipua pulmonum functio, & usus sunt sanguinem, & aerem per totas partium compages, intimisque recessus, atque ductus quosque minutissimos traducere, & ubique invicem commiscere, in eum nempe finem, ut sanguis venosus a circuiu redux, & chymo recenti dilutus tam perfectius miscetur, & velut subigatur, tum potissimum, ut secundum omnes suas partes ab aere nitroso de novo accendatur. Aliter res explicatur a Trulston de respirationis usu pag. 60. & 63. putat enim, usum principalem respirationis consistere in motu, & in efficiencia transitus sanguinis a ventriculo dextro ad ventriculum sinistram cordis; subditque, laqueo suspensos, & aquis immerfos citò mori ob impeditam sanguinis circulationem. Etmullerus dissert. 2. cap. 10. §. 1. & §. 16. fusè exponit usum respirationis, ad olfactum videlicet, ad sputationem, & ad plures alios ab eo recensitos effectus: sed

sed, cùm benè prævideat, eos usus duntaxat ad bonam valetudinem animalis, non autem simpliciter, & absolute ad vitam pertinere, quod de respiratione est contra experientiam, cùm videamus, animal mori, cùm strangulatur, aut suffocatur, inquit, principalem usum respirationis consistere in transitu sanguinis intrâ pulmones, qui ad eos a corde transmittitur. Quæ etiam omnia exponuntur in Opere Guillelmi Deerham de Essentia, & Attributis Dei lib. 4. cap. 7.

23 Interclusâ ergo, & impeditâ respiratione, animal moritur, sive ob causam a Willis allatam, sive ob aliam a Truſton excitatam; sed mors non ita statim sequitur, cùm inter vitam, & mortem pauca minuta horaria intercedant, veluti benè explicat Alfonso Borellus ob scientias naturales notissimus in Libro de motu animalium part. 2. propos. 112. cui titulus = *Aer per respirationem receptus est causa potissima animalium* = & rursus propos. 124. cui titulus = *Quare, & quomodo aqua in pulmonibus immissa animalia suffocat* = sequentibus verbis: *Verum tamen est, quod demersis sub aqua non subito extinguuntur vita* (sicuti contingit in Vacuo Torricelliano) nam aqua ægrè, & tardè insinuari potest in fistulas subtilissimas, & in vesiculas pulmonum, ut in fistulis vitreis experimur; & ideo aer diù permanens in illis spaciolis potest vicissim ampliari, & restringi a motu thoracis, & sic permittere transitum, & elutriationem sanguinis parco, & difficili cursu, quasi exsudando (& hoc est, quod dicitur ab aliis Authoribus transpiratio in supplementum respirationis.) Id ipsum in suffocatis, & strangulatis contingit, cujus periodus talis est. Restrictò jugulo, obturato, vel repleto,

immediatè vestissimus angor dolorificus exoritur, a quo miris modis agitantur, & concutuntur spiritus, & proinde motibus convulsivis muscoli agitantur, & hinc motus sensitivi conturbantur, & deinceps torpidi redduntur, nec amplius dolores sentiunt, licet perseverent motus convulsivi: tandem post pauca minuta horaria prius extinguntur.

24 Concordant, quæ leguntur apud Boyle in Opere citato pag. 145. ubi, postquam retulit, impossibile non videri, quosdam homines usu, & consuetudine ita assuescere, ut aere aliquandiu carere valeant, & sic permanere diutius sub aqua, exemplo allato eorum, qui in India Occidentali pro inveniendis margaritis aquâ immerguntur, & totam horam sub aqua perdurare dicuntur, necnon cujusdam Colani Siciliz Urinatoris, qui tres, aut quatuor horas, teste Cardano, nisi nobis imponere voluerit, sub aqua permanebat, & cujusdam Viri Angli, qui descendens ad imum fundum Thamisis ex profundis riparum foraminibus magnos, vividosque pisces manibus suis eruere solebat, subdit, paucos esse, qui ultra duo minuta absque respiratione sub aquis vivere possint: Pauci sunt admodum, qui, tametsi paulatim assuescant, multa minuta aeris indigentiam sustinere valeant; adeò ut peringeniosus quidam, & pernotus mihi Vir, qui utili istâ præpollens scientiâ, qua merces, ipsasque bombardas ex demersis navibus didicit evellere, cùm eum rogarem, quamvis ad altitudinem quinquaginta, vel sexaginta pedum sub aqua sine respirationis usu perdurare posset, mihi fateretur, non potuisse se ultra duo minuta sustinere, nisi ad aerem se contulerit, quem secum portabat in machina quadam &c. Aliud quiddam, exscrutando, ab illo didici non-

con-

contemnendum. Interrogatus enim, an ore suo spongas aliquas parvas oleo imbutas manducasse usui ei esset, cum totus aqua immergeretur, & a machina ipsius distaret, respondit mihi, barum spongiarum ope, quam sine eis, se solita respirationis carentiam multo diutius sustinere potuisse; quod ipsum repetit in Descriptione contra Fratrem Linum pag. 67.
 = Atque memini, cum ex proposito sciscitarer Virum (cui solemne erat aquam subire machinae adminiculo, in qua reconditum aerem secum ad maris fundum deferre solebat) quamdiu posset subsistere, priusquam urinationi erat assuetus, absque respiratione, spongiarum usu, ipsum respondisse, in principio durare se singula vice per duo, aut tria circiter minuta potuisse: quod mihi suggerebas opinionem, posse urinatores eo reduci, ut sub aqua tandem durent vel a peculiariter apta corporis fabrica, vel ab exercitio graduali. Et proclivis sum credere, ipsum, ut solent homines, de duobus, tribusque minutis loquentem intelligere illud, quod est multo re vera brevius, tempus, quam ea valent, si exacte mensurentur.

25 Ex quibus proinde inferitur, fabulosa omnino esse, quæ narratur ab Alexandro de Benedictis lib. 10. cap. 9. de quodam, qui lapsus in aquas, & suffocatus post horas quadraginta, & octo vitales functiones recuperavit; nisi id intelligatur, quod extractus subito ab aquis per totum dictum tempus sensibili respiratione caruerit. Ad fabularum quoque classem rejicienda sunt cetera, quæ de Innocentio VIII. & etiam de Julio II. Romano Pontifice referuntur, quod & hic sine respiratione vixerit duobus diebus; ut enim Philosophi, & Medici ab Episcopo Patavino consulti responderunt, id adscribendum est imperitiæ eorum,

qui ægrotis abstabant, quique putabant, eos nullo pacto respirasse, licet insensibiliter respirarent: & bene explicat Stalpartius in *Observat. Medic. Anatomic.* pag. 353. ubi hæc habet: *Duplex est respiratio; visibilis altera, qua simul pectus movetur, quaque ideo multum requirit aeris; minus visibilis altera, cui aer intrat os, & fauces existens sufficit: qui ultimus respirationis modus minus a musclicis pectoralibus dependet &c.* Hinc Scherbius optimè, quosdam esse, qui sine respiratione, id est, visibili pectoris motu, non tamen absque ipsius respirationis usu vivunt, dixit.

26 Si ergo per duo, aut tria minuta potest cohiberi respiratio, & homines naturaliter toto dicto tempore aquis immergi vivere possunt, primam facie concludendum esse videtur, longioris temporis moram sub aquis, puta quatuor, aut quinque minutorum, aptum subministrare posse fundamentum, ut tunc asseri possit, extractos ab aquis absque ullo signo vitæ, si, fufis ad aliquem Dei Servum, Beatum, aut Sanctum precibus, ad vitales functiones revocentur, & incolumes, sanique reddantur, a morte ad vitam revocatos, & sic resuscitados dici debere.

27 At adversus hoc nova insurgit difficultas deducta ex foramine ovali. Sciendum etenim est, quod juxta Anatomicos quoadusque sætus manet in utero matris, nec respirare potest, duo adfunt transitus pro sanguinis transmissione, absque eo quod per pulmones deferatur, & quod, sætu nato, cum tunc respiratione incipiat indigere, prædicti duo transitus clauduntur, quorum alter quasi deletur, alter evadit quoddam ligamentum. Cum autem in pueris, seu

ſeu infantibus tenellâ admodum fibrarum texturâ præditis hujusmodi vaſa, & foramina plûs minûs ad quinquennium ſponte ſerventur aperta, utri videri poteſt apud Mart. Fogellium in *Miſcell. Nat. Cur.* anno 1673. 1676. *obſervat.* 123. pag. 162. & apud Bonetum *Anat. Tract. lib. 2. ſect. 2. obſervat.* 168. in *App.* & periti Urinatores ab incunabulis per habitum trahendæ moræ ſub aquis aperta ſemper diverticula illa ſanguinis ſibi conſervent, juxtà ea, quæ habentur apud Thomam Cornelium *progymn. 7. de Vita* pag. 133. hinc videtur, quodd ex longiori mora ſub aquis ultra tria minuta efficax, & abſolutum mortis argumentum nulloatenus poſſit deſumi. Ad foramen ovale apertum referri conſuevit, quod quotidie videmus, Lutræ, Caltores, Anates, & cætera amphibia animalia diutiſſimè ſub aquis vivere ſinè reſpiratione; & Anatomici Pariſienſes *pag. 124.* teſtantur, ſe in Vitulo marino apertum deprehendiſſe foramen ovale, ob quam rem diutius vivit ſub aquis. At Cheſelden apud *Deerham eit. lib. 4. cap. 6.* in eo eſt ſenſu, quodd foramen ovale non ſit in amphibii apertum, ſed quodd ductus arterioſus remaneat in eis apertus, & quodd ob vicinitatem venarum, quæ coronariæ dicuntur, ad foramen ovale æquivocatio irrepſerit foraminis ovalis in amphibii aperti. Quidquid tamen ſit de his, quæ ad ſubtiliorem pertinent anatomicen, ſupra memoratus Joannes Maria Lanciſius in *Suffragio*, quodd edidit pro veritate in *Cauſa Sancti Stanislai Novitii Societatis Jeſu*, cenſuit, non conſtare de reſuscitatione duorum Infantum, licèt merſorum ſub aquis, ob probabilitatem dehifcen-

tis adhuc foraminis ovalis, quodd reſtatuſ eſt ſe deprehendiſſe ſæpiſſime in puerorum cadaveribus. Idem e contra in *eadem Cauſa* cenſuit, conſtare de reſuscitatione tertii in flumen delapſi, & merſi ſub aquis longo tempore, & in juvenili xtate conſtituti. At Sacra Congregatio nullum ex propoſitis prædictis Miraculis approbavit, cùm concludentes facti deſicerent probationes, de quibus ſupradictus Lanciſius vocatuſ ad judicium ſerendum tamquam Phyſicus ſollicituſ eſſe non debebat, nec poterat, demandatâ videlicet ipliſ operâ videndi, & examinandi, an, ſuppoſito tali factu, reſ naturalis eſſet, an miraculoſa.

28 Ut itaque, concluſivè loquendo, tutum ſerri poſſit judicium de reſuscitatione demerſorum ſub aquis, nonnulla videnter annotanda, quæ ſubmerſionem præceſſerunt, nonnulla, quæ ſubmerſionem ipſam reſpiciunt, & nonnulla, quæ ſubmerſionem ſequuntur. Inter ea, quæ ſubmerſionem præcedunt, non ſolùm ponderanda præcipuè eſſe videtur xtâſ ejus, qui mergitur, ſed etiam ponderandum, an ille, qui mergitur, conſuetudinem, & peritiâ habuerit ſe in aquas projiciendi, & innatandi, cùm xtâſ, & conſuetudo ex modò dictis non parùm prodeſſe poſſint, ut idem longiori tempore abſque reſpiratione naturaliter vivere poterit ſub aquis. Inter ea, quæ ſubmerſionem ipſam reſpiciunt, ponderandum eſt, an, qui ab aquis extrahitur, inventuſ fuerit ſub aquis, vel ſuper aquas: ſi enim inventuſ ſit ſuper aquas, licèt inventuſ ſit abſque ullo ſigno reſpirationis, ſignum eſt, quodd vivit, cùm corpora recênſ ſubmerſorum fundum pe-

tant,

304 *De Serv. Dei Beatif. et Beat. Canoniz.*

tant, ita ut ab aquis suffocati moriantur, atque illinc non, nisi elapsis plüs minüs quatuor, quinque, septem, aut octo diebus, tumida jam, & fracidia emergere, atque innatare soleant, quemadmodum habetur apud Thomam Bartholinum in *Act. Medic. tom. 4. num. 42. pag. 140.* & apud Lævinum Lemnium de *Miraculis occultis nature lib. 2. cap. 6.* ubi docet, quòd, quando corpus undique aquâ repletur, & ejus pondere gravatur, sursum eniti nequit, cùm nihil aeris in se contineat, & omnis spiritus per aquæ gurgitem evanuerit; cùm autem intrâ septimi, aut noni diei spatium corpus diffuat, solvatur, ac tabescat, ait, illud, attenuatâ carne, fluidum effici, & pulmonem spongiz instar fistulosum, concepto copioso aere, cadaver subducere, & auræ restituere. Nec ullo modo omitti potest stricta indago temporis, quo mersus perstitit sub aquis; quæ indago non alio modo expleri posse videtur, quàm per Testes, qui viderint illum tali tempore in aquas labentem, sub aquis submersum, nec toto dicto tempore caput supra aquas elevantem, & tandem tali alio tempore ab aquis extractum. Demùm quò ad ea, quæ submerſionem secuta sunt, pluræ sunt advertenda. Primum, an extractus ab aquis pedibus suspensus fuerit, ut aquam evomeret; si enim ita factum sit, & aquâ ejectâ, convalescit, nec ulla invincibilis causa mortis præcesserit, omnia naturaliter cessisse dicenda sunt, quemadmodum innuunt Alexander de Benedictis de *curandis morbis lib. 7. cap. 3. vers. Si quis admonet*, & Joannes Baptista Codronch. in *Opusculo de submersis in aqua pag. 331.* ubi: *Qui aquâ immerſi extinctæ animæ speciem præbent, protinus*

pedibus suspendi debent. Quòd si pedibus suspensi aquam non evomant, non statim dicendum est, eos mortuos esse, cùm in ipsâ immersione potuerint affici apoplexiâ, aut syncope, & aquam non bibere; unde in *Miscellaneis Nat. Cur. decur. 2. anno 1689. observat. 186. pag. 480.* casus refertur cujusdam Pueri, qui ob cerevisiæ potum temulentus in flumen prolapsus, & ab eo extractus, & convulsionis motibus diù, malèque vexatus, aquam cùm non ebibisset, reconvalescens non evomuit. Medici Patavini ad consilium ab Episcopo vocati in *sæpe supra recensita Causa, seu Miraculorum examine* censuerunt, Pueros ruinâ domus oppressos fortè non fuisse mortuos, sed repentinâ apoplexiâ, syncope, aut convulsivâ quadam præfocatione affectos, ob quam rem ab imperitis pro mortuis habiti sunt. In quibus proinde circumstantiis resumi debent, quæ a nobis in superioribus dicta sunt tum quò ad tempus, tum quò ad signa, quæ non sunt omittenda, cùm agitur de affectis apoplexiâ, vel syncope; ita tamen, ut quò ad submersos in aquis temporis initium non sit desumendum ab eo momento, quo facta est ab aquis extractio, sed ab eo, quo in aquas lapsi sunt; & quemadmodum, dum agebatur de aliis extra aquas existentibus apoplexiâ, vel syncope affectis, diximus, tempori, & signis necessariò locum esse non debere, cùm invincibilis præcessit causa mortis; ita hoc ipsum dicimus, loquendo de submersis sub aquis, quòd videlicet non sit necessariò querendum de tempore, aut de signis, si invincibilis addit causa mortis, puta, si corpus ita reperiatur contractum, ut de morte non sit

fit dubitandum, quemadmodum contigit in casu supra relato Miraculi approbati in *Causa Sanctæ Hedwigis*. Hæ regulæ nobis observandæ videntur, ut tutum feratur iudicium de revocatione ad vitam eorum, qui sub aquis meriti sunt; quas tamen iudicio Sacræ Congregationis Rituum libenter submittimus. Quod si dicatur, non constare de tempore, de experimentis adhibitis, aut de invincibili causâ mortis in omnibus mortuis, qui in Sacra Scriptura resuscitati dicuntur (solum etenim exemplum Lazari est, cujus cadaver tacebat, in reliquis verò nullus de putore, sed tantum de præcedentis morbi gravitate, & subsæcuta cessatione vitalium motuum sermo habetur) respondetur, certitudinem mortis ab infallibili testimonio Divino, quatenus res sit cum iis, qui credunt Scripturæ, & Evangelio, & si res sit cum aliis, qui nec veteri, nec novo credunt Testamento, ex cæteris supra relatis, & potissimum a Medina desumptis sufficientissimè colligi. Quod si subdatur, nec minùs de prædictis constare in cæteris mortuis, qui resuscitati dicuntur intercessione Servorum Dei, qui in Album Beatorum, aut Sanctorum relati sunt; reponitur, nec constare de opposito, & præsumendum esse, quod in tanti momenti omnes adhibite fuerint diligentiz, de quarum intervntu docere non licet ob Actorum perditionem, si potissimum de Causis antiquis loquamur, & Sanctæ Sedis disciplinam esse maximis laudibus cumulamandam, si quasdam novas adhibeat diligentias, quæ olim non fuerunt adhibite, ut obstruatur os loquentium iniqua: unde optimè Franciscus Horantius de *Locii Carbo-*

lis Sacra Scriptura, & antiquorum Patrum lib. 4. cap. 13. inquit: Jam olim Ecclesiastici Patres, & Pontifices utique norerunt Scripturas, quibus dicitur: Qui cito credit, levis est corde: Non omni verbo credas: Innocens omni verbo credit: Nolite omni spiritui credere, sed probate spiritus, si ex Deo sint: Angelus Satana sese transfigurat in Angelum lucis. Quare omnibus modis præsumendum est, eosdem Patres in celebrandis quorumlibet Sanctorum memoriis nihil temerè aut instituisse, aut admiscuisse, sed, maturâ deliberatione præhabita, & diligenti examinatione satis commodè præmissa, confisos Divino adjutorio, quod videbatur pro devotione fidelis populi amplianda, statuisse.

29 Quæres, an, ut constat, aliquem fuisse miraculosè ad vitam revocatum, debeat revocatus ad vitam longo tempore supervivere. Lazarus frater Magdalene a Christo resuscitatus supervixit usque ad annum nonagesimum secundum, aut nonagesimum quartum, & verissimile est, quod fuerit in ætate annorum circiter triginta, cum fuit a Christo Domino ad vitam revocatus, uti habetur apud Natalem Alexandrum *Dissert. 17. Seculi primi proposit. 1. in responsione ad secundam objectionem*. Puella ad vitam revocata a Sancto Raymundo de Pennafort supervixit decem, & quatuor annis, quod ad veritatem resurrectionis refertur a Penia in *ejus Vita lib. 2. cap. 38*. At hoc perpetuum esse non potest: si enim aliquis ad vitam fuit revocatus, ut Baptismum reciperet, vel ut Confessionem suorum peccatorum expleret, nullum inferretur præjudicium veritati resurrectionis, si statim post Baptismum, aut Confessionem iterum moretetur. Celebrat

306 *De Serv. Dei Beatif. et Beat. Canoniz.*

est exemplum refuscitationis Pauli de Maximis intercedente Sancto Philippo Nerio secutæ, de qua hæc habentur in 3. part. Relationis editæ ab Auditoribus Rotæ : *Taulum filium Fabricii de Maximis jam defunctum, antequam sepultura traderetur, Philippus proprio nomine vocans suscitavit, & ejus auditâ Confessione, interrogavit, an libenter moreretur. Annuit ille mori cupiens: & statim Servi Dei imperio iterum odormavit in Domino.* Cavendum tamen est a momentanea fuscitatione, cum hæc nullo negotio phantastica esse possit, quemadmodum sapienter monet Medina loc. cit. pag. 34. = *Verâ hominis fuscitatione, ne videatur phantastica; non uno temporis momento, sed notabili spatio vita donatur: quod in Evangelicis resurrectionibus licet attendere.*

30 Item quæri potest, quo in loco permancant Animæ illæ, quæ per mortem a corpore separantur, eo tempore, quo remanent separatæ, antequam iterum in refuscitatione redeant ad corpus, quod deseruerunt. In Vita Sancti Bernardi Abbatis lib. 7. excerpta ex Libro, cui titulus = *EXORDIUM MAGNUM CISTERCIENSE* = dist. 2. cap. 19. post Opera Sancti Bernardi Editionis Mabillonæ factum exponitur cujusdam impij, & blasphemij, qui retro corruens resupinus, cervice collisâ, spiritum exhalavit, & quem Sanctus Pater in nomine Domini surgere jussit, mirantibus omnibus, qui erant præsentibus. Additur in eodem cap. 19. quod ab assistentibus interrogatus est, utrum mortuus esset, & quod respondit : *Mortuus eram, & sententiam damnationis acceperam; ac, nisi Abbas Sanctus festinasset accurrere, eram ad Inferna.*

deducendus: & Theologi docent, Deum ex prævisis precibus alicujus Sancti pro aliquo ad Infernum damnando effundendis æternæ damnationis sententiam suspendere, & in Inferno animam illius retinere, mox eam ad corpus informandum iterum transmittere, ut homo ad vitam revocatus post poenitentiam peractam æternâ salute donetur. Doctrina hæc est Divi Thomæ in 4. Sent. dist. 43. quæst. 2. art. 2. *Ad quintum*, ubi, supposito facto, quod tamen ipse non admittit, de anima Trajani liberata precibus Sancti Gregorii Magni ab Inferis, sic ait: *Idem est de Trajano, qui fortè post trecentos annos suscitatus est, & de alijs, qui post unum diem suscitati sunt: de omnibus enim dicendum est, quod non finaliter damnati erant. Trasciebat enim Deus, eos Sanctorum precibus a pœnis liberandos, & vita restituendos: quod ipsum repetit dist. 43. quæst. 2. art. 2. quasiunc. 1. Ad quintum, & de Veritate quæst. 6. art. 6. Ad quartum.* Idem dicendum est de damnatis ad poenas Purgatorii: & sic quæsito proposito responderi potest, animas vel in Inferno, vel in Purgatorio detineri tempore, quo remanent a corpore separatæ, & per refuscitationem ad corpus redire, cum non essent ad prædictos Ignes damnatæ Decreto absoluto. Sotus in 4. Sent. dist. 43. quæst. 1. art. 4. latè ostendit, nullum fuisse refuscitatum, cujus felix anima cœlestem Paradisum inhabitaret, ne per aliquod tempus Beatitudo cessasse dicenda sit: neminem quoque fuisse refuscitatum, qui in Inferno esset, ne ejus poena suspenderetur; quod tamen intelligendum est de damnatis Decreto absoluto: omnes refuscitados vel in Limbo Patrum, vel in Purgatorio tuis-

fuisse : omnes denique ad vitam revocatos salutem æternam deinde esse consecutos, cum Deus resurrectionis beneficium in detrimentum sempiternæ salutis non conferat, uti fas è apud eum legi potest.

31 In hoc Capite nonnulla dicta sunt de necessitate respirationis, ut animal vivat, de tempore, quo vivere potest sine respiratione, & de foramine ovali; sed de his iterum habebitur sermo, cum tractabitur de Miraculis negativis, & de preservatione ab imminente mortis periculo.

32 Dum hæc scribimus, ad manus nostras delatum est *Compendium Processus miraculose resurrectionis a morte annis pizteritis secutz in Xanti Provincia Imperii Sinarum cujusdam Sinenfis*, qui in extremis constitutus, cum Baptismum postulasset, antequam eum recipere posset, mortuus est, quique subinde revixit, receptoque Baptismo, post mensem iterum mortuus est : Gentilis enim ille magni peccati reus erat in conspectu Domini, cum in perfecta sanitate constitutus, & sæpius admonitus centies potuisset recipere Baptismum, & eum ad obitum distingere voluit; unde Sanctus Basiliius Orat. 13. de Baptismo inquit : *Quid expectat beneficio scribis baptizari, quando nec salutaria verba loqui, nec item audire commodè poteris, morbo caput occupante, non manus in Cælum tollere, non in pedes erigi, non genua adorando, flectere, non commodè doceri, non securè, ac libere confiteri, non cum Deo pacisci, non abrenuntiare inimico, fortè nec scitè inter inistandum subsequi, dubitantibus etiam presentibus, num Gratiā sentias, an sine fructu, quæ agantur, accipias?*

33 Processus transmissus fuit ad Sacram Congregationem de Propaganda Fide ab Episcopo Effeltiensis Vicario Apostolico in Provincia Kenxi, & Compendium est hoc, quod sequitur : *Pater ille Misericordiarum, qui Omnipotentiam suam, parcendo maxime, & miserando, manifestat, qui non vult mortem peccatoris, sed magis, ut convertatur, & vivat, nostris hisce temporibus mirabiles hujus sue Misericordie, ac Omnipotentie effectus speciali quodam modo palàm facere dignatur est. In Pago nempe Kulo dicto, sitoque in Provincia Kenxi sub ditione Civitatis Pingian Fu a Civitate Kung Tung bien quadraginta stadia Sinica distans Vir quidam cognomine Ly, nomine autem Funbie sexaginta annorum ætatis domicilium habebat. Vir iste, dum sanitatis plenitudine gauderet, a Parentibus suis Christianis persæpe increpabatur, quia, viâ veritatis neglectâ, in semitis Diaboli gressus suos dirigebat, cupiebatque, potiùs in umbra mortis sedere, quàm sequi illum, qui dicit = Qui sequitur me, non ambulat in tenebris = simulque bortabantur illum, ut, relicto Idolorum Cultu, veram, ac sanctam Dei Fidem amplecteretur. At ille, relictis piis Parentum suorum exhortationibus, se in Idolorum Religione usque ad extremum vita fore permansum, iterum, atque iterum testatus est. Tandem, Deo sic disponente, in gravissimam incidit infirmitatem; fauces namque ipsius taliter contractæ erant, ut nullâ vi, nulloque modo cibum glutire valeret; & cum per sexdecim dies in miserando hoc statu perseveraret, cibisque faucibus ipsius omni tempore hæretet, ad ultimum vita sua diem pervenit. Cum igitur se ipsum morti proximum conspiceret, ac Deus internus cor illius tangeret, qui exterius per infirmitatis languores ejusdem corpus cruciabat, viam veritatis agnovit, ac*

308 *De Serv. Dei Beatif. et Beat. Canoniz.*

Sacri Baptismatis lavacrum ardenti studio petivit. At verò Deus, qui Omnipotentia, ac Misericordia sua magnitudinem in illo ostendere decreverat, permisit, ut ante Baptismatir receptionem ex hac vita discederet, morsque illiur die 26. undecima Luna, hoc est 21. Decembrir anni elapsi 1734. hora infortuna successit. Fun hic Neptem quamdam habebat trium annorum atatis, quæ pustularum langubat infirmitate: cumque morbur ipsiur magnopere ingravesceret, ac morti proxima ab omnibur conspiceretur, ut aternâ Deitatis beatitudine frui posset, Christianus quidam Sacrum Baptisma illi contulit, atque Luciam appellavit; quo suscepto, extremum visa spiritum felicissimè edidit die 27. ejusdem, hoc est 22. Decembrir hora quarta matutinâ. Die igitur 28. ejusdem Luna, scilicet 23. Decembris in ipso fere meridie tempore Fun hic, qui jam in feretro mortuus jacebat, Tarentesque ipsius super ejusdem amissione sictum, ut morir est, faciebant, continuò revixit, atque linguam suam in hac verba dissolvit = Cito conferte mihi Baptismum; volo enim amplecti Sanctam Dei Legem = Cumque interrogaretur super tam sistino, ardentique suscipiendi Baptismum desiderio, hoc modo respondit = Postquam oculis clausi, atque ex hac vita discessi, ad locum quemdam perveni, ubi, cum ingredi non possem, nescio qua vi compulsus, eram in Infernum descensusus. Verùm mihi descendenti juvenis quidam, qui lanceam manu tenebat, se obviam fecit, mihiq, aditum ad Inferos intercludendo, dixit: Qua de causa Sanctam Dei Legem amplecti recusas? Ego tremebundus respondi: Quia orationer ignoro, ipsasque memoriter pronuntiare non valeo. At juvenis ille reposuit: Difficile ne est, Dei, ac Virginir Maria nomina invocare, at-

que auxilium ab ipsis petere, ne umquam gravi scelere constringaris? Nunc igitur scio, Deum permittere, ut denum reviviscas, ac, Sacrosancto Baptismatis Lavacro suscepto, firmissimam, indubiamque gentibus fidem facias, neminem posse salvari, nisi prius Sacrum Baptisma recipiat =. Post hac Viri illi, qui ad rem hanc verè admirabilem videndam sunt numero convenierant, curiosè efflagitarunt ab illo, quid esset de Nepte sua, de qua ante mortem nil prorsus sciebat? Ille vero protinus respondit, Neptem suam Luciam in Celum jam ascendisse, Deoque proximam esse. Qui, cum iterum interrogatus esset, cur ipse post mortem in Celum non ascendisset, respondit = Quia nondum Baptismum receperam, impossibile enim est, in Celum ascendere, non recepto Baptismate =. Hic ergo auditur, ac visit, Caput Christianorum illius Tagi, cognomine Kao, sancto nomine Jacobur, Contritionis naturâ, ac necessitate mortuo reviviscanti explicatâ, ob timorem inquit ipse, ne rursus sine Baptismo ex hac vita discederet, ipsum indiscretâ promptitudine baptizavit, ac illi Petri nomen imposuit. Hac sacrâ Functione peractâ, idem Christianorum Caput Petrum interrogavit super necessariis Religionis Christianæ, qui ad omnia quaesita tam facilliter, tamque clarè respondit, ut non expertis planè doctrina, sed speciali sapientiâ pradius appareret, ipsi etiam Gentilibus admirantibur, qui illum, antequam dies suos clauserat, professò norverant. Ideoque obstupescenter dicebant = Vir iste, dum vitam ageret, se ostendebat ineptum: nunc igitur quomodo eloquens effectus est, tamque perbellè loquitur? = A die resurrectionis usque ad diem mortis ejus integer, completusque mensis pertransiit: quo tempore ex omni parte Gemiler ad domum reviviscantiur turmatim pergebant, alii

Lib. IV. Pars Prima Cap. XXI. 309

non credentes, alii super hoc admirantes, alii denique de rebus post mortem ab ipso visis sciscitari cupientes. Verum ipse per cognitionem futura vita prudens effectus curiosis questionibus respondere abhorrebat, solùmque uni Deo inservendum, Sacrumque Baptisma ab omnibus suscipiendum esse, constantissimè prædica-

bat. Tandem die 28. decimè septimè Lunæ, nempe die 21. Januarii 1735. Deus illum rursus ad se evocavit, atque in æterna Tabernacula, ut piè credendum est, recepit. Hæc omnia deposita sacre cum juramento a Christianis supradicti Tagi Kulo, qui præsentès fuerunt, ac propriis oculis viderunt.

CAPUT VIGESIMUM SECUNDUM.

De Miraculis negativis.



Iraculi negativi indolem, & qualitatem exponit Mattæ de Canonizatione Sanctorum part. 3. cap. 8. sub num. 13. sequentibus ver-

bis: *Miraculum negativum est illud, in quo nihil de novo ponitur, alteratur, vel immutatur, sed conservatur tantum primus status, absque transitu a termino a quo ad terminum ad quem; qualis fuit præservatio rubi ardentis a combustione, & trium puerorum a fornacis incendio, & quæcumque alia præservationes a morte, ruinis, casibus, submersionibus, atque similibus; idemque Author part. 4. cap. 13. per totum constanter asserit, hæc Miraculis negativis locum non esse, quando agitur de Miraculis pro Beatificatione, aut Canonizatione necessariis. Fundamentum Mattæ ex duobus capitibus desumitur: Primum est, quod juxta Juris dispositionem non admittuntur duo specialia in eodem subiecto, seu binæ præsum-*

ptiones, quæ tamen essent admittendæ, si Miraculum negativum admitteretur; præsumendum enim esset, aliquid physicè necessitate fieri debuisset, quod non esset factum, & præsumendum esset, illud miraculosè factum non fuisse. Alterum est, quod quæcumque præservationes a ruinis, ab incendiis, & submersionibus, & similibus infortuniis fieri possunt ministerio Angelorum propriâ naturali virtute operantium; quod satis ipse putat pro Miraculi exclusionem.

2 Juxta ergo Mattæ sensum, cessatio Pestis in aliqua Civitate grafsantis, nuncupato Voto alicui Dei Servo, vel Beato, licet immediatè, & perfectè secuta sit, non est Miraculum admittendum in Causis Beatificationis, & Canonizationis: idemque, juxta ejusdem sensum, ferendum est judicium de præservatione a submersione, item de præservatione hominum, aut rerum a combustionem, quamvis in medio ignis volutarentur; quinimmo nec inter Miracula admitti debuisset illud, de quo

quo maxima habita est ratio in Canonizatione Sanctæ Elisabeth Regina Luthania, de quo in *Relatione Cardinalis a Monte edita in Appendice ad primum hujus Operis librum* = *In Monasterio Divæ Clara pars quadam adium fabricabatur: & jam tecti ligna imponebantur. Ibi Dominicus Machadus Faber Lignarius operam dabat lignis clavorum adminiculo configendis. Ecce autem, impinatæ aliquæ ex iis lignis reflexa dilabantur in terram, secumque Fabrum illum præcipitem trahébant. Tum ille Beata Elisabetha salutare subsidium in tanto vitæ discrimine imploravit: nec furdus auditus est auribus. Extemplo, per summum Miraculum, ipse unâ cum lignis, occultâ quadam vi, sursum relatus, & in eundem locum, e quo ceciderat, restitutus fuit: ligna etiam suis redditâ sedibus, & coaptata. Dominicus a præsentî periculo liber, & incolumis, cum admiratione, ac stupore spectantium, tantum in se Beata Regina beneficium ex animo testatur est: licet enim hoc Miraculum purè negativum dici non possit, cum aliquid in eo de novo positum fuerit, restitutio videlicet lignorum suis sedibus, & delatio Dominici Machadi occultâ vi in locum, e quo ceciderat, cum tamen hæc non excedant naturalem virtutem Angelorum, aut Miracula juxtâ Mattam non erunt, aut de eis saltè ratio haberi non poterit in Judicio Beatificationis, & Canonizationis.*

3 At, cum in superioribus satis dictum sit de Miraculis largè sumptis, quæ non excedunt vires totius naturæ creatæ, sed tantum naturæ creatæ visibilis, & corporeæ, & quorum ratio habenda est in Judicio Beatificationis, & Canonizationis, converso idcirco sermone ad Miracula negativa, ad primam rationem, pro-

pter quam a Matta excluduntur, dicimus, eam non subsistere, Miracula quoque negativa esse admittenda, si debita concurrant requisita, doctrinam Mattæ non fuisse a Sacra Congregatione receptam, & Sedis Apostolicæ disciplinam eidem adversari in Judicio Beatificationis, & Canonizationis.

4 Porro ratio Mattæ non subsistit, dicit enim, quod, si Miracula negativa admitterentur, admitteretur præsumptio præsumptionis: nec enim præsumptio est, sed physica certitudo, quod, applicato verbî gratiâ igne materiæ combustibili, vel materiâ fractibili impetuosè collisâ cum dura, & solida materia, ignis comburere debeat, & materia fractibilis a dura, & solida frangi, juxtâ illud Ecclesiast. 13. = *Quid communicabis cacabus ad ollam? quando enim fœ colliferint, confringetur* = & juxtâ illud Divi Thomæ in *Catena aurea ad Evang. Luca 8. cap. 14.* ubi hæc habet: *Sicut, cum aliquis oculum lucerna lucenti adhibet, aut igni spinas, statim operantur: unde Isaac Cardos. in Philosophia libera lib. 1. quest. 25. vers. Non tamen credendum, pag. 80. inquit, impossibile esse, quod aliquid mixtum, aut vivens in igne perseveret, quin absumatur, cum sit virtus ignis tam vehemens, & activa, ut omnia permeet, dividat, consumat, nec ullum corpus reperiatur, quod illius vim valeat infringere, aut illi possit diù resistere; & proinde ipsum Moysen, cum in Deserto rubum flammis accensum aspiceret, qui tamen non absumebatur, admiratione plenum rubo appropinquasse, ut secretum supra naturæ vires eximium intueretur, juxtâ illud Exodi cap. 3. = *Et videbat, quod rubus arderet, & non**

com-

combureretur; dixitque Moyses: *Vadam, & videbo visionem hanc magnam, quare non comburatur rubus*; verus enim erat ignis, non species, vel ignis similitudo, alioqui enim Moyles deceptus fuisset putans, verum esse ignem; & illustre hoc Dei Miraculum in eo præcipue constitutum est, quod Deus conservavit ignis substantiam, sed actionem, & usionem ejus impedivit, ne ageret in rubum, vel virentia ejus folia minimum afflaret, aut desiccaret, veluti bene animadvertit Cornelius a Lapide in cit. cap. 3. *Exodi*. Cessat ergo præsumptio præsumptionis a Matthea excogitata; & quatenus in hac materia procedendum esset cum principiis extraneis, qualia sunt ea, quæ a Jure deducuntur, & physicam activitatem ad Juris præsumptionem detorquere vellemus, præsumptio ortum habens a naturalibus causis, & principiis præsumptio est, quæ facit certam probationem, præsumptio est, quæ dicitur necessaria, ac violenta, & quæ probationem in contrarium non admittit: in quo rerum themate præsumptio non dicitur oriri ex alia præsumptione, & secunda præsumptio veniens in consequentiam primæ non est præsumptio præsumptionis, quæ a Jure rejiciatur: Torr. *variar. quæst.* tom. 2. tit. 8. *quæst.* 1. num. 67. & 68. Rota coram Bichio *decis.* 77. num. 7. in fine, & num. 9. & *decis.* 40. num. 27. & *sequentibus part. 9. Recens.* Atque, cohærenter ad hæc, Miracula negativa, si debita concurrant requisita, rejici non possunt a classe Miraculorum; alioquin pro Miraculis haberi non deberet præservatio Sidrach, Misach, & Abdenago in Fornace ignis ardentis, & præservatio Danielis a voracitate Leonum, quod est contra

sensum Ecclesiæ, & communem Patrum sententiam: unde merito opinio Matthei rejicitur, uti latè ostendit Matthæucci in *Tractica Theologo-Canonica ad Causas Beatificationis, & Canonizationis* tit. 3. cap. 3. in *Additamento* num. 34. & *sequentibus*; & ipse testari possum, & testor, quod fungens munere Fidei Promotoris in *Causa Canonizationis Sanctæ Margaritæ de Cortona in examine quinti Miraculi*, retuli doctrinam Matthei de Miraculis negativis, & quod ea non fuit a Sacra Congregatione recepta. Demum in eo, quod attinet ad praxim, & disciplinam Sacræ Congregationis in Causis Beatificationis, & Canonizationis, multa Miracula negativa fuerunt examinata, & approbata in Judicio Beatificationis, & Canonizationis; quemadmodum dignosci potest ex *Relationibus Rotæ Auditorum in Causa Sancti Jacobi de Marchia*, ubi de præservatione Puellæ ex alto delapsæ, & de præservatione Hominis trabe percussis, in *Causa Sancti Caroli Borromæi*, ubi de præservatione Joannis Baptistæ Tironis infantis a submersione, de qua etiam supra habitus est sermo; in *Causa Sancti Isidori Agricola*, ubi de curru onusto Personis decem, & octo ad maximum periculum tendente, omnibus mirabiliter liberatis ejus intercessione; in *Causa Sancti Francisci Xaverii*, ubi de repentina cessatione Pestis, statim ac ejus Corpus Malacum delatum est; in *Causa Sancti Andrea Corsini*, ubi de Petro Victorio ab alta turre sine læsione delapso, quod Miraculum non fuit a Rotæ Auditoribus rejectum uti negativum, sed non fuit admissum tamquam non necessarium, & tamquam clarè non probatum, uti dignoscitur ex *eadem Relatione impressa*.

312 *De Serv. Dei Beatif. et Beat. Canoniz.*

sa apud Bzovium in *Annalibus ad annum Christi 1373.* & apud Lezanam *Consult. 1. num. 267.* ubi ita locuti sunt; *Alia itidem Miracula inter antiqua narrat Petrus Andreas Cast. lib. de quo supra, nempe de quadam Bilia Muliere Florentina gravi infirmitate gravata, de quodam Petro Victorio ab alta turri cadente ope Servi Dei liberato &c. qua non fuerunt per nos rejecta, sed tamquam minis necessaria, & non ita clari, ut superiora, probata, illa voluntariè prætermissa, judicavimus tamen posse servire pro adiniculo: & in potestrem Canonizationibus Sancti Francisci Solani, & Sanctæ Margaritæ de Cortona inter cetera Miracula approbata invenitur illud liberationis Civitatis Montiliz a Peste, quæ miserè grassabatur, intercessione tunc Beati, nunc Sancti Francisci Solani, & aliud reperitur præsertionis ab evidenti mortis periculo, invocata tunc Beatâ, nunc Sanctâ Margaritâ de Cortona; & dum quoqueungebat munere Fidei Promotoris, de nonnullis Miraculis negativis actum fuit in *Causis Sancti Stanislai Novitii Societatis Jesu, & Beati Joannis de Prado,* quæ quævis non fuerint approbata, id tamen non processit, ex quo erant Miracula negativa, sed quæ congruæ, & aptæ deheiebant probationes; & post dimissum a me Promotoratus Officium nonnulla Miracula negotiava fuerunt approbata, in *Causa videlicet Sancti Joannis Nepomuceni, & in Causa Beati Fidelis a Sigmaringa:* pro quo faciunt etiam ea, de quibus in eo *Capite,* in quo agitur de *Miraculis respicientibus dominum supra Elementa, & irracionales Creaturas animatas num. 4. & sequentibus.**

§ Hisce præmissis, deveniendo ad

examen nonnullorum Miraculorum, quæ negativa dici possunt, primum, quod occurrit, illud est cessionis Pestis. Ut autem, si Miraculum hoc examinandum proponatur, approbari possit, nonnulla debent concurrere requisita. Primum est, quod Pestis grassetur, & sit in suo majori vigore; secundum, quod facta fuerit invocatio Servi Dei, vel Beati; & tertium, quod statim secuta sit sanatio, hoc est cessatio Pestis. Claræ memoriæ Marcellus Malpighius Archiater Sanctæ memoriæ Innocentii XII. alibi a nobis cum laude commemoratus prædicta recensuit requisita in quodam *Suffragio*, quod edidit, cum discutebatur in Sacrorum Rituum Congregatione de miraculosa liberatione cujusdam Civitatis a Peste. En ejus verba: *Se fosse provato, ch' la Peste fosse stata nel suo maggior vigore colla maggior copia degl' infermi, e numero maggiore de' morti, e fosse provata la subita sanazione, fatto il Voto, saria un Miracolo evidentissimo.* Facit illud Hippocratis *lib. 2. apor. 30.* docentis circa principia, & fines omnia imbecilliter, in statu verò fortiora: cumque in eadem Causa, in qua Malpighius suum edidit Suffragium, non modò scripserint Postulatores in facto, & in jure pro Miraculo, sed & Archiepiscopus Myrensis primum, uti Fidei Promotor, & ego deinde ad idem munus electus Animadversiones fecerimus adversus Miraculum, plures Medici Urbis Consultationes pro Miraculo ediderint, & suum tandem pro veritate Suffragium fuerit latum a bonæ memoriæ Joanne Maria Lancisio Archiatro Summi Pontificis Clementis XI. nemo tamen fuit sive ex Scribentibus pro, sive contra Miraculum, qui

do.

doctrinam Malpighii impugnaverit, sed tota questio fuit in facti discussione, hoc est, an Peltis verè grassaretur, an esset in augmento, & an verè cessaverit statim post invocationem Servi Dei: & ante discussionem Miraculi, de quo nunc sermo est, per eandem semitam processerant Rotæ Auditores in *Relatione Causæ Sancti Francisci Xaverii in tertio Miraculo post mortem* = Cùm Malacam Urbem in India Orientali celeberrimam, & frequentissimam sæva Pestis invasisset, quod propter Civium peccata eventurum illi discedens Xaverius prædixerat, brevique tempore quamplurimi, paucis admodum superstitibus, perisissent, nec dum desaviret lues, sed maxime in dies grassaretur, ut primum Corpus Patris Francisci Xaverii, quod ex Sinis in Indiam deferrebat, eo appulsi, & ex navis in Urbem delatum fuit, statim, & in continenti contagiosus ille morbus omnino cessavit, nec ab ea die mortuus ullus, aut morbo correptus fuit, sed adeo tota lues extincta est, ut tam pestiferi morbi deinceps ne vestigium quidem ullum supersuerit. Post hæc Rotæ Auditores in dicta Relatione descendunt ad probationem prædictorum extremorum, grassationis videlicet Pestis, & subitæ, perfectæque cessationis; & considerantes defectum invocationis Sancti Francisci Xaverii scitè tamen existimant, illud a Deo factum fuisse ad patefaciendam illius Sanctitatem: Hoc autem Miraculum etsi non appareat factum manifestè, intercedente Patre Francisco, tamen ex circumstantiis facti existimavimus, Deum Optimum Maximum non alia de causa tunc temporis operatum fuisse illud Miraculum, quàm ut bujus Servi sui Sanctitatem demonstraret, & Populi erga illum venerationem augeret: quod sufficit, prout diximus

supra in octavo Miraculo ante mortem.

6 Distinguunt Medici inter Pestem, Contagium, & Epidemiam. Pestem ab acris corruptione, & infectione dicunt provenire. Contagium a contactu rerum infectarum. Epidemiam verò dicunt esse genus generalissimum, esse morbum habentem causam universalem, & comprehendere sub se tam morbos pestilentes, quàm non pestilentes, puta raucedines, gravedines, & consimiles morbos, qui aliquando affligunt habitatores unius Civitatis: ex quo proinde inferunt, omnem Pestem esse Epidemiam, sed non omnem Epidemiam esse Pestem, uti latè videri potest apud Zacchiam 214ff. Medico - Legal. lib. 3. tit. 3. quest. 1. per totam, & præsertim num. 32. & pluribus sequentibus. Hieronymus Mercurialis de Peste cap. 17. pag. 31. inquit, populum ut plurimum causam Pestis referre in aliquam humanam conditionem, puta in ingressum alicujus Peste infecti in suam Urbem, aut in delationem mercis Peste infectæ ad eandem, & deinde subdit: Quæso, unum alicujus inter veteres dignitatis Medicum ostendant, qui, Pestem a solo contagio posse fieri, aut præclarè, aut obscurè unquam prodiderit, cogitaveritve, & protinus libenter cedam; & Zacchias in cit. Quest. Medico - Legal. lib. 8. tit. 3. quest. 1. num. 12. & sequentibus latè ostendit, veram Pestem semper, & quandocumque dependere ab acris corruptione, neque fieri ullo modo posse, ut ab alia causa suam immediatè ducat originem, & falsissimam esse vulgi opinionem credentis, eam semper a contagio causam habere. Donat. Antonius ab Altomari de pestilenti febre cap. 3. Rr fol.

fol. 605. inquit, Pestem afferri aut ventorum vi flantium ab ea Regione, in qua est Pestilentia, aut ex Peregrinis adventantibus, & Peste infectis: Verum, & experientia compertum est, non modò ventorum vi Pestilentia semina a remotissimis Regionibus provenire posse ad reliquas, verum etiam ex Teregrinis adventantibus. Horatius Aug. de Febribus lib. 6. cap. 9. num. 10. & melius cap. 20. num. 40. observat, Pestilentiam aliquando incipere ab una Regione, & per multas Regionis distantissimas pervagari, ventis pestilentialem infectionem deducen- tibus. Afferit testimonium Galeni referentis, ex Æthiopia quædam effluxisse seminaria contagionis, quæ universam Asiam invalerunt. Addit, Patrum suorum memoriâ Pestem ex Illyrio in Dalmatiam, & ex hac Provincia in universam Italiam, atque Europam pervagatam fuisse. Adhærent Aphanasius Kirker de Peste fest. 2. cap. 4. num. 9. claræ memoriæ Cardinalis Castaldus de Peste cap. 249. num. 15. & sequentibus, Joannes Bultamant de Animantibus Sacra Scriptura lib. 2. cap. 3. cap. 31. in fine, Philibert. Marchin. de Bello Divino post part. 10. problem. 20. in fine, & alii ex Medicis referunt, Pestem aliquando a contagio incipere, & deinde progredi ad acris corruptionem ob numerum mortuorum, & congeriem cadaverum, & multitudinem peste infectorum: Gaspar Caldera de Heredia Tribunal. Medic. Magic. & Policie. part. 1. de Peste Hispanensi statio. 3. littera E fol. 511. col. 1. Joannes Lazar. Butier. Febrilog. curs. 8. lect. 5. num. 5. At, quidquid sit de hisce controversiis, & quidquid sit de differentia inter Pestem, & Contagium, hoc unum certum est, quod, si mor-

bis citò xgros interimit, si ulterius bubonibus, & carbunculis defœdatus est, signa hæc sunt peculiaria Pestis considerata ab iis, qui non scribendæ tantum, verum etiam curandæ potissimum Pesti operam dederunt: Ludovicus Septala lib. 3. de Peste cap. 6. & 7. pag. 108. & sequentibus, Lazarus Riverius de Febre pestil. cap. 1. pag. 343. Carolus Valelius de Peste cap. 7. pag. 93. Taurellus de Peste Italia lib. 2. cap. 4. pag. 112. Cardinalis Castaldus de avertenda Peste cap. 256. num. 27. quibus addi debet Abbas Ludovicus Antonius Muratorius in suo recenti Tractatu de Peste lib. 2. cap. 8. qui, licet curandæ Pesti operam non dederit, egregium, tamen edidit Tractatum Tolusum, Medicum, & Ecclesiasticum de Pestis gubernio. Augmentum Pestis, vel Contagii desumitur ex numero xgro- tantium, & mortuorum: si enim non modicus, sed magnus sit, habitâ ratione numeri habitantium in Civitate, aut in Pago, si major sit, quàm fuerit antecederet, de augmento morbi non est dubitandum; quemadmodum nec dubitandum erit de subita cessatione, & miraculosa liberatione, si statim, & immediatè post invocationem nullus ex xgro- tantibus mortuus sit, nec ullus alius morbo pestilentiali, seu contagioso fuerit affectus.

7 Cum autem in examine Miraculorum omnes, & quæcumque diligentie sint adhibendæ, nec ulla, quæ adhiberi potest, debeat omitti, nonnulla remanent investiganda, & perpendenda: primum est, an Miraculo obftet longum tempus, quo Pestis ante cessationem duraverat: secundum, an Miraculo obftet, si Pestis cessavit tempore hiemali: tertium,

tium, an Miraculo obftet, fi celfave-
rit, flantibus ventis falubribus, aut
precedentibus diligentis, quæ adhi-
beri confueverunt juffu Magiftratu-
um, ut Peltis avertatur: quartum de-
nique eft, an obftet Miraculo, fi poft
invocationem non multi, ut antea,
fed pauci ex ægrotantibus morian-
tur, vel fi non multi, fed tantum
pauci poft invocationem Peltis affi-
ciantur.

8 Tempus, quo Peltis durare con-
fuevit in aliqua Civitate, eft novem
circiter, aut duodecim menfium,
poft quod tempus celfare incipit:
quod tamen perpetuum non eft,
cùm in Civitatibus, quæ funt habi-
tatoribus frequentiores, Peltis plu-
rium annorum fpatio duraverit, quod
potiffimum contingit, quando debi-
tæ diligentie non adhibentur, uti la-
tè oftendunt Zacchias *cit. lib. 3. tit. 3.
quæft. 2. num. 43.* & pluribus fequenti-
bus, & Muratorius *lib. 1. cap. 1.* Tem-
pore æftivo Peltis vehementiùs gra-
flari confuevit, quàm tempore hiema-
li, veluti ex Medicis perpendunt An-
tonius Saracon *de Peltis* apud Bonett.
*Thefaur. Medic. Tract. tom. 1. lib. 1.
art. 9. fol. 441. in principio col. 2.* Ma-
riott. *de Febribus lib. 4. cap. 6. de Fe-
bre peftilentiali fol. 192. col. 2. in prin-
cipio*, Andreas Gabriel *de Peltis fol.
36. a tergo*, Thomas Sydenham *Ob-
ferv. Medic. fec. 2. cap. 2. de Peltis in
principio pag. 134.* & obfervavit bonæ
memoriz Joannes Maria Lancifius in
Suffragio, quod edidit juffu sanctæ
memoriz Clementis XI. *super Mira-
culo*, quod difcutiebatur, liberationis
a Peltis Civitatis Montilia interceffio-
ne tunc Beati, nunc Sancti Franci-
fei Solani = Neque interea temporis fper
ulla vigeat, fore ut ad mutationem tem-
peftatis lues cederet, nam tempus non e-

ras hiemis, quæ fuit Aquilonaribus ven-
tis femina peftis plerumque aut evertit,
aut extinguit. Animadvertit Murato-
rius *loc. cit.* Peltis etiam aliquando
graffari tempore hiemali, aut quia
hoc tempore aliquando fpirant venti
calidi, aut quia Peltis, quæ incepit
tempore autumnali, vel æftivo, au-
gmentum recipit tempore hiberno;
fed, quod frequentius accidere folet,
eft, quòd Peltis, quæ per hiemem
cellare vifa eft, revivifcit tempore
æftivo: Si hiberno algore, nec præce-
dentibus remediis, Peltis extinguitur, me-
tus eft, ne mox, revivifcente anni ca-
lore, in immenfam vaftitatem peftifer
bie fetus exiliat = verba funt Joannis
Heurnii *de Peltis in exordio fol. 72. O-
perum tom. 1. & adhzret Zacchias Con-
fil. 27. num. 1.* Plurimum quoque
conferre ceffationi Peltis falubres ven-
tos fpirantes ab aliis Regionibus, in
quibus Peltis non eft, necnon dili-
gentias a Magiftratibus præfcriptas de
rebus peftis affectis incendio abfumen-
dis, certum undequaque eft. Legi
poteft Alexander Maffaria *de Peltis
tract. 1. lib. 2. circa finem pag. 104.* &
ex Ficino hæc habentur apud Cardina-
lem Cafaldum *de Peltis cap. 249.
num. 19.* = Unde Peltis tempore Ficinus
optimè advertit, ad illa confugiendum
effe loca, quo ex jam infecto loco veni-
non perflant: & inter diligentias non
poftremum profectò fibi locum vind-
dicat ea, quæ adhibetur in fegre-
gandis Peltis infectis ab hominibus,
& rebus, quæ Peltis infectæ non funt;
qua de caufa encenia, nundinæ, co-
mœdiæ, fpectacula, alique majores
publici conventus tempore Peltis in-
hibentur, teftè Diemerbroech *lib. de
Peltis cap. 3. pag. 146.* & in *Annotat.
pag. 158. col. 2. num. 20.* & Taurellus
lib. 2. de Peltis Italia cap. 4. pag. 110.

narrat, quòd in hac Civitate Bononiæ, cum extinctum Pestis incendium undequaque haberetur, & pueri aliqui joci gratiã se abdiderint in Curribus Libitinariis imprudenter sub dio palam relictis, singuli ad domos suas redeuntes luem domesticis communicarunt, & cum sex integris Familiis ad unum sublatis sunt. Videri autem posset obflare Miraculo, si Pestis cessaret post longum tempus sue durationis, si cessaret tempore hiemali, si cessaret flantibus ventis salubribus, aut post adhibitas diligentias, cum hæc omnia ex dictis naturaliter, & pro sint ejusdem Pestis cessationi. At oppositum mihi statuendum esse videtur: licet enim prædicta omnia, & singula proficiant cessationi Pestis, proficiunt, sed beneficio temporis, nec unquam tantæ possunt esse virtutis, ut Pestis, quæ est in augmento, immediatè cesset. Quid autem dicendum erit, si, supposito Pestis augmento, post invocationem nonnulli, sed pauci Peste afficiantur, & nonnulli pauci jam Peste correpti moriantur? Si id a me exquireretur, responderem, obflare Miraculo, si aliqui post invocationem Peste corripiantur, licet pauci; indicium enim hoc esset, quòd Pestis non celsavit: & subderem, non obflare Miraculo, si aliqui jam Peste correpti, dummodo pauci essent, post invocationem morerentur, tum quia in Miraculo liberationis Civitatis a Peste non agitur de præservatione unius, aut alterius hominis, sed de præservatione Communitatis, quæ præservatio verificatur, etiam si aliqui, sed pauci, ex eadem Communitate moriantur, tum quia in *Serie Miraculorum Sanctæ Genovesæ*, quam contexuit Anonymus, narratur

solemnis Supplicatio a Stephano I. Parisiensis Episcopo indicta tempore Pestis, ut clades, quæ latè grassabatur, averteretur, & quòd, licet tempore Supplicationis nonnulli mortui fuerint, Supplicatione tamen expleta, facta est tranquillitas, & omnes, qui Peste laborabant, tribus tantum exceptis, incolumes evaserunt, quemadmodum pluribus refert Theophilus Raynaudus *Heteroclit. Spiritual. tom. 15. fol. 202.* & tandem quia, non obstante nonnullorum paucorum morte, inter Miracula approbata pro Canonizatione Sancti Francisci Solani recensita fuit liberatio Civitatis Montiliæ a Peste post ejus solemnem invocationem, probatis augmento Pestis, & ejus subitâ liberatione, etsi tam a bonæ memoriæ Prospero Bottinio Fidei Promotore, quam a me ejus Successore in dicto munere oppositum, probatumque fuisset, nonnullos peste infectos, licet paucos, post invocationem mortuos fuisse.

9 Succedit, ut aliqua addantur de præservatione a morte eorum, qui in aquas delabuntur. Nonnulla de illis dicta sunt, dum agebatur de mortuorum revocatione ad vitam, & ibi aliqua tacta sunt de necessitate respirationis, de tempore, quo quis vivere potest sine respiratione, de foramine ovali, & aliis rebus physicis. Nunc autem de iisdem, qui in aquas delabuntur, iterum sermo habendus est, non uti revocatis ad vitam, sed uti præservatis a morte imminenti: & aliqua alia quoque subdenda sunt de necessitate respirationis, de tempore, quo quis sine respiratione vivere potest, & de doctrina foraminis ovalis, juxta ea, quæ polliciti sumus, dum agebatur de mortuorum resuscitatione.

10 Quæ loco modò citato diximus de necessitate respirationis, & ejus usu, nunc etiam confirmantur. Postquam feliciori hac nostrâ ætate magna lux rebus anatomicis accessit, & aeris gravitas, ac vis elastica innouit, dux de præcipuo aeris usu celebrantur sententiæ; altera, quæ sanguinis motum intestinum omnino reponit in acre per respirationem haurito, cui adherent Lovverus in *Traçtatu de Corde* cap. 3. Truſton de *respirationis usu* sect. 12. altera, quæ, musculorum motum, eodem aere sublatò, prorsus extingui, affirmat, uti videri potest apud Joannem Nicolaum Pecklinum de *aer. & alim. deſect.* cap. 9. & apud Joannem Thabot *Exercit. Medic. tract.* 2. cap. 3.

11 Confirmantur quoque, quæ diximus de modico tempore, quo animalia vivere possunt sine respiratione. Teste Roberto Boyle jam allegato in *Traçtatu de Respiratione*, Anas adulta, & robusta, subducto per Antliam Pneumaticam aere, duobus minutis tanto angore, ac convulsionibus fuit divexata, ut hianti ore nullum vitæ proderet indicium, quamvis ea Volucris, utpote aquatica, peculiari organorum structurâ prædita sit, quæ diutius respirationis privationem aquis immerſa sustinet. Cæteræ Aviculæ minores paucis momentis, subtrac-to aere, extinguuntur. Viperæ, Ranæ, Cancrî, iidem experimentis habitis, complures horas, subducto aere, vitam ducunt. Ex his autem inferitur, Hominem paucis momentis posse vivere sine respiratione, cum non sit formatus ad vitam sub aquis degendam, ut Anas, & cum inter cæteros animantes motuum varietate, atque excellentiâ præstantissimus longè concitatiore indigeat mo-

tu sanguinis intestino, quo non modò tot munia corporis obeat, sed & mentis cogitationibus obsecundet, & intersuiat; & animalia, quæ diximus diutius ferre aeris jacturam, segnia, sint, hebetia, & pigra, & frigida aded constitutionis, ut eorum fluida lentissimè intestino motu agitentur, qui motus, longè parciore aeris copiâ adhuc residuâ, conservari potest.

12 Quæ modò dicta sunt de necessitate respirationis, ita ut homo sine illa paucis tantum minutis vivere possit, a fortiori sibi vindicant locum in pueris, seu infantibus, qui, si ad minutulum intervallum a respiratione abſtineant, livida mortis signa præferunt, uti prosequitur Pecklinus de *aer. & alim. deſect.* cap. 8. & apud peritiores Anatomicos licet infans utero matris inclusus non indigeat munere pulmonum, adhuc tamen vivere non potest, nisi aer ipsius sanguini jugiter misceatur; quem aerem ex sanguine matris in placentam influentem per venam haurit umbilicalem, juxta ea, quæ plene habentur apud Verheyen *Anatom. tom.* 2. *tract.* 5. cap. 18. Addit Stalpartius in *ſuis Observationibus* pag. 354 quodd, si foetus in utero non respiraret, inutiles dicendi essent nervi efformati Diaphragmatis, cæterique respirationi intersuientes; & quodd, foetum in utero respirare, statuendum est, etsi externus aer non intromittatur, cum enim salvis aliquando nascatur membranis, & sic externum aerem respirare non possit, & illico respiret, cum primùm membranae tolluntur, indicium hoc est, quodd ipse intra uterum respiravit; intelligi quippe non posset, quomodo, ablatis, aperitisque integumentis, tam citò respiraret, & quomodo nervi respiratorii huc.

318 *De Serv. Dei Beatif. et Beat. Canoniz.*

hucusque otiosi tam repentè fungentur officio. Hisce argumentis filius bonæ memoriæ Petrus Assaltus publicus Medicinæ Lector in Archigymnasio Sapientiæ Romanæ, Vir utique summe litteratus, & amplissimâ præditus eruditione, scribens in *Causa Sancti Joannis Nepomuceni*, in sua *Dissertatione* strenuè probavit, Miraculo esse adscribendum, quòd quædam Puella nomine Rosalia constituta in ætate sex annorum, & sex mensium, quæ fortuitò deciderat in Flumen Uvattavæ, & per integram horam manserat sub aquis, & extracta nulum dederat vitæ signum, ad proximam ædem adducta ebibitam aquam evomuit, & paulò post, sensuum resumpto usu, ab omni læsione apparuit libera, licet aquæ impetu ad angustum canalem cuiusdam Molendini transvecta, ubi duplex rota volebatur, earum primam subter prætergressa ad alteram pervenerit, sub qua semihoræ spatio permanfit.

13 Et, quia ipse fungens munere Fidei Promotoris in *meis Animadversionibus* doctrinam opposui foraminis ovalis probabiliter adhuc aperti in Puella, cujus ope sine respiratione sub aquis vivere poterat, allatâ doctrinâ jam alibi memoratâ bonæ memoriæ Lancisii, & ceterorum, memoratus Petrus Assaltus, licet indolis esset modestissimæ, & Lancisium tum viventem, tum mortuum magnopere coluisset, & coleret, in *citata Dissertatione* vehementer exandescens dixit, certum esse, infantes sine respiratione vivere non posse, & frustra haberi recursum ad foramen ovale adhuc apertum, cum id in celebrioribus Anatomicis, Harvejo videlicet, & Lovvero, non legatur, cum Diemerbroeck in *Anatome Corpo-*

ris humani lib. 2. cap. 10. pag. 285. hæc habeat = *Hoc foramen ovale, quod in sætu amplum est, cum in hominibus nativum usum non habeat, intra paucas hebdomadas ita coalescit, & avoletur, ut nullum ejus vestigium uspiam appareat* = cum Bartholinus præcipuus Anatomicus illustrator in *Anatom. reform. lib. 2. cap. 8.* ita subdat = *Post partum aliquantulo tempore coalescit hoc foramen, & exstrecatur, ut locus hic tamquam pertusus esse videatur; cum Pecklinus de aer. & alim. defect. cap. 9.* asserat, a foraminibus ovalibus apertis nullum præsidium desumi posse ad Urinatores, qui longiori tempore vivunt sub aquis, a morte vindicandos, cum Urinatores sint peculiare hominum genus, quorum sanguis frigidior est, ac segniori motu agitur; qua de re tamen peritiorum esto judicium.

14 Argumenta Petri Assalti eò tendere videbantur, licet id in sua *Dissertatione* conceptis verbis numquam dixerit, ut Rosalia censeretur a morte ad vitam revocata: sed Sacra Congregatio securiori viâ procedens, cum certa indicia secutæ mortis decissent, Miraculum quidem approbavit, sed in tertio genere, & non tamquam revocationis mortuæ ad vitam, sed tamquam præservationis a submersione, & sic ab imminente morte, nisi intercellione Sancti Joannis Nepomuceni invocati Deus effecisset, quòd causæ naturales, interclusâ videlicet respiratio, & allisio ad rotam, quæ mortem debuissent afferre, mortem non afferrent, ut colligitur ex *Decreto edito die 11. Januarii, & die 16. Februarii anno 1729.* a sanctæ memoriæ Benedicto XIII. confirmato.

15 Si quis aliquid de quacumque specie Miraculi negativi dicere vellet, integrum super hoc argumento li.

librum edere posset, nec id satis esset, ut omnes possibiles casus in eo comprehenderentur. Nonnulla ergo, quæ sæpius in praxi contingunt, a nobis innuuntur; & horum primum est illorum, qui ex aliquo loco decidunt, & invocato aliquo Dei Servo, vel Beato, illæsi permanent. Hippocrates lib. 3. Epidem. text. 33. narrat historiam Puellæ, quæ e rupe ceciderat, & voce privata est, sed superstes fuit. Georgius Abraham Mercklinus decur. 2. anno tertio observat. 105. in Miscellan. Ephemerid. Nat. Cur. Germania subdit, Puellam ex superiore domus contiginatione delapsam in saxeum pavementum ruisse, & passam esse fracturam cranii, sed sine ullis aliis gravibus symptomatibus, & intrâ paucas hebdomadas, fissurâ cranii coadunatâ, sanitatem recuperasse. Samuel Ledelius refert, quemdam Fabrum lignarium excidisse de Turri in tectum Templi, & de tecto in terram sine ulla notabili læsione; & Georgius Wolfangus testatur, Puerum trium annorum præcipiti in caput lapsu in saxa cecidisse ab altitudine decem, & septem palmorum, nec ullam notam contraxisse: & alia similia collecta, legi possunt apud Guillelmum Fabricium Hildanum cent. 2. observ. Chirurg. observat. 85.

16 Ut in hisce casibus tutum de Miraculo feratur iudicium, quatenus tamen cadens illæsus undequeque sit, Bordonus in suo Tractatu de Miraculis medis. 3. num. 9. hæc habet: *Ut quis ex alto cadens sine ulla sui læsione dicatur miraculose liberatus, & præservatus a periculo ex invocatione Divini auxilii, requiritur, ut magna sit distantia inter utrumque extremum, & quod non cadat super quid molle, & leve.*

Illud suadetur, quia ex parva distantia non multum præponderatur corpus ad præcipationem, sicut ex magna: & hoc patet experientia. Iudicis autem in arbitrio est, designare distantiam, attentis circumstantiis persona eademis, si puer est, an adultus, an gravis, & magni ponderis, si senex, aut aliâs mult affectus: quod enim persona debilius est, eo facilius leditur.

17 Hæc vera sunt: sed aliz etiam circumstantiæ in examine similium assertorum Miraculorum sunt suâ consideratione dignæ: cum possit quis cadere, sed corpore erecto, & sic non impingere terræ caput, latera, dorsum, aut pectus, possit juxta murum prolabi, & ruere, dorso ad murum aliquantulum incumbente; possit murus esse constructus in modum antædis; possit cæmentorum acervo occurrere, & sic collecta saxa e loco impellere, possit per vestium inflationem a vento sustentari, & sic non vehementer in solum collidi. Quæ omnia, & singula impetum percussione corrueenti corpori diminuunt, ita ut aut modica læsio, aut etiam totalis illæso viribus nature sit adscribenda.

18 Additur, quod, licet corpus projectum, & impetu descendens gravitatis vim projectioni conjunctam servet, & in corpus allidens durum, immobile, & magis resistens debeat necessariò percussione pati, potest tamen ex ea percussione nullum sentire, vel saltem leve incommodum, modò aut in puncto, aut in paucis tantum punctis tangat, & allidat in corpus resistens, & puncta corporis resistentis æqualem vim habeant punctis corporis projecti, & impulsivi: quocirca videmus aliquando, cyathum vitreum, aut vas fictile ex alto de-

cidens percussione quidem a terra pati, nullam tamen rimam, nullamque fracturam contrahere, modò terram impetat aut in puncto, aut paucis in punctis æqualiter resistentibus. Rursus homo ex alto loco cadens, sive ad cadendum impulsus potest sinè noxa casum pati, primò, si ad modum avium ducat corpus, & membra perpendiculariter ad motus directionem; secundò, si extendat crura, aut brachia, & caput, pectus, aut ventrem inclinet, ita ut sese restituat ad æquilibrium; tertio, si aerem ad latus oppositum percussat tali vi, per quam vis impetus projecti infringatur; quartò, si pedes, reliquosque articulos elonget, & extendat, & subito cedendo, vim lapsus impediatur. Hæc consequi difficillimum est; sed tamen aliquando natura timens grave periculum, nobis insciis, ea præstat, & legibus mechanis utitur avertendo damno maxime accommodatis. Iis per artem utuntur saltatores, & funambuli, qui se ex alto loco projiciunt, terram pertingunt, nec ullum contrahunt corporis damnum. Absque artis præsidio, novum non est, aliquos ex alto loco decedentes incolumes remanere. Quæ a nobis dicta censerì volumus, non ut in totum excludamus speciem hanc Miraculi negativì, sed ut Consultores Congregationis Sacrorum Rituum, cum de iis agitur, oculorum aciem intendant, consuetà utantur diligentia, & si possibile est, majori, ne, quod casui, vel naturæ adscribendum est, adscribatur Miraculo, & ne gratia cum Miraculo confundatur, aut mirandum cum Miraculo.

19. Conformes in cæteris negativis Miraculis diligentiz non sunt omittezdæ. Si enim res sit de oppressis

sub ruina domus, & repertis illæsis, videndum est, an ipsa ruina ita contigerit, ut ligna corruentia fornecem quemdam constituerint, sub quo ille, qui lapsus est, & qui fuit ruinâ oppressus, potuerit incolumis remanere. Si agatur de illæsiõne ejus, super cujus corpus rota currus pertransit, juxta ea, quæ habentur apud Pignatellum *Consult. 59. tom. 4.* non solum videndum est, quanta esset gravitas currus, sed etiam, an ejus curvus esset velocissimus, an tardus, cum sæpe videamus, oppressos rotâ currus velocissimè currentis nullam confusionem, aut fractionem contrahere. Si tractetur de liberatis ab aliquo periculo, qualitas periculi est seridè investiganda, an videlicet periculum tale esset, ut quis illud evadere non posset ullo naturali auxilio, sed tantum ope supernaturali, Dei videlicet contra, vel præter leges naturæ operantis, & hominem in periculo vitæ constitutum a periculo subducentis, juxta illud *Isaia cap. 43. = Cum transieris per aquas, tecum ero, & flumina non operient te: cum ambulaveris in igne, non combureris, & flamma non ardebit in te.* Illustre est exemplum relatum a Sancto Paulino in *Epistola ad Macarium* de Seno quodam Catechumeno, qui in Baptismo vocatus est Victor: *Viginti tres dies homo non modò a terris, sed ab hominibus exclusus, omnium ventorum ludibrium, omnis terra exul, diversis maris bosper, & exors generis humani, inter fluctus, & belluas maris, in vago erraticæ navis hospitio, jejuniis, senio, timore confectus, quæso te, numquid naturâ sud perduravit? Cui ergo obscurum sit, Deum in illo fuisse? Navis primò ad Urbem acta Romani Tortus Pharus vidit, deinde Campaniam longis tractibus legis,*

Lib. IV. Pars Prima Cap. XXII. 321

legit, mutatisque turbinibus, in Africa litora transvolavit, atque ab ipsis rursum abrepta Siciliam transcurrit, ita freta fulcans, ut quasi Divina navis, & immisso divinitus Spiritu sapiens sub sponte cavenda quiesceret, sequenda peteret. Tandem finem errorum, atque discriminum in Lucanis posuit litoribus. Tantorum autem discriminum, & periculorum series, & continuata ab eis evasio Miraculum ostendunt. Ex quo proinde sequitur, ut, si aliquis ruinâ oppressus incolumis sub fornice reperitur, invocato Dei Servo, vel Beato; si, præviâ pariter simili invocatione, periculum evadat vitæ, cui erat expositus, ob lapsum sub rota currus velociter currentis; si denique post invocatum Dei Servum, vel Beatorum liber evadat, & incolumis remaneat in medio aliorum periculorum, a quibus citra Dei supernaturaliter agentis opem potuit liberari, hæc non inter Miracula, sed inter gratias, & ad summum inter admirabilia poterunt adscribi. Quocirca in *Causa Sancti Joannis a Sancto Facundo*, cum inter Miracula approbanda proponeretur illud Antoniz de Vincentia, super quam in quodam Cubiculo dormientem, Cubiculo corruente, ceciderat ingens quantitas terræ, lignorum, laterum, & lapidum, & post horas quadraginta ipsa inventa est illæsa, invocato Beati auxilio, Petrus Franciscus de Rubeis tunc Fidei Promotor in suis *Animadversionibus* ita scripsit: *Quod ad septimum Antonia de Vincencia præservata ab oppressione ex ruina Cryptæ ab effossoribus inventa absque ulla læsione sub Arcu lateribus exstructo respondetur, nullatenus Miraculo adscribendum esse, sed casui ex præordinatione Divina: quod etiam Martialis agnovit Epigrammatum lib. 1.*

inquiens de Regulo casu præservato a ruina domus =

Quis curam negas te esse Deorum,

Propter quem fuit innocens ruina?

refertque Platina in *Vita Victorii III.* dicens, quod Syracusis major Basilica corruens omnes, dum Vespera celebrabatur, contriverit, duobus tantum divinitus superstitibus, Diacono scilicet, & Subdiacono: etenim potuit naturaliter accidere, quod præfata Antonia tempore ruina staret sub dicto Arcu, nec ideo fuerit ab ea læsa, & oppressa: cui Animadversioni Sacra Congregatio obsecundans abstinuit a propositi Miraculi approbatione.

20 Præservatur aliquando aliquis a morte, & etiam a vulnere ex magno, & valido ictu sclopi; & quaeritur, an id Miraculo sit adscribendum. De præservatione a morte in eo rerum eventu actum fuit in Sacrorum Rituum Congregatione, dum agebatur de Miraculis pro Canonizatione Sanctæ Catharinæ de Bononia, & Sancti Pii V. In *Causa Sanctæ Catharinæ* quidam decem pedibus distans ab explodente sclopi leviter fuit vulneratus globulo plumbeo, & tres alii globuli femoralia perforarunt; & a Postulatoribus asserabatur, id esse Miraculo adscribendum, cum leviter vulneratus opem Sanctæ Catharinæ invocasset. In *Causa* verò *Sancti Pii V.* cum quidam, dexterâ ad nares admotâ, nonnullos alloqueretur, explosus fuit adversus eum magnus sclopi. In cubito brachii dexteri vulneratus est cum fractura ossis, & globuli inde exeuntes penetrarunt sub mamilla sinistra, ibique duo vulnera fecerunt. Vulneratus pendenter q

Sf collo

collo ad pectus habebat Effigiem Sancti Pii V. Cereò Agno impressam, cuius auxilium ex corde imploravit & ex viginti circiter globis, qui ad pectus devenerunt, duo, alter major, minor alter, leviter thoracis cutem perforaverunt, & ceteri inefficaces remanserunt intrâ subuculam: & a Postulatoribus id proponebatur inter cetera Miracula pro dicti Sancti Canonizatione approbanda. De præservatione verò nedum a morte, sed etiam a vulnere actum fuit in *Causa Sancti Caroli Borromæi*, in qua, ut alibi etiam dictum est, quidam Sicarius nactus loci, & temporis opportunitatem tormentum manuarum globulis æneis onustum pulveris pyrii flammâ crudeliter explofit adversus Sanctum cum sua Familia, in Sacello Palatii Archiepiscopalis primâ noctis horâ de more orantem, & globuli quidam parietes, & tabulas confixerunt, & quidam, in quibus erat majus plumbum, ad tergus ipsius orantis, pervenerunt, qui, licet carnem maculaverint, nullum tamen vulnus intulerunt, ipseque, expletâ oratione, ad Cubiculum profectus, illæsus inventus est.

21 Antequam ad Fidei Promotoratum assumptus fuisssem, inter Sacre Consistorialis Aulæ Advocatos cooptatus operam meam præstiti in prædictis Causis Canonizationis Sanctæ Catharinæ, & Sancti Pii V. & totis viribus laboravi, ut prædictæ duæ præservationes a morte inter Miracula recenserentur. Ponderavi, quod ignis, qui ex pulvere pyrio citissimè gignitur, movetur motu concitatissimo, ex quo postmodum violentiâ causatur, uti explicat Fortunius Lincetus tom. 2. *de Quæstis per Epistolas* pag. 76. quod ventus pulveris hujus

tormentarii, exceptis fulminosis, ceteros omnes exsuperat ventos, sicuti profectitur Theophilus Baconius in *Historia ventorum* pag. 478. num. 6. vel quia particule sulphuris hanc subitam accensionem, & vehementem operantur explosionem, juxta opinionem Thomæ Willis in *suo Tractatu de fermentatione*, vel quia hæc vehementia est nitro attribuenda, secundum ea, quæ refert supra citatus Baconius in *Historia naturali* centur. 1. pag. 761. Addidi, distantiam inter vulnerantem, & vulneratum fuisse duodecim, aut tredecim passuum, eamque fuisse pro ictu valido sufficientem, cum Sclopus non unum ferret globum, sed plures, in quo rerum eventu minor distantia dicitur justa distantia, veluti altruunt Milliet de Chales in *suo Curso Mathematico* tom. 3. lib. 2. pag. 69. & 70. & P. de Lanis in *Magist. Natura, & Artis* tom. 1. lib. 2. cap. 1. *experiment.* 19. & in eo theoremate, quod disputandum proponitur, an in aliqua determinata distantia validior sit ictus, quam in minori, ea recepta sit opinio, quod modica distantia tunc impetum retardat, quando potest efficere, ut aer a tormento ejectus in corpus durum statim impingat, & in globum recurrendo, impetum prædictum nonnihil remoretur, sed quod regulariter ictus semper est fortior, quo propinquior, ex allegato Milliet de Chales loc. cit. pag. 71. & profectitur Valeriola *Observat. Medical.* lib. 5. *observ.* 8. pag. 345. Uno verbo, tum ipse, tum plures præstantes Viri Advocati, & Medici ad patrocinium dictarum Causarum adsciti omnem lapidem movimus, ut præservationem ab ictibus mortalibus in utroque casu tamquam miraculosam astruer-

re-

remus; sed frustra, cum alia quidem Miracula fuerint in dictis Causis approbata, sed nulla predictorum habita fuerit consideratio, cum plures potuerint esse causæ naturales aptæ natæ ad impetum retundendum, absque eo quod ad supernaturalia recursus habendus esset, Apud Gasparum a Rejes *quest.* 92. multæ referuntur historiz globulorum plumbeorum, qui a Sclopetis explosi, & corpus Vulnerati penetrantes diu intra eorum corpora gestati sunt, in partibus etiam præcipuis, citra ullam actionum lesionem, & longissimo postea tempore aut expulsi, aut extracti, & aliquando etiam in aliis non nisi post mortem inventi: In *Causa Sancti Caroli Borromæi* edita fuit juxta morem tunc temporis vigentem *Relatio* a Rotæ Auditoribus, & in secunda ejus parte *argum.* 14. actum fuit de factis in superioribus recensito. En verba Auditorum: *Et, quia, moraliter loquendo, consideratis circumstantiis ad occisionem paratis, difficulter Carolus mortis periculum evadere poterat, meritò ejus conservatio Divina tribuitur Providentia ad ejus innocentiam manifestandam.* Nam tormentum manuarium vulgè dictum Terzarola longitudinis erat duorum palmorum cum dimidio, onustum multis globulis, seu glandibus plumbeis, & explosum in Carolum quatuor parietis brachia distantem. Et, licet tunc statim post subsecutum facinus exclamatum fuerit Miraculum, Miraculum, & Dux de Alburquerque Gubernator Mediolanensis in Edicto publico impresso ad inveniendum sceleris patratorem præ similiter dixerit per Dei gratiam, & Miraculum servatum Carolum, nos, consideratâ materiâ, in qua rara, & stupenda naturaliter contingere solet, etsi non dixerimus, fuisse verum Miraculum, mirandum tamen quid esse omnino censui-

mus ad prædictam innocentiam Caroli indicandam, & Sanctitatem: quæ postrema verba omnia fuerunt in *Compendio Relationis Rotæ in Italicum idioma conversa* ab Aurelio Gratarola, in suo Opere de *Canonisatione Sancti Caroli* rap. 36. pag. 146. & de ea mirabili præsertione fit verbum in *Bulla Canonisationis dicti Sancti* coherentè ad ea, quæ in *Relatione Rotæ Auditorum* dicta fuerant, nec inter vera, & rigorosa Miracula fuit recensita. Ex quo semper validatur assumptio de non recensendis sine examine rigorosissimo inter Miracula præsertionibus a morte, vel a vulneræ, cum Sclopi, aut alia bellica tormentis adversus aliquem exploduntur, qui aut leviter vulneratus, aut nullo modo vulneratus invenitur, cum præsertio provenire possit aut ab intermedii corporibus obstitentibus, aut a distantia loci, aut a qualitate pulveris tormentarii, aut a modo adhibito in Sclopo onerando, & a pluribus aliis, quæ experientiâ prædictis nota sunt.

22 Demum aliquando proponi vidi a Postulatoribus tamquam Miraculum, si ad offensionem Reliquiæ alicujus Beati ignitus aliquis globus super Civitatem inclinans, & apriffimus ad eam comburendam retrocessit, & a periculo Civitas liberata est. Sed ab ejus approbatione Sacra Congregatio abstinuit ob statum ventorum, de quo Testes loquebantur, & ob possibilitatem, quod spiraverint, etiam id a Testibus non fuerit deprehensum: ex Aristotele enim notat Cardanus, ventos quandoque a superiori parte moveri ad inferiores, & antequam ad terram perveniant, & a nobis sentiantur, motiones facere posse super aerem; quod unus-

324 *De Serv. Dei Beatif. et Beat. Canoniz.*

quisque observare potest videns Turrium pinnas omnes ad Boream versas, nubes verò moveri versùs Austrum: *Morventur autem* (sunt verba Cardani *de Varietate lib. 1. cap. 1.*) *a superiori parte in inferiorem plerumque, indicioque est, pinnas, quæ in summis Turrium versatiles sunt, tum etiam nubes ipsas ante flatum ventorum hic juxta terram moveri &c.* Originem ventorum difficillimum est sentire, tum quia ab initio sit exiguus, tum quia feratur e sublimi per transversum, ut dictum est. Potuit itaque ventus, qui ignitum globum in mare dejecit, a Deo mirabiliter excitari, uti habetur Exodi cap. 10. = *Et extendit Moyses virgam super terram Egypti, & Dominus induxit ventum urentem tota illa die, & nocte, & mane facto, ventus urens levavit locustas &c.* Egressusque Moyses de conspectu Pharaonis oravit Dominum, qui stare fecit ventum ab Occidente vehementissimum, & arreptam locustam projecit in mare rubrum: sed, quia in cæteris eventibus, qui examinandi proponuntur, non habetur verbum Divinum, quodd certiores nos reddat de vento speciali Dei Providentiæ exorto, & in obscuro est, an juxta ordinarium naturæ cursum, vel ex speciali, & extraordinaria Providentiæ spiraverit; hinc est, quodd, licet illi eventus possint esse miraculosi, uti tamen miraculosi ab Ecclesia non approbantur, sed in eo statu relin-

quantur, in quo sunt. *In Causa Beati Fidelis a Sigmaringa* inter cetera Miracula approbata fuit præservatio ab incendio Arcis Mainfeldæ statim post ejus invocationem: sed jam ignis Arcem penetraverat, in qua pulvis tormentarius recondebatur, fornix ædis, ubi lagenæ nitrati pulveris erant, cremabatur, & favillæ ignis, & globuli super eundem pulverem e laqueari decidebant; cùmque, Beato invocato, flammæ retrocesserint, & Castrum ab incepta conflagratione illæsum remanserit, nemo est, qui non videat, naturalem cursum causarum secundarum fuisse intercessione Dei Servi a Deo impeditum, & sic meritò eventum inter Miracula fuisse recensitum. Anastasius Bibliothecarius, seu quivis alius Author Libri Pontificalis in *Vita Sancti Leonis IV.* Miraculo adscribit, quodd flamma fuerit extincta, statim ac ab eo preces ad Deum fuisse, flamma, inquam, incendii, quod in Urbe comburebat domus Saxonum, & Longobardorum sitas prope Basilicam Sancti Petri: sed idem Author non omittit circumstantiam venti flantis, & flammam impetuosè deferentis ad locos prædictos: *Sed ventorum flatibus aliis extendebatur ignis in aere cuncta comburens, atque comminuens, ita ut propius ad Beati Petri Apostolorum Principis positas pervenires Saxonum, & Longobardorum domus Porticum concremantes.*

CAPUT VIGESIMUM TERTIUM.

De rerum multiplicatione, & rerum in alias res conversione.



Irabilis multiplicatio olei, & panis refertur in lib. 4. Regum cap. 4. cum enim Fœmina, ejus Vir mortuus

erat, Eliseo interroganti, quid haberet in domo sua, respondisset, se non habere, nisi parum olei, quo ungeretur, & Eliseus ei mandasset, ut a vicinis suis vasa vacua non pauca mutuo acceperet, impleta sunt oleo omnia vasa, oleumque venditum fuit, ut creditor urgens dimitteretur, & de reliquo, quod superfuit, ipsa, & filix ejus vixerunt. Item, cum Vir quidam de Baalsalis obtulisset Eliseo panes primitiarum, viginti scilicet panes hordeaceos, & frumentum novum in pera, & Eliseus dixisset, ut daret populo ad comedendum, & Minister respondisset, non sufficere pro centum Viris, Eliseus ait, quod daret populo ad comedendum: Rursus ille ait: Da populo, ut comedat; hæc enim dicit Dominus: Comedent, & supererit. Posuit itaque coram eis, qui comederunt, & superfuit juxta verbum Domini.

2 In Evangelio Matthæi cap. 14. cum Discipuli dixissent Christo Domino, ut, vespere jam facto, turbas dimitteret, quæ ipsum secutæ fuerant, ut euntes in Castella emerent sibi escas, & ipse respondisset, quod darent turbis manducare, replicanti-

bus Discipulis, se non habere, nisi quinque panes, & duos pisces, ipse, accipiens quinque panibus, & duobus piscibus, aspiciens in Cælum benedixit, & fregit, & dedit Discipulis panes, Discipuli autem turbis. Et manducaverunt omnes, & saturati sunt. Et tulerunt reliquias, duodecim copiosos fragmentorum plenos. Manducantium autem fuit numerus quinque millia virorum, exceptis mulieribus, & parvulis. Legitur hoc ipsum in Evangelio Marci cap. 6. in Evangelio Lucæ cap. 9. & in Evangelio Joannis cap. 6. Rursus in capitulo Matthæi Evangelio cap. 15. cum Christus misericordiâ ductus turbæ, quæ triduo secum perseveraverat in deserto, nollet eam jejunam dimittere, ne in via deficeret, Discipulis mandavit, ut ad se deferrent septem panes, & paucos, quos habebant, pisciculos: Accipiensque septem panes, & pisces, & gratias agens fregit, & dedit Discipulis suis, & Discipuli dederunt populo. Et comederunt omnes, & saturati sunt. Et, quod superfuit de fragmentis, tulerunt septem sportas plenas: Erant autem, qui manducaverunt, quatuor millia hominum extra parvulos, & mulieres: quod ipsum legitur in Evangelio Marci cap. 8.

3 Mirabilem multiplicationum exempla existant in Bullis Canonizationum. In illa Sancta Clara ita legitur: Cum autem quadam vice oleum in Monasterio totaliter defecisset, ipsa, vocato Fratre, qui erat eidem Monasterio pro colligendis elemosynis deputatus, ac-

ce.

326 *De Serv. Dei Beatif. et Beat. Canoniz.*

cepit urceum, atque lavit, vacuumque, juxta fores ipsius Monasterii posuit, ut illum idem Frater pro oleo acquirendo deferret: quem cum vellet ipse apprehendere, invenit cum oleo beneficio Divina largitatis impletum. Rursum, cum uno die non nisi unius panis medietas pro refectio-
ne Sororum in eodem Monasterio haberetur, ipsa medietatem eandem jussit in-
frusta dividi, & Sororibus dispensari; quam inter manus frangentis ille, qui vi-
vus est Panis, & dat escam esurientibus, multiplicavit in tantum, quod quin-
quaginta sufficientes facta fuerunt exin-
de portiones, & Sororibus discumbenti-
bus distribute. = In Bulla Canonizationis
Sancti Richardi Cicerstrensis in Anglia E-
piscopi = Quodam edulatis tempore ad
eiusdem Beati Viri elemosynam inopinata
concurrente inopum copia, panem, qui a-
grè sufficiens fuisset ad nonaginta refe-
ctionem pauperum &c. vivus Panis, qui
de Cælo descendit, ad ipsius benedictio-
nem abundare scit in tantum, quod præ-
ter estimationem astantium, refectus ab-
undè serè tribus millibus pauperum, con-
suetas recipientium portiones de superna
abundantia pietatis superabundaverunt
partes, quæ secundum eandem distributio-
nem centum adhuc pauperes refecissent. =
In Bulla Canonizationis Sanctæ Francis-
cæ Romanæ = Cum in Monasterio ageret
jam Oblata, contigit aliquando, ut, So-
roribus tunc numero quindecim sub refe-
ctionis horam panis parvula solum frag-
menta, quæ vix tribus reficiendis suffi-
ciebant, esse, cognosceret: quamobrem, ca-
teris vix sollicitis, sola ipsa immota.
Dominum prævisurum inquit, positisque
fragmentis super mensam benedixit, &
comederunt omnes agentes gratias Deo,
ac saturata sunt & tantumque panis su-
persuit, ut Ganistrum impleatur. = In Bul-
la Canonizationis Sanctæ Tereſæ = Cum
in Conventu Diocesis maxima esset fru-

menti penuria, atque in Monasterio de
Villanova de Xara vix tantum farina
reciperetur, ut per integrum mensem ad
victum decem, & octo Monialium satis
esset, hujus Sanctæ Virginis meritis, &
intercessione Deus Omnipotens, qui speran-
tes in se enutrit, eam ad id abundare se-
cit, ut, quamvis per sex menses ex ea
assatum panes ad refectiorem Ancillarum
Dei fierent, nunquam tamen usque ad no-
vas fruges diminueretur. = In Bulla Ca-
nonizationis Sanctæ Mariæ Magdalena de
Tauris = Solemni præterea ritu celebra-
tes Beatificationem illius Moniales Cano-
nizati Sanctæ Mariæ Angelorum, in quo
ejus sacrum Corpus requiescit, Divinæ
Virtute factum est, ut vas, in quo oleum
asseruabatur, invenerim, postquam plu-
rimum ex eo hausserant, plenum, & suc-
cessivè auferendo, merito hujus Eliana
Virginis ad instar sui Patriarchæ per in-
tegram illius Celebratæ Obituam non
imminutum fuisse: pluribusque aliis o-
missis, in Bulla Canonizationis Sancti
Pii V. inter cetera Miracula pro ejus
Beatificatione approbata recensetur
mira quædam, ac perampla triticæ
farinæ multiplicatio, quæ contigit in
Monasterio Monialium Sancti Domi-
nici apud Pratum in Erruria.

4 Sanctus Gregorius Magnus in
Vita Sancti Benedicti cap. 29. exponit
dolum vacuum intercellione Sancti
Benedicti oleo repletum. Multa alia
cumulata legi possunt apud Bagat-
tam tom. 1. Admirandorum Orbis Chri-
stiani part. 4. cap. 1. §. 1. §. 2. & se-
quentibus; & post Canonizationem
Sancti Aloyſii Gonzagæ ejus inter-
cellione facta est miraculosa multi-
plicatio farinæ in Monasterio Monia-
lium Carmelitarum Terræ Vetrallæ
Diocesis Viterbiensis a die 12. Apri-
lis usque ad diem 21. Junii 1729. ut
desumitur ex authentico Processu con-
fecto

Lib. IV. Pars Prima Cap. XXIII. 327

fecto ab Ordinario, cujus *Compendium Typis Romanis eodem anno editum* fuit: ita ut huic prodigiose multiplicationi congruè aptari valeant verba Sancti Basilii Episcopi Seleuciæ Homil. 33. = *Panes absque rusticano labore parti non de spicis crumpebant, sed de Domini manu efflorescebant.*

§ Succedit, ut videamus modum, quo fiunt hæc Miracula multiplicationis. Cap. 2. *Geneseos* legitur: *Immisit ergo Dominus Deus soporem in Adam: cumque obdormisset, tulit unam de costis ejus, & replevit carnem pro ea, & adificavit Dominus Deus costam, quam tulerat de Adam, in Mulierem, & adduxit eam ad Adam.* Calmet in *Commentariis ad hoc cap. 2. Genesim* inquit, ex costa factam fuisse mulierem, aut multiplicatâ materiâ, uti contigit, quando Jesus Christus multiplicavit panes in deserto, aut factâ carnis additione, vel terræ, quam in carnem mutavit. Sanctus Thomas 1. part. quæst. 92. art. 3. quæstionem proponit = *Utrùm mulier deberet formari de costa viri*; cui quæstioni, affirmando, respondet: cumque sibi opposuisset, quod costa viri minor fuerit, quàm corpus mulieris, & quod ex minori non potest fieri majus, nisi vel per additionem, vel per rarefactionem, quorum utrumque incongruum videtur, tum quia, si facta fuisset additio, mulier debuisset dici formata ex illo addito, & non ex costa, tum quia non invenitur corpus mulieris rarius, quàm viri, ad tramites proportionis, quàm habet costa ad corpus Hevæ; respondet, materiam multiplicari posse vel per rarefactionem, vel per creationem novæ materiæ, vel per conversionem materiæ jam existentis, quæ addatur materiæ multiplicandæ. Porro Sanctus Doctor ex-

cludit in formatione Hevæ, & panis multiplicatione rarefactionem, minùs probabilem reputat creationem novæ materiæ, & sic concludit pro conversione materiæ juxtâ modum supra recensitum: Unde, cum non appareat rarefactio in salibus multiplicationibus, necesse est, ponere additionem materiæ vel per creationem, vel, quod probabilius est, per conversionem. Unde Augustinus dicit super Joannem, quod hoc modo Christus ex quinque panibus satiavit quinque milia hominum, quomodo ex paucis granis producit multitudinem segetum, quod fit per conversionem alimentis. Dicitur tamen, vel ex quinque panibus turbas parvisse, vel ex costa mulierem formasse, quia additio facta est ad materiam præ-existentem costæ, vel panum. Idem Sanctus Doctor 3. part. quæst. 44. art. 4. propositâ aliâ quæstione = *Utrùm convenienter Christus fecerit Miracula circa creaturas irracionales* = eâque, affirmando, resolutâ, cum sibi argumentum opposuisset, quod opera miraculosa pertinent ad opus gubernationis Mundi per Divinam Providentiam, & quod hoc opus præsupponit creationem, hinc inferendo, videri inconveniens, quod Christus in suis Miraculis usus sit creatione, quando scilicet multiplicavit panes, atque adeo non fuisse convenientia Miracula ab eo facta circa irracionales creaturas, argumento ita respondet: *Dicendum, quod multiplicatio panum non est facta per modum creationis, sed per additionem extraneæ materiæ in panes conversæ; unde Augustinus super Joannem dicit = Unde multiplicat de paucis granis segetes, indè in manibus suis multiplicavit quinque panes. = Manifestum est autem, quod per conversionem grana multiplicantur in segetes.* Idem Sanctus Doctor hanc eandem doctrinam tradidit.

328 *De Serv. Dei Beatif. et Beat. Canoniz.*

derat in 4. *Sent. diff. 18. quest. 1. art. 1.* ubi, relatâ opinione volentium, collam auctam fuisse per additionem materiz de novo creatz, subdit: *Verius tamen videtur, quod per additionem materia præexistens hoc factum fuerit, cum, omnia simul fuisse creata ad minus in materia, Sancti communiter tradant.* Fundatissimus Doctor Ellius in lib. 2. *Sent. dist. 18. §. 7.* doctrinam amplectitur Divi Thomæ, docetque, materiam ab initio creatam totam fuisse, & sic necesse non esse, admittere primam illam materiam novæ alicujus creatione aliquando augeri, sed dicendum esse, quod materia ab initio creata per conversionem ejus corporis, in quo prius erat, sive terre, sive aeris circumfusi, sive cujuscunque alterius, accessit ad substantiam costæ, vel panum, qui existerant. Addit, hoc intercedere discrimen, inter formationem Hevæ ex costâ, & panum multiplicationem, quod in Hevæ formatione costâ cum addita materia transformata est in mulierem, in multiplicatione verò panum externa materia in panibus addita est, ut in ipsorum substantiam conversa sit, non autem, ut simul cum panibus fuerit transmutata in aliquod tertium. Adhæret Cornelius a Lapide in *Matthæum cap. 14.* ubi hæc habet, loquendo de panis, & piscium multiplicatione: *Deus nihil de novo ercat ex nihilo, sed ex materia initio Mundi creata omnia producit, & transformat. Simili modo multiplicavit farinam, & oleum Vidua Sareptana ob meritâ Eliæ.* Ex tribus ergo opinionibus, quæ ad has multiplicationes rerum pertinent, utrùm videlicet fiant per creationem novæ materiz, vel per materiz rarefactionem, vel per additionem materiz præexistentis ab a-

lio corpore separatæ, & multiplicato additæ, de quibus apud Abulensem ad *Matthæum cap. 14. quest. 103.* apud Cardinalem Toletum in *Joannem cap. 6. annot. 3.* apud Gregorium de Valentia tom. 1. *disput. 7. quest. 1. punct. 2. object. 5.* postrema probabilior est, atque receptior, ita ut mirum profectò sit, quod Rotæ Auditores, qui magnitudinem Miraculi multiplicationis extollentes nihil statuere voluerunt quò ad modum, relictâ unaquaque sententiâ in sua probabilitate, uti videri potest in *Relatione Cause Sanctæ Franciscæ Romane part. 3. art. 2. de primo Miraculo panis multiplicati, & in Relatione Cause Sancti Thoma de Villanova post Contelorum de Canonizatione Sanctorum pag. 490.* in subsequen- tibus deinde Relationibus adhererint sententiæ, quæ in multiplicatione exposcit novæ materiz creationem, uti videri potest in *Relatione Cause Sanctæ Teresæ super Miraculis art. 2. §. 5. Ad quem autem gradum, cum sequentibus, in Relatione Cause Sancti Isidori Miracul. 2. in vita, in Relatione Cause Sancti Ludovici Bertrandi, in Miraculo multiplicationis panis, sub obtentu potissimum, quòd sententia creationis novæ materiz sit sententia Divi Thomæ: quod an subsistat, unusquisque ex supra- expositis nullo negotio colligere poterit.*

6 Multiplicatio ergo absque dubio inter Miracula recensetur, & inter ea, de quibus etiam imperitissimi de populo tutò judicare possunt, uti infra dicemus, dum agitur de Miraculis respicientibus dominium super elementa. Ut autem prædicta Miracula approbari possint, tria tamquam extrema concludenter probanda sunt: primum, res præexistentes in tali determinata quantitate: se-

cun-

cundum, multiplicatio rei in tali alia quantitate: tertium, exclusio cuiuscumque possibilitatis, quod videlicet res, quæ superadditur, potuerit naturaliter aliunde haberi: Bordon. de *Miraculis medis*. 20. num. 13. Matthe. ucc. in *Tractica Theologo-Canonica ad Causas Beatificationis, & Canonisationis* tit. 3. cap. 3. §. 14. & annotarunt Rotæ Auditores in *Relatione Causa Sancti Thoma de Villanova* post Concelor. de *Canonisatione Sanctor.* pag. 484. ubi sic loquuntur: *Ad plenam autem hujus Miraculi probationem tria requiruntur; primum, defectus critici; secundum, quod fuerit repertum criticum; tertium, quod ibi non fuerit reconditum humano opere.* Addi posset, considerandam esse qualitatem rei multiplicatæ; non quia Deus non possit quamcumque rem multiplicare, sed quia tantum consuevit Miraculum multiplicationis facere in rebus homini nullatenus superfluis. Observat Calmet in cap. 14. *Matthæi*, multiplicatos fuisse a Christo Domino panes, & pisces, sed duodecim tantum cophinos plenos fragmentorum panis superfuisse. Cornelius a Lapide animadvertit, turbas fuisse saturatas pane, & piscibus, nullamque fieri mentionem vini, cum vicini essent fontes aquarum, ad quos turbæ pro potu poterant accedere, & potus aque sit naturalis, & sanus, & naturæ sufficiat. Sanctus Hieronymus in *Vita Sancti Pauli primi Eremita* narrat, Corvum jussu Dei ad eum quotidie detulisse dimidium panem; sitim enim ex vicino aque fonte extinguere poterat. In *Vita Sanctæ Rosæ Peruviana* scripta a Patre Leonardo Hansen Ordinis Prædicatorum cap. 16. narratur, quod, vigilante Rosâ in angusta sui Eremitæ Cellula, & repente viribus

destituta, Mater, ut syncopem averteret, potum Cocolatæ, qui stomacho simul, & cordi succurreret, parari iussit; sed, Filiâ renuente, ut potio illa emeretur, & assente, eam sibi non defuturam, Servus Quæstoris advenit deferens vas argenteum calenti Cocolatâ plenum, &, jubente Matre, ut Rosâ revelaret, quomodo res contigerat, respondit, Angelum suum Tutelarem suggessisse Uxori Quæstoris indigentiam, in qua erat constituta: quocirca, cum potus Cocolatæ in eo rerum statu vim haberet remedii, numquam dici potest, Miraculum contigisse in re superflua.

7 Superest, ut aliqua innuantur de conversione unius rei in aliam. Conversio hæc autem duplex est; alia, accidentalis est ea, de qua *Exodi* cap. 15. ubi, cum Israelitæ venissent in Marath, & aquas invenissent amaras; missum est a Moyse lignum in aquas, quæ dulces factæ sunt: *Et venerunt in Mara, nec poterant bibere aquas de Mara, eo quod essent amara; unde & congruum loco nomen imposuit vocans illum Mara, id est, amaritudinem.* Et mirumuravit Populus contra Moysen dicens: *Quid bibemus? At ille clamavit ad Dominum, qui ostendit ei lignum, quod cum misisset in aquas, in dulcedinem versa sunt.* Ad conversionem quoque accidentalem pertinet illud, quod habetur lib. 4. *Regum* cap. 2. = *Dixerunt quoque Viri Civitatis (Hiericantis scilicet) ad Eliseum: Ecce habitatio Civitatis hujus optima est, sicut tu ipse, Domine, perspicis; sed aqua pessima sunt; & terra sterilis. At ille ait: Afferte mihi vas novum, & mittite in illud sal; Quod cum attulissent, egressus ad fontem aquarum misit in illum sal, & ait:*

T c Hæc

330 *De Serv. Dei Beatif. et Beat. Canoniz.*

Hæc dicit Dominus: Sanavi aquas has, & non erit ultra in eis mors, neque sterilitas. Sanata sunt ergo aqua usque in diem hanc, juxta verbum Elisi, quod locutus est. Conversio verò substantialis fuit illa Uxoris Lot in Statuam Salis; item conversio Virgæ in Colubrum facta a Moyse coram Pharaone, de quibus alibi dictum est: & ad conversionem quoque substantialem pertinet conversio aquæ in vinum optimum facta a Christo Domino, de qua in Evangelio Joannis cap. 2. ubi, cum jussisset, hydrias impleri aquâ, & deinde dixisset, quod ferrent ad Architriclinum, Architriclinus gustavit aquam vinum factam, nec scivit, unde hoc esset.

8 Utriusque conversionis, accidentalis videlicet, & substantialis, prostant exempla in Actis Canonizationis Sanctorum. Ut autem a cæteris ablineamus, ita legitur in *Bulla Canonizationis Sancti Francisci Xaverii*: Cum Servus Dei ad Sinas in magna navi, qua quingenti vehebantur, navigaret, cessaverant adeo venti, ut quatuordecim diebus navis eodem loco hæssisset immota: cumque inter cæteras difficultates aquæ penuriâ valde laboraretur, multique jam siti deficerent, Vir Sanctus omnia navis vasâ marinâ aquâ impleri jussisset, fuisseque instantier ad Deum precibus, super ea Signum Crucis fecerat, ac repente aqua illa salsa dulcis, salubrisque effecta erat. Quo Miraculo plures, qui in navi erant, Infideles crediderant in Deum; quin etiam aquæ illius, quæ abunde supersuerat, potu plurimi per multas Indiarum Provincias variis, quibus vexabantur, morbis sanati fuerant. In *Bulla Canonizationis Sanctæ Cbunegundis*: Et, quod est mirabilis novitatis, & novi Miraculi, pulvis de Tumulo ejus assumptus sæpe conversus est in fru-

mentum. In *Bulla Canonizationis Sancti Bennonis*: Cumque aliquando ita, ut facere solebat, agricolas inviseret, videretque, homines de labore sessor vehebenter sitire, commiseratione adductus aquam in vinum convertit. & in *Relatione Causæ Sanctæ Elisabethæ Reginae Lusitanie factæ in Consistorio secreto a Cardinali a Monte, & edita in Appendice primi Libri inter cætera Miracula refertur, quod opes deferens pauperibus distribuendas, interrogante Rege Dionysio, quid clam in sinu gereret, mediâ hieme, in rosas convertit.*

9 Modus, quo fit hæc conversio, est, quod, remanente materiâ, aut nova forma accidentalis, seu nova, accidentia introducantur, remanente eadem formâ substantiali, si sermo sit de conversione accidentalis; vel quod, remanente eadem materiâ, præcedens forma substantialis excluditur, & nova introducitur, si agatur de conversione substantiali. Durandus, qui scripsit circa annum 1325. hoc modo explicavit Mysterium Transubstantiationis in Sacramento Altaris; in 4. enim dist. 11. quæst. 3. num. 5. ita locutus est: Salvo meliore judicio, potest existimari, quod, si in isto Sacramento fiat conversio substantiæ panis in Corpus Christi, quod ipsa sit per hoc, quod, corruptâ formâ panis, materia ejus sit sub forma Corporis Christi subiectâ, & virtute Divinâ, sicut materia alimenti sit sub forma nutriti virtute naturæ. At hanc Durandi assertionem cæteri omnes merito reprobant tamquam contrariam doctrinæ Fidei, & Ecclesiæ Decretis: Thomas de Argentina in 4. dist. 11. quæst. 1. Petrus Aureolus ead. dist. 5. 3. Bafolus ead. dist. quæst. 4. Suarez in 3. part. Divi Thomæ disp. 42.

§. 2. Cardinalis Bellarminus lib. 3. de Eucharistia cap. 13. & meritò, cùm in Concilio Tridentino Sess. 13. can. 2. ita statutum sit: *Si quis dixerit, in Sacrosancto Eucharistia Sacramento remanere substantiam panis, & vini und cum Corpore, & Sanguine Domini Nostri Jesu Christi, negaveritque mirabilem illam, & singularem conversionem totius substantia panis in Corpus, & totius substantia vini in Sanguinem, manentibus duntaxat speciebus panis, & vini, quam quidem conversionem Catholica Ecclesia apertissimè Transubstantiationem appellat, anathema sit.* Si autem tota convertitur substantia panis, & vini in Corpus, & Sanguinem, nulla e jus pars remanet, & sic per consequens non remanet materia, ut asseruit Durandus.

10 Explicato modo conversionis, ut eadem inter Miracula recensatur, debent, quæ sequuntur, concurrere extrema. Primum est, quòd non agatur de aliqua conversione, quæ fiat juxtà consuetum naturæ cursum: in nutritione etenim naturali fit naturaliter conversio, cùm remaneat materia cibi, & forma mutetur, & quæ fuerat antea materia panis, vi nutritionis fiat materia carnis hominis, non quidem recedente priore materia, ut dictum est, sed nova duntaxat accedente formâ. Secundum est, quòd non agatur de aliqua conversione, quæ talis appareat, sed reverà non sit. Exemplum est in aqua mista vino, quæ in vinum conversâ videtur, sed a quibusdam Phyticis dicitur verè conversâ non esse: artis quippe auxilio aqua separatur a vino, quamvis diù illi permixta fuerit. Si vinum aquâ mistum concludatur in vase, quod ex hedera confectum sit, vel si junci medulla, aut spon-

gia, quæ oleo sit imbuta, in vas immittatur, quo vinum aquâ mistum exceptum est, aqua mista vino a vino separatur; de qua experientia nonnulla legi possunt apud Contenson in Theologia mentis, & cordis lib. 11. part. 2. dissert. 2. cap. 2. pag. 202. Tertium est, quòd per concludentes probationes status præcedens demonstretur. Quartum, quòd in conversione nulla res naturalis intercedat, quæ conversionem efficere possit. Exemplum est in illo supra relato Exodi, quando, immisso ligno in aquas a Moyse, aquæ dulces evaserunt. Multa sunt, quæ ab Hebræis de prædicto ligno dicuntur, uti videri potest apud Calmer in Commentariis ad dictum cap. 15. Exodi. At probabilior sententia est, Deum Moyli indicasse lignum, quod suâ naturali virtute efficere poterat, ut aquæ dulces fierent, quemadmodum post plura concludit Franciscus Vallesius de Sacra Philosophia cap. 15. ubi sic loquitur: *Ob hæc mihi videtur magis consentaneum, lignum illud naturali vi aquas fecisse dulces.* Facit illud Ecclesiastici cap. 38. *Alissimus creavit de terra medicinam, & vir prudens non abhorrebit illam. Nonne a ligno indulcata est aqua amara?* Textus hic respicit ad alium Exodi; & cùm loquatur de naturali proprietate, & virtute, quam habent herbæ, ligna, & pharmaca ad remedia hominibus suppeditanda, hinc inferitur, lignum naturalem habuisse virtutem aquas efficiendi dulces: in quo proinde rerum eventu non est excogitabilis ratio Miraculi. Una gutta olei vitrioli, vel sulphuris integram aquæ ampullam suo sapore inicit: cur ergo in dulcandis aquis non potuit naturaliter a ligno prædictus effectus præstari, a

ligno, inquam, efficacissimæ virtutis, quod, licet hominibus esset incognitum, Deo tamen erat notissimum: Quod ad illud verò *capitis secundi libri quarti Regum*, ubi, immisso sale, sanatur sunt aquæ, de Miraculi interventu non videtur esse dubitandum ob ea, quæ ponderat citatus Vallesius *cap. 34.* ubi subdit, Eliseum in aquarum curatione naturalem ordinem tenuisse: *Deo interim adjiciente plurimum facultatis, quàm sibi ab initio indiderat: aliqui enim neque tam multæ aquæ expurgandæ fuisset satis tam modicus sal, neque ea sanitas durasset in hunc usque diem: & sequitur Cornelius a Lapide in dictum locum.* Elucescit quoque ratio Miraculi in aqua maris falsa Signo Crucis effecta dulci, intercedente Sancto Francisco Xaverio: quidquid enim sit, an longo tempore, & magno accedente labore, modica pars aquæ maris effici possit dulcis, si colligatur in vasculis cereis in mare projectis, aut si per arenas trajecta, & percolata in effosis puteis circa mare recipiatur, hoc unum certum est, magnam aquæ quantitatem, nullo adhibito instrumento, vel medio ad separandam ab ea falsedinem, Signo Crucis facto super eam, momento temporis dulcem evadere, Miraculo esse adscribendum, a Deo ad ostendendam Sancti Francisci Xaverii Sanctitatem patrato, uti ratiocinantur Rotæ Auditores in *Relatione Causæ dicti Sancti 3. part. de Miraculis, Miracul. 1. in vita.* Ultimum denique est, quod per concludentes probationes constat de novæ formæ introductione, & sic de perfecta conversione. In conversione aquæ in vinum facta a Christo Domino in Nuptiis Canæ Galilææ potuisset Jesus vinum in hydrias vacuas

inducere; at voluit, eas aquâ repleri, ne quis in suspitionem veniret, quod ab aliquo fuissent vino repletx. Ipse non fuit, qui hydrias implevit, sed id præstari fecit ab aliis, ut omnis abesset occasio suspicandi. Ab aliis quoque fecit hydrias deferri ad Architrictim, qui, uti sobrius, & convivii curam gerens, poterat esse. Testis idoneus conversionis aquæ in vinum, non utrumque, sed in vinum optimum, ita ut nullum aliud melius vinum umquam potatum sit, uti concludunt Chrysostomus, Theophilactus, Euticius apud Calmet in *Comment. ad cit. cap. 2. Sancti Joannis.*

11 Si quis attentè prædictam mirabilem conversionem aquæ in vinum consideret, facile deprehendet, omnia in ea adfuisse requisita, sive extrema, quæ supra diximus adesse debere, ut tutum feratur judicium de miraculosa conversione. Conversio quippe aquæ in vinum non est ex illis conversionibus, quæ fiant juxta consuetum naturæ cursum. Conversio aquæ in vinum non fuit conversio aquæ mistæ vino, sed conversio solius aquæ naturalis in vinum optimum. De statu præcedenti ad conversionem nulla poterat esse difficultas, cum coram omnibus hydriæ fuerint aquâ repletx. Nulla res naturalis adhibita fuit, aut potuit adhiberi, quæ conversionem aquæ in vinum efficere posset. Testes deinde conversionis fuerunt Architrictinus, & ceteri, qui convivio astabant, & vinum optimum bibebant.

12 Quæres, an inter Miracula recensendæ essent multiplicationes, & conversiones, quæ fierent absque additione materiæ, vel absque introductione novæ formæ accidentalis, aut formæ substantialis, sed, jubente Deo;

ope,

ope, & ministerio Angelorum deferentium ex. gr. novos panes, aut substituentium loco aquæ vinum. Porro juxta ea, quæ in superioribus dicta sunt, nulla debet esse difficultas quò ad Miraculum, sed tota quæstio esset reducenda ad gradum Miraculi, an esset videlicet adscribendum tertio generi, quando multiplicatio, & conversio expletæ per additionem materiæ, & per introductionem novæ formæ accidentalis, vel substantialis, probabiliter loquendo, Miraculis secundi generis adscribuntur. Elias jussu Dei se abscondit in Torrente Carith, & jussu Dei Corvi ad eum detulerunt panem, & carnes, cum de solo pane homo commodè non vivat: *Est factum est verbum Domini ad eum dicens: Recede hinc, & vade contra Orientem, & abscondere in Torrente Carith, qui est contra Jordanem, & ibi de Torrente bibes, Corvisque præcepi, ut pascant se ibi. Abiis ergo, & fecis juxta verbum Domini; cumque abiisset, sedis in Torrente Carith, qui est contra Jordanem. Corvi quoque deferabant ei carnem, & panes mand, similiter panem, & carnes vesperi, & bibebat de Torrente.* Magna in hoc facto elucet ratio Miraculi, Dei videlicet mutantis indolem, & naturam Corvi, qui carnes comedit, & ad homines non deferat, ut comedant, & efficiatis, ut Corvus statutis horis cibos ad Servum Dei deferat. Uti quoque alibi dictum est, Corvi quotidie dimidium panem ad Sanctum Paulum primum Eremitam deferabant, & integrum detulerunt,

cum ad eum advenit Sanctus Antonius, unde in *Vita Sancti Pauli* scripta a Sancto Hieronymo Sanctus Paulus conversus ad Sanctum Antonium inquit: *Eja, Dominus nobis prandium misit, verè pius, verè misericors. Sexaginta anni sunt, cum accipio quotidie dimidis panis fragmentum; nunc ad adventum tuum militibus suis Christus duplicavit annonam.* In *Vita Sancti Benedicti* scripta a Sancto Gregorio Magno cap. 21. deficiente tritico in Monasterio, & subdente Sancto Benedicto, quòd die crastinà magna frumenti copia non erat defutura, sequenti die ducenti farina modii ante fores Celle in saccis inventi sunt, quos omnipotens Deus quibus deferentibus transfussisset, nunc usque manet incognitum: & Leo Hostiensis in *Chron.* cap. 48. refert, Monasterium Theani occulto Dei judicio ab igne crematum fuisse cum omnibus opibus suis, ubi etiam cremata remansit Regula, quam Sanctus Benedictus manu sua conscripserat, necnon cremati remanserunt sacci, in quibus jussu Dei cælitus eidem Patri Benedicto escæ delatæ sunt. Escæ jussu Dei delatæ ad suos Servos modo extraordinario inter Miracula recensentur. Cur ergo idem dicendum non erit de rebus, eodem Deo jubente, ab Angelis delatis invisibiliter, & quæ additæ sunt rebus jam præexistentibus, vel substitutæ sunt loco aliarum existentium, factà dicto extraordinario modo rerum multiplicatione, aut earum conversione in alias res?

CAPUT VIGESIMUM QUARTUM.

*De Miraculis respicientibus dominium supra elementa;
& irracionales creaturas animatas.*



Am in veteri ;
quàm in novo
Testamento si-
milium Miracu-
lorum extant
exempla: Exodi
quippe cap. 17.
Populo murmu-

rante adversùs Moysen, quòd aquam
non haberet ad bibendum, & Moysè
Deum orante pro aqua impetranda,
Deus ait: Ego stabo ibi coràm te supra
petram Horeb, percutiesque petram, &
exibit ex ea aqua, ut bibas Populus.
Fecit Moyses ita coràm Senioribus Israel =
& Numer. cap. 20. = Cùmque elevasset
Moyses manum, percutiens virgà bis fi-
licem, egressa sunt aqua largissima, ita
ut Populus biberet, & jumenta. Item
Judicum cap. 15. sitiente Samsonè,
aque e dente molari in maxilla Asi-
ni mirabiliter egressæ sunt: *Aperuit*
itaque Dominus molarem dentem in ma-
xilla Asini, & egressa sunt ex eo aqua,
quibus hausit, refecitque spiritum, &
vires recepit. De Josue, qui Soli im-
peravit, ut staret; de Isaia, qui So-
lis umbram decem lineis recedere fecit;
de pelago in duas partes diviso,
elata jussu Dei a Moysè virgà, mul-
ta allata sunt in antecedenti cap. 1.
num. 9. Addimus, quòd Elias Jor-
danis aquas divisit, uti legitur lib. 4.
Regum cap. 2. = Tulitque Elias pallium
suum, & involvit illud, & percussit a-
quas, quæ divisa sunt in utramque par-
tem, & transierunt ambo per secum,

Elias videlicet prædictus, & Eliseus;
& eodem libro Regum cap. 6. Eliseus
ferrum securis natatè fecit: *Accidit*
autem, ut, cùm unus materiam succidif-
set, caderet ferrum securis in aquam;
exclamavitque ille, & ait: Heu, heu,
heu, Domine mi, & hoc ipsum mutud
acceperam. Dixit autem homo Dei: Ubi
cecidit? At ille monstravit ei locum. Pra-
cidit ergo lignum, & misit illuc; nata-
vitque ferrum, & ait: Tolle. Qui ex-
tendit manum, & tulit illud. Licet e-
nim multa, quæ in aqua quieta sub-
sident, cùm conturbatur agitata,
aut ligno aliquo, aut re aliquâ ejus-
modi in eam injectâ, emergant, &
in sublime ferantur, & innatent, id
tamen accidere non solet ferro, aut
lapidibus grandioribus: & licet gra-
viores ipsæ res, fluminibus violenter
decurrentibus, volutentur in aqua, id
tamen fieri non poterat per agitatio-
nem, seu commotionem aquæ ab im-
missione ligni causatam; nec enim
tantæ poterat esse efficaciz, ut per
eam securis ferrum usque ad summum
elevaretur, juxta ea, quæ habentur
apud Vallesium *de Sacra Philosophia*
cap. 37. Danielis cap. 3. Sidrach, Mi-
sach, & Abdenago nolentes adorare
Statuam, quam Rex Nabuchodonosor
erexerat, ligati mittuntur in for-
nacem ignis ardentis, in qua illi xli
manentes consistunt Domino, quòd
propter peccata suæ Gentis paterentur
afflictiones, & petentes ejus mi-
sericordiam exhortantur omnem crea-
tu-

tu-

turam ad benedicendum Dominum. Matthæi cap. 8. Christus imperavit ventis, & mari, sedavitque tempestatem: Tunc surgens imperavit ventis, & mari, & facta est tranquillitas magna; quod ipsum legitur Marci cap. 4. & Matthæi cap. 14. Christus ambulavit super mare: Quartâ autem vigiliâ noctis venit ad eos ambulans super mare, & videntes eum supra mare ambulantem (sermo est de Discipulis) turbati sunt dicentes, quia phantasma est, & præ timore clamaverunt. Statimque Jesus locutus est eis dicens: Habete fiduciam, ego sum, nolite timere; quod ipsum legitur Marci cap. 6. & Joannis pariter cap. 6. Et, ne prætereant exempla domini in creaturas irracionales animatas Divinâ ope exerciti, Danielis cap. 6. habetur, Daniele supra Satrapas Regni constitutum, accusatum fuisse, quod Regis Edictum non servasset, missumque in lacum Leonum sequenti die illesum eductum fuisse, immisiss in eundem lacum ejus accusatoribus, & subito dilaniatis: Deus meus misit Angelum suum, & conclusis ora Leonum, & non nocuerunt mihi, quia coram eo justitia inventa est in me; & Lucæ cap. 5. cum Christus de Navicula Petri turbas docuisset, jussit, laxari rete, & copiosissima piscium multitudo capta est: Dixit ad Simonem: Due in alium, & laxate retia vestra in capturam. Et respondens Simon dixit illi: Tractor, per totam noctem laborantes nihil cepimus; in verbo autem tuo laxabo rete: Et cum hoc fecisset, concluderunt piscium multitudinem copiosam; rumpebatur autem rete eorum. Et annuerunt sociis, qui erant in alia navi, ut venirent, & adjurarent eos. Et venerunt, & impleverunt ambas naviculas, ita ut penitus mergerentur. Quod cum videret Simon Pe-

trus, procidit ad genua Jesu dicens: Exi a me, quia homo peccator sum, Domine. Stupor enim circumdederat eum, & omnes, qui cum illo erant in captura piscium, quam ceperant.

2 Similia prostant Miraculorum exempla a Deo patrata intercessione Sanctorum, quos veneramus Canonizatos vel juxta antiquam, vel juxta recentem Ecclesiæ disciplinam. Fontes Sanctorum meritis exortos collegit Gretserus lib. 1. Rerum variarum cap. 11. Joannes Eusebius Nierembergus in historia natura lib. 2. cap. 33. nonnulla de his fontibus habet, & præcipue de illo in Anglia, qui dicitur Sanctæ Wenefridæ Virginis, & Martyris, cujus sit commemoratio in Martyrologio Romano ad diem 3. Novembris. Povelus Calvinista ad avaritiam Monachorum refert, quæ de dicto celebri fonte prædicantur; sed cum Nierembergus loc. cit. strenue refellit, & Cardinalis Baronius in Notis ad Martyrologium ad diem citatam, postquam mentionem fecit Actorum dictæ Sanctæ, subdit: Quæ autem in eisdem Actis de perenni fonte, & Miraculis illic fieri solitis describuntur, majora his accepi a fidelissimo Teste oculato Reverendissimo Domino Episcopo Assaphensi, Romani Pontificis in obitibus Episcopalis Functionibus Suffraganeo, Vita sanctitate, Fidei confessione, atque sanctitate conspicuo, nuper Roma dolore omnium Optimorum ex humanis sublato. In Vita Sancti Benedicti scripta a Sancto Gregorio Magno cap. 3. narratur, quod ab eo constructa fuerant tria Monasteria in rupibus montis, & quod laboriosum erat Fratribus semper ad lacum descendere, ut aquam habere possent, & quod, exposita ab illis Sancto Benedicto memorata durâ necessitate unâ cum periculo

336 *De Serv. Dei Beatif. et Beat. Canoniz.*

culo, quod semper imminerebat descendentibus ad lacum, ipse unâ cum Placido noctis tempore montem ascendit, & oratione completâ, tres petras in eodem loco pro signo posuit, & Fratribus die alio redeuntibus pro aquæ necessitate dixit, quod irent, & in rupe, in qua tres petras super se invicem positas invenirent, aliquantisper terram effoderent, cùm Deus in montis cacumine aquam producere posset, & quod euntes rupem montis, quam Benedictus prædixerat, jam sudantem invenerunt, & cùm in ea concavum locum fecissent, statim aqua repletus est, quæ tam sufficienter emanavit, ut Sanctus Gregorius referat usque ad suum tempus defluxisse, atque ab illo montis cacumine usque ad inferiora derivatam fuisse. *In Dissert. 12. ad Vitam Sancti Francisci de Paula* alibi laudata, & ab Episcopo Perrimezzi Notis illustrata Telles afferuntur ex Processibus Canonizationis Sancti Francisci de Paula comprobantes, quod, egente Monasterio sui Ordinis aqua, aquas e silice profluere, fecit, quem baculo tetigit, & fontem prædictum usque nunc perseverare, idem Episcopus testatur. Utque plura alia, quæ faciliè cumulari possent, omittantur, in *Bulla Canonizationis Sancti Benonis* hæc leguntur: *Idemque Beatus Benno* alio quodam tempore, cùm in Valle proxima Civitati Misnensi concionem ad Populum haberet, animadvertens, multos, ut sit tempore æstivo, suis pend exanimet, ut illis subveniret, terram percussit, e qua subito uberius, & perennis fons emanavit, qui adhuc bodiurnis diebus Fons Sacer appellatur. & in *Bulla Canonizationis Sancti Petri de Alcantara* Cùm Joannes de Neira Petri in itinere Socius inedia, & siti, confectus pen-

decideret, in loco, ubi ad orandum Sanctus hic Vir se composuerat, fons illico erupit, & panis cum pisee ad ejum paratus apparuit. = In *Relatione Causæ Sancti Isidori Agricola facta in Confessorio secreto super ejus Canonizatione coram sancta memoria Gregorio XV.* & edita post Contelorium de *Canonizatione Sanctorum* pag. 747. exponitur, quod ille, arescentibus omnibus, ad vicinum montem perrexit, in quo nullum aquæ vestigium apparebat, & quod, percussâ terrâ, fons vivus repente e loco percusso manavit, & quod adhuc durabat mirabilis ille, fons perpetuè fluens, & nullis umquam Cæli ardoribus exsiccat, ad ejus aquæ potum ægri undique confluebant innumeris allecti Miraculis, quæ ad intercessionem ejus assidue Deus per aquas illas operabatur; & concordat *Bulla Canonizationis* = *Hero* enim in agro, quem Isidorus arabat, stienti, aquam in loco siccato, & undique arido, percussâ terrâ, manantem aperuit, quæ hactenus manat perennis, nullis umquam Solis ardoribus exsecata. Ei vis Divina inesse dignoscitur, Deusque per Isidori intercessionem in agris ad eam confluentibus assidue signa operatur. Simile omnino Miraculum approbatum, fuit in *Causa Canonizationis Sancti Paschalis de Baylon*, ut in *Bulla Canonizationis ipsius*, in qua inter cætera Miracula post Beatificationem patrata, & approbata pro Canonizatione obtinenda, legitur illud Dominici Perez Agricoltæ, qui, ope Beati imploratâ, ad primum lignonem istum ex aridiori terra situ perennis, & nunquam vel exarescentis, vel deficientis aqua fontem exsiliare, obtinuit, quo publica loci, & armentorum calamitas fuit reparata. = In *Causa Beatificationis Sancti Turribii Alfontis Mogrovesis Archiepiscopi Limani*, cùm

Lib. IV. Pars Prima Cap. XXIV. 337

cum enim Diocesim invicens pervenisset ad Oppidum Sancti Ludovici de Macate Provinciæ de Guaylas, & accepisset, loci incolas desperato prope consilio discessum meditato esse, eò quòd tantus erat aquarum defectus, ut non modò non suppetere ad irrigationem segetum, sed ne ad vitæ quidem necessitatem, jussit, erigi Altare prope locum, ex quo olim aqua deducebatur, & quæ tunc vix guttatim defluebat, peractoque Sacro, & Benedictione impetratâ super aridum fontem, locus aridus, & sitiens conversus est in fontem aquarum, quæ non tantum ad solitos usus populi emanarunt, sed ulterius perenni affluentia effluerunt, frumentariis, & argentariis Molis agendis eo in loco, invitante commoditate, constructis; in cuius rei memoriam erecta ibi fuit Crux adhuc extans, & Infirmi ex aqua illa bibentes ab infirmitatibus sunt liberati.

3 Succedunt exempla transfretationis fluminum, & maris, absque cymba, non natando, sed pedibus eundo, perinde ac si per terram fieret incessus, præbentibus undis liquidum iter, sed solidum pedibus gradientis. In citata Vita Sancti Benedicti cap. 7. refertur, Placidum puerum Sancti Viri Monachum egressum ad hauriendam de lacu aquam in lacum corruisse, & Virum Dei in Cella positum hoc protinus agnovisse, & Mauro mandasse, ut statim iret ad præstandum Placido auxilium, Maurumque, postulatâ, & acceptâ benedictione, ad locum cucurrisset, quo Puer ab unda ducebatur, eum per capillos tenuisse, & ambulasse super aquas, sicuti ambulasset per terram, & postquam reversus post

terga respexit, & agnovit, se super aquas cucurrisset, magno timore fuisse correptum. In Bulla Canonizationis Sancti Beunonis hæc habentur: *Albim flumen sicis pedibus transivit.* In Bulla Canonizationis Sancti Petri de Alcantara ita legitur: *Non solum rapidissimas Tegi, & alterius Fluminis aquas sicis ipse pedibus aliquando transivit, sed & Puer, qui Asello insidens Canistrum panibus refertum ad illum, & Fratres deferbat, Petri de Alcantara nomine invocato, jumentum impulsit in flumen, quod solidum, ac tutum supra suas aquas ingressum eidem præbuit.* Rex Aragoniæ Jacobus hujus nominis I. Sancto Raymundo de Pennafort significavit, sibi gratum futurum esse, si secum Majoricas proficisceretur, Judæos, & Saracenos ad Fidem Catholicam conversurus. Rex Puellam, quam deperibat, apud se retinebat: cumque Raymundus secretis hortationibus, & efficacibus non potuisset eum a peccato remove, rogavit, ut sibi facultas daretur redeundi Barcinonem. Rex irâ percitus Edicto capitali cavit, ne quis Nauta eum in suam navim reciperet, quodcumque ire voluisset. Raymundus Edicti capitalis nescius cum Socio ad Portum properavit, ibique, cognito Regis mandato, Pallium deposuit, & supra mare extendit, & accepto baculo, Signo Crucis se muniens Pallium ascendit, erectâ medietate Cappæ in altum ad modum veli, quam in capite baculi fixit, ut in arbore, ad cujus radices albâ veste indutus sedit. Obstupuerunt Nautæ, & dum litori Barcinonensi appropinquaret, Speculatores in alto Monte Jovis, qui est prope Barcinonem, constituti molem numquam visam, nigram, & albam, cum prospero ven-

338 *De Serv. Dei Beatif. et Beat. Canoniz.*

to venientem aspexerunt; reque denuntiata Consiliariis Civitatis, hisque ad litus prodeuntibus, apparuit Raymundus, qui descendens de Palio, eoque minimè madido sese induens, salutatis humiliter cunctis, ad Conventum suorum Fratrum Predicatorum hori circa meridiem ejusdem diei, quo a Portu discesserat, devenit, januisque clausis Conventum intravit. De Sancto quoque Hyacintho refertur, quòd, omnibus stupentibus, siccis pedibus transivit magnum flumen Vistulam, alias Widlam, seu Vandalum circa Oppidum Wllograd, & quòd, timore correptis Fratribus sui Ordinis, & idcirco eum sequi recusantibus, Cappam suam extendit super aquam, super qua Fratres incolentes venerunt usque ad Oppidum memoratum. Fusè hæc cum suis probationibus narratur in *Relationibus Rotæ Auditorum*, quas in *prædictis Causis* exarant; unde Venerabilis Dei Servus Cardinalis Belarminus in suo *Suffragio* prolato pro *Canonizatione Sancti Raymundi*, & edito in *Appendice lib. 1. num. 8.* ita allocutus est Clementem Papam VIII. = *Sanctum Hyacinthum Sanctitas Vestra* paucis ante annis in numerum Sanctorum retulit. *Sanctus Hyacintho Sanctus Raymundus* simillimus fuit: eodem saculo vixit, eundem habitum gesserit, iisdem institutis informatus ad perfectum vite culmen pervenit, eodem Fidei ardore, ac profectu Evangelium predicavit, simili gloriæ Miraculorum floruit, atque admodò simili, ut aquarum profunda uterque sine navis, sine ponte transierit: & similia leguntur in *Actis Sanctorum Francisci de Paula, Bernardini Senensis, & Joannis de Capistrano*.

4 Allatum est *Libro tertio cap. 33. num. 3.* exemplum Sancti Petri Ignei,

qui illæsus per ignem ardentem transivit. In *Bulla Canonizationis Sanctæ Chune Gundis Imperatricis*, quæ obiit anno 1040. & de qua plura habentur in *Annalibus Benedictinis tom. 4. pag. 321. §. 98.* sic legitur: *Suam ergo Virginitatem Domino consecravit, & servavit intactam, ita quòd, cum aliquando, instigante humani generis inimico, suspicio quadam contra ipsam fuisset exorta, ipsa, ut suam innocentiam demonstraret, super ignis vomeres nudis plantis incescit, & processit illæsa.* Pertinent hæc autem ad eas purgationes, quæ vulgares vocantur, cujusmodi erant, deficientibus aliis probationibus, duelum, ferri candentis conrectatio, aqua fervens, & id genus alia, quæ, si aliquando a Canonibus auctoritatem habuerunt, posterioribus Canonibus prohibita sunt, ut in *Can. Consultuisti*, & in *Can. Monarchiam 2. quæst. 4. in Cap. Ex litteris, de excessibus Prelatorum*, & in *titulo Decretalium de purgatione vulgari* 3 docetque Sanctus Thomas 2. 2. quæst. 95. art. 8. Ad tertium, illicita esse illa examina, quibus Deus tentatur ad operandum Miraculum. Vulgares hæc probationes Ivo Carnotensis passim reprobavit, & dissuadet *Epist. 74. Epist. 205. & Epist. 252.* & Franciscus Juretus in *Notis* ad cit. *Epist. 74.* ex antiquis Manuscriptis recenset Exorcismos atque frigide, vel calentes, & alias solennes preces, & ritus, quibus utebantur Sacerdotes, qui prædictis examinibus præerant. Approbat Ivo in *Epist. 252. ad Radulphum Remensem.* Archiepiscopum vulgares hæc probationes, si aliæ non suppetant idoneæ probationes, nec desint probabiles probationes, & post juridicam accusationem præcedat sententia Judicis, rem ita examinari, de-
cer-

cernens. At juxta receptam disciplinam nulla est hodie circumstantia, in qua vulgaribus hisce probationibus locus esse possit: quocirca tentatum experimentum ignis anno 1498. in Causa Hieronymi Savonarolæ aliàs memorati Summus Pontifex cum consilio Cardinalium reprobavit, ut fusè legitur in 2. tom. *Vita prædicti Hieronymi Savonarolæ in Addis. ad cap. 15. pag. 313. & sequentibus Editionis Parisiensis anni 1674.* Simile est, quod habemus in usu sortium in Sacris Electionibus: licet enim eadem fuerint adhibitæ in electione Sancti Mathiæ, uti legitur *Aët. 1. = Et dederunt sortes eis, & cecidit fors super Mathiam =* ex quo Barfabas Justus, & Mathias ita pares erant Sanctitate, & meritis, ut vix, ac ne vix quidem humano judicio discerni posset, uter esset dignior Episcopatu Judæ proditoris, & in *Concilio Barcinonensi Can. 3.* statutum sit, ad judicium fortis esse recurrendum, si inter Candidatos Episcopatus nullum meritum discrimen appareat; hodie tamen usus sortium in Sacris Electionibus undequaque prohibitus est, uti legitur in *cap. 3. de Sortilegis*, etiamsi agatur de Personis æqualis meriti, uti latè ostendunt Pirhing. *ad dictum titulum de Sortilegis §. 2. num. 10.* Anaclet. *ad eundem titulum num. 7.* Schmalzgrueber *ad citatum titulum. num. 31.* bonæ memoriz Dandinus Signaturæ Justitiæ Votans in suo *Tra-ctatu de Suspectis de heresi cap. 4. sect. 2. subsect. 1. num. 10. & sequentibus, Rotæ in Albaricem, Canonizatus 10. Maji 1700.* coràm bonæ memoriæ Molines Decano.

5 Uno verbo, experimenta hæc periculosa sunt, & reprobanda, nisi addit Dei promissio, uti erat aqua-

zelotypiæ in veteri Testamento, de qua *Numer. cap. 5.* Mulier enim de adulterio suspecta aquas, quas zelotypiæ appellat Scriptura Sacra, bibere cogebatur, quas cum potasset, si re verà esset adultera, in Templo marcebat; sed eadem zelotypiæ aquæ mulieribus de adulterio falsè accusatis minimè nocebant.

6 Ad ea ergo descendendum, quæ magis intentioni nostræ favere possunt, præter ea, quæ latè cumulata sunt a Bagatta in *Admirandis Orbis Christiani tom. 1. lib. 2. cap. 1.* vivi crematio summum supplicium appellatur in *L. 28. ff. de Témis, in cujus §. 9.* dicitur: *Igni cremantur plerumque Servi, nonnumquam etiam Liberi plebei, & humiles persona.* Tales passim Christiani habebantur: unde Populus Smyrnenfis, cum Sancto Polyearpo Leonem postulasset, petiit deinde, ut vivus arderet. Tiburtius, cujus Festum hodie, quæ est dies undecima Augusti, celebratur, in Persecutione Diocletiani damnatus ad incedendum nudis plantis super carbones ardentis, Crucis Signo se munens, fidenter ambulans super eos asseruit, prunas sibi flores visas fuisse; quocirca extrà Urbem ductus, & Viâ Lavicanâ tertio ab Urbe lapide gladio percussus, ibi a Christianis sepultus est. Multa reperiuntur in Actis Canonizationum, quorum nonnulla hic a nobis exponuntur. In *Bulla Canonizationis Sancti Francisci de Paula sub §. 13.* legitur, ipsum sæpius ignem nudis pedibus conculcasse, ac ignitos, candentesque lapides manibus portasse. In *Bulla Canonizationis Sancti Petri de Alcantara = Incensum ignem in quodam Conventu per flammam ipsam immoxius incedens sine mora extinxit. = In Relatione Rotæ Auditorum edita*

in Causa Sancti Pii V. & impressa apud Ezovium in Tomo posthumo Annalium fusè refertur, quòd Agrabe, quod est Oppidum in Hispania, in domesticum Sacellum Antonii Cardone, & Sessæ Ducis ignis maximus casu excitatus tantâ vi defecit, ut etiam argenteas Imagines dissolverit, & Aram lapideam in pumices redegerit, illæsis medio in igne binis Imaginibus Sancti Pii V. quarum alteram tela, alteram charta referebat: iidemque Rotæ Auditores benè censuerunt, id esse Miraculo adscribendum, & de eo habendam esse rationem, prout habita fuit, in Beatificatione Sancti Pii V. cùm Miracula, nullâ præcedente invocatione, etiam fiant ad declarandam alicujus Sanctitatem. *In Relatione Cause Sancti Ludovici Bertrandi* Miraculo ejus intercessione patrato adscribitur, quòd, se viente incendio non sinè ingenti mortalium terrore per totum montem, ipso, elevatis in Cælum oculis, & efformato Signo Crucis dexterâ manu, benedictionem impartiēte, nullâ penitus intercedente morâ, flamma extincta est, ita ut ligna, quorum non parva copia comburi cœperat, in dimidia parte exusta, & in alia dimidia parte intacta visâ fuerint, & eodem in trunco veluti exactissimâ quadam lineâ discriminata apparuerint, prout ipso Benedictionis tempore plis, minùsve flamma corroserat: & *in Relatione Cause Sancti Joannis de Deo* ab iidem Rotæ Auditoribus exarata inter Miracula refertur, quòd, excitato magno incendio in Regio Valedudinario Civitatis Granatenlis, & accurrentibus omnibus, ut non tam ædificiis, quàm infirmorum incolumitati consulerent, Joannes inepavidus, toto spectante populo, in ignem profiliit

huc, illucque inter flammam per ardentia discurrens tecta, quousque non tam infirmos humeris exportatos, quàm lectulos e fenestris projectos ab incendio vindicavit; succrescentibus autem flammis Joannes circumventus, cùm per horæ dimidium ab omnium oculis ereptus, tamquam igne consumptus communi mœnore deploraretur, incolumis ex incendio prodiit, omnibus obstupescētibz, & id Miraculo adscribētibz. Addimus ex Cedreno, celebre Templum. Sanctæ Anastasie in Civitate Constantinopolitana ab igne accenso præservatum fuisse precibus Sancti Marcarii; ex Sancto Gregorio *lib. 1. Dialogorum cap. 6.* Civitatem Anconitanam precibus Sancti Marcellini Episcopi fuisse ab igne accenso liberatam; & similia leguntur de Sanctis Romualdo, Stephano, Benedicto, Hilario, Visidonio, Medoaldo, Berulpho, Thecla, & aliis apud Bolandum, & Surium, & apud Rosveidum *de Fide Hæretic. servanda cap. 12.* & apud Petram sanctam *in Thaumasia vera Religionis tom. 1. cap. 67.* & apud Pignatellum *Consult. 110. num. 24. & sequentibus tom. 4.*

7 Mirabilia in superioribus ex Actis Canonizationum desumpta de dominio super aquas retulimus; nunc alia, licet minoris ponderis, addenda sunt, quæ tamen vera Miracula fuerunt. *In Vita Sancti Bernardi* scripta a Guillelmo, & edita post Opera ejusdem Sancti Editionis Mabillonæ *cap. 11.* legitur, quòd imbre corruente madefacta non fuit charta Epistolæ, quam ipse dictabat; *Subito autem inopinatus imber erupit, & is, qui scribebat (sicut, ipso referente, didicimus) chartam reponere voluit. Ad quem Pater Sanctus, Opus, inquit, Dei est, scribe, ne*

Lib. IV. Pars Prima Cap. XXIV. 341

ne timeas : *Scriptis ergo Epistolam in medio imbre sub imbre.* = In *Relatione Cause Sanctæ Franciscæ Romanæ* edita ab Auditoribus Rotæ part. 3. art. 13. Miraculo, & meritò, adscribitur, quòd in aquis existens non fuerit madefacta; cùm enim anno 1438. in Vigilia Sanctorum Apostolorum Petri, & Pauli ipsa ab Ecclesia Sancti Pauli reverteretur unà cum Sororibus, & intrasset in suam Vineam prope Molam Sancti Pauli, & sanctis meditationibus vacans rapta fuisset in ecstasim, & genua flexisset in aqua, ita ut per magnum temporis spatium, aquis circumdata eo modo stetisset, ita siccis pedibus de aqua exivit, ac si aquam minimè tetigisset; eodemque anno in eadem Vineam, cùm recitaret Officium Beatæ Mariz Virginis, & magna pluvia supervenisset, & ambulando per Vineam, Officium recitare continuasset, ipsa sola non fuit madefacta : & in *Relatione Cause Sancti Andree Avellini* 3. part. Miraculo adscribitur, quòd ingressus domum Regentis Camilli de Curtis, ut Catharinam Carasam ægrotantem inviseret, recusato Curru ipsi oblato ob maximam pluviam, qua de Cælo cadebat, nec ipse tamen, nec Socii ullo modo madefacti sunt, extinctoque lumine impetu ventorum, quod secum deferebant, splendor obortus est circà Corpus Sancti Andree, cuius ope totam viam videre poterunt, & incolumes, nec ullo modo madefacti pervenire ad domum Sancti Pauli. Aliqua subdenda essent de dominio Servorum Dei erga creaturas irracionales animatas, puta beluas ferociore. Multa autem de hoc dicta sunt, dum de Martyrio locuti fuimus; vidimus enim, Leones, & Ursos ausos non fuisse Corpora Mar-

tyrum attingere: &, qui plura scire cupit de admirandis animalium obsequiis erga Beatos, aut Sanctos, legere poteit Joannem Eusebium Nierembergium *Historia Nature* lib. 9. cap. 95. & cap. 96.

8 Magnalia hæc sunt Omnipotentiz Divinæ, juxta illud *Tsalm.* 28 = *Vox Domini intercedentis flammam ignis* = & juxta illud *Tsalm.* 65. = *Transivimus per ignem, & aquam, & eduxisti nos in refrigerium.* Sanctus Joannes Chysofostomus *Homil.* 12. *super Genesim* oblitescens, quòd ignis Fornacis Babylonicæ erumpens Chaldæos extra Fornacem aduflerit, & Pueros intrà Fornacem existentes nullatenus læderit, hæc habet: *Et, ne quis putaret, visibilem hunc ignem operatione carere, idcirco misericors Deus illius efficaciam, & operationem non impedivit, sed vim illam urendi illisam servavit, & Servos suos illo superiores fecit; at in illos, qui foris erant, ignis suam operationem exercuit, nam excussit, & absumpsit: quando enim Dominus vult, elementa omnia in contrariam mutat operationem.* De hisce, & consimilibus factis Calmet in sua *Dissertatione de rebus, & signis prodigiis* ita subdit: *Verum Prodigium, juxta instam nobis ideam, res est regulæ naturæ consuetas transcendens: vir super aquas gradient, & multò post: Prodigia tamen nonnulla suppetunt aded aperta, & explorata, ut imperitissimi quique de populo turò de illis judicare permittantur. Ita plaud, cùm Moyser, elatà virgâ, pelagum pro arbitrio diffudit, restituitque; cùm e silice percussa aquarum venas eduxit. Cùm occurrit examen eorum, qui super aquas ambulaverunt, quæsitio excitari potest, quomodo id factum sit, an videlicet corpus levitatem assumpsit, an aqua de fluida effecta fuerit* fo.

342 *De Serv. Dei Beatif. et Beat. Canoniz.*

solida, an tantùm suspensus fuerit effectus fluiditatis. Item, cùm agitur de fontium productione, resumì possunt, quæ a Philosophis traduntur de eorum origine. Aristoteles enim lib. 1. *Meteor. cap. 13. text. 60. & duobus sequentibus* docuit, aquam fontium gigni intrà sinus, & cavitates terræ ex aere, & vaporibus in aquam ibidem resolutis. Seneca lib. 3. *Quæstionum naturalium cap. 6.* voluit, intrà terram adesse ingentem cavitatem aquis repletam, quam barathrum appellant, quæ origo sit quarumvis aquarum, quæ in terræ superficie visuntur; cuius opinionis antesignanus fuit Plato in *Thadone*, sive in *Dialogo de Anima*. Recentioribus placuit, originem principalem fontium, & fluminum esse aquas subterraneas a marinis oriundas, minùs verò principalem, & velut augmentatricem esse aquas pluviales ex aere, ac vaporibus ortas, juxta ea, quæ docuerunt Conimbricenses tract. 9. in *Meteor. cap. 41.* Fontes & mari proximè, aut remotè ortum duere, contendit Maignan. in *Philosophia Natura cap. 17. propofis. 17.* Denique, infra campos, & montes esse multas cavitates aquis plenas, quæ vi caloris in vapores resolutæ ascendant per terræ poros, & cùm istiusmodi vapores non procul absint a superficie terræ, vi consequenter frigoris condensati, & crassiores effecti relabi debeant eò, unde venerunt, sed laxiores meatus nasci sursum ascendant, & jam in aquam conversi erumpant, & in fontes scaturiant, latè probare conatur Renatus des Chartes *Philosophia part. 4. num. 64.* Alia de origine fontium eruditè collecta legi possunt tom. 2. *Dialogor. Physicor.* Patris Regnault ex Gallico in Italicum idoma nuper translationem, & Venetiis editorum anno 1736.

pag. 110. & sequentibus. Denique, cùm agitur de transitu per ignem absque ulla læsione, afferri possunt, quæ apud nonnullos habentur de corporis humani constitutione, quæ ab igne naturaliter non lædatur.

9 Verùm hæc, similesque disputationes nullum approbationi Miraculi obstaculum præbere poterunt; quamcumque enim ex recitatis opinionibus sequamur circà modum, quo quis ambulat super aquas, quamcumque pariter ex recitatis opinionibus sequamur de origine fontium, semper vigebit ratio Miraculi, saltèm quò ad modum, uti benè annotarunt Rotæ Auditores in *Relatione Cause Sancti Isidori Agricola in Miraculo tertio in vita, & in Relatione Cause Servi Dei Hieronymi Emiliani Miraculo secundo in vita*, & benè explicat Vallesius de *Sacra Philosophia cap. 63.* ubi verba faciens de Moyse, qui percussit petram, & statim fluxerunt aquæ, hæc habet: *Neque enim putandum est, Moysen, cùm in Deserto lapidem virgâ feriens potavit sui jam pereuntem Populum, fecisse, ut, quæ antea non erat, aqua gigneretur denno, sed, ut, quæ suberat, rupto meatu erumperet, velus Chirurgus venam scindens sanguinem fluere facit: & quæ a nonnullis circumferuntur de corporis humani constitutione, quæ ab igne naturaliter non lædatur, falsa sunt, & ludicra, veluti latè ostendunt Majolis in *Diebus Canicularibus tom. 1. colloqu. 22.* & Pignatellus cit. *Consult. 110. tom. 4.* Quædam verè sunt, quæ sunt incombustibilia, de quibus Lævinus Lemnius de *oculis natura Miraculis lib. 2. cap. 12.* sed incombustibilitas corporum humanorum inter fabulas est rejicienda.*

10 Solida ergo, quæ occurrere po-

potest in horum factorum examine, difficultas consistit in probationibus, quam fidem videlicet mereantur Testes de eis deponentes, quomodo ex dictis eorum substantialia facti comprobata sint, & quando agitur de incedentibus super aquas, tamquam supra terram, an inceserint, nullâ demersâ corporis parte; unde Lactantius lib. 4. de vera Sapientia cap. 15. referens, Christum a Discipulis visum fuisse super aquas ambulantem, inquit: *At illi, urgente jam vespere, profecti contrario vento laborare ceperunt; cumque jam per medium fretum tenerent, tum pedibus mare ingressus consecutus est eos tamquam in solido gradientem, non ut Poeta Orionem mentiuatur in pelago incedentem, qui, demersâ corporis parte, humero sustinet undas: corpus enim solidum, etiamli levius sit aquâ, si ponatur in ipsâ, mergitur aliquâ sui parte, sed non totum, aliâ videlicet ejus parte superstante, ut ex Archimede docent P. de Lanis Magister. Natura, & Artis tom. 3. lib. 25. cap. 2. propos. 22. fol. 535. & cap. 3. propos. 3. fol. 535. & Borell. de Motionib. natural. a gravitate pendentib. propos. 25. propos. 81. & propos. 99. ubi demonstratur, necessariò admitti debere, quòd corpora omnia, quæ levia appellantur, sursum ascendant ab extrusione fluidorum, in quibus innant, ob excessum gravitatis istorum; quod ipsum asseruit propos. 39. ubi, quòd violentia, qua lignum, & aer per aquam ascendant, dicitur naturalis, quia est necessaria, rationem reddens, ex quo inter molem quamque corpoream Fluido demersam, & Fluidum ipsum mutua quædam gravitatum lucta, non secus ac inter pondera utrimque bilanci appensa, exercetur, descendente eo, quod est*

gravius, & ascendente eo, quod est levius, donec res sint compositæ ad æquilibrium. Quærendum quoque est, an viderint die, vel nocte, & quatenus nocte viderint, quomodo cognoverint, cum ipsum esse, quem ambulasse dicunt super aquas. Christus venit ad Discipulos ambulans supra mare quartâ vigiliâ noctis circâ æquinoctium Paschale, sive vernum, quando nox æqualis est diei, & sic duodecim horarum. Intrâ decimam ergo noctis horam, & duodecimam Christus venit, & videntes eum Discipuli supra mare ambulantem turbati sunt dicentes, quia phantasma est, & præ timore clamaverunt; sed statim Jesus locutus est dicens: *Habete fiduciam. Ego sum, nolite timere;* & Petro roganti, ut se juberet ad illum venire super aquas, respondit, *ut veniret.*

11 Si verò agitur de mirabili fontium productione, non erit omitenda indagatio, an in loco, in quo aqua manavit, ullum præxisteret aquæ signum, an terra esset arida, & sicca, an opportunum hominis ministerium intercesserit in faxo excavando, & aqua educenda, an pro hominum, vel animalium sospitate, aut frugum conservatione aqua esset necessaria, an statim post preces Servi Dei manaverit, si fons erupit, dum ipse vivebat, vel statim post invocationem, si agitur de facto post ejus obitum secuto; & quatenus aqua temporibus etiam subsequenter ægrotis profuerit, hæc circumstantiæ multum proderunt approbationi Miraculi. Quocirca claræ memoriæ Federicus Caccia tunc Sacre Consistorialis Aulae Advocatus, deinde Rotæ Auditor, & Nuntius Hispaniarum, & tandem Sanctæ Romanæ Ecclesiæ Cardinalis, & Ar-

& Archiepiscopus Mediolanensis respondens Animadversionibus Prosperi Bontinii tunc Fidei Promotoris super *Miraculo eruptionis Fontis in Causa Sancti Turribii* ait: Certè, quidquid in abstracto dici possit quo ad novas fontium eruptiones, quas naturaliter contingere posse non diffitior, si in hoc, de quo agimus, circumstantia facti ponderentur, scilicet præcedens æstivo tempore siccitas, imploratum ab incolis Archiepiscopalis auxilium, ejusdem ad locum accessus, Altaris erectio, Sacrum peractum, ac instantanea ad impartitam benedictionem aquarum eruptio in magna, ac insolita copia, earumque perennitas; si hæc, inquam, omnia rectè ponderentur, omnis naturalis ratio prorsus excluditur, & evidenter apparet Miraculum, non quidem quò ad substantiam facti, sed quò ad insolitum, & diversum a principis natura modum agendi.

12 Denique, si agatur de transitu per ignem absque læsione, querendum est, an, qui transivit illæsus, ingressus fuerit cum, vel sine vestibus; qui enim cum vestibus ingreditur, facilius comburitur, unde *Danielis cap. 3.* narratur, quòd Sidrach, Misach, & Abdenago vincti cum braccis suis, & tiaris, & calceamentis, & vestibus missi sunt in medium fornacis ignis ardentis. Item querendum est, quomodo constructa esset

strues lignorum accensorum, an transitus fuerit per medium, an ventus spirans flammam avertere potuerit, quanto tempore, qui transivit, permanferit in igne, quomodo probeatur illæsus, & an duraverit. De Sancto Polycarpo in rogo ardenti constituto scribunt Smyrnenfes apud Eusebium lib. 4. *Histor. cap. 15.* = Ignis, facta camera speciei, ad morem veli nautici vento repleti corpus Martyris veluti muro quodam circumcinxit, eratque illud in medio, non tamquam caro ardens, sed tamquam aurum, & argentum in camino ignitum. Etenim tantam boni odoris fragrantiam sensimus, quasi vel thus, vel aliud quoddam pretiosum aroma spiraret. Tandem igitur iniqui, cum corpus illius ab igne non posse consumi, cernerent, confectorem accedere, & ferro illum transfodere, jubent. Quo factò, copiosus sanguis effluxit, ita ut ignis exstingueretur, ac tota turba miraretur.

13 Hæc autem innuisse satis sit, cum in singulis factis alia plura advertenda inveniri possint. De præstigiis autem, aut factis, quæ vi Demonum etiam in his rebus contingere possunt, non agimus, cum, uti sæpius dictum est, questio non instituat de Miraculis, nisi post approbatas Virtutes, quarum approbatio quodcumque Demonum factum avertit.

CAPUT VIGESIMUM QUINTUM:

De quibusdam Miraculis, qua in Calis, & in Terrâ contingunt.



1 Criptum est Num. 24. = Orietur Stella ex Jacob, & consurget virga de Israel = &, nato Jesu in Bethlechem Judæ in diebus Herodis Regis, Stella apparuit, quam Magi sequentes, ad eum adorandum perrexerunt, & de thesauris suis obtulerunt ei munera aurum, thus, & myrrham: Ecce Magi (legitur in Evangelio Sancti Matthæi cap. 2.) ab Oriente venerunt Hierosolymam dicentes: Ubi est, qui natus est Rex Judæorum? Vidimus enim Stellam ejus in Oriente, & venimus adorare eum &c. Ecce Stella, quam viderant in Oriente, antecedeat eos, usque dum veniens staret supra, ubi erat Puer. Videntes autem Stellam gavisi sunt gaudii magno valde. Et intrantes domum invenerunt Puerum cum Maria Matre ejus, & prostrantes adoraverunt eum, & apertis thesauris suis obtulerunt ei munera aurum, thus, & myrrham.

2 Varie sunt de hac Stella sententiæ. Nonnulli putant, fuisse Astrum novum micans in aere; nonnulli, Angelum corporeâ luce emicantem in Astri figuram; nonnulli, Spiritum Sanctum sub assumptâ Astri specie; cæteri, flammeum aliquod Phænomenon in media aeris regione, juxta ea, quæ plenè habentur apud Calimet in sua Dissertatione in Magos, qui Jesum adoraturi venerunt.

3 At, ad sententiam magis receptam descendendo, quamvis ad Christum manifestandum Dei Omnipotentia efficere potuisset, ut aliqua ex celestibus Stellis descenderet, & novo, & inusitato modo moveretur; quia tamen non sunt multiplicanda Miracula, veluti ad rem observat Suarez quest. 36. art. 8. disput. 14. sect. 5. Patres communi calculo allegerunt, Stellam hanc non fuisse ex genere earum, quibus Cælos videmus ornatos, nec etiam ex illis, quæ, ut minùs fortasse rectè olim putabatur, ex vaporibus coagmentatis accensæ in aere Cometæ dictæ sunt; sed Divinam quamdam Virtutem, quæ non tantum aspicientium oculos sui fulgoris radiis illustraret, sed quæ & mentes illorum Divinâ luce perfunderet, atque ad Christum natum perquirendum excitaret, uti plenè habetur apud Cardinalem Baronium ad annum primum Christi num. 35.

4 Nec aliter profectò videtur, quòd res hæc se habere potuerit: si etenim Stella, quæ apparuit Magis, fuisset Stella firmamento affixa, in tanta altitudine non potuisset eis viam monstrare. Rursus Stellæ habent motum circulares, hæc ab Oriente tantum Occasum versùs: illæ perpetuæ sunt, hæc sunt temporaneæ, cum, impleto officio, evanuerit: illæ omnibus conspicuæ sunt (quod & ipsis Cometis commune est,) ista solis Magis, si enim perpiscua fuisset

X x

He.

346 De Serv. Dei Beatif. et Beat. Canoniz.

Herodi, ipse tantâ sollicitudine tempus ortus ejus non exquisivisset. Demum Stella sese occultavit Magis, dum erant Hierosolymis: ex quibus proinde infertur, eam aut fuisse aliquod Meteorum ab Angelo efformatum in modum, & speciem Stellæ, ingenti lumine perfusum, ab Angelo ex Oriente in Occidentem motum in media aeris regione, ut Magis signaret iter, ad instar Columnæ ignis, quæ filios Israel per Desertum deduxit; vel fuisse Stellam de novo creatam, non in Cælo, sed in aere vicino Terræ, quæ secundum Divinam voluntatem movebatur, uti perspicue docet Divus Thomas 3. part. quæst. 36. art. 7. cui adhæret, Author licet heterodoxus, Fridericus Spanhemius in *Dubiis Evangelicis* dub. 27. pag. 297. num. 8. ubi hæc habet: *Omniis verò expensis, hæc sententia tutissima videtur, hanc Stellam fuisse corpus lucidissimum, sed exigua molis, a Deo extraordinariè, non in Cælo attereo, sed aereo, ejusque regione inferiore formatum sive per creationem immediatam, sive per mediatam, & motu arbitrario pro Dei voluntate motum ad designationem eventus extraordinarii, & directionem itineris Magorum ad Domum, & Dominum, quod, ministerio illi præstito, pro Creatoris voluntate disparuit sive per annihilationem, si immediatè creatum dicitur, sive per resolutionem in materiam, ex qua compactum erat, si creatione mediatâ productum statuatur &c.* Ad hanc sententiam accedunt inter alios Origenes, Augustinus, Damascenus, & Thomas, fuisse Stellam de novo creatam non in Cælo, sed in aere Terræ vicino, quæ secundum Divinam voluntatem movebatur. Keplerus, Tycho, & alii, qui solo ductu rationis naturalis de prædicta Stella locuti sunt, do-

cuerunt, eam non fuisse ex antiquis Stellis a principio creatis, sed Stellam a Deo modo supernaturali formatam. En verba Tychonis tom. 1. *Progymnasmatum* = *Stella illa, quæ in Oriente Magis apparuit, non erat de celestium astrorum genere &c.* Fuit potius peculiare, atque admirandum Dei opus.

§ Isaïæ cap. 50. legitur: *Induam Cælos tenebris*: Jeremiæ cap. 15. = *Defecit anima ejus, occidit ei Sol, cum adhuc esset dies: & Amos cap. 8. = Occidet Sol in meridie, & tenebrescere faciam terram in die luminis: & moriente Domino Nostro Jesu Christo, obsecratus est Sol, quemadmodum legitur Matthæi cap. 27. = A sexta autem hora tenebre factæ sunt super universam terram usque ad horam nonam = & Marci cap. 15. = Et, factâ horâ sextâ, tenebra factæ sunt per totam terram usque in horam nonam = & Lucæ 23. = Erat autem serò hora sexta, & tenebra factæ sunt in universam terram usque in horam nonam.*

6 Origenes tract. 35. in Matthæum in eo est sensu, tenebras prædictas solam Judæam comprehendisse: *Arbitror ego, sicut cætera signa, quæ facta sunt in Passione ejus (loquitur de Christo Domino) in Hierusalem tantummodo facta sunt, sic & tenebra tantummodo super omnem terram Judæam sunt factæ usque ad horam nonam.* Nonnulli alii Origenem secuti sunt; & quia supra citata verba Evangelistarum universam terram respiciunt, putant, id lux non officere sententiæ, cum lib. 3. Regum cap. 18. ita scriptum sit: *Vivis Dominus Deus tuus, quia non est Gens, aut Regnum, quod non miseris Dominus meus te requirens*: quibus verbis indicatur, perquisitionem factam fuisse, non per universum Mundum, sed per Regiones, quæ erant cir-

circà Judzam. At sententia hæc verbis Sacri Textus expresse loquentis de universa terra adversatur, quemadmodum, cæteris allegatis, latè ostendit Suarez *quæst. 50. disput. 39. sect. 1.*

7 Bina accedunt testimonia, magni utique ponderis, ex quibus comprobari posse videtur, tenebras, non ad solam Judzam restrictas, sed ad universum Orbem extensas fuisse. Alterum est Sancti Dionysii Areopagitz, qui *Epist. 7. ad Polycarpum* dicit, Eclipsim hanc a se fuisse observatam, & ab Apollophane in Ægypto: *Eramus unâ ambo, & statim ad Heliopolim* (quæ incluta Ægypti Civitas est) *ac cernebamur, nec opinatè, cum Luna se Soli objiciebat, neque enim conjunctionis tempus erat, rursusque, cum eadem ab hora sexta ad vespæram semedia Solis altera præter naturæ ordinem apponebat.* Alterum est Phlegontis Hadriani Imperatoris Liberti, qui *Historiam* in libros sexdecim distributam per Olympiades scripsit, & cujus verba *cap. 13.* sunt hæc, juxta versionem, qua utor: *Quarto anno centesimæ secundæ Olympiadis magna, & excelsa inter omnes, qua ante eam acciderunt, defectio Solis facta. Dies horâ sextâ ita in tenebrosam noctem versus, ut Stella in Cælo visa sint, terræque motus in Bithynia Nicæa Urbis multas ades subvertit.*

8 Sanctus Thomas 3. *part. quæst. 44. art. 2.* putans, non commentitium, sed verum esse Sancti Dionysii Textum, non solum in eo est sensu, quòd tenebræ universam terram comprehenderint, sed, ad ulteriora progrediendo, explicat, quomodo tenebræ factæ sint per universam terram, per interpositionem videlicet Lunæ inter nos, & Solem, efficiente Divinâ Omnipotentiâ, ut, non

turbato consueto temporum cursu, Luna, quæ erat in plenilunio exadverso Solis, accurreret e loco suo ad eum præter tempus debitum, & deinde ab ipso recedens in locum proprium restituta fuerit tempore debito. Claræ memoriæ Cardinalis Cozza *Vindicias Areopagiticæ* evulgavit, & *part. 2. cap. 9.* latè contendit, Solis defectionem tempore Passionis Christi factam esse per Lunæ inter Terram, & Solem interpositionem, & proinde naturalem fuisse quòd ad substantiam, sed supernaturalem quòd ad modum, ratione plenilunii, & proinde longè, latèque spectatam fuisse, non minus, ac cæteras naturales Solis Eclipses. At, cum maxima inter Eruditos quæstio sit, an genuinus videlicet, an apocryphus sit Textus Sancti Dionysii, hinc est, quòd validum pro re, de qua nunc agitur, ab eo desumi nequit fundamentum, prout etiam innuisse videtur Pater Graveson de *Mysteriis, & Annis Christi dissert. 20. §. 1. pag. 444.* ubi modestè ait, maximum pondus autoritatis sententiæ Sancti Thomæ esse accessurum, si genuinus esset Textus Sancti Dionysii.

9 Succedit testimonium Phlegontis, de quo tantummodo disputatur, an loquatur de eadem Eclipsi, de qua loquuntur Evangelistæ; & ratio dubitandi potissimam derivatur, ex quo Phlegon non dicit, Eclipsim Solis in plenilunio contigisse. At invicta mihi videntur argumenta, quibus ponitur in aperto, Phlegontem de eadem Eclipsi locutum fuisse, de qua sermonem habuerunt Evangelistæ: incidit enim utraque in eundem annum, Tiberii scilicet decimum nonum; utraque respicit eadem horam, horam scilicet sextam;

X x 2 utram.

348 *De Serv. Dei Beatif. et Beat. Canoniz.*

utramque demum comitatus est insignis terræ motus: & ad Historiam Phlegontis respexisse videtur Tertulianus in *Apologetico* cap. 21. ubi ita scriptum reliquit: *Eodem momento dies, medium Orbem signante Sole, subducta est. Deliquium putaverunt, qui id quod super Christo predicatum non fecerunt; & tamen eum Mundi casum relatum in Archivis vestris habetis.* Concordat Lucianus Martyr, qui sic ait: *Consultite Annales vestros, & invenietis Pilati temporibus, dum pateretur Christus, mediâ die fugatum Solem, & interruptum diem: & quamvis Phlegon non dicat, Eclipsim contigisse plenilunio, at nec tamen dicit interlunio factam; ex quo proinde rationabiliter inferri potest, eum plenilunii non meminisse, cum rerum astrologicarum esset ignarus.* Fusè hæc omnia prosequitur Natalis Alexander in *Historia Ecclesiastica sæculi primi* cap. 1. art. 5. Legi potest Huetius in *Demonstratione Evangelica* propost. 3. pag. 48. & sequentibus, ubi latè vindicat testimonium Phlegontis, & probat, eum loqui de eadem Eclipsi, de qua loquuntur Evangelistæ; & pag. 49. hæc addit: *Accuratissimâ verò, & attentissimâ observatione dignum est, quod habet nupera Sinenfis Historia Hadriani Gregorii, annotasse Sinas in rerum suarum monumentis ad id tempus, in quod ævum ætatis Christi trigesimum secundum nos Christiani conferimus, circa Mensem Aprilem Solare deliquium præter ordinem naturæ, & leges curricula astrorum præfixas contigisse, quæ rei novitate Quamvotivum Imperatorem vehementer fuisse commotum.*

10 Mentio in superioribus facta est Solaris Eclipsi, & per Eclipsim a plerisque explicari diximus tenebras, quæ contigerunt in Christi Pas-

sione: etenim asserere, quodd obscuratio Solis in eadem Passione per nubes facta sit, metidè redarguitur a Tillemont in *Nota* 35. ad *Vitam Jesu Christi*. Nec admittenda videtur lèntentia illorum, qui putantes, ratione plenilunii tenebras per Eclipsim contingere non potuisse, dixerunt, Solem radiis in se suos retraxisse, & lucem: siquidem præter ea, quæ optimè observat Calmet in *sua Dissertatione de Tenebris in obitu Jesu Christi*, cum hoc loco agatur de Eclipsi miraculosa, difficultas plenilunii (quæ aliunde non minor esset in imaginaria illa luminis retractione) prorsus nulla est; & omnino etiam, si quis renuat ad veram Eclipsim pro hac tenebrarum explicatione confugere, brevius dici potest, magisque cohærenter ad consuetam in similibus Theologorum doctrinam, non tantum Miraculo, id est, suspensione Divini concursus ad Solaris luminis diffusionem, diem defecisse.

11 Demum, cum Dominus Noster Jesus Christus mortuus est, non solum Velum Templi scissum est in duas partes a summo usque deorsum, uti habetur Marci 15. & Lucæ 23. sed etiam terra mota est, & petreæ scissæ sunt, & monumenta aperta, uti habetur Matthæi 27.

12 Nefas profectò, erroneum, & quodammodo impium esset de Miraculo dubitare tum quò ad Stellam in ortu, tum quò ad tenebras, & terræ motum in obitu Sanctissimi Domini Nostri Jesu Christi; & nefas quoque esset de rebus consimilibus dubitare, easque a classe Miraculorum avertere, quoties eadem iudicio Ecclesiæ, & Romani potissimum Pontificis autoritate in Iudicio Beatificationis, & Canonizationis fue-

fuerunt tamquam miraculose approbatæ. Prostant exempla apud Bagatam de Admirandis Orbis Christiani tom. 1. lib. 1. cap. 3. & 4. At, quia in Iudicio illo ferendo minimè oscitanter proceditur, operæ pretium esse videtur, nonnulla hic innuere, ex quibus Consultores Congregationis Sacrorum Rituum aliqua haurire possunt pro recto iudicio ferendo, cum similia a Postulatoribus proponuntur tamquam Miracula in Causis Beatificationis, & Canonizationis.

13 Apud antiquos Historicos, quemadmodum legi potest tom. 2. *Almagesti* Ricciolii, Cometæ habiti sunt tamquam indicia alicujus memorabilis casus; adeoque eos vocant faces funebres, lampades mortis, indicia futuræ pestis, penuriz victualium, & terræmotus. Gasendus tom. 1. ubi agit de Cometis, huic opinioni adversatur iniquens: *Citant exempla mille cladum, mille mortium Principum, quæ post Cometæ acciderunt, & comies plures prætermittunt, quæ acciderunt sine Cometis.* Peripatetici, & major pars Stoicorum docuerunt, Cometæ componi ab exhalationibus vaporum terrestrium. Sed inter antiquos Philosophos, inter quos Democritus, & Anaxagoras, non defuerunt asserentes, Cometæ esse corpora cælestia, quæ certis regulis moventur ad instar Planetarum Communi calculo id confirmant moderni Astronomi. Wiston ita loquitur: *Corpora Cometarum sunt solida, compacta, fixa, & durabilia ad instar corporum Planetarum; nam, si nihil aliud essent, quàm exhalationes terræ, Cometa hic (sermo est de Comete, qui apparuit anno 1680.) in transitu suo per viciniam Solis statim dissipari debuisset. Adhæret Pater Fontana in suis Institutionibus Physico-*

Mathematicis. En ejus verba: *Torrè, cum Cometarum caput sit efformatum in modum spheræ, sicut cætera Mundi corpora, suamque habeat motum in mundano spatio, quidni dicamus, Cometam esse corpus, vel Planetam sui generis propriæ formæ donatum?* Observationes modernorum Astronomorum relatæ in *Memoriis Academia Parisiensis*, & in *Actis Lipsiensibus* plenè comprobant, Cometæ esse extra nostram atmosphæram, cum non habeant parallaxim majorem parallaxi Lunæ, & in spatiis cælestibus moveantur, aliquando transeundo per orbitam Planetarum. Cumque quamdam legem velocitatis in suis motibus conservent, habeantque id commune cum aliis corporibus cælestibus, quòd participant de motu primi mobilis, progrediendo ab Oriente versùs Occidentem, desumitur, eos esse corpora naturalia, sicuti sunt cætera corpora cælestia. Nonnulli Cometæ apparuerunt parvissimi, & vix sensibiles; alii diametri apparentis majoris diametro Planetarum, & ipsius Lunæ: nonnulli apparuerunt coloris pallidi; alii coloris sanguinei, & ignei: nonnulli nudi; nonnulli cum coma, cauda, aut barba. Motus nonnullorum aliquando fuit rectus, at aliorum retrogradus: velocitas aliquando diversissima. Inclinatio ad Eclipticam modò parva fuit, modò vicina angulo recto. Duratio aliquorum aliquando fuit plurimum mensium, aliquando nonnullorum dierum. Porro nihil in his supernaturalitatis excogitari potest, cum exempla passim occurrant Cometarum diversis qualitatibus præditorum in *Observationibus collectis de eis* ab Evelio, Ricciolio, Lubienetz, & aliis.

14 Apparuerunt aliquando novæ Stel.

350 *De Serv. Dei Beatif. et Beat. Canoniz.*

Stellæ, uti fuit illa observata a Ty-
chone, a Galileo, & aliis anno 1572.
in Cathedra Cassiopeæ, quæ ceteris
erat splendidior. Multæ Stellæ, quæ
prius erant conspicuæ, obscuratæ sunt,
nec amplius visæ, quarum copiosa
collectio legi potest tom. 2. *Alma-
gesti* Riccioli. Montanarius celebris
olim in hac Bononiæ Civitate Astro-
nomus eruditum de eis *Tractatum*,
sive *Dissertationem* edidit relatum in-
ter Opera Academicorum Gelato-
rum. Aliquando aliqua Stella appa-
ruit, & post apparitionem semper
perseveravit, adeoque enumeratur
inter Stellas fixas. Aliquæ dantur
Stellæ, quæ periodos habent regres-
sus admodum varias, neque adhuc
certas penès Astronomos; ex quo
proinde factum est, ut perspectæ ali-
quando ab his, qui nunquam eas
eo in loco viderant, habitæ sint
pro Stellis ex improvviso natis. Ni-
hil quoque in hisce rebus reperiri po-
test, quod ad Miraculum ex sua na-
tura, & indole referatur.

13 Succedunt Eclipses, quæ, si
accidunt longè extra tempora in cal-
culis astronomicis designata, atque
staruta, Miraculo adscribi possunt
simili modo, quo Miraculo adscri-
beretur, si videretur saxum in aere
pendens, & in terram non decidens.
Illud autem, quod in hoc loco ani-
madvertendum videtur, est, quodd ni-
hil excedens naturæ vires esset, si
Luna in Eclipsi sanguinea appare-
ret, si circà Solem in sua maxima
obscuracione anulus lucidus videretur,
si tenebræ in hoc rerum even-
tu magnum terræ tractum obfusca-
rent: idemque dicendum esset, si
aliquando extra Eclipsim Sol aspi-
ceretur in Cælo sereno cum debili
lumine, & quasi obtenebratus, &

coopertus, quemadmodum contigisse
legitur temporibus Caroli Magni.
Apud Cedrenum quoque narratur,
quodd septimo Magni Justiniani an-
no Sol per integrum annum sine
radiis apparuit ad instar Lunæ: &
plura alia similia collecta habentur
apud Gassendum tom. 1. *Physica sect.*
2. lib. 2.

16 Multa sunt, quæ ex Meteo-
ris desumi possunt, quæ penès ru-
diores habentur pro Miraculis, sed
nec Miracula sunt, & vix mirabilia
dici possunt. Talis est casus dupli-
cis Solis, Parhelii videlicet, dupli-
cis Lunæ, quæ Lunæ dupliciter Pa-
raselene appellatur. Si hæc apparen-
tiæ sint informes, & non benè ter-
minatæ, nullus ferè est, qui eas ani-
madvertat: secùs autem se habet res,
cùm arcus coloribus perspicui eas co-
mitantur. Bonæ memoriæ Victorius
Stancarius, meus olim Condiscipulus,
Vir acerrimi ingenii, in hac Bo-
noniensi Studiorum Universitate pub-
licus Algebrae Professor, & qui, si
diù vixisset, nec in medio ætatis flo-
re sublatus esset, primum absque
dubio inter Astronomos obtinuisset,
anno 1700. Parhelium observavit, &
accuratè descripsit inter suas, quas
reliquit, *Schedas Mathematicas*. Do-
minus Eustachius Manfredius singu-
lari Dei in nos beneficio adhuc vi-
vens, nec tantùm in hac Bononiæ
Civitate, & in Italia, sed per Or-
bem universum celeberrimi nominis
Mathematicus memoratum Parhelium
unà cum Stancario observavit, & alia
etiam Parhelia solus vidit anno 1721.
& anno 1728. ut ipse testatur. Pha-
nomena hæc, licèt omnia conveniant
in quibusdam circumstantiis, quæ ab
Haigenio ad certas regulas reducun-
tur, differunt tamen specialiter in

numero Solium, & Arcuum Iridis, qui ut plurimum eos comitantur. Durare consueverunt paucis horis; nec eodem tempore videntur, nisi per quemdam terræ tractum non admodum magnum, Cæloque aliquantulum nubibus levibus, & æqualibus cooperto.

17 In nubibus aliquando tales apparent refractiones, talesque penumbræ luminum, quod facili negotio hominum imaginatio dat eis speciem hominum, animalium, monstrorum: & hinc factum est, quod aliquando apud Historicos legitur, visos fuisse in nubibus Dracones volantes, Exercitus sese invicem agredientes &c. Quod si fortè tunc aliquod fulmen erumpat, idiotæ Miraculum putant, quamvis nihil, quod vires superet naturæ, sit in his excogitabile. Plinius lib. 2. cap. 57. hæc habet: *Spēctata arma cælestia, ab ortu, occasuque inter se concurrentia.*

18 Aurorarum Borealiū Phænomenon non admodum in Gallia, & Germania rarum, & quod erat factis in partibus Septentrionalibus commune, in Italia quoque aliquando apparuit. Vix explicari potest diversitas apparendi, quæ inter unum, & aliud horum mirabilium Meteororum intercedit. Vix Phænum varietas explicari potest, quæ in una, eademque Aurora Boreali eadem nocte videtur, sive Aurora ab uno, sive a pluribus locis observetur. Die 19. Octobris anno 1726. visa est quædam Aurora Borealis, quæ multos terrore affecit ob magnum, & ignitum, quod emittebat, lumen, ita, ut objecta mediâ nocte videri possent, sicuti mediâ die videntur. Plures de his observationes collectæ legi possunt apud Celsum, & Mairan.

19 A turbinibus producantur effectus aded funesti, aded violentum in mari, tum in terra, quod facili credi possent supernaturales, nisi Philosophi ostendissent, eos naturæ viribus adscribendos esse. Legi potest Montanarius supra cum laude commemoratus in suo Opere de Viribus *Æoli*, ubi nonnullas refert de prædictis effectibus historias. In Terra Trecentæ anno 1729. tempore æstivo turbo erupit, qui rura, domosque subvertit, & multos homines occidit. Dominus Heraclitus Manfredius Eustachii Frater, quem, ut planè intelligas, Virum esse optimum, doctrinâ plenum, & in Philosophicis, ac Mathematicis rebus expertissimum, satis erit dixisse, esse Eustachii Fratrem, & ex Familia Manfredia, Heraclitus, inquam, qui tunc Trecentæ morabatur, exactissimam turbinis descriptionem ad celebre nostrum Bononiense Scientiarum Institutum transmissit, ex qua terribiles undequaque illius effectus colligi possunt, sed intrâ limites naturæ coerciti.

20 Inter ignea Meteora ea recensentur, quæ Stellæ cadentes appellantur, quæque satis sunt obvix: Rarior est casus flammæ, & globorum volantium: sed hic quoque naturalis est. Explicari non possunt, & referri circumstantiæ, quæ omnibus convenient, cum varii sint prædicti globi in magnitudine, in velocitate, in directione, in caudis, quas secum ducunt, in fragore, qui aliquando ex eis erumpit, in distantia a terra, quæ tamen aliquando deprehensa fuit ab eorum Parallaxi, uti contigit in illo, quem Dominus Balbus Bononiensis Medicus non obscuri nominis, & profundi Vir ingenu

nii anno 1719. ad nostram Bononien-
sem retulit Academiam, quemque
inter ejus Commentaria Dominus Fran-
ciscus Zanottus, inquam, publicus Phi-
losophiz Professor in nostra Bono-
nienfi Universitate, cuique in Philo-
sophicis rebus prima absque dubio
subsellia debentur.

21 Verùm, ad Meteora redeun-
do, inter ea recenseri quoque de-
bent quidam ignes fatui, quorum
mentio fit apud aliquos antiquos Scri-
ptores. Flammulæ sunt, quæ parùm
se e terra extollunt. Aliquando stant,
aliquando moventur, & ut plurimum
eum fugiunt, qui ipsas sequitur. An-
nis elapsis in Ditione Veneta funesti
quidam casus acciderunt ex his igni-
bus fatuis derivati, cùm domus in-
cenderint, in quibus sænum colligi-
gitur. Exacta eorum descriptio legi
potest in *Trausactionibus Philosophicis*
a Domino Beccario alibi a nobis cum
laude commemorando transmissa ad
Regalem Societatem Londini. Nihil
in his ignibus fatuis est, quod vires
naturæ excedat, quemadmodum nec
in fulminibus, quorum admirabiles
effectus noti sunt omnibus, iidemque
inter se omnino diversi.

22 Terra demum habet sua Me-
teora. Huc spectant eructationes
Vulcanorum, ruinae, & lapsus ali-
quarum partium montium, & præ-
cipue terræmotus; ex quibus licet ali-
quando voragines, aliquando lacus
prodierint, aliquando Civitates non-
nullæ maritimæ submersæ sint, ali-
quando inter medias aquas Insulæ
quædam de novo apparuerint, nihil
erit apud Philosophos, quod indo-
lem, & naturam Miraculi præsefe-
rat.

23 Quid ergo dicendum erit?

Statuendum ne, quod, quoties ali-
quod ex supra narratis accidat live
in cælo, live in terra, semper illud
habendum sit pro effectu naturali,
eritque semper judicium ferendum
adversus Miraculum? Absit. Huc
non collineat discursus supra exposi-
tus. Exposita in superioribus admo-
nent, memoratos effectus esse natu-
rales; sed hinc non inferitur, eos ef-
fe non posse ratione circumstantia-
rum supernaturales, & naturam Mi-
raculi induere, vel alicujus rei Mi-
raculo æquipollentis, uti diximus,
dum agebatur de Miraculis tertii ge-
neris: res etenim, quæ in eis acci-
dunt, in se spectatæ sunt naturales,
sed ratione modi supernaturales, &
miraculose evadunt.

24 Utque assumptio fiat clarior
exemplis, quid naturalius reperiri
potest hominum morte? Item, non-
ne intrà vires naturæ continetur,
quod terra aperiatur? Quibus mini-
mè obstantibus, ecquis erit, qui inter
Miracula Dei irati non recenscat mor-
tem Dathan, & Abiron, quos, claman-
te Moyse, suæ missionis a Domino si-
gnum futurum esse, si prædicti, non
consuetâ hominum morte, sed tali
insolitâ morerentur, terra, quæ conse-
stim aperta est, deglutivit, uti habetur
cap. 16. *Numer?* = *Et ait Moyses: In hoc
scietis, quod Dominus miseris me, ut fa-
cerem universa, quæ cernitis, & non ex
proprio ea corde protulerim. Si consuetâ
hominum morte interierint, & visitavo-
rit eos plaga, qua & ceteri visitari so-
lent, non misit me Dominus. Sin au-
tem novam rem fecerit Dominus, ut aperi-
ens terra os suum deglutiat eos, &
omnia, quæ ad illos pertinent, descende-
rintque viventes in Infernum, scietis,
quod blasphemaverint Dominum. Confe-
stim igitur, ut cessavit loqui, disrupta
est*

est terra sub pedibus eorum, & aperiens os suum devoravit illos cum tabernaculis suis, & universa substantia eorum, descenderuntque viri in Infernum aperti humo, & perierunt de medio multitudinis. Rursus ecquis erit, qui Miraculis non adscribat mortem Ananiz, & Saphiræ Uxoris ipsius, quæ contigit, increpante eos Divo Petro, & de mendacio redarguente, quemadmodum legitur in *Actis Apostolorum* cap. 5. ? = Non es mentitus hominibus, sed Deo. Audiens autem Ananias hæc verba cecidit, & expiravit &c. Quid utique convenit vobis tentare Spiritum Domini? Ecce pedes eorum, qui sepelierunt Virum tuum, ad ostium, & effugerunt te. Confestim cecidit ad pedes ejus, & expiravit. Intrantes autem Juvenes invenerunt illam mortuam, & extulerunt, & sepelierunt ad Virum suum.

25 At, ad ea, quæ magis nostro argumento proxima sunt, descendendo, si quis universale Diluvium ad causas purè naturales referre vellet, nec in eo quid supernaturale se recognoscere assereret, nonne statim redargui posset, ponderatis circumstantiis, Prædictionis videlicet factæ Noe a Domino = Ecce ego adducam aquas Diluvii super terram, ut interficiam omnem carnem, in qua spiritus vita est subter calum, & universa, quæ in terra sunt, consumuntur = Fabricationis Arcæ a Noe factæ, Domino præcipiente = Fac tibi Arcam de lignis levigatis, manfuniculas in Arca facies, & bitumine linies intrinsecus, & extrinsecus = Numeri dierum, quibus Diluvium durare debebat, a Deo revelati, & sospitatis, juxta Domini verbum, omnium eorum, qui in Arcam ingressi sunt, uti habetur *Genesis* 6. & 7. ? Simili modo, si quis auderet asserere, nihil supernaturale

inveniri in sulphure, & igne, qui absumpsit Sodomam, & Gomorrhæam, nonne faciliè redargui posset non modò ex præcedenti futuræ ruinæ revelatione facta Lot = Delebimus enim locum istum, eò quòd increverit clamor eorum coràm Domino = verùm & ex fuga Lot cum Uxore, & duabus Filiabus ab eo loco, atque ex ejus accessu ad parvam Civitatem Segor appellatam, in qua salvus a fulgure, & igne factus est, juxta Domini promissionem, de qua in eodem Libro *Genesis* cap. 19. ? Si quis quoque tamquam aliquod Meteorum, aut aliquod naturale Phænomenon fuisset diceret Columnam nubis, & Columnam ignis, de quibus *Exodi* cap. 13. nonne statim convinci posset erroris ex circumstantiis desumptis a fine, id est, ab itinere a Deo mandato, a medio non solum aperto, sed quodammodo necessario ad iter tutò perficiendum, a duratione, & perseverantia, & continuatione vicissitudinis Columnæ nubis per diem, & Columnæ ignis per noctem = Dominus autem præcedebat eos ad ostendendam viam per diem in Columna nubis, & per noctem in Columna ignis, ut dux esset itineris utroque tempore. Nequam desuit Columna nubis per diem, nec Columna ignis per noctem coràm Populo?

26 Demum, ut plura alia prætereantur, in lib. 2. *Machabæorum* cap. 5. legitur: Contigit autem, per universam Hierosolymorum Civitatem videri diebus quadraginta per æra equites discurrentes, auras stolas habentes, & hastas quasi cohortes armatas, & cursus equorum per ordines digestos, & congressiones fieri cominus, & scutorum motus, & galeatorum multitudinem gladiis districtis, & telorum jactus, &c.

aureorum armorum splendorem, omnisque generis loricarum. Quapropter omnes rogabant, in bonum monstra converti. Porro, si quis impiè irrideret preces eorum, qui Deum rogabant, uti dictum est, in bonum monstra converti, ex quo videlicet crederet, illud fuisse purum, & naturale phænomenon, in insipientia, & temeritate sua facilè convinceretur non modò ex longa, & ordinata rerum serie, quæ se oculis videntium obiciebat, sed etiam ex secuta clade Hierosolymæ, de qua in cit. cap. 5. lib. 2. *Machabæorum*.

27 Redactò igitur puncto ad extrinsecas circumstantias, quarum opes in se naturalis supernaturalis evadit, & censetur immediatum opus Dei agentis præter, aut contra ordinem naturæ, vel jubentis, ut effectus producat, quem natura suis viribus producere potuisset, sed in eo rerum eventu non produxisset, libenter ab aliis, & a doctis Viris eas nobis exponi audiremus, & libentiùs abstinere a nostra super re, de qua nunc agitur, exponenda sententia; & multò magis, cum per totam seriem temporis, etli longi, quo functi sumus officio Fidei Promotoris, nulla umquam se nobis obtulerit occasio scribendi super hoc argumento, & audiendi, quid a doctis Consultoribus Congregationis Sacrorum Rituum in eam rem sapienter judicaretur. At, cum animus sit, assumptam, quantum in nobis est, provinciam perficere, eas subdemus, quæ nobis occurrunt, & quæ subicimus libentissimè Sacre Congregationis iudicio.

28 Si quis ergo futurum casum, seu Phænomenon prævideat, aliisque illud prænuntiet, ut cæteros mo-

neat de malo aliquo vitando, & malum evitetur vi prædictionis, & manifestationis, & prædicens, & manifestans fuerit Virtutibus præditus, ejusque Virtutes in gradu heroico fuerint discussæ, & approbatæ, certum hoc videtur indicium rei a Deo factæ præter ordinem naturæ, & ejus vires transcendentes, quemadmodum plenè colligitur ex facto supra relato Lot.

29 Item, si Phænomenon, quod apparuit, & de quo est quæstio, sit verè rarum, & verè Astronomorum scientiæ insolitum, idemque apparuerit, jubente, aut orante Dei Servo, aut Beato (de quo tamen nulla sit ampliùs quæstio de Virtutum heroicitate, aut vero Martyrio) ut aliquid ad gloriam Dei fiat, & exitus, seu finis concupitus obtineatur, indicium hoc erit rei supernaturalis: pro quo non modò prodest factum Josue alibi relatam (quatenus illud ab aliquo malè feriato in Phænomenon naturale detorqueretur) qui jussit Soli, ne moveretur, ut perfectæ victoria haberetur, quæ etiam habita est, adversus Gabaonitas hostes Populi electi, sed etiam prodest, quod habetur lib. 4. *Regum* cap. 1. ubi ad preces Eliæ ignis de Cælo descendit, & devoravit Quinquagenarium, & unà cum eo quinquaginta alios Viros in vindictam sceleris; ierant enim ad consulendum Beelzebub Deum Accaron, relicto vero Deo Israel.

30 Rursus, si etiam, nullo accedente imperio, nulla accedente prece, aliquod videatur Phænomenon, quo duce, aliqua sit operatio ad laudem, & gloriam Dei, & finè quo talis operatio non fieret, aut cum majori fieret difficultate, hæc erunt po-

potentissima indicia rei supernaturalis. Plura sunt, quæ suadent, Miraculum interfuisse in apparitione Stellæ, quæ Magis facta est, juxta ea, quæ in superioribus dicta sunt, & in apparitione Columnæ nubis, & Columnæ igneæ, de quibus quoque supra habitus est sermo: sed inter cætera Miraculi signa nullo modo omitti potest, quodd, Stellâ duce, Magi Bethlehẽm devenerunt, & indicio Stellæ cognoverunt locum, ubi erat Jesus, quem, oblati muneribus, adorarunt; & quodd ope Columnæ nubis, & Columnæ ignis Populus electus iter tutò perfecit, verique Dei potentiam recognovit.

31 Proderunt quoque pro Miraculo astruendo, si alia quædam Miracula indubitata eodem tempore, & ad eundem finem directâ, a Deo fiant. Exemplum esse potest in terræmotu, qui licet a causis naturalibus producatur, de quibus latissimè apud Fortunium Licetum *de quintò quæsitis per Epistolas cap. 31.* in eo tamen, qui contigit in Christi Passione, tot alia eo tempore contigerunt Miracula, cùm multi Sancti resurrexerint, & Sanctam Civitatem ingressi sint, & post triduum Christus ipse Dominus resurrexerit, ut & ipse terræmotus supernaturalis, & miraculosus dicendus sit.

32 Major erit profectò difficultas, si tamquam miraculosâ propositione apparitio alicujus Stellæ stantis super domum, in qua nascitur Dei Servus, aut in qua moritur. Difficile enim est, asserere posse, eam, quæ apparuit, esse Stellam, cùm Stellæ non dentur, quæ non participant de motu, qui communis est cæteris corporibus cælestibus,

& difficilius sit dicere, novam Stellam a Deo fuisse creatam. Stellæ quoque, quæ stare supponitur super domum, & uti stans super eam videtur ab illis, qui in domo sunt, vel prope domum, si aspiciatur ab alio in loco, qui non admodum distet a domo, non apparebit uti stans super domum, sed supra ipsius aspicientis caput. Facile erit hoc Phænomenon ad aliquam flammulam referre, quæ sit ex genere ignium fatuorum. Cautè ergo procedendum erit in approbatione hujus rei tamquam miraculose, & suspendendum videtur judicium, nisi fortè Phænomenon longo tempore permanferit, ejus splendor fuerit extraordinarius, & de die etiam visus sit, & manifestationis occasio concurrerit, & (quod maxime advertendum) præter approbationem Virtutum, aut Martyrii, alia Miracula concomitantia non defuerint. In Actis Martyrum sæpe occurrunt turbines, fulgura, & terræmotus tempore mortis ipsorum. Pro signis supernaturalibus hæc habita sunt, & haberi poterunt, si tempore prædicto acciderint, si Cælum ex sereno repente nubilum, & turbidum factum sit, si fulgura eruperint, si terræmotus Urbem concusserit: confitio quippe de morte in odium Christi illata, de morte ob Fidem Christi patienter tolerata, de injustissima nece a Tyranno inflictâ, quæ omnia præcedere debent, antequam de Signis, & Miraculis feratur judicium, fulmina, tonitrua, & terræmotus, qui ex intrinseca qualitate vires nature non excederent, tutò, & fidenter recenserî poterunt inter signa supernaturalia a Deo assumpta ad mani-

356 *De Serv. Dei Beatif. et Beat. Canoniz.*

fellendam Martyris innocentiam, & mortem ei injustissimè illatam; nec enim novum est, aliquod naturale a Deo assumi, & elevari in signum supernaturale, uti patet in Iride, quæ nihil aliud est, quàm arcus discolor apparens ex receptione, & reflexione luminis Solaris in nube rorida, quemque Deus assumpsit in signum fœderis inter Deum, & homines, & amplius non futuri universalis Diluvii, uti habetur *Genesi cap. 9.* In Actis, quibus utimur in Breviario Romano in *Officio proprio Sancti Venantii Martyris*, legitur, quoddam fulgura, & terræmotus tempore mortis ipsius ita magni fuisse, ut Præfes aufugerit, qui paucis tamen post diebus Divinam haud

valens effugere iustitiam turpissimam mortem oppetit. In Actis Sancto- rum Viti, Modesti, atque Crescen- tiz refertur, quoddam tempore eorum mortis, quam constanter pro Fide Christi subierunt, tonitrua, fulgu- ra, magnique terræmotus fuerunt, quibus Tempia Deorum corruerunt, & multi oppressi sunt. Fœtidus Car- cer, in quem Sancti Septem Fratres, & Rufina, & Secunda ante Marty- rium inclusi sunt, clarissimè luce oborta, factus est lucidissimus. Sancti denique Petri Cælestini mortem Crux præfulgens in aere ante Cubiculi os- tium reddidit gloriosam. Alia plu- ra faciliè colligi possent: sed satis esse videtur, hæc innuisse.

CAPUT VIGESIMUM SEXTUM.

*De sudore sanguineo, & sanguineis lacrymis a corpore,
& oculis Servorum Dei manantibus, & de lumine,
& splendore, quibus eorum facies
aliquando resurget.*



Ost Cœnam fa- ctam a Christo Domino unà cum Apollolis, refe- runt Evangelistæ, quoddam Hymno dicto, exierunt in Montem Oli- veti. In eo itinere, quantum ex Matthæo, & Marco colligi potest, sermonem habuit Christus cum Discipulis, in quo & eorum scanda-

lum, & mortem suam, suamque re- surrectionem iterum prædixit. In eo- dem itinere Christus pertransiit Tor- rentem Cedron, qui per vallem fluit, quæ inter Montem Olivarum, & Hierusalem interjacet, ac tandem pervenit ad Villam Gethsemani ad radices Montis Olivarum. Erat au- tem ibi Hortus, in quem ingressus est cum Discipulis, ut oraret. Tria autem sunt potissima, quæ ab Evan- gelistis narrantur facta in illa oratio- ne:

ne: primum, quod cepit Iesus *patere*, & *tedere*, & *manus esse*; secundum, quod oravit ad Patrem illis verbis: *Pater, si possibile est, transeat a me Calix iste: verumtamen, non mea, sed tua voluntas fiat*; tertium. Sanctus Lucas cap. 22. solus addit: *Est factus est sudor ejus, sicut gutta sanguinis decurrentis in terram*.

2 Factum hoc sudoris sanguinei olim desiderabatur in nonnullis vultis Græcis Exemplaribus, & in multo pluribus Latinis, teste Sancto Hilario de Trinitate lib. 10. cap. 41. ubi hæc habet: *Nec sunt ignorandum nobis est, & in Græcis, & in Latinis Codicibus quamplurimis vel de adveniente Angelo, vel de sudore sanguinis nihil scriptum reperiri*. Textum enim nonnulli ab Exemplaribus expunxerant, ne Christiani nominis olores eâ historiâ abuterentur, ut indigna Jesu Christo incommoda tribuerent. At, cum antiquissimi Ecclesiæ Patres memoratam partem Evangelii Luca tamquam canonicam receperint, de ea citra Fidei detrimentum dubitari non potest, & præsertim, postquam Sacrum Tridentinum Concilium Sess. 4. definivit, Libros Scripturæ integros esse suscipiendos cum omnibus suis partibus, prout in Catholica Ecclesia legi consueverunt, & in Vulgata Latina Editione habentur.

3 Theophylactus in memoratum cap. 22. Sancti Luca, & Euthymius in cap. 4. Sancti Matthæi in eo sunt sensu, quod Sanctus Lucas per hyperbolem locutus sit, cum non dixerit, Christum sudasse sanguinem, sed sudorem ejus fuisse sicut sanguinis guttas, & cum juxta communem loquendi modum dicatur, amarè flentem flere sanguinem, & interno laborum nimium sudantem sanguinem suda-

re. Interpretatio hæc autem ab omnibus rejicitur, cum Evangelii littera communi sensu Ecclesiæ a temporibus Apostolorum intellecta præferat, Christum verum sanguinem sudasse, & cum particula illa *quasi* non semper significet in Sacra Scriptura similitudinem, sed interdum veritatem = *Vidimus gloriam ejus gloriam quasi Unigeniti a Patre* = uti pluribus prosequuntur Suarez in 3. part. Divi Thomæ tom. 2. disput. 46. art. 8. sect. 2. Maldonat. in Mattheum cap. 26. num. 37. Cornelius a Lapide in cap. 22. Luca vers. 44. §. Nota secundò, Calmet in sua Dissertatione de Sudore Sanguinis Jesu Christi in Horto Olivæ.

4 Id itaque, quod disputandum superest, hæc præcipue reducitur, an sudor ille fuerit naturalis, vel supernaturalis, & miraculosus. Sanctus Hilarius loc. cit. sudorem illum putavit miraculosum: *Sudorem vero nemo infirmitatis audebit deputare, quia & contra naturam est sudare sanguinem, nec infirmitas est, quod potestas non secundum naturam consuetudinem gessit*. Subscribit Venerabilis Beda in Lucam cap. 22. sequentibus verbis: *Nemo sudorem hunc infirmitati deputet, quia & contra naturam est sudare sanguinem*. Gaspar a Reyes quest. 86. num. 25. postquam retulit causas, ex quibus sudor sanguineus promanare potest, quarum primam refundit in sanguinem crudum multo sero dilutum, & ab hepate non probe confectum, secundam in ebullitionem fervidiorum spirituum, animique immodicam exardescentiam, tertiam in maximam animi anxietatem, & tristitiam, concludit, de sola hac tertia causa naturali dubitari posse in sanguineo sudore Christi; sed eam excludit, cum

mœror, tristitia, & metus sanguinei sudoris causa esse non possint, nisi morbosam dispositionem in corpore inveniant, quod de Corpore Christi Domini dici non potest: & hanc eandem sententiam sequuntur Silvacicus Controv. 5. Medic. in fine, Scophanus Roder. Cast. in Libro, cui titulus = *QUÆ EX QUIBUS* = lib. 1. cap. 23. & quod in Corpore Christi qualitates ita fuerint temperatæ, & ad pondus assumptæ, ut ejus Corpus ab intrinseco non fuerit capax ægritudinis, post Divum Thomam 3. part. quæst. 14. art. 4. latè offendit Durantus ad Revelationes Sanctæ Birgittæ lib. 1. cap. 37. notâ primâ.

§ Alii e contra, sudorem illum sanguineum naturalem in Christo fuisse, autumant. Plura de hoc argumento habentur apud Sanctum Bernardinum Senensem tom. 1. serm. 51. de Passione Domini cap. 2. pag. 310. col. 2. ubi ita scribit: Tanta denique fuit in Christo orationis vehementia, atque tam horribilis in anima ejus sensibilis imaginatio mortis, ac mentis admirabilis agonia, quod, sicut Lucas refert, factus est sudor ejus sicut gutta sanguinis decurrentis in terram: & licet plena ratio naturalis non possit reddi de tam stupendo doloris figuro in sudore sanguineo, nihilominus dici potest, quod aliquantisper, dispositivè timor, & amor belantes in corde Jesu quod ad suum sensitivum in causa existerunt; dum enim attenderet, tam grave bellum super se verissimè imminere, timore concussit sensitivum suum, ex quo sanguineus humor suis ad interiora reductus. Super hunc autem timorem rejiciendum fortissimus, & ferventissimus amor tamquam mira magnitudinis malleus repercutiens, & ipsum excludens omnes poros Corpo-

ris Jesu Christi, & venam largiter relaxavit, ut sic de toto Corpore fluere sanguineus sudor decurrere in terram. Stat pro naturali causa sudoris Cardinalis Cajetanus in Lucam cap. 22. ubi ait: Deficiente aquositate sanguinis, qua est materia sudoris, nonnihil quoque sanguinis emisit. Erat enim Corpus Jesu exhaustum, & magnitudo passionum polens violenter sudorem populi simul aliquid sanguinis, deficiente sudoris materia. Sequitur Suarez loc. cit. = Christus Dominus absque speciali Miraculo sanguinem sudavit ex vi interius afflictionis, & agonia, quam in illa oratione passus est, assertque theologicam rationem: si enim, ut ipse ait, Sanguis ille miraculosè esset emissus, & non ex vi interioris afflictionis, non fuisset signum certum, & evidens maximi angoris, & tristitiæ interioris; miraculosè quippe potuisset cum minima afflictione, immo sine ulla emitti. At cumulatius ceteris hoc ipsum argumentum prosequitur Calmet in sua Dissertatione, ubi, postquam latè exposuit mœrorem, & dolorem, quibus Christus Dominus affectus est, concludit, tot simul confertas passionnes cursum animalium spirituum interceptisse, sanguinis motum, ac secretionem tandem omnes repressisse, confirmatum Jesum ab Angelo, ac Voluntati Divinæ se totum submittentem, hominum insuper caritate inflammatum ad amplectendam mortem animo convolasse; redditum tunc pristinum spirituum cursum, reclusos cutis meatus, & sanguinem unâ cum sudore defluxisse. Exempla sanguinei sudoris, & sanguinearum lacrymarum citra ullum Miraculum profluentium, atque anatomicas, & phycas rationes si quis scire velit; prædictam Dissertationem undequaque

cre-

eruditam legere potest, quam citatus Calmet ingenue fatetur se exarasse, collatis studiis cum Domino Aliot de Mulley Medicinæ Doctore in Facultate Parisiensi. Alia habentur apud Marcellum Donatum de *Medica Historia mirabili lib. 1. cap. 2.* & apud a Rejes *cit. quest. 86.* quæ perfectè demonstrant, non solum ex infirmitate corporis, sed etiam ex morbositate, animique dolore naturaliter lacrymas, sudoremque sanguineum manasse. Joannes Maldonatus *tom. 1. in Evangelia in cap. 26. num. 38. Matthæi inquit: Audivi ex his, qui viderunt, aut cognoverunt, ante annos duos Lutesia Parisiorum hominem robustum, ac bene valentem, auditâ in se capitis sententiâ, sudore sanguineo fuisse persusum. Alterius etiam, qui ex mortis timore in sanguinis sudorem repente incidit, meminit Thuanus lib. 11. Historiarum, & ex eo Jonstons in Thaumaturgraphia class. 10. art. 5. ubi sic: Praefectus Montis Marini, cum in obsequio ejus ab Augusto Salanciorum Principis Filio Nobis quasi ad colloquium fuisset vocatus, & captivus detentus, morsque interminata, nisi locum traderet, tantopere indigna mortis metu affectus est, ut sanguineum sudorem toto corpore funderet.*

6 Docent Theologi cum Divo Thoma 3. part. *quest. 15. art. 4.* passionem animæ in Christo Domino fuisse, aliter tamen, ac in nobis; in nobis enim plerumque hujusmodi passionem feruntur ad illicita, quod non fuit in Christo; in nobis frequenter hujusmodi passionem præveniunt judicium rationis, sed in Christo omnes motus sensitivi appetitus oriebantur secundum dispositionem rationis; in nobis denique quandoque hujusmodi motus non sunt in appetitu sensi-

tivo, sed trahunt rationem, quod certè in Christo non fuit. Idem Sanctus Doctor *art. 6.* ostendit, in Christo fuisse tristitiam, & *art. 7.* fuisse timorem, aliter tamen, quam in nobis, cum nos timeamus ob incertitudinem futuri eventus, at Christus hoc modo non timuerit. En ejus verba: *Sicut tristitia causatur ex apprehensione mali presentis, ita timor causatur ex apprehensione mali futuri. Apprehensio autem mali futuri, si omnimodam certitudinem habeat, non inducit timorem: unde Philosophus dicit, quod timor non est, nisi ubi est aliqua spes evadendi; nam, quando nulla spes est evadendi, apprehenditur malum ut præsens, & sic magis causat tristitiam, quam timorem. Sic ergo timor potest considerari quantum ad duo. Uno modo quantum ad hoc, quod appetitus sensitivus naturaliter refugit corporis læsionem, & per tristitiam, si sit præsens, & per timorem, si sit futura: & hoc modo timor fuit in Christo, sicut & tristitia. Alio modo potest considerari secundum incertitudinem futuri eventus, sicut, quando timeamus ex aliquo sonitu, quasi ignorantes, quid hoc sit: & quantum ad hoc timor non fuit in Christo.*

7 Admissis itaque in Christo passionibus modo explicato, quemadmodum naturaliter in aliis hominibus vehementi passione modo humano affectis potuit naturaliter sudor sanguineus a corpore, potuerunt lacrymæ sanguineæ ab oculis emanare, potuit etiam in Christo Domino ob animi passionem uti supra explicatas citra Miraculum ejus sudor fieri sicut guttæ sanguinis decurrentis in terram: & ex hoc efficitur, ut, si aliquando in evolvendis Actis Servorum Dei, sive Beatorum similia occurrant, hæc a classe Miraculo-

rum

360 De Serv. Dei Beatif. et Beat. Canoniz.

rum arcenda sint, quemadmodum etiam annotavit Pignatellus *Consult. 43. tom. 5. per totam.*

8 Hæc quò ad lacrymas sanguineas, sudoremque sanguineum. Nunc ad radios, & splendores descendendo, in *Evangelio Sancti Matthæi cap. 17.* habetur, Christum Dominum secum assumpsisse Petrum, & Jacobum, & Joannem fratrem ejus, & duxisse illos in Montem excelsum seorsum, & transfiguratum fuisse ante eos: *Et transfiguratus est ante eos, & resplenduit facies ejus sicut Sol, vestimenta ejus facta sunt alba sicut nix.* De eadem Transfiguratione loquitur Sanctus Marcus in *Evangelio cap. 9.* = *Et vestimenta ejus facta sunt splendentia, & candida nimis sicut nix, qualia fullo non potest super terram candida facere* = & in *Evangelio Sancti Lucæ cap. 9.* legitur: *Et facta est, dum oraret, species vultus ejus altera, & vestitus ejus albus, & resplendens.*

9 Non indicatur Mons, in quo contigit Christi Transfiguratio: quocirca nonnulli putant, eam factam fuisse in Monte Oliveti; sed perperam, cum Mons hic non excelsus, sed humilis potius sit. Alii opinantur, eam contigisse in Monte parùm remoto a Lacu Genezareth, quos sequitur Calmet ad dictum cap. 17. *Matthæi*; & adhæret Bernardus Lamy in *Apparatu Geograph. cap. 12.* Sed communior Patrum sententia est, Christum fuisse transfiguratum in Monte Thabor, uti videri potest apud Sanctum Hieronymum *Epist. 27. ad Eustochium de Epitaphio Paulæ*, apud Sanctum Cyrillum Hierosolymitanum *Catechesi 12.* apud Sanctum Joannem Damascenum in *Sermone de Transfiguratione Domini*, &

apud Venerabilem Bedam *lib. de Locis Sanctis cap. 17.*

10 Transfiguratio idem sonat, ac Metamorphosis apud profanos Scriptores: sed ita res non se habet apud Scriptores Ecclesiasticos; unde in 2. ad *Corinthios cap. 11.* dicuntur Pseudoapostoli sese transfigurare in Apostolos Christi solâ externi ministerii æmulatione, & Satanas dicitur transfigurare se in Angelum lucis ob id unum, quòd quandoque nonnulla hominibus suggerit in specie bona, ut eos fallat. At, præse loquendo, de Christi Transfiguratione dici nequit, Christum sic fuisse transfiguratum, ut aliquam mutationem vel substantiam, vel corporis passus sit, veluti benè explicat Sanctus Hieronymus in cap. 17. *Matthæi* sequentibus verbis: *Nemo putet, Christum per hoc, quòd transfiguratus dicitur, pristinam formam, & faciem perdidisse, vel amisisse corporis veritatem, vel assumpsisse corpus spirituale, vel æereum; sed, quomodo transfiguratus sit, Evangelista demonstrat dicens = Resplenduit facies ejus sicut Sol, vestimenta autem facta sunt alba sicut nix = ubi splendor faciei ostenditur, & candor describitur vestium: non substantia tollitur, sed gloria demonstratur = & in Epist. 61. adversus errores Joannis Hierosolymitani cap. 10. = Dominus noster in Monte transfiguratus est in gloria, non ut manus, ac pedes, ceteraque membra perderet, & subito in rotunditate vel Solis, vel Sphæræ volveretur, sed eadem membra Solis fulgore rutilantia Apostolorum oculos perfringerent: unde & vestimenta ejus mutata sunt in candorem, non in aerem, ne foris & vestes ejus asseras spirituales.*

11 Evangelistæ mentionem fecerunt faciei: verisimile tamen est, totum

tum

tum Corpus fuisse claritate perfusum, cum totum dicatur transfiguratum, seu transformatum, & cum totum Animâ beatâ informaretur, uti prosequitur Sanctus Hieronymus in citata Epistola = *Et facies ejus fulgebatur sicut Sol. Ubi autem facies nominatur, existimo, quod & cetera membra conspecta sint* = pluribusque annotavit Suarez in 3. part. Divi Thomæ tom. 2. *quest. 45. disput. 32. scilicet. 1. 5. Tertium dubium est. De Transfiguratione multa legi possunt apud Sanctum Thomam 3. part. quest. 45. art. 1. & tribus sequentibus. Art. autem 2. Sanctus Doctor bene docet, & probat, claritatem Corporis Christi in Transfiguratione ab ejus Anima profectam fuisse, & a Supposito Divino ipsi hypostaticè unito; quamvis enim gloria Animæ Christi a momento conceptionis Beatitudine perfusæ in Corpus non redundaverit, ita disponente Deo, ne impediretur Redemptionis Mysterium, nata tamen erat ad sese in Corpus effundendam, prout in Transfiguratione effudit ad breve temporis intervallum, non per modum qualitatis immanentis, sed per modum passionis transeuntis pro Apostolorum consolatione.*

12 Doctrina hæc Sancti Thomæ aperit viam controversiæ, an eximia illa claritas, quæ visa est in Transfiguratione, naturalis fuerit, an miraculosa. Porro, miraculosam fuisse, certum est: sed punctus est in videndo, quæ in re Miraculum statui valeat. Putant nonnulli, eam splendoris interni in Christi Corpus effusionem, & emanationem, qualis visa est in Transfiguratione, Miraculum re ipsâ non fuisse, sed Miraculi cessationem, quo claritas illa

prius repressa continebatur. Ita sentire videtur Calmet ad cit. cap. 17. *Matthæi*. At verius est, multiplex contigisse Miraculum, & quoddam Corpus Christi, stante ipsius Animæ Beatitudine, non fulserit ab instanti conceptionis, & quoddam idem Corpus, non obstante illius passibilitate, fulserit in Transfiguratione: quinimmo in ipsâ Transfiguratione duplex fuit Miraculum; alterum, quoddam effusio gloriæ ab Anima Christi in Corpus per modum dotis permanentis sibi debiti impedita sit; alterum, quoddam, licet Deus totius naturæ Author constitueret, ut Gloria Animæ Christi toto illius vitæ naturalis tempore non efflueret in Corpus, ut per dolores, & passionem suam Redemptionis nostræ Mysterium expleret, contra tamen statutum illum ordinem permisit, ut in Transfiguratione splendor gloriæ ex Anima Christi proveniens faciem, Manus, & Pedes, & cetera Corporis Membra pervaderet, veluti bene explicat Pater Gravelon, de Mysteriis, & Annis Christi dissert. 14. §. 2. *vers. Ad alterum dubium*: quod ipsum antecederet latè probatum fuerat a Cardinali Cajetano ad 3. part. Divi Thomæ quest. 45. art. 2. ubi ait, ex dispensatione Divina factum esse, ne Anima Christi ab initio beata ex sua naturali redundantia Corpus clarificaverit, & quoddam Corpus passibile in Transfiguratione refulserit sicut Sol: *Concede ergo, quoddam utrumque miraculosum fuit, scilicet & Corpus Christi non fulgere, & sic fulgere in Transfiguratione. Sed primum spectat ad primum, & quasi universale, antiquumque Miraculum in Incarnatione factum, quo suspensa est redundantia gloria ab Anima in Corpus Christi, ut haberet Corpus passibile, pro nostra salute*

novitio : secundum autem spectat ad speciale Miraculum, quo nunc actualiter Corpori passibili praeistum est, ut fulgeret ; & , animadverso , quod Christi Corpus erat passibile, dum transfiguratum est, bene animadvertit Abulensis ad cap. 17. *Matthai quest. 31.* ubi sic loquitur : Dicendum tamen , quod claritas Corporis Christi transfigurati fuit claritas gloriosa , vel claritas gloria : non tamen fuit claritas Corporis gloriosi , vel glorificati ; & ob hoc erat Miraculum , talem claritatem esse tunc in Corpore Christi : nam, si esset Corpus glorificatum , haberet jam dotes , & non esset Miraculum ; cum tamen non esset glorificatum , & haberet qualitatem gloriae , erat Miraculum : quod ipsum repetit *quest. 34.*

13 De Moyse , qui unà cum Elia apparuit in Christi Domini Transfiguratione , habetur Exod. 34. = Cùmque descenderet Moyses de Monte Sinai , tenebat duas Tabulas Testimonii , & ignorabat , quod cornuta esset facies sua ex consortio sermonis Domini . Videntes autem Aaron , & Filii Israel cornutam Moysi faciem , timerunt prope accedere . Vocatique ab eo , reversi sunt tam Aaron , quàm Principes Synagoga : & , postquam locutus est ad eos , venerunt ad eum etiam omnes Filii Israel , quibus praecepit cuncta , quae audierat a Domino in Monte Sinai . Impletisque sermonibus , posuit velamen super faciem suam . Qui Exodi texrus refumitur ab Apostolo in cap. 3. secunda Epistola ad Corinthios = Quod si ministratio mortis litteris deformata in lapidibus fuit in gloria , ita ut non possent intendere Filii Israel in faciem Moysi propter gloriam vultus ejus , quae evacuatur , multò magis abundat ministerium justitiae in gloria . Pictores fronti Moysi cornua affigunt , sed parùm aptè ; cornuta quippe facies , de

qua loc. cit. Exodi , nihil aliud fuit , quàm facies lucida vibrans radios luminis , & ejus quasi cornua emittens , ut ad cit. cap. 34. Exodi latè prosequuntur Cornelius a Lapide *vers. 29. notab. 3.* & Calmet ad eundem *vers. 29.* Sanctus Thomas super 2. ad Corinthios cap. 3. apertè favet huic interpretationi : Apostolus argumentatur ex hoc , quod habetur Exodi 34. ubi littera nostra habet , quod Moyses habebat faciem cornutam , ita quod non possem &c. Alia littera habet faciem splendidam , quod melius dicitur . Non enim intelligendum est , eum habuisse cornua ad litteram , sicut quidam eum pingunt ; sed dicitur cornuta propter radios , qui videbantur esse quasi cornua . Sequuntur Molanus , Lipomanus , Augustinus Steucus , aliique collecti ab erudito Viro Joanne Interian de Ajala in suo celebri Opere , cui titulus = PICTOR CHRISTIANUS ERUDITUS = Martini edito anno 1730. utl videri potest lib. 3. cap. 13. num. 4. & in Appendice cap. 2. num. 3. Splendorem hunc ex consortio Moysi cum Deo derivatum esse , Sacra Scriptura testatur : quocirca de Miraculo non est dubitandum , quod Deus operari dignatus est , ut amorem suum erga Moysen declararet , ut Legem Israelitis promulgandam certissimo hoc characterè Divinam , & a se manantem ostenderet , terroremque incurreret , ne eam deinceps Populus violare auderet , & ut auctoritatem Moysi apud Populum conciliaret . Et , quamvis Scriptura non exprimat , quamdiu duraverit splendor vultus , Sanctus nihilominus Ambrosius in *Psalm. 118.* quem sequitur Abulensis , putat , perdurasse usque ad ejus mortem , & sic Moysen post primum cum Populo colloquium deinceps usque ad mortem fa-

faciem suam velasse, cum Populum alloquebatur. Differt autem claritas Christi a claritate Moyfis, quod Christi claritas fuit verè claritas gloriæ, juxta ea, quæ in superioribus dicta sunt; claritas autem Moyfis habuit aliquam tantum similitudinem cum claritate gloriæ, uti prosequitur Abulensis in cit. cap. 17. *Matthæi quest. 33. & 35.* & benè annotarunt Rotæ Auditores in *Relatione Cause Sancti Ludovici Bertrandi ad tit. de Splendore visio in obitu.*

14 Si quis in hoc Caput transcribere vellet radios, lumina, & splendores, qui in facie Sanctorum, dum viverent, apparuerunt, & qui inter Miracula recensentur, numquam finem Capiti imponeret. Cumulantur exempla apud Thomam Bozium lib. 15. de *Signis Ecclesiæ* cap. 5. apud Bagattam de *Admirandis Orbis Christiani* lib. 1. cap. 1. §. 4. apud Corneliolum a Lapide in *Exodum* cap. 35. in *Moralibus* vers. 39. Præter infra afferenda, similia passim occurrunt in *Actis Sanctorum* collectis a Bollandis, ejusque Continuatoribus, apud Surium in *Vitis Sanctorum*, & alibi passim; & de Canonizatione Scribentes, splendores prædictos indicia Sanctitatis esse, & sic inter Miracula recensendos, testantur: Castellin. de *Certitudine Gloriæ Sanctorum* cap. 6. num. 7. Contelor. de *Canonizatione Sanctorum* cap. 14. num. 22. Bordon. *Controv. Moral.* 13. de *Canonizatione Sanctorum* sub num. 24. vers. *Splendor, & claritas*, Pignatell. *Consulte.* 69. num. 6. tem. 4.

15 Bis præcipuè de hisce radiis, & splendoribus actum est in Causis Canonizationis, in *Causa* videlicet *Sancti Ludovici Bertrandi*, & in *Causa Sancti Ignatii*: cum enim Sancti Ber-

trandi anima a corpore separaretur, quædam lux, seu insignis splendor instar lucidissimi radii ex ore morientis exire visus est, qui mirificè totum Cubiculum illustrans astantes omnes, qui frequentes undique convenerant, non mediocri stupore, & gaudio affecti; & in facie Sancti Ignatii Loyolæ quidam supernaturalis splendor refulsit, de quo testatus est Sanctus Philippus Neri, uti refert Mascijus in *Vita Sancti Ignatii*, & etiam annotavit Petrasancta in *Thaumasia vera Religionis* tom. 1. cap. 31. §. *Ad hoc.*

16 In *Causa Sancti Ludovici Bertrandi* Auditores Rotæ in *Relatione*, supra citata, perpenso facto, quætionem excitarunt, an claritas illa fuerit claritas gloriosa Beatorum, anima, quippe tunc erat a corpore separata, vel potius claritas esset naturalis quodammodo conditionis, & similis prædictæ claritati gloriæ. Lux enim gloriosa, quæ effectivè sit ab anima glorificata, & ab ea in corpus iterum ei unitum redundat, uti explicat Sanctus Thomas in 4. contra *Gentes* cap. 86. ubi sic loquitur = *Sicut igitur anima Divinæ Visione fruens quadam spirituali claritate replebitur, ita per quandam redundantiam ex anima in corpus ipsum corpus suo modo claritatis gloriæ induitur* = non differt specie a nostra luce, licet prodeat a causa diversa: ex quo elicitor, ut lux corporis gloriosi videri possit, & visa fuerit ab oculo non glorificato, uti contigit in Transfiguratione Christi, & uti fiet in extremo Judicio, in quo reprobi eam lucem visuri sunt, juxta illud *Apocalyp.* 1. vers. 7. = *Videbis eum omnis oculus, & qui eum pupugerunt* = & est expressa sententia Divi Thomæ in 4. *Sens. dist.*

364 *De Serv. Dei Beatif. et Beat. Canoniz.*

dist. 44. quest. 2. art. 4. quæstionne. 2. Ad primum, ubi ait: Claritas gloriæ erit alterius generis, quàm claritas naturæ, quantum ad causam, sed non quantum ad speciem; unde, si claritas naturæ ratione suæ speciei est proportionata visui, ita claritas gloriosa. Quæstio, uti dictum est, fuit excitata, sed nec ab ipsis Rotæ Auditoribus resoluta, nec a Sacra Congregatione: licet enim lux inter Miracula fuerit recensita, de qualitate tamen lucis, an esset videlicet claritas gloriosa, an verò naturalis, & a Deo effecta (prout probabilis videbatur esse dicendum) ut morientis Sanctitatem ostenderet, nullum fuit latum iudicium. In Causa autem Sancti Iognatii ad tit. de Temperantia, post comprobata sufficientibus probationibus lucem, quæ in ejus facie refulgebat, Auditores Rotæ sapienter subdiderunt, quòd, attentâ heroicitate Virtutum ipsius, bene dici poterat, claritatem illam, quæ gloria vultus ab Apostolo appellatur, communicatam ipsi fuisse ex consortio sermonis Dei, & datam a Deo in signum specialis amoris, magisquæ ejus inter homines reverentiam.

17 De hac materia agit Theophilus Raynaudus *Operum tom. 9. punct. 3. pag. 71.* cum tractat de fulgore faciei in Sancto Francisco Paulano, dum viveret; & ibi, postquam attulit exempla aliorum Sanctorum, quorum vultus simili splendore fulserunt, & post resumptam doctrinam supra traditam de splendore Corporis Christi Domini in Transfiguratione, ejus videlicet originem fuisse Christo internam, cum ob unionem hypostaticam, & ob Beatitudinem, qua ejus Anima potiebatur, debita esset Corpori dos illa

gloriæ, quæ contra connaturale debitum grandi Miraculo suspendebatur, ne in Sanctum Dei redundaret, inquit, lucem illam in Christi Corpore fuisse lucem veram, cum esset connaturale corollarium Animæ fruētis Beatitudine, a qua spectra nuda, & apparentias oculis imponentes exulare oportebat, in Sanctis autem adhuc in hac vita manentibus nullam lucis causam intrinsicam esse, nec aliquid esse, quod evincat, eam lucem, quæ in illis aliquando notata est, plusquam apparentem fuisse, concludens, sic rem se habuisse in splendore prodeunte a facie Sancti Francisci Paulani: *Itaque hoc phænomenon, quod fuisse aliquando deprehensum in Sancto Francisco præmisimus, neque ex intrinseca radice prodibat, neque positivum quid, ac reale erat, sed apparentia dumtaxat aliis plerisque Sanctis cum Sancto Francisco communis.* Pignatellus *Consult. 43. tom. 5.* quærit, an lux, & splendor prodeuntes a facie, aut corpore Sanctorum adhuc viventium fuerint physica, & realia accidentia, an intentionalia tantum, Deo videlicet ea per se ipsum, vel per Sanctos Angelos exhibente, ut Servi sui honorentur; & in quæstione resolvenda distinguit inter splendores per diuturnum tempus viros a multis, & splendores ad breve temporis spatium ab aliquibus perspectos, & inquit, in primo casu dubitandum non esse de physicis qualitatibus divinitus impressis, aut ab Angelis applicatione activorum idoneorum ad passiva causatis, ut Servorum Dei Sanctitas propalaretur, at in secundo casu nihil esse, quod evincat plus, quàm apparentiam lucis a Deo, aut a Sanctis Angelis excitatam per aliquam mutationem pro-

Lib. IV. Pars Prima Cap. XXVI. 365

portionatam videntibus. Gaspar a. Rejes *quæst.* 36. num. 9. admittit, similes splendores esse posse, & aliquando fuisse Dæmonis commentum, ut suos, quos præ cæteris extollere cogitabat, tali vastitia redderet admirandos; & ad hanc classem refert igneam illam lucem, quæ, teste Livio *lib.* 25. emicuit ex capite Marci Romani Ducis strenui duorum Exercituum, & ignes ardentes, qui ante Julii Cæsaris mortem in nonnullorum capitibus visi sunt. At nos, relictis his, quæ ad Dæmonem pertinent, quæque, uti sæpe dictum est, nihil habent commune cum præfenti nostro instituto, in quo agitur de Causis Beatificationis, & Canonizationis, in quibus de Miraculis iudicium non profertur, nisi post discussionem, approbataque Virtutes in gradu heroico, quæ Dæmonis astus averunt, descendimus ad verum questionis punctum, hoc est, ad examinandum, quando lux, & splendor apparens in facie, aut in corpore Servorum Dei adhuc viventium nature, aut Miraculo adscribi debeant.

18 In *cap.* 1. *Libri Geneseos* legitur, a Deo lucem creatam primâ die creationis Mundi = *In principio creavit Deus calum, & terram. Terra autem erat inanis, & vacua; & tenebra erant super faciem abyssi; & spiritus Domini ferebatur super aquas. Dixitque Deus: Fiat lux: & facta est lux* = & quartâ die ab eo fuisse creatos Solem, & Lunam: *Fecitque Deus duo luminaria magna, luminare majus, ut præfset dies, & luminare minus, ut præfset nocti.* Vallesius de *Sacra Philosophia cap.* 1. inquit, consentaneum fuisse rationi, ut lux prior esset Sole, licet, Mundo jam perfecto, a Sole pendeat: *Melius fuit, lucem fieri a primo die, ut An-*

di vitam, dumque nondum erat Sol, ab ipso Mundi Parente pendere; non aliter ac in hominis cujusque ortu, qui non hac solum in re, sed in multis aliis similis est ortui totius Mundi, evenit, ante eor gigni umbilicum, & hepar, & in illis facultatem esse vitalem pendente a matre, tamen in animali jam integro non aliunde, quàm a corde, ea facultas esse potest: ita, inquam, lux, quæ in Mundo jam perfecta a Sole pendet, in illo inchoato pendebat a Parente. De hac luce ante Solem creata Sancti Basilii, & Nazianzenus dixerunt, fuisse lucem spirituales; alii, fuisse corpus lucidum instar materis, ex qua postmodum in partes distincta; ac divisa, velut in igneos globos, Sol, Luna, & Stellæ factæ sunt. Sanctus Bonaventura *dist.* 13. *art.* 1. *quæst.* 1. lucem illam pronuntiat fuisse corporalem, atque sensibilem. At Sanctus Augustinus videns, sex priores dies, quibus Moyses Mundum a Deo creatum scribit, si litteraliter accipiantur, gravissimis subijci difficultatibus, in *lib.* 4. de *Genesi ad litteram cap.* 28. modestè dubitando, novam explicationem excogitavit, nempe, dies illos esse intelligendos mysticè, juxta cognitionem Angelicam de rebus in Deo, & in proprio genere, & juxta ordinem rerum simul a Deo creaturarum dierum etiam ordinem in Angelorum mente designasse. De hac interpretatione, sive explicatione Sancti Augustini mentionem facit Divus Thomas 1. *part.* *quæst.* 74. *art.* 2. ubi profertur, se ei nolle prejudicare; eamque a qualibet censura strenuè vindicat claræ memoriz Cardinalis Norisius in *suis Vindiciis Augustinianis §.* 9.

19 De luce inter Philosophos disputatur, an sit substantia, vel accidens. Nonnulli dicunt, non esse substantiam.

stantiam incorpoream, neque corpoream; non incorpoream, quia videri non posset; non corpoream, quia non posset aerem penetrare; & sic concludunt, esse accidens, non quidem incorporeum, ut est notitia intellectiva, sed corporale, hoc est, affectionem, aut passionem corporis ejuspiam. Pater Franciscus Maria Grimaldus Bononiensis Societatis Jesu insignem edidit *Traſſatum de lumine, coloribus, & iride, & aliis annexis*. Indecisam autem in eo reliquit controversiam, an lumen sit corporea substantia, subtilissima tamen, & actuosissimo impetu profusa per corpora diaphana, an verò lumen sit accidens subjectabile in corporibus diaphanis, & miro quodam modo in pluribus naturam, ac proprietates ceterorum accidentium exsuperans. At novissimè Pater Regnault ex eadem Societate in suis *Dialogis Physicis Veneta Editionis tom. 2. pag. 300.* latè ostendere conatur, lucem esse materiam, seu substantiam, cum organum visus offendat, & corpus tantum illud sit, quod tangens aliud corpus illud dolore possit afficere. Addit, materiam hanc esse subtiliorem aere, cum vitrum penetret, esse verisimiliter globulosam, & agitatam, cum fibras perturbet, & esse longè velociorem sono. Suffragantur huic opinioni nonnullæ experientie factæ a Boyle, de quibus apud Deerham in *Demonstratione de Essentia, & Attributis Dei lib. 1. cap. 4.*

20 Sed, quidquid sit de his opinionibus, quas retulisse satis erit, in eo, quod attinet ad nostrum præsens institutum, quando disputandum proponitur, an lux, splendores, seu radii apparentes in vultu Servorum Dei adhuc viventium naturæ, vel

Miraculo sint adscribendi, prima difficultas desumi potest ex Testibus, qui eas res se vidisse, testantur; præter enim qualitates necessarias in Testibus, de quibus alibi actum est, ut eis fides adhibeatur, operæ pretium est animadvertere, nonnullos esse, qui vident splendores, & radios, & objecta putant ab eis illustrari, licet nulla illustratio prædicta objecta afficiat. Galenus in 1. de *Arte curandi ad Glaucum* sic scriptum reliquit: *Si capite molestati, splendores videre, imaginantur, futura crisi per sanguinis narium fluxum significat*: quod pariter repetit ad text. 4. lib. 2. de *ratione viſus actorum*, ubi explicans illud Hippocratis, quòd inter cetera symptomata, quibus ægri primis diebus a Medicis fame cruciati, exhibitis postea cibis, incertos, & discurrentes lucis splendores se videre dicunt, docet, id fieri ob eam, quæ a ventre sursum fertur, exhalationem, & evaporationem, & ob sanguinis abundantiam, qui ad caput fertur. Experientiâ quoque patet, quòd expectecti noctu lumen primo intuitu videamus. Narrat Marcellus Donatus de *Medica Historia mirabili lib. 2. cap. 9.* se vocatum fuisse ad curam medicam præstandam cuidam nobili Fœminæ, quæ, cum pluries oculorum inflammatione laborasset, in hujusmodi tandem malum inciderat, ut Mensè Januario, jam occidente Sole, ab Ancillis percunctaretur, an Solares radii thalamum illuminarent; se enim undique splendores videre affirmabat, & nocte totâ, clausis fenestris, & luminaribus extinctis, agebat, se sub Sole versari, & astantium umbras in Sole videre. Idemque Donatus causam investigans docet, quòd, spiritibus animalibus visioni inservientibus, vel etiam

Lib. IV. Pars Prima Cap. XXVI. 367

tiam visionis instrumentis malè affectis, visio valde imminuitur, atque debilitatur; & hinc fit, quòd radii visorii ad oculorum superficiem levigatam retrocedentes, & iterum retroreflectentes efficiunt, ut videantur splendores, & irradiationes, quæ nullo modo sunt circà objecta: quæ ratio an subsistens sit, vel insubsistens (cà quippe admittà, idem esset videns, & visum) aliorum esto iudicium, cùm pro re, de qua nunc agitur, satis sit, factum innuisse, ut ejus haberi possit ratio in examine Miraculorum, quod assumitur in Sacrorum Rituum Congregatione. Dum fungebatur munere Fidei Promotoris, in Causa cujusdam Servi Dei referebatur a Postulatoribus, ejus vultum irradiatum, & lumine perfusum, dum in Ecclesia concionabatur, fuisse a quodam Teste visum. Porro opposui, factum unico Teste non posse dici probatum, & Testem habuisse caput inclinatum versùs terram, illudque derepente extulisse, & quidem adversùs lumen Solis, cùm Prædicator terga Soli vertere consueverit, & hac de causâ potuisse ab eo videri vultum Prædicatoris lumine circumfusum, licet re verà splendor ab ejus vultu non prodiret.

21 Modò expostitæ difficultati alia succedit absque dubio gravior: præscindendo siquidem ab herbis, & lapidibus nonnullis noctu naturaliter luculentibus, de quibus luculentum edidit *Traſſatum* Conradus Gesnerus, eoque facto omisso, super quo Thomas Bartholinus litteras dedit ad Fortunium Licetum, Carnium videlicet animalium mactatorum in Macello Montis Pessulani inter nocturnas tenebras splendentium, uti videri potest in *Opere* ejusdem Fortunii Liceti de

secundò quasius per Epistolas cap. 18. & cap. 19. certum esse videtur, nonnullas esse flammæ, quæ naturaliter circà hominum capita apparent, ex homine quoque ignem aliquando naturaliter emicare, non tamen in modum flammæ in capite assurgentis, sed potiùs in scintillas se distendentis, & aliquando splendores, & flammæ circà homines apparere, eis autem immediatè non adhærere, sed potiùs baculo, vestibus, aut hiltz.

22 Huc spectant, quæ de Ascanio leguntur apud Virgilium:

*Eccè levis summo de vertice visus
Juli
Fundere lumen apex, taſtque innoxia molli
Lambere flammâ comas, & circum
tempora paſci.*

Huc spectat, quod de Servio Tullo refert Livius *lib. 1. Decadum = Contigit Servio Tullo dormienti, ut caput ejus illaſum arderet, quod indicium fuit futura dignitatis*; quod prodigium Tanaquil Tarquinii Regis Uxor admirata Servium Servà natum in Filii modum educavit, & ad Regium fastigium evexit. De Alexandro Magno in illius *Vita* narratur, quòd in quodam conſpectu cum Indis, illis strenuè obſiſtentibus, irà percitus flammam ex se emiſit. Cohauſen in *Libro, cui titulus = NOVUM LUMEN THOSTHORIS ACCENSUM = part. 1. ſect. 2. ſubſect. 1.* ubi agit de phosphoris animalium, *cap. 1.* agit de luce hominum, & ejus origine, & cauſa. Libertus Fromondus *lib. 2. Meteorologic. cap. 2. art. 3.* agit de igne lambente, ejus figura, & levitate, tenuitate, & pabulo, ubi etiam plura congerit exempla, de quibus quoque

368 *De Serv. Dei Beatif. et Beat. Canoniz.*

que Corfinus in sua *Physica disput.* 3. Et, quatenus veteribus nova superaddenda sint, eadem profectò non deficient. Eusebius Nierembergius scribit de Theodorici Patre, quòd, quoties membra fricabat, flammam ignis a corpore discutebat. Apud Scaligerum, dum cujusdam Mulieris capillus mediis in tenebris pestebatur, ignem vomere videbatur. Cardanus inter admiranda recenset, quòd Monachus Carmelitani Ordinis, quoties capillitium reducebat ad occiput, e capillis scintille ignis erumpebant: & apud citatum Cohausen pag. 93. ex Kirckero refertur, quoties ille Cryptam Romæ subterraneam subibat, toties e comitum sudantium capite quasi faces erumpentes vidisse: & ut cætera prætereantur, dum Franciscus Guidus Juris Peritus nudus in lecto decumbebat, & brachia manufrictione levigabat, flammam evidenter excutere consuevit. Huc denique spectat observatio 75. centur. 2. Petri Borelli pag. 175. = Fuit Rusticus prope Urbem Castrensem Loci Bracadele incolæ, cujus omnia lutea, fila cannabina &c. licet humida forent, in arcis reposita, vel super baculis ad aerem, statim ignem concepit, quod ab innumeris visum est. Cætera similia collecta legi possunt apud Thomam Bartholinum in suo eruditio Tractatu de Lucæ Hominum, & Brutorum lib. 1. cap. 9. & pluribus sequentibus, apud Franciscum Restam in sua Meteorologia lib. 1. cap. 6. apud Fortunium Licetum lib. 2. de Moustris cap. 48. & apud Gasparum a Reyes quest. 35. & novissimè apud eruditum Virum Joseph Blanchini Canonicum Veronensem in suo Opusculo Typis Veronenfibus edito anno 1731. super causa mortis Comitissæ Corneliæ Zangara Bandæ Casenatis. Penes cubile Principis

Vallèsij noctis tempore tum ab ipso, tum ab ejus Uxore quædam flammula visa est. Interrogatus Gassenus, an id Miraculo, vel naturæ esset adscribendum, Epistolam direxit ad Hæureum inter Opera ipsius Gassendi insertam, in qua, allatis exemplis similium splendorum, atque flammularum, phænomenon adscribit naturæ.

23 Ignes isti dicuntur ignes lambentes, eorumque splendores, & flammæ sunt innoxie ob summam materię raritatem, serè ut in spiritu vini accidit, cujus flammæ non tam in extranea corpora multum agit, quàm suum ipsa humorem innoxia depascit, atque consumit, veluti perpendit Franciscus Resta loc. cit. §. Circa materiam. De hoc igne lambente loquitur Sennertus in Epistole Physica lib. 4. cap. 2. Operum tom. 1. ubi hæc habet: Perinet hæc etiam ignis lambens seu adhærescent, qui in hominum capillis, vestimentis, reliquorum animantium pilis, aliisque rebus interdum conspicitur. Addit Sennertus, ignem lambentem oriri ex subtili, & pingui exhalatione per aerem dispersa, & animalium pilis, aut vestibus adhærescente, vel ex sudoribus animalium calidioris temperamenti, aut vehementi motu excalescentium. Frassen in sua Philosophia Academica de Meteoris disput. 2. §. 6. putat, eum formari ab halitu pinguisimo exsiccato motu corporum calefactorum, & accendi vel collisione, vel mutuâ partium attritione. Franciscus Resta loco allegato concordat cum sententia Sennerti asserens, causam materialem prædicti ignis esse tenuissimam, & subtilissimam exhalationem pluribus spiritibus refertam, quæ ex animalibus expirat, & causam efficientem inflammationis esse frigiditatem, quæ

quæ calidissimam materiam in unum constringens occasio est, ut in tenuem flammam splendeat. Qui Paracelsi doctrinam sequuntur, totum hoc facile explicant: cum enim ipse, in corpore humano salis, nitri, sulphurisque materiam inveniri, doceat, difficile admodum non est cogitare, quod de sulphuris tenuissima substantia per modum vaporis aliquid elevetur, cujus tanta ad ignis transmutationem aptitudo sit, ut in ipso motu in flammigerantem illam lucem evadat, & præsertim, si oleaginosæ substantiæ aliquid in vaporibus illis mistum adhæreat. Bodius de *Historia humani sanguinis* part. 2. ad quintam, animalium corpora, & præsertim hominis, per chymicam analysim in maximam sulphuris, ac salis volatilis copiam resolvi, contendit, allato experimento sanguinis exsiccati, & igni admoti, qui instar candelæ flammam concipit. Gaspar a Rejes *cit. quest. 33*, ait, in calidis corporibus ignes hos lambentes accidere posse ob tenuissimos, ac subtilissimos vapores in poris contentos, ibique pinguedinis, & oleaginosæ substantiæ calore liquefactæ aliquid imbibentes, qui, cum a motu magis calefiant, & attenuentur, in exiru aere frigido contracti, & veluti contrarium refugientes, aliquantulum magis condensantur, & inter se colliduntur; ex quo motu fit, ut oleaginosæ, & tenuissima illa materia, ex qua constabant, subito accendatur, & in flammam erumpat.

24 Assertioni Sennerti, Frassen, & Gasparis a Rejes videtur favere posse experimentalis doctrina Sanctorii, qui *sect. 1. de ponderatione insensibilis transpirationis* aphor. 6. probat, magnam effluviuorum copiam exire

corpore humano, ita ut, si cibus, & potus unius diei sit ponderis octo librarum, transpiratio insensibilis ascendere soleat ad quinque libras circiter. Idem Santorius *aphor. 59*, ulterius ostendit, spatio unius noctis sexdecim uncias locii, plus, minusve, quatuor coctorum excrementorum, per alvum, quadraginta, & ultra per occultam transpirationem ut plurimum evacuari: & ad ulteriora descendendo, *aliis in locis* inquit, torporem indicare quemdam calorem in visceribus inclusum, qui insensibilem impedit transpirationem. His præmissis, probabiliter sustineri posset, ex insensibilis transpirationis effluvia esse posse ignis materiam, si potissimum exitus manus confricatione celerior fiat.

25 Sennertus, & Frassen scribunt, non semper ignes hos lambentes esse referendos ad causas purè naturales, sed aliquando excitari ab Authore naturæ ad aliquod præsagium, & portentum designandum. Franciscus Resta in loco *supra citato*, post explicatam naturam ignium lambentium, inquit aliquot ignes innoxios inter Miracula recensendos: *Pluries tamen vero, & insigni Miraculo super omnem naturam vim hæc flamma apparentia circa Homines Sanctos contingit, ut, cum Sancto Soso Diacono Evangelium legenti flamma super caput stetit, ex qua Sanctus Januarius eidem Martyrium prædixit. Spiritus Sancti illapsus in Anastasio Presbytero, & in Formellensi Episcopo simili flammâ indicatus est, cum uterque Sacrum perageret; & paulò post: Sacerd item istâ luce aliorum Sanctorum corpora nitent, & ii, quorum pura oculorum lumina eam bene percipiunt. Hanc bene nova nostra ætatis lumina Sancti Carolus, & Philippus alter in altero af-*

370 *De Serv. Dei Beatif. et Beat. Canoniz.*

piebat. *Hæc ipsa circumfusum idem Sanctus Pbilippus aspexit Divum Ignatium. Sequitur Gaspar a Rejes cit. quest. 35. ubi hæc habet: Caterum, & divinitur aliquando similia accidisse prodigia, ex miraculosis eventibus inferre poterimus, cujusmodi putaverim fuisse illud, quod de Rege Bamba narrat Funeius in Chronicis; nam, cùm Rex inungeretur, Oicum, ait, de se minutissimarum flammarum sparsisse, quod Fidei Christiana acerrimum illum defensorem futurum forsitan indicabat. Similiter, quod de Sancto Martino refert Sabellicus, cui primam Missam celebranti accidit, ex Hostia flammam emicuisse, quod Sancti Viri in Christum maximum desiderium, & animi ardorem ostendisse, pte ex tanto hoc Miraculo inferre, non videtur a ratione alienum. Denique Thomas Bartholinus in suo Tractatu de Luce Hominum, & Brutorum lib. 3. cap. 7. problem. 1. in quo quaerit: An lucis animalis auctor immediatus sit Deus = latè ostendit, a plerisque imperitè has luces, atque splendores faultis, aut in faultis potentis, aut Miraculis adscribi: verè supernaturales, & miraculosos nonnullos splendores admittit immediate a Deo creatos: Dei tamen in verè Divinis opera cum religione debita miramur, qua quidem vix per secula numerantur. In hoc ordine operum Divinorum sub causis mediantibus productionum recensemus lucenter caelesti face vultur Moysi, & Christi, qui a nemine aut lumen receperunt, aut luminis aptum subiectum, qualia in Rubo ardenti, Nube noctiluca, & Fornace Babylonica vi superiori excitata novimus, ut luce Divina terris mista novarum rerum eventus eluceceret: & idem tandem Bartholinus, loquendo de aliis splendoribus, qui aliquando visi sunt in facie, aut in corpore Sanctorum, non negat,*

ea fuisse Miracula, sed ea rejicit ad classem Miraculorum tertii generis, non creatà videlicet luce immediate a Deo, sed Deo in ejus productione causis naturalibus utente, quarum interventus si, Deo jubente, fiat ad aliquid manifestandum, si earum unio juxta consuetum ordinem tunc fieri non debuisset, & facta sit, effectus, qui ab eis sic unitis produciuntur, a classe Miraculorum tertii generis non excluditur, ut videmus in pluviis, in fulminibus, aliisque consimilibus rebus, quæ aliquando in obitu Sanctorum Martyrum contigerunt, & quæ habentur tamquam signa supernaturalia pretiose mortis ipsorum, licet a Deo immediate creatæ non sint, sed a Deo fuerint effectæ per unionem causarum secundarum, quæ tunc juxta consuetum naturæ ordinem uniri non debebant, nec eum producere effectum, ut sæpe in hoc Opere dictum est. En verba Bartholini: In reliquorum corporum splendore Dei interventum non excludimus, sed, ut per media agentia cooperantem necessariè rebus influere, statumur: quæ actio, sicut generatio omnis, & mediata rerum ordinatio, creatio dicitur non semel.

26 Hinc, ad institutum redeundo, retentoque themate in superioribus insinuat, difficultatem videlicet ad duo capita reduci, ad probationem facti, & ad ejus, uti dicitur, relevantiam, in eo, quod attinet ad probationem, hoc est, ad Testes, qui dicunt, se vidisse lucem, & splendorem, præter requisita, quæ omnibus Testibus necessaria sunt, ut eorum dictis fides adhibeatur, de sanitate corporis ipsorum erit inquirendum, an videlicet aliquo ex illis morbis laboraverint, quibus affecti vident splen-

Lib. IV. Pars Prima Cap. XXVI. 371

dores, & radios, dicuntque, objecta ab eis illuminari, licet ab his absit quæcumque lux. Non omittenda quoque erit indago in ordine ad ipsorum phantasiam, cum, juxta doctrinam Divi Thomæ 1. part. quæst. 112. art. 3. in corpore, sensus immutentur dupliciter; uno modo ab exteriori, cum mutantur a sensibili; alio modo ab interiori, quando videlicet, perturbatis speciebus, & humoribus, sensus ipsi immutantur, ex quo fit, quod nonnulli putent, verè oculis videre, quod non vident, & auribus audire, quod non audiunt, juxta illud Horatii =

*Fuit haud ignobilis Argis,
Qui se credebat miras audire Tra-
gædas,
In vacuo letus sessor, plausorque
Theatro:
Cætera qui vitæ servaret munia,
recte
Mirè bonus &c.*

Aurelius Baecius Senensis, Vir gravis, qui retulit, se vidisse circa caput Sancti Philippi Nerii Missam celebrantis splendorem coloris aurei perspicuissimum latitudinis quatuor digitorum ad instar diadematis, & aurei diadematis perseverantiam ab initio Orationis, quæ dicitur *Memento Vivorum*, usque ad Eucharistie receptionem, ut dignosceret, an id a suorum oculorum defectu procederet, sæpe vultum retrorsum convertit, sæpe oculos manibus, & linteo confricuit, sæpe ad aliorum capita oculos direxit, & tunc tantum puravit, verè caput Sancti Philippi splendidum esse, cum aliorum capita, quæ aspexit, vidit sine luce, & cum præmissis modò relatis, semper caput Sancti Philippi vidit aureo splendore orna-

tum, uti narratur in *Vita Sancti Philippi* scripta a Patre Jacobo Baccio lib. 3. cap. 1. num. 16. Porro haud exiguum probationi pondus accedet, si non unus, sed plures Testes de splendoribus, seu luce testimonium reddiderint, cum moraliter impossibile sit, eos omnes fuisse deceptos, veluti benè ponderat Pater Philippus Maria a Sancto Paulo in *Traictatu de Sacris Apparitionibus in carne Beati Joannis a Cruce* cap. 5. §. Probatur modò. Quocirca Carolus Augustus Salesius in *Vita Sancti Francisci Salesii sui Patris*, ut fidem astrueret lumini, quod Sancti faciem in Concione illustravit, Testes vocat, quotquot aderant Concioni: *Per hæc tempora, quæ Paschalis erant, diebus Dominicis magni Antistes Aviciensi Populo suo præcepta Decalogi explicabat & Pulpito in sua Cathedrali Ecclesia; & aliquando, cum de primo præcepto mirabiliter disserisset, tandem Concionem claudens, & ad Deum Patrem verba sua convertens, visus est ab universo Populo totâ radiare facie, tantoque splendore undique circumfusus, ut vix primum lumine videri distitisse posset. Eximii autem ejus rei Testes sunt, quotquot tunc aderant. Unus quoque Testis videns, cæteris non videntibus, pro se comprobanda sufficere posset, si esset Sanctitate eximius, & summâ prædictus prudentiâ, juxta ea, quæ alibi dicta sunt, dum, aliqua unico Teste probari, asseruimus, quæ ipsi soli perspecta esse potuerunt: quod & in factis præsentis contingere potest, Deo videlicet disponente, ut splendor in vultu Servi sui ab uno videatur, & non ab aliis; pro qua assertionem facit exemplum Sancti Philippi Nerii supra inlinuatum testantis, se vidisse splendorem in vultu Sanctorum Ignatii, & Caroli.*

372 *De Serv. Dei Beatif. et Beat. Canoniz.*

27 Sublatâ difficultate quò ad probationem, manus admovenda est ad aliam submovendam difficultatem, quæ a qualitate lucis, & luminis descendit, an videlicet eadem naturæ, vel Miraculo sit adscribenda. Pro Miraculo facere potest, si lux cæteris lucibus fuerit splendidior: si, non momentanea fuerit, sed diuturnior; ignes enim naturales appellati lambentes ob materię parvitatem sensim evanescere consueverunt: si die, non nocte, visa fuerit; non quia statim pronuntiandum sit pro igne lambente, & pro exclusione Miraculi, si lux nocte visa sit, vel pro Miraculo, si die visa sit (ut enim cætera prætereantur, flamma illa, quæ visa fuit circà caput Julii, non nocte, sed die apparuit, juxta Dionysium Halicarnasæum lib. 4. *Antiquitatum Romanorum*, cujus verba referuntur a Patre Calato in *Traſtatu de Igne disput. 12.* in hunc modum = Cum aliquando circà meridiem in Regio thalamo confedisſet, ſomnoque eſſet oppreſſus, flamma e capite ipſius emicuiſt, nec priùs totum ejus caput flammâ collucere deſiit, quàm a Matre accurrenſe excitaretur, quo factò, flamma cum ſomno diſperſa evanuiſt = ſed quia splendidior ea lux eſt, & ſic magis ad Miraculum accedens, quæ die, lucente Sole, ſplendidior, inquam, eâ, quæ nocte inter tenebras aſpicitur, veluti ad rem argumentatur Libertus Fromondus loc. cit. ſi ea, non unâ, ſed pluribus vicibus apparuerit: ſi ea viſa ſit, dum ſermo de Deo habebatur, vel aliquod in honorem Dei peragebatur: ſi de ſanctis moribus ejus, cujus caput ignitum, aut ſplendidum apparuit, nulla ſit dubitatio: ſi illi, qui viderunt, ad Deum converſi ſunt: ſi quodcumque aliud ſpirituale bonum ſubſecutum eſt: ſi denique alia Mira-

cula interceſſione Servi Dei patrata proponantur, & comprobentur: hæc omnia quippe nos moraliter tutos efficiere poſſunt, quòd ſplendores illi non ſunt ex ignibus lambentibus, non ſunt effectus naturales cauſarum ſecundarum, ſed ſigna ſunt ſupernaturalia a Deo immiſſa ad patefaciendam Servi ſui Sanctitatem, ſive a Deo immediatè creata ſint, ſive effecta, median- tibus cauſis naturalibus, juxta ea, quæ in ſuperioribus dicta ſunt. Uno verbo, circumſtantix antecedentes, concomitantes, & ſubſequentes offendere poſſunt, ignes, non naturales eſſe, ſed miraculoſos, ut deſumi poſteſt ab exemplis relatis apud Sanctum Gregorium Turonenſem de *Gloria Confeſſorum cap. 21. & lib. 2. de Gloria Martyrum cap. 32. & pluribus ſequentibus*.

28 In *Vita Beati Aſtredi*, Authore Anonymo apud Bollandum *ad diem 12. Januarii cap. 1.* narratur, Willhel- mum Archidiaconum ejus faciem vi- diſſe in ſpeciem Solis converſam, ſplendidiffimis radiis coruſcantem, ut ſux manui ſuppoſitæ umbra ſuccederet; & in *Annalibus Minorum ad an- num 1316. num. 21.* de Beato Elzario legitur, ab ejus vultu claritatem manaiſſe candelæ luce ſplendidorem, & pulchriorem, quæ faciem, & totum cubiculum ſpecioſum reddidit, & luculentum; & in *Vita Sancti Germani Epifcopi Pariſienſis*, Authore Venantio Fortunato *cap. 1.* apud Bollandianos *ad diem 28. Maji num. 4.* dicitur, ejus faciem cornutam ad inſtar faciei Moyſis fuiſſe viſam, talique lumine perfulſam, ut ægrè aſpectus in eam ſigi poſſet. In *Vita Sancti Heriberti Archiepiſcopi Colonienſis*, Authore Ruperto Abbate apud Bollandianos *ad diem 16. Martii cap. 6. num. 22. ha-*

Lib. IV. Pars Prima Cap. XXVI. 373

habetur, non modò magnam lucem inter noctis tenebras circa eum orantem fulsisse, sed diuturnam fuisse, & non semel, sed multoties visam fuisse. Splendor e Cælo veniens, & super caput Beati Ambrosii Senensis, dum Concionem ad Populum haberet, visus est, qui subinde, finitâ prædicatione, recessit, ut *ex ejus Vita* a nonnullis Religiosis Ordinis Sancti Dominici jussu Honorii IV. collecta, & edita apud Bollandianos *ad diem 20. Martii cap. 7. num. 53.* desumitur. Caput Sanctæ Catharinæ Senensis cælesti luce irradiatum ad meliorem sensum reduxit Vetulam, quamdam, quæ linguam maledicam laxaverat adversus eam Virginem Sanctam, ut *ex ejus Vita*, Authore Beato Raymundo Capuano, *part. 2. cap. 4. num. 160.* apud Bollandianos *ad diem 30. Aprilis.* In Menologio Cisterciensis *ad diem 4. Augusti* sic legitur: *In Hibernia obitus beata memorie Thoma Lombardi, qui Ordini Cisterciensi in Monasterio Superatensi apud Hispanos se dedit, ubi ad tantam perfectionem pervenit, ut sæpe inter celebrandum e facie splendidissimos radios emittere visus fuerit: & in Martyrologio Gallicano Calendis Octobris in Appendice subditur: Hoc ipse die perrexit ad Dominum Ulricus Presbyter, & Monachus Villariensis, Vir Angelica puritatis, super cuius caput, dum Divinam Hostiam immolaret, igneus globus visus est, inde casta, & serventis anima, quam denique, exitus sui præseius, latus ad Cælum transmissit; signisque, ut in visa claruerat, sic post mortem resulsit.* Sexcenta alia facile cumulari possent exempla, sed relata inuivisse sufficiat pro re, de qua nunc agitur; pro qua etiam prodesse possunt ea, quæ a nobis deducta sunt in Capite sup-

riori, dum tractabatur de quibusdam. Miraculis, quæ in calis, & in terra contingunt.

29 Alii ignes non lambentes, nec innocui, sed urentes, & ipsos homines, in quorum corporibus excitati sunt, confumantes, & ossa ipsa in pulverem redigentes, a Scribentibus memorantur. In Actis Medico-Physicis *Codania anni 1673. pag. 210. num. 116.* narratur, Fœminam quamdam gravidam, febri acutâ, & inflammatione circâ umbilicum subito correptam, a febri liberatam fuisse, sed æstum febrilem in foetum transisse, qui mortuus ex utero extractus ob magnam vim ignis febrilis ossa habuit in pulverem rubicundissimum redacta. Apud Marcellum Donatum *de Medica Historia mirabili lib. 4. cap. 25.* Mulier Hebræa, cùm triduo in partu laborasset, foetum mortuum enixa est; cùmque infans umbilico tenus promineret, ingens auditus est fragor, velut excuslo tormento bellico, & mox flamma exiliens tum Obstetricis manus, tum pueri nates combussit. Apud Petrum Borellum *centur. 2. observ. 69. pag. 169.* Mulier flammas in morte evomuit: idque accidere in vini, ejusque spiritu nimis potatoribus, habetur in *Epbemer. German. anno 10. pag. 53. Continuationis Joannis Christophori Sturmii.*

30 At hæc præsentî nostro instituto extranea sunt. De iis quæstio assumenda esset, si proponeretur alicujus combustio tamquam miraculosa per ignem vindicem Divinæ Justitiæ. Apud Guillelmum Lindanum existat exemplum nonnullorum Iconoclastarum, qui Sancti Antonii Imaginem gladiis, & bipennibus percutientes, ut eam deinde confractam flammis consignarent, sacro igne

374 *De Serv. Dei Beatif. et Beat. Canoniz.*

correpti statim occubuerunt. Alia similia collecta legi possunt apud Bagattam de *Admirandis Orbis Christiani lib. 2. cap. 1. §. 12.* & quando similia facta in examen adducerentur, de Miraculo non esset dubitandum, si causa naturalis extrinseca deesset, si tempore ipso criminis contingerent, si Dei honor ab eis derivaretur, & multò magis, si tempore signato, & per Dei Servum

prænuntiato ignes erupissent. Facit Valentiniani Imperatoris casus, quo dedignante assurgere Sancto Martino Episcopo, e Sella egressus est ignis, qui eum non assurgere modò compulit, & Viro occurrere, atque manibus ejus caput submittere, sed & ad ejus vestigia se prosternere; de quo Venantius Fortunatus præclare admodum in *Vita Sancti Martini lib. 3.* hisce carminibus cecinit:

*Hinc celer exsiluit rapiens se Casar, & ardens,
Martini genua amplectens, manibusque volutans:
Sicque, superbum hominem se agnoscere, pœna coegit,
Vilis Regna probans, & celsa cacumina curvant,
Imperiale caput Sancti ad vestigia subdens;*

CAPUT VIGESIMUM SEPTIMUM.

*De longa abstinentia a cibo, & potu, an, & quando
Miraculo sit adscribenda.*



N secundo hujus Operis Libro cap. 24. §. 3. dum agebatur de Cultu immemorabili Beati Nicolai de Flue Eremitæ, qui mortuus est anno 1487. de eo narrari, diximus, quòd viginti, & duobus annis vixerit sine materiali omnino cibo, potuque, & Caroli Bovilli *Epistolam ad Nicolaum Florum Remensem Electum* attulimus, in qua prædictum factum pluribus exponitur. Michael Angelus Lapius olim Fidei Subpromotor in sua *Epistola Italice exarata ad Michaelem*

Abbatem Justinianum, & in Latinum versa a Valentino Steber, & Roma edita anno 1661. refert, hunc Dei Servum, sive Beatum Nicolaum anno ætatis quinquagesimo primo, accedente Uxoris consensu, in Eretrum secessisse, per octo dies sine ullo cibo, & potu mansisse; admonitum a Fratre, qui illum convenerat, ut cibum sumeret, Parochum Kernensem consuluisse, qui, cognitis iis, quæ ipsi discedenti a Patrio Solo usque ad illum diem acciderant, & animadvertens, torum corpus nervis, ossibusque solâ cute vestitis sustineri, in exsueco tamen corpore animum vigere, & nihil vivacitatis deesse, ipsi iussit,

nc

Lib. IV. Pars Prima Cap. XXVII. 375

ne a suscepta semel abstinencia discederet; maledicos eum ad Magistratuum detulisse sub obtentu, quod fidei inedia plebi credulæ nimis imponeret; Subsylvanus certius veritatem exploraturos publico Plebiscito Excubias decrevisse pluribus in locis viam sternentibus ad Eremum, ut accessus, & recessus ad eam pateret nemini, qui fortè cibum esset allaturus; vigiles Custodes solerti curâ in suis stationibus mensem integrum exegisse; & quia eo tempore compertum fuit, eum omni non tantum cibo, sed etiam aspectu humano caruisse, obsidionem solutam fuisse; Suffraganeum denique Episcopi Constantiensis eidem in virtute Sanctæ Obedientie imperasse, ut comederet (secum enim detulerat tria panis fragmenta, & vini pateram) & Nicolaum præcepto obedientem vix ingestam ori panis bucellam ejecisse, & vini guttulâ in ventriculum trajecit, adeo gravi stomachi dolore tortum fuisse, ut animam efflaturus videretur. Idem Lapius in fine Epistola omnes, & singulos refert Auctores, etiam malè de Catholica Fide sentientes, qui prædictæ longissimæ inedie meminerunt.

2 Ex hoc autem facto orta est controversia nondum judicio Sedis Apostolicæ definita, an hæc, & consimilia jejunia ad longum tempus protracta inter Miracula sint recensenda.

3 Moyses, Elias, & Christus quadraginta diebus abstinentes a cibo, & potu jejunium servaverunt, uti habetur *Exod. 34. Deuteronom. 9. & lib. 3. Regum cap. 19.* ibi quippe sermo est de jejuniis Moysis, & Elize, & narratur, eos non comedisse, nec aquam bibisse per integros quadraginta dies. De Christo Domino legi-

tur *Matthæi 4. = Cùm jejunasset quadraginta diebus, & quadraginta noctibus, postea esuriit;* quod ipsum habetur *Lucæ cap. 4. & Marci cap. 1. &* quamvis Evangelistæ non loquantur de abstinencia a potu, de ea tamen dubitandum non est, cùm apud Hebræos non modò abstinencia a cibo, sed etiam a potu pro constituendo jejunio esset necessaria, uti benè ponderat Calmet *ad dictum cap. 4. Matthæi*; quod ipsum etiam observabatur primis Ecclesiæ temporibus; narrat enim Rufinus *de Vitis Patrum* apud Rosveydum *pag. 508.* Silvanum Abbatem Zachariam suum Discipulum in itinere bibere volentem jejunii commemoratione prohibuisse = *Invenit Discipulus ejus aquam, & volebat bibere. Cui Abbas Silvanus: Zacharia, bodie jejunium est* = & illustre est testimonium Prudentii; is enim Sanctum Fructuosum Tarraconensem Episcopum illos, qui, dum ad Martyrium duceretur, ei libandum poculum obtulerunt, in hunc modum alloquentem inducit:

Jejunamus, ait, recuso potum.

Nondum nona diem resignat hora:

Numquam cum violabo jur dicatum,

Nec mors ipsa meum sacrum resolvet.

Hæc quippe Sanctissimi Episcopi verba demonstrant, antiquitus in Ecclesiasticis jejunii eandem potus, atque cibi fuisse rationem, adeo ut violari jus existimaretur, si ante horam diei nonam, quando cibum capere licebat, Chrittiani biberent.

4 Inter Miracula recensent Theologi jejunia Moysis, Elize, & Christi, do-

376 *De Serv. Dei Beatif. et Beat. Canoniz.*

docentque, Eliam, & Moysen, non naturali, sed supernaturali virtute extrinsecus acceptâ, at Christum virtute sibi propriâ, & intrinsecâ, puta Divinâ, jejunium proteraxisse per quadraginta dies, uti videri potest apud Suarez in 3. part. *Divi Thoma tom. 2. quest. 11. art. 4. disput. 29. sect. 2. §. Quapropter dicendum est* : & sola, quæ est inter eos, disputatio, quæ tamen ad nostrum præsens non pertinet institutum, est, an Christus Dominus per dies quadraginta, quibus jejunavit, esuriverit, an verò tantum, expletis quadraginta jejunii diebus. Cardinalis Cajetanus ad cap. 4. *Matthæi* inquit, illum omnibus diebus famem sensit, cum superfluum sit, sine necessitate multiplicare Miracula, & cum frustra jejunasset, si nihil sensisset. Franciscus Lucas opinatur, Christum illis quadraginta diebus jejunii aliquam quidem famem sensit ad majus jejunii meritum, & ad aliorum, qui in jejunio famem patiuntur, exemplum, sed non tantam, quantam post quadraginta dies, quæ eum incitaret ad querendum cibum. Suarez loc. cit. §. *Et hinc facile dicit*, sententiam Cardinalis Cajetani improbabilem, & ut minimùm temerariam, cum repugnet verbis Evangelii supra relatis: *Cum jejunasset quadraginta diebus, & quadraginta noctibus, postea esurivit*. Cornelius a Lapide ad cir. cap. 4. *Matthæi* ad ea verba = *postea esurivit* = adhæret sententiæ Francisci Lucæ. Sed communis est sententia, Christum Dominum famem passum non fuisse, nisi post dies quadraginta, teste Calmet ad idem cap. 4. *Matthæi*.

5 Alia occurrunt in Ecclesiasticis Historiis mirabilia undequaque jejunia. Apud Continuatores Bollandianos in *Actis Sanctorum Martii tom. 1.*

narratur, Sanctum Gerasimum Abbatem quadraginta diebus absque cibo vixisse, solâ Eucharistiâ receptâ; & tom. 2. *ejusdem Mensis*, Sanctum Patricium Hiberniæ Apostolum, ne cibis Idolis sacrificatis vesceretur, viginti diebus continuis nullo terreno cibo nutritum mirabile proteraxisse jejunium: Theodoretus in *Histor. Relig. cap. 36.* testatur, Simeonem Stylitem sæpius absque cibo, & potu quadraginta diebus jejunasse, & die tantum Pascharis, sumpto Christi Corpore, aliquid comedis. Apud Raynaldum ad annum 1225. existat exemplum Puellæ inclusæ, & Instituto Regulari addictæ, quæ per septennium ante obitum nullum omnino gustavit cibum, receptâ tantum diebus Dominicis Sacrâ Eucharistiâ. Quod cum devenisset ad aures Hugonis Lingoniensis Episcopi, jussit, eam per dies quindecim archiæ Presbyterorum, & Clericorum custodiâ servari; comperitque fuit, toto termino memorato nullo cibo nutritam fuisse. Apud Bozium de *Signis Ecclesiæ lib. 15. cap. 2.* Maria Ægniacenensis triginta quinque diebus jejunia permansit cibo tantum Divino nutrita. Virgo quædam Felix nomine ex Oppido Barbarani quinque totas Quadragesimas solâ Eucharistiâ transiegit. Luchina Soncinæ nonnullas Quadragesimas nihil comedens Eucharistiâ solam sumens traduxit. Ludovicus Pius Imperator in supremo morbo, quo obiit, totos quadraginta dies jejunus transiegit, solam Eucharistiâ quotidie sumens, quemadmodum legitur apud Robertum. Guaguinum lib. 5. *Historia Francorum*. = In *Vita Sanctæ Catharinæ Aduernæ Jannenensis* Historicus narrat, toto tempore Quadragesimæ, & Adventus per annos viginti tres solâ Eucharistiâ nut-

tri.

tritam fuisse, & reliquo anni tempore corporalem cibum parcissime sumpsisse: & in *Annalibus Minorum ad annum 1309. num. 14.* Beata Angela Fulginas per duodecim annos nihil corporalis cibi degustavit Sacratissimo tantum Corpore Christi refecta. Sancta Catharina Senensis aliquando a die Cinerum usque ad Ascensionem Domini sine cibo vixit solâ Eucharistie communione contenta: & Sancta Rosa Peruviana multoties solo Eucharistico cibo satiata integras, nihil aliud degustando, transiegit hebdomadas: & ut plura alia omittantur, Savonarola *traff. 6. cap. 14.* historiam recitat cujusdam Religiosi, qui suo tempore ex Ordine Eremitarum fuit in Hispania apud Regem, quique post assumptam Eucharistiam nullum cibum, nullumque potum per viginti dies sumebat; quod Rex ipse, & Generalis Ordinis maximâ diligentia investigare volentes, rem sic se habere, invenerunt.

6 Et, ne quis putaret, jejunia memorata non posse inter Miracula recenseri, tum quia Sacramentales species nutriunt, tum quia olim, & forte nunc Græci autumant, jejunium frangi per sumptionem Eucharistie, in harum responsum examine aliquoties est immorandum. Quærit Sanctus Thomas 3. *part. quest. 77. art. 5.* utrum ex speciebus Sacramentalibus aliquid possit generari: & affirmando, respondet, quia in ipsa Consecratione miraculose datur quantitati dimensiva panis, & vini, quod sit primum subjectam subsequens formarum, quod est proprium materię; ex quo fit, quod, quidquid pollet generari ex materia panis, & vini, si adesset, totum potest generari ex quantitate dimensiva panis, & vini, non

quidem novo Miraculo, sed ex vi Miraculi prius facti. Idem Sanctus Doctor *art. 6.* quærit, utrum species Sacramentales possint nutrire: & huic quæstioni, affirmando pariter, respondet; cum enim species Sacramentales possint converti in substantiam aliquam, quæ ex eis generatur, per eandem rationem possunt converti in corpus humanum, per quam possunt converti in cineres, vel in vermes, ita ut, teste eodem Sancto Doctore, manifestum sit, quod nutriunt. At ex his non excluditur admirabilis abstinentia eorum, qui sine cibo, & potu, receptaque tantum Eucharistia, menses, & hebdomadas transegerunt, cum species illæ sint valde exigue, & non sufficiant ad hominem diu in hac vita conservandum, ut bene ponderat Bordon. *de Miraculis medicis. 16. num. 12.*

7 Nicetas Pectoratus Monachus Studita, qui undecimo seculo floruit, reprehendens morem Latinorum, qui quotidie in Quadragesima Sacrum faciunt, ita loquitur *Bibliotheca Patrum tom. 18. pag. 408.* = *Quin etiam, oblationem perfectæ Missæ per omnem diem facere in sacris diebus jejuniorum, sive Sabbato, sive Dominico die, unde asseruistis? & a quo Doctore accepistis? Ex Apostolis? Nullatenus &c. Ministrantes ergo, atque complentes ministracionem Sanctæ Missæ scilicet tertiam horam diei, in qua & promulgatum est offerri Sacrificium, quomodo jejunium usque ad horam diei nonam observatis? solventes hæc in tempore ministracionis Missæ: ex quibus Nicetæ verbis nonnulli inferunt, Græcos eo errore duci consueville, ut Divino cibo jejunium solveretur, Guarus *Not. in Eucbol. Græc. pag. 205.* Allatius *de Missa præsent. pag. 1346.* & 1347. Thomalinus *de**

378 *De Serv. Dei Beatif. et Beat. Canoniz.*

Jejun. pag. 476. & pag. 477. & in Græcorum Triodio, Libro videlicet, qui Officia continet, quæ a Dominica, quæ Septuagesimam præcedit, & Publicani, & Tharisei nuncupatur, ad Sabbatum Sanctum recitari solent, leguntur hæc verba: Ex Traditione accepimus, non celebrari Præsanctificationum Missam usque ad feriam quartam, id quod omnis fraternitas ex antiqua Traditione jejunes; notum est enim, Missam Præsanctificationum illam esse, in qua Christi Corpus non conficitur, sed confectum antea assumitur, & Græcam Ecclesiam eâ uti in Jejuniis Quadragesimalis diebus, cum Dominico die Presbyter Sacrum facturum in tot particulas panem oblationis dividat, quot diebus usque ad Sabbatum Præsanctificationum Missam celebrare debet, quas consecratas, & in Christi Sanguine intinctas in Pyxide reponit.

8 At Nicetæ errore Humbertus Cardinalis Sedis Apostolicæ in Oriente Legatus acriter sequentibus verbis reprehendit in Opusculo, quod adversus illum elucubravit tom. 18. Bibliotheca Patrum pag. 412. = Sed, perfide Sacerdotianista, qui putat, fidei participatione Corporis, & Sanguinis Domini Quadragesimalia, atque Ecclesiastica dissolvi Jejunia, omnino credens, Cælestem Esçam, velut terrenam, per aequalitatem sordidam, & sordidam egestionem, in secessum dimitti, plaudens cum Ariis; & paulo post: Ergo, o pestifer leno antiqui Serpentis, qui conaris, astutia tua corrumpere sensus Christi Sponse, quæ est Ecclesia, ut excidatur a caritate tanti, & talis Sponsi, credis, nos vitam incorruptibilem comedentes corrumpere integritatem jejuniarum velut aliquo cibo corruptibili? Et, quæ habentur in Triodio, nisi aliquam admittant

interpretationem, fortè delebuntur de mandato Sacræ Congregationis, quæ ejus expurgationi manum admovit usque a tempore sanctæ memoriæ Urbani VIII.

9 Sufficere hæc posse videntur pro jejuniis, quæ miraculosa vel ex Sacro Textu, vel ab Ecclesiasticis Historiis habentur. Nunc autem cetera prosequendo, quæ ad longa quædam naturalia jejunia pertinere possunt, & omnis jejuniiis Dæmoniis, quæ nihil habent commune cum nostro instituto, in quo agitur de Miraculis in ordine ad Beatificationem, & Canonizationem, hoc est, vel unâ simul cum Virtutibus heroicis, ut infra, vel post earum approbationem, ex quarum discussione, & approbatione excluditur quæcumque suspicio, quod clam a Dæmone fuerint subministrata alimenta, ut vir scelestus, & hypocrita ceteris hominibus appareret longo tempore jejunans, juxta eâ, quæ leguntur apud Cardinalem Baronium ad annum Christi 434. num. 15. & sequentibus, ubi narrat, quamdam Puellam natione Arabam a Dæmone obsessam septuaginta ferme dies, & totidem noctes nullo cibo, nulloque potu transigisse, sed avem quamdam noctis medio consuevit apparere, quæ ipsi in os nescio quid infundebat, & juxta cetera, quæ plenè habentur apud Gasparum a Rejes quest. 58. num. 29. apud Martam de Canonizat. Sanctior. part. 3. cap. 17. num. 3. apud Pignatell. Consult. 91. sub num. 92. tom. 2. & apud Scalpartium part. 1. centuria posteriori suarum Observationum pag. 151. & sequentibus; ad quam pariter classem referri possunt jejunia quædam, non vera, sed ficta, quale fuit illud cujusdam Antonii Picei, qui populo, se per quatuordecim dies jejunare pos-

Lib. IV. Pars Prima Cap. XXVII. 379

posse, Angelisque esse familiarem, persuadebat, unde per totum Italix tractum, Siciliam, & Hispaniam veluti Sanctus prædicabatur, & cujus imposturæ tandem hominibus patuerunt, uti describit Jovinianus Pontanus lib. 2. de Sermone sequentibus verbis: Cum sub Rege Alfonso bujus Ferdinandi Patre quidam, cujus nominis non memini, diuturniora sua iactaret jejunia, ac quàm diligentissimè quævis cibi accipiendi huic prariperetur occasio, compertus est postea e candelis, quas biberno tempore receperat, victum sibi querere; hæc namque facebatur, cinnamomoque, necnon Gallinarum carne in minutissimas dissectâ particulas, quas extrinsecus seruum circumdabat, constabant; redactoque sermone ad quædam longa, sed vera jejunia.

10 Princeps Medicorum Hippocrates in Libro de Carnibus, in fine, inquit: Qui septem diebus absque ullo cibo permanserint, debine non possunt, etiam volentes, cibis subveniri, quia jam venter eos non admittit; unde Franciscus Vallesius de Sacra Philosophia. cap. 13. inquit, Deum die sextâ cibum misisse ad Daniele in Lacu Leonum detentum, ne, si septimam diem attingisset, fame periret: Hanc ob causam ergo judico, misisse Deum die sextâ cibum Danieli in Lacu Leonum exsistenti, ne scilicet, si septimam attingeret, periret fame; nam etiam in his, quæ miraculosè agit, habet Deus rationem aliquam nature, ne plura, quàm opus sit, eveniant Miracula. Alii, habitu ratione varietatis temperamenti, ætatis, regionis, temporis anni, consuetudinis, terminum perfecti jejunii protrahunt ad diem undecimum, Zacchias Quæst. Medico-Legal. lib. 4. tit. 1. quæst. 7. num. 6. Fortunius Licetus in suo Opere de iis, qui diu vivunt sine alimento, multa narrat experi-

menta eorum, qui per decem, per viginti dies, per octo, per quindecim menses, per plures annos sine ullo cibo, & potu vixerunt. Alia habentur apud Schenckium lib. 3. Observat. Medic. tit. de Astis. Consimilia referuntur a Donato de Medica Historia mirabili lib. 4. cap. 12. a Stalpartio cit. part. 1. posterioris centuria Observationum pag. 135. & pluribus sequentibus, & a Zacchia Quæst. Medico-Legal. lib. 4. tit. 1. quæst. 7. num. 19. & sequentibus, ex quibus infer, hominem, & quodcumque animal posse naturaliter absque ullo alimento externo cibi, & potus per longum tempus vitam incolumem traducere. Joannes Vierus in suo Opere edito Basilea anno 1582. de Lamiis, & de commentis Jejunii non admittit jejunia naturalia ultra septem dies, & contendit, oppositas narrationes esse fabulas, vel illusiones, & quod, si dæmonis altus, & jejunium per septem dies sufferatur sine vitium amissione, id sit Miraculo adscribendum. At Gaspar a Rejes in suis jucundarum questionum Elyso Campo quæst. 38. num. 7. & num. 28. acriter reprehendit eos, qui fidem non præstant supra dictis experimentis, & narrationibus, de quibus testantur Viri docti, & fide digni, atque etiam Magistratus pro altruenda veritate acciti.

11 Suppositâ factorum veritate; ut explicetur, quomodo longa narrata jejunia naturaliter fieri, & tolerari potuerint, nonnulli id referunt ad aquæ potum, quem dicunt pro nutritione sufficientem, nonnulli ad terræ comestionem, aut herbarum, cum aliquæ foeminae gravidæ, aut picæ laborantes terram, & cretam avidè comedant, & aliqua animalia ex terra vivant, & plantæ terrâ alantur,

Bbb 2 & mul.

380 *De Serv. Dei Beatif. et Beat. Canoniz.*

& multi fuerint, qui per multum tempus refectionis necessitati herbarum ope subvenerint, de quibus apud Rejes loc. cit. num. 30. & pluribus sequentibus, & apud Pignatell. Consult. 43. num. 83. & sequentibus tom. 4.

12 At, his omisiss, quæ videntur extranea, cum præsens quæstio procedat, non de iis, qui uno, aut alio vixerint alimento, sed de iis, qui sine cibo, & potu longam vitam traxerunt, nonnulli putant, id ex aere, item ab exhalationibus, quæ perpetuò affluunt e corporibus subternariis, procedere potuisse. At, quidquid sit de his, Fortunius Licetus contendit, viventia naturaliter vivere posse per longum tempus, absque eo quòd ullo modo nutrantur, putatque, nutritionem non esse semper, & cuicumque animali ad vitam necessariam; cum enim nutritio fiat ob deperditionem humidi radicalis, quod a calore nativo indefinenter assumitur, hinc infert, necessitatem nutritionis auferri posse, quoties auferatur absorptio humidi radicalis, quam absorptionem omnino de medio tolli concludit ab æqualitate caloris cum humido. Censet ergo Licetus, dari posse hanc æqualitatem, eaque perseverante, cessare omnem necessitatem nutritionis, hominemque naturaliter jejunium fere posse toto tempore, quo durat æqualitas. Sententia hæc Liceti non placet Zacchiæ, qui memoratam æqualitatem caloris, & humidi radicalis somnium appellat, & ens rationis: quocirca, admisso, quòd nonnulla viventia absque ullo externo alimento vivant, & jejunantia longo tempore vitam trahant, docet ipse, ea nutriri ex humore crudo, ac pituitoso in eorum corporibus aggregato: quod ut contingat, concurium

nonnullarum circumstantiarum expòscit; quarum prima est, quòd calor natus non acer, nec validus, sed debilis sit respectu copię, & qualitatis humorum; secunda, quòd addit constructio pororum cutis, ex ea enim constrictione non solum calor minus dissipatur, sed etiam nova humorum congeries producitur; & tertia est, quòd pituita, & crudi illi humores, qui externi alimenti vicem gerunt, habeant in se humidum quoddam acreum, & unctuosum, quod calori non aliter, quàm oleum flammæ lucernæ, pro pabulo succedat. Gaspar a Rejes aliter rem explicat, & prodigiose naturalis inedie inquit causam esse ecstaticum quemdam statum caloris naturalis a corde influentis. Vult ergo, cum in corde veluti circumscriptum manere, & ad reliquum corpus aut nihil, aut certè parum se diffundere. Vult, reliquas corporis partes ab illo influente calore quodammodo destitui, cujus ope opera sua conficiebant, & actiones suas naturales attrahendi, concoquendi, expellendi, & resolvendi exequabantur. Vult denique, eas necessitate compulsas pro sui indigentia, quæ multum non urget, cum modica, & tarda sit ipsarum resolutio, nutritionem assumere ex humiditatibus in corpore redundantibus, quæ tunc etiam ob caloris inopiam succrescunt; & hoc modo animantia naturaliter diù vixisse, & vivere posse per longum tempus absque ullo externo cibo, vel potu. Ex Operibus Liceti, Zacchiæ, & Rejes prædicta omnia desumuntur, apud quos ceterorum opiniones minus plausibiles referuntur, quas etiam congerit Lapius in supra allegata Epistola de Inedia Beati Nicolai de Flue. Ut vidimus, Liceti sententia non placet Zacchiæ.

chiz: Zacchiz sententia non placet Cardinali de Laurza, qui in 3. lib. Sent. tom. 4. disp. 20. de Miraculis art. 24. num. 1023. ex Roderico observat, innumeros homines crudissimis humoribus abundare, debili calore, esse pręditos, constrictos in hieme habere poros, & jejunium per binos dies ferre non posse. Rejes ipse de veritate sue sententiz dubitat, ut ipse fatetur in cit. quest. 58. num. 62. & de ea hæc habentur apud Mattam loc. cit. sub num. 16. = Hæc Rejes ad propriam opinionem tuendam contra sexdecim alias ab ipso rejectas, quæ utrū sit vera, necne, aliis discutiendum relinquimus, cum nobis sufficiat, Consultores, & Causarum Patronos animadvertere debere, plurimum dierum, mensium, & annorum inediā non solum miraculose pati, sed & astu Dæmonis fingi, & naturaliter per aliquod tempus sustineri posse.

13 Colligitur ex dictis, longa jejunia duplicis esse generis, alia videlicet supernaturalia, alia naturalia; adedque investigandum remanet, quænam illa sint, quæ ad primam, & quænam sint illa, quæ ad secundam classē referri debent. Zacchias in cit. lib. 4. tit. 1. quest. 7. num. 57. & 58. respondet, naturalia esse jejunia, in quibus concurrunt circumstantiæ supra ab ipso expositæ, & miraculosa esse, in quibus prædictæ deficiunt circumstantiæ, hoc est, si desit copia pituitæ, desitque restrictio pororum cutis; in quo rerum themate ait, jejunium toleratum ad decem, aut ad summum undecim dies causam habere supernaturalem; concluditque, miraculosa fuisse jejunia Moylis, Eliæ, & Christi Domini, cum in illis omnis cujuscumque alimenti subministratio defecerit, non solum externi, sed etiam interni, quod pos-

set illis vitam fulcire. Gaspar a Rejes cit. quest. 58. num. 13. multas admittit miraculosas inedia, quas ait esse ab aliis distinctas, nec opus esse earum causam querere, cum certum sit, omnipotentis Dei virtute præstari potuisse, ut in Sanctis suis mirabilis appareret. At Gaspar prædictus non explicat, ex quibus signis dignosci possit, quænam longa jejunia Miracula, & quænam naturæ sint adscribenda. Scribentes de Canonizatione Sanctorum nonnullas exponunt pro re, de qua nunc agitur, circumstantias, quas dicunt summopere advertendas. Prima est, si ad probandum aliquem articulum Fidei Dei Servus a Deo petierit longum jejunium sine cibo, aut potu, illudque peregerit validus viribus, ac si non jejunasset: & tunc jejunium dicunt Miraculo adscribendum; unde Danielis 1. de Pueris Hebræis, qui cibis Gentilium contaminari noluerunt contra Dei Leges, legitur, quod dixerunt Præfecto: *Tenta nos, quæso, decem diebus, & dentur nobis legumina ad vescendum, & aqua ad bibendum, & contemplare vultus nostros, & vultus Puerorum, qui vescuntur cibo Regio &c.* Post dies autem decem apparuerunt vultus eorum meliores, & corpulentiores præ omnibus Pueris, qui vescabantur cibo Regio. Secunda circumstantia defumitur ex moribus ejus, qui longum jejunium servavit; si enim Virtutibus heroicis fuerit præditus, & carnem suam crucifixit cum vitiis, & concupiscentiis, & in carne vixerit præter carnem, uti loquitur Apostolus ad Galatas 3. tunc jejunium ad longum tempus toleratum Miraculo erit adscribendum: quocirca longa jejunia, quæ in Sacro Textu, & in Ecclesiasticis Historiis tamquam

mi-

miraculosa prædicantur, peracta fuerunt a Viris Sanctitate conspicuis. Tertia demum circumstantia est, si jejunas jejunium sustinuerit longum, solâ sumptâ Eucharistiâ; tunc quippe jejunium erit inter Miracula recensendum, juxta historias in superioribus relatas. Has omnes circumstantias, etiam disjunctivè sumptas, pro jejunio miraculoso sufficere, latè probat Cardinalis de Lauræa in 3. *lib. Sent. tom. 4. disp. 20. de Miraculis art. 24. num. 1032. & sequentibus*. Sequitur Marthæucci in *Practica Theologo-Canonica ad Causas Beatificationis, & Canonizationis tit. 3. in Addit. ad cap. 3. num. 51. & pluribus sequentibus*, Lapius in sua *Dissertatione de Inedia Beati Nicolai de Flue pag. 43. censet*, eam inter Miracula esse recensendam, licet usque adhuc super ea nulum prodierit a Sæcra Sede responsum, ob eximias Virtutes, quibus ille, dum viveret, fultus. Pignatelli *Consult. 43. num. 138. tom. 4. distinguit* inter profanos, & Sanctos, & longum prætinorum jejunium naturæ, & longum Sanctorum jejunium Miraculo adscribit; & *Consult. 91. tom. 7. post plura relata concludit*, in judicio ferendo de jejunio præmittendum esse judicium de Virtutibus: *Quare, attendâ hujusmodi magnitudinem Miraculi* (sermo est de longo jejunio) *censet, differendam esse ejus approbationem, donec videatur, an reliquæ Virtutes in his Servis Dei fuerint in gradu heroico, & Miraculorum gratiâ claruerint; tunc enim ex illis coadjuvare poterunt probationes hujus tam insignis abstinentiæ Miraculi. Argumentum enim in hoc casu sumendum videtur a Sanctitate, scilicet: Est Sanctus: Ergo miraculose abstinuit; non autem e contra: Abstinuit: Ergo est Sanctus.*

14 At, ut nostram tandem promamus sententiam, quam Sacre Congregationis judicio libenter subjicimus, si in Causa Beatificationis, & Canonizationis aliquod longum proponatur jejunium a Dei Servo factum, quod a Postulatoribus fuisse supernaturale contendatur, rigorosa de facti cognitione assumenda est indagatio, de abstinentia videlicet ab omni cibo; & potu per totum illud tempus, ad quod dicitur fuisse protrahum jejunium; & Postulatores memores esse debent, in hac, sicut & in cæteris probationibus, Fidei Promotores consueville esse admodum severos: dum enim agebatur de inedia Beati Nicolai de Flue, Petrus Franciscus de Rubéis tunc Fidei Promotor ait, non sufficere probationes ex Custodiis desumptas, qui retulerunt, Beatum nec comedisse, nec bibisse, ad eum videlicet cibum non fuisse delatum, nec aquam in illis locis existisse, quam sitim extinguere potuerit, cum terrâ, & herbis vesci potuerit. Suppositâ facti probatione, videndum erit, an jejunium a morbo inceptum, juxta ea, quæ habentur in *Dissertatione*, de qua infra; non solum quippe Medici, sed etiam Theologi longa naturalia jejunia admittunt in ægrotis, quemadmodum in specie annotavit Cornelius a Lapide *ad cap. 4. Matthæi vers. Quares, an per natura vires*; & quatenus a morbo non inceptum, an Dei Servus, vel Beatus tempore jejunii benè se habuerit, ut in eadem *Dissertatione* habetur, ubi §. 13. & §. 31. pleræque longorum juniorum historiarum tamquam veræ admittuntur, sed dicitur, nullam tamquam veram recognosci posse, in qua aliquis longo tempore vivere potuerit sine cibo, & potu, qui sine mor-

bi

bi interventu cœperit jejunare, vel qui in jejunio permanferit integrè, & perfectè valens; & deductis in ea addi potest, quodd juxta Theologos bonum, & laudandum nullatenus efferit jejunium, ob quod jejunans a ceteris piis operibus exercendis impeditur, unde Sanctus Hieronymus in Epistola ad Demetriadem de servanda Virginitate subdit: *Sic debes jejunare, ut non palpites, & respirare vix possis, & comitum tuarum vel porteris, vel trabaris manibus, sed ut, fracto corporis appetitu, nec in Lestione, nec in Tsalmit, nec in Vigiliis solito quid minus facias. Conferunt quoque ea, quæ alibi a nobis deducta sunt, cum loquehamur de corporis mortificationibus per Dei Servos assumendis. Spectandi sunt demum mores, & Virtutes ejus, de cujus longo agitur jejunio; unde Sanctus Paulinus Nolanus Episcopus in Epistola ad Celerantiam Matronam inserta inter Epistolas Sancti Hieronymi benè subdit: Quid autem prodest, tenuari abstinentiæ corpus, si animus intumescat superbia? Quam laudem merebimur de pallore jejuniis, si invidiis lividi sumus? Quid virtutis habet, vinum non bibere, & ira, atque odio inebriari? Tunc, inquam, præclara est abstinentia, tunc pulebra, atque magnifica castigatio corporis, cum est animus jejunus a vitiis. Immo, qui probabiliter, ac scienter abstinentia virtutem tenet, eo assignant carnem suam, quod anime frangant superbiam, ut quasi de quodam sustigio contemptus sui, atque arrogantia descendant ad implectendam Domini voluntatem, qua maxime in humilitate perficitur. De causa, quoque, & motivo, & effectu jejunii necessarium esse videtur inquirere: ut enim cætera prætereantur, docent Ecclesiæ Patres, & Sacri Interpretes, Christum Dominum jejunasse,*

ut oratione, & jejunio ad munus docendi se præpararet, ut jejunio ad contemplationem, cui vacavit, per quadraginta dies in Deserto se exponeret, & ut suo exemplo inchoaret, & quasi consecraret Quadragesimale Jejunium in Ecclesia servandum; unde Sanctus Hieronymus in Isaia cap. 18. inquit: *Dominus quadraginta diebus in jejunio permansit, ut nobis solemniter jejuniorum dies relinqueret.* Similia habentur apud Sanctum Augustinum Epist. 55. aliàs 119. = *Quadragesima sane jejuniorum habet auctoritatem & in veteribus Libris ex jejunio Moysi, & Elia, & ex Evangelio, quia totidem diebus Dominus jejunavit: cum quibus concordat Authot Operis imperfecti bomil. 1. in Mattheum = Jejunavit quadraginta diebus propter duas causas, primum, ut nobis adversus tentationes jejunandi daret occasiorem; deinde, ut Quadragesimi jejunii nostri poneret mensuram.*

15 Si omnia prædicta concurrant, pro jejunio supernaturali ferendum erit judicium. An autem de eo agendum sit tamquam Miraculo in ordine ad Beatificationem, & Canonizationem, certum est, de eo agi non posse pro Canonizatione obtinenda, cum Miracula pro obtinenda Canonizatione supervenisse debeant post indultam Venerationem, juxta ea, quæ alibi dicta sunt: & in eo, quod attinet ad Judicium super Beatificationem, difficultas insurgit numquam, quod sciam, in Sacra Congregatione propolita, eademque ex duplici capite descendit; alterum est, quod abstinentia miraculosa Miraculum est secutum tempore vite Servi Dei, & ex alibi dictis potissimum momentum constituendum est in Miraculis post obitum secutis; alterum est, quod non

non sufficit, aliquid esse supernaturale, ut de eo tamquam Miraculo agendum sit in Beatificationis Iudicio. Exemplum est in Ecstasibus, & Raptibus supernaturalibus, de illis quippe agitur in Iudicio Beatificationis, sed non proponuntur tamquam Miracula post discussum Dubium de Virtutibus, sed in eodem de Virtutibus Dubio tamquam supernaturalia signa orationis, & contemplationis; & ex hoc efficitur, ut etiam dubitari possit, an longum, & supernaturale jejuniū proponendum sit tamquam Miraculum post Dubium Virtutum, vel in eodem Dubio Virtutum uti quid maximopere conducat illustrandis pœnitentis, & mortificationibus corporis a Servo Dei assumptis, dum erat in humanis.

16 Celebre est Bononiense Institutum anno 1712. erectum, Senatui Bononiensi dono datis a numquam perituræ memoriæ insigni Viro Comite Aloyſio Ferdinando Marſilio, singulari nobis, dum viveret, amicitia juncto, Telescopiis, Horologiis, Quadrantibus, Organis aliis Astronomicis, Machinâ Pneumaticâ, Metallorum Matticibus, Salibus, Sulphuribus, & aliis hujusmodi, quæ incredibili sumptu, & labore comparaverat, universaque prædictâ suppellectili distributâ in conclavia singula domus amplæ, & capacis, Clemente XI. sanctæ memoriæ liberaliter permittente, ut pecunia ex vectigalibus in Institutum erogaretur, & remota peragentibus sex Senatoribus a Senatu electis, ut perpetuam haberent in Instituto potestatem. Usque ab anno 1690. aderat Bononiæ Academia quædam, ad quam Studiosi conveniebant de physicis rebus agentes, Memoratus Marſilius egit

cum Senatu de copulanda Academia cum Instituto; quod & factum est; & Historiam tum Instituti, tum Academiæ unâ cum Commentariis de iis, quæ in Instituti Academia, ad varias disciplinas illustrandas tractata sunt, Typis Bononiensibus edidit Doctor Franciscus Maria Zanotius a Secretis memoriæ Accademiæ, de quo alio in loco debita cum laude locutus sum. Celebres ergo hujus Academiæ Viros interrogavi, quid de longis inediis, & jejuniis sentirent, an videlicet naturæ viribus ad menses, & annos produci possent, an. Fortunii Liceti, Gasparis a Rejes, & Pauli Zacchiz opiniones a Veterum doctrinis depromptæ concordent cum dogmatibus recentiorum Medicorum. Ut mihi gratam rem facerent Academici, pluries inter se de prædictis rebus sermones habuerunt, & studia, & observationes factas contulerunt, & elegantissimam deinde Dissertationem eruditione, & doctrinâ undequaque refertam, solidique principis innixam exhibuerunt, quam operæ pretium esse censui in calcem hujus primæ partis Libri quarti inferre, ut omnibus pateat, non deesse in hac Civitate Studiorum Matre Viros eximios, & ne, si eorum labores, dissimulatis Authoribus, in Opus hoc meum inseruissem, tamquam plagarius traducerem. Præ cæteris Academicis Jacobus Bartholomæus Becarius Medicus clarus, a Geometria satis instructus, & in omni Philosophia tam exercitatus, & doctus, quàm qui maximè, & Matthæus Bazanus Philosophus doctus, Medicus probatus, Anatomicus non vulgaris, & undequaque disertus in concinnanda Dissertatione laborarunt.

CAPUT VIGESIMUM OCTAVUM.

De quibusdam spiritualibus Miraculis.



1 On semel, sed pluries contigit, aliquos non modò malos, & impios, sed etiam probos, & pios Viros Dei permisso tantâ vi ab impuro genio, seu stimulo infestari, ut eorum Confessarii timuerint ipsos amentiz, vel desperationi esse proximos. Præscriptæ eis fuerunt preces, præscripta jejunia, demandatæ vigilæ, & cruentæ flagellationes, sed hærentibus animo impressis aliis libidinosis imaginibus, spiritus successit blasphemiz, Sanctos videlicet vel nullos esse, vel furdos, & Deum etiam crudelem, qui aut homines peccare cogeret, aut certè humana non curaret. Discussâ re inter Patres Spirituales, aliquibus ex eis in mentem venit hominem periclitantem commendare alicui Dei Servo, vel Beato, qui, dum viveret, præcipuè heroicæ Castitatis laude excelluerit: cumque delata Sancti ad periclitantem Reliquia, ipsoque eum summa cum fiducia invocante, ut a Deo sibi gratiam impetraret liberationis a Spiritu nequam, ad primum Reliquiæ contactum sublatu illico fuerit uterque immundus, & blasphemans Spiritus, menteque, & corpore eruperit, nec unquam postmodum, licet elapsis pluribus annis, redire sit ausus, omnisque non modò impura, & impia tentatio, sed illius timor

omnis penitus evanuerit, ut jam non magis, immo minùs in his, quàm in aliis religiosis Virtutibus gravis culpæ periculum timuerit, ita attestantibus tum ipso, tum ejus Confessario, quæstio exorta est, an id esset Miraculo adscribendum a Deo patratæ intercessionis Servi Dei, qui fuit invocatus, & ad cuius Reliquiæ contactum totalis perfecta liberatio secuta est.

2 Consulti insigniores Theologi Patres videlicet Benedictus Justinianus, & Petrus de Alagona Societatis Jesu in ea fuerunt sententia, quod id esset Miraculo adscribendum ratione modi, quo res contigit, quemadmodum Miraculum fuit curatio Socri Simonis, quæ Christi Domini contactu illico convaluit; licet enim febris arte Medicâ curari potuisset, non tamen subito, sed temporis decursu, & usu medicamentorum. Adiderunt, difficillimè hæc mala spiritualia curari, sive a corporis constitutione, sive a Dæmone oriantur; & ponderarunt pacem, & tranquillitatem consecutam, & continenter perseverantem, uti Miraculi indicium. Venerabilis Dei Servus Cardinalis Belarminus super eadem re consultus dubitavit, an liberatio rigorosè loquendo Miraculo esset adscribenda, sed dixit, gratiam esse cuicumque vero Miraculo æquipollentem, & quæ Servi Dei Sanctitatem apertissimè indicat. Julius Cæsar Lagalla Artium, & Medicinæ Doctor vocatus ad suum

Ccc fe.

386 *De Serv. Dei Beatif. et Beat. Canoniz.*

ferendum suffragium inquit, quod, si vexatio a morbo procedebat, qui dicitur *Satyriasis*, de Miraculo non erat dubitandum propter sanationem tam citò factam, & absque remedii applicatione; talis enim morbus inquit ille, fit a causa vehementi, nempe ex copioso affluxu spiritus calidi ob dilatationem arteriarum, vel ex status copia in parte excitata, & quamvis curationem admittat, periculosus etiam est, & aliquando occidit, nec ita facile naturaliter solvitur.

3 *Suffragia* tum Theologorum, tum Cardinalis Bellarmini, & Medici Typis edita fuerunt in voluminosa *Informatione Cause Sancti Aloysii Gonzaga exarata* a Patre Budriolio Societatis Jesu Theologo a nobis alibi cum laude commemorato, & Cause prædictæ diligentissimo Postulatore. In *Causa Sancti Raymundi de Penafort* propositus fuit casus cujusdam Fratris Martini Converli Ordinis Sancti Dominici; cum enim hic in sæculo degens lascivam vitam duxisset, & Religionem ingressus a carnis stimulis vehementer vexaretur, considerans Sanctitatem Sancti Raymundi adhuc viventis, & eximiam ejus pietatem in Missa celebranda, supplex oravit Dominum, ut ejus meritis salutare sibi præstaret auxilium adversus carnis molestias; cumque ejus Missæ assistens ipsum Dominum Jesum Christum in forma Pueri in ejus manibus videre meruisset, ex post, licet multum vixerit, nunquam carnis stimulos sensit. Inter Auditores Rotæ juxta morem tunc temporis receptum disputatum est, an ea res esset Miraculo adscribenda; ipsique affirmando responderunt, uti colligitur ex ipsorum *Relatione in tertio*

Miraculo art. 10. Cardinales Sacris Ritibus Præpositi juxta morem pariter tunc temporis receptum sedulo examinarunt deducta in *Relatione Rotæ*, nec dubitarunt liberationem a carnis stimulis verò Miraculo adscribere, uti habetur in *Actis Causæ Sancti Raymundi* editis a Penia pag. 295. & pag. 324. & prædictæ liberationis mentio fit in *Bulla Canonizationis ejusdem Sancti Raymundi* §. Nam Frater Martinus. In *Causa Sancti Philippi Neri* de consimili liberatione actum fuit inter Rotæ Auditores, eademque Miraculo adscripta est, uti habetur in ipsorum *Relatione* num. 43. sit. de *Miraculis post mortem*, ubi ita legitur: Reverendus Vincentius Valerius cum anno 1601. Mense Junii, seu Julii gravissimam carnis tentationem tam in mente, quam corpore pateretur, ita ut nec etiam Sacrum faciens ab hujusmodi tentatione, quamvis enim Deum precaretur, liberari posset, legens Vitam Beati Philippi, statim ac pervenit ad exemplum supra dicti N. a carnis periculo liberati, orans ipsum Beatum Philippum, ut, sicut illum liberaverat, ita a Deo obtineret, ut ipse a sua tentatione liberaretur, statim ille omni tentatione, qua tantopere molestabatur, adeo se liberum sensit &c. quod ipsum habetur in *Bulla Canonizationis*, ut ex sequentibus verbis desumitur: Nonnullis sold ejus *Vita* lectione, ut Vincentium Valesium, qui vehementer vexatur tentatione supra dictum exemplum perlegens, Stephani videlicet Calcinardi, qui ab impurissima quadam foemina sollicitatus Sancti Viri Reliquiis, quas devotionis ergo secum deferrebat, sibi pectus occultâ quadam vi percuti sensit, ex animo Philippum compellens, his verbis affatus est: Cur modo non id ipsum mihi ab te, Pater? Eodem temporis instanti di-

disceffit omnis illa permoleſta mentis agi-
tatio.

4 Horum Miraculorum magnitu-
dinem extollit Cardinalis Bona in
ſuo *Traſtatu de Diſcretione Spirituum*
cap. 6. num. 9. En ejus verba : *Que*
verò (loquitur de Miraculis) *patran-*
tur, verò, & abſolutè nota Sanctitatis
cenſenda ſunt ; non enim ſolet Deus ad
tantum opus, cujuſmodi eſt perfectà ad
Deum converſio, quempiam aſſumere, qui
ſibi gratus non ſit. Unde uſu comper-
tum eſt, neminem unquam hypocrita ſua-
ſu verò converſum fuiſſe, & licèt ali-
qua virtutis argumenta protuleris, ea
tamen ſucceſſu temporis emarcuerunt, &
ad nihilum redacta ſunt ; & ante ipſum
de prædictis Miraculis ſequens latum
fuerat judicium a Beato Raymundo
de Capua Confellario Sanctæ Catha-
rinæ Senenſis in ejus Vita part. 2. cap.
7. cui titulus eſt = D' ALCUNI
MIRACOLI PER VIRTU'
DIVINA OPERATI DA QUE-
STA SANTA VERGINE CIR-
CA LA SALUTE DELL'
ANIME = inquit enim loquens
de hiſce Miraculis : *E perchè quanto*
lo ſpirito precede al corpo, tanto que'
Miracoli ſpirituſuali precedono a quelli,
che ſannoſo in beneficio del corpo, perciò
ho riſolto io di deſcrivere prima quelli,
che per la liberazione dell' anime ado-
però il Signore per mezzo di Caterina,
ed appreſſo quelli, che recaron ſalute a'
corpi de' proſſimi. Plura ſuper hoc ar-
gumento collecta habentur apud Pi-
gnatellum conſult. 177. num. 39. & ſe-
quentibus tom. 10. ubi poſt plura num.
46. ita concludit : Ut ergo ſuorum Ser-
vorum mirabilem Sanctitatem Dominus
commendaret, cæteris ejus Miraculis hoc
adjungit Miraculorum genus altiffimum,
converſiones ſubitas rebellium voluntatum,
quæ tamen inter prodigia loco ſupremo
Apoſtolico examini ſunt proponenda.

5 Similis huic controverſiæ alia eſt
controverſia a Theologis examinata,
utrum videlicet impii juſtificatione ſit
opus miraculoſum, de qua Sanctus
Thomas 1. 2. *queſt. 113. art. 10.* ubi
Sanctus Doctor tria docet conſueviſ-
ſe inveniri in miraculoſis operibus,
quorum unum eſt ex parte potentie
agentis, cum aliquid ſolâ Virtute Di-
vinâ fieri poteſt, & juxtà hoc tam
juſtificatione impii, quàm creatio Mun-
di, & univerſaliter omne opus, quod
a ſolo Deo fieri poteſt, miraculoſum,
licèt minus propriè, dici valet ; ſe-
cundum eſt, quod in quibuſdam ope-
ribus miraculoſis forma inducitur ſu-
pra naturalem potentiam talis mate-
riæ, uti contingit in mortui ſuſcita-
tione, & quantum ad hoc juſtifica-
tio impii non eſt miraculoſa, cum
anima naturaliter non ſit incapax Gra-
tiæ ; eo enim ipſo, quod facta eſt ad
imaginem Dei, capax eſt Dei per
Gratiam ; tertium eſt, quod in ope-
ribus miraculoſis aliquid invenitur præ-
ter ſolitum, & conſuetum ordinem
cauſandi effectum, uti accidit in in-
firmo, qui ſanitatem perfectam aſſe-
quitur ſubito præter ſolitum curſum
ſanationis, quæ ſit a natura, vel ar-
te ; concluditque Sanctus Doctor, ju-
ſtificationem impii, quantum ad hoc
aliquando eſſe miraculoſam, aliquan-
do non, non eſſe videlicet miraculo-
ſam, quando juxtà communem, &
conſuetum curſum juſtificationis, Deo
movente interiùs animam, homo con-
vertitur ad Deum primò quidem con-
verſione imperfectâ, ut poſtmodum
deveniat ad perfectam, miraculoſam
verò eſſe, cum Deus tam vehementer
animam movet, ut ſtatim quandam
perfectionem juſtitie aſſequatur. Hoc
ipſum Sanctus Doctor docuerat in 4.
Sent. diſt. 4. queſt. 3. art. 1. Ad tertium,
Ccc 2 ubi

388 *De Serv. Dei Beatif. et Beat. Canoniz.*

ubi inquit, Deum etiam in iis, quæ ad Gratiæ pertinent, quandoque operari præter Legem naturæ, hoc est præter modum Gratiæ connaturalem, uti quando Miracula facit præter rationes feminales. Doctrinam Divi Thomæ latissimè comprobant Salmanticensis in *Cursu Theologico* tom. 6. tract. 15. dub. 4. disput. 4. §. 2. num. 60. ubi ajunt, justificationem impij esse aliquando Miraculum propriè, & strictè sumptum; cum enim Miraculum propriè, & strictè sumptum sit, quando effectus aliter producit, ac produci petit, si justificatio fiat præter modum, quem ex sua postulat conditione, concludunt, de Miraculo non esse dubitandum. Pro suæ assertionis confirmatione ponderant, proprium, & connaturalem modum justificationis esse, ut infidelis, vel impius a dispositionibus minù perfectis progrediantur ad perfectiores, ex quo fit, ut, si, hoc ordine relicto, justificatio contingat, quemadmodum colligi potest ab exemplis infra referendis, justificatio, & conversio Miraculis sint adscribendæ. Concordant ceteri Theologi, & præsertim Suarez de *Gratia* lib. 7. cap. 25. num. 7. & sequentibus, ubi num. 9. inquit, miraculosam esse justificationem, cum Deus non movet hominem ad justitiam modo accommodato naturæ ejus, sed tam vehementer, ut subito illum justificet: cumque sibi opposuisset, opus nunquam dici miraculosum, nisi excedat capacitatem naturalem subjecti consentaneam tali formæ, & justificationem nunquam excedere capacitatem animæ proportionatam Gratiæ exigere potest, respondet, opus non semper esse miraculosum propter substantiam facti, sed interdum etiam

propter modum faciendi, & sic in recensito rerum eventu justificationem non esse miraculosam in facti substantia, sed in modo faciendi.

6 Communis ergo, & recepta esse videtur sententia, quod impij justificatio verè, & propriè miraculosa sit, cum, adjuvante Dei Gratiâ, præter ordinem consuetum fit, & in primo instanti, in quo est, seclusis consuetis præcedentibus minù perfectis dispositionibus, perfectionem assecutus est, in quo eodem statu etiam subsequenter ad longum tempus perseveravit.

7 Allatis supra exemplis alia nonnulla addimus. Primum desumitur ex Sancto Augustino lib. 22. de *Civitate Dei* cap. 8. ubi hæc scribit: *Fuit Vir in ordine suo primarius, nomine Martialis, ævo jam gravis, & multum a Religione abhorrens Christiana. Navebat sanctæ fidelem Filium, & Generum eodem anno baptizatum. Qui cum eum ægrotantem multis, & magnis precibus, & lacrymis rogarent, ut Christianus fieret, prorsus abnuis, eosque a se turbidâ indignatione submovit. Visum est Genero ejus, ut iret ad Memoriam Sancti Stephani, & illie pro eo, quantum posset, oraret, ut Deus illi daret mentem bonam, quæ credere non differret in Christum. Fecit hoc ingenti gemitu, & fletu, & sincerius ardente pietatis affectu: deinde abscedens aliquid de Altari florum, quod occurrit, tulit, eique, cum jam nox esset, ad caput posuit. Tunc dormitus est, & ecce ante diluculum clamat, ut ad Episcopum correretur, qui mecum foris tunc erat apud Hipponem. Cum ergo audisset eum absentem, venire Trebyteros postulavit, Venerunt, & statim se credere dixit: admirantibus, atque gaudentibus omnibus baptizatus est. Hic, quamdiu vixit, in ore habebat: Christe, acipe spiritum meum;*

CUM

Lib. IV. Pars Prima Cap. XXVIII. 389

eum hæc verba Beatissimi Stephani, quando lapidatus est a Judæis, ultima fuisse nesciret, quæ huic quoque ultima fuerunt, nam non multo post etiam ipse defunctus est. Alterum desumitur ex lib. 7. Vitæ Sancti Bernardi Abbatis descripta in Libro, cui titulus = EXORDIUM MAGNUM CISTERCIENSE = dist. 2. cap. 6. post Opera Sancti Doctoris Editionis Mabillanæ: ibi quippe narratur, Monachum quemdam per Dæmonum fallacias ad tantam cordis inopiam devenisse, ut negaret, panem, & vinum in Sacramento Altaris transubstantiari in Corpus, & Sanguinem Domini Nostri Jesu Christi, & in ea hæresi pertinaciter per multum tempus perseverasse. Refertur, quod re delatâ ad Sanctum Bernardum Abbatem, ipsi per Virtutem Obedientie præcepit, ut crederet: Constitutus igitur Virtute Obedientia Monachus, penitus sine Fide, ut sibi videbatur, ad Altare accessit, communicavit, Sanctique Patris meritis confestim illuminatus, Fidem Sacramentorum recepit, quam etiam intemeratam usque ad diem mortis sue conservavit. Prima conversio Martialis a Sancto Augustino adscribitur intercessionem Sancti Stephani, & tamquam miraculosa recensetur. Altera Monachi conversio adscribitur intercessionem Sancti Bernardi, & eadem quoque inter Miracula recensetur; & in prædictis conversionibus non desunt requisita in superioribus exposita, subitanæ videlicet, & instantanæ conversionis, necnon perseverantiæ in bono.

8 Verùm, ut de similibus conversionibus, Miraculisque spiritualibus habenda sit ratio in Causis Beatificationis, & Canonizationis, & ad effectum Beatificationis, & Canonizationis, necessarium esse videtur,

ut aliquo extrinseco signo confirmetur, & corroborentur, de quo signo Testes testes deponant, cùm enim ex alibi dictis clara, & perspicua debeant esse documenta, & probationes debeant esse, uti dicitur, lucē meridianā clariores in Causis, de quibus agitur, tales profeclō illæ non essent, quæ desumerentur ex attestatione ejus, qui se in instanti conversum prædicat, & juramento asserit, necnon ex attestatione Confessarii ipsius, qui totum id, quod refert, ex ore ejus refert, nisi fortè, qui se conversum asserit, talis esset probitatis, ut nefas esset ejus dicto fidem non præstare. Fuit hoc insinuatum a Sancto Thoma in 1. 2. c. 113. art. 10. ubi agendo de conversione miraculosa hæc habet: *Quandoque verò tam vehementer Deus animam movet, ut statim quamdam perfectionem justitiæ assequatur, sicut fuit in conversione Pauli, adhibita etiam exterioris miraculosa prostratione: & ideo conversio Pauli tamquam miraculosa in Ecclesia commemoratur celebriter. Sequitur Suarez de Gratia lib. 7. cap. 25. sub num. 6. ubi ita scribit loquendo de conversione miraculosa: Et tunc necesse est, ut vel ad excitandum, & convertendum hominem Deus aliquo Miraculo saltem externo utatur, ut fecit in Divo Paulo. Adhæret Arauxo in Definitionibus Moralibus tract. 3. quæst. 23. num. 80. ubi postquam exposuit ad rationem Miraculi requiri, quod sit opus excedens facultatem naturæ creatæ agentis, quod sit insolitum, & præter ordinariam legem in eodem ordine contingens, ita subdit: *Definitio secunda conditionis defuit a ratione Miraculi justificatio impij adulti sive cum Sacramento, sive extra illud per proprios actus supernaturales dispositivos, quia**

390 *De Serv. Dei Beatif. et Beat. Canoniz.*

quia licet *Gratia* in se sit forma ordinis supernaturalis excedens totam naturam facultatem, verumtamen infunditur homini adulto in casu posito secundum modum consuetum in Ecclesia, & secundum ordinariam legem ordinis *Gratia*, secus foret, si repente, aut sine propriis actibus dispositivis, aut cum insolitis circumstantiis a statu peccati, siue ab actuali peccato ad statum *Gratie* justificatio, qualis fuit *Pauli Apostoli* justificatio, cuius propterea conversionem ut verè miraculosam celebrat Ecclesia. Dictum est in superioribus, in Causis Beatificationis, & Canonizationis, & ad effectum Beatificationis, & Canonizationis videri necessarium esse, ut conversiones aliquo extrinseco signo confirmetur, & corroborentur. Licet enim fortè aliquando absque prædicto extrinseco signo nonnullæ conversiones in Causis Beatificationis, & Canonizationis tamquam miraculosæ fuerint receptæ, quatenus id non processerit ex fide data ei, qui se conversum asseruit, de cuius probitate nefas fuisset dubitare, semper verum erit dicere, non iis, sed cæteris indubitatis Miraculis innixum fuisse Decretum Beatificationis, aut Canonizationis, cum in hisce Causis plura discutienda proponantur Miracula, & nonnulla rejiciantur, nonnulla admittantur, & inter ea, quæ admittuntur, nonnulla sint, quibus innititur Decretum Beatificationis, & Canonizationis, quæque rigorosissimo perpenduntur examine, & nonnulla admittantur tamquam supra numerum, quæ magno quoque rigore examinantur, sed qui æqualis non est rigori, quo priora Miracula perpenduntur, tum quia illis non innititur Decretum Beatificationis, & Canonizationis, tum quia, si ali-

quod dubium in eis occurrat, submovetur ex aliis Miraculis indubitatis, & certis.

9 Tres sunt conversiones, quas Theologi inter Miracula recensent, conversio videlicet Sancti Latronis, conversio Sancti Matthæi, & conversio Sancti Pauli, quam celebrat Ecclesia universalis, juxta ea, quæ nobis referuntur in secunda parte Libri quarti cap. 9. sub num. 4. Theophilus Raynaudus Operum tom. 9. cap. 7. de *Metamorphosi Latronis* in Apostolum ponderat, in Sancto Latrone nullam præcessisse externam Fidei auditionem, quæ, licet pertineat ad *Gratiam* extrinsecam, aliquis tamen est usus in conversionibus, ponderat aliam defuisse præparationem, quæ est annexa auditioni, ubertatem videlicet extrinsecorum motivorum, quæ solet recens Fidem capefcentes permoveere, & eos præparare excipiendæ Gratiz Divinæ; animadvertit præterea multa contraria, & avocantia Sancto Latroni obversata fuisse, iudicium videlicet Sapientissimorum Populi Hebraici, præsumptionem ex supplicio irrogato, & condemnatione ad mortem turpissimam; & post ea ita concludit: Itaque planè oportuit, Deum in tanta extrinseca doctrina, & manductio-num ad Fidem sterilitate, singulari modo, & ad Miraculum accedente, Latroni interioriorem aurem aperire per se ipsum, & in schola interna per infinitum potentissimum, tamen si suavem, & eluctabilem, aptare profligatissimam illuc usque, & hætenus a Fidei Sanctitate alienissimam perditissimi hominis voluntatem ad inducendum Fidei assensum &c. Quare nullà ratione negari potest, quin Latronis ad veram Fidem deductio cum tam tenui apparatu, vel etiam nullo, plena Miraculi, & omnino eximia videri debeat; & de San-

Sancto Latrone Sanctus Eucherius in *bonilia* de eodem ait: *Laudabilis hoc itaque in Latrone, & magnificientius fuit, quod hominem addidit, & inter extrema deficientem supplicia Dominum credidit, quàm si inter Virtutum opera credidisset.* De conversione Sancti Matthæi habetur Lucæ 5. = *Vidit Publicanum nomine Levi, sermo est de Christo, sedentem ad Telonium, & ait illi: Sequere me; & reliquit omnibus surgens secutus est eum;* & Marci 2. = *Vidit Levi Alphei sedentem ad Telonium, & ait illi: Sequere me, & surgens secutus est eum;* & Matthæi cap. 9. = *Vidit hominem sedentem in Telonio Matthæum nomine, & ait illi: Sequere me, & surgens secutus est eum.* Sanctus Hieronymus *super Matthæum* ait, quod de Publicano repente factus est Apostolus, & Venerabilis Beda *super Lucam* subdit, quod de Publicano in Apostolum de Teloneario in Evangelistam mutatus est; & Sanctus Thomas *quolibet. 5. art. 21.* docet, Matthæum a principio vocatum esse ad statum perfectionis, primò videlicet ad Discipulatum Christi, & subinde ad Apostolatatum, licet eum post aliquod aliud tempus consecutus sit. Porphyrius, & Julianus impiè Matthæum accusant, quod stultè secutus sit Christum, hominem sibi minimè notum. At Sanctus Hieronymus in *Matthæum cap. 9.* eos sequentibus verbis refellit: *Certe fulgor ipse, & majestas Divinitatis occulta, quæ etiam in humana facie refulcebat, ex primo ad se venientes trahere poterat aspectu; & in illud idem Evangelium Matthæi cap. 21.* docet maximum, & præclarissimum omnium Miraculorum Christi fuisse ejectionem ementium, & vendentium, itemque nummulariorum e Templo, ex quo ab ejus oculis, & facie Divinitatis

lucebat majestas: *Mibi inter omnia signa, quæ fecit, hoc videtur mirabilis esse, quod unus homo, & illo tempore contemptibilis, & instantum nullus, ut postea crucifigeretur, Scribis, & Pharisæis contra se servientibus, & evidentibus lucra destrui sua, posuerit ad unius flagelli verbera tantam ejicere multitudinem, mensasque subvertere, & Cathedras confringere, quæ infinitus non fecisset exercitus; igitur enim quiddam, & fidereum radiabat ex oculis ejus, & Divinitatis majestas lucebat in facie.* Et denique quid contigerit in conversione Sancti Pauli plenè describitur in *Actis Apostolorum cap. 9.* ubi refertur, quod, dum ibat Damascum, ut, si quos Christianos inveniret, victos perduceret in Hierusalem, circumfusus fuit luce de Cælo, vocem de Cælo audivit, quam comitantes quoque audiverunt, cæcus evasit, visum subinde recuperavit, & primo lucis intuitu in terram cecidit, sive pedes esset, uti fusè probat Thomas *Maslinus in Vita Divi Pauli lib. 2. cap. 2.* sive equo insideret, ut nonnulli putant, seu potius mulæ, vel asino, uti novissimè ostendere conatur Pater Joannes Interian de Ayala in *suo erudito Opere de Christiano Pastore lib. 5. cap. 5.*

10 Hæ sunt conversiones, quas inter Miracula recensent Salmanticenses loco supra citato *num. 63.* At in omnibus, & singulis prædictis aliquod extrinsecum mirabile non deficit: *Memento mei, Domine, dum veneris in Regnum tuum:* verba fuerunt a Sancto Latrone prolata, de quorum excellentia hæc habet Sanctus Eucherius *loc. cit.* = *Non dixit: Si Deus es, de præfensi supplicio eripe me; sed magis: Quia Deus es, de futuro judicio libera me. Quàm cùm eum replevis Sancti Spiritus*
eru-

392 *De Serv. Dei Beatif. et Beat. Canoniz.*

eruditio! Per quam futuri examinis diem cogitans, intolerabile probat esse, quod metuit. Predicat saculis Judicem, Regemque seculorum, nondum Discipulus, & jam Magister, atque ex Latrone Confessor. In conversione Sancti Matthæi Sanctus Basilius interrogat. 8. Regula egregiè exponit, quæ extrinsecus apparuerunt: Quæ in re non lucra modò reliquit, sed pericula etiam contempsit, quæ ipsi totique suæ familie a Civitatis Magistratibus imminuebant, quod redemptorum a se vestigialeum rationes discedens non conse-

Has reliquisset, & Sanctus Gregorius in Evangelia homil. 24. animadvertit, Petrum post conversionem ad piscationem rediisse, non autem Matthæum ad Telonii negotium, cum primum sine peccato, alterum verò non sine peccati periculo exerceri possent. Inutile est autem de mirabilibus extrinsecis signis sermonem habere, quæ non defuerunt in conversione Sancti Pauli, cum ex supra dictis sufficiens eorum notitiâ haberi possit.

CAPUT VIGESIMUM NONUM.

De Ejectione Damonum a corporibus obsessis.



T recto ordine procedatur, inquirendum primò est, quinam dicantur obsessi a Dæmone, secundò, an obsessi hi dentur, tertio, quænam sint signa veræ obsessionis, quartò, quibus modis liberentur obsessi, ultimò, an in hac liberatione obsessorum, & Dæmonum ejectione Miraculum intercedere possit.

2 Initio autem ducto a primo puncto, duo requiruntur, ut aliquis obsessus dici possit, alterum, ut in eo Dæmones sint, alterum, ut in eum aliquam etiam potestatem acceperint, Thyræus in suo *Tractatu de obsessis a Spiritibus Demoniorum hominibus pars. 1. disputationis cap. 2.* qui etiam expli-

cat, quomodo Dæmones hominibus insint obsessis, nec enim insunt ut accidentia suis subiectis, cum hi spiritus sint veræ, & perfectæ substantiæ non ut partes suis totis, & compositis, cum homo constet animâ, & corpore, & Dæmones in obsessis non gerant vices animæ, aut corporis, non ut dux perfectæ naturæ concurrentes, quæ in una hypostasi recipiantur, cum in solo Christo Domino una hypostasis naturas humanam, & Divinam suscipiat, sed Dæmones in hominibus, quos obsident, sunt ut motores in corporibus, quæ movent, ita videlicet, ut nullam corpori hominis qualitatem imprimant, nullum ipsi dent novum esse, nec propriè unum quid constituant cum homine obsessio.

3 Idem Thyræus in sequentibus capitulis latè ostendit, Dæmones, dum ho-

Lib. IV. Pars Prima Cap. XXIX. 393

homines obsident, in corpora potissimum potestatem habere, & exercere, in animas verò non ita multum posse, & finitam, & certam esse eorum potestatem in ipsa corpora obsessorum, quia, quemadmodum non, nisi obtentà a Deo facultate, corpora ingrediuntur, ita eorum corporibus plus damni asferre non possunt, quàm a Deo Optimo Maximo illis permittitur, & præsinitur. At, his omis-
 sitis, quæ apud eum, & ceteros Authores legi possunt, & transitum faciendo ad secundum punctum, in quo quærendum proponitur, an hi dentur obsessi, apud Guillelmum Parisiensem in *Opere de Universo* nonnulli, sed pauci, Medici, quibus adhæsit Levinus Lemnius lib. 2. de oculis *natura cap. 2.* inficiari auri sunt, hos dari obsessos, & arcepsitos, quos strenuè redarguit Theophilus Raynaudus *Opusculum tom. 9. in Libro, cui titulus = ANGELUS MALUS HOMINEM COLAPHIZANS = cap. 10.* licet Author Opus absol-
 vere non potuerit morte præventus, & Sacre Scripturæ eloquia impietatem redarguunt eorum, qui prædicta asseruerunt: persuasum quippe fuit Judæis, homines a Dæmonibus possideri posse, cum Christo Domino per summam contumeliam ob-
 ceperint, quòd Dæmonium haberet, Joannis 8. = *Nonne bene dicimus tibi, quia Samaritanus es tu, & Dæmonium habes?* = & Lucæ 11. = *In Principe Dæmoniorum ejicis Dæmonia &c.* Quid ipsum auditis? Dæmonium habet. Christus ipse Dominus Matthæi 17. regulam, five rationem declaravit, quam in quibusdam Dæmonibus ejiciendis ob-
 servari volebat, ut orationi videlicet adderetur jejuniu: *Hoc genus Dæmoniorum non ejicitur, nisi in jejuniu,*

& oratione. Calumniis, & criminationibus, quòd virtute Dæmonis Dæmonem expelleret, non negavit ingressum Diaboli in homines, sed negavit, se in Principe Dæmoniorum Beelzebub Dæmonia ejicere. *In eodem Matthæi Evangelio, & in altero Marci futurum denuntiavit, Dæmones esse habituros potestatem in corpora, cum Apostolos miserit in Orbem terrarum cum potestate Dæmones expugnandi, & inter signa credentium retulerit, quòd in suo nomine essent Dæmonia ejecturi, & docuerit, aditum Cælorum eis futurum esse præclusum, qui caritate, destituti in suo nomine Dæmonia ejecissent.* Scatent Evangelia ejec-
 tionibus Dæmonum a Christo factis, cum Marci 1. legatur = *Et curavit multos, qui vexabantur variis languoribus, & Dæmonia multa ejiciebat, & non sivebat ea loqui, quoniam sciebant eum = & Lucæ cap. 4. = Exhibant autem Dæmonia a multis clamantia, & dicentia, quia tu es Filius Dei: & increpans non sivebat, ea loqui, quia sciebant, ipsum esse Christum.* Rursus Matthæi cap. 8. cum venisset Jesus trans fretum in Regionem Gerasenorum, occurrerunt ei duo habentes Dæmonia de monumentis exeuntes, & dicentes: *Quid nobis, & tibi, Jesu Fili Dei? Venisti huc ante tempus torqueri nos?* & rogantibus Dæmonibus, ut, si eos ejiceret, mitteret in gregem porcorum, sic factum est. Hoc ipsum habetur Lucæ cap. 8. & Marci cap. 5. & quamvis Marcus, & Lucas dicant, solum unum Christo occurrisse, & Matthæus de duobus loquatur, ob-
 servat nihilominus Sanctus Augustinus de *Concord. Evangel.* Lucam, & Marcum unius tantum meminisse, quoniam unus eorum celebrioris persona,

D d d & ma-

394 *De Serv. Dei Beatif. et Beat. Canoniz.*

Et majoris infania fuit, ob quem Regio illa maximè dolebat, & pro ejus salute Populus satagebat.

4 Ostendunt autem hæc omnia, ingresum Dæmonum in homines, & etiam in bestias; unde Sanctus Hieronymus in *Vita Sancti Hilarionis* circa medium hæc scribit: Parum est de hominibus loqui, bruta quoque animalia quotidie ad eum furentia pertrabantur; in quibus Bactrum Camelum enormis magnitudinis, qui jam multos obriverat, triginta, & eo amplius Viri dissentum solidissimis fuvibus cum clamore adduxerunt. Sanguinei erant oculi, spumabat os, volubilis lingua turgebat, & super omnem terrorem rugitus personabat immanis. Jussu igitur, cum dimitti, Senex: statim verò, & qui adduxerant, & qui cum Senex erant, usque ad unum omnes diffugerunt. Porro ille solus perrexit obviam, & sermone Syro, Nomen, inquit, terret, Diabole, tantâ mole corporis, & in Vulpecula, & in Camelo unus, atque idem es. Et interim porrectâ stabat manu. Ad quem dum furens, & quasi cum devoratura bellua pervenisset, statim corruit, submissumque caput terra coaquavit, mirantibus cunctis, qui aderant, post tantam ferociam tantam subitâ mansuetudinem. Hæc Hieronymus, qui eodem loco post mansuetactum Dæmonis expulsionem Camelum, cur jumenta interdum ille vexet, & cruciet, ex sermone Hilarionis ostendit. Redeundo autem ad hominum obsessiones a Dæmonibus factas, quamvis aliquando obsessi patientur tyrannidem Dæmonum in vindictam peccatorum, quæ commiserunt, aut etiam in vindictam aliorum, quæ ab ipsis commissa non sunt, juxta illud Sancti Augustini lib. 21. de Civitate Dei cap. 18. = Grave jugum filios Adam a die exitus

de ventre matris eorum usque in diem sepultura matrem omnium usque aetate impleri, est necesse, ut ipsi parvuli per Lavacrum regenerationis ob originali peccato, quo solùm tenebantur, vinculo jam solati, multa patientes, nonnulli incurfiones spirituum malignorum patiantur = & aliud Sancti Hieronymi in Epistola ad Paulam de dormitione Blesilla = Quæ causa est, ut sæpe bimuli, trimulive, & ubera materna lactantes a Dæmonio corripiantur? &c. Invisibilia hæc inscrutabili Altissimi judicio sunt relinquenda; fieri tamen quandoque potest, ut absque ulla culpa, sed non sine magnis Divinæ Providentiæ rationibus mortales sustineant Dæmonum cruciatus in obsessis corporibus, ut eos videlicet Deus probet, ipsorum augeat merita, & majoribus, & pluribus modis se iisdem obstringat, juxta illud Cassiani collat. 7. cap. 28. ubi hæc habet: Non debere eos abominari, vel despici, quos istis spiritibus nequisiæ tradi videmus, quia, duo hæc credere nos immobiliter oportet, primò, quòd sine Dei permisso nullus ab iis omnino tentetur, secundo, quòd omnia, quæ a Deo nobis inferuntur sive tristia ad præsens, seu lata videantur, velut a piissimo Patre, clementissimoque Medico pro nostris utilitatibus irrogentur, & idcirco, eos veluti Pedagogy traditos humiliari, ut discedentes ex hoc Mundo purgatiores ad vitam aliam transferantur, vel parvâ leviori plectantur, qui secundum Apostolum traditi sunt in præsentem Satana in interitum carnis, ut spiritus salvi fiant in die Domini nostri Jesu Christi. Plura legi possunt in part. 2. Thyrsi de Dæmoniis cap. 30. & pluribus sequentibus, & rectè profequitur Cardinalis de Lauræa in 3. lib. Sem. tom. 4. diffus. 20. de Miraculis art. 7. num. 107.

Lib. IV. Pars Prima Cap. XXIX. 395

Multi dicuntur obsessi, qui verâ obsessi non sunt, aut quia se simulant obsessos, de quibus in *Canone sexto Concilii Trullani* = *Arreptios se simulant*, & qui morum improbitate eorum figuram, & habitum simulatâ præferunt, visum est, omnino puniri = aut quia Medici ipsi nonnullos dicunt obsessos, qui obsessi non sunt, uti benè annotavit Vallesius de *Sacra Philosophia* cap. 28. sequentibus verbis = *Constat ex his omnibus, quæ dicta sunt, verisimile esse, plurimos eorum, qui Dæmonis opinione ad Exorcistas deferuntur, Dæmonem non habere, sed morbis aliquibus eorum, qui dicti sunt, teneri, & præ inopia consilii, cum tentata sint alia curationes antea, neque sufficientes, deferri ad illos* = & latè profequitur Joannes Baptista Silvaticus in suo *Opere de his, qui morbum simulant, deprehendendis* cap. 17. ubi ostendit, quòd signa ex quibus nonnulli inferunt, aliquem esse a Dæmone obsessum, sunt signa humoris melancholici, quocirca Theologi, Medicique cautiore monent, signa esse perpendenda, & examinanda, antequam pronuntietur, aliquem esse a Dæmone obsessum, uti, collectis concordantibus, docet Zacchias *Quæst. Medico- Legal.* lib. 2. tit. 1. quæst. 18. num. 3. & pluribus sequentibus. In *Rituale Romano* ad tit. de exorcizandis obsessis a Dæmonio hæc habentur: *In primis, ne facile credat (sermo est de Exorcista) aliquem a Dæmone obsessum esse, sed nota habeat ea signa, quibus obsessus dignoscitur ab his, qui vel astrâ bile, vel morbo aliquo laborant. Signa autem Dæmonis obsessis sunt, ignotâ linguâ loqui pluribus verbis, vel loquentem intelligere, distantia, & occulta patefacere, vires supratatis, seu conditionis naturam ostendere, & id genus alia, quæ, cum plurima concurrunt, majora sunt indicia.* Benè pon-

derat Pontas in suo *Dictionary Casuum Conscientiæ in verb. Possessus*, quòd, si inter signa obsessorum recensetur, quòd aliquis ignotâ linguâ loquatur, vel loquentem intelligat (quidquid opinari, vel saltè dubitare ausus fuerit Schenckius *Observat. Medical.* lib. 1. de Mania, seu Insania pag. 156. Editionis Francofurti anni 1609. cui adhæsit Dominus Hecquet, quem fundatissimè redarguit Theologus Gallus in sua decima quarta *Epistola theologica* num. 56. & sequentibus) a fortiori hoc ipsum dicendum erit, si rusticus, si femina quæstionibus philosophicis, & theologicis, quarum numquam cognitionem habuerunt, aptè respondeant & habeat in Sacerdotali Romano ad consuetudinem Sanctæ Romanæ Ecclesiæ, & aliarum Ecclesiarum collecto ad tit. de Exorcismis contra Dæmoniacos pag. 329. Venetæ Editionis anni 1585. = *Est etiam magnum signum, quando loquuntur sermonem alienum a Patria sua, si non fuerint extra Patriam, & quando Persona illitterata, & idiota loquuntur literaliter, & congruenter &c.* aut quando dicunt aliquid, quod ipsi numquam dicere scivissent. Thyrsus in allegato *Treatatu de Dæmoniacis* part. 2. cap. 12. & pluribus sequentibus discrimen exponit signorum, quorum nonnulla dicit certa, nonnulla incerta, nonnulla probabilia, & de eadem re plura habentur apud Martinum del Rio *Dissquisit. Magic.* lib. 6. quæst. 3. sect. 2. apud Clericatum de *Sacrament. Ordinis* decif. 19. num. 17. & sequentibus, apud Monacellum in *Formulario Legali Practico* tom. 3. tit. 1. formul. 47. num. 4. & pluribus sequentibus.

6 Succedit, ut sermo instituat de Dæmonum expulsionem a corporibus obsessis. Apud Cardinalem Baronium in *Annalibus* ad annum 56. plu-

396 *De Serv. Dei Beatif. et Beat. Canoniz.*

ra eruditè referuntur de obfessorum liberatione apud Hebræos. *Afforum*. quippe 19. legitur, quosdam de circumcumbentibus Judæis Exorcistis conatos fuisse Spiritus malignos ejicere per invocationem Nominis Jesu. Joseph *Antiquit. lib. 8. cap. 2.* testatur, Deum præstitisse Salomoni, ut contra Dæmones artem ad utilitatem hominum, & eorum curas edisceret, ipsumque idcirco incantationes instituisse, quibus astricti Dæmones effugabantur; seque vidisse quemdam Eleazarum Judæum, præfente Vespasiano, ejusque Filiis, & Tribunis, totoque Exercitu, curantem eos, qui a Dæmonibus vexabantur, admoto Dæmoniaci naribus anulo habente sub signaculo radicem a Salomone monstratam. At hæc incerta sunt, & undequaque superstitiosi sunt exorcismi a quibusdam, etiam nostro tempore, adhibiti, qui dicuntur Salomonis, juxta ea, quæ habentur apud Estium *in 4. lib. Sent. dist. 24. §. 12.* In iplis Ecclesiæ primordiis magna erat Energumenorum multitudo, ut undique etiam & Gentibus, & Paganis ad Ecclesiam adducerentur suis exorcismis, & precibus, invocato Christi Nomine liberandi, quemadmodum colligi potest ex Justino Martyre, qui passim testatur, exorcizandi munus fuisse commune omnibus Christifidelibus, etiam non ordinatis, eò quòd omnes tunc ex gratia gratis data pollerent dono abigendi Dæmones & corporibus arreptitiorum per invocationem Nominis Christi; tunc enim ad Ecclesiæ edificationem, & debitam Fidei propagationem longè frequentior erat, & omnino conveniens Miraculorum, & ejusmodi curationum usus. Tertulianus *ad Scapulam Carthaginiæ Præfatum* Christianis ultima minitantem,

nisi Christum ejurarent, scribens, post quorundam Præfectorum, qui cum Christianis humanè egerant, exempla producta, inquit = *Hæc omnia tibi de officio suggeri possunt & ab eisdem Advocatis, qui & ipsi beneficia habent, Christianorum, licet adclament, quæ volunt; nam cujusdam Notarius, cum a Damone præcipiaretur, liberatus est, & quorundam propinquus, & puerulus; & quanti bonefii Viri (de vulgaribus enim non dicimus) aut a Dæmonibus, aut a valedudinibus remediati sunt? = & in Libro contra Gentes, cum multa in earum superstitionem, & falsa Miracula declamasset, subdit = *Edatur hic aliquis sub Tribunalibus vestris, quem Damone agi constat; jussus a quolibet Christiano loqui spiritus ille, jam se Dæmonem confitebitur = & multò post: De corporibus nostro imperio excedunt inviti, & dolentes (loquitur de Dæmonibus) & vobis præsentibus, & erubescenibus. Restricta subinde fuit exorcizandi, & Dæmones abjiciendi potestas ad Exorcistas. In Commentario historico Morini de Sacramento Penitentia lib. 6. cap. 7. per totum, congesta undique eruditione, demonstratur, duplicem olim fuisse modum obfessos adjurandi, & eos a potestate Diaboli liberandi per exorcismos: alterum solemnem inter Missarum Solemnia, post dimissos publicos Pœnitentes, necnon Catechumenos, completâ recitatione Evangelii, & prædicatione; vocabantur enim in medium Templi, qui erant obfessi, hisque genuflexis, Diaconus Populum monebat, ut Deum pro eorum liberatione rogaret, & subinde Episcopus, seu Sacerdos solemniter celebrans nonnullas recitabat super eos publicas preces, ut Deus hostem humani generis ab obfessis illis expellere dignaretur,**

tur, completisque precibus, Energumini de Ecclesia dimittebantur, cum eis permissum non esset Sacris altare Mysteriis, aut oblationes facere ad Altare: alterum verò privatum, quem adhibebant Exorcistæ ad hunc effectum ab Ecclesia ordinati, qui manus imponebant, & exorcizabant obfessos tam catechumenos, quàm baptizatos, quod præstabant tum in privatis domibus, tum in Ecclesiis, sed extra Missam. Mentio facta est Exorcistarum, quorum Ordo inter Minores Ordines recensetur, & quibus in Ordinatione traditur potestas Dæmones adjurandi, & expellendi e corporibus obfessorum. Tertio seculo Cornelius Papa in Epistola ad Fabium Antiochenum apud Eusebium *Histor. lib. 6. cap. 35.* sic de Novato loquitur: *Is ergo, qui Evangelium vindicabat, nesciebat, in Ecclesia unum Episcopum esse debere &c. Presbyteros quadraginta sex, Diaconos septem, Subdiaconos septem, Acolythos quadraginta duos, Exorcistas, & Lectores cum Osiariis quinquaginta duos.* Respiciunt hæc Ecclesiam Occidentalem: & quò ad Orientalem non desunt monumenta, quæ existentiam Ordinis Exorcistatus apud eam demonstrant, cum in *Can. 24.* Concilii Laodicensi, quod habitum est, incunte seculo quarto, ita scriptum sit: *Quid non oportet, Sacros a Presbyteris usque ad Diaconos, & deinceps quælibet Ecclesiastici Ordinis usque ad Ministros, vel Lectores, vel Cantores, vel Exorcistas, vel Exercitatores Ordinis in cauponam ingredi; & latè prosequitur Goar ad Rituale Græcorum Veneta Editionis anni 1730. pag. 197.* At ab annis mille supra centum apud Græcos soli sunt Episcopi, Presbyteri, Diaconi, Subdiaconi, & Lectores, nec apud eos a prædicto tem-

pore ulli existant Acolythi, Exorcistæ, & Osiarii, quorum munera partim Lectores, partim Subdiaconi inter se dividunt, uti latè ostendunt Morinus *part. 3. de Sacris Ordinationibus exercit. 14.* Lupus ad *Concilia tom. 5. pag. 746. antiquioris Editionis*, Carolus Witas de *Sacramento Ordinis part. 1. quest. 2. art. 2. Tournely in Prælectionibus Theologicis, de Sacramento Ordinis quest. 6. concl. 2.* quamvis Summus Pontifex Innocentius III. expressè præcepit in Epistola ad Othonem Tusculanum Cardinalem Sedis Apostolica in Cypro Legatum, de qua *Conciliorum tom. 11. Editionis Labbeana pag. 611.* ut Episcopi Græci septem Ordines secundum morem Ecclesie Romanæ de cætero conferrent, cum id referant ad Episcopos Græcos Latinorum Ditioni subiectos.

7 Obvius ergo modus Dæmones a corporibus expellendi hodie est per exorcismos ab Ecclesia approbatos ab Exorcista prolatos. Sed inter Theologos disputatur, an eis pro Dæmonibus abjiciendis non modò uti possint initiati Ordine Exorcistatus, præviâ Superiorum licentiâ, sed etiam omnes alii Fideles, dummodo id faciant, non ex professo, aut publicè, sed in aliquo particulari casu ex Dei interiori instinctu. Authores uni, aut alteri sententiæ adherentes referuntur apud Clericatum *cit. decif. 19. num. 41. de Sacramento Ordinis.* Nobis autem probabilior esse videtur eorum opinio, qui potestatem exorcizandi ad Exorcistas, sive ad eos, qui Ordinem Exorcistatus receperunt, & ad Majores, arque Sacerdotium ascendunt, juxta *Can. 26. Concilii Laodicensi*, ubi legitur, *quod ii, qui non sunt ab Episcopis ordinati, tam in Ec-*

398 *De Serv. Dei Beatif. et Beat. Canoniz.*

Ecclesiis, quàm in domibus exorcizare non possint, vel ut Gratianus ait Can. 2. dist. 69. ubi leguntur hæc verba: Non oportet, exorcizare eos, qui necdum ab Episcopis sunt promoti, neque in Ecclesiis, neque in domibus. Celebrior est controversia, an virtute rerum naturalium Dæmones a corporibus obsessis expelli possint: primo quippe Regum cap. 16. cùm Spiritus malus arripiebat Saul, David sumebat citharam, & manu suâ percutiebat, & Saul refocillabatur, & Spiritus malus ab eo recedebat; qua in re nihil supernaturale contigisse, autumat Calmet in sua Dissertatione in Musficam Veterum, & potissimùm Hebraeorum. En ejus verba: Qua de Saule narratur sono instrumenti, & vocis Davidicæ relevato, nihil habent supra naturam: & Tobia 6. cùm Tobias junior e flumine piscem extraxisset, jussus est ab Angelo cor, fel, & jecur ejus conservare, & ab eodem didicit, cordis particulam, si super carbones poneretur, fumo suo extricare omne genus Dæmoniorum tam a viro, quàm a muliere, & quidem, ut ultra non accedant ad eos: & Scotus in Physi. ca curiosa lib. 4. cap. 13. §. 2. Scriptores asserti recensentes plurimas herbas, inter quas Salviam, Anethum, Fœniculum, Allium, Rutam Caprariam, & alias, necnon lapides vim, & virtutem habentes Dæmones pellendi: & Carolus Tapia de Constitutionibus Principis, in Rubrica cap. 1. num. 3. Borellus de præstantia Regis Catholici cap. 33. num. 2. Hernandus Caltrillo in Magia naturali narrant, Catholicos Hispaniarum Reges insignem adversus malos Spiritus vim obtinere, ut solâ præsentia illos ab obsessorum corporibus fugare, atque abjicere valeant. At, cùm Dæmones

penitus sint incorporei, nullam idcirco a corporibus naturaliter passionem possunt accipere. Dictum est autem naturaliter, quia Prima Causa, quæ nullis naturæ legibus tenetur, potest corporibus præstare vim attingendi etiam incorporea, ut patet in igne, qui torquet damnatos. Ex hoc autem sequitur, nullâ arte, nulloque remedio naturali ex obsessis corporibus Dæmones ejici posse: & quamvis Animabus, dum in corporibus sunt, a sensibilibus rebus vis afferri possit, & possint etiam vi a corporibus separari, nemo tamen est, qui non videar, longè aliam Animarum, quàm Dæmonum, in corporibus conditionem esse, cùm Animæ corporibus conjunctæ sint, ut formæ, & Dæmones tamquam motores, & rectores, Animæque propterea quasdam dispositiones in corporibus possident, quas Dæmones non requirunt, nec eis indigent. Communis hæc est tum Theologorum, tum Medicorum sententia. Inter Theologos ita autumant Thyrsus in suo Tractatu de Dæmoniis part. 3. cap. 28. Cardinalis de Laurea in 3. lib. Sent. tom 42 disput. 20. de Miraculis art. 7. sub num. 134 Clericat, de Sacramento Ordinis decis. 19. num. 30. Martinus del Rio Disquisit. Magicar. lib. 6. cap. 2. sect. 2. & inter Medicos Vallerius de Sacra Philosophia cap. 28. pag. 229. Edit. Lugdunens. anni 1588. Zaccchias Quest. Medico-Legal. lib. 4. tit. 1. quest. 8. num. 25. & pluribus sequentibus, Gaspar a Reyes in suo jucundarum questionum Elysio Campo quest. 28. in prima conclusione: quod tamen nonnulli ita explicant, ut nihil certè naturale sit, quod directè Dæmonem expellere possit, licèt aliquid naturale possit id indirectè præstare; cùm enim Dæmon pessimis,

Lib. IV. Pars Prima Cap. XXIX. 399

fimis, & feris humoribus delectetur, & præcipuè melancholicis, purgato per remedia naturalia humore, per accidens sequi potest, ut Dæmon recedat, vel adeò molestus non sit, veluti prosequuntur Thyræus loco citato sub num. 15. §. *Totest quoque dici, & Gaspar a Reyes loc. cit. §. Secunda conclusio* cum aliis, quos cumulat, & sequitur Matta de *Canonizatione Sanctorum* part. 3. art. 16. num. 14. & benè annotavit Martinus del Rio *Disquisit. Magicæ lib. 2. quæst. 30. sect. 3.* ubi hæc habet = *Igitur, quæcumque res corporea inducant in corpus patientis dispositionem contrariam dispositioni requisita ad actionem Dæmonis, illa corporeos humores purgant directe, & corpoream aegritudinem pellunt naturaliter: cur verò Dæmon fugiat, & corpus illud deserat, sunt solummodo causæ indirectæ, & sunt quibus non = atque prosequitur Badus in *Defensione Chinae China lib. 1. cap. 14. §. 4.* ubi hæc habet: *Melancholicus humor vel misior redditus, vel depulsus, qui a Theologis meritis vocatur Sedes Diaboli, fumentum detrahitis Dæmoni, & materiam, unde postea cogitur abscedere: & in eo, quod attinet ad citharam Davidis, ad cuius sonitum Spiritus malus recedebat, respondet Thyræus, citharæ armoniam voluptatem quamdam Regi attulisse, quæ dolorem haud parùm frangebat, quem ex Dæmonis tyrannide Saul patiebatur, & hoc sensu dici posse, Dæmonem fuisse per Musicam expulsum. Cornelius a Lapide in cit. cap. 16. lib. 3. Regum docet, Davidem, pfallendo, fugasse Dæmonem Saulis vi partim naturali, partim supernaturali; naturali, quia musica exhilarabat, & pellebat melancholiam, qua Dæmon utebatur ad Saulem cruciandum; supernaturali, quia David citharæ pulsus mentem suam excitabat,**

ut serventiùs oraret Deum pro salute Saulis, & Deus eum exaudiens Dæmonem abegit a Saule: subditque Cardinalis de Lauræa, David non modò citharam percussisse, sed etiam cecinisse, & sic Spiritum malum recessisse per Divinas laudes, quas David canebat: in eoque, quod spectat ad factum Tobizæ responderetur, non fumum, sed Raphaelem Angelum, profligasse Dæmonem, & sic Dæmonem fuisse expulsum, non a fumo excitato, sed ab Angelo, quando excitatus est fumus, juxta sententiam Lirani, & aliorum, quos sequitur Martinus del Rio *Disquisit. Magicæ lib. 2. quæst. 30. sect. 3.* Quòd si sermo sit de ejectione Dæmonum, quæ contingere dicitur, cum obsessi altant coràm Rege Catholico Hispaniarum, quatenus id in facto subsistat, referendum erit ad Gratiam gratis datam consilium illi, qua Galliz Reges potiuntur strumas sanandi.

8 Hæc erant præmittenda, antequam ad ultimum Capitis punctum descenderemus, in quo querendum proponitur, an in obsessorum liberatione, & Dæmonum ejectione aliquod Miraculum intercedere possit: præter enim ordinarium modum Dæmones expellendi per exorcismos, duplex alius suppetit modus mirabilis, & extraordinarius hoc ipsum præstandi. Prior Sanctis quibusdam dono Dei quasi per modum habitus concessus est, ita ut, quoties vellent, & quomodo vellent, arreptitios sanarent. Optimè Divus Thomas *quæst. 6. de Miraculis art. 10. in corpore*, ubi hæc habet, loquendo de Dæmonibus: *Coguntur quidem a Superiori, quandoque quidem ab ipso Deo, quandoque verò a Sanctis, & Angelis, & Hominibus virtute Dei. Nam ad ordinem Potestatum pertinere dic-*
ci.

ciur *Damones* arcere. *Sancti* autem *Homines*, sicut dono *Virtutum* participant, in quantum *Miracula* faciunt, ita dono *Potestatum*, in quantum *ejiciunt Damones*. Hoc dono commendantur *Sancti Martinus, Ambrosius, & alii complures*. *Sulpicius Severus Dialog. 1.* hæc habet de quodam *Sancto*, cujus nomen reticet: *Quidam Sanctus fugandorum de corporibus obsessis Damorum incredibili præditus potestate inaudita per singulos dies signa faciebat.* Non solum enim *presens*, nec verbo tantum, sed absens quoque, interdum *elicii sui* *fimbriis*, aut *Epistolis missis*, corpora *obsessa* curabat. Hic ergo mirum in modum frequentabatur a populis ex toto ad eum Orbe *venientibus*. *Taceo de minoribus.* *Præfetti, Comitesque*, ac *diversarum Judices potestatum* *pro foribus illius sæpe jacerunt.* *Episcopi quoque Sanctissimi, Sacerdotali auctoritate deposita, contingi se ab eo, atque benedici, humiliter postulantes, sanctificatos se, atque Divino munere illustratos, quoties manum illius, vestemque contigerant, non immerito crediderunt.* Hic ferebatur omni potu in perpetuum *penitus abstinere*, ac pro cibo *septem tantum caricis sustentari*: subditque, eundem *Sanctum* tantæ potestatis occasione aliquando gloriolæ sensu titillatum, ut se ab eo purgaret, a Deo impetrasse, ut *mentibus quinque a Dæmone possideretur*; quod & factum est, ita ut, in *vinculis eum tenere, necesse esset.* *Quinto demum mense purgatus est non tantum Dæmone, sed, quod illi erat utilius, atque optatius, vanitate.* Alter mirabilis, & extraordinarius modus *Dæmones* expellendi est per contactum *Sacrarum Reliquiarum*, aut earum *presentiam*: sæpe quippe hoc modo *Ænergumeni* sanati sunt, uti testantur *Patres, & Historici* latè cumlati a *Thyræo part. 3. de Dæmoniis cap. 43.* subditque *Fer-*

randus in sua *Disquisitione Reliquiaria lib. 1. cap. 12. sect. 4. c.* *Cælitum Reliquiis* sæpe contigisse, & contingere, ut *Dæmonum* celler infestatio: *Quintam Crucem a Calitum Lipsanis* in eo quondam experti sunt *Dæmones*, atque etiamnum identidem experiuntur, quod ad ipsorum *presentiam* omnis illorum *vis magica, & infestatio debilitetur, eludatur, profigitur, & funditus evanescat.* Multus est in hoc argumento e *Societate nostra Petrus Thyreus, multus Martinus del Rio, qui octavarum adversus maleficia supernaturale remedium nunciat Sanctiorum, qui in Calis Beatitudine persfruuntur æternâ, Reliquias, de quibus illud ut in Calis, sic in terris verum.* = *Nimis honorati sunt amici tui, Deus, nimis confortatus est Triumpatus eorum.* = *Celebre porrò Miraculum illud est, quod contigisse dicitur anno salutis humanæ nongentesimo sexagesimo nono, ut quidam Comes Othonis Imperatoris familiaris occupatus ab immundo Spiritu se ipsum dentibus dilaniaret.* Ille jussu Imperatoris ad *Joannem Pontificem* ductus est, qui ut *Sacrâ Catenâ*, qua *Petrus Apostolus* ab *Herode* victus fuerat, quæque mirabiliter connexa est cum alia *Catena*, quæ *Romæ* asservabatur, & qua *Apostolus* victus fuerat in *Carcere Mamertino*, *Comitis collum* attingit, erumpens nefarius Spiritus hominem liberum reliquit. Porro non ignoramus controversias de tempore *Dedicationis Ecclesiæ Sancti Petri ad Vincula*, de quibus *Cardinalis Baronius in Notis ad Martyrologium Romanum, ad diem 1. Augusti, & in Annalibus ad annum Christi 439. & Florentinius in exercit. 11. ad Junum Martyrologium. Scimus, Baillet ad diem 1. Augusti, & Tillemontium in Nota 45. ad Vitam Sancti Petri* magis solida exquisivisse do-

cu-

Lib. II. Pars Prima Cap. XXIX. 401

cumenta pro admittendo Miraculo unionis duarum Catenarum. Verum nobis ea sufficiunt, quæ apud Authores referuntur: & in eo, quod attinet ad liberationem Comitissæ obfessæ, de qua tantum hic agendum est, illustre existat testimonium Sigeberti in *Chron. ad annum Christi 969.* cum Sigebertus vixerit tempore Gregorii VII. & obierit tempore Paschalis II. & Imperatoris partibus potius, quam Romani Pontificis, faverit.

9 Sepe actum est in Sacrorum Rituum Congregatione de hisce extraordinariis modis Dæmones expellendi, an essent Miraculo adscribendi, uti videri potest in *Relationibus Rotæ Auditorum in Causis Sanctorum Cajetani de Miraculis post mortem Miracul. 11. Didaci, Aloysii Gonzagæ ad tit. Liberatio Energumena, Magdalene de Pazzi ad eundem titulum, Caroli Borromæi 3. part. ad tit. Anastasia de Magis a Spiritibus immundis liberatur, Philippi Neri 3. part. Beati Gregorii X. de Miraculis post obitum num. 4. Beata Catharina de Ricciis 3. Secundum Miraculum: quibus addi possunt Bullæ Canonizationum; in Bulla quippe Canonizationis Sancti Uldarici inter cætera Miracula narratur, eum *Damones ab obfessis corporibus effugasse; in Bulla Canonizationis Sancti Homoboni* narratur inter Miracula, quamdam Mulierem Dæmoniacam ad ejus Sepulchrum, fuisse liberatam; quod ipsum habetur in *Bulla Canonizationis Sanctæ Birgittæ. In Vita Sancti Francisci de Paula*, de cujus Vitæ sinceritate plura habentur in *Dissertatione præliminari ad eam*, & in secunda demonstratur, conscriptam fuisse a Laurentio Clavensi, seu de Clavo, Calabro, contemporaneo Sancti Francisci, & Familæ ab eo institutæ Alumno, le-*

gitur cap. 11. quoddam plures Dæmoniaci ejus intercessione sanitatem receperunt, uti quoque habetur in *Notis ad dictum Caput: quam Vitam cum Dissertationibus, & Notis* edidit Dominus Joseph Maria Perrimezzius alibi a nobis cum laude memoratus, tunc Episcopus Ravellensis, & Scalenfis. Addi quoque potest *Caput novum secunde partis Vita Sanctæ Catharina Senensis* conscriptæ a Beato Raymundo de Capua, ubi plura de miraculosis liberationibus Energumenum intercessione ejus Sanctæ secutis.

10 Verum, ut res tota absolvatur, dicimus, in casus contingentia strictè esse inquirendum, an, qui dicitur liberatus, fuerit re verà a Dæmone obfessus, & sic, an adfuerint vera, & certa signa obfessionis Testibus contestibus comprobata, ita ut sola non sufficiat Exorcistæ attestatio; quiddam scripserit Pignatelli *Consulti 108. num. 4. tom. 4.* cum ex alibi dictis, præter invocationem, quæ solo dicto invocantis probatur, cætera extrema Miraculi sint binis ad minùs testibus comprobanda. Suppositis indubitis signis obfessionis, ad ulteriora progrediendum est. Vel enim Dei Servus, dum erat in humanis, Ordine Exorcistatus insignitus in Dæmonum expullione usus est Exorcismis ab Ecclesia approbatis; & tunc nulla ratio Miraculi in expulsiōe Dæmonum excogitari potest, cum hic sit consuetus modus; & aliis discurrendo, sequeretur, quod Exorcistæ omnes Miracula facerent, quando per adjurationes eorum obfessi liberarentur. Plures Sancti Episcopi, aut Sacerdotes Dæmones e corporibus, ejecerunt, præmissis Ecclesiæ Exorcismis, uti videri potest apud Mar-

Ecc
ti.

402 *De Serv. Dei Beatif. et Beat. Canoniz.*

tinum del Rio lib. 6. cap. 2. sect. 3. *quest. 3. §. Quartum est Exorcismus*. At, cum hic modus sit communis tam Sanctis, quam non Sanctis, nullum ab eo defumi potest pro Sanctitate astruenda argumentum, quemadmodum ponderat *Matta de Canonizatione Sanctorum part. 3. cap. 16. num. 21*. Vel, inceptum prosequendo discursum, liberatio accidit, dum Dei Servus erat in humanis, non virtute Ordinis, sed ex imperio expellens in Christi, seu Dei Nomine, aut præviis oratione, seu jejunio, aut alio Virtutis actu, vel per applicationem Vestium, aut ad ejus Sepulchrum, vel per applicationem Reliquiarum, si res sit de liberatione post ejus obitum secuta; & in hisce circumstantiis, si de facto non dubitetur, hoc est, de subita, totali, & perfecta liberatione, nec ullum adhibitum fuerit naturale remedium, per quod juxta supradicta Dæmon indirectè aliquando expellitur, nihil deesse, dicendum erit, quominus liberatio Miraculo adscribatur, cum sit ardua, insolita, & admirationis sit causa, & origo. In *Actis Apostolorum cap. 19*. inter Miracula Sancti Pauli recensentur liberationes obsessorum per applicationem vestium ipsius: *Virtutesque non quolibet faciebat Deus per manum Pauli, ita ut etiam super languidos deferrentur a corpore ejus sudaria, & semicinctia, & recedebant ab eis languores, & Spiritus nequam egrediebantur*. De admiratione hæc habetur *Luca 4.* = *In Synagoga erat Homo habens Daemonium immundum, & clamavit: Quid nobis, & tibi, Jesu Nazarene?* = eoque abjecto, subditur: *Factus est parvor in omnibus, & colloquebantur ad invicem: Quod est hoc verbum, quia in potestate, & virtute im-*

perat immundis Spiritibus, & exeunt? Additur, vim nullam naturalem inesse posse Sanctorum Reliquiis, quæ Dæmones terreantur. Sequitur ergo, mirabilem illam virtutem a Deo proficisci, quemadmodum argumentatur *Ferrandus in cit. Disquisit. Reliq. loco allegato §. Afirmo primò: &* quod liberationes ab obsessis, si prædicto modo contingant, inter Miracula sint recensendæ, latè ostendunt *Cardinalis de Laurza in 3. lib. Sent. tom. 4. disput. 20. art. 7. de Miraculis, Matthæucc. in Practica Theologo-Canonica ad Causas Beatificationis, & Canonizationis tit. 3. cap. 3. in Addit. num. 1. & seq. Bordon. de Miraculis medit. 11.* ubi tamen nimis laxè loqui videtur, cum Miraculo adscribat liberationem obsessorum, etiam si fiat virtute Ordinis, & per exorcismos ab Ecclesia institutos. Sanctus Gregorius Magnus in *Vita Sancti Benedicti cap. 30*. Miraculo adscribit Monachi liberationem a Dæmone obsidente, quam Sanctus patravit per alapam Monacho Joannis Oratorium, quod in ipsa montis celsitudine situm est, pergeret, ei antiquus hostis in Mulomedici specie obviam factus est, cornu, & tripedicam ferens; quem cum requisisset dicens: *Ubi vadis?* ille respondit: *Ecce ad Fraires vado portionem eis dare*. Itaque perrexerat Venerabilis Benedictus ad orationem, quæ completa, concius rediit. Malignus verbò Spiritus unum seniore Monachum invenit aquam baurientem, in quo statim ingressus est, eumque in terram projecit, & vehementissimè vexavit. Quem cum Vir Dei ab oratione rediens tam crudeliter vexari conspiceret, ei solummodo alapam aedit, & malignum ab eo Spiritum proinus excussit, ita ut ad eum redire ulterius non auderet. Dictum est

Mu.

Lib. IV. Pars Prima Cap. XXIX. 403

Mulomedicus, non autem, uti nonnulli legunt, in *Mulo Medici*, cum, teste Angelo de Nuce, in omnibus Codicibus Casinatibus vox *Mulomedicus* sit simplex, & non duplex; ita ut ridiculum videatur, *Dæmonem* pingi in specie Medici barbâ promissâ *Mulæ* infidentis, matulam ad latus gestantis, & in sinistra capsulam variis pharmacis onustam, cum ad repræsentandam *Energumeni* liberationem a Sancto Benedicto factam pingendus sit *Dæmon* in forma *Mulomedici*, seu Medici equarii curatoris jumentorum, Italicè *Maniscalco*, quemadmodum annotatum fuit ab Authore erudito Notarum ad cap. 30. prædictæ *Vitæ Venetiis edita anno 1723.*

11 Allatum exemplum Miraculum liberationis obsessi ostendit patratum a Sancto Benedicto, dum viveret, non vi exorcismi, sed ex imperio. Alia plura similia legi possunt exempla in *Vita Sancti Bernardi*, Authore *Ernaldo Abbate Bongvallis lib. 2. cap. 4. post Opera Sancti Bernardi Editionis Mabillonæ*; sed, ne desit exemplum liberationis a *Dæmone* ad contactum Reliquiarum, illud desumetur ex lib. 4. de *Vita ejusdem Sancti Bernardi cap. 4.* Authore *Gaufrido Monacho Clavallensi post Opera Sancti Bernardi citata Editionis*, ubi, postquam narratum fuit, adolescentem quemdam ad bonam frugem fuisse conversum, hæc habentur: Tum subito inimicus humana salutis, ex ejusdem, sicut indubitabile esse videtur, liberatione anima, quam ex multis diebus irreparabiliter sese occupasse credebat, iram magnam concipiens, & eandem, permittente Deo, crudeliter satis exercens unum e Fratribus repentinò favore pervasis. Clamabat igitur horrendis vocibus miserabilis homo, & vix multorum manibus tenebatur. Demum cum mo-

ximo quidem dolore asportatur, & in lectulo religatus tam sua, quam astantium membra dentibus appetens dirrumpere vexabatur. Nec illâ, quam prius nosset, linguâ, sed novâ quadam, quam nec astantium quisquam noverat, loquebatur. Et, eum nihil, quod diceret, intelligerent, tam liberè tamen, & sine offendiculo non inconcinnas eum audiebant edere voces, ut indubitanter crederent, quod linguâ aliquid loqueretur. Post aliquantas igitur horas eum vehementer confusi Fratres, quid agere possent, anxii cogitarent, & studiosè conquirerent, unus ex eis salubre consilium, Domino inspirante, concipient *Sacra Pignora* ab ipso Archiepiscopo eodem anno illuc deposita, videlicet de capillis, & barba, & dentem unum *Beati Patris nostri Bernardi*, offerri monet, & ejus pectori superponi. Quod ut factum est, Germanicè linguâ per os ejus cepit horrendis vocibus nequam *Spiritus* exclamare: Tolle, tollite, amovete *Bernardum*; & dicebat: Heu, quam ponderosus factus es, *Bernarde!* quam gravis, quam intolerabilis factus es mihi! Cumque hæc, & similia aliquandiu clamitanti loqueretur, factum est breve silentium, & subito Frater idem, Domino miserante, purgatus aperuit oculos, ac velut de gravi somno evigilans circumstantes Fratres, & sua plurimum vincula mirabatur, verecundè satis, quidnam sibi vellent hæc, vel quid accidisset, interrogans. Ex ea igitur hora pristinam sanitatem mentis, & corporis per *Beati Patris* merita sancta recepit, nil penitus, quod in illo tam gravi casu fecerit, aut locutus fuerit, recordatus. Hæc quidem a nobis de testimonio *Viri Reverendissimi Etkili Danorum Archiepiscopi* ex occasione panis a *Dei Homine benedicti* non sine quadam anticipatione sunt dicta.

12 Videretur hic aliquid dicendum esse de signis, quibus egressus *Dæ-*

monis ab obfesso demonstratur: sed id pertinere videtur ad liberationem, quæ sit ope Exorcismorum; in re etiam, de qua nunc agitur, satis est, ut cessent motus illi, quos Diabolus in corpore obfesso faciebat, & quod status hic perseveret, ne dicatur, Dæmonem ad tempus quievissse, sed a corpore obfesso non recessisse. Inutile esset quoque aliquid insinuare de ejectione Dæmonis ab humanis corporibus per artem magicam, de quo apud Mattam de *Canonizatione Sanctorum* part. 3. cap. 16. num. 9. quandoquidem, uti sæpe supra dictum est, agitur in præfenti de Beatificatione, & Canonizatione Sanctorum, qua in re cum de Miraculis non agatur, nisi confitendo de Virtutibus, Virtutum existentia quamcumque artem magicam excludit, & aperit tantum viam disputationi, an factum inter naturalia, vel miraculosa sit recensendum. Quapropter repetere opus est, satis esse in re, de qua nunc agitur, primum, quod constet de obfessione ex signis indubitatis; secundum, quod constet de totali subita liberatione ad invocationem Nominis, seu contactum Reliquiæ; tertium, quod non fuerint adhibiti Exorcismi Ecclesiæ, nec ullum aliud naturale remedium, seu res naturalis, propter quam indirectè Dæmonis expulsiō sequi potuerit, quemadmodum rectè annotavit bone memoriz Prosper Bottinius Archiepiscopus Mycenæ olim Fidei Promotor in suis *Animadversionibus* factis super *Miraculis Sancti Joannis de Capistrano*, ubi hæc habet: *Et, licet liberatio ob obfessione sit effectus supernaturalis, & arguere possit Sanctitatem Servi Dei, cujus intercessione patratur, tamen, cum habeamus remedia canonica, & ordinaria, scilicet Exorcismus ab Eccle-*

sia institutus, præfendi non poterit, eam esse alicujus Miraculo adscribendam, nisi istorum efficacia, & interventus excludantur &c. Quibus addi possunt plurima remedia naturalia, quibus Dæmones fugari solent, quorum pariter usus, vel interventus in hoc casu non excluditur.

13 Inter *Disertationes* Augustini Calmet celeberrima ea est, quæ inscribitur *De obsidentibus, & possidentibus corpora Dæmonibus*, in qua ostendit Scripturæ, Patrum, Judæorum, Pagannorum, Veterum, & Recentiorum sententiâ, re ipsâ dari Energumenos; posse Energumenum ab agente intus Dæmone per adjurationes, & infirmitas Ecclesiæ preces sine Miraculo liberari; Deum dispositionis suæ consilio interdum permittentem, ut pueri statim a Baptismo, & homines castissimis moribus præditi Dæmonem habeant contubernalem, ad suam potentiam demonstrandam ea permittere, juxta effectum Christi ad Apostolos interrogantes = *Rabbi, quis peccavit, hic, aut Parentes ejus, ut cæcus nasceretur?* = quibus ille = *Neque hic peccavit, neque Parentes ejus, sed, ut manifestarentur opera Dei in illo* = ut scilicet Jesu Christi visum illi restituentis gloria, & Dei misericordia in eo elucescerent; Dæmones adjurationibus interdum resistere, aut quia in Ministro, vel in Energumeno Fides desideratur, aut ob crimina Energumeni, vel ob alias causas in secreta Dei consilia referendas, absque eo, quod hinc Exorcismorum inefficacia desumi valeat, cum & ipsa Sacramenta, quæ sunt efficacissima Religionis remedia, ob pravam recipientium habitudinem Gratiâ aliquando non conferant; infestationis Dæmoniacæ signa etiam esse posse, si quis uno veluti impetu sine præcedenti aliqua

dis.

dispositione a statu suo dimoveatur, ut in alium transeat longè diverſum, plura videlicet admittendo ab inſita ſibi indole longè aliena, ſed ſingularia, atque violenta; Dæmonem denique, captatâ morborum, & pravorum corporis humorum opportunitate, Deo permittente, in homines inſilire, & dirè torquere, necnon aliquando morbos immittere, ſed ejus inſeſtationem, & morbum diſtingui debere, etſi ab una, eademque cauſa procederent, & commentitium eſſe eorum aſſertum, qui volunt, Dæmonis obſeſſionem nihil aliud eſſe, quàm morbum, ſeu morbi appendicem, cùm homines aliquando agantur a Dæmone, integrâ licèt ſanitate mentis, & corporis. Alia plura in citata Diſſertatione eruditè collecta legi poſſunt, ad quam Lectorem remittimus.

14 Quæres, quantum tempus elapſum eſſe debeat, ex quo inſeſtationes Dæmonum ceſſarunt, ut quis perfectè ab eis liberatus dici poſſit. Arreptitios eſſe irregulares, certum eſt, & quæſtio tantùm excitatur inter Scribentes, an liberatus poſſit in Ordinibus receptis miniſtrare, ita ut per-

miſſum ei tantùm non ſit aſcendere ad ulteriores, vel etiam ei prohiberetur ſit in ſuſceptis miniſtrare. At, quidquid ſit de hac controverſia, ſive unam, ſive aliam ſententiam amplectamur, tempus unius anni videtur eſſe ſufficiens, ut quis perfectè liberatus dici poſſit, juxtâ Textum in Can. Communiter, diſt. 33. ubi ſic legitur: *Qui tamen & ipſi tandiu erunt ab officii ſui Ordine ſuſpenſi, quouſque unius anni ſpatio per diſcretionem Episcopi inveniantur ab incurſu Dæmonum liberati.* Quocirca aſtruunt Doctores, poſt ſpatium unius anni, accedente Episcopi diſpenſatione, poſſe Energumenum liberatum in ſuſceptis Ordinibus miniſtrare: Suarez de Cenſuris diſput. ult. ſect. 1. num. 7. Sayrus eodem Tractatu lib. 6. cap. 9. num. 14. At longius tempus in re noſtra neceſſarium eſſe videtur, cùm, urgente poſt annum Dæmonis obſeſſione, diſpenſatus, ut in ſuſceptis miniſtret, poſſit ſuſpendi, unde agitur de actu retrahibili, quod, uti conſideranti parebit, nullatenus procedit in approbatione Miraculi.



CAPUT TRIGESIMUM.

De Cadaverum Incorruptione.

1 Cribentes de Canonizatione Sanctorum passim admittunt, Cadaveris incorruptionem esse Miraculo adscribendam, si constet, quodd illi, de cuius agitur Cadavere, dum viveret, heroicis fulserit Virtutibus; & hoc modo se evitare possent putant difficultatem ex eo desumptam, quod plura inveniuntur Corpora incorrupta aliquorum, qui, dum viverent, aut præditi non fuerunt heroicis Virtutibus, aut vitiis, & peccatis fuerunt inquinati: Scacch. de Notis, & Signis Sanctitatis sect. 9. cap. 3. per totum, Matta de Canonizatione Sanctorum part. 3. cap. 14. sub num. 3. & num. 14. Contelor. eodem Tractatu de Canonizatione Sanctorum. cap. 14. num. 17. Castellin. de Certitudine Glorie Sanctorum, in Appendice ad cap. 6. sect. 1. num. 3. Bordon. in suo Opere de Miraculis medit. 25. per totam, & præsertim num. 12. Pignatell. Consul. 95. per totam, & præsertim num. 26. tom. 4. Rejes quest. 34. per totam, & signanter num. 10.

2 Pro hac assertionem facit doctrina Divi Thomæ 3. part. quest. 51. art. 3. ubi quaerit = Utrum Corpus Christi fuerit in Sepulchro incineratum = & respondet, non fuisse conveniens, Corpus Christi putrefieri; licet enim quantum ad conditionem naturæ passibilis fuisset putrescibile, non fuit

tamen quantum ad meritum putrefactionis, quod est peccatum; unde Virtuti Divinæ adscribit, prædictum Sanctum Corpus fuisse a putrefactione, & ab illo maledicto Genesis cap. 3. præservatum: *Pulvis es, & in pulverem reverteris*. Ad probandam quoque incorruptibilitatem Corporis Christi in Sepulchro suppetit Scripturæ Sacræ testimonium petitum ex Psalm. 29. = *Qua utilitas in sanguine meo, dum descendo in corruptionem?* quasi dicat Christus: *Si corpus meum in Sepulchro putrescat, perdetur effusus sanguinis utilitas; cum e contra imputrefactio Corporis Christi mortui sit effectus Virtutis Divinæ carni, & animæ Christi in triduo mortis indivulsè coherentis, necnon idoneum testimonium voluntariæ ipsius mortis, uti prosequitur citatus Divus Thomas sequentibus verbis: Respondeo, dicendum, quod non fuit conveniens, Corpus Christi patrefieri, vel quocumque modo incinerari, quia putrefactio cujuscunque corporis provenit ex infirmitate naturæ illius corporis, qua non potest amplius corpus continere in unum. Mors autem Christi (sicut supra dictum est) non debuit esse ex natura infirmitate, ne crederetur non esse voluntaria: & ideo, non ex morbo, sed ex passione illata voluit mori, cui se obtulit sponte: & ideo Christus, ne mors ejus naturæ infirmitati adscriberetur, noluit, Corpus suum qualitercumque putrefieri, aut qualitercumque resolveri; sed ad ostensionem Virtutis Divinæ voluit, Corpus illud incorruptum remanere.*

Lib. IV. Pars Prima Cap. XXX. 407

manere. Suppetit quoque illud Psalm. 15. = Quoniam non derelinques animam meam in Inferno, nec dabis, Sanctum tuum videre corruptionem: quod Psalmistæ vaticinium Sanctus Petrus Actor. cap. 2. testatur suum complementum in Christo habuisse: Prævidens Psalmista David locutus est de Resurrectione Christi, quia neque derelictus est in Inferno, neque caro ejus vidit corruptionem. Durandus dixit, Corpus Christi non fuisse in Sepulchro corruptum, quia Verbum Divinum noluit assumere illam corruptibilitatem, quæ ex peccato originali proficiscatur, quamvis assumpserit mortem. At Medina eum redarguit, quia, licet Christus fuerit expers peccati originalis, mortem tamen incurrit, ita ut, si violenter non fuisset occisus, naturaliter mortuus esset, & in seipsum venisset, eoque mortuo, Corpus fuisset naturæ suæ in cineres solutum, nisi Divina Virtus obstitisset, uti profunde ostendit Pater Graveson de Mysteriis, & Annis Christi dissert. 21. in responsione ad objectiones quæst. 2. Henricus quolib. 12. dicit, Christi Corpus ex vi solius unionis non potuisse naturaliter corrumpi. Scotus in 3. dist. 21. quæst. unic. Henricum reprehendit. Suarez autem in 3. part. Divi Thomæ tom. 2. quæst. 51. art. 3. in fine ostendit, quæstionem inter Henricum, & Scotum non esse circa rem ipsam, sed circa modum loquendi. De Fide ergo est, Christi Corpus non fuisse corruptum. Certum item est juxta Theologos, Corpus Christi mortuum, ac lux naturæ naturaliter relictum, fuisse corruptendum, atque adeo Divinæ Virtutis fuisse, ut omnino integrum conservaretur. Quapropter mirum esse non debet, si incorruptio Cadave-

rum eorum Hominum, qui piæ vixerunt, inter Miracula recensetur, & inter supernaturalia indicia Sanctitatis ipsorum, quemadmodum ponderat Scacchus de Notis, & Signis Sanctitatis sect. 9. cap. 3. ubi hæc habet: Inter privilegia Christi, atque notas Divinæ ejus Filiationis a Prophetis decantatas hæc quoque incorruptibilitas recensetur &c. Quicumque autem privilegia Christo concessa fuere, ad ejus Sanctitatem præcipue comprobandam data sunt: unde per antonomasiam a Propeta Christus Sanctus appellatur. Ergo ab incorruptione Cadaveris non leve, aut perfunctorium Sanctitatis argumentum ad effectum Beatificationis, & Canonisationis educi poterit.

3 Suffragantur exempla Sanctorum, quorum Corpora incorrupta remanserunt. Horum longam seriem uniusquisque legere poterit apud Theophilum Raynaudum Operum tom. 13. de Incorruptione Cadaverum cap. 8. apud Petram sanctam in Thaumasia vera Religionis tom. 3. cap. 12. apud Auditores Rotæ in Relatione Causæ Sancti Isidori Agricola tit. de Miraculis post mortem, Miracul. 1. §. Quæ maxime, & novissime apud Canonicum Boldettum in suis Observationibus ad Martyrum Cæmeteria. Suffragantur Bullæ Canonisationum Sanctorum Didaci, Francisci Xaverii, Ludovici Bertrandi, & Sanctorum Tereſæ, & Mariæ Magdalene de Paris. Suffragantur Relationes Rotæ Auditorum editæ in Causis Canonisationum Sanctorum Bonaventuræ, Francisci Xaverii, Tereſæ de Baylon, Isidori, Tereſæ, & aliorum, in quibus, post approbatas Virtutes, Cadaveris incorruptio inter Miracula recensetur; & inter ceteras incorruptiones, quæ tamquam miraculose prædicantur, non est omittenda ea Corporis no-

408 *De Serv. Dei Beatif. et Beat. Canoniz.*

nostræ Sanctæ Catharinæ de Bononia, quod sedens publicæ venerationi exponitur, & omnibus patet. Incorruptionem Corporis hujus Sanctæ, non naturæ, sed Miraculo adscribunt non solum nostri Scriptores Christophorus Manfuetus, Dionysius Palæotus, Joannes Flaminus, Jacobus Grassetus in *ejus Vita*, Antonius Masinius in *sua Bononia perlustrata*, sed etiam exteri, Henricus videlicet Spondanus in *Continuatione Annalium Cardinalis Baroni* tom. 2. ad annum 1463. Abraham Bzovius *Annalium Ecclesiasticorum* tom. 17. pag. 484. Lucas Wadingus de *Scriptoribus Ordinis Minorum* pag. 88. Raynaldus ad annum 1463. *Annal. Eccles.* num. 109. Venerabilis Dei Servus Cardinalis Bellarminus *Controv.* tom. 2. cap. 3. *Petra sancta in Thaumasia vera Religionis* tom. 3. cap. 12. §. Sed unde sum, Continuatores Bollandiani ad diem 9. Martii, & c. per sua principia philosophica examinata, Fortunius Licerus de *secundis quaestis per Epistolam* cap. 39. Joannes Imperialis de *Notitiis Ibericis* cap. 16. Theophilus Raynaudus de *Incorruptione Cadaverum* tom. 13. pag. 38.

4 Verum, ut eâ, qua decet, distinctione, & claritate in examine de Cadaverum incorruptione, an Miraculo, vel naturæ sit adscribenda, procedatur, præmittendum esse videtur, nullatenus incorrupta dici posse ea Cadavera, quæ longo annorum spatio in Sepulchris recondita, iis denique apertis, integra, & quali incorrupta inventa, statim ac aeri exponuntur, in cineres labuntur, uti contigisse legitur in Cadavere Tullio Ciceronis filii, de quo infra, & in Cadavere in Antro Siciliæ prope Drepanum invento, enormis magnitudinis, in sede reposito, & sinistra ma-

nu innixio prægrandi baculo, uti refert Boccaccius Author contemporaneus 4. *Genealogia Deorum* cap. 68. & nostris temporibus in alio Cadavere integro, & incorrupto reperto die 15. Junii anno 1699. in Territorio Clusino. Incorrupta siquidem erant prædicta Cadavera specie tantum externâ, sed re ipsâ jam computruerant, uti explicat Sueffanus 4. *Meteorol. cap. ult.* & post eum latè profequitur Theophilus Raynaudus de *Incorruptione Cadaverum* cap. 2. num. 2. & optimè Scacchus de *Notis, & Signis Sanctitatis* pag. 685. Redactoque sermone ad ea Cadavera, quæ incorrupta reperiuntur, & aeri exposita in eodem statu incorruptionis permanent, duo omnino videntur esse perpendenda: primum est, an aliqua causâ naturalis præcesserit, cui incorruptio possit adscribi: secundum est, cujus generis sit incorruptio Cadaveris, de qua quaestio assumitur. Et hæc est praxis Sacræ Congregationis Rituum, quæ non quascumque incorruptiones Cadaverum inter Miracula recenset, etiam si consisterit de Virtutibus heroicis ejus, de cujus Cadavere agitur, sed, consilio de Virtutibus in gradu heroico, si proponatur incorruptio Cadaveris tamquam miraculosa, eam uti miraculosam non admittit, nisi, præmissis præmittendis, examine videlicet rerum supra indicatarum.

5 Notum est, naturalem aeris temperiem, & locum ipsum, in quo Cadavera sepulta sunt, eorum incorruptioni maximopere prodesse posse. Gaspar a Rejes cit. *quaest.* 34. num. 14. Theophilus Raynaudus tom. 13. in citato *Tractatu de Incorruptione Cadaverum* cap. 3. num. 5. Fortunius Licerus in *allegat. cap. 39. Zacchias Quaest. Me-*

di-

Lib. IV. Pars Prima Cap. XXX. 409

disco. *Legal. lib. 4. tit. 1. quest. 10. num. 16. & 17.* Annis elapsis, hoc est, initio anni 1729. in Ecclesia Sanctæ Crucis Minorum Conventualium Civitatis Florentinæ inventum est undequaque incorruptum Cadaver Laurentii Salviati Marchionis Juliani defuncti anno 1609. Eà occasione *Opusculum* incerti Authoris editum est, in quo, cum latis exemplis, demonstratum est, non omnes Corporum incorruptiones esse Sanctitatis indicia, nec inter Miracula recensendas. *Es in Opusculo cap. 42.* Dominus Doctor Carolus Taglinus celebris publicus Professor Philosophiz in Pisana Universitate interrogatus, quid de Cadaverum incorruptione sentiret, ita respondit, ut ante eum responderat *Matta de Canonizatione Sanctorum part. 3. cap. 14. num. 6. & sequentibus.* Verba autem Domini Taglini sunt hæc: *Varie esse possunt le cagioni, per cui i Corpi agevolmente si corrompono, o per l'opposto incorrotti si conservano lungamente. Alcune, se farvellar soltanto vogliamo delle naturali, attribuir si debbono o all'aria, qualora stanno ad essa di continuo esposti, o pure alle qualità del terreno, allora ebè vengono da quello ricoperti.* Post hæc idem Philosophus, certum esse, docet, aerem colligere, & magna in quantitate conservare varia genera exhalationum provenientium a globo terraqueo, aeremque, utpote habentem aditum undequaque expeditum, & liberum in corpora, posse ad longum tempus ea vel conservare, vel eò destruire. Addit, destructionem suam causam habere ab halitibus per aerem vagantibus nimium humidis, & sic paulatim relaxantibus texturam fibrarum; & incorruptionem e contra causam habere ab iisdem halitibus suâ naturâ siccis, & sic aptis ad exsiccari:

dam humiditatem, quæ sparsa inter fibras, & in canalibus collecta corpus corripisset: & sermonem habendo de loco, in quo Cadavera sepulta sunt, ita loquitur: *Ciò, che disse degli aliti, e della diversa operazione loro, si può a buona equità dire delle varie sorte di terreni, in cui vengono i Corpi seppelliti: mercè ch'è ve ne hanno alcune di sì fatta natura, e qualità, ch'è in breve spazio di tempo logorano, consumano, e divorano la carne de' Cadaveri; come appunto fra queste si poteva molti anni addietro annoverare la terra del Camposanto di Pisa trasportata da Tassi stranieri, che in brevi ore sparpava i Corpi morti, avendo ella oggigiorno quasi perduta affatto una tal possanza per la gran copia de' Cadaveri ivi sepolti. Altra ve n'ha, che tutto al contrario di questa conserva lungamente i Corpi, siccome si narra esser quella della Città di Lima, la quale, scavata in fosse, conviene, ch'è sia copiosamente bagnata, acciocchè consumi, e corrompa i Cadaveri, che ricopre: & huc referti possunt, quæ leguntur apud Philippum Camerarium *centur. 1. Hærar. Subsec. pag. 86. & 87. de Insulis quibusdam, in quibus Hominum Corpora nec humantur, nec putrescunt, sed sub dio exposita permanent incorrupta, Hominesque conspiciunt, & cognoscunt Avos, & Atavos: Mirum est, quod Orienius in Theatro Orbis Tabulâ decimâ de Hibernia e Giraldo notavit, in Artaniis Insulis hominum cadavera non putrescere, ideoque non humari, sed diu exposita permanere incorrupta. Sic homines avos, atavos, tritavos, longanque stirpis suæ serie, admiratione magnâ cognoscere. Idem mor est quibusdam Indis Occidentalibus in Comagra, uti Tetrus Martyr refert: & huc quoque respicere videntur deducta a Felice Platero in *Centuria post.***

E f f bu.

410 De Serv. Dei Beatif. et Beat. Canoniz.

humana quest. 9. ubi narrat, Corpora terræ mandata, si altè defossa fuerint, minimè putrescere, & post plures menses, & longa annorum spacia integra spectari: Falsam Magnatorum perfidiam hic videre licet, qui, naturali hac corporum a putredine vindicandi ratione neglecta, artificiali per balsama utuntur; & Platero adherent Georgius Hornius Histor. Natural. & Civil. lib. 1. cap. 9. pag. 29. Joannes de Mey Physiol. Sac. loco 30. super Genesim cap. 30. pag. 86.

6 Notum quoque est, talem naturalem dispositionem in Cadaveribus reperiri posse, ob quam diù persistere valent, uti prosequitur citatus Dominus Taglinus: *Alle ragioni da noi fin qui divise aggiunger si può lo special temperamento de' corpi, la testitura delle parti, la qualità degli umori, ed altre simiglianti affezioni o state loro concedute dalla natura, o procacciate con arte, e con industria; veggendosi fra' corpi, comechè della stessa specie, e particolarmente fra gli animali, esservene alcuni di temperamento umido, e di fibre assai deboli, e fiacche, altri poi dotati di qualità contraria, e di una testitura assai forte, e gagliarda: e perciò i primi, subito ch'è manca loro lo spirito, che li vivifica, e li mantiene, pronti sono a corrompersi; ed i secondi facili a conservarsi, particolarmente se abbiano menata una vita grandemente sobria, e parco.* Scribit Rejes cit. quest. 24. num. 17. memoratam naturalem dispositionem, per quam diù Cadavera persistere possunt, acquiri posse etiam vi morbi, ut in Hectica, Marasmoque affectis, in quibus tota penè corporis humiditas caloris, & siccitatis morbozæ vi depauperata efficit, ut, quod residuum carnis relinquitur, tamquam fumo induratum diù putre-

dine non infestetur. Subscribit Zachias loc. cit. num. 19. = *Facit quoque, ut diximus, ad citam corporum corruptionem genus morbi, quo Cadavera fuerint extincta: si enim siccum fuerit, ut Marasmus, Tabes hectica, ardentissima Febris, & huiusmodi, difficilius si humidum, & a magna putredine ortum duceus, absque mora corrumpuntur.* Idemque dicendum esse videtur de his, qui moriuntur ictu fulminis, teste Plutarcho 4. Sympos. quest. 2. cum caloris vis humiditates corporis absumat, easque reddat ineptas putredini; unde legitur de undecim Messoribus in Lemno Insula, qui cibum sub quercu fumentes, tacti de Cælo, eodem situ hæserunt jam exanimis, quo fuerant viventes, quemadmodum etiam prosequuntur Alexander Tallonius lib. 4. Variar. quest. 11. Theophilus Raynaudus in Opere allegato cap. 3. num. 9. Addit Rejes concordans cum Domino Taglino, dispositionem, per quam diù putredini corpora resistunt, acquiri posse ex parimonia victus, & austeritate vitæ; sustentato quippe corpore tenuissimo victu, & nutrimento, ob debitz quantitatis alimoniz defectum naturalis calor, qui pabulo necessariò indiget, omnem corporis humorem devorat, & velut atefactum, quod reliquum est, dimittit, quo tempore ob humidi defectum homo tandem moritur: & huc referri possunt, quæ multoties observata sunt in Cadaveribus Anachoretarum, & Discalceatorum Fratrum, quæ, apertis Sepulchris, ubi diù antea posita fuerant, prorsus incorrupta inventa sunt. Franciscus Bacco Baro de Verulamio in Silva Silvarum, vel Historia naturalis centur. 8. experim. 771. nervosè philosophatur, quomodo putredo diutius

a cor-

a corpore prohibenda sit, & ait, id fieri posse, si rria putrefactionem causare solita prohibeantur: primum est, ut excludatur aer, qui corpus tacite subruit, & in ejus dissolutionem quasi conjurat: secundum, ne corpus, quod in ambitu est, aut adjacet, ejusdem sit materiz, sed heterogeneum planè quò ad corpus conservandum; unde statuitur, corpora in ambra splendente, mercurio, balsamo, succino, cera, melle, gemmis, & fortè nivium conditoriis diu servari; tertium est, ut corpus conservandum non sit eà mole, ut sponte diffuere possit in corruptionem, etiam nihilo egrediente in aditum corpus: ultimum, ut corpus continens sit præditum facultate attrahendi, & exsiccandi humidum corporis contenti, ne putredo interiùs inchoata invalescat.

7 Omisissique, quæ apud nonnullos leguntur, vel de Planetis, quæ suo influxu corpora tempore mortis reddunt inepta putrefactioni, vel de his, qui nascuntur aut sexto Kalendas Februarii, aut tertio Kalendas, & Idus Februarii, quorum corpora integra dicuntur conservari usque ad diem judicii, vel de his, qui obeunt in Excommunicatione, quorum Cadavera in poenam sceleris, ob quod excommunicati fuerunt, juxtà nonnullos, nullatenus corrumpuntur, vel de aliis, quorum Cadavera incorrupta permanent arte Dæmonis, de qua incorruptione plura habentur apud Theophilum Raynaudum in *allegato Tractatu cap. 7. a num. 1. usque ad 7.* cùm Cadaverum incorruptiones ob Planetarum influxum, ob nativitatis dies, & ob Excommunicationem a cordatis Viris inter fabulosà recensentur, & Dæmoniacæ ex sæpe dictis

nihil habeant cum re, de qua nunc agimus, commune; naturalibus causis supra expositis, ex quibus Cadavera a putredine præservantur, artificialis causa superaddenda est, quando videlicet sit eorum balsamatio, quæ a nonnullis conditura a condire, ab aliis mumificatio a mumificare propter analogiam ad mumiam Veterum, ab aliis unctura feralis, ab aliis medicatio Cadaverum aromatica, ab antiquioribus denique polinctura appellatur a verbo policare, quod est poliando ungere, vel pellem ungere. At, retento communi balsamationis nomine, ejus definitio hæc est: *Balsamatio, vel conditura est operatio artificiosa, qua corpus humanum a perito Medico per balsmicas rerum medicamentoferum qualitates vel cum, vel sine exsecratione, & dissectione ita preparatur, ut plures annos integrum duret, & a putredine, aut corruptione liberum conservari possit: quam definitionem ponit, & latissimè explicat Joannes Jacobus Mangetus in sua novissima Bibliotheca Chirurgica tom. 1. lib. 3. pag. 179. ubi omnia colligit, quæ ad balsamationis Cadaverum materiam spectare possunt. Petrus quoque de Argellata, Gregorius Horstius, Petrus Forestus, Thomas Bornetus, Ulysses Aldrovandus, Ambrosius Pareus, Andreas Mattioli, Simon Paulus, Joseph Donzelli, Carolus Patinus, Stephanus Blancardus, Joannes Daniellus Gejerus, Georgius Tobias Durrius, Moyses Charas, Gabriel Clauderus, Joannes Helfrigus Jungen, quorum meminit Joseph Lanzonus Philosophus, & Medicus Ferrariensis in suo Tractatu de Balsamatione Cadaverum, varios modos dictæ balsamationis exponunt, de quibus etiam multa habentur apud citatum Theophilum Raynaudum cap. 6. apud Cal-*

412 *De Serv. Dei Beatif. et Beat. Canoniz.*

met ad cap. 30. *Genefor*, & apud Scacchum in *Myriusbecia Sacror. Eleoschis*: Huc spectant, quæ habentur in *cit. cap. 30. Genefor*, ubi Joseph præcepit Servis suis Medicis, ut aromatibus condirent corpus Patris sui defuncti; quod habetur *Mattbei* 26. ubi Christus Dominus, cum esset in domo Simonis leprosi, & Mulier habens alabastrum unguenti pretiosi effudit super caput ejus, inquit: *Mittens hac unguentum hoc in corpus meum ad sepeliendum me fecit*; & quod habetur *Joannis* 19. ubi Nicodemus secum tulit misturam myrrhæ, & aloes quasi centum libras, & Corpus Jesu alligatum linteis cum aromatibus, juxta morem Judæorum, sepulturæ traditum est. Et, quatenus subdatur, hæc non potuisse tanti esse momenti, ut corpora a corruptione, & tabe servarent (loquendo de corporibus Hebræorum, & non de Corpore Jesu Christi, quod Virtute Divina a corruptione præservatum est, juxta ea, quæ in superioribus dicta sunt) sed quod aliquando continerent, ne corpora momento resolvi, permitterent, juxta ea, quæ plenè habentur apud Calmet in *sua Dissertatione de Funeribus, & Sepulturis Hebræorum*, ad longissimam a corruptione corporum vi balsamationis tutelam referri possunt Ægyptiacæ Cadaverum condituræ, quæ Mumie appellantur: licet enim nonnullis suavum sit, Mumias esse eorum Cadavera, quæ vi ventorum in arena sepulta, novâ exoriente ventorum procellâ, reteguntur, & Sole conficiuntur, quod fortè desumpsit ab Herodoti *Historia*, in qua narratur, Cambisem in sua Expeditione adversus Ammonios unâ cum suo Exercitu vehementi Austro in arenis interceptum, & obrutum fuisse;

recepta tamen hodie sententia est, Mumias prædictas nihil aliud esse, quàm Cadavera balsamis linita, & hoc artificioso modo conservata post longissimam annorum seriem, quemadmodum fusè legi potest apud sæpe citatum Theophilum Raynaldum *cap. 6. num. 41. pag. 46. tom. 13.* & apud Authorem Anonymum jam supra allegatum de *naturali Incorruptione Cadaverum cap. 39.* Sub eadem classe comprehendi possunt multa, & multa exempla Cadaverum, quæ inventa sunt incorrupta: illud videlicet Bonifacii Papæ VIII. inclinatis quippe parietibus antiquæ Basilicæ Vaticanæ ab Imperatore Constantino extructæ, cum pro magnificentia novi operis Sacellum Sancto Bonifacio sacrum everteretur jussu Summi Pontificis Pauli V. in eo inventum est Sepulchrum prædicti Bonifacii, in quo visum est corpus ejus corruptionis immune post tercenum, & duos annos a die obitus, corruptis tantum naso, & labiis, magnâ instantium admiratione, ut ex publicis Tabulis defumitur editis apud Raynaldum *ad annum Christi 1303. num. 44.* ex quo corrui putida illa fabula, Bonifacium videlicet Pontificem sese rabiosè dentibus dilaniasse, & hoc modo mortuum fuisse, veluti ponderat Pagi in *Breviario Romanorum Pontificum tom. 3. in ejus Vita pag. 347.* & ante eum annotavit Michael Maucclerus in *Opere de Monarchia Divina, Ecclesiastica, & Saculari*, ubi hæc de Bonifacii morte scripta reliquit: *In Vaticano Palatio spiritum Deo reddidit: non furenti similis, ut quidam falsò calumniantur, & Hæreticorum, Schismaticorumque deliria secuti scripsere, sed pleno judicio, integroque rationis sensu, verâ commissorum peccatorum taciturni-*

Lib. IV. Pars Prima Cap. XXX. 413

tritione cordis excessu & vita : illud cuiusdam Cardinalis Angli ante trecentos annos defuncti, quod in Templo Sanctæ Cecilie trans Tiberim in Urbe inventum est undequaque integrum, & nullâ labe contaminatum : illud Alexandri Tartagni clarissimi Jurisconsulti, quod post centum, & quinquaginta annos ab obitu integrum, & nihil labefactum repertum est in Ecclesia Sancti Dominici nostræ hujus Civitatis Bononiæ, quemadmodum narrat Zacchias contemporaneus Author loc. cit. sub num. 13. ut interea silentio prætereatur id, quod legitur in Epistola Heraclii Imperatoris ad Saporcem amicum suum, in qua narrat, se invenisse corpus integrum, & incorruptum Cleopatæ Reginæ, quod in eo statu permanerat spatio centum, & viginti sex olympiadem, & silentio pariter prætereantur, quæ leguntur apud Raphaelem Volaterranum sic dicentem : *Ungebantur corpora, & cum aromatibus tantâ condebantur cura, ut nos Romæ testes sumus, ante paucos hos annos fœminam in Tumulis Albanis fuisse effossam supra mille trecentos annos sepultam, ut e vestigio Sepulchrorum animadverimus, integram membris, crasso operam unguento ; & apud Alexandrum ab Alexandro lib. 3. cap. 2. Genialium Dierum familia narrantem : Memini, dum Romæ agerem, in vetustis Sepulchris, quæ in Via Appia plurimæ videntur, inter ædificia, hortosque, interque coagmentata lapidum erutum cadaver fuisse multo ævo vetustum adolescentula mulieris, facie, capillo, oculis, naribus, & reliquis lineamentis prorsus integris, & incorruptis, nisi quod vestigia lignaminum, & unguentorum, quibus delibutum fuerat, apparebant. Volaterranus, & Alexander locis citatis loquuntur de Cadavere Tulliolæ Ci-*

ceronis Filie, de quo supra habitus est sermo, quod incorruptum largo modo existimarunt, quamvis paulô post computruerit, teste Cælio Rhodigino antiquar. lection. lib. 3. cap. 24. = Cum Pontifex Sixtus ejus nominis IV. Reipublica Christiana præsideret, comperit Roma in Via Appia e regione Ciceronis conditorii muliebri cadaver, quod ex inscriptione conjectatum est fuisse Tulliola. Id erat aromatibus ita conditum, ut temporis injuriam non sentiret. In eo viscebantur capilli aureo impliciti reticulo, summâ omnium admiratione, reperiri aliquid, in quod anni mille quingenti serô nil evaluissent. Ceterum in Urbem delatum tridui morâ computruit, medicamine amoto, aut vitiatò : quocirca concors est Scribentium opinio, integra, & incorrupta servari corpora unguentis, & balsamis benè delibuta per longissima temporum intervalla. Fortunius Licetus de Lucernis Sepulchralibus lib. 4. cap. 4. hæc habet : Ubi per multos menses, nedum per annos plurimos medicamen in corpore manserit, non potest postea ullâ ratione ab eo removeri ; siquidem alioquin penetrat ejus vis, & cum virtute materia penitiores corporis defuncti partes, ita ut amplius ab eo separari non posse videatur. Gaspar a Reyes in allegata quest. 34. num. 33. post plura subdit : *Constat igitur, non annorum centena tantum, sed miliadas etiam corpora sic condita durare incorrupta, & integra poniisse, nullâ carie, nullo deficiente sâbo maculata ; & sequitur Mangerus in cit. lib. 3. cap. 2. = Concludamus igitur, Cadavera medicata ad multissimos annos incorrupta posse conservari non sînd magno insipientium stupore, quemadmodum apparet hodie in Magnatum Musæis, & celeberrimis Pharmacopæis ; in illis enim, & istis & corpora integra, & corporis humani partes*

me-

medicamine accommodata conspiciuntur. Pater Petrasancta in sua Thaumasia vera Religionis, ut de incorruptione Corporis Sanctæ Catharinæ Bononiensis judicium ferri posset, litteras dedit ad Patrem Jacobum Albergarum, quibus exquisivit, an Corpus dictæ Sanctæ ante trecentos annos mortuæ fuisset umquam unguentis, seu aromatibus delibutum; cùmque Pater Albergatus responderit = Nullo unguento, nisi Sanctitatis suæ, nullo aromate, nisi orationis, nullo balsamo, nisi virginitatis, nullâ myrrâ, nisi lacrymarum suarum, incorruptum remanet Corpus = ex his inferitur, ipsos in ea fuisse opinione, quod etiam post seculorum lapsum potuisset corpus incorruptum naturaliter servari, & citra Miraculum, si fuisset aromatibus, aut balsamis linitum: & in Causa Sanctæ Margaritæ de Cortona, me uti Fidei Promotore urgente, & comprobante, Corpus fuisse balsamo linitum, non potuerunt Postulatores obtinere, ut ejus incorruptio inter Miracula recenseretur, quamvis incorruptionem durasse dixissent per quatuor, & ultra secula.

8 Si itaque ex hucusque deductis Cadaverum incorruptio ab aeris qualitate, a loco, in quo Cadaver sepultum est, a recensitis aliis qualitatibus, & a medicamentis naturaliter procedere potest, equis erit, qui, statim ac pronuntiatum est, constare de Virtutibus heroicis, si inter Miracula proponatur corporis incorruptio, possit pro Miraculo judicium ferre, non præmisso examine riguroso, an aliqua præcesserit causa naturalis, cui incorruptio adscribi possit? & ed magis, cùm multò plura sint Sanctorum Corpora, quæ corruptioni fuerunt obnoxia, quàm, quæ remanserunt incor-

rupta. Absolutum illud pro Miraculo judicium rectè rationi adversatur, & Sedis Apostolicæ praxi. Certè Auditores Rotæ in *Relatione Cause Sancti Paschalis Baylon*, cùm ageretur de Corporis ejus incorruptione, stricte voluerunt examinare, an ea virtuti calcis vivæ, qua Corpus fuit coopertum, adscribi posset. In *Relatione Cause Sancti Isidori* de loco Sepulture sermonem instituerunt investigantes, an incorruptioni prodesse potuisset, vel potius obfuisse. In *Relatione Cause Sancti Jacobi de Marchia* ad tit. de ornatu Sepulchri similia examina-
runt. In *Relatione prima de Miraculis Sanctæ Terefiæ* ad tit. de exhumatione Corporis inquiverunt, an Corpus fuisset unctum balsamo, an venter esset plenus intestinis, an Sancta, dum viveret, fuisset pinguis: & in *Relatione Cause Sancti Francisci Xaverii*, in *Miraculo primo post mortem* = Ea autem (sermo fit de Incorruptione) potest esse vel mediâ arte, ut si Corpus fuerit unguentis delibutum, vel si in loco nimis secco, & arido fuerit collocatum, vel quia Corpus ipsum humore careat, & ideo potius arefcat, quàm putrescat, vel tandem contingere id potest ex speciali gratia. Ipsi Fidei Promotores in suis Animadversionibus non destiterunt opponere, vel quod corpus fuerat aromatibus conditum, quemadmodum videri potest in *Animadversionibus* factis a bonæ memoriæ Prospero Bottinio Archiepiscopo Myrensi Fidei Promotore in *Causa Beatificationis tunc Servi Dei, nunc Sancti Alfonsi Turribii*, in *Animadversionibus* factis ab ejus Antecessore Petro Francisco de Rubeis in *Causa Sanctæ Mariæ Magdalene de Tazis*, quibus præstantissimi Sacræ Confessorialis Aulæ Advocati Nicolaus, & Marcellus, Pater, & Filius de Seve-

Lib. IV. Pars Prima Cap. XXX. 415

rolis satisfacere docile conati sunt, ostendendo, corporis incorruptionem nec a naturalibus causis, nec ab artificialibus processisse; & demum in *Animadversionibus* a me factis, dum munereungebar Fidei Promotoris, in *Causis Sancti Jacobi de Marchia, & Sancta Margarita de Cortona*, uti supra dictum fuit: & quod caput est, ipsa Sacrorum Rituum Congregatio, quando solam corporis incorruptionem Miraculo adscripsit, Miraculo, inquam, tamquam fundamento Beatificationis, & Canonizationis, quod non ita frequenter contigit, ut infra videbitur, in suis Decretis verbum fecit de exclusionem causæ naturalis incorruptioni faventis, quemadmodum defumitur ex Decreto edito in *Causa Sancti Ludovici Betrandi die 4. Octobris 1667.* impresso post *Summarium Privilegiorum* collectum a Fratre Antonio Gonzalez: *Sacra Rituum Congregatio &c. quatuor Miracula approbavit &c. nempe preservationis ejus corporis a corruptione, quamvis in loco alluvionibus obnoxio, non exenterati &c. cum intestinis ipsi admodum ad corruptionem proclivibus humo traditi.* Sanctus Gregorius Turonensis lib. de *Gloria Confessorum* cap. 35. narrat, in Urbe Arverna, nunc Claromontio, apertum fuisse quoddam Sarcophagum, inventum fuisse Corpus cujusdam Puellæ omnibus membris solidum, integris facie, manibus, & reliquis artubus, & cum ingenti exsariet longitudine. At ingenuè subdit: *Credo, eam aromatibus fuisse conditam.* Anno 1642. in Civitate Carpentoracensi inter concamerandum pavimentum Templi maximi refoffus est locus cum integro corpore. Rogatus Pater Theophilus Raynaudus ab amicis, ut suam de ea incorruptione proferret sententiam, Tractatum edidit

sepe allegatum de *Cadaverum incorruptione*, & in examine incorruptionis stricte inquisivit de peculiari corporis conditione, de efficacia, & vi soli, in quo corpus sepultum fuerat, & de balsamationis defectu; & in capite finali Operis, exclusis omnibus causis naturalibus, & artificialibus, conclusit, corpus esse seponendum, & in loco separatim condendum citra Cultum omnem, ac religiosam Venerationem, ut expectaretur, an Deus per aliqua opera supra naturam manifestare dignaretur, quo in loco esset anima, quæ corpus illud aliquando inhabitaverat.

9 Hactenus de causis naturalibus, & artificialibus, ob quas citra Miraculum potest Cadaver incorruptum persisterere, & de quibus serid agendum est etiam post latum de Virtutibus favorabile judicium, antequam incorruptio Miraculo adscribatur. At, ut incorruptio inter Miracula recensetur, non solum oportet, causas quasque naturales, & artificiales ab incorruptione avertere, sed etiam absolute necessarium est, ut ipsa qualitas incorruptionis serid attendatur: potest enim esse, ut aliquod Cadaver sit incorruptum, quod incorruptio non processerit ab aliqua causa naturali, vel artificiali, & quod, hisce minimè obstantibus, incorruptio non sit Miraculo adscribenda. Utque id bene percipiar, annotandum est, varios esse corruptionis modos, sed duos esse præcipuos; putrefactionem videlicet, ex qua corpora diffiunt, & in tabem abeunt, quæ propriè est corruptio; & exsiccationem, ex qua eadem corpora paulatim, & longo annorum cursu exsiccantur, quæ vera est corruptio, quamvis vulgo habeatur pro incorruptione, quemadmodum

416 De Serv. Dei Beatif. et Beat. Canoniz.

dum benè inquit Zacchias *Quæst. Medico-Legal. lib. 4. tit. 1. quæst. 10. num. 2.* Aristoteles, aut fortè ejus Interpres putrefactionis nomen tribuit etiam corruptioni a siccitate; sed meliùs Galenus 5. de *Simplicibus cap. 5.* inquit = *Ceterùm, non quidquid corrumpitur, putrescere dicimus, sed quibus id cum calore accidit* = & in Libro de *Marcote. cap. 1.* subdit: *Marcor est virventis corporis præ siccitate corruptela*: quocirca Ficus passulæ, aliique fructus, immo & animalium carnes fumo, aere, vel sale exsiccantur, quæque, humidioribus partibus paulatim absumptis, ad diuturnam conservationem disponuntur, imputridæ quidem dici possunt, non autem incorruptæ: & sic omnis putredo est corruptio, sed non omnis corruptio est putredo, quemadmodum benè annotavit alias a nobis cum laude commemoratus Jacobus Sinibaldus Medicus Collegiatus Urbis, & publicus Lector in suo *Suffragio pro veritate edito*, dum agebatur de *in corruptione Corporis Sancti Jacobi de Marcbia*.

10 Posito, quòd non solum corruptio sit, cum sit putrefactio, sed etiam, cum sit exsiccatio, ut incorruptio inter Miracula recensetur, tum putrefactio, tum exsiccatio a Cadavere abesse debent, quemadmodum benè annotavit Scacchus de *Notis, & Signis Sanctitatis sect. 9. cap. 3. pag. 684. in fine* = *Hinc colligitur, non posse Cadaver aliquid dici incorruptibile, vel incorruptum, ex eo quid ad multum tempus integrum permanferit, nisi verè, & realiter nullam passum sit alterationem neque in colore, neque in carne, neque in ossibus, neque quòd ad odorem, & nisi omnino integrum etiam quòd ad contactum perseveret*: & prosequitur Zacchias loc. cit. sub num.

24. = *Sed, his relictis, ego puto, Cadavera incorrupta permanentia nullo artis, aut Damonis ministerio miraculose servari, dummodo hæc incorruptibilitas perfecta sit, ita ut Cadaver ne exsiccationem quidem patiatur, sed secundum corruptibiles etiam partes integrum, ac viridum non secus, quàm si in vita homo degeret, conservetur*; & paulò post, num. videlicet 29. hxc addit: *Cum verò, ut notum est, naturaliter omnia Cadavera corrumpantur, & putrescant, sciendum est, ad majorem Miraculi evidentiam, ut superius dixi, Cadaver ex Miraculo incorruptum servatum debere non solum secundum solidiores, & sicciores partes tale conservari, sed etiam secundum molliores, & humidiores, & secundum eas, quæ magis sunt putrefactioni obnoxie*: & hæc quidem ab omni genere putrefactionis immanes sunt, oportet; sunt enim, ut superius quoque dictum est, putredinis plures modi, seu potius gradus, secundum quos alia Cadavera, in quibus calor multum putredinalis, & humidum viget, in vermes, & alia infecta abeunt; alia secundum humidiores præcipuè partes in tabem convertuntur; alia solum contrahunt; alia, in quibus carnes, ac viscera omnia dissolunt; alia cæteris, sicciora, & in quibus calor mordax, & acer viget, humidioribus partibus absumptis, resiccantur, & diutius durant; omnia tamen putrescunt in majori, aut minori gradu, ita ut, quamquam hæc posterius minorem putredinis gradum attingunt, & cæteris diutius, ac melius, & quasi incorrupta servari videntur, non sufficeret tamen hoc ad Miraculi probationem; quia & ipsa ressecatio putredo quædam est. Concordat Rejes quæst. 34. num. 7. ubi loquens de miraculosa incorruptione ait: *Illud in primis observari debet, quòd non solum secundum solidiores, & sicciores partes tali incor-*

Lib. IV. Pars Prima Cap. XXX. 417

raptio inveniri debet, sed etiam secundam molliores, & humidiores, & secundam eas, qua magis sunt putrefactioni obnoxia: quare, & dictas partes ab omni corruptionis, & putrefactionis genere immunes esse, oportet &c. Illud praterea addiderim signum scilicet maximum &c. si in illis, qua sic permanent, corporibus (prater colorem, qui quasi viventium floridus, ne minimam mortuorum pallore suffusus aliquoties in Sanctorum vultibus post mortem adhuc persistere observatur est) non rigida artuum compago, sed flexibilis, tractabilisque appareat. Sanctorellus in *Testimoniis Medica cap. 42.* quærit, cur, etiam si omnes partes corporis sint incorruptæ, extremam tamen pars narium scilicet semper desideretur; & respondet, non esse partem illam corruptam, quamquam videatur corrupta: videtur autem deficere eam ob causam, quia extrema pars narium cartilagini hæret, non alicui ossi: cartilago autem exsecrata facile contrahitur, contracta illa, contrahitur eam, cuiusque illi innixa. At bonæ memoriæ Jacobus Sinibaldus in suo citato *Suffragio* edito in *Causa Sancti Jacobi de Marchia* subdit, hoc esse concedendum Sanctorello, sed illam tantum siccitatem, quæ tantam contractionem in cartilagine facere potuit, nihil aliud esse, quam signum evidens corruptionis ex marcore: & pro re, de qua nunc agitur, faciunt relata per Venerabilem Bedam *lib. 4. Historia Anglorum cap. 30.* ubi agens de Corpore Sancti Cuberti invento, & recognito post undecim annos ab ejus obitu hæc habet: *Aperientes Sepulchrum invenerunt corpus totum, quasi adhuc vivens, integrum, & flexibilibus artuum compagibus multo dormienti, quam mortuo similis; & lib. 4. Historia cap. 19.* agens de Corpore Sanctæ Edil-

driz Virginis etiam post conjugium cum Echfrido Anglorum Rege hæc addit: *Cum Corpus Sacra Virginis, ac Sponsa Christi, aperto Sepulchro, esset prolatum in lucem, ita incorruptum inventum est, ac si eodem die fuisset defuncta, sicut & præfatus Antistes Vilsfridus, & multi alii, qui novere, testantur.*

11 Per viam modò indicatam progressi certè sunt Rotæ Auditores in *Relatione Causæ Sanctæ Teresæ*, cujus Corporis incorruptionem Miraculo adscripserunt. Ponderarunt quippe, Corpus in Capsa lignea inclusum absque ulla interiorum extractione, & absque ullius balsami preservatione, post novem menses inventum fuisse incorruptum, integrum, flexibile, agile, & tractabile, & dicto odorifero liquore suffultum, & mirifico odore plenum ita, ac si hesternâ die terra mandatum fuisset; post tres annos in eodem statu permanisisset integrum, & incorruptum, & tractabile, & cum eodem odore, & liquore &c. simili modo rem se habuisse, cum Corpus translatum fuit ad Civitatem Abulæ; tunc enim fuit recognitum per legitimis Testes, qui Matrem Teresiam vivam cognoverant, esse ipsius illudmet Corpus; & tunc fuit etiam repertum plenum carnis, & cum eadem incorruptione, & integritate, flexibilitate, odore, & liquore, & cum quadam agilitate, & levitate, ut nullatenus esset ponderis unius infantis duorum annorum; quin & caro erat ita tractabilis, quòd digito percussa concava rediretur, & digito moto, caro surgeret, & elevaretur; iidemque omnino qualitatibus prædium Sanctæ Corporis repertum fuisse in binis aliis Visitationibus, quarum altera expleta fuit post decem annos, altera post viginti duos annos ab ejus obitu,

G g g quem.

418 *De Serv. Dei Beatif. et Beat. Canoniz.*

quemadmodum latius videri potest in allegata Relatione.

12 Prædictas quoque theoricæ amplexi sunt, memoratisque vestigiis inhererunt celeberrimi hujus Civitatis Bononiz Medici acciti ad judicium ferendum de incorruptione Corporis nostræ Sanctæ Catharinæ, quam tot Scriptores & concives, & exteri, alique Physici jam supra commemorati Miraculo adscripserant. Doctor Albertus de Fabris celeberrimus suo tempore Medicus suum judicium sequentibus verbis expressit: *Se io ho da dire la verità di quello, che sento, parmi di poter dubitare della incorruttibilità di questo venerabile Corpo supra vires natura: e la causa parmi ch'è sia il mancare a questo Venerabile Corpo la condizione principale, cioè, ch'è o tutto, o la maggior parte delle parti abbiano la consistenza delle parti, e la sostanza, e la trattabilità necessaria per istabilire una incorruttibilità supra vires natura, e veramente miracolosa. E, benchè qualche accidente possa indicare il contrario, ad ogni modo, stante la mancanza accennata, parmi poter asserire, come ho detto, saltem secondo il presente stato.* Joannes Galeatius Manzius celebris nominis Physicus, dum viveret, ita locutus est: *Da quello, che ho veduto cogli occhi (precisa ogni notizia istorica, e qualsivoglia altra cognizione, che conseguentemente si possa avere di detto beato Corpo) l'ho veduto efficcato universalmente in tutte le parti rispettivamente alla cute, e membrana a lei sottoposta delle braccia, e spalle, collo, capo, e delle ginocchia fino a' piedi, con durezza, e tensione ineguale, più cedente al tatto verso le clavicole, e nella parte più grossa delle gambe, sotto la pianta del piede destro, e sotto la piegatura del ginocchio sinistro: e sembra ridotto a tale*

stato da una successiva efficcazione delle umidità, dall'ordinario trattenimento delle quali, ed impedita traspirazione succede per lo più la corruzione de' corpi. La stessa efficcazione ho osservato in tutti gli articoli del detto beato Corpo, a cagione della quale alcune parti poco, altre nulla sono flessibili: sicchè il posto di queste membra pare poterli credere essere successivamente per ordine di varie disposizioni ridotto allo stato, in cui di presente si ritrova. Cautè quoque clarissimus Malpighius de miraculosa incorruptione sermonem habuit: Considerando le parti, che costituiscono un Corpo, mentre è lasciato dall'Anima, ch'è molte di quelle non si trovano incorrotte nel caso nostro, come sangue, pinguedine, parti molli di carni, ed altre simili, ma di tutte quelle parti se n'è fatta una tale composizione, o mole, la quale conserva una configurazione di un corpo umano, ed un adombramento di quelle prime parti; e tutto questo aggregato conservandesi, par che dia qualche segno di cause superiori alla natura ordinaria, purchè non vi sia stata altra causa esterna artificiale. Alti Periti in diversum sensum abierunt intrepidè sustinentes, beati Corporis incorruptionem inter Miracula recensendam. Prosper Bottinius tunc Fidei Promotor in suis Animadversionibus, fundamenta contra miraculosam incorruptionem deducta ab Alberto de Fabris, & Joanne Galeatio Manzio, cautumque loquendi modum Malpighii magno in pretio habenda esse, sustinuit. Angelus Modius Medicus Physicus Urbis accitus, ut suum pro veritate ferret judicium, Fabrum, Manzium, & Malpighium ceteris dixit præferendos, novisque fundamentis ipsorum assertiones firmavit. Iussu sanctæ memoriæ Clementis XI. ipse
in

Lib. IV. Pars Prima Cap. XXX. 419

in juvenili ætate constitutus, nec adhuc in Collegium Consistorialis Aulæ Advocatorum adscitus patrocinium assumpsi Causæ meæ Concivis Sanctæ Catharinæ, atque tum scriptis, tum dictis omnem lapidem movi, ut Corporis incorruptio inter Miracula recenseretur. Communem Scribentium sensum de miraculosa incorruptione proposui, rationes deductas a Fortunio Liceto resumpsi, Peritorum Miraculo faventium assertiones, & fundamenta magnopere extuli. Addidi, de incorruptione tamquam miraculo mentionem habitam fuisse in Martyrologio Romano, in Missa, & in Officio indultis in honorem prædictæ Beatæ. At omnia in cassum ceciderunt, cum responsum fuerit, communi Scribentium sensui non esse deferendum, cum scripserint, quæ audiverant, aut quæ viderant, sed vel puncto non examinato, vel errantes fortasse ob experientie, & cognitionis materię defectum; Fortunii Liceti, & nonnullorum aliorum Physicorum tempore potuisse incorruptionem esse miraculosam, sed Miraculum non perdurasse usque ad tempus, quo ejus approbatio petebatur, cum mollities, & flexibilitas partium beati Corporis antiquiori quidem tempore non deesset, ut ex variis monumentis desumebatur, sed ea tempore, quo instantia promovebatur, non adesset. Fabri, Manzii, & clarissimi Malpighii autoritas, quæ meæ assumptioni de Corporis miraculosa incorruptione adversabatur, maxime profuit in aliorum Miraculorum approbatione, quæ Canonizationis fundamentum fuerunt: cum enim sanationes quasdam iidem egregii Viri supra vires naturæ autumassent, tum Sanctitati Sug, tum Eminentissimis

simis Cardinalibus, & Consultoribus totis viribus insinuavi, plurimum eorum dictis esse deferendum tum propter eximiam in rebus physicis peritiam, tum quia, si, corporis incorruptionem vires naturæ excedere, non dixerunt, hoc ipsum de sanationibus dixissent, si eas verè miraculosas non existimassent.

13 In Causa e contra Sanctæ Mariæ Magdalene de Pazzi miraculosa Corporis incorruptio fuit approbata, sed Corpus inventum fuit molle, & tractabile, & præservatum non solum a putrefactione, sed etiam ab ariditate, ut ex Processu Florentino in ejus Causa compilato fol. 240. = *Decreto sacro Corpore Sc. tam supradicti Illustrissimi, & Reverendissimi DD. Judices, quàm DD. Subpromotores Fidei, duo Medici, ac Testes, & ego Notarius Causa omnes accedentes viderunt Sc. dum premeretur manus circa pulsum, carnem esse mollem, & flexibilem, seu palpabilem, ita ut pressa elevabatur: quod quidem magnâ admiratione, præcipue dictorum Medicorum, recognoverunt. Ingenitè etiam supra vestem tacto, dum sentiebatur, pellem post pressum elevari Sc. Concordat Bolla Canonizationis = Decretis, constare de quinque Miraculis post indultam Beate Venerationem consecutis. Perseveravit enim Corporis incorruptio eum mirabili flexibilitate quarundam partium, in quibus caro tactu pressa cedit, & post ad pristinum statum redit. In manibus, & brachiis cernuntur vena, capilli adhuc suo fulvo rutilant colore, candorem servat caro in artubus, qui vestibus teguntur, quæ & fœus inflammant affectum, & sancta devotionis stimulus accendunt. Ex quibus omnibus comprobatur remanet, nec incorruptionem miraculosam dici posse, si aliqua præcellerit causâ naturalis, cui adscribi possit, nec, exclusâ*

Ggg 2 qua-

quacumque naturali causâ, corporis incorruptionem inter Miracula esse referendam, nisi absit exsiccatio, nisi corporis partes sint palpabiles, alique concurrant circumstantiæ supra ponderatæ, uti præter supra cumulatòs benè annotavit bonæ memoriæ Petrus Alfaltus in sua *Dissertatione* edita in *Causa Sancti Joannis Nepomuceni*, dum agebatur de incorruptione lingux ipsius, de qua infra: *Non enim me latet, apud imperitor vulgò incorruptum judicari corpus, dummodo utcumque figuram servet, ipsius partibus quoquo modo adhuc coherentibus, nihil considerantes, an sit rigidum, durum, an molle, an rugosum, atque contractum, an color fuerit immutatus, an sit friabile, ut facili in pulverem comminatur.*

14 Et, quatenus diceretur, non omnes prædictas qualitates adfuisse in corporibus, de quorum mirabili incorruptione sermo fit in *Bullis Canonizationum*, nonnulla pro responsione videntur annotanda. Primum est, non semper valere hoc argumentum: *Mentio fit incorruptionis corporis in Bulla Canonizationis*: Ergo incorruptio corporis fuit Miraculo adscripta. Franciscus Penia Rotæ Auditor, qui unâ cum aliis Rotæ Auditoribus Causam examinavit Sancti Didaci, in *Tractatu* de ejus Canonizatione lib. 3. pag. 147. hæc habet: *De integritate Corporis etiam est pertractatum, de qua consuevit, non esse Miraculum; ceteris tamen concurrentibus, admiratione, & veneratione dignam, ac in Relatione Consistorii, & postmodum in Canonizatione esse referendam: & coherentèr ad hæc de incorruptione facta fuit mentio in Bulla Canonizationis* = Itaque devotionis ardore succensî a Fratribus suis Beati Didaci Corpus decenter, & religiose in Principis Cubiculum offerri, curant, post annos fere centum

integrum, & incorruptum. Secundum est in *Bullis Canonizationum* aliquando, non assertivè, aut definiendo, sed enuntiativè, & referendo, mentionem fieri incorruptionis. Exemplum est in *allegata Causa Sanctæ Margaritæ de Cortona*. Summus Pontifex Leo X. delatâ famâ Sanctitatis prædictæ Virginis, collectisque extrajudicialibus informationibus tum Vitæ, tum Miraculorum, necnon incorruptionis Corporis, indulgit, juxta morem tunc temporis receptum Causâ judicialiter non cognitâ, publicum Cultum in honorem ipsius, & beati Corporis expositionem. In transitu a Beatificatione æquipollenti ad formalem Canonizationem, a Cultu videlicet permisso, & ad certos locos coarctato ad Cultum de præcepto, & ad universum Orbem extenso, assumpto judiciali examine de Corporis incorruptione, ea, uti supra visum est, non fuit Miraculo adscripta; sed, hoc minimè obstante, mirabilis incorruptionis, non assertivè, sed relativè verbum factum est in *Bulla Canonizationis* = Corpus miro odore perfusum, copiosâ populorum frequentia accurrente, in *Æde Sancti Basilii, quæ est Fratrum Minorum*, jamque ab eadem Margaritâ appellatur, depositum est, statimque compluribus Miraculis coruscavit &c. Quibus denuò ritè discussis, extrajudicialiter tamen, & non servatâ formâ judicii, ac suspensio illo prodigio, quo Dedit Famula Corpus Cortona adhuc æqueum, incorruptum, illasum, suavisque odore perfusum ab omnibus colitur, permotus felici recordationis Antecessor noster Leo Papa X. qui illud venerandum coram suspexerat, Listeris Apostolicis octavo Idus Februariæ anni millesimi quingentesimi decimi quinti Florentiæ vulgatis concessit, ut Margaritæ Natalis Cortona, inque tota ejus Diocesi

Lib. IV. Pars Prima Cap. XXX. 421

est solemniter ritu celebraretur, Sacraque ejus Exuvie omnium venerationi ipso, quo decessit, die exponerentur. Tertium est, in Bullis Canonizationum aliquando fieri commemorationem mirabilis incorruptionis juxta statum antiquum Corporis, non juxta statum præsentem: & hic cautus loquendi modus adhibitus est in Bulla Canonizationis Sanctæ Catharine de Bononia, cujus Corporis incorruptio non fuit inter Miracula recensita juxta statum præsentem, uti supra visum est: Post ejus animam in Calum receptam, & Corpusculi depositionem, multis illius patrocinio apud Deum se commendantibus, cum duodeviginti dies effluxissent, incorruptum, & suavem spirans odorem Sepulchro eruitur, septemque dierum spatium omnium undique consuetium oculis exponitur, quod sedens instar viventis hætenus magno cum honore ibidem colitur. Felicis recordationis Antecessor noster Clemens Papa VII. annos septem, & sexaginta a Catharina decessu sacri Corporis incorruptionem manu tractabilem coram miratus Monasterii Sororibus facultatem indulsit quotannis, Catharina anniversario obitus die recurrente, sacras preces in ejus honorem ritu Ecclesiastico celebrandi. Ultimum denique est, sæpe in Bullis Canonizationum mentionem fieri incorruptionis tamquam miraculose, sed unà cum odore, & aliis plurimis Miraculis approbatis, ita ut incorruptio fuerit quidem approbata, sed uti Miraculum supra numerum, cui decretum Canonizationis innixum non est, juxta ea, quæ alibi dicta sunt. Quæ omnia, & singula profectò non adversantur cæteris à nobis in hoc Capite deductis, ubi quærimus de incorruptione Corporis non simpliciter referenda, sed formiter statuenda, Causæque cognitæ, recensenda inter Miracula pro fundamento forma-

lis Beatificationis, aut Canonizationis.

13 Quæ dicta sunt de incorruptione totius corporis, sibi locum vindicare debent in aliqua parte corporis incorrupta a reliquo corpore separata. De Sancto Stephano Rege Hungariz legitur, ejus dexteram post annos quinque, & quadraginta incorruptam repertam fuisse ob assiduam, & copiosam in pauperes largitatem, qua, dum viveret, præditus fuit. Simile prodigium narratur de dextera Sancti Nicolai Myrensis, qui manum suam aperuit inopi, dum viveret, & a larga, & frequenti erogatione elemosynarum ore omnium celebratur. Similia exempla collecta legi possunt apud Theophilum Raynaudum in citato Tractatu de Incorruptione Cadaverum cap. 10. Celebre profectò illud est incorruptionis Linguz Sancti Antonii Patavini, quemadmodum legitur in Sermone Magistri Roberti de laudibus Sancti Bonaventuræ, inter bujus Opera tom. 2. = Tempore verè sui Generalatus fuit facta translatio Corporis Sancti Antonii de Padua ad prægrandem illam Ecclesiam, in qua nunc est reconditum, trigésimo tertio anno post ejus obitum, Dominicæ Resurrectionis: & tunc Lingua ejus, quæ sub terra fuerat, reperta est ita recens, & rubicunda, quasi eadem hora Sanctus ille gloriosus decessisset, quam Beatus: & devotus Bonaventura in manibus reverenter accipiens irrigatus profusius lacrymarum coram omnibus bujusmodi verbis affari cepit = O lingua benedicta, quæ semper benedixisti Dominum, & alios benedicere fecisti, nunc manifestè apparet, quanti fueris meriti apud Dominum = . Apud Ughellium quoque in sua Italia Sacra, ubi agit de Trentina Ecclesia, narratur, Archiepiscopum Tarentinum anno 1346. fecisse reco-

gci.

422 *De Serv. Dei Beatif. et Beat. Canoniz.*

gnitionem Reliquiarum Sancti Catal-
di Tarentini pariter Archiepiscopi,
& mortui anno centesimo septuage-
simo a Partu Virginis, & ejus Lin-
guam invenisse, quæ ad hæc usque
tempora cernitur integra, & subru-
bens, quasi recens ab ejus ore avul-
sa. Dum munereungebar Fidei Pro-
motoris, post approbatum Marty-
rium, & causam Martyrii in *Causa
Sancti Joannis Nepomuceni* transitus fa-
ctus est ad discussionem Dubii super
Signis, & Miraculis, & inter cetera
Signa, & Miracula propositum fuit
illud perennis incorruptionis Lingux
ipsius. Sanctus Martyrio fuerat coro-
natus anno 1343. & judicialis reco-
gnitio Lingux facta est anno 1725.
& sic post trecentum, & octoginta
duos annos ab obitu. Inventa est au-
tem integra, & retinens figuram, &
formam lingux humanæ. Color ap-
paruit talis, qualis est in lingua ho-
minis viventis, & mollis erat, atque
flexibilis. Signa hæc sunt incorruptio-
nis, & quidem supernaturalis, cum
nulla suspicio fuerit de causa natu-
rali, aut artificiali incorruptionis. Ad-
ditum est, linguam inter ceteras hu-
mani corporis partes esse præcipue
corruptioni obnoxiam, cum juxta A-
natomistas magna pars ejus ex fibris
carneis sit contexta, & fibræ carneæ
magna sanguinis copiâ sint replete,
Diemerbroeck *Anatom. lib. 3. cap. 24.*
Verheyen *Anat. tract. 4. cap. 19.* &
sanguis suo carens fluxu, sive circula-
tione ad corruptionem impellat,
uti videmus in gangræna, & sphacelo
inductis ab impedito cursu sanguinis,
& uti quoque videmus in sanguine
per venæ sectionem excepto in ali-
quo vase; illico enim turbatur, ipsius
fibrosæ partes globulis rubicundis per-
mixtæ coguntur, atque atrum colo-

rem contrahunt, serumque ab eis se-
cretum supernatat. Physicis confide-
rationibus pia quoque accessit consi-
deratio, quodd Deus videlicet incor-
ruptam voluerit tot annorum spatio
miraculose illam linguam permane-
re, cum ex alibi relatis Sanctus vi-
tam amiserit, ne proderet Sigillum.
Sacramentalis Confessionis. *Matta de
Canonizatione Sanctorum part. 3. cap. 14.*
num. 2. ita scribit: *Ingenti admiratio-
ne dignum, quodd aliquando, reliquo tor-
pore consumpto, partis alitujus, cui per-
fectionis donum, & virtutis prerogati-
va præcipue debebatur, substantia omnis
incorrupta, & vivido colore perfusa ani-
madversa sit, & inventa.* Et, his, aliis-
que pluribus ponderatis, Sacrorum
Rituum Congregatio tamquam Mi-
raculum secundi generis approbavit
perennem Lingux incorruptionem,
uti desumitur ex *Decreto edito die 11.
Januarii 1729.* quod Apostolicâ au-
thoritate fuit roboratum a sanctæ me-
moræ Benedicto Papa XIII. *die 16.
Februarii ejusdem anni.*

16 Quæres, an continuatio mira-
culose incorruptionis habenda sit pro
novo, & distincto Miraculo ab ipsa
miraculosa incorruptione: de qua
quæstione sæpe actum est, instanti-
bus Postulatoribus, & adversantibus
Fidei Promotoribus, in Sacrorum Ri-
tuum Congregatione. Utque tum e-
jus status, tum utilitas bene digno-
scentur, supponendum est, aliquem
Dei Servum mori, incorruptum per-
manere ipsius Corpus, nullam adesse
causam naturalem, cui incorruptio
adscribi possit, Cadaver esse molle,
& tractabile, uno verbo, nihil deesse
ex his, quæ supra diximus neces-
saria, ut incorruptio Miraculo adscri-
batur. Introducitur Causa Canoniza-
tionis ipsius vel per viam Casus exce-
pti

pti a Decretis Urbani VIII. & sic æquipollentis Beatificationis, vel per viam ordinariam, & sic formalis Beatificationis, uti tum *lib. 1.* tum *lib. 2. hujus Operis* dictum est. In utroque casu post approbatas Virtutes, si sermo est de Confessoribus, vel post approbatum Martyrium, & causam Martyrii, si sermo est de Martyribus, deveniendum est ad discussionem Miraculorum; & in primo casu deveniendum est ad discussionem Miraculorum, quæ supervenerunt post indultam Venerationem; & in secundo casu ad Miraculorum discussionem deveniendum est, quæ post formalem Beatificationem Deus operari dignatus est intercessione Beati. Si inter cætera, quæ discutienda proponuntur Miracula, proponatur & illud incorruptionis Corporis, cum incorruptio præcesserit æquipollentem Beatificationem, si continuatio miraculose incorruptionis non habetur pro novo Miraculo, non poterit haberi ratio miraculose continuatæ incorruptionis in ordine ad Canonizationem; Miraculum quippe in hoc rerum thematicum numquam dici poterit supervenisse post indultam Venerationem: idemque judicium ferendum erit in Causis precedentibus per viam formalis Beatificationis, si, post approbatam incorruptionem tamquam miraculosam ante formalem Beatificationem, eadem incorruptio, seu incorruptionis continuatio tamquam Miraculum proponatur pro obtinenda Canonizatione. Et hæc eadem difficultas non solum procedit in miraculosa incorruptione, sed etiam in supernaturali odore, in miraculoso liquore promanantibus a Cadavere, vel Ossibus Servorum Dei, vel Beatorum, de quibus infra, quoties ema-

natio odoris, aut liquoris Beatificationi æquipollenti, aut formali præcesserit, & ejus continuatio tamquam miraculosa proponatur pro Canonizatione obtinenda, veluti unicuique speculanti patebit.

17 *In Causa Canonizationis Sanctæ Catharinæ de Bomonia*, quæ processit per viam Casus excepti, cum beati Corporis incorruptio, sive ejus per plura secula continuatio tamquam Miraculum proponeretur pro Canonizatione obtinenda, Prosper Bottinius Archiepiscopus Myrensis tunc Fidei Promotor inter cæteras suas *Animadversiones* eam, de qua nunc agitur, non omisit: inquit enim, quod etiam, quatenus incorruptio fuisset miraculosa, de ejus continuatione haberi non poterat ratio in ordine ad Canonizationem, cum, facta per Miraculum a Deo beati Corporis præservatione a corruptione, aut continuatio tamquam naturalis habenda esset, aut saltem ad novum Miraculum referri non posset. Animadversioni tum a me, tum a cæteris in Causa scribentibus responsum fuit, ipsam adversari tum rationi, tum praxi Sacræ Congregationis: rationi, cum conservatio sit continuata productio juxta Philosophos: praxi Sedis Apostolicæ; cum etenim ante praxim inductam a Decretis Urbani VIII. Sancta Maria Magdalena de Pazzis inter Beatas relata fuisset, habitâ ratione inter cætera Miracula incorruptionis, & fragrantie beati Corporis, uti desumitur ex *Decreto edito die 2. Maji 1626.* inductâ novâ praxi per eadem Urbani VIII. Decreta, in transitu a Beatificatione ad Canonizationem, post approbatum Casum exceptum ab iisdem Decretis, devenit fuit ad discussionem Miraculorum; cumque inter cætera pro-

424 *De Serv. Dei Beatif. et Beat. Canoniz.*

positum etiam illud fuisset continuationis incorruptionis, & fragrantie Corporis Beatæ, hæc approbationem obtinuerunt pro Canonizatione obtinenda, veluti desumitur ex *Decreto edito die 10. Septembris 1668. impresso inter Acta Canonizationis dictæ Sanctæ collecta a Dominico Cappello pag. 37.*

18 In resolutione Causæ Canonizationis Sanctæ Catharinæ de Bononia non fuit opus, quod Sacra Congregatio de proposita questione suam ferret judicium, cum ex supradictis, etiam si incorruptio juxta statum antiquum fuisset miraculosa, continuatio tamen incorruptionis ob beati Corporis deteriorationem non fuerit inter Miracula recensita, unde clare memorie Cardinalis de Carpineo Relator Causæ in facto concordato, quod juxta alibi dicta exaratur a Cardinali Relatore, & editur, quando proponitur Dubium, an, stante approbatione Virtutum, & Miraculorum, tutò procedi possit ad Canonizationem, sermonem habendo de continuatione incorruptionis, & odoris ab eo promanantis, dixit: *Et ista duo Miracula deducta in ultima Testione coram Sanctitate Vestra non fuerunt expressè approbata, quia non sunt permanentia; & questio, an continuatio incorruptionis, aut odoris pro novo, & distincto Miraculo habenda sit, sibi vindicat locum, cum incorruptio, & odor in eodem statu miraculoso permanent, in quo erant, secus autem, quando cessarunt, aut quando incorruptio alicui causæ naturali potuit adscribi: quapropter, cum in Causa Sanctæ Margaritæ de Cortona ipse uti Fidei Promotor duo opposuerim, Corpus videlicet fuisse unguentis, aromatibus, & balsamis delibutum, & sic ejus incorruptionem paturæ esse adscribendam, & quate-*

nus supernaturalis fuisset, de ejus continuatione rationem haberi non posse in ordine ad Canonizationem, ex quo continuatio non erat novum, & distinctum Miraculum a prima incorruptione, Sacra Congregatio, quæ primæ adhæsit difficultati, a resolutione secundæ prudenter abstinuit.

19 Ocasio se obtulit de proposita difficultate judicium ferendi in *Causa Sancti Jacobi de Marchia*, in qua continuatio incorruptionis, & odoris proposita est tamquam novum Miraculum pro Canonizatione obtinenda; item in *Causa Sanctæ Margaritæ de Cortona*, in qua, exclusâ miraculosâ Corporis incorruptione, proposita fuit tamquam Miraculum pro Canonizatione obtinenda incorruptio partis Corporis a reliquo Corpore separata, nec ullo modo balsamo linitæ; & in *Causa Sancti Joannis Nepomuceni*, in qua continuatio incorruptionis Lingue proposita fuit tamquam Miraculum pro Canonizatione pariter obtinenda: in his etenim omnibus Causis scribens uti Fidei Promotor comprobavi, incorruptionem Beatificationi æquipollenti præcessisse, & superfluum esse questionem de continuatione, quia, etiam admisâ incorruptione miraculosâ, & continuatione incorruptionis in eodem statu, continuatio aut naturalis erat, aut novo, & distincto Miraculo adscribi non poterat, exemplo ejus, qui per Miraculum resuscitatur, aut qui ex cæco videns factus est; Miraculum quippe consistit in resuscitatione, & in restitutione facultatis visivæ, sed non in continuatione vitæ, aut facultatis videndi.

20 At, cum Sacrorum Rituum Congregatio ultra Causam Sanctæ Mariæ Magdalene de Pazzi, de qua

fu-

Lib. IV. Pars Prima Cap. XXX. 425

supra, continuationem incorruptionis, & etiam odoris inter tempus æquipollentis, & formalis Beatificationis, approbantibus Summis Pontificibus, recensuerit inter Miracula in ordine ad Canonizationem, atque adeò inter Miracula distincta ab ipsa incorruptione, quæ fuit ante Beatificationem, uti desumitur ex Decreto edito in *Causa Canonizationis Sancti Jacobi de Marchia die 2. Februarii 1726. in Causa Sanctæ Margaritæ de Cortona die 27. Decembris 1727. & in Causa Sancti Joannis Nepomuceni die 16. Februarii 1729.* videtur cessare debere quæcumque difficultas, tutoque asserendum, quodd, suppositâ miraculosâ incorruptione, continuatio haberi debeat pro novo, & distincto Miraculo pro Canonizatione obtinenda: ut enim benè docent Theologi, quædam solum exigunt virtutem supernaturalem ad sui productionem, primamque existentiam, & quædam præterea ad sui conservationem. Exemplum priorum est in ipsa vita restituta, aut oculo reddito per Miraculum, quo supposito, tum vita, tum visus naturaliter durant instar naturalis vitæ, aut oculi per naturalem generationem accepti. Exemplum posteriorum est in duplici quantitate penetrata, aut duabus qualitatibus contrariis in gradu intenso conjunctis; unio enim illarum non solum miraculosa est in initio, sed etiam in progressu, seu in continuatione, quoniam nullum est instans, in quo una quantitas naturaliter non repugnet compenetracioni cum altera quantitate, eodemque pacto una qualitas non exigit expulsiõnem alterius qualitatis contrariæ in gradu intenso a suo subiecto, veluti totidem verbis inquit clarè memoriz

Cardinalis de Aguirre in *Theologia Sancti Anselmi tom. 1. disput. 9. sect. 1. num. 9.* Cumque vera incorruptio ad multum tempus perseverans, non ad primum, sed ad secundum Miraculorum genus pertineat, hinc est, unum Miraculum in incorruptione, aliud in continuatione, & duratione esse constituendum.

21 Utque id explicetur, duo querenda sunt: primum, quanto tempore naturaliter corpus remanere possit incorruptum, seclusâ qualibet causâ naturali, aut artificiali: alterum, quomodo Deus supernaturaliter aliquorum Servorum suorum Corpora incorrupta conservet. Ad primum, Zacchias *Quæst. Medico-Legal. lib. 4. tit. 1. quæst. 10. num. 27.* respondet, omnibus unum, & eundem terminum non posse assignari, cum ex dictis multæ causæ sint, ex quibus ipsa Cadavera citius, aut ferius corruptionem patiuntur, & ipse particulares hominum naturæ, & temperamenta ex dictis in hoc multum possint; & concludit, quodd, si ab eo, quod ut plurimum fit, universalis regula sumenda sit, terminus tribus diebus videtur definiendus, sumpto argumento a Lazaro, de quo in *Evangelio*, cum dictus terminus jam transisset, dicitur, quodd, fœtebat, & quadriduanus erat. Ad alterum nonnulli respondent, miraculosam incorruptionem a Deo fieri per infusionem qualitatis naturalis, qua Cadavera tuta, & immunia existunt a recipiendis extrinsecis qualitatibus, per quas, turbato, & confuso temperamento sibi debito, corrumpi solent, veluti ratiocinatur Scacchus in *citato Tractatu de Notis, & Signis Sanctitatis sect. 9. cap. 3.* Nec, ex quo qualitas illa sit ordinis naturalis, excluditur miraculosa in-

H h h cor.

corruptio. Exemplum est in primi Hominis immortalitate. Si non peccasset, nec ipse, nec ejus posterius corporis mortui fuissent obnoxii, & cum Pelagianis sentiret, qui mortem corporis in naturam, & non in peccatum, referret, & cum Bajanis, qui diceret, primi Hominis immortalitatem non fuisse gratiæ beneficium, sed conditionem naturalem. Primi Hominis immortalitas non solum a iustitia originali, seu gratia gratum faciente, per quam potiebatur perfectæ dominatione in corpus, a bona corporis constitutione, & temperie, a prudentia Hominis innocentis, per quam cavebat ab omnibus noxiis, & periculis, a speciali Dei Providentia, & Angelorum custodia causam habebat, sed etiam ab usu ligni vitæ, quo spiritus vitales perfectè reparabantur. De virtute ligni vitæ questio est inter Theologos, an fuerit naturalis, vel supernaturalis. Nonnulli dicunt, fuisse supernaturalem. At Sanctus Thomas 1. part. quest. 97. art. 4. in corpore probat, fuisse naturalem. Cumque, his minimè obstantibus, & quamvis tum bona corporis constitutio esset ordinis naturalis, tum virtus Ligni vitæ juxta non nullos naturalis elicit, immortalitas primi Hominis non fuerit naturalis, sed supernaturalis, uti latè explicat Estius in lib. 2. Sent. dist. 19. §. 9: signum evidentissimum hoc est, non obflare Miraculo, aut effectui supernaturali vim qualitatis naturalis, si eà Deus utatur, ut aliquid præstet, quod, attento ordine naturali, spectatque naturæ creatæ exigentiâ, nullatenus præstare, aut efficere tenebatur.

22 Alii verò miraculosam faciliè, & probabilius explicant incorruptionem, asserendo videlicet, eam effici

per subtractionem concursus, quæ sit a Deo, quo causæ corruptionem inducentes absolute indigent, ut operari possint, ut in simili benè perpendantur ad illud Exodi, ubi narratur, Moysen vidisse rubum ardentem, & non comburentem, Perer: ibidem disput. 5. num. 15. his verbis = *Deus suspendebat concursum suum cum igne ad urendum: etenim duo sunt in Theologia placita apud Theologos certa, & indubitata: alterum est, nullam rem creatam operari posse absque actuali Dei concursu cum illa re: alterum est, Deum, quæ sunt extra ipsum, ea liberè operari, & quando vult, & ubi vult, & quomodo, quantumque vult operari &c. Quia Deus concurrebat cum illo igne ad lucendum, ideo lucebat: quia verò cum eo non concurrebat ad urendum, ideo non urebat = & Cornelius a Lapide ad eundem locum = *Illustre hoc fuisse videtur Dei Miraculum: Deus enim hic conservabat ignis substantiam, sed actionem, & usionem ejus impediens, subducendo concursum, & influxum suum, ne ageret in rubum, vel virrentia ejus folia minimè asflaret, aut desiccaret. Deo enim cum igne volente concurrere, ut urat, ne Infernus totus vel stuppa adufleret: nam certum est illud Theologorum axioma, nullam rem creatam posse operari absque actuali Dei concursu cum illa re. Probat autem huculque deducta, miraculosam incorruptionem non esse de genere earum rerum, quæ Miraculum tantum exposcunt in sui productione, sed esse de genere earum rerum, quæ novum Miraculum exposcunt in sui conservatione, exigentibus videlicet causis, transacto naturali termino, agere, & sic corruptionem inducere, earumque actione suspensâ, & impedita vel a permanenti qualitate, juxta Scacchum, vel, quod probabilius est,**

a con-

a continuata denegatione concursus Divini, juxta ea, quæ modò dicta sunt.

23 Utì consideranti patebit, facilius est, transacto termino naturali corruptioni præfixo, distinctionem, admittere Miraculorum inter incorruptionem, & continuationem incorruptionis, quàm effugere multiplicationem Miraculorum ferè in infinitum. Si enim, transacto primo termino naturali, intrà quem sequi debuisset corruptio, insurgit Miraculum incorruptionis, & continuatio habetur pro novo Miraculo, tot erunt Miracula, quot sunt temporis momenta, quibus incorruptio perseverat, vel ad summum tot erunt Miracula, quot sunt novi termini naturales, intrà quos corruptio sequi debuisset, quod videtur absurdum: ad quod evitandum innuisse fas sit, naturalem quidem non esse, sed supernaturalem continuationem incorruptionis, eamque esse novum Miraculum, & separatum ab ipsa incorruptione, esse tamen appendicem primi Miraculi, illudque, quò magis durat, illustrius efficere; de continuatione habendam esse rationem in transitu a Beatificatione ad Canonizationem, quamvis incorruptio Beatificationi præcesserit, sed adhuc investigandum superesse, an de continuatione incorruptionis, etsi miraculosa, talis haberi debeat ratio in

transitu a Beatificatione ad Canonizationem, in quo ex alibi dictis duo Miracula, quæ supervenerint, sufficiunt, ut ipsa cum alio Miraculo satis sit, vel potiùs duo alia Miracula distincta ab ipsa continuatione incorruptionis requirantur. Hujus autem quæstionis resolutio judicio Congregationis Sacrorum Rituum reservatur, quæ, licèt ex dictis censuerit, incorruptionem, & continuationem incorruptionis esse, duo distincta Miracula, & de continuatione incorruptionis, uti novo, & distincto Miraculo, rationem habuerit in ordine ad Canonizationem, numquam tamen, quod sciam, ad Canonizationem processit, nisi ultra continuationem incorruptionis Corporis alia bina, aut plura Miracula fuerint discussa, & approbata, a Deo facta intercessione illius Beati, ad cujus Canonizationem procedebatur, *In Causis certè Sanctorum Ludovici Bertrandi, Mariae Magdalene de Pansis, Jacobi de Marchia, Margarite de Cortona, Joannis Nepomuceni* de continuatione incorruptionis Corporis, uti novo Miraculo, habita est ratio in ordine ad Canonizationem; sed alia duo, aut plura in unaquaque Causa discussa, & approbata fuerunt Miracula, antequam ad Canonizationem procederetur.

CAPUT TRIGESIMUM PRIMUM.

*De nonnullis Cadaverum qualitatibus, & de Sanguine Liquore,
& Odore, qui a Cadaveribus promanant, an Miraculo
sint adscribendi.*



1 Anſti Franciſci de Aſſiſio Corpus diu poſt obitum integrum inventum eſt, ſtans, illuſum, oculis apertis, & vulneribus recen-
ti ſanguine manantibus, uti habetur apud Wadirgum *ad annum* 1230. *num.* 4. Sancti Corpus plures Romani Pontifices aſpexerunt, Gregorius videlicet IX. Innocentius IV. Alexander IV. Clemens IV. Nicolaus IV. & Nicolaus V. At, eſecto ad Summum Pontificatum Sixto IV. cum ipſe Aſſiſium ſe contuliſſet *anno* 1476. hortante Sancto Jacobo de Marchia, juſſit, cuniculum, ſeu ambitum, per quem ad Eccleſiam ſubterraneam, in qua Sancti Corpus eſt, patebat acceſſus, & ſcalam, per quam erat deſcenſus, denſo aggere ex lapidibus, ac cemento compaſto repleti, per quod interpoſitum inſuperabile impedimentum unicuique interdictum fuit, prædictum ſanctum Corpus videre, quemadmodum fuſe habetur in *Hiſtoria Conventus Aſſienſis* ſcripta a Fratre Franciſco Maria Angelo a Rivortorto *tit.* 42. Corpus e contra noſtræ Sanctæ Catharinæ de Bononia ſedet, & omnino conſpectui patet. Quæritur itaque, an, ſi Cadavera mortuorum ſtent, aut ſedeant, nul-

lo fulcro, aut ſuſtentaculo, id ſtatim ſit Miraculo adſcribendum. Paulus Zacchias in *Queſt. Medico-Legal.* lib. 4. *tit.* 1. *queſt.* 10. *num.* 34. & ſequentibus diſerte ſcribit, eſſe ſupra naturam, ſi Cadavera per ſe ſtent, nec a Dxmone fieri poſſe, ut per ſe realiter ſtent, ſed bene, ut appareant, per ſe ſtare: ut enim corpus ſtet, opus eſt validâ muſculorum actione, & in tam valida actione plurimi ſpiritus requiruntur, qui in Cadavere non reperiuntur. Fortunius quoque Licetus de *ſecundâ quaſitis per Epiſtolas cap.* 39. ad Miraculum refert, quòd Corpus Sanctæ Catharinæ ſedeat abſque fulcro: Cum igitur omnes ad unam cauſa naturales putrefactionem arcere valentes ab humanis Cadaveribus procul abſint a Corpore Beata, quod tot annos impure, ſenſibiliter molle, carnoſum, flexibile ſecundum juncturas omnes, & in ſedicula ſedens abſque fulcro, reliquæ cervicæ, Bononia ſervatum veneramus, jam hoc admirabile ſupernaturalis virtutis effectus eſt in vera Religione, in qua Deus etiam huic ſancto Corpori Dilecta ſua dat non videre corruptionem. At, cum Zacchias non loquatur de Cadaveribus exſiccatis, in quibus muſculi ſunt contracti a ſiccitate, ſed de Cadaveribus immediatè poſt mortem, quæ carnem habent recentem, & mollem, & tractabilem, & Fortunius Licetus molle, & carnoſum dicat Corpus noſtræ San-

San-

Lib. IV. Pars Prima Cap. XXXI. 429

Sanctæ Catharinæ, ex quo fortè suo tempore tale esse debebat, hinc est, Miraculum prædicari posse, si Cadaver non exsiccatum, & in quo muscoli non sint contracti a siccitate, stet, aut sedeat, secus autem, si Corpus est exsiccatum, tunc quippe exsiccatur materia illa cartilaginea, quæ est inter omnes vertebrae, qua exsiccata, parùm, aut nihil moveri potest corporis truncus, quod permanet velut immobile lignum, & quotiescumque corporis pondus non magis ad unam partem inclinatur, quàm ad aliam, sed supra gravitatis centrum æquilibratur, facillimè stare potest & erectum, & sedens, quemadmodum animadvertit bonæ memoriæ Angelus Modius Physicus Urbis in suo *Susfragio pro veritate exarato in Causa nostra Sanctæ Catharinæ de Bononia*: & eodem modo locuti sunt celebres Medici hujus Civitatis, qui Corpus ejusdem Sanctæ recognoverunt, clarissimus Malpighius = *Supposta la rissecazione delle carni, tendini, e cute, è probabile, chò si possa dare naturalmente quel sito, cioè, chò la spina stia secondo le parti superiori perpendicolari* = Manzius = *Ho ritrovato detto beato Corpo in atto di sedere, ma per la sùddetta indurata unione degli articoli mobile, come un corpo continuo: sicchè l'atto di sedere credo dipenda dall'equilibrio delle parti sopra del sito, sul quale risiede, come sopra centro di gravità: tanto più, chò, leggiermente compressa tutta la mole del corpo, dopo esser leggiermente smossa, si restituisce nello stesso sito di prima* = Alexander Guicciardinus = *Il Corpo predetto siede naturalmente, perchè, essendo continuo, e con figura quasi equilibrante, e rissecata, si conserva in quel sito continuamente. Et eodem modo discurrendum esse videtur de Corporibus, seu*

Cadaveribus, quæ genuflexa reperiuntur, quod videlicet id Miraculo non sit adscribendum, si partes corporis sint exsiccatae, secus autem, si molles, & flexibiles, unde in *Vita Sancti Pauli Primi Eremita* scripta a Sancto Hieronymo inter Miracula recensetur, quòd Sanctus Antonius eum paulò ante mortuum invenerit genuflexum, & extensis in altum manibus: *Nam introgressus Speluncam vidit, genibus complicatis, erecta cervice, extensisque in altum manibus, corpus exanime: ac primum & ipse, vivere eum, credens pariter orabat; postquam verò nulla, ut solebat, suspiria precantis audivit, in flebile osculum ruenis intellexit, quòd etiam Cadaver Sancti Deum, cui omnia vivunt, officioso gestu precabatur: nisi forte clarissimis probationibus demonstraretur, Cadaver per aliquod tempus fuisse molle, & tractabile, & quòd stans, aut sedens, aut genuflexum, permanisset, licet deinde fuisset exsiccatum; tunc quippe status miraculosus esset, habito respectu, non ad secundum tempus, sed ad primum, cum proprium sit Cadaverum humi decumbere: unde Thomas Bozius lib. 15. cap. 9. de Signis Ecclesiæ loquens de Corpore Sancti Francisci hæc habet: Mirandum mihi prorsus illud videtur, quod de Corpore Sancti Francisci memoria est prodium, stare illud, nullis humana industriae sulcibus subnixum, solidi Divini Spiritus vi sustentatum, facie tota, oculis, & manibus junctis, in Calum semper intentus supplicantis in modum, nullâ vetustatis vi debilitatum, nullâ temporis injuriâ parte aliquâ incurvum, cum viventium sit stare, defunctorum verò subitò humi procumbere.*

2 Paulò post obitum Cadavera remanent rigida, & inflexibilia; unde,

de, mortuos statim vestire, necesse est: quocirca, si aliqua sint flexibilia, quæri potest, an id sit Miraculo adscribendum. Flexibilitas carniū in corpore vivo est flexibilitas mollis ex laxa minimarum partium continuarum textura, quam laxitatem ab humido præcipuè obtinent: flexibilitas verò articulorum in iisdem viventibus est flexibilitas organica ex mechanica structura partium contiguarum, concurrentibus ad faciendam articulationem duobus ossibus contiguis, cartilagine, ligamento, & humore viscido. Ex duobus ossibus alterum est cavum, in quod ingreditur alterum, quod dicitur *Caput*. Cartilago intercedit, ne ossa attritu mutuo lædantur. Ligamenti usus est, ossa illa disjuncta, inllar funiculi, colligare. Humor viscidus, qui ab Antiquis pituita, a Modernis sinovia, & mucilago dicitur, prodest facilliori motioni ossium, & tendinum fibris lubricandis.

3 Inflexibilitas articulorum in mortuis, & celer illa Cadaveris obrigescencia provenit ab illa eadem sinovia, seu mucilagine, quæ, sicut in vivente articulos, ac tendines lubricabat, ita in cadavere ob sui visciditatem statim ferè coagulata, tendines, & articulos, tanquam gluten, adhærere, facit: ex quo fit, ut, si talis humida substantia aut omnino deficeret in articulis alicujus Cadaveris, aut coagulari apta non esset, utpote nimis tenuis, & aquosa, eo in casu flexibilitas in Cadavere absque Miraculo reperiretur, veluti post Sanctorelum optimè comprobavit supra citatus Jacobus Sinibaldus in suo *Suffragio pro veritate edito in Causa Sancti Jacobi de Marchia*; ubi tamen in fine sensit, flexibilitatem beati Corporis

Miraculo esse adscribendam, cum sinoviz defectus flexibilitatem consequere relinquare possit, quousque tendines musculorum, de quibus supra, præ siccitate fuerint contracti, de qua siccitate post lapsum ducentum, & viginti sex annorum, ait, dubitandum non esse.

4 Hæc autem innuisse satis sit, cum flexibilitas ex alibi dictis sit una ex circumstantiis requisitis pro constituenda miraculosa incorruptione, nec de ea seorsim ab incorruptione questio assumatur; & quoties de ea agitur unà cum incorruptione, agi non potest, nisi post lapsum multi temporis a die obitus Servi Dei, post quem temporis lapsum questio de defectu sinoviz, seu mucilaginis, aut de ineptitudine ejus ad coagulationem nullum ex dictis sibi potest locum vindicare.

5 Circa Cadavera pleraque alia, observari possunt, quæ vulgo causarum rerum ignaro non solum Miraculi suspensionem, sed certitudinem faciunt, cum tamen omnia vim nature non prætergrediantur. Cadavera aliquando sese movent vel secundum partes, vel secundum totum, rubore perfunduntur, commaculantur, & rubris stigmatibus consperguntur, calida per multum tempus permanent, & in quibusdam etiam ungues, & capilli crescere dicuntur, & etiam dentes augeri. Refertur historia cujusdam Monialis, quæ cum exoscularetur manum alterius Monialis demortuæ, manus viventis a demortua adeò fortiter contracta fuit, ut viva adhuc putaretur. At Marcellus Donatus de *Medica Historia mirabili lib. 2. cap. 3. in fine* putat, eam Monialem non prorsus mortuam fuisse, sed in ea remansisse vitæ fomites,

tes, & igniculos quosdam, quales in præfocatis, & validâ apoplexiâ decedentis inveniuntur, licet sensus, motus, pulsus, & respiratio sint aboliti. Matthæus Villanus in *Historia sui temporis* lib. 3. cap. 46. narrat, Cadaver Gualterii Bussacii capite Florentiz a Carnifice dissectum, dum ad Ecclesiam Sanctæ Crucis humanum gestaretur, adedò repentè concussione validâ sponte exagitatum, ut tabulata, super quibus erat impositum, invicem fuerint disjuncta, ipsumque ex gestantium humeris penè deciderit, quod ad jactum sagittæ, dum funus progrediretur, perseveravit non sine omnium altantium ingenti admiratione. Experientia quoque testis est, pleraque animalia recens mortua aliquandiu aliquos motus edere. Horas, & dies moventur ranæ, exsecto capite, corde avulso, detracto cortice. Moventur viperæ, & viperarum frusta. Motus, & saltus edunt vituli novissimè jugulati: hominesque ipsi recens interfecti, atque in patibulis capite diminuti, & verè mortui non carent motibus, cum artus subsiliant, & truncus concutiat. Omnes hi motus non sunt effectus principii vitalis animantium, sed facti quidam musculorum saltus producti a reliquiis spirituum animalium inter fibrarum recessus delitescendum, & oscillantium: quocirca vanum profectò esset ea inter Miracula recensere, quemadmodum benè ponderat Zacchias *Quæst. Medico-Legal.* lib. 4. tit. 1. quæst. 10. num. 31. & 32. & pluribus sequentibus. Plura habentur apud Christianum Fridericum Garmannum in suo *Tractatu de Miraculis Mortuorum* lib. 1. tit. 1. & tit. 10. de capillorum augmento, & unguum, & dentium incremento in Cadaveri-

bus. At Fortunius Licetus de *secundò quæstis per Epistolæ* cap. 40. benè animadvertit, pilos, ungues, & dentes in Cadaveribus verè, & realiter non crescere, sed crescere videri ex depressione, & consumptione circumstantis carnis, aut cutis, vel gingivarum; & sequitur Zacchias loco citato num. 37. Aristoteles 3. *Histor.* cap. 11. inquit, capillos, & ungues crescere in Cadaveribus: *Crescunt etiam pili quibusdam in morbis, ut præcipuè in tabificis, quin etiam in senectute, & defuncto auferunt, durioresque redduntur, quod idem in unguibus quoque evenit;* & Philoponus confirmat: *In mortuis enim & ungues, & pili augentur.* Fuliginosum recrementum materia est proxima pilorum, & mucosum est materia unguium, & utrumque hoc genus excrementi residet prope radices pilorum, & unguum; unde facillè foras propelli potest in pilos, & ungues a reliquiis spirituum supra memoratis: cumque rarè contingat, ut adsit prope radices pilorum, & unguum prædicta materia disposita, hinc fit, quòd, licet rarè in Cadaveribus contingat incrementum pilorum, & unguum, si tamen aliquando verè contingit, vires, & facultatem naturæ non excedit.

6 Sanguis a Cadavere emanans non longè ab obitu inter Miracula recenseri non potest: ut enim infra videbitur, cum agatur de Imaginatione, & ejus viribus, sanguis sæpe manat ex corporibus mortuorum post horas nonnullas, & aliquando etiam post triduum. In *Evangelio* Sancti Joannis cap. 19. legitur, quòd, postquam Christus, inclinato capite, tradidit spiritum, unus Militum lanceâ latus ejus aperuit, & continuò exivit sanguis, & aqua: &, quamvis clarissima sint Evan-

432 *De Serv. Dei Beatif. et Beat. Canoniz.*

Evangelii verba, necesse tamen fuit Summo Pontifici Clementi V. in Concilio Viennensi eorum errorem reprobare, qui effutiebant, lanceâ transfixum fuisse latus Christi Domini non adhuc mortui, sed viventis, uti habetur in Clementina §. 1. de Summa Trinitate, & Fide Catholica. Summus Pontifex Innocentius III. in sua Decretali, quæ incipit = *In quadam* = tit. de celebratione Missarum definit, non phlegma, uti aliqui falsò opinati fuerunt, sed veram aquam e latere Christi fluxisse: *Restat igitur, ut, qualiscumque fuerit illa aqua, sive naturalis, sive miraculosa, sive de novo Divinâ Virtute creata, sive de componentibus ex parte aliqua resoluta, procul dubio vera fuit.* Medici nonnulli, naturaliter aquam effluxisse, opinantur, læso ex lancea profundè infixâ juxta Christi cor pericardio: unde Georgius Bertinus Campanus lib. 5. *Medicina* cap. 9. ita pronuntiat: *Pericardium continet aqueum humorem, ut cor calidissimum eo veluti rore mædeat, & facilius palpitet. In vulnere cordis, cum hic humor aqueus effluit, statim mors consequitur. Unde Evangelistæ ad significandam Christi mortem, ex corde, vulnere accepto in latere, aquam exiisse, verè, ac sapienter scriptum reliquerunt.* Alii Medici autumarunt, solam pleuram sinè pericardii, cordisque læsione lanceâ perforatam aquam illam reddere potuisse, cum in capacitate thoracis plùs, minùsve aquei liquoris exstet pro cujusque temperamento, inque Christo Domino ob doloris acerbitem liquor ille verisimiliter adactus sit. Thomas Bartholinus Tractatum specialem edidit de *Latere Christi aperto*, & in eo adhæret opiniononi Gasparis Patris sui fluxus aque a capacitate thoracis. Utramque refert opinionem Calmet ad

cap. 19. *Sancti Joannis*. Quid ergo dicendum erit? Erit ne fluxus sanguinis, & aquæ e latere Christi inter Miracula recensendus, vel potiùs inter naturalia? Miraculum agnoscunt, & celebrant Sanctus Ambrosius lib. 10. in *Lucam*, & in *Explicatione Symboli*, Sanctus Augustinus *tract.* 120. in *Joannem*, Sanctus Cyrillus Alexandrinus lib. 12. in *Joannem*, Theophylactus in cap. 23. *Lucæ*, & nos iisdem libenti animo subscribimus: sed adhuc remanet inquirendum. an Miraculum sit constituendum in fluxu sanguinis, vel in fluxu aquæ, an in utroque. Suarez in 3. part. *Divi Thomæ quest.* 51. *disput.* 41. *sect.* 1. §. *Secundò dicendum* Miraculum constituit etiam in fluxu sanguinis: *Non poterat de corpore mortuo naturaliter sanguis effluere; & sequitur Cornelius a Lapide in cap. 19. Sancti Joannis* = *Naturaliter hoc fieri non poterat, tum quia sanguis in mortuo ex frigore condensatur, & congelascit, unde effluere nequit, ut docent Medici.* Alii Miraculum statuunt in fluxu aquæ: licèt enim admittant, veram aquam fluxisse, eam tamen, non naturalem, sed miraculosam fuisse autumant, non autem humorem aqueum, qualis exstat in pericardio. Authorum ita opinantium nomina referuntur apud Calmet loc. cit. unde inquit Cornelius a Lapide loco pariter allegato = *Errat ergo Calvinus dicent, aquam pericardio contineri, quo in Christo lanceâ perfosso, naturaliter aquam fluxisse; id enim falsum esse, docent Medici, qui asserunt, liquorem illum pericardii aquam non esse, sed humorem biliosum.* Theophylactus præclare scribit, Miraculum in fluxu aquæ fuisse: *Contumelia in Miraculum vertitur, & sanguinem quidem ex mortuo corpore prodijse, admirabile est: verumtamen posset quis syc-*

Lib. IV. Pars Prima Cap. XXXI. 433

*scophantiarum dicere, quod verisimile sit, vitalem quamdam virtutem adbur fuisse in corpore: aqua autem egressa omnem controversiam Miraculo tollit. Non contemnenda autem videtur eorum sententia, qui volunt, Miraculum in hoc consistere, quod non admitti defluerint gemini liquores, sed planè distincti, ac per vices, primum quidem sanguis, tum aqua, ut scribit Nonnus in Paraphrasi in Joannem, aut contra primum aqua, tum subinde sanguis, quod Tertulliano, Ambrosio, Hieronymo, Damasceno visum est: & scitè Suarez loc. cit. perpendens verba Evangelii = *Et continuo exiit sanguis, & aqua: & qui vidit, testimonium perhibuit: & verum est testimonium ejus* = scribit, Joannem illis verbis locutum fuisse in tertia persona, sed innuisse, se vidisse, testimonium perhibuisse, & verum, scribendo dixisse, ideoque modum esse faciorem, & accommodatiorem ordini narrationis ipsius, quod prius totus sanguis exierit, & quod deinde aqua manarit, nec possibile fuisse, quod aqua a sanguine discernetur, si impermixta cum sanguine exivisset.*

7 Posito, quod sanguis intrà horas, aut paucos dies naturaliter effluere possit e cadavere, ejus fluxus non poterit Miraculo abscribi, nisi post multum tempus a morte liquidus ex cadavere, vel ex parte cadaveris promanet: sanguis enim in homine mortuo intrà venas residens, elapso aliquo tempore, aut riget, aut putrescit in saniem, aut ablutitur, pro diversa corporum, vel morborum affectione, vel natura: & sanguis extra venas emissus paulò post concrescit, & in substantiam planè consistentem abit: subtiliores quippe partes, & spirituosae magis avolant,

crassiores subsistunt, humidiores, vel aquae lentescunt, & procedente tempore, idem sanguis in solidam massam cogitur. Ex quo proinde sequitur, non esse pro Miraculo pronuncian- dum, etiam supposità Sanctitate, seu approbatione Virtutum in gradu heroico, si fluat sanguis a cadavere, nisi, ut dictum est, longum tempus ab obitu præcesserit, nec ullam sanguinis Servi Dei, vel Beati, aut Sancti extra corpus conservationem Miraculo adscribendam, nisi post multum tempus idem vivus, & liquidus appareat, vel statim temporibus liquefiat, nullà naturali concurren- te causà liquefactionis, uti benè animadvertit Zacchias cit. quæst. 10. num. 38. & prosequitur Fortunius Licerus de secundò quæstis per Epistolam cap. 45. sequentibus verbis: *Sand sepius observatum, e recenti mortuo vel feris violentià, non vulnere injurià, prodire sanguinem, aliosque humores ex auribus, ore, naribus, secessu. Nimirum, qui residuus est ab obitu, calor exiguus in cadavere concentratus ab ambientis frigore viridior fit, ut in terra bruma tempestate; propriisque viribus auctus e membris cui proximis, quæ data porta, sanguinem adbur fluidum pellit, ac undè secum educit: & nullo vulnere per cuius poros in exanthemata, pepalæve per ruten efflorescentes post obitum, quæ rubra, vel pallida, vel nigra, vel etiam livide sunt aliquando pro varietate humorum ad cutem expulso. At verò, si sermo sit de Cadavere multorum mensum, & annorum, pariterque de sanguine jam frigido, concreto, duroque prorit, & adensato, dubio procul iste sanguis non potest reddi fluidus, neque servidus a causa purè physica, sed solùm a Divina, vel etiam Damoniaca (de qua tamen Demoniaci non est, quod hic*
lii ler-

fermo habeatur ob rationes sæpe indicatas, allegatique Torreblanca, Langio, Lemnio, Libavio, aliisque multis, benè firmavit Prosper Bottinius olim Fidei Promotor in suis *Animaverfonibus in Causa Beatificationis tunc Servi Dei, nunc Sancti Francisci Solani* = Nullum autem in huiusmodi sanguinis emissione subest Miraculum, cum ea potuerit omnino naturaliter contingere, dummodo non longè ab obitu accidat, videlicet postridie, vel tercio ad summum die.

§ Huc spectant, quæ leguntur in *Vita Sancti Triphyllii Episcopi Nicofia* apud Bollandianos. Vixerat ille temporibus Magni Constantini, ob cuius pietatem consequi non potuit Martyrii palmam, quam summopere exoptabat. Corpus ejus incorruptum remansit spatio tercentum annorum, ita ut non mortuum, sed quodammodo dormiens appareret. Saceracenis autem Cyprum Insulam depopulantibus, impius quidam ejus Caput gladio a reliquo corpore separavit, & statim sanguis profluxit: Deo, ut reor, ad alias ejus corollas plestente ipsi coronam Martyrii, quam semper quidem amore Christi tractus optaverat, sed subtraxerat fervens Constantini erga piam Religionem affectus. Huc spectant, quæ apud eosdem Bollandianos leguntur in *Vita Sancti Modaldi Trevirensis Episcopi*: cum etenim nonnulli nobiles Galli clam Ecclesiam ingressi essent, in qua sacrum ejus Corpus collocatum erat, & illud furto abstulissent, tantus ab ejus Ossibus sanguis effluxit, ut Trevirenses ex pavimento Ecclesie sanguine conperso furtum coniectantes, præmissis oppor- tunis diligentibus, Ossa recuperaverint: Simul enim cum illius extractis artubus (mirum dictu) sanguis copiosus erupit.

Qui dum abundè, tamquam de patenti vulnere, efflueret &c. cum plebs ad orandum capisset ex more concurrere, animadvertunt Ecclesia pavimentum largo persusum sanguine, nec visus est labor difficilis, fugitivos insequi, cum sanguis a direptis manans Ossibus nusquam locorum vias suas desereret. Huc spectant, quæ leguntur apud Surium de Corpore Sancti Eligii, a quo sanguis in magna quantitate manavit, dum Sancta Batildes Regina illud, venerando, deosculabatur: Dececto ejus vultu, cum multis lacrymis osculata est eum, itemque pectus, & manus. Ecce autem, dum sic palpat sacrum Corpus sancti erat hibernum tempus, copiosus sanguis ex ejus naribus manavit. Id ubi viderunt Episcopi, & Regina Christianissima, confestim admo- verunt lintea, summo studio sanguinem colligentes, eum pro magno munere in Reliquias servandum reposituri. Vulgatum est illud Sancti Nicolai de Tolentino: cum enim anno 1345. Religiosus quidam Ordinis Sancti Augustini incensus desiderio ad suam Patriam deferendi aliquas beati Corporis Reliquias brachia abscidisset, a venis copiosus sanguis erupit: neque tunc solum, sed sæpe alias brachia ipsa resecta, cruore manarunt; quod fuit semper manifestum ostentum impendentes Reipublicæ Christianæ mali, quemadmodum, enumeratis sanguinis eruptionibus diversis omnino temporibus secutis, necnon malis, quibus Respublica Christiana eo tempore afflicta fuit, editis Voluminibus ostenderunt ex eadem Augustiniana Familia Pater Nicolaus Hieronymus Cepius, & Pater Ægidius Crapols mihi, dum viveret, singulari amicitia conjunctus. In *Causa Sancti Francisci Xaverii* inter cætera Miracula propositum fuit illud sanguinis post sex-

de-

decim menses ab obitu a digito pedis ipsius defluentis vivi, & liquidi ob morsum cuiusdam piz Fœminæ, quæ pedem deosculans tentavit evel-
lere frustulum, quod pro Reliquia sibi conservaret. Auditores autem Rotæ ita de hoc Miraculo in Relatione Causæ locuti sunt: Hoc fuisse Miraculum, & supra totius naturæ vires contigisse, censuerunt, & probarunt duo insignes Medici, quibus in hac materia fides fuit semper adhibita; nam, extincto per mortem calore naturali, illico sanguis penitus refrigeratur, congelatur, & exsiccat, ut Galeus 2. de Temp. cap. 2. & experientia ipsa ostendit, & Anatomici demonstrant in corporum sectione, dum etiam in recenti cadavere nihil sanguinis apparet, nec per illius extrema, nec usque ad penitiora sanguinis quicquam reperitur. Immo etiam hoc animalium intersectoribus accidit, qui dum coria extrahunt animalibus adhuc non refrigeratis, sed palpitantibus, & calidis, dum pedes secant, nec sanguinis gutta effluere solet; ex quo fit, ut in corpore hominis post sexdecim menses demortui in aliqua extrema parte Cadaveris, & a cordis fonte remotissima, nimirum pedis digito, naturalis nullâ ratione petuerit sanguis effluere. Quare natura modum omnino excessit, quod ad simplex vulnus dentibus infectum in prædicto Corpore sanguis efflueret liquidus, & vivus, prout in hominibus viris vulneratis accidere solet; & id causa fuit, ut merito magna illie populi multitudo, quæ frequenter aderat, hoc pro evidenti Miraculo reputaret, ut Testes deponunt; & concordat Bulla Canonizationis sequentibus verbis: Quo tempore cum Mulier quædam affectu devotionis incitata specie osculantis pedis digitum, ut illum abscinderet, morsu apprehendisset, statim sanguis effluerat. Sed Altissimi benig-

nitatis non his modis mirabilibus Sanctum suum in conspectu omnium populorum mirificaverat, sed omni tempore ingentia præstabat beneficia his, qui ejus intercessionem fideliter implorabant: iidemque Rotæ Auditores in Relatione Causæ Beati Petri Regalati Miracul. 2. post mortem hoc ipsum comprobant: Sed incorruptionis dotem, odorisque fragrantiam excedit sanguinis quasi recentis ex eodem Regalati Corpore effuso post tam diuturni temporis intervallum.

9 In Causa Beatificationis tunc Servi Dei, nunc Sancti Andrea Avellini Felix Contelioris, qui deinde Librum conscripsit de Canonizatione Sanctorum, Advocati munere fungebatur: cumque nullum non moverit lapidem, ut tres Sacræ Rotæ Romanæ Auditores Joannes Baptista Coccinus, Alfonso Manzanedus, & Jacobus Cavalierius, quibus juxta morem tunc temporis receptum Causæ Canonizationum committebantur, in suam inferrent Relationem, quod sanguis ejus post annos quatuordecim incorruptus, ac rubicundus in Ampulla permaneret, quin & octavo post obitum die, atque iterum triennio post, nempe die 10. Novembris 1611. anniversariâ obitus, & alias etiam liquecere, & ebullire, atque spumare visus esset, prædicti Rotæ Auditores die 12. Septembris 1622. rescripserunt: Hæbetur ratio in Relatione juxta ordinem datum; urgenteque Contelorio, ut, non utcumque ea inter mirabilia post obitum, sed inter vera Miracula recenserentur, Auditores die 7. Octobris negotium commiserunt Joanni Baptiste Pamphilio Neapoli tunc Sedis Apostolicæ Nuntio, & postea ad Summum Pontificatum evelto sub nomine Innocentii X. Sanguinem cullodiendi, & an illo anno, recurrente obitus

436 *De Serv. Dei Beatif. et Beat. Canoniz.*

die, rursus ebulliret, observandi. Nuntius paruit mandatis, & in *Epistola* in qua respondit *Auditoribus Rotæ*, quæ inter *Scripturas* Coccini Rotæ Decani in Archivo Collegii Romani alibi a nobis memorati asservatur, quamque ipse fungens munere Fidei Promotoris edidi post ultimas *Animadversiones in Causa Sanctæ Margaritæ de Cortona*, postquam præmisit, a Postulatoribus nullatenus asseri, quoddie anniversariâ obitus sanguis ebulliret, cum dixisset, sanguinem in Ampulla contentum esse verum sanguinem, odorem habere, & colorem sanguinis, durum tamen persistere, ut ipse cum tangens ferro aculeato deprehenderat, se Ampullam sub clavi fideliter custodivisse, propriisque Sigillis Capfam obsignasse, in qua erat Ampulla, nec ullam die anniversariâ Beati in sanguine mutationem, aut alterationem vidisse, facta quidem fuerat a Rotæ Auditoribus in *Relatione* ratio eorum, quæ contigisse dicebantur quod ad sanguinem Servi Dei post obitum ipsius, sed in ordine ad Beatificationem discussa fuerunt, & approbata alia Miracula, de quibus in *prædicta Relatione*, & etiam in *Opere* Patris Joannis Antonii Caggiani Clerici Regularis de ejusdem Sancti Andrea Avellini Beatificatione.

10 Ingens, & verum Miraculum est illud, quod non unum, aut alterum Testem habet, sed totam Italiam, & ut ita dicamus, totum Christianum Orbem, Sanguinis Sancti Januarii Martyris. Sub Diocletiano Principe Puteolis in Campania Sanctus Januarius Civitatis Beneventanæ Episcopus Martyrium passus est; ejusque Corpore Neapolim deinde delato, atque honorificè in Ecclesia tu-

mulato, cum sanguis fuerit repositus in Ampulla vitrea, in qua adhuc servatur, idem semper manet concretus, atque durus: sed, cum primùm ad Caput Martyris admoveatur, quasi exoptet eò recurrere, unde fluxit, illudque iterum animare festinet, veluti mortæ resurrectionis impatiens, protinus liquefieri, mox fluere, & ebullire maximâ omnium admiratione conspicitur: de quo perenni Miraculo plura legi possunt apud Patrem Petram sanctam tom. 3. de *Miraculis perpetuis Catholica Ecclesia* pag. 115. & sequentibus.

11 Multa profectò sunt, quæ adversus hoc insigne, & perenne Miraculum ab Hæreticis impiè proponuntur, quos strenuè, & evidenter redarguit Pater Joannes Dominicus Putignanus in suo *Opere de redivivo Sanguine Divi Januarii*, & præsertim part. 1. de *Sanguine ebulliente*, Eminentissimus quoque Cardinalis Gottus in suo *Traçtatu de vera Ecclesia adversus Jacobum Ticeinum* tom. 1. cap. 2. §. 4. num. 38. benè idem prosequitur argumentum. At, cum nullus prædictorum Authorum memoret, quæ a Fortunio Liceto de secundò *quæstis per Epistolæ cit.* cap. 45. dicuntur de Sanguine Sancti Januarii concreto, qui sponte liquatur, ac ebullit coràm suo Capite constitutus, fas sit, aliqua ex eo in hoc Caput inferere: licet enim Fortunius Patriâ fuerit Genuens, eminentis tamen Philosophi munere in hac nostra Universitate Bononiensi laudabiliter functus est.

12 Petrus Molinæus in suo *Vate Calviniano* lib. 5. cap. 14. Miraculum ebullientis Sanguinis coràm Capite impiè irridet sequentibus verbis: *Quid facilius, quàm injicere calcem in lagenam, qua sic existet bullas, ut liquor fer-*

Lib. IV. Pars Prima Cap. XXXI. 437

fervere videatur? At, prætermisso, nullam fraudem excogitari posse in re, de qua nunc agitur, cum Sancti Januarii Sanguis eliquetur, & ferveat, dum asportatus concretus ex una Ecclesia solemnè Processione coràm innumeris populis omnium Nationum in medio itinere Capiti occurrit, Fortunius, postquam physicis rationibus demonstravit, numquam posse a calce fieri, ut sanguis concretus liquefiat, & ebulliat, testatur, se fecisse experimentum, excepisse, videlicet paterà sanguinem jugulati recens Agni terribilissimi, & abjecto seroso liquore, concretam massam adhuc mollem ad instar carnis, aut hepatis crudi multà calce vivà circumundique opplevisse, eamque pristinam molliem amisisse, nec aliquid liquidi defluxisse; se deinde, excussà calce, placentam illam concreti sanguinis ad prunas imposuisse craticulæ, eamque, nullo fluido defluente, induratum fuisse ad instar corii cuiusdam. Addit Fortunius, se sanguinem hædi nuper mactati scutellà excepisse, qui, nullo sero prorsus excusso, concrevit; se sanguini concreto calcem vivam imposuisse, & undique circumdedisse, spe ductum colliquationis ab ichore non separato, sed frustrà, cum calx ichorem absumpserit, & sanguis numquam fuerit eliquatus. Demum, ut res evidentius pateret, sibi consignari obtinuit ab Achille Muratorio publico in nostra Universitate Anatomie Professore nonnullos grumos coagulati sanguinis e dissecto corde Patris Georgii Justiniani Societatis Jesu, cujus Cadaver ab ipso fuerat exenteratum, ut, exemptis interioribus, decentius in Sepulchro, & diutius servaretur impure. Post quartum mensem frustu-

la sanguinis nigra calcis vivæ recentissimæ pulveribus, & fragminibus planè demersit; expectavit ad multum temporis, per spatium videlicet duarum, & ampliùs horarum, nec frustra umquam de sua duritie, de sua pristina magnitudine, de sua figura remiserunt. Ex quibus concludit, quòd, etiamsi calx in lagenam, in qua sanguis conservatur, esset injecta, nec bullas excitare posset, nec sanguinem liquefacere, ut Molinæus supposuit. Item, ut nebulas adversus hoc præclarissimum Miraculum offundant, nonnulli recursum habent ad antipathiam, & sympathiam, qua, sanguinem occisi ebullire coràm occisore, a nonnullis asseritur, qua magnes sponte suà converti dicitur ad polum, qua lapis adamas ab hircino sanguine fertur dirumpi, quæ ferrum a magnete trahitur, & palea similiter a succino. At, omisissis illis, quæ de sanguine occisi ebulliente coràm occisore proferuntur, de quibus infra loquemur, cum tractabitur de viribus imaginationis, nonnulli ex Philosophis docent, magnetem vim suam ad utrumque terræ polum directricem ab ipsa terra, quæ est ingens magnes, repetere, & vim magneticam, qua ferrum, aut alium magnetem ad se trahit, non a forma substantiali magnetis, aut qualitate occulta, sed a mechanicis principis oriri, neque esse propriè tractionem, sed impulsionem, uti latè explicatur in Philosophia Burgundica tom. 5. cap. 6. de Magnete, & vi magnetica. Purchotius in *Instit. Philosoph.* tom. 3. part. 2. *Physices sect.* 5. cap. 4. vim directricem magnetis repetit a profluviis substantialibus perpetuo circuitu per alterum terræ polum irrumpentibus, & per alterum erumpen-

438 *De Serv. Dei Beatif. et Beat. Canoniz.*

pentibus, atque ipsum ferrum non utique a magnetē propriē attrahi, sed versū magnetem vi aeris circumpulsi, atque a tergo urgentis impelli. Sed & Jacobus Rohault. in *suo Physico Tractatu cap. 8. de Magnete* subtilissimam quamdam vult esse materiam nullatenus sensibilem, quę ea corpora impellit. De his novissimē dubitat Stockiius in *suis Physic. Exercitat. §. 541.* At, quidquid sit de his, benē observat Licetus *loc. cit.* quod omnis magnes, in quocumque terrę loco nascatur, semper ad possum convertitur, semper trahit ad se ferrum, nisi nimia vetustate vires jam habeat effotas; quod quicumque adamas, ubicumque fuerit ortus, ab hirci cujuscumque sanguine calente effringitur; quod a quocumque succino quęvis palea attrahitur; cūque in solo sanguine Sancti Januarii posito coram ipsius Capite contingat liquefactio, & ebullitio, neque id fiat, si aliorum hominum sanguis coneretur coram ipsorum capitibus constituitur, concludit, liquefactionem, & ebullitionem Sanguinis Sancti Januarii frustrā ad antipathiam, & sympathiam, aut ad aliam quamcumque causam naturalem referri. Idem Licetus in *subsequenti cap. 46.* benē Miraculo adscribit, quod in eadem Civitate Neapolitana Sanguis coneretus Sancti Joannis Baptistę, qui in Ecclesia Monialium, quę *Donne Amate* , quasi Eremitulę dicuntur, asservatur, liquefiat, si super Altare exponatur, & in eo Milla celebretur in honorem prædicti Sancti Joannis Baptistę. De hoc tam insigni Miraculo exstat *Epistola* Marci Aurelii Severini ad eundem Fortunum. Licetum in *subsequenti cap. 47.* Exstat *Epistola* Joannis Rho ad *Tetrasan-*

Nam tom. 3. de Miraculis perpetuis Ecclesie Catholice pag. 171. & sequentibus, ubi paulō ante narratur, Clementem Merlinum Rotę Romanę Auditorem, & Decanum, quique multum versatus erat in materia Miraculorum, cū plures essent ejus Relationes editę in Causis Beatificationis, & Canonizationis Sanctorum, Neapoli commorantem, Missamque celebrantem in Altari, super quo erat imposita Ampulla conereti Sanguinis Sancti Joannis Baptistę, post ipsum Missę initium deliberasse de Ara recedere, subortis scrupulis, ob quos timebat, Sanguinis liquefactionem non esse secururam, ex quo videlicet peccati alicujus reus, licet ignarus, ad sacrificandum venisset, aut quia vero Sacerdotii charactere fortē insignitus non esset ob proprium, vel Episcopi ordinantis defectum; sed ab astantibus gravissimis Viris confortatum Sacrum continuasse, magnęque animi voluptate perfusum fuisse, cū vidit Sanguinem in phiala liquefcentem.

13 Liquores aliquando manant e Corporibus, Reliquiis, & Sepulchris Sanctorum. Sanctus Basiliius *Homil. in Sanctam Julitam Martyrem* aquam laudibus extollit ex ejus Sepulchro manantem: *Terra benedicta hujus Beatae adventu ex propriis brachiis naturam aquę generosissimam emisit, ut modo lactis omnes in Civitate nutrias, ex quo pro Martyre Mater communis videretur effusa. Hac enim & volentibus sanitas, & modestē delicatis voluptatis promptuarium, & agris consolatio est. Gratiam, quam Hebręi apud Hiericicūfla senserunt, hanc nobis hac Martyr beatissima tradidit, ut aqua hujusmodi præter loci naturam, cū falsa ferē sint omnes, dulcem, mollemque, ac delectabilem omnibus, qui eam cum be-*

ne-

Lib. IV. Pars Prima Cap. XXXI. 439

meditatione bibunt, degustationem praebeat. Sanctus Gregorius Turonensis lib. 1. de Gloria Martyrum cap. 30. testatur, suo tempore profluvium mannae salutaris e Sepulchro Sancti Joannis Evangelistae dimanasse: Cujus nunc Sepulchrum manna in modum farinae hodieque eructat, ex qua beata Reliquia per universum delata Mundum salutem morbis praestant. Et eodem lib. 1. de Gloria Martyrum cap. 31. narrat mirabilem mannae, & olei profluvium e Sepulchro Sancti Andreae: Andreas Apostolus magnum Miraculum in die Solemnitatis suae profert, hoc est manna in modum farinae, vel oleum cum odore nectareo, quod de Tumulo ejus exundat. Per id enim, quia sit fertilitas anni sequentis, ostenditur: si exiguum profuxerit, exiguum terra profert fructum; si vero fuerit copiosum, magnum arva proventus fructuum habere significat: nam serunt, aliquibus annis in tantum e Tumulo oleum exundare, ut usque medium Basilicae profuat rivus ille &c. Cum oleum illud defluerit, tantum odorem varibus praestat, ut putet, ibi multorum aromatum sparsam esse congeriem: quod non sine Miraculo, ac beneficio habetur in populis. Nam ex hoc seu imunctiones facta, seu potiones data plerumque languentibus commodum praestant. In Novella secunda Emmanuelis Comneni Imperatoris tit. de Feriis §. 4. mentio habetur mannae Sancti Nicolai Barientis, de qua infra: In honorem Miraculis celeberris, unguentoque featurientis Nicolai. Apud Cardinalem Baronium in Notis ad Martyrologium, ad diem 9. Maji haec leguntur: Deus Optimus Maximus, eam multis modis Sanctorum suorum cineres illustravit, eo etiam honore dignatus est, ut, ex aridis ossibus &c. liquorem medicamenti vim habentem ad curandas malas valetudines, & impiorum agnomachos convincendos jugiter fluere, vo-

luit. Apud Nicephorum Hist. lib. 18. cap. 28. & 32. narratur, Corpus Sanctae Glyceriae in celebri Templo Heracleae positum pluribus Miraculis fuisse illustratum, cum ex ejus Ossibus jugiter unguentum curandi vi praeditum emanare soleat. Tum in Tabulis Novariensibus, tum in Martyrologio Romano ad diem 30. Aprilis commemoratio fit Sancti Laurentii Presbyteri, & Puerorum Martyrum, quos ille susceperat educandos; & ex eorum Ossibus medicum liquorem manasse, Cardinalis Baronius in Notis comprobavit. Historiam Manna Sancti Nicolai de Bario luculenter descripsit Pater Antonius Beatus Barientis Societatis Jesu: ex qua proinde desumitur, quod, statim ac Corpus Myrae conditum fuit in marmoreo Sepulchro, coeperunt, admirantibus omnibus, effluere duo liquores, alter a parte capitis sub olei specie, alter a parte pedum sub aquae forma, uterque suavis odoris, & contra quoscunque morbos, ut experientia comprobavit, mirabiliter efficax; quod, a Barientibus pio furto Ossibus sublatis, & Barium translatis, semper roridus liquor ex illis emerit aegris sanitatem conferens, etiam post lapsum trium, & ultra saeculorum. Cardinalis Baronius in Notis ad Martyrologium Romanum, ad diem 6. Decembris post relatum Hymnum Breviarii Toletani, in quo in honorem Sancti Nicolai hi versus describuntur =

Cujus Tumba fert oleum,
Matres olivae nesciunt;
Quod natura non protulit,
Marmor sudando parit =

subdit haec verba: Quod Miraculum haecenus rigere dicitur. Baillet in Vita San-

440 De Serv. Dei Beatif. et Beat. Canoniz.

Sancti Nicolai audacter asserit, potuiffet Cardinalem Baronium Barium accedere, ut certior fieret de Miraculi continuatione. At opus non erat, ut Cardinalis ea de causa iter assumeret, cum id in Italia, & extra Italiam notum sit, quemadmodum videri potest apud Beatillum in *Opere citato*, apud Fortunium Licetum de *secundo quaestis per Epistolas cap. 44.* apud Petram sanctam tom. 3. de *Miraculis perpetuis Ecclesia Catholica pag. 137.* & sequentibus, apud Bordonum de *Miraculis medicis* 28. ita ut Ferrandus Aniciensis in sua *Disquisitione Reliquiaria lib. 2. prima partis art. 4.* huc de hoc continuato Miraculo verba protulerit = *Celeberrima est toto Orbe Christiano jactata saluifera illius aqua fama, quae a sacrosanctis Beati Nicolai Myrensis Episcopi pignoribus cominens senturigine dimanat* = & ipse modernus Author *Historia Neapolitana nigro thita merito proscriptae a Sancta Sede tom. 1. pag. 325.* evidentiâ facti adactus huc scripserit: *Ma sopra ogni altro il Vescovo di Bari si estolse per lo trasferimento quivi fatto delle miracolose Ossa del Santo Vescovo di Miracolo, le quali, fin dalla Licia navigando alcuni Baresi per Levante, e ritornando da Antiochia per mare, dando a terra nelle maremme di Licia, venne lor fatto d' involare le Ossa aride, ed asfissite, ma Bari le ha tutte grondanti di prezioso liquore.*

14 De hisce liquoribus actum aliquando est in Causis Canonizationum,

in *Causa* videlicet *Beati Willbelmi Eboracensis in Anglia Archiepiscopi sub Honorio III. de cuius Sancti Virtutibus, & Miraculis plura legi possunt apud Bollandianos tom. 2. Junii pag. 136.* Porro in *Bulla Canonizationis* ita legitur: *Cum prae alia Miracula, quae longum esset per singula enarrare, Sepulchrum ejus olei ubertate pinguescat, quo agri complures inuncti a suis infirmitatibus sunt sanati; & ut antiquioribus recentiora succedant, in Bulla Canonizationis Sanctae Theresiae sic legitur de ejus Corpore reperto incorrupto, & flexibili: Atque illud sanctum integrum, atque incorruptum, ac flexibile, ac si nuper tumulatum fuisset, repertum fuit odorato liquore circumfusum, quo perenniter usque in praesentem diem, Deo Ancilla suae Sanctitatis jugi Miraculo attestante, desudat; & Rorae Auditores in Relatione Causae sequens de dicto Miraculo protulere judicium: Non minus probari, credimus, liquorem odoriferum ex brachio, corpore, & aliis Reliquiis Servae Dei ad instar olei emanantem per eosdem Testes de incorruptione deponentes; & iidem judicavimus, hujusmodi mirificum liquorem Miraculo referendum esse; cum ex se pateat, quantum prae ordinem omnis naturae creata hoc eveniat, quantum illius vires excedat, & alienum sit a corporibus mortuis, quae putrescunt, & incinerantur, & humiditate consumptis, & carne omnino corruptis, & incineratis, ossa arida, & sicca remanent, ex quibus naturaliter nullus humor, nec liquor generari, nec prodire valet. = In Bulla demum Canonizationis Sanctae Mariae Magdalene de Tazacis sequentia narrantur: Humido primum loco sub Ara majori sepultum est Virgineum Corpus, quod ibidem per annum quievit incorruptum, quamvis loci humiditas vestes penitus absumpserit. Unde translatus ma-*

na.

Lib. II. Pars Prima Cap. XXXI. 441

navit liquore suavissimo ad instar balsamo, & variis langnoribus saluberrimo, & in presentia cujuslibet corruptionis experti suavissimo etiam odore fragrat, & Rotæ Auditores de prædicto Miraculo hæc subdunt in sua Relatione = Denique odoriferi liquoris effuso, qui multos per annos e tibiis manavit, probatur &c. ex præfato Processu Florentiæ fabricato, ubi Medici unà cum aliis Testibus, factâ pannorum, qui Corpori superpositi fuerant, inspectione, prædicti liquoris signa, & maculas invenerunt, quibus diligenter olfactis, omnes uno ore asseruerunt, illas referre odorem ei simillimum, qui e Corpore Ancillæ Dei tunc diffundebatur: quam Corporis fragrantiam, necnon liquorem odoriferum Miraculo adscribendum esse, constat ex eorundem Medicorum relationibus, qui deponunt, hæc naturaliter accidere non posse.

15 Si in Causis Beatificationis, & Canonizationis consimiles res proponantur, & eas inter Miracula recensendas esse, contendatur, & si, præviâ invocatione Servi Dei, aut Beati, hausta aqua ex ejus Sepulchro manante, aut oleo, vel unguento ex beato Corpore fluentibus, quæ ægris applicentur, veta consurgant Miracula, & sanationes contingant habentes omnia requisita veri Miraculi, examen ad sanationes, & earum requisita erit reducendum; nec etenim ex alibi dictis cessat substantia Miraculi, si aliquid in parratione Miraculi fuerit additum, quod juxta suas naturales vires effectum secutum vel quod ad rem, vel quod ad modum non poterat operari. Si autem Miraculum constituatur in odore, advertenda erunt omnia, quæ infra proponuntur, cum de odore tractabimus. At, si Miraculum re-

ponatur in sola effusione aquæ, olei, vel liquoris ex Olibis siccis, & aridis Servi Dei, vel Beati, magna cum advertentia de loco videndum erit, in quo Ossa sunt tumulata, veluti benè scribit Bordonus de Miraculis med. dis. 28. num. 6. = In his autem causis procedendum est, quando occurrunt; nam Sepulchrum est aperiendum, & videndum, ex quo liquor procedat, an ex causa naturali, quia ibi sit fons, vel ex arte, an illuc sit liquor immixtus. Aquæ in profundis cavernis subterraneis stagnantes ob calorem subterraneum continuum semper exhalant. Hinc orti vapores per poros, & rimas terræ ad loca superiora frigida transeunt, usque dum ad strata saxea, vel argillacea (quorum montes sunt plenissimi) perveniant, ubi ulterius penetrare nequeunt, sed ob frigus condensantur in copiosas guttas aqueas. Hæc si per declivitatem ruant ad loca inferiora saxea, vel argillacea, ibique colligantur, dant originem alicui fonti; & hic tamdiu durat, quamdiu dictæ causæ non cessant, & quatenus ex sint perennes, fons etiam perennis est, uti conceptis verbis prosequitur Stockius in suis physicis Exercitationibus §. 516. Fortunius Licetus in supra allegato cap. 44. tractans de perennitate roris effluentis e genu Sancti Nicolai de Barrio, inter cætera, ut Miraculum astruat, prædictas causas naturales viriliter excludit: Denique, si recipiant adversarii sententiam illorum, quibus telus ad instar spongiæ combibit aquas, iisque veluti repleta surgens easdem evomit per ora fontium in perennes fluviorum scaturigines &c. Verum enimvero neque propter istam naturalem causam effluit e genu Sancti Nicolai liquor hujusmodi; nam ejus Ossa servantur in loco

Kkk scio.

442 *De Serv. Dei Beatif. et Beat. Canoniz.*

ficcio. Uno verbo, ut approbetur Miraculum aque, aut liquoris ad longum tempus manantis ex Ossibus Servi Dei, vel Beati, demonstrandum est, quodd ex iis jam aridis, & extra locum humidum constitutis emanet. Exemplum est in *cap. 15. Judicum*, ubi post pugnam, sitiente Samfone, & ad Dominum clamante, aperuit Dominus molarem dentem in maxilla Asini, & egressa sunt ex eo aqua, quibus bausitis, refocillavit spiritum, & vires recepit, idcirco appellatum est nomen loci illius Fons invocantis usque in presentem diem: de quo Miraculo bene scripsit Sanctus Ephrem *tum. 1. = Tanta erat Samson sanctimonia, ut etiam, quandoque sitiente eo, & in inopia aqua orante, ex arrepta man-*

dibula Asini emortua aqua scaturirent. Quodd si fortè ad omnem submovendam difficultatem Ossa Servi Dei, vel Beati e tumulto, vel fovea educerentur, eorumque fieret translatio ad alium locum, cautela hæc non esset omnino spernenda: si enim, Ossibus subductis, liquor cessaret, nec ampliùs e loco emanaret, e quo emanabat, dum Ossa erant in eodem reposita, signum evidentissimum hoc esset, quodd liquor, non a loco, aut a natura loci, sed ab ipsis aridis, ac siccis Ossibus scaturiebat. Supra dictum est, ex Ossibus Sancti Laurentii Presbyteri, & Puerorum Martyrum liquorem consuevisse manare. In marmoreo autem Sepulchro insculptum est sequens Epigramma =

Aspicis hoc marmor tumuli de more carvatum?

Id solidum est intus; rima nec ulla patet,

Unde queat tellus occultas mittere lymphas;

Manat ab ingressis Ossibus iste liquor.

Si dubitas, medio sudantes tolle Sepulchro

Reliquias, & dices: Unda salubris ubi est?

16 Pro Capitis complemento aliqua subdenda sunt de suavi odore e Cadaveribus Servorum Dei, Beatorum, aut Sanctorum sive corruptis, sive incorruptis, aut ex eorum Reliquiis manante. Odoratus sensus est externus odores percipiens, quos inspiratus aer ad processum ulque mamillares, ut olim putabatur, per nares evehit; unde Cicero *de Natura Deorum lib. 2.* benè ait: *Nares, eò quòd omnis odor ad superiora fertur, rectè sursum sunt.* At peritiores Anatomici post Verneium odoratus organum constituunt in interiori narium

membrana, quæ penetratur ab innumeris parvis fibris nervorum olfactoriorum. Eam certè tegunt nonnullæ fibræ nervorum primæ conjugationis, & alii rami quintæ, a quibus impressiones ad cerebrum deferri possunt, quemadmodum latè habetur in *Elementis Physiæ Crivelli part. 1. sect. 3. cap. unic.* De odore disputatur, an sit substantia, vel aliquid corporeum. Putant nonnulli Philosophi, odores non esse substantias, nec quidquam corporeum, cum sensus non percipiant substantias, sed earum tantum accidentia, nec ullus sensus juxta ipsos per

per qualitatem realem materialem, sed tantum per ejus speciem, seu qualitatem spiritualem, & intentionalem afficiatur. At alii docent, aliquid e rebus odoratis effluere, & exhalare, & per aerem deferri, tum quia, ablata re odorata, manet odor sæpe satis longo tempore in aere, quod fieri non potest solum per species, quæ non manent in absentia objecti, tum quia quotidianâ experientiâ discimus, exhalationes odoratas variis modis cerebrum afficere, & ipsius temperiem sæpissime alterare, & ab exhalationibus odoratis nares, oculos, & faciem quasi rodi, & iis dolorem conciliari. Optime Ludovicus Mercatus lib. 1. part. 5. class. 5. quest. 158. pag. 164. subdit: *Necessum est, exhalare aliquam substantiam tenuem ad modum fumi deferentem prædictam odorum qualitatem* &c. Quod patet, quia, ablata re odorata, manet odor diuturno temporis intervallo, quod fieri solum per intentionales species, esset impossibile, quia non manent in absentia objecti &c. Præterquamquod res odorata in loco aliquo clausa diu aservat odorem, quo constat, substantialiter minui, & evaporare; quod sola emissio specierum non efficeret, ut patet in coloribus &c. Præterquamquod vento adverso fugantur odores, & prospero ad nares facili perveniunt, qui per materiales effluxus fieri, probatur &c. Quapropter statuendum est, vapores odoratos corporeos a rebus odorabilibus emanare. Subscribit Horatius Augenius lib. 3. *Epist. medic.* 2. ubi, factâ prius hypothesi, quod aliqua dentur, quæ non emittunt odorem, nisi calore Solis, vel ope ignis, hæc habet: *Sed tamen, cum videamus, fumosam exhalare substantiam, nuncvoque sit odoris ratio in omnibus eadem, necessarium est, ut statuamus, in illis odoris existentiam non posse sine exhalatione consistere: altera est, quod poma odorata, dum longo tempore contrahantur, manibusque diu continentur, manifestissime flaccescere videntur; quod non contingeret, nisi aliqua efflueret substantia: tertia est, quod, agente Sole in floribus, & plantis, odor sentitur, recedente, minuitur, aut etiam aboletur; signum quidem satis efficace, nisi fallor, aliquid effluere præter simplicem, & spiritualem qualitatem: unde Baconus in *Silva Silvarum*, sive in *Historia naturali* centur. 9. num. 834. absolute ait: *Extra controversiam est, nullum odorem, nisi substantia corporea effluvio, inveni* &c. Præterea odores duris adhaerescunt corporibus, ut, cum manicæ imbuiunt: unde corpori intelliguntur, & aliquando subsistere; & sequuntur Author Philosophiæ Burgundicæ part. 3. cap. 3. de Odoribus, Ciceron. in *Physic.* lib. 3. cap. 11. de Odore num. 11. Boyle in *Physic. Instit.* tom. 1. disput. 3. de Elementis in Odore art. 1. num. 1. & 2.*

17 Causa efficiens odoris juxta nonnullos calor est, qui siccum humido, more, & modo debito, permiscet: quocirca, si post siccitatem, pluvia decidat, in principio odor quidam percipitur; tunc enim siccum cum humido permiscetur, & tandem odor durat, quamdiu siccitas humiditatem superat; si verò pluvia diu continuetur, ut ab humiditate siccitas vincatur, odor cessat: & huc quoque refertur, quod odorata res pleræque plus odoris emittunt, si incalescant, nonnullæ nihil odoris spirent, nisi calefiant, & aliz plus odoris interdiu, quàm nocte, atque æstate, quàm hyeme emittant: Sennertus Operum tom. 1. in *Epitome Physica* cap. 4. de Odoratu in principio. At alii causam odoris efficientem reponunt in profuvio quodam substantiali sulphu-

444 *De Serv. Dei Beatif. et Beat. Canoniz.*

reo pariter, & salino; ea enim, quæ spiritu sulphureo pariter, & salino abundant, plus odoris fundunt, quàm cetera, ut in accenso pulvere pyrio, in thure, & succinis omnibus experientia testatur, uti docet Purchotius tom. 2. *Instit. Philosoph. part. 1. sect. 5. cap. 6. proposit. 2.* & hanc esse sententiam Chymicorum, testatur Crivellus loco supra citato, qui etiam addit, spirituum combinationem juxta diversum, quem fibris affert, motum sensationes gratas, aut ingratas causare; si enim exhalat pars purior sulphuris unà cum sale, tunc odor gratus est; at, si exhalat sal immixtum crassiori sulphuri, tunc odor ingratus est.

18 Hæc autem retulisse satis est, cum ad nostrum non pertineat institutum, de philosophicis questionibus, quæ non ita facile resolvì possunt, judicium ferre. Asserere autem fas sit, quòd, licet aliqua mista, dum corrumpuntur, gratum odorem emittant, aliter tamen res se habet in corpore humano, quod post animæ discessum, quamvis naturaliter possit non malè olere, benè olere nihilominus naturaliter nequit, uti constat experientià; ita ut, si illud incorruptum sit, sive corruptum, sive putridum sit, sive non, si constet, nullam causam naturalem adesse, aut adfuisse aptam ad producendum odorem, & odor effluat, qui non sit momentaneus, qui sit suavis, qui nemini noxam inferat, sed omnibus undequaque gratus sit, id ad causam supernaturalem est referendum, & ita Miraculo adscribendum.

19 Dictum est, aliqua mista, dum putrescunt, & corrumpuntur, gratum odorem emittere, uti patet in sterco-

re martis villaticæ, in odoramento zibethi, in moscho, & aliis similibus, de quibus Purchotius loco allegato, & Franciscus Baconus in *Silva Silvarum, sive in Historia naturali centur. 9. num. 835*. Dictum est, naturaliter corpus humanum post animæ discessum posse non malè olere, sed benè olere naturaliter non posse, veluti concludit Zacchias *Quest. Medico-Legal. lib. 4. tit. 1. quest. 10. num. 38.* = *Nec tamen secundum naturam impossibile est, humanum cadaver recens non malè olere, at benè olere, inquam ego, est impossibile*; quidquid de corporibus adhuc animà informatis dici possit, uti de Corpore Christi Domini, & de Corpore Beatissimæ Virginis nonnulli autumant, quos strenuè redarguit Theophilus Raynaudus in *Diptychis Marianis Operum tom. 7. pag. 31*. Et, quamvis de Alexandri Magni cadavere scriptum sit, quòd per septem dies insepultum gratum odorem exspiravit, nisi id explicetur, quòd ingratum non spiraverit odorem, veluti benè prosequitur Zacchias loc. cit. = *Addiderunt etiam, illud gratum spirasse odorem, cum sufficeret ad admirationem excitandam, quòd ingratum non spirasset* = id referendum erit ad unguenta, & pretiosa aromata, quibus corpus ejus fuit delibutum, teste Curtio lib. 10. in fine = *lique Ægyptii, Chaldaique jussi, corpus suum more curare, purgare corpus, repletumque est odoribus*. Dictum est, pro Miraculo constituendo oportere, ut constet, nullam causam naturalem adesse, aut adfuisse aptam ad producendum odorem: quocirca, dum Miraculo odoris proponitur promanans a Cadavere, aut Reliquiis Servorum Dei, aut Beatorum, non solum Fidei Promotores strenuè inquirunt, an Corpus

pus

Lib. IV. Pars Prima Cap. XXXI. 445

pus fuerit odoribus, aromatibus, unguentis delibutum, sed etiam quæstionem excitat de ligno, in quo Corpus, aut Reliquiæ locatæ sunt, de vestibus, quibus indutus est, de pulvinaribus, super quibus Corpus jacet, aut jacuit, de floribus, & herbis, qui vel in capsâ, vel in theca, vel in cubiculo, aut prope capsam, thecam, aut cubiculum sunt, aut esse potuerunt. Cardanus lib. 13. de Subtilitate §. Proximus sanè odor ita loquitur: Optimum omen censetur, præsentisque aliquis Divinitatis, quorum odor bonus absque causa sentitur, & Corpora Sanctorum, cum cætera fateantur, bene olere, ob id creditum est vi Divinitatis adversus naturæ decreta pugnantis. Dominus Canonicus Boldettus alibi a nobis cum laude commemoratus in suis Observationibus de Cameteriis Sanctorum Martyrum lib. 1. cap. 59. bene observavit, odorem & Cadaveribus promanantem esse Miraculo adscribendum, nisi suspicio sit, quod corpora fuerint aromatibus, & unguentis delibuta: Molto saggiamente riflette il medesimo Vostro, che questa fragranza, che trasmettono i Sacri Corpi, e qualunque altra sorta anche d'odore ripugna assolutamente alla natura de' Cadaveri. Onde quella soavità, che si sente nelle loro membra, ed in alcuno dei loro Sepolcri, ove non sia indizio veruno di unguenti, e di aromi, si reputa del tutto miracolosa. Nec dissimili modo locuti sunt hujus Civitatis Medici interrogati de odore, qui promanare dicebatur e Corpore nostræ Beatæ Catharinæ de Bononia: celebris Malpighius: In quanto all' odore, ho veramente sentito un' odore gratissimo, che non saprei dire di che specie, e particolarmente nella Cappellina, dove risiede il Beato Corpo; e supposto, che non vi sia stata effusione di balsamo, o cosa simile, io lo

stimo Miracolo: Joannes Galeatius Manzuz: Chè se da istorica narrazione, o da altre notizie susseguenti sarà palese, come indubitatamente io credo, che detto beato Corpo da veruna parte mai non sia stato difeso dalle ingiurie del tempo, quella integrità di tutte le parti incorrotte, che di presente si osserva, e molto più l'insensazione dell' odore, che egualmente si dal Corpo, come dagli ornamenti di esso sensibilmente si diffonde, si rendono degne di maraviglia ben grande, poichè o eccedono totalmente i limiti della natura, o almeno restano nell' essere di quel possibile, che, o non mai, o sol di rado accadendo, desta nella mente di chi l'osserva maraviglia non minore di quella, che produce un' effetto, di cui l'ingegno umano non ne trova, fisicamente speculando, la causa: e perciò giudico, che si debba giustamente stimare sì l' uno, come l' altro miracoloso. Dictum denique est, odorem debere esse, non momentaneum, sed perseverantem, per aliquod tempus, debere esse suavem, nec ulli noxam afferentem, veluti bene explicat Bozius de Signis Ecclesie lib. 13. sign. 64. cap. 8. = Quod verò odor, & quidem maximus, ex aliquibus erumpit, id est insigne Divinitatis indita argumentum &c. Si Cadavera aliquorum Sanctorum spirabant odores, & illos baud similes terrenis, aut humanis, neque id ulli fueris arte procuratum &c. procul dubio hoc erit evidens signum, illas Reliquias esse veras, non adulterinas, quanto hoc non nisi a Deo fieri queat, & ad summam illius potestatem pertineat, futuræque resurrectionis, & gloriæ Sanctorum testificationis, & insigne sit argumentum maxime cum Christi Corpore affinitatis, & conjunctionis. Sequitur Signius de Reliquiis cap. 3. pag. 23. = Non sacerdos notandum singulare, quid signum princeps pale

446 *De Serv. Dei Beatif. et Beat. Canoniz.*

pale Reliquiarum sacrarum est odor quidam, suavisque fragrantia nullius determinati generis : cum, inquam, acceditur eò loci, ubi sacra condita sunt Reliquia, tam fragrantis replentur odore accedentes, ut alii omnes odores, quibus homines uti solent, ab eo longè superentur. Nam neque odori florum, qui ex pratis colliguntur, similis est, neque illi, qui ex rebus suavisissimè olentibus capitur, neque talis, qualis conficitur ab unguentariis, sed peregrinus est, & præ ceteris eximius ex ipsorum Sanctorum Reliquiis vim, & virtutem illam ei tribuentibus effatur : & quamvis, dum Beatus Eligius Noviomensis Episcopus post fufas ad Deum preces diligenter inquirebat, in qua parte Basilicæ essent Ossa Sancti Quintini Martyris, repertaque Tomba, & cum sarculo, quod manu gestabat, latus fodiebat Sepulchri, confestim perforato Tumulo, uti habetur apud Surium, tanta odoris fragrantia cum immenso lumine ex eo manaverit, ut ipse fulgore luminis, odoreque inenarrabili percullus vix subsistere potuerit; hæc tamen, & similia non obstant propositioni in superioribus expositæ, quòd odor videlicet, ut sit Miraculo ascribendus, noxam asferre non debeat, cum id intelligendum sit, non de momentanea, sed continua noxa, & de noxa, quæ incolumitati corporum damnum aterat: quemadmodum enim nonnulli mali odores incolumitati corporum profunt, de quibus Levinus Lemnius de *Miraculis occultis natura* lib. 2. cap. 10. ita nonnulli, etsi boni, & suaves, odores noxam non exiguan viventibus asferunt. Afficitur uterus mulierum odoribus, quamvis suavisibus, & plerumque ita commovetur, ut varia deinde erumpant symptomata, veluti post Hippocra-

tem docent Mercurialis de morbis Mulierum cap. 22. & Andreas Laurentius lib. 7. *Hist. Anat. quest.* 10. Multi quoque inventi, qui non nisi molestissimè ferre potuerunt rosæ odorem, & ob illius olfactum syncope, immo & morte correpti sunt. Id refertur de Cardinali Oliverio Caraffa, de Henrico a Corduba Cardinali, de Laurentio Wratislaviensi Episcopo, de Francisco Venerio Venetorum Duce, aliisque apud Amatum centur. 2. curat. 36. & apud Gasparum a Rejes quest. 84. Zacutus 3. *praxis admiranda* cap. 99. refert, Piscatorem Aulam ingressum Sebastiani Regis Lusitanorum, quæ odoriferis frondibus, & aromatum suffimentis fragebat, in terram corruisse, & Thomam a Vega Regis Archiatrum, perspectâ origine morbi, iussisse, ægrotum ad litus apponi, & cooperiri limo, & algâ, & ægrotum post quatuor horas oculos aperire cœpisse, & post diem sanitatem recuperasse. Simile exemplum affert Levinus Lemnius cit. lib. 2. de occultis natura *Miraculis* cap. 8. Rustici cujusdam, qui Antwerpiz, cum ad Officinam aromatariam devenisset, animi deliquit statim correptus periclitari cœpit, admotoque naribus equino fimo adhuc tepenti, ac fumido, cum hisce odoribus, & equorum excrementis esset alluctus, sanitatem recuperavit : unde Angelus Modius, olim boni nominis Medicus in Urbe, scribens in *Causa Canonizationis cujusdam Beate*, in qua odor promanans a beato Corpore tamquam miraculosus proponebatur, bene subdidit : Si ergo odor iste incessanter exhalans a venerabili Corpore servato inter Moniales in loco angusto, & parva edicula, quam quotidie plures, pluresque ex illis venerabunda ingrediuntur, & inibi diu

com.

Lib. IV. Pars Prima Cap. XXXI. 447

commorantur, nullas tamen ledit, nullis agitationem inferi, nullis symptomata morboſa inducit, etiamſi varia, & ad morbos diſpoſita temperatura ſint, ſed potiùs ſolamen inde ſuſcipiant, odorem eſſe ſupernaturalem, utpote effectus naturalis odoris non producentem &c.

20 De mirabili odore ex Sanctorum Cadaveribus, aut Reliquiis promanante collecta legi poſſunt exempla apud Bagattam de Admirandis Orbis Chriſtiani tom. 2. lib. 6. cap. 3. §. 7. & apud Rotz Auditores in Relatione Cauſa Sanctæ Tereſæ ſuper Miraculis in tertio Miraculo poſt mortem, in Relatione Cauſa Sancti Iſidori Agricola de Miraculis poſt mortem Miracul. 1. in Relatione Cauſa Sanctæ Franciſcæ Romanæ part. 3. art. 6. Miracul. 1. in Relatione Cauſa Sancti Ludovici Bertrandi ad tit. de fragrantia Cadaveris, in Relatione Cauſa Sancti Raymundi in octavo Miraculo poſt mortem, ubi inter cætera hæc habentur: Et propterea bujſmodi ſuaves odores de Sanctorum Corporibus prodeuntes Miraculo ſunt ſemper tributi, ſicut in Canonizatione Sancti Didaci Miraculo etiam ſimilem odorem tribuerunt primùm Rota Auditores deputati, deinde DD. Cardinales in Congregatione habita in Palatio Cardinalis bona memoria Marci Antonii Columnæ die 28. Maji 1588. & quod iidem Rotz Auditores in citata Relatione Cauſa Sancti Raymundi de odore ab ejus Corpore manante dixerunt, approbatum fuit a Cardinalibus Congregationis Sacrorum Rituum, ut videri poteſt in Vita Sancti Raymundi Notis illuſtrata a Penia Rotæ Auditore lib. 3. cap. 33. §. final. & in Relatione Alphonſi Cardinalis Geſualdi facta in Conſiſtorio, de qua apud eundem Peniam pag. 328. = Dimum, quod ſemper Miraculo, ac Sanctitatis indicio tributum eſt, non omi-

tendum videtur, eà die, qua Judices deputati ad ejus Oſſa recognoscenda acceſſerunt, ubi Arca, in qua aſſervabantur, reſerata fuit, ſuarviſſimum quemdam, ac planè caeſtrem odorem exhalaviſſe, quem plurimi ſenſerunt, quos Deus eà gratiâ dignari voluit, præcipuè verò Ludovicus de Claramont, qui, cùm per decem, & octo annos odoratus ſenſu caruiſſet, tunc illum integrum recuperavit: & non ſolum Rotæ Auditores in citatis Relationibus, in quibus exempla ſupernaturalium odorum retulerunt, de quibus modò locuti ſumus, odorem e Cadaveribus Sanctorum emanantem Miraculo adſcripſerunt in illis Cauſis, ſuper quibus citatæ Relationes exaratae ſunt, ſed etiam in pluribus aliis, & ſignanter in illa Sancti Paſchalis de Baylon in tertio Miraculo in fine; in illa Sanctæ Eliſabeth Reginae Portugallicæ in primo Miraculo poſt mortem; in illa Sancti Franciſci Xaverii in ſecundo Miraculo; in illa Servæ Dei Joannæ de Cruce Miracul. 2. poſt mortem, ubi ſic legitur: Conſuimus, bujſmodi Miraculum ſecundo gradui attribuentium fore; certum eſt enim, naturam facultatem habere prodeundi bonum odorem ex corpore humano, tamen non ex corpore mortuo, & putrefactioni ſubjecto; unde, cùm in iſto caſu mirificus odor reſonat ſpectu illius, in quo ſit, excedit vires ſolius naturæ creatæ, & referendus venit ad ſecundum gradum.

21 Adhærent, qui de Beatificatione, & Canonizatione Sanctorum ſcripſerunt, Jacobus de Graff. lib. 5. de Sent. Excomm. conſil. 17. num. 80. verſ. Ruſus, Caſtellin. de Certitudine Gloriæ Sanctorum cap. 14. num. 19. Scæchus de Notis, & Signis Sanctitatis ſect. 9. cap. 3. pag. 693. Bordon. Contror. Moral. 13. jub. num. 24. Lezana Conſult. 2. num. 68. Ricciul. Lucubr. Eccleſ. lib.

448 *De Serv. Dei Beatif. et Beat. Canoniz.*

lib. 1. cap. 31. num. 9. *Matta de Canonizatione Sanctorum* part. 4. cap. 27. num. 4. & 5. *Pignatelli Confult.* 242. num. 16. tom. 1. & tum in *Actis Sanctorum*, quæ diebus, quibus memoria eorum recolitur, recitantur, tum in Bullis Canonizationum mentio fit odoris uti miraculosi; in sexta etenim *Lectioe Officii proprii Sancti Francisci de Paula* die 2. Aprilis ita legitur: Cujus Corpus dies undecim insepultum ita incorruptum permansit, ut suavem etiam odorem efflaret = & in *Festo Inventionis Sancti Stephani* die 3. Augusti lect 5. = Quibus auditis, Hierosolymorum Antistes finitimarum Urbium Episcopis, Presbyterisque convocatis, ad locum pergit: desosus loculos invenit, unde suavissimus odor efflabatur = & in sexta *Lectioe Officii de Sancto Eduardo Anglia Rege* tertio Idus Octobris = Anni ab obitu sex, & triginta translatum ejus Corpus, incorruptum, & suavem spirans odorem repertum est = & in *Canonizatione Sancti Thomae Aquinatis* habetur ex *Constit.* 9. Joannis XXII. Bullarii tom. 1. pag. 227. § 9. = In apertura ipsius Sepulchri ejusdem Capella Sancti Stephani fragrans odoris suavitatis emanavit, quod totam Capellam, Claustrumque ipsius Monasterii, quod diffusum est, misa eadem suavitatem replevis, quæ de ipsius Corpore, prout ex sollicita, curisque Monachorum indagine esse reperiunt, mirifice fundebatur = & intra = Hanc similem fragrantiam post septem annorum spatium, quidam ex Testibus, quidam verò, post quatuordecim annorum spatium sensisse se, riserunt, dum Corpus ipsum diversis ex causis per tempotum voces stridulis inspexissent. Quippe odor carnis ejus munditiam Deo acceptam exprimebat, orationum ejus odoramenta representabat, sanctam quæ ejus clasam diffusionem Virtutum, & illarum aromatum non celabat =

& in *Canonizatione Sancti Raymundi* *Constit.* 77. Clementis VIII. tom. 3. ejusdem Bullarii pag. 115. § 32. = Neque verò hæc odoris fragrantia ex eo solum tempore ex ejus Corpore emanavit, sed ex aperto quodam ejus Sepulchri intuitu idem suavis odor quandoque efflatur, qui ab iis sentitur, quos Divina Bonitas eo munere dignatur = & Sancta Teresa, de qua est *Constit.* 20. Gregorii XV. eodem tom. 3. pag. 416. § 20. = Sed e Sepulchro ejus odor adeò vigens, ac mirificus emanabat, ut decretum fuerit, Sacrum Corpus exhumari = & Sancta Francisca Romana *Constit.* 45. Pauli V. dicto tom. 3. Bullarii pag. 253. § 21. = Simili Miraculo, quo Sanctorum suorum Corpora non semel honoravit, Francisca etiam Corpus honorari, dignatus est Dominus; tantis enim odoribus fragravisset, ut, omnia odoratis floribus referta visa fuisset, Acta testentur = & Sancti Francisci Xavierii *Constit.* 4. Urbani VIII. Bullarii tom. 4. pag. 18. § 4. = Et quævis nullo odoramentorum genere curatum fuisset, Divino tamen munere tam odorum fragrantiam spirabat, ut esset supra omnia aromata = & Sancti Petri de Alcantara *Constit.* 1. Clementis X. Bullarii tom. 5. pag. 480. sub § 14. = Corpus verò pulcherrimum celesti quodam colore perfusum, suavissimo de membris odore manante, intrinsecus replebas admiratione = & Sancta Rosa Limaña *Constit.* 37. ejusdem Clementis cit. tom. 5. Bullarii pag. 543. § 46. = Repererunt Virgineum Corpusculum post decimum quinzum expletum ab obitu annum, consumptis indumentis, ossibus integris, & adhuc sicca hinc inde carne obductis, quæ odorem rosarum exhalabant.

22 Quæres, an incorruptio Corporis, & odor ab eodem promanans pro uno, vel duplici Miraculo habenda sint. Scacchus de Notis, & Signis San-

Lib. IV. Pars Prima Cap. XXXI. 449

Sanctitatis sect. 9. cap. 3. pag. 602. innuere videtur, incorruptionem, & fragrantiam pro uno, eodemque Miraculo habendas esse: Illud tamen assero, si integritas Corporis alicujus Viri defuncti cum Sanctitatis fama, & opinione adjunctam habeas fragrantiam, & odorem supernaturalem exspiret, aliquid suppeditari Sanctitatis indicium &c. Confirmatur, quia, dum Ecclesia refert aliquem in seriem Sanctorum, numquam pro Miraculo asserri solet integritas Cadaveris, quin simul morum integritas, varique Virtutes, ac Miracula, Cadaveris denique ipsius referatur fragrantia, & odor praternaturalis. At verius est, juxta Sedis Apostolicæ, & Sacræ Congregationis praxim, incorruptionem, & odorem esse duo distincta Miracula. In Relatione *Causa Sanctæ Tere- sise* in secundo Miraculo post mortem ita legitur: *Quem odorem, licet illum consideremus in abstracto a miraculosa Corporis incorruptione, etiam per se Miraculo insigni adscribendum fore, censuimus.* Concordant *Acta ejusdem Causa* collecta a Joanne Paulo Mucantio Congregationis Sacrorum Rituum Secretario, quæ existunt in Conventu Sanctæ Annæ Patrum Carmelitarum Excalceatorum Hispanorum in Urbe de-

gentium, in quorum *Actorum* tom. 1. pag. 276. enarrantur Congregationes habitæ super examine Relationis Rotalis: Illustissimus, & Reverendissimus Cardinalis Lancellottus &c. incepit examinare articulum quartum ejusdem Relationis de Miraculis post mortem, & primo loco examinavit Miraculum de Incorruptione Corporis &c. quod Miraculum per se esse, & inter alia Miracula annumerandum, Illustissimi, & Reverendissimi Domini judicaverunt. Proposuit, & examinavit secundum Miraculum de odore mirifico, qui ex Corpore ipsius Servæ Dei emanabat, quod Miraculum esse, a prædictis Illustissimis, & Reverendissimis DD. Cardinalibus conclusum fuit. Concordat Relatio habita in Consistorio secreto de eadem *Causa Sanctæ Tere- sise* a Francisco Maria Cardinali a Monte: In eodem Corpore tria Miracula computantur, incorruptionis, odoris, & liquoris perenniter defudantis. Et cum eodem thematicè processit Sacrorum Rituum Congregatio in *Causa Sancti Jacobi de Marchia*, uti colligitur ex Decreto edito die 29. Januarii 1726. quod fuit Apostolicâ authoritate roboratum a sanctæ memoriæ Benedicto XIII. die 2. Februarii ejusdem anni.

CAPUT TRIGESIMUM SECUNDUM.

De Beatorum, & Sanctorum Apparitionibus, an inter Miracula recenseri possint.



DE Visionibus, Revelationibus, & Apparitionibus multa dicta sunt in tertio Libro hujus Operis, dum agebatur de Gratiis gratis datis: cumque Apparitiones duplici modo considerari possint, in se ipsis videlicet, & respectivè ad alios, quibus obtigerunt, in hoc Capite pleraque innuuntur de Apparitionibus in se ipsis, nonnulla innuuntur de Apparitionibus quò ad alios, quibus obtigerunt; uberior enim quò ad hanc extremam partem discursus desumi poterit ex his, quæ tertio Libro dicta sunt, ad quem remissivè nos habemus. Uno verbo, in tertio Libro actum est, an ex Apparitione Christi, Beatissimæ Virginis, aut alicujus Sancti inferri possit ad Sanctitatem ejus, cui prædicta contigit Apparitio: nunc autem videndum est, an, si aliquis Dei Servus nondum inter Beatos relatus, vel aliquis Beatus nondum Sanctis adscriptus alicui appareat, id habendum sit pro Miraculo, & an de eo haberi possit ratio in Judicio Beatificationis, aut Canonizationis ipsius, sive præcellerit, sive non præcellerit Servi Dei, vel Beati apparentis invocatio; cum, etiam si non præcellerit, dici possit, eam Divino nutu secutam fuisse ad ostendendam Sanctitatem Servi Dei, vel Beati,

2 In lib. 2. Machabæorum cap. 15. Machabæus exponit Apparitionem Oniæ, quam habuit in somno: Erat autem hujuscemodi visus. Oniam, qui fuerat Summus Sacerdos, Virum bonum, & benignum, verecundum visu, modestum moribus, & eloquio decorum, & qui a puero in Virtutibus exercitatus sit, manus protendentem, orare pro omni populo Judæorum. Post hoc apparuisse & alium Virum ætate, & gloria mirabilem, & magni decoris habitudine circa illum. Respondentem verò Oniam dixisse: Hic est Fratrum amator, & Populi Israel; hic est, qui multum orat pro Populo, & universa sancta Civitate, Jeremias Prophetæ Dei. Extendisse autem Jeremiam dexteram, & dedisset Judæ gladium aureum dicentem: Accipe Sanctum gladium munus a Deo, in quo dejicies adversarios Populi mei Israel. = In Evangelio Matthæi cap. 17. narratur Transfigurationis Christi Domini, in qua Divinitatem suam, & Sanctorum gloriam præmonstravit, & ibi legitur: Assumpsit Jesus Petrum, & Jacobum, & Joannem fratrem ejus, & duxit illos in montem excelsum seorsum, & transfiguratus est ante eos: & ecce apparuerunt eis Moyses, & Elias cum eo loquentes: & Sanctus Thomas 3. part. quest. 45. art. 3. docet, Christum voluisse transfigurari, ut gloriam suam hominibus ostenderet, & ad eam desiderandam homines provocaret, cumque ad gloriam adducerentur non modò homines, qui post eum fuerunt, sed etiam, qui

qui cum præcesserunt, conveniens fuit, ut inter eos, qui præcesserunt, essent Moyses, & Elias, & inter eos, qui sequebantur, essent Petrus, Jacobus, & Joannes; atque, animam Moysis suum corpus non resumpsisse, sed apparuisse per aliquod corpus assumptum, sicut Angeli apparent, & Eliam apparuisse in proprio corpore, non quidem allato de Cælo Empyreo, sed de aliquo eminenti loco, quò Curru igneo raptus fuerat.

3 Apparent Animæ Beatorum, Animæ Damnatorum, & Animæ purgantes. Apparent autem Animæ Beatorum, vel ut certiores faciant aliquos de sua felicitate, vel ut Dei mandata ad nos perferant, vel ut ad virtutem hortentur, vel ut ægris, & morientibus assistant, aut alia nobis præstent beneficia. Apparent Animæ Damnatorum tamquam præcones Divinæ Justitiæ, & ita nos vitam instituere docent, ne & ipsi pari pœnâ plectamur. Apparent Animæ purgantes, ut nostris adjutæ suffragiis citius a pœnis liberentur. Nusquam autem legimus, apparuisse Animas Puerorum, qui cum solo peccato originali decesserunt, cùm juvari suffragiis nostris non possint, nec in earum Apparitionibus inesse posse videatur utilitas, aut virtutis exemplum, quemadmodum totidem verbis exponit Cardinalis Bona de *Disseratione Spirituum* cap. 19. num. 8. & latius prosequitur Thyræus in suo *Opere de Spirituum Apparitione* cap. 11. num. 22. = Damnatorum Spirituum duo genera possumus constituere. Quidam sunt, qui præter pœnam damni experiuntur etiam pœnam sensus: quidam (ut Infantium non renatorum) solum damni sustinent. Hos hominum colloquiis sese misce-

re, compertum est nemini posse, si is, qui omnia potest, ita jubeat, nemo dubitat: verisimile tamen putamus, Deum id nunquam, vel rarissimè jubere, & ipsos id nunquam expetere, ut qui nullum ex hac re ipsi fructum capere, nec aliis, nisi rarò admodum asferre, possunt.

4 Doctrina hæc quoque est Divi Thomæ in *Supplemento quæst.* 69. art. 3. ubi, proposita quæstione, utrum Animæ existentes in Paradiso, vel in Inferno egredi valeant, respondet, egredi non posse, ut nunquam ad Paradisum, vel Infernum regredi debeant, sed ad tempus exire possint. Ecce verba Sancti Doctoris: *Augustinus narrat de Felice Martyre, qui Civibus Nolanis visibiliter apparuit, cùm a barbaris oppugnarentur. Et hoc etiam credi potest, quod aliquando damnatis contingat, quòd ad erudicendum hominum, & terrorem permittuntur viventibus apparere, aut etiam ad suffragia expetenda, quantum ad illos, qui in Purgatorio detinentur.* Sanctus Doctor nullum ibi verbum facit de Animabus Puerorum cum solo peccato originali decedentium: sed doctus ejusdem Sancti Discipulus clarè memoriz Vincentius Maria Cardinalis Ursinus, ad Summum Pontificatum evehctus, assumpto nomine Benedicti XIII. & noster Insignis Benefactor in *Serm.* 23. primi *Trigesimi de Purgatorio* de prædictis loquitur, quemadmodum defumitur ex ejussequentibus verbis: *Quindi parmi, chò di tutte le Anime, che possono aver con noi commercio, le più siao state, e siao del Purgatorio. Tercè (passando sotto silenzio quelle del Limbo de Santi Padri, il quale adesso non vi è) se ci compariscono i dannati, o i Santi, servono tali apparizioni per nostra sola istruzione, eccitandoci questi alla compassa del Cielo col mezzo delle opere buone,*

452 *De Serv. Dei Beatif. et Beat. Canoniz.*

ne, e disfaceandoci quelli dalle cattive, col terror dell' Inferno, giusta la sentenza dell' Angelico nel luogo citato: Ad eruditionem hominum, & terrorem, permittuntur viventibus apparere: ma, se ci appariscono i defunti purganti, da ciò intende il Signore cavare, non solamente la sopraddetta nostra istruzione, ma insieme il sollievo delle stesse Anime penanti del Turgatorio, il che preme, come ho detto, sommamente al medesimo misericordiosissimo Iddio; onde ben' avvertì il Santo Maestro nel luogo antedetto, che quelle Anime appariscono ad suffragia petenda. Tereid io non trovo, essere mai a' vivi apparite le anime de' Bambini del Limbo (benchè, quando a Dio piacesse, potrebbero comparire) perchè queste non essendo capaci di sollievo, non servirebbero per nostra istruzione, anzi, come dotate d' immortalità, e di sommo sapere, e non soggette a pene di senso, coll' apparire ad alcuni, che fossero di mente troppo bassa, e di animo troppo terreno, gli farebbero facilmente involgiare del loro stato, e, contentandosi di non veder mai la bella faccia di Dio, perpetuare senza mutazione la presente vita.

3 Innumera sunt Apparitionum exempla, quibus Sancti, se æternam consecutos fuisse felicitatem, ostenderunt. Aliqua tantum probatissima hic referemus. Sanctus Hieronymus in Vita Sancti Pauli Eremita narrat, Sanctum Antonium citato gressu iter assumpsisse, ut Sanctum Paulum graviter ægotantem, antequam moreretur, videre posset; timebat enim, quod evenit, ne, se absente, Christo debitum spiritum redderet: cumque jam dies alia illuxisset, & trium horarum spatio viam remeavisset, vidit, inter Angelorum catervas, inter Prophetarum, & Apostolorum choros ni-

veo Paulum candore fulgentem in sublime conscendere: & statim in faciem suam procidens, fabulum capiti superposuit, ploransque, & ejulans inquit: Cur me, Paule, dimittis? Cur insalutatus abis? Tam tardè notus, tam citò recedis?

6 In Vita Sancti Benedicti scripta a Sancto Gregorio Magno cap. 34. hæc habentur: Cum ecce post triduum in Cella consistens (sermo est de Sancto Benedicto) elevatis in aera oculis, vidit, ejusdem Sororis suæ, Sanctæ videlicet Scholasticæ, animam de ejus corpore egressam in Columba specie Calis cœcra penetrare. Qui tanta ejus gloria egrediens omnipotenti Deo hymnis, & laudibus gratias reddidit, ejusque obitum Fratribus denuntiavit: & cap. 35. ita legitur: Dum intentam oculorum aciem, Sanctus videlicet Benedictus, in splendore corusca lucis insisteret, vidit, Germani animam Capuani Episcopi in sphaera ignea ab Angelis in Calum deferri: & in cap. 38. in quo ejusdem Sancti Benedicti mors describitur, hæc habentur: Qua scilicet die duobus de eo Fratribus, uni in Cella commoranti, alteri autem longius posito, revelatio unius, atque indissimilis Visionis apparuit. Viderunt namque, quia strata palliis, atque innumeris coruscis lampadibus via recto Orientis tramite ab ejus Cella in Calum usque tendebatur. Cui venerando habitu Vir desuper clarus affigens, cujus esset via, quam cernerent, inquisivit. Illi autem, se nescire, professi sunt. Quibus ipse ait: Hæc est via, qua dilectus Domino Calum Benedictus ascendit. Tunc itaque Sancti Viri obitum, sicut præsentem Discipuli viderunt, ita absentes ex signo, quod eis prædictum fuerat, agnoverunt. Et de Apparitione Sancti Bernardi post mortem cuidam Fratri Guillelmo de Monte Pelulano, qua ei demonstratum est, quod

quod in Cælum ascenderat, testatur Alanus in *secunda Vita Sancti Bernardi* cap. 31. edita post Opera Sancti Doctoris Editionis Mabillonæ.

7 De Beatorum, & Sanctorum Apparitionibus, ut ægris assistant, Auditores Rotæ in *Relatione Cause Sancti Caroli Borromæi* 3. part. de *Miraculis*, in *Miraculo Martiæ ejusdem de Vigibz a cecitate, qua laborabat, liberata intercessione Sancti Caroli*, asserunt, id Beatæ, & Sanctis quodammodo familiare, & usitatum esse: & in eo, quod attinet ad Apparitionem, ut alia etiam beneficia hominibus conferantur, celebre est illud Sancti Andreæ Corsini, de quo in *Relatione Cause ipsius exarata a Rotæ Auditoribus* part. 5. §. 3. Cum enim anno 1440. Eugenius Papa IV. Florentiæ commoraretur, & Philippus Maria Mediolani Dux Summo Pontifici, & Florentinis bellum intulisset, & Nicolaus Picininus Militiæ dicti Ducis Præfæctus Florentinorum Oppida devastare cœpisset, electique fuissent decem Viri, qui rebus bellicis præpositi darent operam, Populus Florentinus suam potiorem spem collocavit in auxilio Divino, factoque concursu ad Ecclesiam, in qua Sancti Corpus sepultum erat, Sanctus apparuit adolescenti dicens: *Adolescent propere ad Viros bello præfectos, meaque hæc verba referas: Deus, qui Israel de manu Pharaonis eripuit, ipse confringet adversarios vestros: ne timeatis eum hoste congredi; nam Deus dissipavit vires illorum.* Paruit Adolescenti Magistratus ei fidem præstitit; pugnatum est, & victoria stetit pro Florentinis, & Hostium copiz undique fuscæ sunt non sine visibili Dei auxilio, cum victoria successerit die præfixo per Sanctum Adolescenti prænuntiato, cum Copiz Flo-

rentinorum essent collectitiæ in modico numero, & Mediolanensium Exercitus non solum numero superaret, sed compositus esset Milicibus veteranis bello, & victoriæ assuetis, & cum denique Historici narrent, in ea insigni victoria aut decem, aut unum tantum ex Militibus Florentinarum Copiarum mortuum fuisse.

8 Succedunt exempla Animarum Damnatarum, quæ tamquam præcones Divinæ Justitiæ aliquando apparuerunt, hominesque admonuerunt, ut pravos mores exuerent, ne & ipsi pari poenâ plecterentur. Apud Cardinalem Baronium *ad annum Christi 1044. num. 4.* narratur, Benedictum IX. Summum Pontificem voluptatibus deditum humanæ fragilitati se tandem præcipitem dedisse, sed hortatu Sancti Bartholomæi Abbatis Cryptæ terræ Discipuli Sancti Nili Summum Pontificatum abdicasse, & se in Monasterium recepisse ad agendam penitentiam. De eodem Benedicto IX. narratur, quod post dimissum Pontificatum, mortuo Clemente II. eum iterum invasit, & retinuit spatio octo mensium nullo jure, tum quia per Simoniam eum ingressus erat, tum quia post eum abdicatum ad eum redire non poterat: quocirca Papebrochius in *Conatu Chronico-Historico ad Vitas Romanorum Pontificum* inquit, Benedictum IX. ante renuntiationem fuisse legitimum Pontificem, sed non, postquam eum resumere post mortem Clementis II. ausus est. Adhæret Pagi Junior in *Breviario Romanorum Pontificum* tom. 2. in *Vita dicti Benedicti IX.* ubi affert Orationem Leonis IX. ab ipso habitam pridie, quam spiritum Deo redderet, in qua Deum oravit pro conversione Simoniacorum, & præcipue pro conversione Theophylacti, seu

feu Benedicti IX. Et apud eundem Cardinalem Baronium ad annum 1034. num. 34. refertur, quòd, dum Vasco quidam iter agebat, monstrum immane conspexit, quod humanæ vocis verba formavit dicens: Noli, o Vir, expavescere. Hominem me olim fuisse, sicut & ipse nunc es, procul dubio crede: sed, quia bestialiter vixi, post finem vite bestia præferre speciem merui. Porro, cum ille perquireret, quis fuisset, Ego, ait, solo nomine Benedictus fui, qui nuper Apostolica Sedi apicem indignus obtinui. Inquisitus autem, quid nam retributionis haberet, Nunc, inquit, usque ad diem iudicii per avaritia, atque exolentia, atque sulphurea loca, atque fatorem exbalantia, atque incendiis conspigrata rapior, atque perirabor: post extremum verò iudicium corpus meum simul, & animam irremediabilis crucietus, & gehennalis barathri me irrevocabilis olla depluet, ita ut nulla mihi recuperationis spes in posterum restet. Post hæc verò, & huiusmodi verba disparuit. Hæc ex Baronio, qui Apparitionem desumpsit ex Sancto Petro Damiano, qui illam audiverat a Cardinali Humberto.

9 Thomas Cantipratenfis in *Gestis, seu Vita Sanctæ Lutgardis* hæc habet de Apparitione animæ Innocentii III. Summi Pontificis: Hoc serò tempore Innocentius Papa III. post celebratum Lateranense Concilium ab hac vita migravit, moxque apparuit visibiliter Lutgardis. Illa autem, ut vidit eum ingenti flammâ circum, quis nam sit, percunctatur. Respondit, se esse Innocentium Papam: & illa cum gemitu, Quid hoc est, inquit, commanem omnium nostram Patrem tam diu cruciari? Respondit ille: Tres ob causas ita crucior, quæ etiam æternis suppliciis me iustissimè addixissent, nisi per intercessionem Matris Dei, cui Monasterium condidi, in extremis

me pavituisset; & æternam quidem mortem evasi, sed penis atrocissimis usque ad iudicii diem cruciabor: quod autem ad te suffragia petiturus venire potui, mihi a suo Filio Mater Misericordia impetravit. His dictis, confestim disparuit. Lutgardes verò ejus necessitatem Sororibus, ut ei succurrerent, indicavit. Porro admodum dolens vicem ejus, miserabili se cruciati illius causâ affectus: Norveris Lector, nos, revelante nobis Lutgarde, tres illas causas non ignorare, sed pro tanti Pontificis reverentia referre noluisse. De hoc Thoma Cantipratenfis, & ejus meritis plura habentur in *Dissertatione historica ad Librum Cardinalis Bellarmini de Scripturis Ecclesiasticis Venetæ Editionis anni 1728.* & apud Jacobum Echarð in *Scripturis Ordinis. Prædicatorum tom.*

1. Cardinalis Bellarminus de *Gemitu Columbe lib. 2. cap. 9.* inquit, se credere, tantum Pontificem, qui in oculis hominum non probus, & prudens solum, sed etiam Sanctus, & imitatione dignissimus habitus est, non potuisse lethalia peccata committere, nisi sub specie boni deceptum ab adulatoribus, & domesticis: & prædictam animæ Pontificis Apparitionem tamquam probabilem, & verisimilem admittunt Spondanus in *Continuatione Annalium Cardinalis Baroni ad annum Christi 1216. num. 13.* Pagi in *Breviario Romanorum Pontificum tom. 3. in Vita Innocentii III. num. 110.* Fleury in *Histor. Eccles. lib. 77. in fine tom. 16. Editionis Parisiensis anni 1718. pag. 401.* Burius in *brevi Notitia Romanorum Pontificum in Innocentio III.*

10 Ab his Apparitionibus, quatenus veræ sint, benè demonstratur, Animas Damnaatorum aliquando apparuisse, ut nos de pœnis, quibus addictæ sunt, admonerent, & a cul-

pis

pis patrands averterent, & Animas Purgatorii aliquando apparuisse, ut a viventibus hominibus suffragia exposcerent. Dictum est autem, quatenus verè sint, quandoquidem in eo, quod attinet ad Apparitionem Animæ Summi Pontificis Benedicti IX. Jacobus Sicommarus Ordinis Sancti Basilii ex antiquo Codice Vitæ Sancti Bartholomæi quarti Abbatis Cryptæ ferratæ, aliisque monumentis in Archivo dicti Monasterii existentibus invictè contendit, Benedictum IX. pulso Silvestro III. Antipapa ad Summi Pontificatus apicem rediisse, & hortante Joanne Archipresbytero, Pontificatum a se abdicasse, retentis tantum Anglici Regni redditibus, eundem Joannem ei suffectum fuisse, assumpto nomine Gregorii VI. fuisse Clementem II. & tunc Benedictum IX. iterum electum fuisse in Summum Pontificem, sed, ipso in præteritis criminibus persistente, hortatu Sancti Bartholomæi Abbatis Pontificatus iterum renuntiasse, se in Monasterium sub ejus disciplina ad ægendam pœnitentiam recepisse, & verum pœnitentem mortuum fuisse, ita ut assertum Vasconis ignoti Viri, cui nimis creduli Cardinalis Humbertus, & Beatus Petrus Damiani fidem præstiterunt, nullo intrinsecæ, sive extrinsecæ probabilitatis fundamento fulciatur. Legi potest citatus Sicommarus in *Nota 25. ad citatam Vitam Sancti Bartholomæi*. Et in eo, quod spectat ad Apparitionem animæ Innocentii III. Continuatores Bollandiani ad diem 16. Junii ad *Vitam Sanctæ Lægardis* hæc habent de prædicta Visione: *Innocentius Papa mortuus est 16. Julii 1216. Cùm autem Pontifex ille fuerit optimus, illasionem hic, vel fabu-*

*lam esse volunt aliqui, quod hic narratur. Sed numquid judicii Dei abyssus multa, & ab hominum judiciis sæpe diversissima? At Raynaldus in Annalibus ad annum Christi 1216. num. 12. & Odoinus in Additione ad Vitam dicti Pontificis, quamvis admittant, ejus animam, Deo permittente, suffragia postulare potuisse, utpote traditam ignibus Purgatorii, ut expiaretur, cætera tamen supra narrata rejicienda existimant, utpote explosa testimoniis Rigoldi de *Gestis Philippi Augusti*, & Sancti Antonini, qui dicunt, eum post innumera opera egregia Virtutum beato fine quiescisse. Verumtamen, quatenus memoratæ Apparitiones verè non fuerint, aliz profectò non desunt assumptionem comprobantes, de quibus apud Bagattam de *Admirandis Orbis Christiani lib. 8. cap. 1. §. 1. & pluribus sequentibus*.*

11 Post hæc generalia descendendo ad punctum propositæ in hoc Capite controversiæ, & sic ad examen, an habendum sit pro Miraculo, si Anima separata, si aliquis Dei Servus nondum inter Beatos relatus, si aliquis Beatus nondum Sanctis Adscriptus appareant, sive Apparitio fuerit intellectualis, quæ rarò contingit, sive corporalis, quæ usu frequentior esse consuevit, juxta eam, quæ alibi dicta sunt, & cætera, quæ legi possunt apud Cardinalem de Lauræa in 3. lib. *Sent. tom. 4. disput. 20. de Miraculis art. 16. dicimus, Apparitionem inter Miracula esse recentendam*.

12 Communis hæc est Scribentium opinio, duce Divo Thoma 1. pars. quæst. 89. art. 8. *Ad secundum*, ubi hæc habet: *Ad secundum dicendum, quod hoc, quod mortui viventibus apparent qualitercumque, contingit per specialem Dei*
dis-

456 De Serv. Dei Beatif. et Beat. Canoniz.

dispensationem, ut anima mortuorum rebus viventium interfuit, & est inter Divina Miracula computandum. Doctrinam Sancti Thomæ fusè illustrat Matthæus Magnus in *Dissertatione de Lacrymis Imaginis Sanctæ Mariæ de Gratiis Pinna Billorum* part. 1. quæst. 2. scilicet. 1. §. 6. dist. 1. num. 34. Matthæuccius in *Practica Theologo-Canonica ad Causas Beatificationis, & Canonizationis* tit. 3. cap. 3. art. 2. §. 6. num. 78. ait: Anima separata nec corpus assumit, neque in ipso loquitur, nisi ex particulari, & extraordinaria jussione Dei: propterea non caret Miraculo &c. Hinc constat, enumeratas Apparitiones esse miraculosas, tum quia insolitas, tum quia raras, & arduas, vel difficiles, quæ in admirationem rapiunt, tum quia supra opem naturæ, vel vires naturæ excedentes, cum nunquam Angeli, vel anima separate apparerent &c. nisi Deus specialiter eis permitteret, ac supra ordinem usitatum. Bordon. de *Miraculis* meditat. 13. postquam opposuit, Angelum posse viribus propriis formare corpus ex aere, in eo loqui, & hoc ipsum fieri posse ab anima rationali separata, inquit, his minimè obstantibus, Apparitiones Angelorum, & animarum separatarum esse miraculosas; loquendo enim de Apparitionibus Angelorum hæc habet: Respondeo, esse miraculosas: esto enim ipsi possint condensare aerem, & formare corpus aliquod non verè tale, in quo appareant, non ideo per hoc tollitur hujusmodi Apparitionibus ratio Miraculi, cum sint insolite, & præter ordinem naturæ, non propriâ auctoritate, sed ex Divina ordinatione appareant hominibus, & locutio in eis non sit naturalis, cum corpus assumptum ab illis careat veris organis ad promendam vocem, & loquelam, & nihilominus ipsi articulatè loquuntur: ergo hæc ab illis præstatur ex speciali

Dei jussione, ac proinde miraculosè, cum non sint actus vitales: quod ipsum astringit de Apparitionibus Animarum separatarum: Respondeo, sicut & de Angelis, quod Anima separata hæc præstare possit; non tamen hæc facit, nisi ex speciali Dei jussione, seu permissione, quod non caret Miraculo.

13 Confirmantur prædictorum Scribentium dicta auctoritate Sancti Augustini de Cura pro mortuis gerenda cap. 15. ubi sic loquitur: Cum homines mortui, siue viri hominibus dormientibus, vel vigilantibus apparent, non in ipsis rebus, ut sunt, videntur, sed in quibusdam similitudinibus rerum. Istud autem Angelicis operationibus fieri credimus per dispensationem Providentia Dei bene utentis bonis, vel malis secundum inscrutabilem altitudinem judiciorum suorum, siue hinc instruantur mentes mortalium, siue fallantur, siue consoletur, siue tercantur, sicut unicuique vel præbenda est misericordia, vel irroganda justitia ab eo, cui misericordiam, & judicium non inaniter decantat Ecclesia. Hucusque Augustinus, qui, postquam, mortuorum, vel vivorum Apparitiones in corporibus ministerio Angelorum formatas, & assumptas fieri, explicavit, quæ dixit, ratione comprobavit, & confirmavit hisce verbis: Ibi siquidem sunt spiritus defunctorum, ubi non vident, neque audiunt, quæ aguntur, aut eveniunt in ista vita hominibus. Ita tamen est eis cura de vivis, quamquam, quid agant, omnino nesciant, quemadmodum cura est nobis de mortuis, quamvis, quid agant, utique nesciamus. Nesciunt quidem mortui, quid hic agatur, sed, dum hic agitur, postea audire possunt ab eis, qui hinc, moriendo, ad eos pergunt, non quidem omnino, sed quantum finitur eis indicare, & eos oportet audire. Scire etiam possunt ab Angelis, quæ hic nobis præstè sunt, & am-

animas nostras ad illos deferunt. Spiritu etiam Dei revelante, cognoscere possunt, quæ hic aguntur, quæ necessarium est eos cognoscere. Hæc Augustinus de mortuorum Apparitionibus. Num autem mortuorum fiant Apparitiones per eorumdem præsentiam, an personas mortuorum Angeli in corporibus assumptis repræsentent, revocat in dubium dicens: Quidam etiam ex mortuis ad vivos rapi possunt, non per propriam naturam, sed per Divinam Potentiam. Utrum tamen ista fiant per eorum præsentiam, aut per Angelos suscipientes eorum personam, affirmare non audeo. Deus enim omnipotens, qui est ubique præsens, per Angelica ministeria usquequaque diffusa potest præbere ista hominibus solatia, quibus in hujus vite miseria judicat esse præbenda. Martyres quoque vivorum necessitatibus interesse, idem Sanctus Augustinus cap. 16. ejusdem Operis, se nolle, fatetur, & congruere Potentiæ Divinæ; sed, quomodo id fiat, se nescire, affirmat: Res hac altior est, quam ut a me possit attingi, & abisurior, quam ut a me valeat perquirari; & ideo, quid horum duorum sit, an verò fortassis utrumque sit, aliquando ista fiant per ipsam præsentiam Martyrum, aliquando per Angelos suscipientes personam Martyrum, definire non audeo: mallet, a scientibus ista perquirere. Sanctus Thomas in Supplemento tertie partis quest. 69. art. 3. Ad tertium docet, Apparitiones contingere operatione bonorum, vel malorum spirituum ad instructionem, vel deceptionem viventium; & in corpore ait, id interesse inter Sanctos, & Damnatos, quòd Sancti, cum voluerint, apparent, secùs Damnati: Sed hoc interest inter Sanctos, & Damnatos, quòd Sancti, cum voluerint, apparere possunt viventibus, non autem Damnati. Sicut enim Sancti viventes in carnis per dona

Gratiæ gratis datæ accipiunt, ut sanitates, & signa perficiant, quæ non nisi Divinâ Virtute mirabiliter fiunt, quæ quidem signa ab aliis hoc dono carentibus perfici non possunt; ita etiam non est inconveniens, ut ex virtute Gloriæ aliqua potestas animabus Sanctorum detur, per quam possint mirabiliter apparere viventibus, cum volunt, quod alii non possunt, nisi interdum permitti; & in responsione ad primum docet, quod, etiam si mortui apparere possent, quando volunt, se conformant tamen Divinæ voluntati, & non apparent, nisi quando id Deo congruere videtur: Nec tamen sequitur, quòd, etiam si mortui possunt, ut volunt, viventibus apparere, toties appareant, quoties apparent in carne viventes, quia separati a carne vel omnino conformantur Divinæ voluntati, ita quòd non liceat eis, nisi quòd secundum Divinam dispositionem congruere videtur, vel ita sunt penis oppressi, ut de sua miseria magis dolcant, quam curent aliis apparere. Doctrina hæc Supplementi tradita fuerat ab eodem Sancto Thoma in 4. Sent. dist. 45. quest. 1. art. 3. questunt. 3. quam latè exornat fidus ejus Discipulus Scotus dist. 45. in 4. pariter Sent. quest. 1. art. 4. ubi ita scribit: Quamvis secundum legem ordinariam animabus separatis congruentem neque ad nos exeant, neque ullum nobiscum habeant commercium, tamen secundum permissionem, aut dispensationem Divinam, & extraordinariam legem nil vetat, quominus, in quocumque sint receptaculo, ad nos revertantur &c. Anime namque beata, Deo dispensante, possunt apparere suis, vel ut eos consolentur ostendentes, se Divino conspectu frui, vel ut eos adjuvant, & ad eandem Beatitude alliciant &c. Existentes verò in Tergitorio solent præterea, apparendo, Suffragia sibi fieri, deponere &c. Addit vo-

458 *De Serv. Dei Beatif. et Beat. Canoniz.*

rd Divus Thomas, interesse inter Sanctos, & Damuatos, quod Sancti, cum voluerint, apparere possunt viventibus, non tamen Damuati &c. At verò patentissima ratio est, quod Beati nihil optare possunt, nisi quod rationi sit, ac perinde Divina voluntati consentaneum: quidquid autem huiusmodi Deum poscunt, obtinent: ergo, quoties volunt exire, exeunt. Infernales tandem animæ exire non permittuntur, dum volunt, sed dum aliquod mysterium nobis occultum divinitus permittuntur &c. Quapropter, si mortuorum Apparitiones a speciali Divina Providentia dependent, si præter cursum naturalem rerum contingunt, juxta Sanctos Augustinum, & Thomam, de Miraculo non videtur esse dubitandum, ut etiam prosequitur Bordon. loc. cit. = Apparitiones ergo ejusmodi sunt miraculosa, tum quia insolita, tum quia rara, tum quia a solo Deo procedunt: neque enim Angelus, neque Anima separata comparet hominibus, nisi Deo præcipiente. Quæ tamen omnia intelligenda sunt, & explicanda, quatenus notæ alibi indicatæ non desint veræ, & cælestis Apparitionis, non autem fictitiæ, aut naturalis.

14 Post hæc remanet, ut videamus, an, admissâ qualitate miraculosâ in Apparitione Dei Servi, vel Beati, de prædicto Miraculo haberi possit ratio in Judicio Beatificationis, & Canonizationis ipsius. Porro huic quæsito, affirmando, respondetur, dummodo, qui sibi refert factam Apparitionem, talibus sit moribus imbutus, ut ei, quamvis unico Testi, fides præstari possit, juxta alibi dicta; dummodo ex ejus dictis consurgant notæ, & qualitates veræ, & cælestis Apparitionis, non fictitiæ, & naturalis; & dummodo effectus

aliquis patens ex Apparitione descendens aliorum Testium dictis comprobetur: nec enim apparent Animæ separatæ, ut videantur, sed, ut in ea Apparitione aliquid operentur.

15 Loquendo de illis, qui de sibi factis Apparitionibus testantur, sæpe contingit, ut ipsi essent in comitatu aliorum, &, quod unus viderit, alii non viderint, unus vocem audiverit, alii non audiverint, & hinc insurgit dubitatio, an asserenti, se vidisse, aut audivisse, fides demandetur, ex quo alii non viderint, aut audiverint. In Prophetia Danielis cap. 10. exponitur Visio illi facta unius Viri vestiti lineis, & accincti renes auro obrizo. De hac Visione, sive, Apparitione ita loquitur Daniel: *Vidi autem ego Daniel solus Visionem. Torrè Viri, qui erant mecum, non viderunt, sed terror nimis irrui super eos, & fugerunt in absconditum. Ego autem relictus solus vidi Visionem grandem hanc. Angeli e contra, qui Abrahæ apparuerunt Genes. 18. non solum ab illo, sed ab universâ ejus Familia, visi sunt; & Raphael Tobiz comes in longo itinere omnibus indiscriminatim spectabilis fuit. Sanctus Thomas 1. part. quæst. 51. art. 2. docet, imaginariam Apparitionem ab eo solo percipi, cui fit, externam autem, & corporalem ab omnibus percipi; quod enim extra videntem positum est, omnes videre possunt: Illud, quod imaginariâ Visione videtur, est in sola imaginatione evidentius; unde non videtur indifferenter ab omnibus. Scriptura autem Divina sic introducit interdum Angelos apparentes, ut communiter ab omnibus videremur. Sicut Angeli apparentes Abrahæ visi sunt ab eo, & tota Familia ejus, & a Lot, & a Civibus* So.

Sodomorum. Similiter Angelus, qui apparuit Tobia, ab omnibus videbatur. Ex quo manifestum fit, hujusmodi contigisse secundum corpoream Visionem, qua videtur id, quod possumus est extra videntem, unde ab omnibus videri potest. Tali autem Visione non videtur, nisi corpus. At nec id perpetuum est, cum Paulo Christus apparuerit corporaliter, & uti legitur Act. 9. = Viri autem, qui comitabantur eum eo, stabant stupefacti, audenter quidem vocem, neminem autem videntes: &, quamvis propriâ virtute non possit Angelus bonus corpus assumptum uni ostendere, & aliis occultare, id tamen potest Virtute Divinâ, uti bene ponderat Cardinalis Bona de Discretione Spirituum cap. 19. num. 6. Ex quibus proinde infertur, quod, si probata sit fides ejus, qui sibi factam refert Apparitionem, esto ea contigerit, dum erat in aliorum comitatu, & alii non viderint, ex hoc firmum deduci non poterit argumentum adversus dictæ Apparitionis veritatem, aut quia potuit esse imaginaria, aut quia, si corporalis fuit, Deus facere potuit, ut unus videret, ceteri cum non viderent, qui apparuit. In saepe supra citata Vita Sancti Benedicti, uti vidimus, apparuit ipsi magna lux, & cum in ejus splendorem intentam oculorum aciem infingeret, vidit, animam Germani Capuani Episcopi in Cælum deferri. Vocavit Sanctus Benedictus Servandum Diaconum, & Abbatem (ex quo per transennam annotare fas sit, ex Abbatiali Dignitate Sancti Benedicti frustrâ nonnullos ejus Presbyterorum colligere, uti monet Hæphtenus) & Servandus non vidit, nisi partem lueis exiguam: & Sulpicius Severus in Dialog. 2. de Virtutibus Sancti Marini hæc habet alibi etiam relata: Cum

jam Altarium, sicut est solemne, benediceret, globum ignis de capite illius vidimus emicare, ita ut in sublimem contendens longius collum, erinemque flamma produceret. Hæc, licet celeberrimo factum die in magna populi multitudine viderimus, una tantum de Virginibus, & unus de Presbyteris, tres tantum videre de Monachis. Ceteri cur non viderint, non potest nostri esse judicii.

16 Sermonem instituendo de effectu, qui ex Apparitione descendit, & de quo habenda est ratio, ut Apparitio recenseatur inter Miracula pro Beatificatione Servi Dei, aut Canonizatione Beati, juxta ea, quæ in superioribus dicta sunt, assumendum est prædicti effectus examen, & videndum, utrum congruat supernaturali Apparitioni. Quod si effectus, qui patet, non solum congruat cælesti Apparitioni, sed etiam excedat vires, & facultatem naturæ, puta, si agatur de miraculosa recuperatione sanitatis post invocationem Servi Dei, vel Beati, & ejus Apparitionem, inolevit consuetudo Sacræ Congregationis Rituum examinandi sanationem, & illam approbandi tamquam miraculosam, si necessaria concurrant requisita, sed nullo facto Apparitionis verbo: quam consuetudinem nec ipsi Postulatores ægrè ferunt, cum Miracula eorum intentioni faveant, & profint Beatificationi, & Canonizationi ab ipsis petite, siue præcesserit, siue non præcesserit Apparitio: & Sacræ quidem Congregationis consuetudo summam ejus ostendit prudentiam; ut enim bene inquit Soto loc. cit. = Ceterum ita est possibile, animas ex suis locis huc remeare, ut tamen non sit facile ereditu, id accidere, quoties nobis apparent: primum, quod ut, Augustinus lib. de Cura pro mortuis gerenda ait: Quando inser somnia

460 De Serv. Dei Beatif. et Beat. Canoniz.

nobis videntur carorum anima, aut alia nobis insista apparere, rarissime accidit, ut sint ipsa anima, immo quàm sepius contingit ut, non nisi sub earum imaginibus in sensu communi propter nostras prece-dentes cogitationes appareant illa phan-tasmatà.

17 Quæ dicta sunt, procedunt in Apparitionibus mortuorum: quocirca pro Capitis complemento opus est aliquid innuere de Apparitioni-bus viventium; ut enim inquit San-ctus Augustinus in citato libro de Cura pro mortuis gerenda cap. 10. = *Viventes apparent saepe viventibus dormientibus, dum se ipsi nesciunt apparere, & ab eis hæc, quæ somniaverint, audiunt dicen-tibus, quod eos in somnis agentes aliquid, vel loquentes viderint* = &, postquam exposuit, se Mediolani degentem Eu-legio Rhetori in Africa apparuisse, ei-que locum Ciceronis obscurum, somnianti exposuisse, subdit: *Non ego, sed imago mea, nesciente me, & nihil de illius curis omnino curante. Sanctus Bonaventura in Legenda Vitæ Sancti Francisci Assisensis cap. 4. narrat prædicti Sancti Francisci Apparitionem in Capitulo Fratrum ejus Ordinis Arelate celebrato securam, dum Sanctus Antonius Concionem de Ti-tulo Dominicæ Crucis haberet, rela-tantque Apparitione, subdit: Creden-dum sanè, quòd omnipotentis Dei virtus, quæ Ambrosium pium Sacrum Antistitem tumulationi gloriosi concessit interesse Mar-tini, etiam Servum suum Franciscum prædicationi præsentavit veracis sui præ-conis Antonii* = & cap. 11. = *Qualiter autem absentibus se præsentem exhibuit, Divinè faciente Virtute, evidenter ex superioribus innotevit* = & paulò infra = *Quod factum esse Divinè dispositione, cre-dendum est, ut ex præsentia corporalis Apparitione mirabili patenter claresceret,*

quàm præsens, & pervius spiritus ejus luci Sapientia foret æterna. Item in Bul-la Canonizationis Sancti Petri de Al-cantara legitur, cum adhuc viven-tem Sanctæ Terefiæ pluries non sine prodigio apparuisse: Sanctam quoque, Virginem Terefiam in stabilienda Carme-liarum Reformatione indefessus adjuvit = & paulò post = *Et re verà multas pro-re tanta peregrinationes suscepit, & la-bores tulit; immo & absenti opem, & consilium laturus aliquando miraculosè ap-paruit* = & infra = *Corporaliter viden-dum se præbuit plurimis procul distanti-bus. Similiter in Bulla Canonizationis Sancti Philippi Neri* = Iterumque, cum in Urbe maneret, tunc in humanis agentem Catharinam Ricciam sub Regula Sancti Augustini Monialem (nuper in Beato-rum Album relatam) Prati in Etru-ria commorantem longo temporis spatio est allocutus.

18 Meminit Sanctus Bonaventura Apparitionis, & interventus Sancti Ambrosii adhuc viventis funeri San-cti Martini, quod ex Gregorio Tu-ronensi desumpsit: sed, cum ex tem-poris supputatione habeatur, Sanctum Ambrosium obiisse ante Sanctum Mar-tinum, meritò de veritate narratio-nis dubitat Cardinalis Baronius in *An-nalibus, & in Notis ad Martyrologium ad diem 11. Novembris*. At, quidquid sit de hoc, ne in rem, de qua nunc agitur, aliqua subrepat æquivocatio, aliud est, quòd unum, idemque corpus hominis viventis eodem tempore existat in duobus locis, quam existen-tiam Philosophi appellant replicatio-nem; aliud est, quòd homo vivus existens in uno loco appareat in alio loco distanti. Præsens indago, non primum, sed secundum respicit ca-sum, in quo, si apte, & concluden-tes adint probationes, & cætera ve-

rz Apparitionis indicia non desunt, unà cum aliis, quæ diximus, adesse debere, ut Apparitiones mortuorum inter Miracula recenseantur, & ut de eis haberi possit ratio in Judicio Beatificationis, & Canonizationis, de Miraculo non dubitarem, etiam ad prædictum effectum, cùm vera Ap-

paritio dari non possit, nisi ministerio Angelorum corpus æereum efficientium, quod sine speciali Dei Providentia, & insolito quodam modo efficere non possunt: quod ex alibi dictis satis est pro constituendo Miraculo.

CAPUT ULTIMUM.

De Imaginatione, & ejus viribus.



1 Onnulla ex ordine quærenda sunt: primò, quid sit imaginatio, seu phantasia; secundò, quomodo operetur; tertio, an vires exercere possit in corpus, quod non est imaginantis, sed ab eo separatum atque remotum; quartò, an in Corpus, quod etiam non est imaginantis, sed non ab eo tamen separatum neque remotum; quintò, an in corpus proprium ipsius imaginantis; sextò, an in eo morbos causare possit; septimò, an in instanti possit a prædictis morbis liberare; ultimò, quid de ea dicendum sit in ordine ad Miracula, sive ad miraculosas sanationes: in examine enim Miraculorum sæpe contingit, ut quærarur, an sanatio supernaturaliter contigerit, an naturaliter, ope videlicet imaginationis, seu phantasiæ. Nec alicui extraneum fortasse videri debet, quòd, postquam egi-

mus de Miraculis, non nulla ultimo loco subdantur de Imaginatione, & ejus viribus; cùm notum sit, a nonnullis aliquando nonnulla effecta supernaturalia, non causæ supernaturali, sed naturalibus viribus Imaginationis adscribi.

2 Juxta Peripateticos anima hominis est tota in toto corpore, & tota in qualibet parte corporis, ubi datà occasione sentit dolorem, & varios operatur effectus aptos pro vitæ, & sensationum, & cæterarum hominis actionum indigentia. Imaginationem genericè, sive internum sensum dicunt esse potentiam animæ cognoscentem, & ejus actionem esse immanentem, neque transire ad alia, neque præter cognitionem effectivè aliquid agere, & potentiarum vegetantis, & moventis esse agere in aliud: quocirca quamvis ab imaginatione varii effectus, & alterationes videantur in corpore produci, dicunt, primam, & remotam causam esse quidem imaginationem, sed proximam esse humores, & spiritus, ita
ut

462 *De Serv. Dei Beatif. et Beat. Canoniz.*

ut imaginatio moveat potentiam appetitivam, & mediantibus animi patematibus corpus alteret, non immediatè, sed mediatè, quatenus scilicet appetitus movet potentias motrices naturales membris præcipuè cordi insitas, quæ motæ movent humores, & spiritus, & spiritus suo ad partes accellu, & recellu corpus alterant, uti fusè explicat Sennertus tom. 1. *Opusculum Medicorum tit. de Consens. & Dissens. Chyric. cum Galeno cap. 14. de Viribus Imaginationis.*

3 Chartesius minus probabiliter sedem animæ constituit in Glandula Pineali. Alii sedem animæ constituunt in cerebro ipso humano, in quo dicunt exerceri functiones apprehendendi, dividendi, & combinandi varia objecta, & sic cogitandi, & volendi, & ex cerebro animam regere corporis motus, neglectâ aliquorum aliorum opinione, qui docebant, cor esse animæ thronum, in eo constituentes sedem voluntatis, cum asserant, cor nihil aliud esse, quam musculum ad sanguinis circularem motum præcipuè a natura constructum, atque adeo unum ex primariis fontibus humanæ vegetabilis vitæ; sed non esse sedem voluntatis, ac vitæ humanæ rationalis.

4 Cerebrum itaque etiam pro ea parte, quæ ab Anatomicis dicitur Cerebellum, ex glanduloso cortice, & fibrosa medulla totum constat, membranisque exteriori interiusque vestitum, atque protectum osseâ Capitis concameratione quasi muro quodam firmissimo circum undique continetur atque munitur ad tutiorem animæ sedem, ac Domicilium.

5 Sunt in humano corpore nervi plurimi, alii crassiores, tenuiores autem, alii tenuissimi. Omnium com-

munis origo Cerebrum est: e quo quidem nonnulli immediatè, idest e substantia ipsâ contenti cranio cerebri, alii verò mediatè, id est e spinali Medulla, quæ ejusdem Cerebri quasi elongatio, ac productio est, erumpentes, ad oculos, ad aures, ad nares, ad linguam, ad manus, ubi tactus maximè viget, ad partes denique Corporis universas interiores exterioresque sua filamenta protendunt, atque partiuntur; quæ insensoriis singulis sensuum exteriorum ab idoneis objectis impulsâ, atque commota, receptam impressionem per continuatum nervorum tractum ope animalium spirituum nervos ipsos irradiantium ad cerebrum usque transmittunt, animamque ibi quasi in altâ speculâ propriæque sede existentem de externi objecti impulsione admonent, atque ad illius perceptionem excitant, atque determinant, uti latè explicant celeberrimi Anatomistæ Gabriel Faloppia, Malpighius, & Willis.

6 Phantasia, sive imaginatio a nonnullis collocatur in peculiari quadam cerebri parte: Alii eamdem extendunt ad totum cerebrum, utpote in se undique recipiens vestigia & imagines objectorum extrinsecus advenientes.

7 Quia verò præter sensibiles imagines, species etiam reperiuntur intellectuales spiritualesque, quæ a sensibus non proveniunt, & quas in nobis ipsis anima effingit, ac format, quales sunt cogitationes plurimæ præsertim reflexæ, præcisiones, abstractionsque ad altissimos rerum gradus pertinentes, quorum sane omnium in nobis memoriam conservamus, æque, ac imaginum sensibilibus nonnulli sedem harum intellectu-

alium

Lib. IV. Pars Prima Cap. Ultimum. 463

lium, ac spiritualium specierum in animâ ipsâ, & potentiâ ejus spirituali memorativâ constituunt: sed, juxta aliorum placitum, cerebrum sedes est tum imaginum sensibilium, tum intellectualium, cum & hæc imprimantur, aut imprimi possint ope signorum sensibilium.

8 Qui ita sentiunt, exemplum asserunt scribentis in charta suas cogitationes, aut sua, vel aliorum verba: nec enim in charta cogitationes depingi valent, aut nostra vel aliena verba licet res materiales sint, idest soni ac voces aere percusso, ac modificato contentæ, aut tabulâ imprimi, aut consistentiam in eadem habere possunt. Sed omnino id expletur, in charta imprimendo quædam signa sensibilia, & materialia, quæ litteras appellamus, & litteræ sunt nobis indicia, & signa verborum, & verba sunt nobis indicia, & signa tum nostrorum, tum alienorum mentalium conceptuum, seu cogitationum, quæ hoc modo, quasi sensibiles efficiuntur. Simili ergo ratione dicunt, res insensibiles, & spirituales, ope signorum sensibilium imprimi in cerebro humano, nempe ejus substantiâ rugis, sulcis, foveis, plicis, notis denique aliarum formarum, characteribusque propemodum infinitis affectâ atque obfignatâ, quibus rerum, etiam immaterialium, species, atque ideas & primò recipere, & custodire in posterum valeamus.

9 Ex dictis itaque desumitur, phantasiâ, sive imaginationem nihil aliud esse petes eos, quàm admirabilem illum librum humani cerebri, in quo imprimuntur tum notiones intellectuales, tum imagines objectorum sensibilium collectæ a sensibus, & consignatæ spiritibus animalibus per sub-

tilissimos nervorum canales illas usque ad Cerebri emporium transmissuris; & sic phantasiâ, sive imaginationem non esse potentiam, aut facultatem intelligentem, & animantem ac per se ipsam moventem, sed tam eam, quàm spiritus animales, & sensus esse instrumenta animæ, cui uti dominantis inserviunt, & ab ea arbitrio suo in plerisque agitantur: ut & ipsa anima ab iisdem in pluribus afficitur plus minus, ac commovetur. Priora voluntaria ac juris animæ dixeris; posteriora verò authomatica, & corpori, ut vegetativum, & sensitivum est, propria planè atque necessaria.

10 Fames, sitis, somnus, & similes motus corporis sunt ex eis, quæ non sunt subiecta juri animæ; contingunt enim nostrâ etiam contradicente voluntate: è contra motus pedum, manuum, linguz, & oculorum motus sunt, quos anima potentiz motrici imperat, quæ prompta ad obediendum, si corpus sanum est, instantaneâ celeritate per poros nervorum, & musculorum parti accomodatos, quæ moveri debet, spiritus amandat animales, & subito ea pars movetur. Delatis demum imaginibus objectorum externorum ad cerebrum, & in eo depictis quidam sæpe in nobis, velit nolit anima, excitatur motus, & cum eo aliqua idea, opinio, aut veritas nobis exhibetur, per quam admonemur, nos a re per imaginem præsentata fugere, aut eam amplecti debere: & quando id contingit, motus in anima excitatur, aut magnus, aut parvus amoris, odii, timoris, spei, iræ, & similium affectuum humanorum. Magnus autem, aut parvus est hic motus, si spiritus animales vehementiores, aut remissiores fuerint: quod si vehementiores, non solum

ani.

464 *De Serv. Dei Beatif. et Beat. Canoniz.*

anima vehementius excitabitur ad amorem, odium, timorem, spem, iram, sed etiam corpus modò frigore, modò calore afficietur, & in vultu modò pallor, modò rubor apparebunt.

11 Hæc retulisse hætenus atque adumbrasse satis sit; nostrum enim non est quæstiones philosophicas resolvere, sed innuere, quid sit phantasia, seu imaginatio, quomodo operetur, sive juxtà unum, sive juxtà alterum placitum Philosophorum. Ad nostrum potiùs institutum pertinere videntur effectus imaginationis, & ad tramites eorum, quæ in principio hujus Capituli dicta sunt, prima, quæ se offert disputatio, est, an phantasia, seu imaginatio operari possit in corpus alienum, quod non est ipsius imaginantis, sed, & ab ipso imaginante est separatum, atque remotum.

12 Avicenna 4. 6. *Naturalium cap.* 6. suadere contendit, posse animam humanam per fortem imaginationem vel intensum affectum, alienum corpus, & extra ipsam positum realiter transmutare, ita ut ex, gr. Socratis fortis imaginatio Platonis corpus sanum, quo voluerit, languore conficere aut contra ægrum ad sanitatem reducere possit; & eadè imaginationis intensæ virtute credit pluvias, grandines, nives, ventos, & reliqua naturæ opera e cælo posse deduci, aut cohiberi. Inter recentiores huic opinioni adhæsit Petrus Pomponatius Mantux natus anno 1462. & qui hic Bononiæ Philosophiam docuit. Paulus Jovius in *Elogiis cap.* 71. narrat contentiones inter eum, & celebrem Bononiensem Philosophum Achillinum; & Pomponatium Achillini victum argumentis, propositâ aliquâ facetiâ ab eis evadere consuevisse, sed ab Achillino in disputando fuisse su-

peratum: In coronis, confesseque Doctorum cum exercitatione peritulis ad Prætorium Porticum disputaretur, ita mirus evadebat, loquitur de Pomponatio, ut sape ancipiti, & cornuto Achillini embimemate circumventus, supersuso facetiarum sale, adversarii impetum ex illis gyris, & meandris explicatus eluderet &c. *Emulum* in corona veteratorie disputantem, & risum falsâ dicacitate sæpius excitantem ipso invictò doctrinæ robore superabat, loquitur de Achillino. Ad prædictæ opinionis præsidium advocant nonnullas experientias, sanguinis videlicet ex cadavere interfecti hominis profluentis, si occisor præsens fuerit, Vetularum pueros fascinantium, quas a forti imaginatione causam habere contendunt.

13 De hac sententia acre, sed iustum profertur a Theophilo Raynando iudicium; hæc enim habet tom. 13. pag. 178. = *Digna sunt scuticula, vel etiam furecula, quæ alii blaterones effecacia imaginationis attributa volunt, ut fascinare, vel sanare procul positos, res disjunctas loco movere, cære fulgura, & fulmina, imbresque de cælo devocare. Oportet profectò hos Philosophastro, quibus pepo pro corde fuit, nunquam agrotasse, vel quos caros haberent, nunquam seivisse consistari cum ægritudine; semper item abundasse thesauris, ac opibus, ad quæ inhiat mortalium aviditas. Potuerunt enim omnia illa, & quæcumque alia humana cupiditati optabilia, per imaginationem parere; & paulò post: Ut autem alieno corpori, præsertim abijuncto, imaginatio aliquid possit imprimere, vel ut in corpore proprio homo jam grandis natum insculpere possit aliquas notas, illudve præter naturam efficere interveni solius imaginationis, tam nugatorium est, ut ferri ab homine sano non possit. Retulisse, & consutasse memoratam sententiam.*

unum

Lib. IV. Pars Prima Cap. Ulimum. 465

unum, & idem prorsus esse videtur. Sed qui plura scire cuperet, quibus undequaque insubstiens memorata, convincitur opinio, legere poterit Ludovicum Mercatum tom. 1. lib. 2. class. 3. quæst. 168. art. 4. Thomam Fienum de Viribus Imaginationis quæst. 12. Martinum Del Rio Disquisit. Magic. lib. 1. quæst. 3. Medinam de recta in Deum Fide lib. 2. pag. 69. & pluribus sequentibus Marcellum Donatum de Medica Historia mirabili lib. 2. cap. 1. pag. 36. & sequentibus. In eo verò, quod attinet ad fluxum Sanguinis ex Cadavere interfecti redundantem, si occisor præfens sit, duo quærenda sunt, primò, an verum sit factum, & secundò, quatenus verum sit, an effectus ille sit ascribendus Phantasie, sive imaginationi. Donatus loco mox citato putat, factum esse fabulosum: Quod ad tertium exemplum propositum attinet, scilicet de fluxu sanguinis ex vulneribus cadaverum, possemus exempli veritatem negare, poeticeque tantum a nonnullis propositum, uti a Lucretio, & ab Homero, Subscribunt Paulus Zacchias Quæst. Medico-Legal. lib. 5. tit. 2. quæst. 8. & novissimè Pater Putignanus de redivo Sanguine Divi Samuælis part. 1. cap. 7. num. 4. cum, ut ait Zacchias, nec Aristoteles, nec Plutarchus, nec Seneca, nec ex recentioribus Fernellius, Fracastorius, Cardanus, Celsipinus, & alii qui quæstiones naturales pertractarunt, ullam de eo mentionem fecerint, concludens, e re Medicorum futurum esse, ut hoc assertum infirmetur, & evanescat, cum & ipsi Medici ex prædicto indicio suorum ægrorum occisores deprehensi, homicidii pœnas luere possent. Multi alii cordati Viri testantur, aliquando sanguinem manasse ex corpore occisi constituto coram occiso-

re, quorum testimonia habentur apud Gasparum a Reyes quæst. 33. idque referunt ad Divinæ & Justitiæ providentiam, quæ innocentis sanguinis vindex sceleris authorem non patitur impunitum manere: Petrus Gregorius Tolofanus lib. 6. cap. 20. Sintag. Bartholomæus Sybilla in Specul. peregrinar. quæst. cap. 8. decad. 3. Gaspar a Reyes cit. quæst. 33. num. 12. & sequ. Joannes Fragogius in sua Chirurgia part. 2. quæst. 75. Hieronymus Nimanus Orat. de Imaginatione. quæst. 7. ubi ait: In cadavere coram occisore sanguinem stillante, si a Divina Providentia recedamus, nulla sese manifesta offert occasio. Adhæret Thomas Fienus de Viribus Imaginationis quæst. 24. pag. 374. subdicens, posse hoc etiam ascribi aliquando Diabolo, ut innocentes vexet, aut nocentes in desperationem inducat: Quod sanguis interfecti in conspectu occisoris e corpore erumpat, non est naturale, ideoque non fit vi imaginationis, sed causa supernaturali est ascribendum, vel Deo, vel Angelis iniquitatem interfectoris detegentibus, & ulciscentibus, vel Diabolis aut innocentes falsò accusare, aut nocentes ad desperationem perducere conantibus. Nullum ergo ab eo factò, etiam si verum esset, argumentum defumi valet, ut probetur, imaginationem posse naturaliter vires suas exercere in corpus a se remotum, & separatum. Additur, sanguinem sæpe manare ex corpore mortuorum quamvis non occisorum post horas nonullas, & aliquando etiam post triduum, ex naribus videlicet, ex ore, ex oculis, ex auribus, uti patet in his, qui morte naturali obierunt, apoplexiâ videlicet, lethargo, phrenitide, aut suffocante aliquo morbo, vel maligno, & pestilentibus febribus affecti: ex quo bene colligi potest, quod, si e vulneribus, aut e

Nnn cada-

cadavere occisi aliquando coram occisore sanguis manavit, effectus hic adscribi potest causæ naturali, vaporibus videlicet sanguinis adhuc æstuantis; aut abundantæ Sanguinis aquosi, & ichorosi in venis contenti, qui in occiso per aliquod tempus inveniri potest, & massam sanguineam liquidiorē, & fluxioni aptam necessariō reddere; nullatenus obstantē, si dicatur, ichorosi sanguinis quantitatem, quæ in corpore occisi existerat, ex vulneribus fluxisse, ita ut, si sanguis post aliquot horas, vel dies de novo fluat coram occisore provenire hoc debeat ab alia causa, & sic a vi imaginationis; aliquo etenim sanguinis grumo vias intercludente, aut frigidis, & demortuis venis in se concidentibus, grumoque labente, aut dissoluto, vel corpore de novo moto, sanguis naturaliter cursum repetere potest, & paulatim exire juxta ea, quæ plenè habentur apud citatum. *Reyes quest. 33. num. 20. & sequentibus*. Et in eo, quodd spectat ad Vetulas, quæ pueros fascinant, id inter fabulas amandatur a Francisco Valletio de *Sacra Philosophia* cap. 68. Sanctus autem Thomas *part. 1. quest. 117. art. 3.* præpositâ quæstione, *Utrum homo per virtutem animæ possit corporalem materiam immutare*, eaque resolutâ asserendo, animam suâ virtute naturali non posse materiam corporalem immutare, nisi medianibus aliquibus corporibus; oppositoque sibi argumento, quod quidam habent oculos urentes, qui solo aspectu inficiunt alios, & maximè pueros respondet, quod ex fori imaginatione animæ immutantur spiritus corpori conjuncti, quæ quidem immutatio spirituum maximè fit in oculis, ad quos subtiliores spiritus perveniunt,

& quod oculi inficiunt aerem continuum usque ad determinatum spatium, quodque cum aliqua anima fuerit vehementer commota ad malitiam, uti contingit in Vetulis, eorum aspectus efficitur venenosus, & noxius, & maximè pueris, qui habent corpus tenerum, & de facili receptivum impressionis. Hæc Divus Thomas, qui etiam hoc asserit contra *Genes lib. 3. cap. 103. vers. Quod autem de fascinatione*. Alii per faciliorem viam procedendo respondent, trucem aspectum Vetularum deformi suo squallore, ac tetritudine posse infantulos perterrefacere, posse a timore humores concitari, ita ut morbi citiùs erumpant, ad quos tenellum corpusculum jam erat dispositum, ac præparatum, quemadmodum explicat Martinus del Rio *Disquisit. Magic. lib. 1. cap. 4. quest. 4. §. Trux aspectus*, subditque Levinus Lemnius *lib. 2. de Miraculis oculis naturæ cap. 30.* pueros rebus pulchris affici, ac rugosas, deformesque anus exhorrescere, & multa vitia contrahere ex accubitu cū illis. Tozzius in *Librum Artis Medicinalis Galeni, seu de recto usu sex rerum non naturalium tom. 5. Operum ad tit. de fascino, & incantatione* fusè ostendit, nullum in natura dari fascinum, quod visu, voce, laudatione, & simplici contactu inferri possit, cū corpora infici nequeant, aut ægritudines infigi visu, aut voce; effectus siquidem reales, quales sunt læsiones operationum, & affectiones morbosæ partium, non possunt sine alicujus corporis malè affecti contactu, aut contagione ex uno in alium transferri, idemque Tozzius meminit alterius fascini Dæmoniaci, quod videlicet Dæmonum opificio peragi potest, Deo

Lib. IV. Pars Prima Cap. Ultimum. 467

Deo tamen permittente, per magia-
steria, & venena naturalia, quibus
Dæmon utitur tamquam optimè o-
mnium rerum naturalium instructus,
applicando activa passivis. Cæteri
fascinationem, pro ut est infectio o-
culis illata, dividunt in vulgarem,
physicam, & supersticiosam, sive
Dæmoniacam. Vulgarem dicunt,
quæ ex vulgi facilitate proficiscitur,
putantis, homines fascinari visione
ipsâ, sive aspectu alicujus malevoli.
Physicam appellant, seu naturalem,
cùm anima alicujus vehementer af-
fecta corpus conjunctum immutat,
ita ut furor ascendat ad oculos, &
ex oculis aer proximus inficiatur, &
ex eo partes aeris contiguz, & sic
ad partem aeris proximam illi, qui
est inficiendus, virus perveniat, jux-
tà ea, quæ supra ex Divo Thoma
dicta sunt. Dæmoniacam tandem ap-
pellant fascinationem, quam Magi
ex pacto tacito, vel expresso cùm
Dæmone operantur; consueverunt e-
nim isti malefici cùm Dæmone pa-
cisci, ut quos livide, vel iracundè
aspexerint, iis Dæmon perniciem in-
ferat. Fusè Torreblanca lib. 2. de Ma-
gia operatrice cap. 37. qui etiam ad-
dit in physica fascinatione virulen-
tum quemdam halitum dari aerem
inficientem, aut certè tenellos pue-
ros inficientem, & potissimum, si
os vetulæ puerorum faciei nimium
admoveatur, & saliva eisdem asper-
gat: Unde Verhechienius tract. 1. cap.
24. de Saliva tom. 2. ait: *Constat si-
quidem, salivam vetularum infantibus
nocivam esse, immo ipsi malignam ali-
quam qualitatem nonnulli adscribunt. At,
quidquid sit de his, & quacum-
que ex relatis sequamur opinionem,
a fascino nunquam inferri poterit
argumentum, ut demonstretur, ima-*

ginationem, sive phantasiam vires
suas exercere posse in alienum cor-
pus separatam, atque remotum.

14 Excludi vi imaginationis quo
ad corpus alienum separatam, at-
que remotum, succedit, ut de ejus-
dem viribus videamus quo ad cor-
pus alienum, sed a Corpore imagi-
nantis nec remotum, nec separatam.
Porro de hac re loquendo non vi-
detur dubitandum de viribus imagi-
nationis; fœtus etenim sive homi-
num, sive bestiarum matris potissi-
mum imaginatione signatos passim
videmus, dum exeunt ab utero ma-
tris; habent enim & bruta suam
phantasiam, habent sensum, & ha-
bent nervos, qui ad ipsorum cere-
brum deferunt species objectorum
corporeorum, & licet ipsorum ima-
ginatio non sit uniformis ob diver-
sam cerebrorum organizationem, ali-
quibus brutis plures, aliis pauciores,
aliis paucissimas retinentibus species
corporum externorum omnia tamen
id habent commune cùm homine,
ut a Deo sensibus nervis, cerebro,
& sic phantasiam donata sint, & ali-
qua hominem superant in acumine
visus, in vivacitate auditus, in vi
odoratus, remanente nihilominus ma-
ximo inter homines, & bruta discrimi-
mine, quod non solum cerebrum
hominis magnitudine excedit eorum
cerebrum, etiam si loquamur de Bo-
ve, aut Elephante, idemque delica-
tius, ingeniosius, & perfectius con-
structum est, sed etiam colligit, &
retinet imaginum sensibilibus nume-
rum infinitè quodammodo exceden-
tem numerum earum, quarum ca-
pax est cerebrum brutorum; & quod
præcipuum est, solum hominis cere-
brum est amplissimum emporium co-
gitationum, imaginum, & idearum

468 De Serv. Dei Beatif. et Beat. Canoniz.

non sensibilem, non corporearum, sed spiritalium, & a materia exemptarum.

15 Sanctus Augustinus lib. 12. de Civitate Dei cap. 25. admittit, quod anima prægnantis valeat aliquibus foetum induere qualitatibus, allato exemplo virgarum variegatarum a Jacob congregatarum, ut pecora colore varia gignerentur; & lib. 18. cap. 5. postquam retulit Ægyptios Bovem coluisse, & deliciis affluentibus aluisse, narrat Bovi mortuo Vitulum coloris ejusdem, & iisdem maculis insignitum successisse, quod ipsi Divinitus sibi procuratum credebant licet magnum Dæmoni non fuisset, ad eos decipiendos, Bovis, seu Tauri imaginem Vaccæ concipienti, atque prægnanti objicere, unde libido matris attraheret, quod in ejus foetu corporaliter appareret; & quod inquit de Jacob, desumptum est ex Libro Genesis cap. 30. Proposuit Jacob conditionem hanc Socero suo Laban, ut mercedis loco acciperet e Grege, quem pasturus erat, partus omnes verficolores, & varios. Laban accepta libenter conditione separavit a Grege quidquid erat varium, & diversi coloris, tradens curæ filiorum suorum; unicolorem autem Gregem reliquit Jacob pascendum. Jacob autem hoc artificio usus est, ut e Grege unicolore sibi tradito verficolora nascerentur; nam virgas partim detracto cortice, partim integras, proindeque partim albas, partim virides, & subnigras ovibus potatum venientibus in canalibus proposuit, ut diversum virgarum colorem oculis haurientes, diversos itidem foetus conciperent, ac parerent, pro ut conceperunt, & pepererunt; bibentibus enim ovibus Jacobi, & maribus in scæmellas salien-

tibus species virgarum decorticatarum & variorum colorum in aquis jacentium mixta speciei reflexæ, five umbræ marium ineuntium unam quasi speciem verficolem scæmellis ingessit, quasi cernerent suos mares verficolores, eisdemque colores suo scæmæ, quem tunc concipiebant, imprefserunt.

16 Joannes de Mey Thibolot. Sac. cap. 28. fol. 71. inquit, probabile esse, naturalem fuisse prædictum effectum, cum intensissimus obtutus in aliquam rem cum vehementi ejus imaginatione in ipso ardore coeuntium, atque in articulo conceptionis valeat plurimum ad variè colorandum, & afficiendum conceptum ad similitudinem illius rei, quæ tunc visa, & cogitata fuerit; concluditque, artem, qua Jacob usus est, dici posse naturalem, & naturalem etiam effectum, qui consecutus est, sed Deum benedixisse artificio Jacob, ut prorsus ex voto succederet, quod susceperat, cum enim causa illa naturalis non sit adeo efficax, & necessaria, quin sæpe fallat, Deus peculiari suo concursu, ut benediceret Jacob, & eum ditaret, phantasiam ovium applicavit ad eam imaginationem, verficolem virgatum, & ita causas secundas movit, ut nihil in effectu producendo impediret, quominus omnia secundum Jacob procederent intentionem. Fundamentum habet hæc sententia in cap. 31. Genesis, ubi sic legitur: *Postquam enim conceptus ovium tempus advenerat, levavi oculos meos, & vidi in somnis ascendentes mares super fœminas varios, & maculosos, & diversorum colorum. Dixitque Angelus Dei ad me in somnis: Jacob? Et ego respondi: Adsum. Qui ait: Leva oculos tuos & vide universos masculos ascendentes su-*
per

Lib. IV. Pars Prima Cap. Ultimum. 469

per feminas, varios, maculosos, atque res-
perfos. Vidi enim omnia, quæ fecit tibi La-
ban. Ego sum Deus Bethel, ubi unxisti
lapidem, & votum novisti mihi: & præ-
dictæ sententiæ adhærent Sancti Cy-
rillus, Chrysostomus, & Theodore-
tus, alique apud Cornelium a Lapi-
de ad cap. 31. *Genesis*: & magno
Interpretum consensu affirmat Vollius
de Theolog. Gentil. lib. 3. cap. 23.

17 At omisso Jacobi facto, tot oc-
currunt tum in hominibus, tum in
brutis exempla foetuum, qui defor-
mitates, maculas, stigmata, & similia
contraxerunt vi imaginationis matris,
ut de facto, sive effectu absonum sit
dubitare. Scribit Marcus Damascenus,
in confiniis Pise in Loco quodam, qui
Petrasanctæ appellatur, Mulierem pe-
perisse Puellam silvestrem circumsc-
ptam pilis similibus pilis Camelorum;
idque ea de causâ evenisse tradit,
quod Mater in conceptu, Sancti Jo-
annis Baptiste Imaginem, quam in
thalamo pictam habebat, contempla-
ta fuit. Julius Cæsar Scaliger in *Libro*
*de Subtilitate adversus Cardanum exer-
cit.* 59. tradit, in nivosis Locis, uti
Norvegia, Scythia, Allobrogum, Al-
pibus, Aquilas, Accipitres, Urso-
s, Lepores, Mures, Perdices, Pavones
albos reperiri multos, cujus rei cau-
sam refert non solum in nutrimen-
tum, sed etiam quod solus nivium
aspectus colorem hujus speciei afferat
Matris phantasie in conceptu. Infi-
nita, ut ita dicam, consimilia extant
exempla apud Medinam lib. 2. de re-
sta in Deum Fide pag. 70. apud Tor-
reblancam lib. 2. de Magia cap. 33. in
Appendice apud Fortunium Licetum
de Monstris lib. 2. cap. 28. apud To-
zium in *Medicina parte priore tom. 1.*
tit. de monstruosis, & maculosis Fœtibus,
ubi inter cætera ex *Assis Anglicis anni*

1667. narrat, scæminam sexto mense
gravidam ex aspectu Simie in Thea-
tro veltitz, monstrum edidisse præ-
dictum figurâ Simie, apud Theophi-
lum Raynaudum tom. 17. in *Centu-
ria Historiarum* §. 33. pag. 611. apud
Majolum in *Diebus Canicularibus, seu*
*Colloquiis Physicis tom. 1. pag. 55. Edi-
tionis Maguntina*, apud Fraiken in *sua*
Philosophia tom. 3. pag. 192. Romane
Editionis anni 1726. apud Marcellum
Donatum de *Medica Historia mirabili*
lib. 2. cap. 1. apud Gasparum a Re-
jes *quest. 45. num. 16.* & pluribus se-
quentibus, apud Thomam Fienum de
Viribus Imaginationis quest. 14. apud
Stalpartium in 1. part. *centuria poste-
rioris observationum pag. 489.* & sequen-
tibus, apud Schenckium *Observat.*
Medic. lib. 4. tit. de Gravidis, & a-
pud Joannem Melchiorum Verdries
in *Traçtatu de æquilibrio mentis, & cor-
poris pag. 166.* & sequentibus, & pag.
175. & pluribus aliis sequentibus *Edi-
tionis Giesæ, & Francosuni.* Præ cæ-
teris autem celebre est illud relatum
a Mallebranche in *suo Traçtatu de*
inquirenda veritate lib. 2. cap. 7. cujus
ipse fortè fuit Tellis oculatus; nar-
rat enim, quod ante septem, aut
octo annos Parisiis in Noloscomio In-
curabiliu Juvenis erat ab ortu men-
te captus, & omnibus fractus mem-
bris, quibus Rei frangi solent, quod
per viginti annos in eo statu vixit,
& quod Regina Galliarum invisens
Noloscomium curiositate ducta est
illum videndi, & ejus brachia, &
crura, ubi erant contracta, contre-
ctandi, & causam tanti infortunii
fuisse dicit, quod Mater cum reum
quempiam crurifragio plectendum
accepisset, & esset grvida, voluit
esse tellis oculata prædicti suppli-
cii.

470 *De Serv. Dei Beatif. et Beat. Canoniz.*

18 Certa sunt hæc omnia ; sed undequaque incertum , & dubium est velle explicare , quomodo matris imaginatio possit ea , & similia in. fœtu efficere . Emilius Parisanus docuit materiam realem necessariò dari debere , quæ contractis in fœtu notis causam exhibeat , & illam non aliam esse , quàm vaporosam substantiam a concupitis ut plurimum rebus elevatam , quæ per olfactus organum obrepens , & unà cùm speciebus rei concupitæ movens adjunctam appetitricem , & cùm spiritibus , & sanguine ad jecur perveniens , & ab eo explosa tamquam ad usum suum non conducent in uterum detruditur . Id autem a ceteris reprobatum tamquam omnino fictitium . Alia habentur apud Vallesium *de Sacra Philosophia* . cap. 11. & Gasparum a Rejes *quest.* 30. num. 32. apud Gassendum *lib. 1. de Generatione Animalium* cap. 6. apud Honoratum Fabri *lib. 5. de Appetitu sensitivo* *proposit.* 49. num. 5. Verheyen- nius *de Imaginatione Gravida tract.* 5. cap. 14. pag. 354. id explicare conatur , docens , quod occasione imaginatio- nis aliquid a gravida ad fœtum transmittitur , spiritus videlicet , qui sunt propria imaginationis instrumenta , quique a matris cerebro , per spina- lem medullam , ac nervos ad ute- rum , traducti , inde ad fœtum trans- migrant vel per nervos aliquos , venam umbilicalem , vel inter vasa um- bilicalia , & membranam illa obvol- ventem : absque eo quod a causa stigmatum , & signorum sanguinem excludat , & alios maternos humores vel nimis celeriter motos , vel nimis tardè , vel non debite nutrien- tes , aut quoquo modo agentes , uti colligitur ex sequentibus verbis : *Ob rationes supra dictas puto , magnam par-*

tium mutationem contingere non posse ul- timis mensibus , nempe cùm membra ut- rumque formata sunt , atque perfecta , & naturalis motus spirituum , & humo- rum fortior est , adeoque non ita facile mutabilis . Mallebranche *loc. cit.* post relatum juvenis casum ab ortu men- te capti , & omnibus fracti membris , quibus rei solent frangi , causam sic exponit : quod singuli videlicet ictus , quibus exceptus est miser ille , ad cujus supplicium videndum mater gravida accesserat , matris imagina- tione , & repercussu quodam cere- brum tenerum , delicatumque ipsius Infantis affecerunt , quod fibræ cere- bri matris fuerunt utique commotæ , & forsan in quibusdam locis fractæ cursu violento spirituum ad rei adeo terribilis conspectum agitatorum , sed quod in istis fibris factis fuit solidita- tis , ut ipsarum ordo , & compages penitus non destrueretur , & quod vice versâ fibræ cerebri Infantis non valentes resistere rapido cursui spiri- tum adeo detritæ sunt , ut ejusdem Infantis ingenium per totam vitam fuerit labefactum , ipseque natus sit insipiens : & hinc transeundo ad explicandum , quomodo Infans con- fractus sit iisdem corporis partibus , quibus reus , quem mater ultima- patientem conspexit , subdit , quod ad supplicii conspectum spiritus ani- males matris rapidè confluxerunt ad eas corporis partes respondentes par- tibus , quibus reus plectebatur , & quod hoc ipsum contigit in Infante , sed quod ossa matris valuerunt resi- stere impetui spirituum , & sic il- læsa manserunt , sed quod e contra cursus ille rapidus spirituum partes corporis Infantis molles , & teneras dirupit , cùm ossa ultima sint inter corporis partes , quæ conformantur ,

& in

Lib. IV. Pars Prima Cap. Ultimum. 471

& in Infante, dum est in utero Matris, parum absque dubio habeant soliditatis. Verdries in suo *Commentario de aequilibrio mentis, & corporis* adstruit quamdam arcanam harmoniam, & conjuratam affinitatem inter corpus matris, & corpus foetus; vult, utrumque iisdem prorsus sensationibus affici, ita ut sensus vehementiores, qui uni ex partibus sic mutuò devinctis accidunt, in alteram redundant, eademque omnino pathemata, quæ in mente matris occasione motuum corporis excitantur, in foetu quoque similitum motuum occasione excitentur: & quia videt, adhuc superesse explicandum, in quo consistat illa motuum corporum, & sensationum in matre, & foetu harmonia, multa apud ipsum legenda subdit; concluditque, harmoniam in æquali, aut proportionata tensione, tono, habilitate ad motus partium solidarum, & æquabili mixtione, temperie, mobilitate, & motu fluidarum matris, & foetus constituit, & ex harmonia sic explicata infert, foetum affici iisdem sensationibus, quibus mater afficitur, licet solidiori partium matris texturâ, atque tensione impulsus repellatur, qui in embrionis partibus eò magis suam exerit efficaciam, quò magis illæ sunt teneræ, & molles. Affert exemplum harmoniæ inter corpora æque tensa sympathica, quorum utrinque partes motu communi moventur per fluidum æqualiter se expandens, & eas partes utrinque pervadens, cùm enim unum e corporibus percutitur, movetur; & alterum; chordis citharæ ad unisonum intensus, si altera pulsetur, altera statim eundem sonum æqualiter acutum, & gravem edit; sci-

pique vitrei aquæ infusæ ad consonantiam rediguntur. Hæc verò reculisse satis sit, nullo prolato de his sistematibus iudicio, cùm pro re, de qua nunc agitur, sufficiat, quod ex matris imaginatione signa, notæ, morbi, & alia pleraque in foetum deriventur, quidquid sit de modo, quo id fiat: quærimus enim tantùm, an imaginatio operetur in corpus, quod non est imaginantis, sed alterius, & illi conjunctum. Quapropter de aliis modò quærere opus est, an scilicet imaginatio vires suas exercere possit in corpus proprium ipsius imaginantis, an in eo morbos causare possit, & an in instanti valeat a prædictis morbis liberare.

19. Tantam vim, & efficaciam nonnulli phantasæ, & imaginationi in proprium imaginantis corpus præstiterunt, ut aliqui Juris consulti non dubitaverint judicare, filium natum ex Muliere nobili esse legitimum, quamvis absente Marito natum, utpote conceptum prævia, vel accedente vehementi imaginatione concubitus Uxoris cum Marito, ut videri potest apud Thomam Bartholinum de *Luce Hominum, & Brutorum* pag. 396. Editionis anni 1669. = *Mulierem sine congressu virili, sola imaginationis vi peperisse, annis superioribus in Gallia promulgatum est: frustra renitentibus Medicis, & acriter conquerentibus filiis verè legitimis, utpote natis, dum Pater habitabat cum Matre, nullaque habita ratione responsi Scevolæ, & Ulpiani in L. 6. ff. De his, qui sui, vel alieni Juris sunt, ubi sic legitur: Si constet, Marium aliquantulum cum Uxore non concubuisse, infirmitate interveniente, vel alia causa, hunc, qui in domo natus est, licet, vicinis scientibus, filium non esse. Hæc eadem historia iterum refer-*

472 *De Serv. Dei Beatif. et Beat. Canoniz.*

fertur, sed reprobatur ab eodem Thoma Bartholino in alio Opere de *Paralyticis novi Testamenti* pag. 43. quem admodum etiam reprobatur, & irridetur tamquam fabulosa narratio illa, de qua Rhodiginus lib. 14. *antiquarum Lctionum* cap. 1. Platonis videlicet nati a Pareſtonia Matre Apollinis oppreſſa phantaſmate. Franciſcus Petrarca lib. 2. de *Vita ſolitaria* cap. 11. loquens de Stigmatibus Sancti Franciſci, de quibus alibi a nobis ſermo fiet, ea vocat ſtupendum inſigne Sacrorum Stigmatum; ſed lib. 8. *Epistol. ſemil. in tertia*, quæ eſt ad Thomam de Garbo Medicum Florentinum, eam impreſſionem adſcribit imaginationi, vel, ut ipſe loquitur, opinioni: *Profeſſor Franciſci Stigmata hinc principium habuerit, Chriſti mortem tam juſti, & valida meditatione complexi, ut cum eam in ſe jam dudum animo tranſtulſſet, & erui affixus ipſe ſibi ſuo cum Domino videretur, tandem ab animo in corpus veram rei effigiem pia tranſferret opinio.* Adhæſit Pomponatius lib. de *Incantatione* cap. 6. ad octavum, ubi inquit, Stigmata Sancti Franciſci poſſe ad vim naturalem imaginationis revocari, & ita eſſe affirmandum, niſi Eccleſia aliud ſtatuat. At id tamquam erroneum fuſe convincitur a Fortunio Liceto de quarto quaſitis per *Epistolam* cap. 29. & a Theophilo Raynau-do de *Stigmatismo Sacro, & profano* tom. 13. pag. 126. Frater Bartholomæus de Pilis Ordinis Minorum anno 1385. aureum Librum conſcripſit de *conformitate Vita Beati Franciſci ad Vitam Domini Noſtri Jeſu Chriſti, & in prolog.* 2. pag. 3. a tergo, hæc habet: *Quod hujusmodi prodigium, videlicet impreſſio Sacrorum Stigmatum, Divinâ ſolùm Poſſentid ſit peractum, non naturâ, nec arte, ſeu quavis aliâ forte imaginatione &c,*

*patet, ſi forma Stigmatum in manibus, & pedibus Sancti facta cogitetur, nam in manibus, & pedibus ejus ſunt facti Clavi ſive de nervis, ſive de carne, qui quidem Clavi deſuper erant quo ad capita ſolidi, groſſi, & obuſi, erant longi, & extra manus, & pedes protendebantur, & recurvabantur, intra quorum recurvationem actualem ipſorum, digitus manus immitti valebat, ſicut dieit Dominus Frater Bonaventura Episcopuſ Albanenſis Sanctæ Eccleſiæ Romani Cardinalis in 3. part. *Legenda majoris*, ſe habuiſſe ab illis, qui hoc viderunt, & palpaverunt, & ſe eſſe juramento firmaverunt. Modò dato, quod natura, vel imaginatio haberet vim aperiendi carnem, facere tamen Clavos de nervis, ſive de carne ſic duros, & tali formâ diſpoſitos, adjunctâ arte, quacumque, facere nullatenus poſſet. Patet etiam hoc idem, ſi conſideretur materia, de qua tales Clavi ſunt facti &c. cum materia pedum, & manuum, & præcipue in loco, ubi fuerunt Stigmata impreſſa, ſit tota nervoſa, & durior, quam in aliis partibus corporis &c. Similiter de vulnere laterali in tali forma, & loco tali præſatis de cauſis fieri non poſuit vi natura, nec imaginationis, nec virtute natura tanto tempore imputribile poſuiſſet conſervari, ſicut fuit in ipſo Patre, quia per biennium &c. Vehement imaginatio Paſſionis Jeſu ſi haberet Stigmata naturaliter imprimere, hoc præ omnibus in Beata fuiſſet Maria Matre ipſius Domini Redemptoris, & in ejus corpore, quæ præ cunctis Chriſtum amavit, & de ejus Paſſione condolevit.*

20 Verùm, ut, omiſſis ſictitiis, & falſis imaginationis, & phantaſiæ effectibus, veri, & notiſſimi afferantur ejusdem imaginationis, & phantaſiæ effectus, notiſſimus ille eſt noctambulorum. Noctambulos appellamus eos, qui relicto lecto, ſomnoque gravi oppreſſi

Lib. IV. Pars Prima Cap. Ultimum. 473

pressi ambulant, ac perreptant culmina, & domorum tabulata, huc illucque discurrunt, & perficiunt dormitantes, quæ vigiles aggredi non audent, & prællare nequirent, qui, si non interpellentur, nec revocentur ab incepto, sensim, ac sine sensu se denuo in lectum referunt, nec quid egerint expergefacti cognoscunt, sed tantum se ipsa somniasse putant. Innumera, & stupenda ab Historicis, & Medicis proferuntur exempla, de quibus apud Edonem Nehulium *lib. 2. Fatid. Sat. cap. 2.* Motus hi, & hæc agitationes referuntur a Medicis in sanguinem turgidum, & spumantem ac ætiosum, tervidumque spiritum, qui ad imaginativam delatus eam agitat, atque ad hujusmodi motus, & effectus impellit, & concitat. Somni tempore sola phantasia operatur: & hinc fit, ut ipsa ad obsectorum, vel fugiendorum, vel prosequendorum, vel exprimendorum representationem spiritus animales transfundat vel ad facultatem motricem, ut eam moveant, vel ad linguam, & ad alia formandæ vocis instrumenta, ut res exprimant imaginatas. Pater Crivellus in *suis eruditiss. Physicis Elementis part. 2. lib. 6. sect. 1. cap. 1.* sic rem explicat: inquit enim, quod spiritus postquam vias eas ingressi sunt, quæ ad cerebrum, sive ad imaginationem hominis dormientis ducunt, ob facilitatem, quam inveniunt in nervis, qui motui corporis inserviunt, quoddam excitant motus, & eos præcipue, ad quos homo promptior est; & hinc derivari, quod noctambuli licet dormientes surgunt e lectisterinio, fenestras aperiunt, deambulant, & alia similia peragunt. Addit Lemnius de *occultis natura Miraculis lib. 2. cap. 5.* quod intantum noctambuli in-

offensè, nulloque corporis incommodo ea peragunt, nec labuntur, aut in præceps aguntur, in quantum sensim, ac nullo metu, nullaque trepidatione, aut discriminis cognitione supra dicta aggrediuntur. Affert exempla ebriorum, & mente captorum, qui inconsultè, & magnâ temeritate, atque audaciâ pericula quæque aggredi non metuunt, quibus si postmodum, aut ubi mente constare cœperint, in memoriam revoces quid egerint, & quanta discrimina subierint, omnia prorsus excidisse sibi ingenue fatentur, & toto corpore perhorrescunt, cum ab aliis referri audiunt, quibus se periculis objecerint. Schenckius in *suis Observationibus Medic. lib. 1. tit. de Noctambulis* post plura relata concludit, effectus prædictos esse referendos ad imaginationem unâ cum spirituum tenuitate, & subtilitate. Exstat quoque Horstii integra tractatio de *Noctambulis*, quam unusquisque consulere poterit, necnon Martinum Del Rio, *Disquisit. Magicar. lib. 3. cap. 3. quest. 39.* & Rejes *quest. 37. num. 48. & sequ.*

21 Alii succedunt effectus, & præsertim morborum, & sanitatum: Matta in *suo Tractatu de Canonizatione Sanctorum part. 3. cap. 19. num. 14. & sequentibus* docet, ex imaginatione plures morbos ortum habuisse, & multos ægrôtantes ab imaginatione sanitatem recepisse. Sanctus Thomas *quest. 6. de Miraculis art. 3.* propositâ questione, *Utrum creatura spirituales sua naturali virtute possint Miracula facere*, & ipsâ negativè resolutâ, cum sibi septimo loco opposuisset argumentum, quod aliqui aliquando ex sola imaginatione calorem, aut frigus contrahunt, necnon febrem, & aliquando lepram, ref-

ooo pon-

474 *De Serv. Dei Beatif. et Beat. Canoniz.*

pondet, quod ex imaginatione provenit passio, per quam aliquo modo variatur motus cordis, ac spirituum, ex quibus vel retractis ad cor, vel diffusis in membra sequitur aliqua alteratio in corpore, quæ etiam potest esse infirmitatis causa, & præcipue si sit materia disposita. Alia legi possunt apud Rejes *quæst.* 11. *num.* 5. & pluribus sequi. apud Joann. Gerson. *tom.* 1. *ultima editionis Operum ipsius pag.* 214. Thomas Fienus in *allegato Tractatu de Viribus Imaginationis quæst.* 10. quærit, an imaginatio in proprio imaginantis corpore morbos creare possit: & licet respondeat, per nudum, & simplicem actum imaginationis non posse ullum morbum induci, sic ut nuda imaginatio per se sit illius causa, cum tamen admittat, phantasiam, sive imaginationem per accedens morbos causare, & curare posse, movendo scilicet humores, & spiritus, aliis non contradicit asserentibus, morbos vi imaginationis produci posse in corpore imaginantis, cum præsens controversia non sita sit in modo, sed in substantia, an videlicet morbi per vim imaginationis inferri possint in corpus imaginantis, sive id fiat mediata ab imaginatione, sive immediate. Quod si in creandis morbis in corpore imaginantis magna vis est imaginationis, de eadem dubitari non potest etiam in iis curandis: unde inquit Vallesius *de Sacra Philosophia cap.* 3. *pag.* 87. = Ipsa imaginatio per animi motus morbos tollit, aut saltem minuit Concordat Marcellus Donatus *de Medica Historia mirabili lib.* 2. *cap.* 1. *pag.* 33. a tergo, ubi hæc habet: Tanta imaginatricis facultatis vis est, ut multi ex ægritudine, cum se sanos sanos firmiter imaginarentur, convalescerent, quod multis com-

probat exemplis, quorum etiam nonnulla narrantur in *Discursibus* Michaelis de Montanea ex Gallico in Italianum idioma translatis *pag.* 65. *Editionis Veneta anni* 1633. & latissime in *Tatologia Demoniacæ* Joannis Gasparis Westfalii *tit. de Imaginat. virib.* *pag.* 40. Thomas Bartholinus in *citato Tractatu de Paralyticis novi Testamenti pag.* 42. ita scribit: Acriter de imaginatione inter alios disceptatur, an morbos curare valeat. Non dubitarim, conferre plurimum, movendo, & excitando spiritus sopitos, & calorem, quandoquidem exemplorum Ilias nobis id persuaserit &c. Quid querimus ultra? Phantasia plerique morbi curantur, qui ope medicamentorum ab indoctis exhibiturum creduntur arti cessasse. Honoratus Faber *lib.* 5. *de hom. appet. sensu. proposit.* 49. *num.* 3. *pag.* 438. docet, per vehementem agitationem ab imaginatione productam morbosos humores resolvi, excuti, & dissipari posse, & sequitur. Pater Regnault. *tom.* 2. *Dialogorum Physicorum pag.* 217. Adhæret Tozzius *Operum tom.* 5. *ad tit. de Viribus imaginationis*, ubi ait, plurimos ex forti imaginatione, qua se male habere arbitrati sunt, in pessimas ægritudines incidisse, & alios contra a gravibus ægritudinibus evasisse per manuscriptas chartulas, per signacula, quibus filii tam potenter suæ imaginationi illorum efficaciam impresse, ut se inde sanandos crediderint, & re ipsa sanati sunt. Demum Verdries in *allegato Tractatu de æquilíbrio mentis, & corporis pag.* 152. sic concludit: Fidia cum virunda imaginatione ad amissa sanitatis restitutionem sola sæpe tantum contribuit, quantum omnia reliqua instrumenta ad salutem reducendam necessaria, & a Domino Murtatorio in loco *infra allegando* asseritur etiam,

etiam, vi imaginationis aliquos morbos in instanti curari posse.

22 Post explicata puncta spectantia ad vires imaginationis, & phantasiæ quo ad alienum, & quo ad corpus proprium imaginantis, remanet, ut videamus de ejus viribus in ordine ad Miracula, sive ad miraculosas sanationes: ut enim in superioribus dictum est, in examine Miraculorum sæpe contingit, ut quæzatur, an sanatio supernaturaliter contigerit, vel naturaliter, ope videlicet imaginationis, vel phantasiæ.

23 Juxta ea, quæ alibi visa sunt, Arauxo in suis Decisionibus tract. 3. quasi. 23. §. 5. num. 83. & sequentibus, postquam admisit triplicem gradum Miraculorum, quæ classica appellat, alia quædam prodigiosa enunciat, quæ hominum vulgus Miracula vocat, & ad hanc classem revocat sanationem infirmorum simul cum apparitione Personæ, quæ ab infirmis invocatur, vel quæ sequitur per tactum, & apprehensionem Imaginis, aut Vestimentorum prædictæ Personæ. De his autem Arauxo hæc habet: Sed neque ex his potest sumi efficax Sanctitatis eximia talis Persona argumentum. Sic ostendo &c. Hac miranda opera possunt distinguui in tres partes, quarum unam damus imaginationi hominum, qui affectu erga eam Personam vehementer desiderant ejus Miracula videre, & quod affectu cupiunt, facili in somnium, aut in imaginationem eorumdem transit; nam, ut cecinit Poeta, qui amant, ipsi sibi somnia fingunt; in qua enim virvida passio eorum inclinatur, & acris imaginatione revolunt, putant, se videre, & audire, quæ tamen nec vident, nec audiunt &c. Et cum dimidium facti, qui caput, habeat, Daemon videns dimidium suæ deceptionis ab indoctis hominibus etsi devotionis prætextu

falsitatum, alacer occurrit, & importune se ingerit, & sicut aeris turbatis phantasmatis suggerit pro revelatione id, ad quod passio inclinat, ita suadet pro Miraculo id, quod ager somnia, aut id, quod vehementi affectu desiderat, aut etiam quod natura, & medicina suis terminis, ac diebus decretoriis operatur. Quare alteram partem horum Miraculorum damus Demoni, & tertiam Deo, qui in premium Fidei, Spei, & fiducia supplicantium, aut ex eorumdem impetratione interdum illis, qui se alicui existimato Sancti totâ devotione committunt, beneficia Sanitatis, aut alterius negotii felicem exitum confert. Joannes Maria Lancisias in Causa sæpe memorata tunc Servi Dei, nunc Beati Joannis Francisci Regis in suo Suffragio pro veritate exarato super secundo asserto Miraculo, quod a Pollularioribus proponebatur, & quod non fuit admissum, restituti celeriter usus pollicis dexterae manus ejusdem Monialis, ita scripsit: Sed ne hæc hypothesis, in qua probare conabar, sanationem non fuisse Miraculo adscribendam, nudis, ac fallacibus conjecturis proferre, tuerique videar, humiliter Sanctitatem Vestram exoro, partem aliquam mirarum suarum cogitationum referre velit primum in morbi ab initio levitatem, deinde in dubiam quoque existentiam levissimi morbi, qui immediatè sanationem præcessit, postmodum in ejusdem cessationem, quæ a fortis Monialis imaginatione non egre oriri potuit, hæc enim omnia faciunt, ut in ancipiti sit Miraculi fides &c. Denique quod malum superstes in affectu divito aut ex leviculo morbo, aut ex desidia subortum per solam deinde fortem animi aquationem cessare subitò potuerit, satis superque tum ratione, tum experientia ostenditur. Et quidem ratio primum aperte suffragatur; nam ea vis animæ, quæ per imaginationem in nobis operatur, agit in cerebro, &

476 *De Serv. Dei Beatif. et Beat. Canoniz.*

*sibi ministros adhibet spiritus, quos explicat, exagitat, & urget quaque versum, sed in effecta potissimum membra vehementissimum extrudit, atque desiguit. Facile propterea obvia impedimenta submovere, languidas vires erigere, motusque partibus, quos eadem prius moliri nequibant, donare potest: quamobrem non raro ut a sola imaginatione nervi, verique morbi procreantur, sic aliquando antiqui curari solent &c. Sed nimis essem in re aliquin satis perspicua, si vellem hic plures observationes congerere illorum, qui per solam imaginationis vim, vel a simplici dolore, vel a contractione vindicati fuerunt &c. Ceterum facilius isthac in mulieribus, quam in Viris coningere possunt, ut pose qua suis in seditibus turpes maculas, altas fissuras imaginando imprimere solent, & aperire. Sadeant alii censuram ab Hippocrate latam in Virgines, qua ubi egrotant, sola interdum opinione liberantur. At Medici caveant, ne ipsi prima rerum species imponat, & tribuant Miraculo, quod natura sanavit, & delictum nimium, sibi que plus aquo in malis innulgentis muliebri ingenium. Demum Dominus Muratorius in sua *Philosophia Morali* cap. 6. monet, non esse statim pronunciandum pro Miraculo, quando aliqua sanitas in instanti contingit, cum sola phantasia fortiter commota a desiderio, & spe recuperandi sanitatem, concipiens uti præsens supernaturale auxilium Dei, qui omnia potest, & intercessionem aliqujus probi Servi ipsius, naturaliter apta sit ad transmittendos aliquâ vi per nervos, glandulas, & poros corporis spiritus animales stagno aliquo humorum, & obstructionis impeditos, qui superato omni obstaculo circum fluidis restituant, & sic iterum nervi, & muscoli ante pigri effecti, aut in totum carentes vivaci, & admodum*

necessario spirituum ipsorum influxu ad suas redeant functiones. Addit, id potissimum accidere in morbis febrinarum; seque notitiam certam habere asserit cujusdam Fœminæ, quæ vehementi febris oppressa, & a Medicis derelicta, dum mortem expectabat, cum vidit quadam nocte ignem parietes vicinæ domus invadentem, sola surrexit, seque in tutum locum recepit, & non multò post fuit a suis morbis liberata; cautoque subdit Medicos esse, qui aliquando præscribunt nonnulla remedia, quæ ipsi sciunt morbum curare non posse, sed quæ propinant, ut videant, an agri phantasia concipiens magna cum fiducia remediorum efficaciam morbum superare possit per magnam commotionem spirituum animalium.

24 Ut ab hisce scopulis evadant, nonnulli sufficere posse, putant, si dicant concludenter, non inferri ex aliquorum sanatione vi imaginationis ad sanationem aliorum, sed potius valere hanc argumentationem: *Imaginatio non sanavit centum hominum egrotantium millia: ergo nec sanavit eum, de quo nunc agitur.* Sed cum, dum res est de Miraculis approbandis, & quaeritur, an sanatio supernaturaliter, vel naturaliter acciderit, pro regula jam statutum sit, non esse Miraculo adscribendum quidquid per naturæ vires potuit obtineri, maturius, & diligentius quaestio hæc pertractanda videtur, ut dignoscatur, quid vi imaginationis, & quid causæ super naturalis tribuendum sit; ut enim bene subdit Honoratus Faber loc. cit. = *Licet vis imaginationis mirificos effectus præstet, non est tamen, quod aliqui ut parum pii, ita physicarum rerum imperiti aliquos effectus eidem tribuant, quos extrinsecus accidere perspicuum est per Mi-*

ra-

raculum. Et si aliter res procederet, diligentissima utique cessaret indago, quam Sancta semper adhibuit Sedes in examine Miraculorum, quæ proponuntur in Causis Beatificationis, & Canonizationis, de qua alibi a nobis sermo habitus est, & de qua liceat hic inferere narrationem bonæ memoriæ Patris Daubenton arcto nobis amicitie vinculo conjuncti, dum Romæ morabatur, & Postulator erat Causæ Sancti Joannis Francisci Regis, hæc enim habet lib. 6. in Vita dicti Beati ab ipso conscripta = Is (loquitur de nobili Anglo Hæretico) quidam e Romana Curia Proceribus, quos Prælatos vulgò vocant, veteri amicitia cum illo junctus, legenda ipsi præbuit Acta, in quibus complura Miracula idoneis fulta probationibus erant scripta. Legit Hæreticus attentè, nec sine voluptate mox libellum amico reddens egregiam sanè inquit, ac planè certam probandi Miracula rationem. Si omnium, quæ ab Ecclesia Romana prædicantur, veritas tam certis, tam authenticis nixa fundamentis esset, nihil causa diceremus, quin iis omnibus assentiremur, eoque pacto effugeretis ludibria, & jocos, quibus vestra illa, quæ venditis, Miracula carvillamur. Atqui scito, respondit Prælatus, ex istis, quæ tibi tam probè videntur fundata, Miraculis nullum a Sacra Rituum Congregatione approbatum fuisse, quoniam non satis probata sunt visa. Calvinianus inexpectato responso attonitus fateri non dubitavit, neminem nisi perversâ, & cecâ præventum opinione posse prudentiam, & equitatem Romanæ Sedis in Sanctis Calistum numero adscribendis desiderare, nec sibi unquam venisse in mentem suspicari tantam cautionem, & diligentiam ab ea, in examinandis eorum Miraculis adhiberi potuisse.

25 Hinc ad examen propositi du-

bii descendendo, primò dicendum esse videtur, morbos quosdam ab imaginatione causatos viribus contrariæ imaginationis naturaliter tolli posse.

Thomas a Vega in *Comment. in Artem Medicam Galeni* cap. 84. refert, quemdam Causone detentum, & delirantem obnixè postulasse sibi concedi natationem in Stagno illo (monstrabat autem pavementum) ajebat enim, se cerò scire ex ea natatione se convalesciturum, quod cum a Medico concessum fuisset, & ipse per aliquod tempus summa cum jucunditate supra pavementum illud se voluisset ajens modò aquam sibi accedere ad genua, modò ad inguina, modò ad guttur, hilari tandem facie gestiens se sanum pronunciavit, & febre liberatus est. Alexander Trallianus lib. 2. cap. 17. refert, mulierem, quæ se Serpentem devorasse arbitrabatur, exhibito medicamento vomitorio, clamque reposito inter rejecta per vomitum serpente, ab illa imaginatione liberatam fuisse. De alio quoque legitur, qui se in corpore septem passerulos habere imaginabatur, Medico per nares se extracturum simulante, & passerulum, quem in vestis manica absconderat, monstrante, sanatum fuisse, imaginatione scilicet falsâ per contrariam sublatâ; & alia similia fusè habentur apud Marcellum Donatum de *Medica Historia mirabili* lib. 2. cap. 1.

26 Secundò dicendum esse videtur, ab imaginatione sæpe purgationes, & vomitus causari posse, ex quibus æger sanitatem consequatur. De viribus imaginationis hac in re non videtur esse dubitandum; passim enim videmus nonnullos ad imaginariam nauseam proclives, si ejus recordentur, aut ab aliis memora-

478 *De Serv. Dei Beatif. et Beat. Canoniz.*

tam audiant, vomitum, aut alvi fluxum pati. Legi possunt Bartholinus *centur. 5. biffor. 34.* Manger *Biulior. Med. pract. tom. 2. pag. 1067.* & nonnulla alia habentur in *Miscell. Nat. Cur. Germ. annorum 1676. & 1677. observ. 146. & 228.* ad quam eandem classem pertinent, quæ habentur apud Michaelen de Montanea, in *Opere aliâ citato*, hoc est in *Discursibus moralibus*, nonnullos videlicet vito, sed non sumpto medicamento alvi fluxum habuisse, quem Medicus ex hausto medicamento sperabat. Subscribit Schottus in *Physica curiosa pars. 1. lib. 3. pag. 463.* ubi narrat, se oculis propriis juvenem vidisse magna febris oppressum, & immediate liberatum emissio sudore quem satis trochiscus discursus in eo excitaverat.

27 Tertiò dicendum esse videtur, posse vim naturalem imaginationis eo usque se extendere, ut impetum dolorum, qui corpus afficiunt, ad tempus reprimere valeat. Huc referri potest, quod a Sancto Augustino narratur, Presbyterum videlicet nomine Restitutum, qui ubi collibuisse (rogabatur autem frequenter, ut faceret) sese abducebat a sensibus, & jacens demortui hominis ostendebat speciem, ut non solum vellicantes, atque pungentes minimè sentiret, sed etiam si igne ureretur admo, sine ullo doloris sensu, nisi postmodum ex vulnere, perseveraret. De hoc factò alibi a nobis sermo habitus est, ipsoque utitur Medina de *risa in Deum Fide lib. 2. pag. 69. a. tergo*, ut naturalem vim imaginationis adstruat in corpus proprium imaginantis. Apud Pechlinum *observ. 29. lib. 3. de cantu vi in animum, & corpus*, legitur mitiora intervalla in perpetuo, & uno podagræ paroxysmo

fuisse podagræ conciliata, non medicinis, aut lenimentis, sed musicâ harmoniâ, quod ad vim imaginationis pertinere docet Verdries de *equilibrio mentis, & corporis pag. 134.*

28 Quartò dicendum esse videtur, posse imaginationem in gravibus etiam morbis sanitati prodelle, non momento tamen, sed paulatim obviendæ. Sennertus *loc. cit.* inquit, imaginationem aliquos animi affectus inducere, per quos humores, & spiritus moventur, qui moti plurimum faciunt ad morbum vincendum, & debellandum; additque, confidentiam ægri erga Medicum, vel medicamentum generare lætitiâ, a lætitiâ excitari calores, & spiritus, & hinc fieri, ut cibi rectius concoquantur, humores vitiosi purgentur, & tandem morbus expugnetur. De Alfonso Rege Aragoniæ sapientiæ, & eruditionis laude florentissimo scribit Antonius Panormita hæc, quæ sequuntur: *Ægrotabat Rex Capua, & multis multa pro suo quisque ingenio, ac studio oblectamenta, ac munera languenti deferentibus, ego quoque sed accersitus e Gazeta adproperavi, mea quoque fomenta mecum deferent, sed longè alia, libellos nimirum meos, quos putabam illi quam maxime placituros. In illis Quintum quoque bonis avibus Curtium, quem ut vidi commodum exhibui, volentique prælegi. Ille res gestas Alexandri a disertiſſimo Viro perscriptas eâ hilaritate, eâ aviditate, eâ denique felicitate capiti audire, ut, quod Medici obstupescerent, eodem ipso die, quo lætitionem eram exorsus, adversâ omni valetudine levatus, ac pene confirmatus evaseris. Itaque, post habitis mediis aliis, lætiones geminari præcepit, Librosque absolute, a periculo, morboque Rex omnino liber surrexit. Frequenti deinde joco Medici extipiens, hæp-*

pacratem se, & Galenum dimittere, sed Curium suum sospitorem & amare, & laudare dixit. Notanda sunt verba Authoris levatus &c. pene confirmatus &c. Libro absoluto &c. quæ valetudinem, non momento, sed temporis beneficio obtentam demonstrant; & in iisdem terminis procedit Militis exemplum Berolini secutum anno 1720. relatum apud Authores Collect. VVratilavien. tentam. 25. anno 1723. trimestri astivo pag. 110. = Accidit, ut anno 1720. gravissimo morbo decumberet Berolini stipendia militaria merer. De quia iactura adeo securi erant Socii Milites, ut jam vestimenta, & suppellectilem sibi fecerint propria, agro nil de se, nec de suis rebus conficio. Decumberat quadraginta circiter passibus a loco illo, quo die duodecima Augusti ingens illa pulveris pyrii copia accensa omne Berolinum luctu implevit. Fragore illo ingenti expergefactus noster, veluti e somno profundo redit ad se, surgit e lecto, & intra paucos dies pristina restituitur sanitati. Dubio procul a fragore hoc insolito sicuti contremuit amplissima Urbs, ita & in tremulor, eosque criticos motus actum torpidum jam, & a vi morbi tantum non suppressum fibrarum nervosarum systema.

29 Dicendum tandem esse videtur, fortè posse aliquando morbos momento sanari vi imaginationis, sed sanitatem non durare, sed recidivam, aut methastasis sequi. Zacchias *Quest. Medico-Legal. lib. 4. tit. 1. quest. 3. num. 10.* hæc habet: Vidi ego plures egrotantes aliquo morbo molestatos ad presentiam vel adventum, vel tactum aliquis Religiosi, in quo maximam haberent fiduciam, vel etiam aliquarum Reliquiarum etiam ipsorum Sanctorum (nam neque per hoc Deus quodcumque nobis libet, & semper Miracula operatur) sese a morbo re-

collegisse, ac melius habuisse, mox ex eodem morbo deterius molestatos fuisse, & aliquando etiam perisse, nimirum quia ex contracta fiducia imaginantur, se iis mediis sanari posse, unde natura bond spe ducta morbo insultat, mox autem invalescente morbo succumbit; & rursus quæst. 8. num. 10. = Aliqui interdum ex multa fide, & ex vehementi imaginatione a morbis sanantur. At quia hæc causa insufficientis est, neque potest omnino morbosam causam abigere, ideoque sæpius morbus reveritur. Subscribit Medina de recta in Deum Fide lib. 2. cap. 70. & subscribit tamquam Tellis de visu: Vidi ego Salmantica Tueri cuiusdam tactu qui gratiam sanitatis, ut viveant, habere credebat, & vulgo plures gravissimis morbis levatos, quamvis, posteaquam imaginatio quiescisset, morbi redidant. Hec omnia facile admitti possunt, nec ullum ex his præjudicium sanationibus, quæ uti miraculose approbantur, inferri valet, cum alibi jam dictum probatumque sit, sanationem inter Miracula non recenser, nisi morbus fuerit gravis, & curatu difficilis, vel impossibilis, nisi fuerit in statu, aut in augmento, nisi exclusa fuerint medicamenta, aut inutilia adhibita, nisi sanatio fuerit subita, & instantanea, nisi fuerit perfecta, non manca, aut concisa, item quod nulla præcesserit evacuatio, aut crisis, & quod, sublato morbo, recidiva in eundem, aut methastasis in alium non contingerit: quapropter verus difficultatis cardo in eo situs est, ut videatur, an tanta sit vis imaginationis, ut ei adscribi valeat sanatio omnibus illis qualitatibus induta, quibus affici debere diximus sanationem, ut inter Miracula recenseatur.

30 Sanctus Thomas 3. part. *quest. 13. art. 3.* ita scribit de viribus imagin-

480 *De Serv. Dei Beatif. et Beat. Canoniz.*

ginationis: Dicendum, quod imaginationi, si fuerit fortis, naturaliter obedit corpus quantum ad aliqua &c. Similiter etiam quantum ad alterationem, quæ est secundum calorem, & frigus, & alia consequentia, eo quod ex imaginatione consequenter nata sunt consequi anima passiones, secundum quas movetur cor, & sic per commotionem spirituum totum corpus alteratur. Alia verò dispositiones corporales, quæ non habent naturalem ordinem ad imaginationem non transmutantur ab imaginatione, quantumcumque sit fortis, puta figura manus, vel pedis, vel aliquid simile. In Causa Beati Joannis de Prado Martyris cum uti Fidei Promotor evicerim, quod ultra Martyrium, & causam Martyrii quærendum etiam esset de Signis, & Miraculis, & inter cætera, quæ approbanda proponebantur, Miracula proponeretur illud subito sanationis undequaque perfectæ ab artitudine fixa cum immobilitate, seu dolorifica convulsione omnium artuum, & sic ab impotentia ad motum universi corporis, quæ octo mensium spatio perduraverat, nec ullo remedio vinci poterat, oretenus insinuavi dubitari posse an hæc sanatio adscribenda esset Miraculo, vel potius vehementi spei, & imaginationi obtinendæ sanitatis intercessione tunc Servi Dei, nunc Beati Joannis de Prado, ad cujus intercessionem summâ animi pietate, & fiduciâ xger recursum habuerat. Nonnulli Medici scriptis suum sensum expofuerant, & Miraculum approbandum censuerant, sed de vi imaginationis sermonem non fecerant, cum oppositio a me fuisset, uti dictum est, oretenus excitata. Sanctæ memoriæ Clemens Papa XI. eâ eximiam diligentiam in hisce Causis examinandis præditus, quam alibi retu-

limus, jussit, ut sæpe memoratus Joannes Maria Lancisius Suffragium, non ad Causæ opportunitatem, sed pro veritate scriptis exponeret, & difficultati ex imaginatione desumptæ satisfaceret. Juxta morem mandatis morem gessit, gravitatem, & qualitatem morbi ponderavit, necnon subitanæam, & perfectam sanationem, cum exclusione crisis, & recidivæ, & unâ cum aliis Medicis sensit, sanationem fuisse miraculosam; & eadem tamquam miraculosa approbata fuit a Sacrorum Rituum Congregatione, cujus Decretum fuit etiam a sanctæ memoriæ Clemente XI. confirmatum die 17. Martii 1712. & in eo, quod attinet ad vires imaginationis, ita locutus est: *Dubitatur, num desiderium recuperandæ salutis in eodem Canobita eam imaginationis vim exercuerit, per quam naturali, non autem supernaturali virtute a morbo fuerit liberatus. At enimverò, ut constat, an a sola imaginatione salus repente nostro agro reddere potuerit, videndum prius est, Beatissime Pater, quomodo, & quibus viribus phantasia operetur in nobis. Agit quidem imaginatio excitando celeriter ideam rei, quam ipsa anima aut vult, sperat, & concupiscit, aut horret, despicit, & fugit. Qualecumque autem sit objectum, ad quod phantasia dirigitur, & cujus idolum in cerebro effingit, non aliâ naturaliter ratione operatur, nec alio instrumento utitur, quàm spiritibus, quos novo motu ciet, ut nervos varie contendant, aut laxet. Quidquid igitur in motum, spirituum, ac nervorum subito dimoveri, atque in novum statum, eumque natura consonum restitui potest, erit plus minus sub potestate nostra imaginationis. Atque cum inter morbos spasmodica quadam affectiones hypochondriorum, vel uteri, aut simpliciter, & sine vitio organo-*

rum

Lib. IV. Pars Prima Cap. Ultimum. 481

rum erotica potissimum passiones a spirituum, nervorumque abnormi motu plerumque dependant, ideo fit, ut quemadmodum a fortis saepe nascuntur imaginatione, ita ab eadem in contrarium fluxa facili cedant, atque fugentur. Sed ubi morbus non oritur a simplici spirituum motu, sed a corpore alicubi infixo, exsiccato, atque immobili, tunc quidem nuda imaginatio nihil operatur. Unde oritur, ut nullus eger ab organicis malis, aut cuius membro haeret succus densus, compactusque, quantacumque imaginativus vi unquam liberetur. Diuturnum vero malum, quo Frater Gabriel torquebatur, non pendebat a solo spirituum motu, nec ortum habuerat ab imaginatione; verum ab insaritu, atque adhaesione illius humoris, qui longam prius febrem produxerat; ac postea ad musculos, tendines, & articulos decubuerat, quibus locis synoviam quoque, hoc est gluten articularum per octimestre spatium contemnerat & novam semper sanationi resistentiam ponere debuit. Et quamvis exempla non desint eorum, qui interdum per vehementem imaginationis contensionem a doloribus sensum abstraxerint, veluti de Cardano celeberrimo Medicina Scriptore legimus, cui studiorum intensio podagra molestiam leniebat. Verum nunquam (nisi levissima, & summo opere mobilis causa fuerit) morbus ipse dolorem excitans solo imaginatione curatus est. Itaque Cardano non podagra studii cedebat, sed symptoma, nempe dolor suspendebatur, nam illi contemplationem remittenti doloris acerbitas redibat; nec antea planè desinebat affectio, nisi consueta podagrica periodo completa, atque absoluta.

31 Hanc doctrinam explicando videtur dici posse, morbos nonnullos a spiritibus, nonnullos ab aliis fluidis, denique alios a solidis originem habere. Quo ad morbos primi generis etiamli admittatur, eos

vi imaginationis fibras moventis momento expelli posse, morbi hi, utpote leves, Miraculi subiectum esse non possunt. Quo ad morbos secundi generis aut vitium est in qualitate, aut in quantitate fluidorum: si vitium est in qualitate, non potest imaginatio vi sua naturali momento, & in instanti pellere morbum, si verò vitium sit in quantitate, & morbus non sit levis, sed gravis, non videtur quod alio modo imaginatio possit eum tollere momento, nisi excitata crisi; & quatenus non excitata crisi momento tolleretur, morbus reveretur: in quo rerum statu cessat semper ratio Miraculi. Quo ad morbos denique tertii generis imaginatio neque instantaneè, nec per aliquod tempus, quantumvis moveat spiritus, & fibras, morbum expellere valet, nisi vitium solidorum a fluidis derivaretur, in quo rerum themate idem dicendum esset de tertio genere morborum, quod dictum est de secundo; & cum his, quæ modò dicta sunt, concordant cætera, quæ a nobis dicta fuerunt, dum tractabatur de miraculosis sanationibus tum in genere, tum in specie.

32 Dices, alibi a nobis relatas fuisse historias sanationis morborum non primi tantum, sed secundi, & tertii generis, quæ momento acciderunt vi fortis imaginationis, mutuum videlicet, & lurdorum, qui loquelam, & auditum illico receperunt, claudorum, qui sani facti sunt, & impotentium ad ambulandum, qui motum momento recuperarunt. At in primis respondetur, nos ea miranda retulisse, quæ alii scripserunt, nec ullius fidem ad ea credenda obstrinxisse: & quatenus ab aliis scripta,

482 *De Serv. Dei Beatif. et Beat. Canoniz.*

pta, & in nostrum hoc Opus inserta credibilia, & etiam vera alicui videantur, credentem enixè rogamus, ut animadvertat, ea exempla procedere in hypothesi magnæ iræ, magni timoris, mortis certò imminētis, & non in hypothesi fiduciæ tantum sanatis ab xgro alicujus intercessione obtinendæ, & nemo est, qui ignoret, majorem esse efficaciam iræ, & timoris mortis certò imminētis, quàm fiduciæ, gaudii, & spei boni obtinendi, cum qua fiducia, gaudio, & spe aliquis semper timor carenti te desideratâ conjunctus esse solet, effervescentiam spei, & fiduciæ temperans, & moderans. Oravit David 2. *Regum* 12. pro salute Filii, & dixit: *quis scit, si forte donet eum nobis Dominus.* In *Epistola Catholica*. Beati Jacobi Apostoli legitur: *Postulet autem in fide nihil basitans; qui enim basitat, similis est fluctui maris, qui a vento movetur, & circumfertur: sed hinc non excluditur, quod orantes formidate non possint, vel etiam dubitare, non de Deo, sed de se, aut de convenientia rei, quam postulant, uti benè explicat Suarez de Religione tom. 2. lib. 1. cap. 24. per totum.* In eo, qui irâ exardescit, asperum, acrem, audacem, minacem vultum, frontem tristem, labra trementia, venas tumentes, oculos nunc trepidos, & exilientes, nunc in uno obtutu defixos, & hærentes, capillos erectos, sonum articulorum se ipsos torquentium, gemitus, mugitus, sermonem parùm explanatis vocibus præruptum, incerta verba, subitas exclamationes videmus, & audimus; & ex ira multos non solum in graves morbos incidisse, sed repente multos periisse, testantur Valerius Maximus lib. 7. cap. 2. Plinius lib. 7.

cap. 32. & 57. cum aliis apud Reges *quest. 79. num. 24. & 25.* Similia occurrunt in his, qui magno, & præsertim imminētis mortis terrore perculsi sunt; & quamvis repentino gaudio, aut immodicâ lætitiâ ob bonum obtentum, vel quod obtentum putarunt, nonnullos mortuos fuisse deprehendamus, Sofoclem videlicet, Dionysium Tyrannum, binas mulieres apud Plinium lib. 7. cap. 53. Livium *Histor. lib. 22.* ceterosque relatos apud Verdries de *aquilario mentis*, & *corporis pag. 113.* difficile tamen erit exemplum reperire alicujus, qui apprehendens sanitatem sibi alicujus intercessione obtinendam, sperans, & gaudens de bono, quod non obtinuit, sed sperat se obtenturum, eas in corpore patiarur motiones, quas pati vidimus iratos, & imminētis mortis terrore correptos, quæ omnia profectò suadent, ab iratis, & dicto timore correptis non valere argumentum ad eos, qui in ægitudine constituti vehementer sanitatem desiderant, & se eam consecuturos sperant aut vi alicujus naturalis remediî, aut intercessione alicujus Servi Dei, vel Sancti, de qua tantum re agimus in præsentî. Utque res fiat clarior exemplo, ex Fabricio narrat Sennertus *Operum tom. 4. in Tractatu de Artbritide quest. 10.* de quodam malefico podagrico, qui cum duceretur ad supplicium capite plêctendus in medio itinere nuntium insperatum recepit de venia Principis sibi clementer concessa, quique licet usque tunc omnium membrorum usu caruisset, alacri, & expedito motu se in pedes dedit, annosque postea multos liber ab omni artbritidis molestia vixit; cumque porò nemo futurus sit, qui sibi suade-

re possit, podagricum prædictum eodem modo sanitatem consequi valuisse, si nuntium allatum fuisset, quod Minister aliquis Principi acceptissimus pro ejus venia intercedebat, sed quod adhuc ignorabatur, an Princeps esset intercessionis obsecundaturus, ex hoc plenè demonstratur, vehementiorem in nobis esse motionem, quæ causam habet a gaudio, eâ, quæ causam habet a spe boni obtinendi, quæ timori mixta sit, & formidini de re petita non obtinenda. Rejes cit. *quest. 79. num. 20.* ait, repentinas alterationes humorum etiam compactorum, & crassorum, & eorum motus ab animi effectibus causari, sed præ omnibus animi passionibus metum, & iram id promptius efficere. Joannes Guillelmus Albrecht in suo physico *Traſſatu de Effectibus Musſer*, ubi de *Tatbematum* vi §. 201. & 202. explicat gaudii de bono obtento efficaciam, & ait, magno sanitatis emolumento ob illud fibras motrices æquali tono sanguinem per vasa libera promovere, & hæc fieri fatetur etiam in spe, & desiderio, sed remissius.

33 Et quamvis replicari possit, nihil prohibere, quin vis imaginationis, & desiderii boni obtinendi naturaliter pervenire possit ad eum motionis gradum, ad quem vidimus iram, & timorem aliquando pervenisse, prætermisso tamen, non ita facile credendum esse, quod contingere debeat, quod nunquam scimus contigisse, quamvis non una, sed plures, & infinitæ se obtulerint occasiones, & admissâ possibili æqualitate, inter motiones iræ, & timoris, & motiones fiduciæ, & spei, adhuc indagandum superest, cujus generis fuerint morbi, a quibus nonnulli mo-

mento liberati dicuntur ob iram, vel timorem, an secundi scilicet, aut tertii generis; de hoc enim Relatores non curarunt, sed tantùm ex. gr. dixerunt, Paralyticos fuisse ob iram, vel timorem a paralyſi liberatos, absque eo quod solliciti fuerint de exquirendo paralyſis genere, indagandum est, an sanatio in instanti successerit, in instanti videlicet rigoroso ut plurimum enim audimus dici momento liberatos nonnullos, qui liberationem obtinuerunt a morbo paulatim, sed tempore, quod est brevis tempore, quo sanatio naturaliter contingere consuevit, indagandum est, an in citatis exemplis crisis abfuerit, de qua circumstantia altum silentium est apud referentes. De his omnibus strictè inquiritur, cum examini supponuntur sanationes ad Miraculum referendæ: cumquæ hæc omiſſa fuerint ab his, qui narrarunt exempla naturalium sanationum, unusquisque facile cognoscere poterit, ea exempla nostræ assumptioni non obitare.

34 Posset aliquis asserere, distinguendum esse inter imaginationem, ex qua fiducia consequitur obtinendi sanitatem per aliquod naturale remedium, & imaginationem, ex qua proveniat fiducia sanitatem consequendi intercessione alicujus Servi Dei, vel Beati; idemque asserere posset, quod excitata in primo casu crisi sanatio momento secuta sit naturalis, secus autem in secundo: ex quo videlicet crisis intercessione Servi Dei, vel Beati immiſſa sit a Deo utente prædicto medio naturali in sanitate ei instantaneè concedenda, qui recursum habuit ad Dei Servum, vel Beatum, cujus Sanctitatem mediâ illâ sanatione vult manifestare. Verùm, ut alibi sæpe dictum est, aliud est, quod Mi-

484 *De Serv. Dei Beatif. et Beat. Canoniz.*

raculum in se, & coram Deo tale sit, aliud est, quod Miraculum in se tale possit approbari ab Ecclesia, quæ judicat de externis: adeoque libenter admittimus, quod sanationem miraculosam Deus eo modo efficere possit, & aliquando effecerit; sed eam dicimus regulariter non posse uti talem approbari ab Ecclesia, quæ judicium ferens de externis, & videns crism, & causam ejus ignorans, aut judicium suspendit, aut fert pro natura judicium. Ex quibus proinde omnibus concluditur, quod, datâ totâ vi, quæ dari potest, imaginationi, admissâque ejus efficacîâ in his, in quibus admitti potest, nec ea operari potest Miracula, nec ea, quæ tamquam Miracula approbantur, possunt adscribi ejus vi, & efficaciz, uti bene innuit Bordon. *de Miraculis me-*

dit. 3. *quæst.* 15. cum non approbentur ab Ecclesia, nisi hæ accedant conditiones, de quibus supra actum est, & quarum integer concursus est extra vires imaginationis; & demum sanationes memoratis omnibus conditionibus præditas, & sic inter Miracula recensitas Deo agenti supra vires naturæ esse adscribendas, & evidenter credibilem efficere Sanctitatem ejus, cujus post mortem intercessione facta sunt, cum Miracula, quæ fiunt ad confirmandam Fidem, vel ad alicujus indicandam Sanctitatem, Fidem, & Sanctitatem reddant, non evidenter veram, sed tantum evidenter credibilem, uti late ostendunt Cardinalis de Lugo *de Fide disput.* 2. *num.* 22. Comptonus *in suo Cursu Theologico tom.* 2. *disput.* 7. *sect.* 6.



j

APPENDIX

AD PRIMAM PARTEM

LIBRI QUARTI

DISSERTATIO

ACADEMICORUM INSTITUTI BONONIENSIS

DE LONGIS JEJUNIIS



De longa omnis cibi, potusque abstinentia propositæ nobis sunt quæstiones dux. Altera quidem, an ea possit, solis naturæ viribus, in plures non solum dies, sed etiam menses, atque annos produci. Altera vero an nonnullorum, qui & id fieri posse affirmant, & quomodo possit, declarare conantur, nominatim vero Fortunii Liceti, Gasparis a Reies, & Pauli Zacchiz opiniones firmæ stabilisque mansuræ sint, si a Veterum doctrinis, unde ab Auctoribus suis depromptæ fuerunt, ad Recentium Medicorum dogmata transferantur.

I. QUOD ad primam attinet, commune Philosophorum præceptum est, duas præcipue vias esse, quibus an aliquid esse possit, cognoscamus. Prima (a) cum illud aut esse jam, aut extitisse, ostenditur. Altera (b) cum ratio & modus, quo idem effici possit, demonstra-

tur. Illa, quidem, experientia, & observatione absolvitur; hæc autem altius se extollens ad rerum origines conjectura fere tota continetur. Ex quo intelligere licet, (1) excellentiorem quidem hanc esse, & Philosopho magis dignam; sed illam vicissim tanto expeditiorem, alteraque tutiorem, quanto effectuum, contemplatione abstrusior est, magisque incerta causarum investigatio. Optimum autem est utramque, si fieri potest, conjungere, sic tamen, ut (2) antequam res quemadmodum fieri possit, scrutari aggrediamur, in eam an vere aliquando extiterit inquiramus.

II. Hanc igitur & nos in proposita quæstione rationem sequemur nihil veriti eorum reprehensiones, quibus supervacuum videri possit post traditas a probatissimis Auctoribus, & jam paucis ignotas longarum incediarum historias etiamnum querere, an extiterint homines, qui diu vitam sine alimento transegerint. Quamquam enim ejusmodi exempla & lon-

(a) Wolf. *Ontolog. prop.* 170.

(b) *Idem ibid. prop.* 155.

ge plurima sunt, & plurimorum auctoritate confirmata, (3) inventi tamen sunt alii neque pauci, neque mediocri eruditionis doctrinæque Viri, qui si minus omnia, at certe multa ex iis exemplis, eaque illustriora non modo sibi suspecta, sed omnino falsa, & conficta esse, pronunciarunt. Cujus rei cum exilliment satis firma se habere argumenta, non possumus ea, sine aliqua saltem animadversione, præterire, ne forte culpemur, quod non bene perpenſe rei tractationem suscipiamus.

III. Principio igitur, ut quæ certa sunt ab incertis, & dubiis fecernamus, illud constat, certum aliquem terminum definiri non posse, ultra quem sani homines, & bene valentes jejunium non ferant. Incredibile enim varietatem afferunt (4) corporis temperies, (5) ætas, (6) regio, (7) anni tempus, &, ut alia mittamus, maximum illud ad gravissimam quæque toleranda præsidium (8) consuetudo. Diutius tamen, quam vulgo creditur, & a multis traditum est, homo inediam sustinet. Id universim de animantibus prodidit (9) Reditus experimentis edoctus, quibus comperit, nonnulla eorum, & quidem (10) ex calidioribus, quæ minime omnium tolerandæ fami videntur idonea, ultra diem trigessimum sine cibo servari potuisse. De homine autem verissime (c) Plinius scripsit, ei non utique in septimo die lethalem inediam esse. Quod vero addit, durasse etiam plerisque ultra undecimum, id quoque (11) recentibus exemplis confirmatum est. Longiora vero iis contigisse jejunia, compertum est, (12) quos neque labor, (13) neque æstus,

(14) neque vigilæ, (15) neque sitis exercuerint. Hinc nonnullos (16) è speluncis & creptis, in quibus solam aquam ad potandum naſti delituerant, vivos adhuc (17) post vigesimam quartam diem eductos fuisse, legimus.

IV. Constat igitur, sanos homines, ultra quam vulgus existimat, famis patientes esse. Sed multo diutius eam ferunt, (18) qui adversa valetudine conflantur. Ex omnibus autem morbis minus incommodum esse jejunium iis consuevit, qui frigidi vocantur. Inter hos præcipuum locum eo nomine (19) pituitosis & melancholicis assignare licet, quo ex genere sunt multæ earum ægritudinum, (20) quæ cerebrum, & nervos infestant. Hinc (21) infanientes plerisque, inedia longius producta, minime lædi, pervulgatum est. Similiter (22) qui sopore, (23) aut sensuum hebetudine, (24) aut paralyſi detinentur, præsertim vero (25) si gulæ, aut ventriculi nervi resolvantur, item quibus nervorum distentio est, ii diu jejunium sustinent. Omnium vero diutissime (26) mulieres ex utero laborantes. Non sic tamen frigidorum morborum proprium est abstinentiam trahere, quin aliqui etiam ex calidorum genere interdum id faciant. Sic multos per acutas febres, toto morbi decursu, jejunasse, novimus; alios etiam postquam convalescerint, nonnullis quoque (27) febre identidem recurrente, abstinentia in longius tempus protrahita est. Sæpe autem (28) plures simul morbi concurrunt, quorum complexu nova quædam, inusitata, & plane admirabilis ægritudinis species exsurgit, quæ quo magis
a con-

a consuetis naturæ legibus aliena est, eo magis ad sustinendum extraordinarium illud vitæ genus, quod secum ferunt continuatæ inediæ, videtur accommodata. Cum autem de implicatis ejusmodi morbis agitur, difficile est de ipsorum duratione judicium ferre. Attamen longi esse fere plerumque consueverunt. Hinc cogitare licet, si forte ciborum fastidium, & abstinencia partem ægritudinis faciant, hæc ipsa fore non brevia.

V. Quamdiu autem durare possint, nemo definiverit. Rerum enim quæ extra ordinem fiunt, nulla certa præceptio est. Ad plures dies durare jejunium posse, nemo in controversiam vocat: plerique ad menses, concedunt: ad annos vero, illud nempe est, quod non pauci omnino negant. Adversus quos si ratione pugnemus, rationes & ipsi opponunt, quæ si minus validiores quam nostræ, at certe non infirmiores videantur; sin autem historiis, & factis, omnem iis fidem partim conjecturis, partim testimonio, partim exemplis, partim etiam rationibus de trahere conabuntur.

VI. Id vero non difficile illis erit apud multos obtinere. Agitur enim de rebus, quæ portentose cum sint, hoc ipso communem hominum fidem superant; quæ maximam partem remotæ sunt a præsentī memoria; quarum narrationes, pleræque saltē, non ita diligenter, & accurate sunt traditæ, quemadmodum tanta earum admirabilitas postulasset; aliquæ autem ita etiam negligenter, ut (29) neque de genere alimentorum, a quo jejunantes illi abstinerint, neque de iis quæ e corpore emitterent, distincta mentio sit facta. Accedit quod

hujusmodi jejuniis subesse poterant innumeræ fraudes sive ad quæstum, (30) sive ad pietatem simulandam, sive etiam (31) ad ostentationem quandam, & vanitatem instructæ. De quibus ut adhuc vehementius suspicemur, faciunt nempe similia longarum inediarum exempla, quibus non credulæ, & imperitæ multitudines, sed gravibus & doctis Viris, Medicis imprimis solertissimis, ipsis quoque (32) Principibus Viris, & (33) Magistratibus egregie impositum fuisse, accepimus. Nota sunt, inter cætera, Augustanæ illius (34) Annæ Lamenitiæ, Barbaræ Unnenfis, & Moersiensis puellæ Evæ Flegenæ ementita jejunia. Cujus postremæ fraudes atque fallacias dum totos triginta annos latere potuisse, legimus, atque in errorem trahere cum infinitos alios, tum vero Guilhelmum Fabricium Hildanum Medicum expertissimum, & Conr. Feldhusium, apud quem puella in duodecimam diem custodita, & diligenter observata ferebatur, satis intelligimus, & quasi tacite admonemur, (35) non esse quibuscumque ejusmodi narrationibus fidem adhibendam.

VII. At vero quemadmodum non omnibus id genus historiis fidere prudentis judicii est, ita injusti esset omnes continuo repudiare, quod aliquæ inventæ sint falsæ narrantes: Nihil enim reperire esset tam verum, quod eandem ob causam tanquam commentitium & falsum negare non liceret. Multæ sunt autem abstinentium historiæ, quibus & omnia favent, quæ fidem narrationi faciant, & nihil adversatur, quod demat. Primum enim sunt a Viris fide dignissimis conscriptæ, quorum pars magna rerum narratarum spectatores

fuerunt. Conscriptæ deinde ea diligentia, quæ nihil desiderari patiatur (36) sive ad cibum & potum, sive ad utriusque sumendi rationem pertinens; sive ad ea quæ e corpore prodire conspecta sunt; sive ad facultates quasque, functionesque, atque earum exercitia, ne ipsa quidem (37) morum propensionumque animi notatione prætermissa. Præterea testes producuntur, quos nemo aut propter levitatem contemnat, aut propter malitiam repudiet. Principum, Magistratuum, procerum fides interponitur. Clari, & nobiles Medici, Optimates, (38) Matrones, inducuntur (39) aut privato studio, (40) aut publica auctoritate quæ gesta sunt observantes. Additur quoque (41) de rei veritate dubitatum esse; (42) custodes positos ad observandum; (43) dies noctesque id factum esse; (44) omnia summa cautione acta. Tandem concluditur, nihil doli, post adhibitas diligentissimas inquisitiones, deprehensum fuisse.

VIII. Atque hæc quidem extrinsecus petita sunt. Magnam tamen factis de quibus agitur, fidem conciliant. Sunt vero & alia quædam in rebus ipsis posita quibus illæ credibiliores efficiantur. Nam longa ista & extraordinaria jejunia, quod paulo ante indicavimus, plerumque (45) morbi quidam fuerunt inulitati, & novi; aut initium habuerunt a morbis. (46) Magnæ his & extraordinariæ causæ. (47) Ortus, progressio, affectus, universi corporis dispositiones, cætera demum tum adjuncta, tum consequentia, omnia causis ipsis, & sibi mutuo consentanea. Accedit, plura ex his in diversis hominibus, & in longe distitis regionibus accidisse similiter. Multa demum

in istis jejunantibus observata sunt, quæ aut non simulari, aut simulata, facile detegi, præsertim a peritis & callidis, & dolum suspicantibus potuissent. Horum alia inedia non fictæ argumenta sunt, alia saltem non ficti morbi. Ad primum genus pertinent (48) deglutitio difficilis, aut omnino impedita; (49) vomitus; angustia, & deliquia, ubi aliquid in os ingereretur; (50) eorum, quæ e corpore emitti solent, cessatio; languor quoque, & marcor corporis universi; (51) ventris contractio; (52) cutis ariditas, pustulæ, sceditates. Ad alterum vero genus spectant horrores; febres (53); nervorum tum resolutio, (54) tum distentiones; item quæ ad mentem & sensus pertinent, quanquam simulationi magis obnoxia; (55) desipientiæ; (56) propensio in somnum, aut sopor gravis; (57) stupor, habetudo; visus, (58) vocis, & loquelæ amissio, aut impedimentum; & his similia.

IX. Has igitur notas quæ historix præferunt, nihil causæ apparet, cur ex non sint habendæ credibiles. Multo minus ut inter fabulas & commenta rejiciantur, valebunt (59) argumenta quævis; aut quævis conjectura, quam, ut plerumque fit, non difficile sit in oppositas partes trahere; (60) aut quodvis indicium & testimonium; (61) aut suspicio, etiam si non omnino inanis, modo ea suspicionis fines non excedat; aut obscurus aliquis rumor inter vulgus pervagatus.

X. Ac de jejniis quidem per adversam valetudinem diu protractis dictum est. Superest, ut illud etiam queramus, an ex historiis pariter constet, sanis hominibus concessum esse æque longum tempus, ac de ægrotantibus demonstratum est, vitam sine

sine cibo & potu ducere. Paucis rem expediamus. Si eas tantummodo historias, quemadmodum æquum est, recipiamus, quæ tantam præ se probabilitatis speciem ferant, quanta in huiusmodi rebus requiritur, nullam fortasse inveniemus, quæ luculenter ostendat, quemquam extitisse, qui vel sine ullius morbi interventu jejunare ceperit, vel in jejuniis permanferit integre, perfecteque valens. Namque initium huius inediis fere est a ciborum saltem fastidio; plerumque etiam incidere solent ventriculi dolores, anxietates, vomitus, & deglutitio impedita. Hæc vero, ut cætera in corpore bene habeant, vel singula, genus morbi quoddam faciunt; In jejunii autem progressu etsi aliqui in speciem sani fuisse dicuntur, id tamen pro illo vitæ statu intelligendum videtur. Atque ideo cum homines isti & bene colorati, & habitu satis pleno, & viribus adhuc valentes, & convenienti ad consueta munia alacritate fuisse narrantur, credibile est, omnia hæc non sine quadam comparatione dici; unde hoc tantummodo significetur, eos non ita extenuato corpore, aut ita infirmos, aut segnes hebetesque fuisse, uti extraordinaria illa vivendi ratio ferre videbatur: cæterum enim non illis id robor, eam facultatem, promptitudinem, atque constantiam fuisse, quibus & perferre, & obire omnia potuissent; quæcumque sani & valentes homines, pro sui quique corporis habitudine, & constitutione possunt.

XI. Hactenus per observationes, & facta demonstrare conati sumus,

(d) Boerh. *Instit. Med.* n. 436. & 456. *Frid. Hoffm. M. R. S. T.* 1. P. & cap. 2. n. 3. 4. *Fauton. dissert.* III. p. m. 44. 45. & alii innuunt.

extitisse nonnullos, qui diuturnam inediam sustinuerint. Nunc quando in eiusmodi inediarum narrationibus tantam inesse verisimilitudinem ostendimus, quanta in rerum quæ rarissime accidunt, & portentorum similes sunt requirere liceat, tutius jam ad eandem quæstionem de diuturnis jejuniis etiam ratione & conjectura tentandam accedemus. Videndum igitur erit, utrum principiis communi omnium consensu receptis congruat necne, hominem ab omni alimentis genere diu abstinere.

XII. Id vero non licet ante cognoscere, quam intelligatur hoc aliud, unde tanta nobis sit tam frequenter sumendi cibi necessitas. (62) Ubi hoc satis fuerit explicatum, planior tunc erit aditus ad propositam quæstionem, an videlicet illa ipsa natura quæ cæteris hominibus eam necessitatem imposuit, id aliquando efficere possit, ut quispiam extra ordinem communi illa lege solvatur, vel saltem ut alia re aliqua præter cibum & potum eidem satisfaciatur.

XIII. Ad primum quod attinet, inter omnes convenit, causam præcipuam qua impellimur ad cibum capiendum, (63) reparationem esse dissipendii quod assidue fit substantiæ nostræ: minus præcipuam alteram humorum nostrorum in temperatione sibi debita conservationem existeret. Ad binas hæc causas contrahentur facile quæcumque alix. (d) Atque ad utrumque finem alimentorum opera pervenitur.

XIV. Quod corpus nostrum cum (c) fluidarum tum solidarum sui partium dissipationem patiatur perpetuam,

(c) Boerh. *cum alijs tum Elem. Chem. T.* & P. 2. *Proleg.* n. 1. & alii pene innuunt.

tuam, (f) id cuidam quasi vitæ nostræ necessitati tribuendum est. Corpus enim hoc nostrum ut viveret, ut esset nempe suarum functionum capax, quæ nihil tandem nisi peculiariter quædam, ac definitæ motiones sunt, ita construi debuit, ut partes ejus quævis ad motum essent expeditissimæ. Oportuit igitur esse flexibiles. Facilem vero hunc partium flexum optime curavit natura (64) ex innumeris illas contexens minutissimis vasculis; efficiensque ut jugis per hæc eadem fluxus humoris esset. Eo fluxu vasis pariter, humoribusque provisum est. (g) Illis quidem ut perpetuo sint patentia, neve in se ipsa concidant; collabendo autem solidentur, & obrigescant: (h) his vero, ne morâ fluorem amittant, aut alio quovis modo corrumpantur.

XV. Istorum autem vasorum, extrema non finiuntur similiter. Alia quippe sic (i) invicem commissa sunt, ut liquor ex aliis in alia migrans circuitu ad fontem, unde exiit, perpetuo redeat; (k) alia in cava quædam hiant minima, & peculiaris formæ, in quæ humores effundunt item peculiare, sunt enim maximam partem cava ipsa glandularum; (65) alia demum in exteriorem partium ambitum patent, vaporem inde subtilissimum exhalantia. Atque hoc ipso exhalantium vocabulo postremi hujus generis vascula, quotiescumque eorum facienda sit mentio, in posterum appellabimus; quemadmodum secundi generis fecernentia; primi vero circumventia, appellatione a

singulorum officiis ducta, libet nominare.

XVI. Itaque in perpetuo humorum fluxu per universa hæc corporis vasa (66) animantis vita & salus continetur. Hoc uno enim, uti ante dictum est, solidarum partium rigiditas, fluentium vero præcipua vitia præcaventur. At vero hæc ipse causæ quibus vitæ integritati provisum est, quo tempore ex naturæ instituto id faciunt, eodem etiam, quod sane mirum est, in viventis corporis dissolutionem omnes conspirant. Primum enim descripta vasorum dispositio non ita est ad conservandos, retinendosque in corpore humores comparata, quin magnam eorum partem aut in glandularum cava delabi, suo tempore inde excernendam, aut per aperta exhalantium vasculorum oscula dissiliari patiatur. Deinde motus ipse humoribus adeo necessarius non potest non eisdem simul & vasa continenter absorbere, atque conficere. Ut enim liquorum tam densa moles, tamquam ad coagulationem proclivis intra canales, præsertim resilientes, & conicos, cujusmodi vasa sunt nostri corporis, ad (67) remotissimos usque, angustissimos, & præterea mirifice intortos illorum fines perveniat, necesse est, (l) ut vi plane incredibili urgeatur. (68) Hujusmodi vis non alia est nisi vis fibrarum tum cordis, tum vasorum, tum partium in quas illa miris flexibus diffunduntur.

XVII. Hac igitur vi, quam nemo facile æstimaverit, rapide vehementerque impulsis humoribus, pluram-

con-

(f) Boerb. *Instit. Med.* n. 435.

(g) Boerb. *Instit. Med.* n. 434.

(h) Frid. Hoffm. *M. R. S. T. 1. Proleg.* c. 8. §. 11 Schel. & Phil. corp. hum. cap. 1. prop. 26. 27. itemque cap. 9. pr. 25.

(i) Boerb. *Instit. Med.* n. 245.

(k) *Idem ibid.* 247.

(l) Bellin. de *M. bil. prop.* 30. Boerb. *Instit. Med.* n. 216. & aliis passim.

consequantur, necesse est. Primum extenuatio eorum inexplicabilis; extenuatarum autem particularum, (69) perennis dissipatio. Alterum est vasculorum attritus, & dissolutio; extrema enim eorum tenerrima, laxaque cohærentia incurrentis, violentèque impacti liquoris impetum sustinere non ita possunt, quin (m) aliquæ ex ipsis particule abradantur, avellanturque; avulsæ autem dissipantur. Tertio vehemens illi attritus, quo sese mutuo humorum partes, & vasa humores ipsos attriunt, illud etiam efficit, ut ex particularum mire agitarum dissolutarumque interstitiis (70) calida sese extricent; expellantque corpuscula, quorum summam quidem exilitatem esse, agilitatemque, novimus; naturam vero, (71) ignea ne illa sit, an ætherea, (72) aut sulphurea, vel alia quævis, nostra parum interest definire.

XVIII. Hinc (73) calor ille in sanguine oritur, quem ipse una secum deferret, lateque in omne corpus diffundit. Qui utrum idem ille sit Veterum natus calor, ut (n) Pitcarnius alique voluerunt, necne, nihil attingit quærere. Vis certe ipsi plane vivifica est, uti de suo calore illi prædicabant; sed una etiam animantis substantiam depascit, in hoc pariter innato antiquorum calori non dissimilis. Ex quo illud, quod ante propositum est, adhuc evidentius constat, vitæ conservatrices causas vivens corpus ad sui dissolutionem tandem perducere.

XIX. Neque id tantum faciunt corporis substantias dissipando, ut hæctenus demonstratum est, sed al-

tero etiam nocendi modo, quem initio indicavimus. Humoribus videlicet temperiem conturbant, qualitatesque mirifice immutant. Id certe calor iste facit, de quo modo loquebamur, adjutus præsertim ab eo motu, unde ipse ortum habuit. Cruor (o) quippe ab eo usque, & usque subtilior factus, fit etiam acrior; evolante liquidiorè parte, magis, magisque cogitur, atque densatur; oleis demum, salibusque exsolutis, atque adeo sese effluentibus, longe evadit asperimus; minus propterea obeundis muneribus suis accomodatus.

XX. His omnibus in certissimum exitum rueret animantis corpus, nisi ejus ruinæ a sapientissima Natura providentissime occursum esset oportuno alimentorum subsidio. Succus ex ipsis singulari prorsus artificio conficitur, qui, post innumeras, planeque admirabiles præparationes, nostrorum naturam induit. Hic perditas opes restaurat; secretionibus materiam supplet; & corporis formam ita conservat, ut quamvis in eodem statu ne momento quidem permaneat, perpetuo enim fluxu dilabuntur ejus partes, constans tamen, & diu idem videatur; simul vero benignam humorum temperationem tuetur; caloris enim vim moderatur; lenibus blandisque particulis jam jam perituris subsidio est; quæcumque vero in sanguine immitis, & effere naturæ sunt, ea molliat, atque compescit; unde summa inter omnes sanguinem ipsum constituentes partes æquabilitas conservetur.

XXI. Dum vero viventis corporis dispendia commemoramus alimentorum

(m) Boerh. lib. 2. cap. 462. Sænterlin. de nutr. anim. n. 4.

(n) Elem. Med. lib. 1. cap. 4. §. 2.

(o) Boerh. Inst. Med. num. 455.

rum usu reparanda; illud etiam intelligi volumus, quod & multo gravissimum est, & assidue fit, efficacissimi illius sive spiritus, sive succi a cerebro per nervos ad excitandas, roborandasque partes corporis universas decurrentis. Est porro & hic a nutritione instaurandus. Namque animantia quæ ex inedia pereunt, quoad licet conjectura consequi, non defectu (74) crassioris humoris, cuius adhuc satis plena sunt eorum vasa, sed potius vitalis huius laticis inopia extinguuntur. Ejus quidem magnam partem, & fortasse meliorem ab aere (p) suggeri, recepta opinio est. At neque defunt quæ nobis indicio sint, ipsi quoque alimentis partem ejus non minimam debere.

XXII. Jam vero causas exposuimus, quibus ad alimenta sumenda mortales compelluntur. Nunc jam ad illud accedere propius licebit, quod nobis ad investigandum propositum fuit, an existere aliquis possit, in quem causæ istæ non tantam vim habeant, quin lege ista communi solutus diu vitam cibi omnis, potusque abstinens ducat. Paret autem, lege ista eum solum fore, quem &, manente vita, gravissima illa non premant naturæ dispendia; & laudabilis mitisque humorum temperatio etiam sub diuturna inedia non deficiat. Quare his duobus disquisitionibus hæc omnis continebitur, altero videlicet an manere possit hominis vita sine tanta viventis substantiæ jactura; altero autem an possit humorum temperies, inter longa jejunia, firmius integra servari, saltem non omnino labefactari atque corrumpi.

XXIII. Modo autem nihil repugna-

re videtur; quin utrumque extraordinaria quadam ratione cuipiam concedatur. Namque ut primum de viventis corporis dispendiis dicamus, non videntur hæc ad vitam usque adeo necessaria, quin ea possint, tametsi minima illa fuerint, adhuc salva, utcumque saltem, consistere. Enimvero non alio demum animantium vita continetur, nisi perpetuo humorum circuitu. De hoc Philosophi omnes, Medicique nostrorum temporum uno ore consentiunt. Circuitum vero hunc faciunt tum fibræ cordis, & reliquæ omnes, vasorumque inprimis, alternata contractione inertem per se humorum massam indefinenter agitantes, & promoventes, tum liberæ vasorum, quæ transvehentia vocavimus, atque undequaque potentes viæ; tum denique ipsa cruoris ad fluendum apta dispositio. Cum vero fibrarum vis omnis sit a nervorum laticè in eas perenniter influente, necesse omnino erit, ut perennis item sit in cerebri glandulis ejusdem secretio: Igitur istud quoque, præter modo memorata, ad vitam animantis erit perneccesarium, ut inter secernentia vasa, ea quæ ad cerebrum pertinent ab officio non cessent suo. Tum enim & fibris vires non deerunt ad liquores circumagendos; (75) nec deerunt universo corpori sensus & motus, duo illa videlicet quæ, nisi se prodant extrinsecus, vix poterit animal vivens a non vivente distingui.

XXIV. His igitur omnino carere vita non potest: cetera vero non ad simpliciter vivendum, sed magnam partem, ad commode salubriterque vivendum requiruntur. Neque enim perennis ille circuitus, quo uno vi-

tam

(p) *Galien. de N. & C. Sang. n. 33. Boerh.*

L. c. n. 437. Hoffm. in præf. ad M. R. S. item que T. & P. 1. cap. 3. prop. 11.

tam contineri dictum est, ita ceterorum corporis vasculorum, aut eorum qui inde prodeunt, liquorum subsidii indiget, ut sine ipsis non sit integer adhuc permanens. Nam vascula quod attinet, nullum aliud eorum genus, præter ante memorata transvehentia, humores eo reducunt, unde primum discesserunt; sed alia eisdem, quemadmodum indicatum est, in certa cava deponunt ad definitum tempus servandos; alia excrementorum forma dimitunt; alia vaporis in speciem dispergunt. Quapropter vel si penitus occluderentur, modo transvehentia illa paterent, sese in hæc reciperent circumstantes humores, neque ab incepto cursu unquam desisterent.

XXV. Quæ vero e corpore aut excrementi aut halituum forma prodeunt, ea vel ad expurgandum sanguinem, vel ad chylum conficiendum, vel ad molliendas, lubricandasque partes, vel ad alios minus necessarios usus sunt comparata. Modo his notabiliter imminutis, fortasse etiam deficientibus, diu protrahi vitam posse, manifestum est. Sanguis enim non tam magno dispendio expurgabitur, si non item tam multa in ipso excrementa progignentur. Quæ vero ad chylum conficiendum faciunt, ea inutile esset, ubi chylus per inediam deficit, excerni tantæ copia. Flexiles tandem esse corporis partes, atque humectas, id certe partibus ipsis utile erit, sed multis tamen non adeo necessarium, ut si ea mollitudo etiam non parum infra consuetum gradum consistat, continuo animalis corpus magnum aliud quod malum sit subitutum. Poterunt igitur hæc aut ad minima redi-

gi, aut etiam, vita non cessante, cessare. Cui servandæ id unum sufficit, cerebro materiam non deesse ad liquorem nervis suppeditandum, quo & roborentur ipsi, & partibus ad quas perducuntur vigorem, motum, & sensum largiantur.

XXVI. Jam vero si (76) perspiratio illa insensibilis, quæ juxta Sanctorii calculum una excedit omnium summam, quæ excernuntur e corpore, eo perducatur, ut minima sit, neque enim credibile est, posse unquam omnino nullam existere, si e renibus urina non fluat, si & saliva, & mucus, & alii eorum similes humores in oris, in ventriculi, in cava demum intestinorum depluentes vel parvisime extillantur, vel postquam ea loca convenienter humectaverint, per lacteos ductus, (q) uti fere consueverunt, in speciem lymphæ in sanguinem revertantur, tum vero quantum illud erit, quod ex humano corpore decedet? An non jactura omnis ad unum liquoris nervorum dispendium erit deducta?

XXVII. At vero huic quoque is modus ponendus est, quo non minorem natura ferat. Ponetur autem si & principum animi facultatum, & exteriorum sensuum, & motus exercitia ad minima contrahantur. Toleratur ergo (77) incredibilis illa spiritalium dissipatio, quam in meditando experimur, in animi perturbationibus, in perpetua fere applicatione sensuum ad infinitam hanc rerum varietatem, in incessu, in cursu, in sermone, in musculorum, lacertorumque contentione, ceterisque corporis defatigationibus. Addatur ad hæc quidquid auferunt spiritalis substantiæ quæcumque (r) excernuntur

(q) Boerh. *inst. Med.* n. 105. Hoffm. *M.R.S.* T. 1. P. 2. cap. 6. prop. 13.

(r) Hoffm. *l.c. sect. 2. cap. 7. prop. 16.*

tur e corpore, quæ porro aut non excerni amplius, aut minima copia excerni, posuimus. Addatur & illud præterea, quod in peristalticas viscerum motiones infumitur, quando has quoque in diuturna inedia non otia-ri quidem, ac certe consuetos labores non ferre, non cibos atterere, non urgere chylum, non feces proolvere, manifestum est. Ac rebus ad tantum compendium redactis, (78) cognoscemus tum demum, quam modicos sumptus sentientis moventisque facultatis, quæ supererunt, functiones sint allaturæ.

XXVIII. Quæ hætenus diximus, nemo certe ad arbitrium, aut ad susceptæ opinionis commodum excogitata esse, iudicabit, modo tantisper velit animum ad celebriores abstinentium historias advertere. Nullam, quippe reperire licet, quæ sensibilia excrementa vel suppressa omnia, vel maximam partem diminuta fuisse non commemoret; insensibilis vero perspirationis notabiliter deficientis indicia non contineat luculentissima. (1) Puellæ Consolentaneæ vel unguinosæ illæ sordes defuerunt, quæ cutem fœdere solent. Cutis porro ipsa frigida ei fuit, ac sicca, vixque ullo motu incalescebat. In Martha vero Tailer sic pruriginosa fœditate exasperata memoratur a Sampsonio, ut aliquando læsæ ablucenda fuerit. Cum autem sic exasperatur cutis, tum nempe Medicis non leve indicium est, aut defecisse penitus, aut summe imminutum esse insensibile effluuium. Quod si in Judæa P. Michelotti unguinosa illa materies e sebaceis glandulis adhuc exibat, ejusmodi tamen visa est Clarissimo Auctori, ut crassitudine sua subtilissimum illud effluuium po-

tuerit cohibere: ac revera cohibitum fuisse, aliis præterea de causis conjectatus est. Cæterum neque oleagineum illud, neque cætera minutiora excrementa in hac re tanti sunt facienda, ut, si forte aliqua prodire conspiciantur, quemadmodum in Spirenfi, aliisque abstinentibus vere prodiiisse, ex historiis habemus, continuo magnam aliquam jacturam fecisse eorum corpora, sit dicendum. Namque & unguen illud tenax est, diutissimeque cuti adhærescit, ut propterea renovari tam cito non debeat; & excrementa reliqua uti lacrymæ, & muci non assidue ab oculis funduntur, aut e naribus manant. Ac si forte liquoris tantillum ab istis abstinentibus, potius ad os ventriculique humectandum, quam in potum, multoque minus in alimentum sumatur, uti Judæa illa fecisse nonnumquam dicitur, id utique poterit hujusmodi excrementis sufficere. Satis certe fuit Puellæ illi Lucensi, cujus Sennertus meminit, ad urinam reddendam, solâ aquâ, sine alio quovis cibo victitasse. At vero, quomodo vivebat illa? Nempe (79) languida, somnolenta, taciturna. Ut facile sit, intelligere illud alterum ei accidisse, quod accidere oportere hujusmodi hominibus, præter excrementorum defectum, ante memoratum est, ut summa vivifici laticis per nervos decurrentis inopia laboraret. (80) Id sane de aliis quoque historiz testantur, in quibus vel (81) perpetuus in lecto decubitus, vel (82) jacendi forma mortuorum similis, vel (83) segnities quædam singularis, vel (84) sensuum torpor, vel (85) membrorum tremor, aut (86) quasi paralysis, & resolutio, vel perturbatio men-

(1) Cires. pag. 66.

mentis, & id genus alia notantur aperte significantia, naturam functiones a liquore nerveo pendentes ad summam illam, in qua tunc vivebatur, ejus liquoris egestatem accommodalse.

XXIX. Ubi ergo eo devenierit hominis vita, ut tam angusto functionum numero contineatur, quæ hoc ipso quod paucæ sint, & parum vegetæ, minimam etiam inferant humorum, atque spirituum consumptionem, dubium non videtur, quo minus quidquid in corpore est residuum, inedia vel longius producta, dicto non sit dispendio suffecturum. Omnia usui sunt in summa egestate. (87) Pinguedo, (88) & quidquid est humoris albi præsertim si paullo crudior fuerit, hæc tandem in restitutionem amissorum, convertentur. Si qua vero in ejusmodi viventibus amittuntur, & dissipantur, longinquitate temporis, fortasse ad nervorum liquorem, ut sæpe dictum est, rediguntur.

XXX. Jam vero liquor iste, nonne (89) in purissima lymphâ constituitur, particularum, plena, quæ subtilissimæ sunt, summeque actuosæ. Lympham autem istiusmodi quid vetat eo reverti, circuitu quodam, unde dimanavit? Id certe (t) opinati sunt multi, neque rationibus adeo infirmis. Actuosæ vero partes quis umquam animo comprehenderit, quam sint exiles? Perfecto si cui datum esset, eas in unum cogere, quantillæ molis esset, quod inde concreveret? Nec omnia igitur e quibus nervorum latex constituitur extra corpus disperduntur, & ea quorum dissipatio vitari non potest, non ejus molis erunt, cui refarciendæ subtiles

alix particulæ e crassioribus succis per repetitos circuitus exsolutæ atque in libertatem assertæ non sufficiant.

XXXI. At enim has quoque necesse erit exhauriri tandem per inediam fortasse etiam non adeo diuturnam. Id ubi contigerit, qui poterit cerebro tantopere necessaria nervei succi materies subministrari? Effectum jam erit, atque omnino iners quidquid humoris in vasibus continebitur. Effectum autem & iners? immo vero nimis actuosum; acerrimum videlicet, & summa vi ad nocendum. Jam enim cessavit insensibilis perspiratio, urinx cessarunt, cessarunt etiam excrementa cetera, quibus omnibus sanguis expurgabatur. Qui ergo fieri poterit, ut impuritatibus istis iners retentis non contaminetur, non amittat sibi congruam temperationem, non in liquamen habeat prorsus inutile, atque adeo ipsi vitæ infestum? Accedit & illud quod humorum, massa numquam non eadem permanens, nunquam recenti chylo refecta, non poterit mutuo suarum partium affricui tandiu resistere, nec tanti caloris, quantus viventis corporis est, adeo vim sustinere, ut summam acrimoniam non contrahat, aut progressu temporis tandem non concitietur.

XXXII. Et ecce jam eo devenimus, ut nobis de altera illa causa dicendum sit, quæ homines ad sumendum cibum impellit. Nunc igitur explicandum est, quæ ratione humores possint in tam insolito statu temperiem sibi debitam retinere. Huic vero quam paucissimis satisfactum erit, si rursus repetamus, intemperiem hanc sanguinis, quæ alimentis præcavetur, præcipuum sui auctorem habere motum ejusdem circula-

(t) *Morgagn. ad v. anat. 2. animad. 6. Boerh.*

inst. Med. 292-300.

rem. Huic enim attritus ille assiduus, & inde ortus calor debetur, quibus demonstratum est, humorum temperationem labefactari. Itaque si ponamus, ex una parte (90) motum hunc, qui agendi atque immutandi vim habet, ita se remittere, ut ad summam, cujus capax est, moderationem deveniat; altera vero ex parte fluidum quod immutari debet eam acquirere vim resiliendi, qua se nimis atteri non patiatur, fieri poterit, ut ambarum virium momenta sic temperentur, ut alterum alteri non multum prævaleat. His positis, quæ certe nihil repugnare videntur, jam illud quoque consequetur, ut molecularum glutinosarum attritio, calidorum corpusculorum exsolutio, initiorum sulphureorum, salforumque explicatio cunctaxat sit tanta, (91) quanta possit sanguinem liquidum reddere, excalescere autem plus justo atque asperare non possit.

XXXIII. Quod vero sanguinis circularis motus in istis jejunantibus remissior fuerit, humores vero magis eidem obstitentes, quam fere consueverunt, (92) multa in historiis narrata non obscure significant. (93) Pulsus arteriarum, in plerisque languidus fuisse dicitur, parvus, contractus, in aliis etiam obscurus, ac fere nullus. (94) Calor item moderatus ut plurimum, quandoque etiam ita remissus, ut vix tactu perciperetur, aut excitaretur ad motum. Nemo autem ignorat, (95) arteriarum pulsu vim cordis, qua sanguis in orbem agitur, (96) calore autem attritum, qui ejus partes exsolvit, manifestum reddi. Præterea (97) scæminæ magnam partem fuerunt abstinentes hujusmodi; (98) & plurimæ quidem melancholicæ,

& pituitosæ. His vero quis nesciat, (99) humores circuitu ferri pigro & lento, (100) neque admodum esse ad acutiem atque ad incallescendum propolives.

XXXIV. Nemini vero incredibile videri debet, humorum massam in tam insuetam constitutionem posse componi. (101) Magnis id sit, atque efficacissimis causis. Plerumque inedia istæ, repentinæ præsertim, suum (102) a vehementi aliqua febre initium habuerunt. Febres autem acutas inprimis quisnam ignorat, (u) post Sydenhamii observationes, & monita, hoc etiam præstare, inter cætera, ut sanguinis constitutio ad novum aliquem corporis statum, aut ad insuetatam vivendi rationem aliquam accomodetur. Cæterum ad summam, istam inediam sensim, & certis quasi gradibus ascenditur. Febres, ut dictum est, universum corpus affligunt. (103) Statim caput, & nervi tentari solent. (104) Doloribus modo hæc, modo illa pars excrucietur, stomachus vero inprimis. Incipit ergo cibos fastidire, ingestosque rejicere. A solidis initio abstinetur; liquidis aliquandiu viciatur; sed hæc quoque temporis progressu repudiantur. Interea gula, stomachus, intestina, venter universus sic contrahuntur, ut si quid ore sumatur, ne deglutiri quidem possit, nedum stomacho retineri. Id magno sane periculo tentatum fuisse in nonnullis, historici narrat, qui vel tantillum liquoris in fauces aut ventriculum coacti demittere, (105) pene suffocati sunt. Natura igitur a cibo minutatim desuescens, minutatim etiam corpus ad novam illam vivendi formam disponit. Quandoque etiam in hisce

(u) *Observ. Med. circa morb. acut. dist. sect. 1.*

hiscē corporibus novum aliquid identidem molitur, non alio, ut verisimile est, consilio, nisi ut collabentem eorum temperationem redintegret. Ita in Adolescente illo, cujus supra ex Blairio meminimus, vehementissimas febres per intervalla concitavit.

XXXV. Enimvero non illi decurrunt unquam infinitæ propemodum vix, nobisque ignotissimæ, quibus, ubi necessitas postulerit, aut dissidentes inter se humorum partes in ordinem & consensionem reducat, aut redundantes exturbet, aut suppleat deficientes. Id assidue facit in sanis corporibus cum innumeris aliis præsidis, tum vero omnium efficacissimo aere inspirato. Cujus vires admirabiles plane atque vivificas non defuerunt, qui ad ejusmodi abstinentes sustentandos advocaverint. Hos paulo quidem liberius philosophatos esse, fatendum est: sed contendere tamen quispiam eorum posset, se non omnino inanibus conjecturis ad ita philosophandum accessisse. (106) Inesse enim in aere invisibilem, atque omnigenam virtutem habentium corpusculorum infinitas copias. Horum non minimam vim (107) in viventium corpora penetrare, nobilium Philosophorum opinionem esse; neque improbabilem. (108) Adhærere vero ea viventium ipsorum substantiæ, atque adeo accrescere, argumento esse, inter alia, (109) tum auctum citra sensibilis alimenti additionem nonnullorum pondus, tum præcipue (110) immania quædam, & omnem assumptorum mensuram longissime excedentia profluvia. Quibus si aerei thesauri materiam sufficiunt, neque animalunde hauriri possunt, quæ tanta copia profundantur, multo ma-

gis sufficere abstinentibus nostris posse videntur occultum aliquod pabuli genus, quo eorum corpora in summa illa usitati cibi penuria a ruina, & interitu vindicentur. Nos vero a subtili hoc philosophandi genere abstinebimus, neque ex isto aeris ceteroquin locupletissimo penu quidquam delibabimus, nisi ad summum subtilissimos aliquos spiritus, quibus nostrorum jactura, & defectio, ubi opus fuerit, compensentur. Cætera, quæ in aere insunt crassiora corpuscula ad eas inedias, reservari commode poterunt, si forte contingent inposterum, neque enim antea contigisse liquido constat, in quibus abstinentiam habitus, color, vires, & cætera id genus, perinde ac in sanis hominibus, conserventur.

XXXVI. Expediti jam a prima quæstione ad alteram descendemus, in qua propositum est nobis quærere, an eorum, quos initio nominavimus, opiniones cum hodiernæ philosophiæ doctrinis sint congruentes. Non erit autem difficile quæstionis hujus finem pervidere si animum ad ea quæ a nobis in superioribus dicta sunt, advertamus. In quibus explicandis idcirco prolixiores aliquanto fuimus, ut nobis in hac altera parte liceret esse breviores.

XXXVII. Tantorum autem Virorum sententias ea æquitate interpretabimur, quam eorum auctoritas, & singularis doctrina videntur postulare. Neque dubitamus, quin hac ratione non admodum a se invicem, neque a communibus recentiorum Medicorum placitis dissentientes videantur. Primum ergo Fortunii Liceti opinio est, nutritionem neque cuiquam animanti, neque semper esse necessariam, ut vivat. Cum enim in con-

ses.

fello sit, nutritionem idcirco institutam esse, ut humidum radicale dictum reparetur, quod a nativo calore indefinenter absorbitur, sequitur ejus necessitatem cessaturam esse, si humidi istius cesset consumptio. Hanc autem consumptionem tolli oportere, si caloris & humidi ea fuerit æqualitas, qua alter alterum, viribus saltem, vel nullo modo, vel parum admodum superet. Ubi ergo hæc æqualitas inducta fuerit, ex Liceti sententia ablata omnis jam erit nutritionis necessitas; & homo, quando illa durabit, ciborum non indigebit; unde jejunium feret. De qua Liceti sententia illud tantummodo sumimus, quod ipsius quasi basis, & fundamentum est, æqualitatem scilicet illam nativi caloris, & humidi primigenii. Hujus igitur nomine si æqualitatem intelligat non absolutam quidem, & perfectam, quæ videlicet nihil omnino de animantis corpore decedere patiatur, sed aliam quandam quæ absumi aliquid, modicum quidem illud, sed tamen aliquid absumi non recuset; tum vero hujusmodi æqualitas parum aut nihil aberit ab ea temperatione virium quam inter circularem motum, & humorum densitatem posuimus. Nulla enim in re caloris illius atque humiditatis notas magis expressas, quam in sanguine ipso, & ejus motu circulari, unde omnis caloris origo est, invenimus.

XXXVIII. Quod attinet ad P. Zacchiam is nativi caloris pabulum quærit ab humore crudo, & pituitoso in jejunantis corpore aggregato. Hunc non alium potius ob finem existimat a natura progigni, nisi ut externi alimenti defectum, si quando opus fuerit, suppleat. Nonnullas ta-

men conditiones necessarias esse, ut hoc alimento contenta sit natura, neve indigeat externi. Primum caloris debilitatem, ex qua major nascatur pituitæ copia, & inde appetentis facultatis satietas; deinde pororum cutis constrictionem, qua fiat, ut ne calor adeo dissipetur; denique naturam quandam aeream, & unguinosam in humoribus, qui nutrimenti loco substituantur; ne forte, si unice frigidi & humidi essent, calorem, uti in vulgari flamma contingit, extinguerent. Porro in hac pituitosi humoris copia, quam Zacchias ex animantis penu depromit ad innati caloris vim sub diuturna inedia sustentandam, non est difficile ea agnoscere, quæ supra N.º XXXIX. proposuimus. Cætera, quæ tanquam conditiones ad insuetum hoc nutritionis genus requiruntur, minimo negotio ad ea quæ hic illic dicta sunt, revocantur. Debilitas enim caloris ducitur ab ante memorata circularis motus moderatione: pororum constrictioni nemini in mentem non venit, insensibili perspiratione deficiente, vel imminuta: oleosa demum, & aerea illa qualitas partim ab ipsa pinguedine, partim a spiritibus ex aere attractis deducetur.

XXXIX. Paulo difficilius est ad traditas doctrinas pertrahere quæ a Gasp. a Reies afferuntur. Inducit quippe nativi caloris a corde influentis existitum quemdam statum, sic eum appellat, aut suspensionem, ob quam in corde velut circumscriptus ad reliquum corpus aut nihil, aut certe parum se diffundat: unde in corde ipso, & præcipuis non longe distitis partibus officia quidem sua, remisse tamen, adhuc præstet; at vero aliz remotiores ab influente illo

calore quodammodo destitutæ, & solo infuso sibi, & nativo fruenter quasi mortuam quandam vitam degant. Hinc a functionibus suis, in primis vero ab alimenti attractione quasi deficiant, cujus etiam non admodum indigent, quod multo minus, quam antea resolvantur; unde quod sibi opus est ex redundantibus in corpore humiditatibus assumant. Hec igitur ab eruditissimo Viro proposita sunt. Quæ, ut verum fateamur, paulo duriora videri possint vel iis ipsis, qui Veterum placitis de influente, atque infuso calore imbuti sunt. Attamen si eam, quemadmodum nobis propositum est, aliquantum molliantur æqua, ut diximus, interpretatione, non ita a nostris doctrinis, uti primo aspectu apparent, aliena videbuntur. Notum est, circularem motum eo magis languescere, quo vasa, per quæ sanguis circumagitur, a corde fiunt remotiora. Igitur posita motus hujus toties memorata moderatione, & præterea oscillandi facultate, quæ in fibris inest aliquantum debilitata, calor in partibus a corde remotioribus infra consueti caloris gradum se remittet. Minus enim a præterfluente liquore urgebuntur extrema vascula; minus hæc resiliunt adversus liquorem ipsum; deterentur minus; minus dissipabuntur dissoluta corpuscula: ex quibus sequitur, non tantam fore nutritionis necessitatem. Ceterum illud in isto Auctore nemo non probabit, quod etsi in nova ista opinione producenda ingenium & ipse suum experiri voluit, non ei tamen

sic adhærescit, quin alienis etiam se facilem præbeat; quod sane perrarum est ab iis obtineri posse, qui novum aliquid excogitarunt. Hinc & liberum cuique judicium relinquit, & raris istis abstinentiis non unam omnibus fuisse causam existimat. Neque enim Sennerto assentitur, qui eorum, uti determinati cujuspiam effectus, sic determinatam causam fuisse, contendit. Oppositum enim ait accidere in cæteris corporis ægritudinibus, quæ ut plurimum a diversis, quandoque etiam contrariis causis oriuntur. Quapropter id quoque de hisce inediis credibile esse, eas videlicet pro naturæ, ætatis, temperamenti, & morbosorum eventuum diversitate, varios multiplicisque ortus habuisse. Hinc non paucis consuetudinem auxilio fuisse, ad paucorum dierum jejunium sustinendum. Alios etiam aere ali potuisse; uti Marc. Donato, & Quercetano placuit, eos præsertim qui agiliores licioresque fuissent, & quibus nulla essent excrementa. Nonnullos pariter sola aqua, cujus potu usi essent, victitasse. Sennerto demum nullam fuisse causam cur communem Jouberti, Langii, aliorumque sententiam non reciperet, qui pituitam, frigidisque ac crassos humores, illo indigentis tempore, in sanguinis, & partium naturam converti, calore præsertim summe remisso, statuerunt, exemplo ab animantibus, & stirpibus ducto, quas simili nutrimento diu persistere, ac vivere quotidiana experientia comprobavit.

NOTÆ

AD NUM. I.

(1) **E**xcellentiorem quidem &c. Hue referri possunt, quæ habet Aristot. 1. *Metaph.* cap. 1. ubi loquens de arte, & experientia, eos dicit putari sapientiores, qui artem tenent, quam qui experientiam tantum habent, quod illi causam sciunt, hi vero minime.

(2) *Antequam res &c. in eam an videret &c.* Quemadmodum enim tum causam rei exquirimus, cum eam esse, tenemus, interdumque simul utrumque perspicuum est, nec tamen ante quæ causa rei sit cognosci potest, quam esse sciatur: sic rei essentia sine eo, an sit, cognosci nullo modo potest. Arist. *post. analyt.* lib. 2. cap. 9. ex versione Perionii.

II.

(3) *Invenitamen sunt alii &c.* Inter hos nominat Gasp. a Reies (*Elys. jue. quest. camp. quest.* 38. n. 7. & 27.) Lupeum, Gentilem, Valeriolam, Brasavolam, Harvetum. Quibus addi possunt recentiores alii, præsertim vero Georg. H. Velschius (*Epb. A.N. C. an. 3. obs.* 33.) & Lucas Schrockius in Schol. ad observationem Helvvigii de Virginis Norimbergensis mira abstinencia, quam reperire licet in Th. Boneti *Med. Sept.* lib. 3. sect. 3. cap. 5.

III.

(4) *Corporis temperies.* Picrocholis adversam esse inedia, a pituitosis autem non xgre ferri, scripsit Hipp. *de vict. rat. in acut.* Rationem reddit Gal. *com. 2. n. 29. 30.* qui præterea de temperamentis universim quidem

(8. *Metb. cap. 3.*) pronunciat, nonnullis non magnopere incommodam esse inedia plurium dierum, aliis etiam utilem; de calidis autem & siccis (*lib. 10. cap. 5.*) speciatim asserit, adversissimam eis esse; addens, calida, & sicca temperamenta se intelligere sive ea ex prima originea talia sint, sive ex victu, & immodico labore, & animi perturbationibus, & regione, & cæli statu, sub quo etiam anni tempus comprehendit. Cum his conveniunt, quæ habet Avicenn. *lib. 1. Fen. 3. doct. 2. cap. 7.*

(5) *Ætas.* Redius (*Tr. degli anim. negli anim. viv. p. m. 83.*) postquam de animalibus dixit, quæ per hyemem cibum non capiunt, hæc addit: *Negli altri animali giova molto la robustezza, e l'età per poter lusingamente soffrir la fame.* Vid. etiam Hipp. 1. *aph. 13.* Cels. *lib. 1. cap. 3.* Avicenn. *Cau. lib. 4. Fen. 1. tr. 2. cap. 8.*

(6) *Regio Vid.* quæ antea (n. 4.) de temperamentis ex Gal. 10. *Metb.* notata sunt.

(7) *Anni tempus.* Quid afferat discriminis anni diversa tempestas ad ferendum jejunium ostendit Redii experimentum in ejusdem speciei animalibus, sed non eadem tempestate sumptum. Aquilam totos viginti octo dies sine cibo vivam servavit: aliam similem, diebus canicularibus, viginti unum tantum *Tr. degli anim. viv. negli anim. viv. p. m. 82.* Vid. Hipp. 1. *aph. 15.* Mercurial. *com. in lib.*

lib. Hipp. de rat. viſt. in acut. p. m. 425. Sebiz. de alim. facult. lib. 5. probl. 90.

(8) *Conſuetudo*. De hujus vi importentofa inedia producenda egregia protuliſſe dicitur Pechlinus (*med. de aer. & alim. defectu cap. 12.*) a Schrock *Sebol. ad obſ. Helvvig. ſupra cit.* & a Stalp. *Wiel. Sebol. ad obſ. 15. Cent. poſt. p. 151.*

(9) *Redius. Degli anim. negli anim. viv. p. m. 82.* ubi hæc habet: *Gli animali non muojono così preſtamente per cagione del digiuno, come crede il volgo.*

(10) *Ex calidioribus &c.* Canes aliquos ſine cibo, & potu uſque ad quartum, aut ſextum diem ſupra trigefimum vixiſſe Auctor teſtatur: Catellum etiam per æſtatis calidiſſimos dies uſque ad 25. duraiſſe, atque ultra etiam duraturum fuiſſe, niſi famis furore percitus ex editiſſima fenestra exiliſſiſſet. Minime omnium famem ferunt mures domeltici pariter, & ſylveſtres. Vid. alia hujusmodi experimenta apud eundem Auth. *L. c.* Gallinam quoque totos 80. dies famem ſultinuiſſe tradidit Fr. Mendoza *lib. 6. probl. 24.* referente Stalp. *Wiel. p. m. 162.* Nobis compertum eſt, Felein per incuriam clauſum in loco, in quem ne mures quidem penetrare poterant, vivum adhuc ibi inventum eſſe poſt trigefimum primum diem. Fortaiſſe aliquamdiu adhuc vixiſſet; nam inde prodit cruribus ſeſe non omnino invalide ſultentans. Erat quidem ad extremam maciem redactus, & quod notabile eſt, fere depilis. Nihil tunc edit præter piſciculum ſibi oblatum, ſed aquam avidè ac ſæpius bibit.

(11) *Recentibus exemplis confirmatum eſt*. Quæ memorat Schrock. *L. c.* Schurig. *Chyolog. cap. 4.* Stalp. *Wiel. 4. &* alii ante ipſos. Inter hæc ex-

empla notabile eſt allatum a modo memorato Helvvigio, eoque magis, quod in ea temperie acciderit, quam minime omnium ad tolerandam famem idoneam eſſe, dictum eſt. Fuit hæc Norimbergensis Virgo gracilis habitus, temperiei calidæ, & ſiccæ, quæ ob odium & diſſidia ſe abdiderat in ſuprema ædium, ibique 18. fere dies manſit ſine cibo, & potu; vix enim conſiderari meretur, quod bucellam panis aqua madefactam poſt 16. diem tantummodo lambere cœperit.

(12) *Quos neque labor*. Ubi ſamè laborandum non eſt, inquit Hipp. 2. *aph. 16.* idem repetens de *viſt. rat. in morb. acut.* addens præterea, calores in inedia vitandos eſſe. Celfus quoque *lib. 2. cap. 2.* Si quibus, ait, de cauſis futura inedia eſt, labor omnis vitandus eſt. Luc. Tozz. *com. in aph. 13. ſect. 1. ſedentariam*, inquit, vitam agentes jejunii ſunt patientiores.

(13) *Neque æſtus*. Æſtus nomine inter alia aeris ambientis fervorem a nonnullis intelligi teſtatur Gal. qui vocem hanc interpretatur *com. 7. aph. 13.* Quare huc faciunt, quæ ſupra de anni tempore dicta ſunt, tum quæ ex Hipp. *de rat. viſt. in acut.* allata ſunt, cum de vitando per inediam labore diceretur. Galenus quoque inter cætera quæ faciant, ut homines in morbis acutis uſque ad ſeptimam diem citra piſanæ ſorbitio nem, alimenti ceteroquin tenuis, ſufficiant, enumerat hoc etiam, ut ambiens aer non ſit calidus. *V. com. 1. in lib. Hipp. de rat. viſt. in acut. com. 1. n. 43.*

(14) *Neque Vigilia*. Vigiliam edacem vocat Hipp. *lib. 6. Epid. ſect. 4. n. 18.* Rationem hujus aſſert Gal. in *comm. Diſſipat.* inquiens, *vigilia, inſito calido, dum exterius emicat, ſe-*

eum haud exiguas corporea substantia particulas educente. Aliam quandam causam adducit Avicen. lib. 3. Fen. 13. Tr. 2. cap. 12. ob quam vigilæ famem commoveant. Sed his omisiss, nimis notum est quid conferat somnus ad jejunium sine noxa tolerandum. Id passim confirmant Scriptores exemplo ferarum natura sua longos somnos trahentium. Hæc vel ipsi Erasistrato consideratas fuisse, ex Gal. constat cap. 9. de Vena sect. adversus eundem V. infra N. XVII. not. 69. Id ipsum Fr. Baconus, inter alios innumeros, sylva sylv. n. 697. notavit, animantia, inquam, somno plurimum indulgere solita, modico visitare, ut glires, vesperiliones &c. Ac de glirium somno pulcherrima est observatio Varignonii apud Reaumurium (Mem. &c. des Insect. Tom. 2. mem. 1. p. m. 29) Testatus ergo est Varignonius, se habuisse glirem per hyemem tam profundo sopore, oppressum, ut excitari non posset, nisi admotæ candelæ ardore. Statim vero atque cruciatus cessabat, in suum ille veterum relabebatur.

(15) Neque sitis &c. Quanto solatio sit inter inedia aquam ad bibendum non deesse, ostendunt laudati Redii experimenta. Hic capos sine cibo, & potu etiam hyemali tempore non servavit ultra nonum diem. At vero capus, cui assidue aquam sine alio cibo subministraverat, non ante mortuus est, quam vigesimus dies elapsus est. Notabile est, ipsum primis diebus avidissime, & frequenter bibisse. Quarta ante mortem die istud bibendi desiderium notabiliter remissit. Sed nostris diebus luculentissimum habemus rei hujus etiam in hominibus exemplum. Notum enim est quamdiu homines sine ullo solido

cibo servantur a Neapolitanis Medicis sub aquea illa dixta, quam in Medicinam primi invexerunt. Feruntur nonnulli sola gelida affatim exhibita usque ad trigelimum diem vixisse, aliis etiam ultra id tempus productam fuisse abstinentiam, a Viris fide dignis narratum est.

(16) E speluncis, & cryptis &c. Plures hujusmodi casus reperire licet apud Authores, uti Marfil. Cagnat. lib. 1. de san. tu. cap. 7. p. m. 15. b. Porro aerem antrorum ex sua natura propria parum, aut nihil depradari dixit Fr. Baconus (hist. Vita, & Mort. Oper. sup. exeluf. aer. Hist. n. 6.) Ex adverso autem aerem hunc nostrum, propter calorem solis prædatorum vocat, quod interpretari licet consumptorem substantiæ nostræ. Impedita in illo aere perspiratione, & præterea cute ob timorem, ac mæstitiam densata, fieri potuisse credidit Luc. Tozzius (com. in 2. apb. 16.) ut nonnulli sub adificiorum, ruina ad hebdomadas supervixerint.

(17) Test 24. diem &c. Id accidit in Anglia non longe a Liege quatuor hominibus carbonariam mineram excavantibus, qui aqua repente ex uberrima vena casu percussa erumpente interclusi, atque in editiorem, intimioremque fossæ illius partem se recipere coacti, ibidem totos 24 dies commorati sunt, nullo alio interea visitantes præterquam aqua, e vicino fonticulo scaturiente. Porro hæc diligenter examinata non aliud nisi calcem quandam exhalando reliquit, sed eam quoque ita tenuem, ut vix considerari mereretur. Hanc historiam habemus in Transact. Angl....

Triplo autem longius tempus scæmina quædam Hispalensis in uliginosa specu delituit, in quam dejecta fuerat a Ma-

a Marito , aliquot pugionis ictibus confossa. Inde vero non ante fuit e ducta , quam dies septuaginta duo elapsi essent. Inter alia cum de alimento interrogata esset, non alio se vixisse , respondit , nisi tantillo pluvialis aque ibi collectæ , quam identidem ex fasciis quibus caput vinciebat , eadem madefactis fugebat . Idque constanter , ac jurejurando affirmavit . Verum quæ fides haberi possit foeminae , quæ clam se a Marito subduxerat , & cujus errores apud ipsum ab extraneis , ad quos diverterat , excusandi fuerint , illi judicabunt , quibus integram historiam legere placuerit apud Gasp. a Reies *l. c. n. 26.*

IV.

(18) *Qui adversa valetudine constanter.* Brasavola in 1. *Hipp. de morb. acut. aph. 44.* concedit homines per aliquot solum dies sine cibo vivere posse , per pauciores quidem si sanus , si æger per plures , ita ut comatosos ad decimum quartum aliquando pervenisse viderit . Gasp. a Rei. *l. c. n. 7.* Schrockius *l. c.* causam cur ægri diutius inediam tolerant rejicit in caloris depascentis debilitatem , fermenti stomachici penuriam , salini ejus principii fatuitatem , & magnam pituitosorum humorum colluviem .

(19) *Pituitosi, & melancholici &c.* vel ipsæ febres ex pituitosi humoris copia progenitæ inediam diuturnam sustinent , Galeni testimonio 12. *Meth. cap. 3.* qui ejusmodi febricitantes usque ad septimam diem aqua duntaxat mulia , in qua incoctum hyssopum fuisset , nutrebat , siquidem longissimam , inquit , qui ita sunt affecti cibi abstinentiam ferunt , corpore scilicet ex crudis ipsis , quos continet ,

succis concoquendis alto Melancholicorum autem exempla sæpe diuturna abstinentia se macerantium affert Schrockius *l. c.* desumpta ex Frid. Loffio *lib. 1. obs. Med. 21.* ex Bierling. *Adv. curios. 43.* Henr. ab Heer *obs. med. 27.* Schurigius quoque ex Hemsterhuis *Mess. aur. pag. 240.* refert , Melancholicum quemdam sola aqua per multas hebdomadas vixisse . Ex Godefr. autem Schulz. *Dissert. de tines. Benzoart. Michael. cap. 5. §. 23. pag. 114.* puerum 13. annor. Melancholia hæreditaria splenetica laborantem sic a cibo , & potu abstinuisse , ut iis refici delictum capitale censuerit . Sed omnibus his præsit melancholicus ille ab Alb. M. *lib. 7. de anim. relatus* , qui 7. septimanas sine cibo vixit , singulis solum aut alternis diebus haultum aque sumens idque ab ipso deinceps trium vel quatuor septimanarum spatio sæpius fastitatum .

(20) *Qua cerebrum, & nervos &c.* Monialem quandam Apoplecticam totos viginti dies non modo sine ullo cibo durasse accepimus , sed ne liquoris quidem guttulam per id tempus deglutire potuisse .

(21) *Infantes &c.* Talis fuit Isaacus ille Henrici Stiphont qui furore actus cum se verum Messiam diceret , ad ejus exemplum jejunium quadragesimum die 6. Decembris anni 1684. inchoavit , absolvit autem decima quinta sequentis Februarii . Quo tempore nullo cibo potuve usus , nihil pristini vigoris amisit . Rediit vero , absoluto jejunio , ad consueta alimenta . *Vid. Diar. Gall. ani 1685. Mens. Febr.* De hoc jejunio non idem fuit omnium judicium . Quidam fucatum fuisse volunt , inter quos Wedelius , referente Schurigio

l. c. sed contrarium defendit Wielius, cum & omnia diligenter observata fuisse dicantur, & excrementa cessarint, & pulte crassiore sumpta, post quadragenariam illam abstinenciam, acerbissimis ventris doloribus correptus fuerit; neque alvum ante tertium diem deposuerit, quo allevatus est; probabili argumento intestina contracta fuisse ita, uti contra-hi per tam diuturnum jejuniū oportebat.

(22) *Qui sopore &c.* Multa possunt apud Scriptores diu dormientium, & inter diuturnum illum somnum omnis cibi abstinenciam exempla. Memorabile est illud a Gul. Derham *Theol. Phys. lib. 4. cap. 11. ad not. 75.* ex Trans. Angl. n. 304. relatum Sam. cujusdam Chilton qui annis 1694. 96. 97. plures hebdomadas continenter dormivit. Et quamquam nonnumquam inusitato quodam modo alimentum fumebat, attamen ab eo etiam abstinere omnino, aut paucissimo utebatur, somno contentus, nihilque inde passus detrimenti. Notabilis quoque est historia, quam Wielius *L. c.* ex annalibus rerum Anglicarum, an. 1546. exscripsit de Figulo quodam Londinenſi Guilh. Foxlejo, qui totos dies 14. & noctes 15. tam profundo somno detentus fuit, ut nulla ratione expergefieri potuerit. Decimaquinta die somno solutus est, adeo valens, nocte ut una, neque amplius se obdormivisse firmiter crederet. Vide alios ab eodem citatos.

(23) *Aut sensuum hebetudine.* Ita sensus omnes aliquando hebetantur, ut homo quasi mortuus jaceat, motu etiam destitutus, cujusmodi fuit civis ille Hagienſis apud Stalp. Wiel. *l. c. p. m. 183.* qui neque arteriarum pulsū, neque vel minimo respiratio-

nis iudicio a mortuo distingui poterat, sed levi tantum quadam circa oculum & humerum sinistrum convulsione, & quod minus frigeret quam mortuus *V. Num. XXVIII. not. 82. & eod. N. not. 84.* ubi narratur torpor tactus Apolloniz Schrejeriz.

(24) *Aut paralyſi &c.* Plura horum exempla in his commentariis invenire licet speciatim *N. VIII. not. 48.* & multo magis *not. 55.*

(25) *Si gula aut ventriculi &c.* Hanc quoque inter ceteras aboliti appetitus, & inde ortæ diuturnæ inedia causas adducunt Authores. Langius *lib. 2. ep. 27. p. m. 113.* id accidisse puellæ Spirenſi suspicari se posse allerit, dum crurum, brachiorumque nervi simili morbo fuerunt tentati. Videatur Schrockius super hac eadem re citans Thonerum *lib. 3. obs. Med. p. 144.* a quo hæc Ventriculi paralyſis adducta fuit. Stalp. etiam Wiel. de hac eadem loquitur *p. 159.* Galenum producens, Aetium, & Schmidium.

(26) *Mulieres ex utero laborantes.* Benivenius de *abdit. morb. caus. & curat. p. 108.* scribit monialem Montis cæli suffocatione uteri laborantem ad decimum diem sola panis bucella vitam traduxisse. Extat in *M. N. C. Dec. 2. an. 9. obs. 51.* Lanzoni observatio, quam deinde refert Schurig. *l. c.* de muliere 9. dies sine sensu, motu, & alimento ullo instar mortuæ vivente, atque olei succini odore ad se redeunte. Sodali nostro accidit idem sæpe observare in alta Virgine, quæ quoties hysterici paroxysmis corripiebatur, septem, non minus, aut 8. dies sine sensu, motu, respiratione, & cibo manebat. Pleque ex diuturnis inediis causam ab utero habuerunt. Id notavit Sennert.

Trall.

Tract. lib. 3. part. 1. sect. 2. cap. 2. pag. 389. col. 1. paragr. penult. Inter alias, quæ a Sod. nostro P. A. Michelotto relata est in acta *Ac. N. C. vol. 2. obs. 26.* originem ab utero habuit.

(27) *Febre identidem recurrente.* Ita Gilbertus ille Jackson cujus historiam a P. Blair scriptam referunt *Trans. Angliæ. Jan. 1720. n. 364.* febres passus est per intervalla recurrentes, easque vehementissimas, & plures menses durantes, inter quas, & postea etiam, nihil cibi sumebat, aqua solum eo aliquando colluens.

(28) *Plures simul morbi concurrunt.* Satis fuerit pro exemplo adduxisse implicatissimum illum, & si quis alius, inusitatum planeque monstrosum morbum, quo Margarita Lauvera conflictata est. Vid. compendiarie ejus narratio N. VIII. not. 45j.

V I.

(29) *Neque de genere alimentorum &c. neque de iis &c.* Hoc ipsum Velschius quoque jampridem notavit, inquires: *Qui historias litteris consignarunt plerique de cibo tantum solido locuti sunt, de liquido, & potu parum curantes. De excrementis etiam alvo tantum, non vesica redditus aliquid adnotarunt. Putabant siquidem parum referre, si a potu megerent, dumodo nihil ore comanducarent, alvoque nihil excernerent: quod a tot tantisque Viris factum esse sepe mirati sumus. Non aquam sane plerique, aut iis biberunt, sed iuscula etiam adsumpserunt, quod ex ipsis narrationibus constat.* Verissime igitur hæc dicta sunt a Velschio, si minus de plerisque, at certe de multis hujusmodi historiarum Scriptoribus. Res nempe ita narrarunt, ut relictus sit locus hoc saltem cum Galendo (*Oper. tom. 2. p. m. 342. col. 2.*) suspicandi, per-

pustillum quidem fuisse quod abstinenter hujusmodi assumpserint, at aliquid tamen fuisse. Verum etsi hæc de multis historiis vere dicuntur, de omnibus æque dici non possunt. Nonnullæ quippe distinctam cibi, potus, & cujuscumque excrementi mentionem faciunt. Vid. inter alias historia puellæ Spirensis a Langio tradita l. c. in qua excrementa omnia numerantur tam quæ deerant, quam quæ non deerant. In historia Virginis patavinæ ab Alex. Viguntia descriptæ, & a Sennerto l. c. adductæ expressè ponitur: *alvus suis suppressa, per vesicam lotium non reddidit, clysteres injecti nullas faeces eduxerunt.* Hæc nominatæ sunt, quia primæ occurrerunt memoriz; aliæ facile occurrunt cuicumque Scriptores istarum rerum adeunti. In aliis porro historiis non illa quidem omnia expressa inveniuntur, attamen ex ipso narrationum contextu satis intelligitur, eas non secus accipiendas esse, ac si distincte illa omnia commemorata fuissent. Hujus rei unicum sufficiet exemplum ex ea historia sumptum, quam de sua abstinente Consolentanea tradidit Fr. Citefius. In ea enim ne verbum quidem habetur de potus abstinencia. Sed alia tamen multa, quæ cum in historia ipsa, tum in eidem annexo commentario sparsim continentur, satis declarant, puellam omnis etiam liquidi abstinentem fuisse. In ipsa enim historia expressum est, sic deglutationem impeditam fuisse, ut summum inde esset esculentorum, & potulentorum odium. Quo sane odio, si nullo modo adduci poruit, ut cibum sumeret puella, credibile est, eam potulenta etiam recusasse. Ac nisi hæc quoque recusasset, utina certe non defecisset, uti defecisse notat Citef. Sed neque alia



alia minutiora excrementa, uti lacrymæ, narium mucus, aurium sordes ex Citeſii ſententia deficere debuiffent, qui Spirenfis puellæ vires (pag. 77.) *collabentes aliquo cibo, quamquam fortaffe non ſolido fulſas fuiſſe*, hoc ipſo conjeſtatur, quod excrementis illis non caruerit. Quod autem in hac hiſtoria potus expreſſa mentio facta non fuerit, illud fortaffe in cauſa eſſe potuit, quod Author exiſtimaret, uno cibi nomine potum quoque comprehendere. Ipſum vero ita exiſtimaviſſe, tum ex modo allatis ipſius verbis, maniſeſtum eſt, tum ex iis quæ ante aliquor lineas habet, de eadem Spirenſi puella, *credibile eſſe eam, cum redires ad ciborum uſum a liquidioribus initium feciſſe*. Et ſane ita quoque intellecta res eſt ab aliis, qui de iſtius puellæ jejunio locuti ſunt; inter quos Guil. Fabr. Hildanus præcipue numerandus eſt, qui in *Epift.* ad D.P. Bredærodiu ſcripta inter cætera ſæculi ſui prodigia, poſt admirandam Apolloniæ Schrejeriæ inedia, cujus ſe teſtem ocularem fuiſſe dicit, hanc quoque Conſolentanæ ex Fr. Citeſii deſcriptione recenſet, expreſſe memorans, eam *aliquandiu ſine cibo, & potu vixiſſe*. Enimvero nihil habuiſſet inedia iſta, quo inter ſæculi illius prodigia a tantis Viris referretur, ſi ciborum tantummodo ſolidorum abſtinentia fuiſſet, non etiam potus, & juſculorum inprimis quæ craſſioribus cibis alendi facultate præſtare nemo non novit. Alia quoque afferri poſſent exempla, ſi opus eſſet; & niſi multa ſupplerent, quibus palam fiat, non ſemper expreſſam omnimodæ iſtius aut abſtinentiæ, aut excrementorum deſectiois mentionem a Scriptoribus eſſe prætermiſſam.

(30) *Sive ad pietatem*. Uti Anna

Lammenittia, & Anus quædam Anglica a Langio memoratæ *l.c. pag. 111.* itemque Antonius ille hypocrita relatæ a Marſ. Cagnato *l.c. cap. 7.* ex Antonio Panormita; cui ſimile exemplum Romæ ſub Nicolao Pont. ab Ænea Sylvio narratum. Vid. Joh. Wier. *Tr. de Commentitiis jejuniis*.

(31) *Ad oſtentationem*. Inter cætera ob quæ Gaſſendus ait, (*loc. cit.*) non eſſe iis fidendum qui longarum inediæ hiſtorias referunt, hoc etiam ponit, quod cum ipſi non ſeſtes oculati omnimodæ abſtinentiæ ſint, ſed fidei ſtens aut ipſorummet abſtinentium, aut parentum, famulorum, ipſorum etiam exploratorum, vix quiſpiam horum repertiatur, qui, ut videri poſſit dicere quidpiam mirabile, exaggerare rem non aſſeſſet. Quam verò ſumus propenſi in id omne quod mirabilis ſpeciem habet, oſtendit Crouſazius in ſua *Logica T. 1. ſect. 1. cap. 9. num. 13.* ubi etiam demonſtrat hanc ipſam admirabilitatis aſſeſtationem naturalis hiſtorix veritati ſummopere nocuiſſe.

(32) *Principibus &c.* uti Maximiliano Cæſari, ejuſque proceribus ab Anna Lammenittia. V. Veliſ. *l.c.* Wier. *de Comm. jejun. §. 35.*

(33) *Magiſtratus &c.* Magiſtratus Unnenſis publicis codicillis ſeſtatur eſſe de veritate (jejunii Barbaræ Kremeis) nihilque doli latere; quod ex induſtria adeoque oculata obſervatione 9. dierum, quibus in eorum ædibus ſedulo fuiſſet cuſtodita; idque aliquoties a diverſis eſſe factum, ſe teſtari confirmabant. (Wier. *de com. jejun. §. 4.*) Fuco autem detecto Princeps Unnenſis mittit litteras ad Magiſtratum, quibus cum illo expoſtulat ſerio, quod tam ſtupide ſibi a puella fuiſſet illud &c. Idem *ib. §. 25.*

(34) *Anna Lammenittia &c.* Hoc tam-

tamquam e mentis abstinentie infigne exemplum.... nemini proditum ex Annalibus patrii MSS. in Bibliotheca sua enarrat Georg. Hieron. Velschius. Id vero intelligendum esse videtur proditum tunc primum ex Annalibus MSS. & multo distinctius narratum, quam ab ullo alio. Ceterum enim, multo ante & cognitum, & ab AA. prolatum constat ex supra memorato Wieri libello de comm. jejuni. §. 34. Marfil. Cagnat. de san. tu. cap. 7. p. m. 14. b. & Jo. Lang. lib. 1. ep. 27. p. m. 111. V. supra not. 30. 32.

(35) Non esse quibuscumque &c. Me-
mini (inquit opportune in hanc rem
P. Gallend. l. c. p. m. 542. col. 2. Oper.
T. 2.) cum praclarus Merendolus scri-
psisset, puerum duodecennem Icardi Aquen-
sis Pharmacopola filium, prius edacem, ac
macilentum, a quinque jam mensibus omnem
pene cibum renuentem (remisit prorsus
fama erat) & aliquanto tamen carnosio-
rem solito redditum, interrogasse me pue-
ri patrum, ipsum quoque Pharmacopolam
quid ejusce rei compertum haberet, ac re-
spondisse illum, impossibile fuisse tum ip-
sius pueri, tum sororis, non sat memin-
i, an fratris unius, qui, clam familia reli-
qua, ipsi edulia non multa quidem, sed
quaedam tamen suppeditaret.

VII.

(36) Sive ad cibum, & potum &c.
De Apollonia Schreiera an ista ex-
presse declaraverit P. Lentulus, qui
ejus historiam conscripsit, ignoramus;
librum enim ejus, qui vel ipso Hil-
dani tempore difficulter reperiebatur,
ut ipse in litteris ad Pet. Uffenbachium
datis, & observationi 33. cent. 5 sub-
nexis testatur est, videre non licuit.
Attamen dubitare vix possumus, quin
Scriptor omnium testimonio diligen-
tissimus omnia hæc accurate sit per-
secutus, cum & ipse Hildanus Len-

tuli æqualis, & amicus, atque adeo
in hac puella observanda socius, mul-
tis in locis jejunii hujus admirabilia
describens, omnia illa commemoret;
& centuria quarta observatione item
quarta profiteatur, se plura de re-
bus ad ipsam pertinentibus non adde-
re, quod D. D. Lentulus omnia quæ cir-
ca puellam hanc occurrissent, atque occur-
rerent, diligenter observaret, quæ suo
quoque tempore in lucem proditura essent.
Præterea Sennertus (l. c.) inedia-
istam, verisimiliter ex Lentulo, refe-
rens neque cibi, neque potus, neque
excrementorum mentionem omittit.
Omittit quidem de excrementis di-
cere cum alterius puellæ in Palati-
nato jejuniu narrat, in hoc Hen-
ricum Smetium non imitatus præ-
cipuum abstinentie illius Scriptorem,
qui decimo libro Miscellaneorum suo-
rum pag. 551. paucis quidem verbis,
sed apertissimis rem totam explicat,
affirmans, puellam a se visitatam fuisse,
quæ (ut fama erat, & certis quo-
que testimoniis compertum) in septimum
jam annum neque ederat, neque biberat
quicquam, neque ullum excrementi genus
in urea posuerat &c. Idem repetit quod
ad cibum & potum, & excrementa
lib. 8. p. m. 395. Non minus autem
accuratus fuit Jo. Langius in narra-
ndo puellæ Spirensis jejunio. Post-
quam enim morbum in quem illa
incidit breviter descriperit (lib. 2.
ep. 27. p. m. 111.) dixeritque eam
cibi potusque omne desiderium sic amisisse,
ut neque variis obsoniorum illecebris,
neque parentum precibus adigi potuerit,
ut quidquam esculenti, vel potus, vel
primis labris saltem degustaret, subiun-
git deinde sequentia verba: quam in-
ediam quam ultra biennium sustinisset,
nihil excrementorum nec per alvum, aut
vesicam excrevit. Neque vero aliter
scri-

scribere poterat is; qui suspicatus est (pag. 113.) in ea fuisse resolos paralys ventriculi nervos. Wierus quoque initio §. 33. libelli sui de *commentariis jejuniis* testatur de hac puella scriptum esse; prius omnem *aversam cibum, postea & potum, nec tum urinam reddidisse*. Ac ne dubitari posset de potus abstinencia, deque excrementorum defectione, Marfil. Cagnatus, postquam cap. 3. lib. 1. de *san. tu. p. m. 10. b. ex Ger. Bucoldiano* retulit, *nauseam, a qua ea virgo correpta fuerat, non modo non curatam, merum etiam anno sequenti, quo hominum memoria, ferventior, & aridior nullus extitit, neque potum ullum sumpsisse, neque lotium ullum reddidisse: capite* deinde septimo pag. 15. a. ubi ostendere conatur, jejunium quadraginta dierum non esse naturale, non modo non negat, puellam eo devenisse, ut annum, & illum quidem aridissimum sine potu vixerit, sed etiam non adeo, *sicuts cetera, alienum id esse demonstrat, nonnullorum, exemplis propositis, qui diu sine potu vitam duxerunt. Atque hæc ostendisse sufficiat de hisce inedia rum historiis, quæ ante Velschium proditæ sunt, ne forte quod ille in plerisque Scriptoribus reprehendit, (V. supra. N. VI. not. 29.) id in omnibus reprehendendum esse, quis putet; quasi videlicet omnes de cibis liquidis, deque excrementis *vestica redditis* parum curarint. Cæterum qui aut fere per idem tempus, quo Velschius, scripserunt, aut postea, diligentiam suam minime desiderari passi sunt in iis omnibus recensendis, quæ ad inediam sibi ad describendum propositæ cognitionem quoquomodo facere possunt, ut cuivis patebit historias Henr. Sampsonii *E. N. C. an. 3. obs. 173.**

Th. Bartholini *Med. Sept. lib. 3. sect. 3. cap. 6.* P. Blair *Trans. philosoph. 28. Jan. 1720.* P. A. Michelotti *Al. Phys. Med. A. N. C. vol. 2. obs. 26. & aliorum legenti.*

(37) *Morum propensionumque &c.* De puella Spirensi postquam dixisset Joh. Lang. *l. c.* eam a se visam duodecim annos natam, *iusto corporis pro ætate habitu, coma flavescente, fuscam, oculis castis, facie non illiberali, statim addit: quod ad animi affectus attinet, taciturnam, benignam, & mitis ingenii puellam, parentibus morigeram &c.*

(38) *Matrona.* De vero jejunio Consolentaneæ suæ asserit Citellus pag. 80. *Nobilissimorum Virorum, qui tam in domibus suis alius per trium, alius per quatuor hebdomadarum spatium inter uxores, & filias suas asseruarunt, fides satis unicuique constare debere.* Vid. infra not. 40. de Puella Palatina quatuor Matronis ad eam observandam tradita.

(39) *Aut privato studio.* Id fecit Quercetanus, qui & fama jejuniæ Apolloniæ Schrejeriæ permotus, & morem gerens Domino de Syllery Galliz Procancellario Bernam se contulit, ut tanquam testis oculatus rei veritatem certius cognosceret *Dietet. polyhist. cap.* Paulus quoque Lentulus, & G. Fabr. Hildanus eam inviserunt. Citellus similiter Consolentancam suam visitavit, & ita persuasus fuit de veritate jejuniæ ejus, ut scribere non dubitaverit: (pag. 80.) *etiamsi per tot menses, & annos, singulos ejus motus observare non licuerit, videri tamen, nihilominus verum quod de ea circumfertur triennale jejunium; nec aliter iis persuasum fore, qui nudam eam, ut nos conspexerint. Nempe non detrectavit puella nullius fraudis conscia, se nudam videri, contra quam Barbara illa*

illa Unnenſis fecit, quæ cum Mater diceret, ei adeo collapſum eſſe ventrem, ut umbilicus eſſet quaſi adnatus ſpina dorſi, Wierum tamen contrēctare ipſam tentantem effugit. Similiter de Martha Tailer curioſos multos undique confluxiſſe ad illam viſendam, narrat Sampſonius, Medicos, Chirurgoſ, alioſque qui integras noctes per vices huius negotio invigilarunt, ut ſi forſan fraus aliqua ab ipſa, vel amicis facta fuiſſet, deſegeretur. Nullum (addit) ibi fuiſſe religionis prætextum, nullum enthuſiaſmum &c.

(40) Aut publica auctoritate &c. Ferdinandi Romanorum Regis juſſu puella Spirenſis ab ejus Medico, & ab altero quodam a cubiculis viſitata fuit, uti reſert Lang. l. c. Juſſu patris Joan. Caſimiri Comitis Palatini Catharina Conradi Victoris filia primum quidem anno 1584. ab Henr. Smetio, & Jacobo Theodoro Medicis præclaris; ruruſum autem anno 1588. a Jo. Pollio Medico Aulico, & Valentino Hennero & ipſo Medicinæ Doctore obſervata fuit (V. Smet. Miſc. x. Senn. l. c.). Citellius qui Snetio adhuc vivente ſcribebat, addit, adhibitas fuiſſe quatuor Matronas quæ ab ejus (puellæ) latere, ne quidem noctu diſcederent. V. ejus Tr. de abſtin. conſol. pag. 79. Nec minori vigilantia Bernenſis Senatus in Apolloniæ Schreierix abſtinentiam inſiſſit: juſſi enim & Matrem, & filiam Bernam adduci, quas in Xenodochio urbis collocari, & ibi obſervari a cuſtodibus voluit, ne quid fraudis ſubſeſſet. Quercet. Diſc. polybiſt. p. m. 143.

(41) De rei veritate dubitatum &c. Cautiones quas adhibitas fuiſſe, hucusque oſtenſum eſt, in ejuſmodi factis examinandis, clare oſtendunt, quam vehementer fuerit de ipſorum veritate dubitatum. Accedit quod

nota erant, & recentia eſſentiorum jejuniorum exempla: Certe Ferdinando Regi, & ejus proceribus obverſata fuiſſe ſimilia ſagitia, credibile eſt, cum Puellulam Margaritam e pago Rodt Spiram accerſitam novis indutam veſtibibus, Medico ſuo, & alteri ſuorum a cubiculis, Viris ſpectata fidei, nocturno, diurnoque tempore in eorum audibus obſervandam dedit, uti ſcribit Lang. l. c. addit enim eos id feciſſe, non tam admiratione commotos, quam quod veriti eſſent, ne quid fraudis ſubſeſſet, ut olim in Auguſta Vinſelico-rum urbe, & nuper in Aſglia anus, prætextu religionis, ſolertius etiam ingenii viros deciperat.

(42) Cuſtodes poſitos &c. V. ſup. not. 40. in fine; præcedentem; & alibi.

(43) Dies nocteſque &c. Vid. ſupra (not. 41.) quid actum ſit circa puellam Spirenſem ex Langio (pag. 111) circa Conſolentaneum ex Citellio (pag. 80.) circa Schreieram ex eodem (pag. 79.) circa Martham Tailer ex Sampſonio (l. c. not. 39.)

(44) Omnia ſummis cautione acta. Vel de ipſis indumentis cogitatum eſt, ne quid forte alimenti in illis abſconditum fallaciam faceret, cum puella Spirenſis obſervari cœpit juſſu regio: Veteribus enim ablatis, novis induta eſt. Cum ergo ſic tradita, fuerit ad obſervandum, & dies 12. ſub aſſidua cuſtodia, nullo ſibi a quopiam oblato cibo, aut potu tranſegerit, uti vel ipſe Marſil. Cagnat. l. c. cap. 3. pag. 10. b. non diſſiteretur, mirari ſubit, quomodo Wierus ſcribere potuerit (l. c. §. 35.) ſe nihil dubitare: ſi ſeculatus illa fuiſſet obſervata, aut in ipſam vigilantius inquiſitum, quia impoſtura fuiſſet detecta: nec deſuiſſe, qui in veſtimenti ſimbris

libum ad famem tollendam, dextre confutum fuisse, dicerent.

VIII.

(45) *Plerumque morbi fuerunt inusitati & novi &c.* Novus certe atque inauditus fuit morbus supra N. V. not. 28. indicatus Māgaritæ Lauveræ cujus descriptionem a Sigismundo König Reipub. Bernensis Physico ad Robertum Hook missam habemus in *Aët. crud. Lips. an. 1682. Mens. Nov. pag. 240.* Huic menstrua cum defecissent, aborti sunt acerbissimi dolores modo has, modo illas partes excruciantes. Eruperunt varix subito lataque vesicæ, dolore adeo intolerabili, ut mente moveretur. Malum pyyalismo mercuriali profigatum est. Sequenti anno reversum est, sed non diu vesicæ durarunt. Cum ergo sponte evanuisent, non multo post affectus quidam recruduit nephritidem in multis æmulatus, in aliis vero plane inauditus & novus. Clysmate rejectum est, inde topi, & lapilli vomitu pariter redditi, primum quidem pisorum, deinde etiam avelanarum nucum magnitudine, duritie autem varia, cum alii molliores essent, alii silicibus æquiparari possent. E vesica summe dolente nihil urinæ, etiam cathetere immisso, educum est. De calculis in renibus, vesica, & mesenterio genitis suspicio fuit, non secus ac in ventriculo, & intestinis genitos autopsia docuerat. Certe fragor invicem allisorum lapidum vel admota ventri manu, vel citato vomitu, audiebatur. Sed longum esset omnia recensere. Admirabiliora fuerunt clysmatum per superiora ejectio, cum interim crassa intestina crassius item excrementis diu inarcta essent, uti eorum enixus demonstrat; urinarum colores ali-

quando viridis, aliquando cæruleus, ilque perspicuus; urinæ item per fauces rejectio; ejusdem retentio; mox eruptio enormis; atque iterum huic succedens retentio; lapillorum excretio primum per superiora, progressu temporis etiam per inferiora, eorum varium genus, varia forma, varius color, copia vero tanta, ut quinque libras, si omnes asservati fuissent, facile excessissent; tandem, quod ad rem nostram facit, omnimoda per integros quatuor menses cibi, potusque abstinentia. Neque enim toto illo tempore quidquam sumpsit, nisi quinto, sextove die cochlear exiguum olei amigd. dulc. spiritu nitri impregnatum, quod & optimum dissolvens, & ægræ haud ingratum comperit fuerat.

(46) *Magna hic &c.* Ex arsenico per errorem in fornace una cum lignis concremato creditum est ortum duxisse Puellæ cujusdam Silesiæ 11. annos natæ diuturnam inedia. Hæc per 9. Menses ne hilum quidem; per 6. autem menses subsequentes rarissime quoddam, neque in ea quantitate, quæ ad vitam sustentandam sufficere potuisset, assumpsit. Per totum hæc tempus innotata plane, ac mortua quasi in lecto procubuit. Quod vero culpa in arsenicum conjiceretur, id nempe causa fuit, quod & aliæ puellæ, quæ in eodem conclavi erant, idem fere situm, quamvis non adeo diuturnum, & grave sunt expertæ. Christ. Mich. Adolphus E. N. C. *Cent. VII. VIII. obs. 34.* Non minus extraordinaria causa fuit jejunii Marthæ Tailer, *Ab idu videlicet sibi in dorsum a Molendinario inflicto lecto diu affixa, inde parum convalescens, iterumque recidivam passa, sensu deglutiendi difficultatem in gula inde*

pro-

prostratum appetitum; post hæc jejunium: quod scribens Sampsonio durabat adhuc cum jam 13. menses elapsi essent. *E. N. C. an. 3. obs. 173.*

(47) *Ortus, progressio, exitus &c.* Inediis adeo diuturnis conveniens inter alia videtur jejunantes istos & paulatim a cibis defuere, & redire paulatim ad eorum usum. In abstinētiæ autem progressu excretiones deficere, in regressu ad alimenta eas quoque restitui. His porro egregie respondent observationes. *Primo sensum panis, deinde ciborum aliorum omnium appetitum amisit Schreiera (Senn. l. c. p. m. 384. col. 2.) & jusculis tantum nutrita paulatim illorum etiam usum abhorruit; & tandem saltem aliquot coctilearia vini aqua dilui assumpsit & ejus usum postea respuit; atque ita aliquot menses sine cibo, & potu vixit. Spirensis cepit plus cibum quam potum sustinere. Lang. l. c. p. 111. Martha Tail. abstinere cepit ab omni cibo solido, uti & pedetentim ab omnibus liquidis, nisi quidem rarissime &c. Vid. Sampson. l. c.*

Quod vero attinet ad paulatimam refectionem, de Schreiera, inter alias, notatur (*Senn. l. c.*) cum appetitus paulum redire cœpisset, cœpisse etiam pedetentim coctionem in ventriculo, hepate, aliisque partibus perfici; abdomen quod ante extenuatum, & induratum erat, rursum emolliri, & elevari; excrementa per consuetas vias iterum excerni; musculorum robur recuperavit; & quæ invalida fuerat, motu restituto ambulare cœpit. Vid. Hildan. præsertim *cent. 4. obs. 4.* cujus verba referuntur *vol. 60. ad N. IX.* Palatina vero Henrici Smetii primum aqua fontana ferumciat cibis, deinde lactis acidi, quod primum appetivit, & quidem

frigidi dimidiam nucis juglandis quantitatē deglutivit. Cum plusculum assumere conaretur, non potuit, eoque per vomitum rejecto, vino os colluit, sed nihil ejus vini deglutire valuit &c. Vid. Smet. l. c. pag. 552. 553. Consoletanea quoque paucos ante menses cœperat lactis guttulam diutius ore versare (*Citesc. pag. 113.*) Cum autem, rediit ad ciborum usum per triduum lacte repente os & fauces irrigavit; mox jusculum sibi parari imperavit; parati unum & alterum haustum exsorbet, quem multo labore deglutire conata effecit demum, ut ventriculus quantum erat assumptum exciperet, atque amplexaretur. Exinde paulatim cibis firmiter assuevit sese &c. reddito priori vultu, liberali illo quidem & vivido, totoque habitu speciosiore facto. *Citesc. ib. pag. 112.* Similia narrantur de aliis pluribus quorum exactiores habentur historiz.

Demum excrementa post denuo assumptos cibos redierunt. Gilb. Jackson post decimum quartum, vel decimum quintum diem ab assumpto aliquo cibo nonnihil per alvum, & urinam reddere cepit. Adelheydi vero Scalpartii Wielii in tertium usque hebdomadam alvi exoneratio dilata est, eamque nonnisi assumpto interno quodam remedio a Scalpartio transmissio consecuta est.

(48) *Deglutitio difficilis.* Hoc symptoma plenisque abstinētibz commune fuit, atque in nonnullis a paralyli gulæ & œsophagi ortum duxisse creditur. Postquam Consoletanea per totos 20. dies vomitu assiduo conficta est, & per alios 24. dies sine voce hæsit, omnium infra caput partium motus torpere, & bebere cepit, adeo ut ipse quoque œsophagus resolutus vim suam cathelepticam amiserit: Restituito deinde, & confirmato artuum motu post

6. fere menses sola deglutendi impotentia remansit. Citef. pag. 64. 65. Primum quod sensit Martha Tail. fuit deglutendi difficultas in gula. V. supra not. 46.) Adelheydis quoque Stalp. ne fluida quidem deglutire poterat &c. Vid. not. 105. ad N. XXXIV.

(49) Vomitus, angustia, & deliquia &c. Confolentanea, uti supra notatum est, inter prima gravissima symptomata febrem, qua statim ab initio correpta est, comitantia, offiduo inprimis vomitu per 20. dies confusata est. Puella Juliacenſis, de qua Hildan. cent. 2. obs. 40. a cibo adeo abhorrebat, ut cum quidam ex illis qui ad eam invensulam advenierant, facchari parum clam in os immisisset, illa protinus in syncopem incidit.

(50) Eorum quae e corpore &c. Quanti ab omnibus factum fuerit hoc indicium ad inedie non sice cognitionem, ex superioribus annotationibus intelligi potest; praesertim vero ex eo quod nemo fere inter Scriptores huius rei mentionem facere emisit. Hoc argumento adductus est Wielius, ut veram iudicaret Henr. Stiphont abstinentiam.

(51) Ventris contractio. Quercetanus hoc argumento usus est, ut mirantes & vix sibi persuadentes quin alimentis clam pascereetur puella quædam, quæ Conſiani ab ipso visa est, & jam sine cibo, & potu per sesquiannum perſisterat, a sinistra illa opinione dimoveret. Ubi enim ventriculum, hypochondria, mesenterii, & inferioris abdominis regionem attrectavit, aperte docuit, in illo abdomine usque adeo depresso, & instar marmorei lapidis indurato nihil colligi posse; cum nihil in illas partes traheret, aut influere queat. Diætes. polybiſt. p. m. 142. Hanc ventris depressionem, contractionemque Langius quoque

in Spirensi notavit pag. 111. Senn. l. c. commemoravit de Schreiera; & alii de aliis. At omnium accuratissime descripsit Citeſius in Conſolentanea: Abdomen (inquit pag. 65.) sensim emacrescere, & tabescere adeo visum est, ut ab imis costis ad pubem usque nihil pristini aquaticuli supersuerit. Sola ibi nunc a sterni pendula mucronata cartilago supra antiquam ventris regionem extat, a qua, & nobis eorum coſtarum appendicibus superna cutis non mediocrem tensionis, & divulsioſis sensum patitur, ex ipso etiam puella conquestu. Inde omnes musculos, intestina, viscera, & reliquas ventris partes atrophica consumptas, & contractas pater, ut detractas putes. Saltem sola illarum fibra, & stamina restant; carnosæ omnis, quæ spatia carum insarcis, substantia perit. De sua Martha Sampſonius testatur. Abdomen ad ipsam spinam concidit, quæ manu palpatur, non obstantibus musculis, & intestinis jam aridis mediantibus. Carvitas est insignis a cartilagine ensiformi ad umbilicum.

(52) Cutis ariditas, pustula, seditates. Conſolentaneæ universa cutis frigida & sicca tangentibus apparuit; neque ullo motu incaleſcebat. Citef. pag. 66. De Spirensi notavit Langius (p. 112.) corpus pustulis phlegmate scateantibus; & Sampſonius jejunantis suæ cutem pruriginosa fæditate exasperatam fuisse; quam aliquando lacte abludendam fuisse, addit. Schmiddius quoque (Med. Sept. lib. 3. sect. 3. cap. 2. pag. 519.) pruritus, cutis siccitatem in abstinentie sua commemorat. Ac demum Herc. Saxonia Moniali cuidam Virgini non abstinenti quidem, uti modo nominatæ fuerunt, sed alliduo vomitu laboranti, quo plus egerebatur, quam assumptum esset, pruritus in toto corpore per-

mo-

molestum fuisse, scribit. *Visd. Med. Sept. lib. 3. sect. 3. cap. 25.*

(53) *Nervorum, tum resolutio.* Statim ac Spirensis puella cepit plus cibum, quam potum fastidire, uti supra notatum est, cepit etiam dolare nervorum in brachiis, & cruribus robur relaxari. Lang. pag. 111. lin. 4. Virgo Patavina motum sinistri brachii vel ipso morbi initio amisit, referente ex Alex. Viguntia Sennerto l. c. p. 384. De Consolentanea dictum est supra (hoc eodem N. not. 48.) quomodo reddita voce, omnium infra caput partium motus torpere, & bebescere ceperis, quo post sex menses artubus restituito, altera coxendix paralytica remanserit, unde difficilis inaccessus. Similiter de Catharina Bindera (*Smet. Misc. X. pag. 552.*) dicitur dextram manum diu resolutam fuisse, & utrumque crus attractum sine calore. Gilb. Jackson (*Transf. l. c.*) post febrem tertio recurrentem mutus evasit, paralyticus, & abstinens.

(54) *Tum distentiones.* Notabiles fuerunt convulsiones primum inter-næ per angores, & deliquia se pro-dentes, deinde extrinsecus apparen-tes in Adelhayde Stalpartii (*V. l. c. pag. 138. 139.*) Quandoque ita ve-herementes fuerunt, ut contorquens sese mentum & genua conjungeret. Caput hac illac jactitabat, e lecto exsilire conabatur, & detinere se vo-lentes mordere. Convulsiones istas (*pag. 144.*) observaverat Pater phasibus auscultasse lunæ, necnon ipsa convalescente, tertium semper gravissimum fuisse diem.

(55) *Desipientia.* Commune hoc fuit pluribus ex istis abstinentibus, ut mente non conflarent. Antequam Virgo patavina jejuniū suū inchoaret, deliravit (*Senn. l. c.*). Consolentanea, etiam voce reddita, fuisse

adhuc delirii plena dicitur a Ciresio pag. 64. & Adelhaydi modo memo-ratæ multiplicibus convulsionibus mentis usus videbatur imminutus. Stalp. pag. 140.

(56) *Tropensio in somnum, aut sopor.* Desidem, & somnolentam se inve-nisse dicit Lang. puellam Spirensē (*l. c. p. 111.*); languida pariter, som-nolenta, taciturna, cruribus contra-ctis fuit hetrusca illa, quam Sennertus commemorat pag. 384. a.

(57) *Stupor.* Usque adeo in non-nullis gravis fuit, ut Catalepsis gra-dum attigerit. Virgo Patavina Vi-guntiz sæpe Catalepsi correpta fuit. Sennert. l. c. Joh. Schlegel, & Vir-go Siebenlehens Maria Streichera quorum historiam habet Schurig l. c. §. 40. & seqq. sic affecti sunt, ut a multis pro cataleptici haberi potue-rint. Prior certe itans plicatis mani-bus, nihil loquens, fixis semper in-terram oculis, dies 3. noctesve per-mansit locum non mutans.

(58) *Visus, vocis, & loquela amif-fa, aut impedimentum.* Virgo Patavi-na cæca evasit, & delirare cepit, postquam aliis gravibus symptomati-bus laborasset, & jam aliquot men-ses cibum esset averfata. Senn. l. c. Consolentanea, uti supra indicatum est, postquam a primo insultu mor-bi per 20. dies febre, & vomitu con-fliccata est, febre quoquomodo re-mittente, obmutuit per 24. alios dies. Cires. p. 64. Gilb. Jackson, febre, tertio recurrente, mutus factus est, paralyticus, & asitos. Adelheydis Stalpartio cæca facta dicitur, & cæ-ca nominatur p. 140. An vero id o-culorum, an palpebrarum vitio ac-ciderit, non satis ex historiz narra-tione liquet. Certe per vehementes convulsiones (*pag. 139.*) palpebra ejus

ita

ita clauderantur (inquit historicus) pupillaeque versus interiora propellebantur, ut quasi consumpta apparuerint, digitisque palpebras aperire non posset, quare firmiter oclusa manserunt.

IX.

(39) *Argumenta quavis &c.* Huiusmodi sunt argumenta quibus Jo. Wierus (libello de comm. jejun. §. 36.) & Fr. Citefius (pag. 77.) Spirensis puellae abstinentiam in dubium vocare annuntiant. Sunt ea potissimum ducta a minoribus excrementis, mucovidelicet, lacrymis, & pustulis, quae in puellae corpore prodire narrabantur. Haec aliquo cibo (inquit Citefius) quamquam forte non solido vires ejus collabentes saepe fuitas, factis evincunt. Verum quid valeant ejusmodi argumenta, ex iis quae N. XXVIII. habentur, intelligere quis potest.

(60) *Aut quodvis indicium, & testimonium &c.* Neminem certe non commovebunt gravissimorum Auctorum testimonia quae Georg. Hier. Velschius adversus celebriores abstinentes adducit, dum palam aperteque profitetur: se plane persuasum esse, inedia illas quae tot annorum prodigiosa recensentur, ad unam omnes omnino fuisse & ementitas fuisse. De Apollonia (prosequitur ipse) Schreiera id aperte Guil. Fabricius Hildanus testatur Cent. 3. obs. 83. Item cent. 4. obs. 4. & cent. 5. obs. 33. De Eva Flegena Morfaccensi item cent. 5. obs. 33. De Catharina Conradi Bunderi filia Schmidviluensi in Talatinatu Henricus Smetius X. miscellan. p. 551. De alia quadam Jo. Wierus tr. singulari. De puella Spirensi, aliisque pluribus Jo. Langius Lib. 2. Epist. 27. De Gallica Gerardi Bacoldiani, quae eadem cum abstinentie Consolentanea Franc. Citefii nemo non commentum esse judica-

vit. De Scoto quodam, & reliqua. Ad haec ergo tam gravia testimonia qui respexerit facile inducetur, ut istas plurium annorum inedia tanquam impossibiles, merae figmentae, & imposturas repudiet, quemadmodum memorati Velschii, aliorumque auctoritate fecit L. Schrockius (Schol. ad obs. Helwig.) qui eis neminem nisi qui se caca credulitate decipi patitur, sese oppositum esse, pronunciat. At si quis Auctores a Velschio allegatos adeat, mirabitur, qui potuerit Vir Clariss. ex eorum testimoniis colligere, inedia illas ad unam omnes omnino fuisse, & ementitas fuisse. Nempe magna pars eorum locorum, quos ipse citat, longe ab ea sententia sunt alienissimi. Nam duo primi, qui ex Fabr. Hild. afferuntur, alter quidem ex litteris ad Valentinum Rulandum, alter ex litteris ad Janum de Burgo datis, ambo nihil aliud de Apollonia Schreiera continent, nisi eam post longam illam inedia iterum edere, & bibere incipisse prima die anni 1611. ab initio parce sumpsisse cibum, & nihil fere praeter juscula, & ut plurimum bordeacea: verum non diu post, cum esset facta inficiens, omnia, etiam lintea, lodices, iunco & cultros devorare tentasse: eam a se una cum P. Lentulo multisque aliis visam: panem in vino maceratum ei oblatum, quem arvide devoravit: vinum bibere noluisse, dicentem, hoc sibi nocere, & capitis dolorem excitare... excrementa quotidie, & menstrua singulis mensibus copiose excrevisse: ventrem dextrum, qui antea supra modum depressus erat, tunc secundum naturam sese habuisset reliquaque membra omnia carnosae fuisse. Itaque duo isti loci non modo non favent, sed plane obsunt Velschianae assertioni. Favet potius qui ex cent. V. adfertur. Sed de hoc

in-

infra distinctius. Locus vero Smetii de Cathar. Conradi Binderi filia, & item alter Joh. Langii de puella Spirensi illi ipsissimi sunt quos ante in annot. 36. sub N. VII. produximus; qui nihil certe continent, aut habent adjunctum, quod veritatem istorum jejuniorum mirifice non confirmet. Alia vero illa puella quædam de qua Jo. VVierus tr. singulari, idest tractatu de commenticiis jejniis, non potest non esse Barbara Unnenfis, quæ præcipuam in eo tractatu personam agit. At neque hæc, neque Anna Lammenittia, neque alix ibi memoratæ, una fortasse puella Spirensi excepta, quam, ut supra diximus, suspectam habet Wierus, veris abstinentibus a quopiam annumeratæ sunt. Porro argumenta quibus ille in hanc suspicionem adversus Spirenses inductus est, not. 59. indicata sunt, & quid valeant inde dignosci potest. Quæ autem Gallica ista est *Gerardi Bucoldiani*, quam Velschius eandem facit cum *Consolentanea Citesii*? Numquid potest utriusque abstinentis ætas in eandem personam convenire? Bucoldiani scriptum de sua jejunante annis plusquam quinquaginta antiquius est Consolentaneæ jejunio. Edictus enim est libellus ille Parisiis an. 1547. (Mercklin. Linden. renov. sub lit. G.) Consolentanea vero jejunare cepit vere anni 1599. (Cites. pag. 64.) Conciliet qui potest res tanto annorum intervallo disjunctas. Sed quæcumque tandem fuerit Abstinentis ista, Consolentaneæ certe inediam, non reprobabimus ob unius Velschii, Scriptoris cæteroque luculentissimi testimonium adeo asseveranter affirmantis: de ea neminem non commentum esse judicasse. Doceri enim debuisset & qui judicarent, & quibus de causis,

Potius si quid esset, quod Consolentaneam suspectam redderet, illud nempe esset, quod pariter & de Palatina Henrici Smetii suspicionem facit. Nimirum ambæ tum solum ad alimentorum usum rediisse dicuntur, cum se in arctiorem custodiam redactas, & diligentius multo, atque rigidius, quam unquam antea observandas esse, cognoverunt. De Palatina vero ut suspicari vehementius quis posset, faciunt nempe & preces ad Deum fuscæ, & genius illam solatus, & morbi allevatio post hæc tandem consecuta, non prius. Attamen hæc ipsa non tanti momenti sunt ad dubitandum, quanti ad faciendam fidem videntur esse cum alia multa in hisce historiis narrata, tum inter cetera refectiois, & convalescendi modus toleratæ diu abstinentiæ apprimè consentaneus. Diverfus certe si fuit a modo quo Augustana, & Unnenfis refectæ sunt post simulatam suam inediam; hæc quippe solidioribus cibis statim usæ sunt. Neque id mirum; ipsorum enim numquam vere abstinentes fuerant. Illæ vero, uti narratum est supra not. 47. initio a liquidis sumpto, nec sine difficultate, paulatim ad crassiorum alimentorum usum redierunt. Atque hæcenus dicta facis nos moneant, ne facile cujusvis auctoritati fidamus. Errori enim obnoxii sunt vel gravissimi quique Scriptores: atque idcirco quicumque demum fuerit, a quo aliquod factum narretur, aut alii id narrantes allegentur, non ei existimandum erit injurium, si factum ipsum, antequam recipiatur, vel diligentius examinare, vel ex primis ejus Auctoribus haurire studeamus. Cæterum utcumque placebit vetustiores illas diuturnarum inedia-

rum

rum historias accipere, non desunt certe recentes alix, quas ne suspētas habeamus facit nempe Clarissimorum Virorum, a quibus traditæ sunt, singularis doctrina, fides, iudicium, diligentia. Hæ sparsim in hoc scripto memorantur ex Sampsonio, Helvigio, Schmidio, Blairio, Michelotte, aliisque pluribus relatæ. Quibus & illam accensere libet, quam novissime protulit Constantinus Gata. *Ræc. d' opusc. Scient. opusc. 17.* Etsi vero ex istiusmodi narrationibus perpaucae sunt, quæ ultra annum spatium protractum jejuniū doceant, & aliquæ tamen sunt quæ id docent, quæque ut luculentos habent Auctores, maxime credibiles existimantur, & illæ ipsæ quæ ad menses jejunia durasse, narrant, non levi argumento sunt, etiam ultra id tempus durare potuisse. Ubi enim tam longo intervallo consuetos fines transgressa fuerit cibi potusque abstinentia, ubi semel jam ab ordinariis naturæ legibus quasi soluta fuerit, quis divinando assequi possit quousque illi ab ipsis recedere concessum sit?

(61) *Aus suspicio &c.* Plusquam suspicio videtur ea quam Guil. Fabr. Hildanus in admonitione ad Lectorem observationi 33. Cent. V. annexa proponit de Apolloniæ Schreieræ jejuniū. Cum enim quæ olim de Moersiensis puellæ abstinentia in prima suarum centur. editione scripserat, in secunda retractaturus esset, dixissetque optare se ut aliquis eorum qui Moersensem cognoverunt, totum fictitæ illius incedæ negotium conscriberet, & in publicum daret, quo imposterum in huiusmodi fraudulentis illusionibus cuncti cautiore esse possent; hæc subiungit: Ego plerumque in privatis colloquiis eam proceribus nostris incedam Apollonia

Schreieria in dubium vocatæ, ipsamque elarist. virum D. D. Paulum Lentulum (qui historiam integram descripsit, & in publicum dedit) simul & me, multosque alios sefellisse, necnon quamplurima, quæ de huiusmodi incedis ab auctoribus, quantumvis approbatissimis, sparguntur suspēta mihi esse, ausim dicere. Quibus addit: Viri Schreiera illa in hunc usque diem 20. Octobris 1633. quo hæc scribo; robusta est, & aliorum hominum more nutrimenta sumit. Si eo tempore quo iterum eibum appetere, & cum aviditate, devorare inciperet, vel etiam ab initio, dum hic in custodia (uti ex historia Da. Doctoris Lentuli videre est) habebatur, rigide examinata fuisset, dolus, omni procul dubio in apertum venisset. Plurimi certe faciendum est tantum Virum tam vehementer de abstinentie ista dubitasse. At vero eritne illa, propterea doli fallacique condemnanda? Id enimvero fieri salva æquitate non potest. Doceri prius debet a Clarissimo Viro, qui cum recens esset a puella invisa, & una cum Lentulo diligenter observanda, nihil tale suspicatus est, quæ nunc ipsum rationes, moverint, ut tam fidenter pronunciet, si rigide examinata fuisset, dolum omni procul dubio in apertum venturum fuisse. Porro autem quod Fabricius suspiciones istas suas ante divulgata Moersiensis flagitia privatim tantummodo, nunquam publice manifestas fecerit, id nempe argumento est, se illas non tanti fecisse, quanti ea occasione, qua se deceptum fuisse, nec sine pudore, gravissimaque animi perturbatione fatebatur. V. *epist. ad T. Uffenbach. Cent. V. obs. 33.*

XII.

(62) *Ubi hoc satis &c.* Ab hujus explicatione exoritur, qui ad hanc quæ-

quæstionem solvendam accesserunt. Vid. Jac. Zuinger. in *Epist. ad P. Lentulum annexa observationi* 33. cent. V. Hild. & Sennertus l.e. qui priusquam causam diu toleratæ abstinentiæ investiget, illud sibi proponit principio explicandum, quæ sit necessitas alimenti assumendi. Enimvero si morbus plerumque fuit tam longa abstinentiæ, illud de ipsa dici vere poterit, quod a Boerhaavio generatim pronunciatum est de iis qui se ad morborum cognitionem accingunt: *Quis vitæ causas nescit, & sanitatis, ille..... morbos cognoscere non poterit. Aph. de cogn. & cur. morb. Proleg. n. 3.*

XIII.

(63) *Reparationem esse dispendii &c.* Re vera in hoc consentiunt omnes antiqui pariter, & recentiores. Galen. lib. de *Vitæ. rat. in acut. comm.* 1. n. 43. *Si nihil e nostro efflueret corpore, alimento opus non esset, sed quum effluit, ideo hujus proportionem cibi quantitatem definimus.*

XIV.

(64) *Ex innumeris illas contexens minutissimis vasculis.* Texturam hanc humani corporis ex minutissimis vasculis ex hoc ipso duxit Boerhaavius (n. 434. *Inst. Med.*) quod ad motus suos obeundos esse flexile debeat. Bellinus ante cæteros considerat corpus animale quasi cumulum minimarum glandularum; glandulas autem quasi constantes maximam partem ex arterioliis inflexis, advolutis, intextis (*De Motu Bilis prop. 30. p. m. 221.*) Pitcarnius corpus animatum definit, corpus ex canalibus diverſi generis, liquores diverſi generis ferentibus, compositum (*Elem. Med. Consp. def. 7.*) Eandem notionem habent & alii pene innumeri, uti Gulielm. de *Sang. nat. & consp.* n. 63. Frid. Hoffm. *M.R.S.T.*

& P. 1. cap. 1. prop. 17. Cheyne *princ. philosoph. cap. 6. §. 39.* Santorin. *de nutr. anim. n. 9.* *Si fluida, inquit, excipias, totum corpus totum vas est.* Jac. Keill. *Tentam. Med. Phys. Tent. 1. p. m. 24.* Leeuwenhoekii observationem adducens, qui quartam unius digiti partem plusquam decem vasorum milibus refertam se vidisse testatur.

XV.

(65) *Alia demum in exteriorem partium ambitum &c.* Id indicatur a Boerhaavio, *Inst. Med. n. 426.* clarius vero exponitur in *epist. anat. ad Frid. Rhuyſcb. p. m. 123. 124.* *Hic liquor (perspirabilis) baud requirit cavitatum sub emissariis locatas sedes. Sed datur bræe porta, per quam meat recta ab ultimis arteriolarum, subtilissimisque fistulis, absque ulla omnino fabricæ glandulosa ambage interposita, aut remorante. Quas profecto, singulari successu, dexteritas tua (Rhuyſchii. v.) ipsi bis oculis ostendit. Est enim ubique, in omni parte corporis ubique præsent.*

XVI.

(66) *Animantis vitæ & salus &c.* A Pitcarnio (*Elem. Med. Consp. def. 1.*) definitur *Vita.. circulatio sanguinis a corde puls per arterias, & per vasa reducti; & prop. 30.* Corpus omne est vivens, in quo liquores continuo intra suos canales moventur. Hoffmannus quoque cum alibi sæpe, tum in præfat. ad *T. 1. Med. Rat. Syſt. Est vitæ, inquit, nihil aliud, quam motus sanguinis, & humorum in circulum abiens a systole, & diastole cordis, & arteriarum, omnique generis canalium, & fibrarum, sanguinis & fluidi nervi influxu sustentata, proficiens, qui secretionibus, & excretionibus corpus ab omni conservat corruptione, & omnes ejus functiones gubernat. Hic enim circulus est ipse ille vitalis motus, qui ipsum sanguinem*

nem in se valde in putredinem pronum a presentanea corruptione vindicat &c. Idem repetit eodem T. P. & cap. 1. prop. 23. itemque cap. & prop. 2. Similiter Cheyne princ. phil. cap. 6. num. 34. Atque in hoc, inquit, circuitu recte perat. Ho vita & salus consistit.

(67) Ad remotissimos usque angustissimos &c. Bellinus præcipue laus hæc debetur cognitæ admirabilis hujus extremorum vasorum a suo principio distantiz. Sunt enim vasa nostri corporis sic inflexa, & plicata, exilitate vero tantæ, ut in minimum spatium incredibilis longitudo redigatur. Hinc fieri existimat Vir perspicacissimus, ut licet altitudo hominis non pertingat ad ulnas tres, longitudo tamen arteriarum, quæ in hac longitudine tam brevi continetur, sit quiddam immensum, & omnem mensuræ opinionem excedens (de motu bilis prop. 30. p. m. 221. col. 2.) Hisce cogitatis nonnulli fortasse plus iusto indulserunt. Sunt enim qui non vereantur dicere, si vasa humani corporis explicarentur, junctisque deinceps extremis, unum ex omnibus continuum vas produceretur, futurum esse, ut ejus longitudo universæ terræ ambitum pollet circumcingere (V. Hecquet Med. Theor. part. 2. p. 277.) Sanguini ergo, ut redeat, unde propulsus est, plus conficiendum esse viz, quam quæ Lutetiam a Sinis disjungit (Ib. pag. 279.) Listerus vero adduci non potest, ut hæc paradoxa credat, & vasa tam longa esse, quam isti prædicant, quod, inquit, sippo evincit eis celeri & prorsus momentaneo liquoris alienjus pulsû transcurso, de vase in vas, aut per ductus viscerum excretorios. Fatetur tamen & innuere esse & tenuissima ut ex Ruysebi injectionibus discessit, item ex figura, & magnitudine singularum globulo-

rum agre transcurrentium. Tr. de humor. cap. 30. Schol. p. m. 307.

(68) Hujusmodi vis non alia est nisi &c. Sola vis cordis, uti jam notissimum est, a Borello æstimata, non minor creditur vi trium mill. librarum, de motu anim. par. 2. prop. 67. Hoffm. M. R. S. T. & P. 1. cap. 1. prop. 18. cum Schol. Verdries de Æquil. M. & C. pag. 33.

XVII.

(69) Perennis dissipatio. Boerh. Inst. Med. n. 435. & alibi. Hæc est illa transpiratio, ille defluxus, cujus mentio facta est passim apud veteres pariter, & recentiores Medicos, & cujus maxima semper ab omnibus ratio est habita in præfenti negotio. Galen. de vena sect. advers. Erasistratum: Quamobrem ergo ille (Erasistratus) multos ob inopiam ciborum famis tempore interiisse dixit? Non meberecule ob inopiam ciborum respondebimus, nam eadem quoque ratione animantia in latebris degentia sine ciborum copia perdurare nequaquam possent. Perdurant vero hæc, idque ipsomet Erasistrato asserente, qui & causam hujus offert. Univerfa namque animalia per exteriorem cutis superficiem, secundum quod magis, vel minus de raritate participant, transpirare, ait: quam autem vel magis, vel minus rara superficies contingit, tum multas alias causas esse, tum illas non minimas, quæ secundum caliditatem, & frigiditatem, ac quietem, motumque corporum permutationes sunt. Si enim qui nos ambit aer calidus existit, & animans exercitiis vacaverit, plurimum tunc ex eo defluere contingit. At in contrario rerum statu, ubi videlicet ambiens nos frigidus, insuperque animal sine motu degat, densari illico exteriorem superficiem, defluereque nihil prorsus, aut undequaque parum: & ob id fera quæcumque latibula incolunt, alimentis opus non habent. Cum enim hæc sub hybernæ frigoris,

gus, quo tempore in cavernis commorantur, toto corpore frigida, segnesque ac dense ob quietem reddita sunt, & exterior superficies jam adstricta fueris, nihil tunc defluere par est, neque etiam quod evacuatum est, repletionem indigere: alioquin nutrimento opus haberent: ad quod investigandum capropter incitantur, quo defectus quem ex inanitione percepimus, opem ferant. Gal. l. c. cap. 9.

(70) Calida sese extricent &c. Corpuscula hæc in sanguine agnovcrunt Bellinus, atque Pitcarnius. Ille corpora caloris, & calorem simpliciter; hic corpuscula calorem producentia nominans. Neuter autem eorum naturam definiuit: quod neque hic factum fuit. Ad rem nostram Calor, inquit Bellinus, (de febr. prop. 5. p. m. 212. col. 2.) etiam in naturali motu sanguinis ab ipso feceritur, libertatem nanciscitur, perspirat, ac tactum movet. Vid. eadem ap. Pitcarn. Elem. Med. lib. 1. cap. 4. num. 2.

(71) Ignea ne &c. Non repugnabunt ignea vocare ista corpuscula it Philolophi, qui ignem ubique, & per omnia corpora diffusum ponunt, nihilque ab eorum mutuo attritu effici aliud, nisi ut copiosius illuc confluat ignis ipse, ac sese reddat sensibus manifestum. Corpora quacunque ex attritu incallescunt, & quidem agnoscere, quod ignis præsentiam indicat, ideo omnia corpora ignem continere. S. Gravesande Phys. Elem. Math. lib. 3. cap. 1. num. 330. Et inferius cap. 3. num. 359. Petrus autem Musschenbroeck (Elem. Phys. §. 374.) Est ignis ubique præsens, & in omni corpore, atque ille qui in corpore fere quiescebat, vel parum movebatur, tritu celerissime iterum agitur. illico suam vim, & potentiam ostendit. Vid. etiam Boerhaav. in parte prima sux Chemie, ubi agit de igne, experim. 9. cum

annexis elegantissimis corollariis, & sub nota marginali inde explicatur nonnulla, ubi n. 5. de sanguine loquitur, deque calore in ipso per attritum producto. Vid. not. 96. ad N. XXXIII.

72 Aut Sulphurea: Sulphureas facit Gulielmus caloris particulas (de Nat. & const. sang. n. 67. & 73.) qui nullum alium innatum calorem agnoscit, nisi hunc ipsum sanguineæ massæ (ib. num. 73.)

XVIII.

(73) Hinc calor ille &c. Luc. Tozz. com. in aph. 15. sect. 1. Hoffm. M. R. S. T. & P. 1. cap. 9. prop. 13. & alii, quorum princeps Bellin. (l. c.) calorem hunc sanguinis motui proportionalem esse, judicavit, quem sequuti fere sunt ceteri.

X XI.

(74) Non defectu crassioris humoris &c. Certum est, continua inedia defunctos non adeo emaciatos esse, quantum ei, qui extrema tobe consumuntur, & tamen vivunt, signo manifestissimo famedenatis non ideo vitam subtrahi, quod in iis sufficiens deficiat nutritio; sed quia continuato dispendio consumptis animalibus spiritibus, ita evanidus fit sanguis, ut convenientem non possit suppetere eorumdem separationi materiam; id quod confirmant præcedentes muscularum omnium languores, mox liposbimie, deficientis in nervoso genere spiritus perspicua symptomata. Gulielm. l. c. num. 33.

X XII.

(75) Nec deerunt universo corpori sensus, & motus &c. Ponuntur hic duo ista vitæ indicia cum agatur de humana specie, deque ratione, qua diuturni jejunes vivere observati sunt. Ceterum enim quædam animalium species sunt, quæ per certa tempora vix ulla indicia produunt

exterioris motus, & sensus. Atque hoc ipsum facit, ut mortua videantur. Præter reptilia, & insecta, nota sunt, quæ de nonnullis quadrupedibus, & volucris narrantur, speciatim de hirundinibus, quæ acervatim junctæ totam hyemem aut in specubus, aut sub aquis, & glacie transigunt, atque inde exanimis, & in speciem mortuæ extrahuntur. Vid. Ol. *Magn. bist.* &c. l. 9. c. 19. Et null. *dyser.* abstrus. hum. respir. negot. cap. 10. §. 5. & Gul. Derham *Theol. phys.* lib. 7. cap. 1. annot. 12. & cap. 3. annot. 4. De glire. Vid. nos. 14. ad N. III.

XXVI.

(76) Si perspiratio illa insensibilis &c. Huic deficienti, aut multum imminutæ maxime Scriptorum pars tribuit, quod longæ inedie sustineantur. Ab hac minori perspiratione, inquit Bellin. cap. de Mania p. m. 372. col. 1. fit ut longum tempus a cibo potuque abstinere possint (Maniaci): & infra fieri posse, dicit, ut Maniacus per plures dies minime reficiatur, eo quod cibo non egeat, minime perspirans. Etiam in plantis, quæ perspiratione fruuntur, ultra omnem fidem, copiosissima, cum Heliotropium 48. unciarum pondus habens per horas duodecim æstivæ diei 30. uncias humoris exhalaverit, in plantis, inquam, ut perspiratio minuitur, aut augetur, augetur etiam aut minuitur suctus nutritii humoris, quem e terra attrahunt. Videantur in hanc rem elegantissima experimenta Stephani Hales in suis *Sist. Vegetab.* quæ a Desaguliero referuntur in *Transf. Angl.* habenturque in libro cui tit. *Saggi delle Transf.* &c. edito a Nob. Th. Derham. Tom. 4. num. 8. cap. 1. p. m. 44. Inter cætera considerari me-

retur proportio quam humana perspiratio habet cum perspiratione plantarum, superficiem cum superficie, & molem cum mole comparando.

XXVII.

(77) Tollatur ergo incredibilis illa spirituum &c. Distincte admodum omnia hæc dispendia numerat P. Zacchia *Quæst. Med. Leg.* lib. 4. tit. 1. quæst. 7. n. 30. Respirando, inquit, loquendo, videndo, audiendo, aut quomodocumque sentiendo, immo vivendo spiritus absumuntur, & disfluunt. ... Quanto magis præterea absumi eos, ac disfluere necesse est, si imaginari, intelligere, ratiocinari nos oporteat? Quanto magis si corpus quoquo modo movere, laborare, aut aliqua ratione exerceri necesse sit? Quin etiam &c.

(78) Cognoscimus tum dicimus &c. Quod nervus latex in qualibet illarum functionum summe dissipetur, illud non levi argumento est, quod si earum aliqua debeat a nobis singulari contentione exerceri, cæteras cohibere, aut moderari studeamus. Boerhaavius paucis, ut solet, id indicavit num. 586. suar. *Inst.* dicens: intelligitur. ... cur impossibile est imaginationem alteratam emendare ullo ratiocinio, sed quidem violento motu? Cur cæteris paribus, sensus interni, externique vigent, cessante motu voluntario musculari? Attentus, reminiscens, imaginans quare sopit sensus externos, & sopit motus corporis &c. Quam ob causam oritur tanta debilitas in corpore, ubi sensus interni valide, & diu exercentur.

XXVIII.

(79) Larguida, somnolenta, taciturnana. Non aliter se habebat Spirensis Virgo, quam vidit Lang. (l. c.) ob exhaustas jejuniæ vires desidiam, & somnolentiam. Franc. Baconus in sua *bist. Vita*, & mort. tit. *Attiola mortis* n. 23.

p. m. 557. hoc notavit: Morbo languentibus (inquiens) inedia minus gravis est. Etiam somnus alimentacioni nonnihil parat; quemadmodum contra exercitatio eam effragizat magis. Inveni enim sunt non raro aliqui, qui quodam natura miraculo sine cibo, & potu ad tempus non mediocre vixerunt. De somno quærit Boerh. (Inst. Med. n. 599.) Undenam protrahus assidus somnus diu sustinet vitam sine cibo potuque.

(80) Id sane de aliis quoque historia testantur &c. Gasp. a Rejes (l. c. n. 61.) de istis abstinentibus loquens; licet, inquit, non immobilis, nec tanquam mortui jaceam (uti de Lucomoris narratum est a nonnullis, aut potius commentum) languidi tamen, inertes, ac torpidi plerumque manent totum illud tempus, quo jejunant.

(81) Vel perpetuus in lecto decubitus. Hujusmodi fuit puella Alex. Vigintix, paullo ante memorata Lucensis, Judæa Michelotti, puella Th. Bartholini, & alix quamplurimæ.

(82) Vel jacendi forma mortuorum similis &c. Vid. N. VIII. observationem Cbrist. Mich. Adolphi sub nos. 46. de puella Silesiaca. Hoc quoque referenda est historia inedix sex hebdomadarum quam passus est Civis ille Hagienfis a Stalp. relatus, qui, ut inquit ipse, sensu, motuque carens, mortuo decumbebat similis. Deficiebat arteriarum pulsus, nulla respiratione, ne per plumam quidem ori admotam speculumve aliquod versus adhibuit, animadversa &c. V. supra N. IV. n. 23. & Author ipse pag. 183. 184.

(83) Vel sequitias quadam singularis &c. Halberstadtienfem puellam adeo debilem fuisse narrat Sennert. (l. c. p. 385. a.) ut ei sedentaria vita perpetuo agenda fuerit. Alia exempla in his notis habentur.

(84) Vel sensuum torpor &c. Notabile est quod P. Lentulus, & una Fabr. Hildanus in Apollonia toties memorata observarunt. Etiam si musæ (inquit Hild. cent. 3. obs. 33. p. m. 414. col. 1.) quarum in hypocausto, ubi jacebat Apollonia, tanta copia erat, ut omnibus molestæ essent, per faciem, aliasque partes corporis denudatas observarent, illas tamen nullo modo percipere, immo nec tempore hyemali se a frigore magnopere ladi constanter affirmabant. Secus accidisse Morsienfi puellæ, fictæ videlicet illi abstinenti, narrat idem Hildanus; cum enim eam interrogasset, an tempore æstatis musæ, & pulices ipsam vexarent? Respondit, quam maxime; immo & a mutationibus aeris tum intense calidis, tum etiam frigidis, se aque, ac alios ladi, affirmabat.

(85) Vel membrorum tremor &c. Inter cetera indicia, quibus Th. Bartholinus (l. c.) puellæ cujusdam inediam non fictam esse judicavit, hoc primo loco posuit. Postquam enim narravit, non ipsius solum, sed & eorum, qui custodiam ejus gerebant, oculato testimonio, illam toto fere anno nihil manducasse, nisi quod minis interdum, vel precibus compelli potuerit, ut parum biberet, idque rarissime, hæc subiungit: Quam inediam etiam ipsa facile indicat per totum corpus tremula, macie, & pallore confecta, de agitudine capitis, ac ventris diè noctesque conquesta. Ex Med. Sept. T. 1. p. m. 521.

(86) Aut quasi paralyti. De hoc symptomate sæpe dictum est. Gilb. Jackson, cum esset omnino abstinens, membrorum paralyti laboravit. Etiam postquam cepit alimenta sumere, aliqua parte debilis fuit.

XXIX.

(87) *Pinguedo*. Famofum eſt, inquit Malpigh. (*exercit. de omento*) aſud aliquos, pinguedinem in corporis nutritionem inedia facere, unde plura animalia tota hyeme latitantia, abſque cibo vivere. Inter hæc animalia reſeſcentur Alpini mures, vulgo *Marmotte*, de quibus elegans obſervatio eſt Jacobi Perraultii (*Mech. des anim. 3. part. cap. 7. p. m. 476.*) quam etiam ſeſcit Fitmuller. *Diſſert. de corpulentia nimia Cap. 1. art. 1. §. 10.* Habent igitur animantia iſta loco unius, triplex, interdum etiam quadruplex omentum, alterum alteri inſtratum; ex quibus quardam venas habent conſueſta via ad venam portæ recurrentes, alia vero eaſdem habent ad cavam abeuntes. Id factum eſſe interpretatur Author eo conſilio, ut materies nutritia in adipofis facculis collecta per eam viam in ſanguinem, inopie tempore, inveheretur. Hæc tamen, quæ de pinguedine in iſtorum animalium nutrimentum facieſcente dicuntur, in dubium vocat Mart. Liſſer *Diſſert. de humor. cap. 49.* ac de mure quidem Alpino, quem nonnulli, inter quos etiam Rajus, in latibulis ſuis pingueſcere perhibent, affirmat, eum condere, quo veſcatur per hyemem. Similiter facere & glires; & victum quotidianum etiam per hyemem fumere, qui ſi copioſus ſit, ex ſomno facile, & multum pingueſcant. Quod ad homines ſpectat, pro comperto eſt, pinguiſſimas cellulas, inter diuturnas abſtinentias, exhauriri, ipſamque oſſium medullam conſumi, uti in fame interemptis obſervavit Hildanus. Vid. Stahl. *Theor. Med. ver. p. m. 373.* Fanton. *Diſſ. 2. p. m. 34.* Non ergo negabimus Liſſero poſſe adipem per

inſenſibilem perſpirationem diſſipari, aut per alia viſcera digeri; at neque ab ipſo negandum eſt, poſſe ipſius magnam partem e cellulis ſuis in ſanguinem revchi ad ejus jaſturas reparandas, licet ipſi qua via id fiat nondum conſtet.

(88) *Et quidquid eſt humoris albi &c.* Portionis hujus albæ aliqua ſemper notio fuit apud Medicos etiam vetuſtiſſimos. Sanguinem ſpecie album, & pituitæ ſimilem vocavit Hipp. *lib. de glandulis*. Pituitam vero alii poſt ipſum; inter quos Gal. qui humorem album ipſiſſimam pituitam eſſe dixit *de Hipp. & Plat. decret. lib. 8. cap. 6.* Alii & quidem ex Recentioribus, uti Malpighius *epiſt. 1. de pulm. humoris albi appellatione retenta*, ſerum ſanguinis intellexerunt. Itaque humor iſte præſertim crudior, atque tenacior, continuato attritu, eo devenire poterit, ut in alimentum corporis cedat; quod de ſua pituita Veteres dixerunt, quæ temporis proceſſu, eoquitur ſanguisque efficitur, ſi Galeno credendum eſt (*comm. 2. in lib. Hipp. de viſtu acut. n. 30.*) & ita corpus nutrire poteſt (*lib. num. 44.*) De rubicunda vero ſanguinis parte quid ſentiendum? Nimum hæc diſtat a diaphana illa, ſubtiliſſima, & ſimplici materia, nervoliſque ſucci ſimillima, quam pro nutritionis materia agnoſcunt Authores; & præterea minima vaſa non ingreditur. Ergo ab hoc opere unanimi conſenſu excluditur. Vid. Boerh. *iſt. med. a n. 447. ad 453.* Hoffm. *l. c. Tar. & cap. 2. & præſertim prop. 11. cum Schol.* At vero ſi rubri illi globuli, vel ipſo ſaſtente Boerhaavio (*Orat. de Med. ſimplicit.*) ſolitarii tandem decurrunt, poſtquam in anguſtias vaſorum appulerunt, atque inde per diverſos colorum a ru-

bro

bro in pellucidum gradus disparent : si præterea ejus experimento edocti sumus , (*Elem. Chem. T. 3. P. 2. præc. 114. V. 2.*) Rubrum ipsum sanguinis sensum in ipso aere, colorem ponere, fluorescentem sero proprium induere ; citra adeo a ratione absconum si suspicemur, hanc quoque partem diuturnitate temporis ita mutari posse, ut seri similis facta ejusdem vices, & officia in tanta necessitate præstet ? Sed conjecturis sit modus

XXX.

(89) *In purissima lymphâ constituitur.* Duplicis hujus partis mentionem per plures faciunt, uti Hoffmann. inter alios l. c. p. 3. cap. 1. præc. 2. Santorin. de nutr. n. 28. Boerhaav. Inst. Med. n. 275. 277. ipsum liquorem nerveum concipit tanquam lympham purissimam.

XXXII.

(90) *Motum hunc, qui &c. ita se remittere &c.* Facile unicuique super hisce rebus philosophanti hæc circularis motus remissio in mentem veniet ; quemadmodum nemo fere est inter Veteres, qui de nativi caloris remissione non cogitaverit. In hanc rem faciunt quæ Cheyneus habet in libro suo *Princ. philosoph. cap. 6. §. 39.* Postquam enim locutus est de minimis illis animalculis, quæ in masculino semine conspiciuntur, ostenditque liquorum, qui in illis insunt, velocitatem componi debere ad tantulæ eorum molis parvitatem, atque ad extremam solidarum particularum subtilitatem, in hanc comparisonem descendit. *Habemus, inquit, speciem quandam defidis bujus, & extraordinaria vivendi rationis in birundinibus, in insectis, in viperis, aliisque reptilibus hyberno tempore, atque in omnibus fere tenellorum animantium speciebus, quin-*

etiam in adultis animalibus rationalis speciei, quæ nervorum morbus diu viva servavit sopore quodam, atque lethargo detenta sine cibo, motuque & sine communibus vitæ dispendiis. De vi fluida movente in minimo embryonis corpusculo, & quomodo hæc nec valida esse debuerit, neque potuerit videantur quæ Bellinus demonstrat *Tr. de motu cord. præc. 3. & seq.* congruunt enim egregie cum iis quæ ante de circularis motus remissâ vi ex Cheyne retulimus.

(91) *Quanta possit sanguinem liquidum reddere &c.* Si verum est, quod arbitratur Santorin. de nutr. anim. n. 21. *Simplicem motum fluidis proprium non admodum consumptioni infervere posse, idem motus neque sanguinem excalefacere, aut asperare admodum poterit.*

XXXIII.

(92) *Multa in historiis narrata &c.* Inter cæteras quæ in hanc rem afferri possunt, historias, luculentissima ea est, quam in *Monum. & Scient. Acad. an. 1704.* ex Hombergio habemus. Secuit hic Matronæ cadaver, quæ cum ex diuturno pectoris morbo laborasset, inter cætera, quæ in eo morbo notatu digna fuerunt, illud etiam habuit, ut postremis quatuor mensibus solo herbarum decocto, non multum interim contabescens, vixerit. In ejus ergo cadavere cum alia multa, tum vero hoc singulare inventum est, quod non orificia solum, sed & majores arteriarum canales polypis fere obstructi essent. Hanc fuisse causam existimavit Vir Clarissimus cur victu adeo tenui potuerit ægra tandiu sustentari. Etenim iis polypis effectum esse conjectatur, primum ut perparum sanguinis intra arterias admitteretur; deinde ut arteriæ ipsæ cum libere contrahere se

sele prae contenti obicis soliditate non possent, admissum sanguinem, segniter languideque truderent ad partes, quibus novus succus, depulso veteri, accrescere debuisset. Veteri ergo nutritio succo nonnisi lente, & minima vi excusso, nihil fere ab ægra perspiratum est; eamque ob causam non multo illi opus nutrimento fuit, quod corporis jacturam, ceteroquin, perspiratione non impedita, inducendam repararet.

(93) *Pulsus arteriarum*, in plerique languidus &c. in aliis &c. fere nullus &c. In abstinente illo Joh. Schlegel, cujus mentionem fecimus ex Schurigio l. c. §. 40. pulsus in nulla parte, præterquam in temporibus, sentiebatur. Coactio in lectum pulsus licet tardissimus redibat, ita ut partim in extremitatibus seu corpore, partim sub mamma finisire sentiretur.

(94) *Calor item &c. ita remissus &c.* Non solum calor remissus fuit, sed quandoque etiam summa frigiditas. Abstinentis modo memorati extrema, manus scilicet & pedes marmor frigiditate superabant (Schurig. l. c.) Consolentaneæ universa fere corporis cutis frigida, & sicca tangentibus apparebat, vixque ullo motu incalescebat: & Hagienensis Stalpartii frigidus certe erat, si a mortuo non differebat, nisi quod frigeret minus. pag. 184.

(95) *Arteriarum pulsus vim cordis &c.* Vis impulsiva cordis, quæ sanguinis cursum modificat, optime arteriarum pulsus cognoscitur. Hoffm. M. R. S. P. 1. cap. 6. prop. 19.

(96) *Calore autem attritum &c.* De calore universim dici potest quod Boerhaavius de febrili speciatim dixit (Aph. de cogn. & cur. morb. n. 674. 675.) semper, inquit, requirit majorem ignis copiam in illo loco, quem plus ca-

lescit. Quæ ortum debet violentiori partium fluidarum in se mutuo, in vasa, horum in illas attritus. Pitcarn. (Elem. Med. lib. 1. cap. 4. §. 2.) toties in hanc rem memoratus docet, eo calorem fere infinitum esse, quo visus & attritus impetusque partium sanguinis in se mutuo fuerit insignior.

(97) *Fœmina magnam partem fuerunt &c.* Immo vero puellæ, uti notarunt inter alios G. a Rejes (n. 49.) & Sennert. (p. 389.) Vid. infra not. 101. De fœminarum constitutione loquens Hoffm. T. 1. M. R. S. P. 2. cap. 10. in Schol. ad prop. 5. Quale, inquit, est robur fibrarum, et vasorum capacitas, talis est pulsus cordis, & arteriarum... Pulsus in mulieribus.... ob vasorum angustiam, & fibrarum molliorem languidior, mollior, & magis exiguus. Qualis vero est pulsus, talis est fluidorum progressus, & quale secretorii vasæ orificium, talis est transpiratio, & humidi consumptio. Et quia in fœminis minor sanguinis velocitas, & tardior circuitus est &c.

(98) *Est plurima quidem melancholica.* Hæc multorum observatio, atque inter alios Cardani, qui referente Gasp. a Rej. (n. 51.) abstinentia causam fuisse humorem melancholicum statuit, hoc solo argumento, quod aliqui ex his fuerint Melancholici, immo etiam aliqui ratione hujus humoris fuerint deliri. Sennertus (l. c. p. 389.) abundasse omnes fere qui a cibo abstinerunt, humore melancholico historia testantur. Talis enim fuit ille Scotos &c. Puella illa Tatarvii cujus historiam Vigintia descripsit, sanguinem atrum rejecit, paralytica fuit, deliravit, catalepsim passa est. Puella Consolentanea ex febre in morbum hunc incidit, obtinuit, deliravit, corporis cutem frigidam, & siccam habuit, Puella quam a Ducatu Juliacenfi ad-

adductam vidit G. Fabricius, erat facie tristi, & melanebolica. Aliorum etiam historias si consideremus, paucos invenimus, in quibus non melanebolica dispositionis aliqua fuerint indicia. His omnibus addi posset Hebræa Michelotti quæ primum in morbum incidit suppressa ex tristibus animi affectionibus mensura purgationis. Hoc vitio manente, inter cætera mala etiam mæror perseverans a Scriptore memoratur.

(99) Humores circuitu ferri pigro &c. Hæ (id est Melanebolici) videntur humores densi, tenaces, admodum permixti, nec facile separabiles, aut mutabiles. Boerh. Inst. Med. n. 896. In temperamento Melanebolico ob fiorarum duritiem, & densitatem sanguis lente, & cunctanter per vasa devolvitur, unde humores crassiem induunt. Hoffm. M. R. S. T. 1. P. 2. cap. 14. prop. 4. & P. 1. cap. 6. prop. 33. Eadem tere repetit Jo. Melch. Verdries de Equilib. ment. & corp. p. m. 17. 18. Vid. etiam Bellin. de morb. Capit. cap. de Melanebolia.

Quod vero ad pituitosos, cum eorum & temperamento frigidorum eadem sit ratio, ipsis convenient, quæ de his postremis scribit Boerh. (l. c. n. 891.) His humores blandi, aquosi, pituitosi, tardi, & solida laxa, flaccida: & Hoffmann. l. c. sect. 2. cap. 14. prop. 5. In temperamento phlegmatico serum abundat, valde tardus, ac languidus est humorum circuitus. Vid. etiam T. 1. cap. 6. prop. 34. Cum his consentit Verdries l. c. pag. 18.

(100) Neque admodum esse ad acutiem &c. Quo indoles sanguinis plus vergit ad ingenium aqua, neutiquam elastica, eo minus calor is intra corpus producit. Aut etiam quo in arteriis ipsis elater magis deficit. Boerh. Elem. Chem. T. 1. de igne p. m. 106.

XXXIV.

(101) Magnis id sit atque efficacissimis causis. V. supra not. 46. ad N. VIII. Id quoque a pluribus annotatum est, ac præsertim a Gasp. a Rejes (n. 49. & 60.) & a Sennerto p. m. 385. & 387. pleraque enim ex his jejunantibus, notante ipso, ex metu in hoc malum conjecta sunt. & pag. 389. addit, humorem istum quicumque sit, qui diuturna hujus abstinentia causa est, dispositionem peculiarem accipere in plerisque ab utero: atque hoc vel id perluxdere, quod pleraque suere puella, & ea ætate constituta, qua menses erumpere, & semen in ipsis generari solet, niuirum ann. 14. Aunorum enim 14. fuit puella illa in agro Lucensi, puella Confolentanea, Juliacenſis illa, Halberſtadienſis, & forsan alia quarum ætas non est expressa. Notissimum enim est Medicis, quam mira symptomata a mensibus & femine retentis ac corruptis accidere soleant, atque inter ea etiam cibi & potus appetitus abolitus. Scribitque Lud. Mercatus lib. de morb. mul. cap. 8. feminam illastrem quandam uteri vitio potum aversatam fuisse; & aliam potum nullo modo potuisse admittere, & hydrophobia simile quid passam esse, ita ut 60. diebus sine potu vixeret &c.

(102) A vehementi aliqua febre &c. Plerique post febres acutas in hunc morbum lapsi sunt, ait Sennert. p. 387. Et revera Virgo illa patavina primum omnium febre sub oreas. cunicula an. 1598. correpta fuit: Idem p. 384. Confolentanea febre continua circa 13. Cal. Mart. an. 1599. correpta fuit: Citel. pag. 64. Gilbertus Jackson. annor. 15. doloribus per univerſum corpus, inde violenta febre per tres septimanas vexatus fuit initio Februar. 1716. Rediit febris circa principium Apr. duravitque tres alias hebdomadas. Iterum.

10. Jun. in magnam febrem incidit, factusque est mutus; inde abstinens, & paralyticus. Adelhaydis morbus initium habuit a quartana contumaci; inde appetitus imminutus; tandem abolutus sic, ut omnia respueret. Sequitur sunt convulsiones internæ deliquit se prodentes; inde externæ violentissimæ ita ut lecto, nisi custodia esset, exsiliaret.

(103) *Statis caput, & nervi tentari solent. Vid. supra not. 53. ad NVIII. itemque not. 54. 55. & seq.*

(104) *Doloribus modo hac, modo illa pars &c.* Virgo patavina tumore sinistri brachii, atque eo cessante, dolore in articulis, ore ventriculi, postea totius abdominis correpta fuit: *Senn. pag. 384.* 1. Gilb. Jackson statim ac ægrotare cepit dolores passus est in universo corpore. Judæa Michelotti per initia morbi rheumatismo, deinde sinistri lateris dolore cruciata fuit.

(105) *Pene suffocatis sunt.* Gilb. Jackson a Patris precibus victus sumpsit, neque illibenter, tantillum lactis cum avena trita mixti. Sed ita eo ingesto percussus est, ut Parentes ipsum jam jam suffocari crediderint. Adelhaydes vero Stalp. si forte summo conamine aliquid deglutisset præ nimis angustiis quiescere non poterat, antequam tulisset vomitusque illud rejecisset; quapropter immensi doloris metu nihil tandem in os ingererebas. Stalp. l. c. pag. 139. 140.

XXXV.

(106) *Inesse enim in aere &c.* Enumerat omnia hæc distincte Boerhaav. in suis Elem. Chem. Par. 1. tit. de aere, ubi probat in ipso tum ignem contineri (pag. 461.), tum aquam (463), tum vegetantium spiritus nativos pariter, & fermentatos (484), & igne

productos (485); olea item ipsorum quæcumque; immo & sales, & terram (486); quin & integras eorum partes (487): animantium quoque spiritus, excrementa, immo tota fere corpora eorum (488), atque ova fecunda (489): sed & fossilia, uti sales (491), sulphura, & denique vel ipsa ponderosissima metalla (492). Sed nihil majore copia in aere continetur, quam aqua. Hæc latet quidem eidem intimius commixta; sed ab ejus mixtione cum solvitur, statim conspiciendam se præbet, uti in recipiente Antlix pneumaticæ, dum aer rarefactus dilabi finit aqueas particulas nebulæ in speciem, vitri interiores parietes opacantis. Vid. inter alios Auct. Phil. Burg. *Phys. gen. Tr. 2. cap. ult.* Similiter ad frigidorum corporum superficies appulzæ densantur in vaporis guttulas; ex quo Academici Florentini occasionem sumpserunt hygrometri sui consiciendi. (*Saggi di nat. esp. pag. 12. P. Lana Mag. nat. & art. T. & lib. 2. cap. 1. exp. 88. & in Trodr. ad art. mag.*). Sed omnium maxime acreum hunc humorem imbibunt, ac sensibus exhibent sales fixi, qui vel momentaneo aeris actu, pondere augmentur, humescunt, & sensim liquantur. *Uncia salis Tartari*, Boerhaavii experimento (l. c. p. 468.) mutata in quatuor fere uncias olei tartari per deliquium attraxit (ex aere) tres uncias aque. Tanta hæc aque copia, per aerem dispersa fecit, ut Deventrius, & toties memoratus Boerhaavii suspicati fuerint, totum fere pondus aeris uni aquæ esse tribuendum. Si enim (inquit postremus iste l. c. p. 467.) octingentesima quinquagesima pars aeris communis foret aqua, tum fuit totum pondus aeris (quod in Batavia octia.

oſtingentes quinquagies ab aquæ pondere ſuperatur) deberetur uni aqua, quæ in aere volitat; & cætera partes in illa aeris mole hærentes ad pondus ejus facerent nihil, forte ne quidem forent graves. Hanc conjecturam ſuam repetit inferius pag. 501. additis tamen ad aquæ pondus cæteris corpusculis per aerem volitantibus. Verum Muſſchenbroeckius experimento ſibi viſus eſt deprehendiſſe, aerem aqueis particulis ſpoliatum adhuc gravem eſſe. Spoliari autem exiſtimat aerem iis particulis ejuſdem trajectu per cineres clavellatos, qui humiditatis cum ſint maxime bibuli, quidquid ejus in aere eſt, arripiunt, ſibiſque uniunt. Hæc paullo ſuſius de aerea humiditate non inutile fuerit explicariſſe, ocaſione præſertim ea, qua ipſius in corpora animantium ingreſſus commemorandus eſt, & ad multorum, quæ ipſis accidunt explicationem adhibendus.

(107) In vivorum corpora penetrare &c. Id antiquis fere omnibus perſuaſum fuit: non item recentibus philoſophis, ſi paucos excipiamus. Omnium ergo antiquiſſimus Hipp. de hoc introitu per cutem expreſſe locutus eſt *Epidem. lib. 1. ſect. 6. n. 1. Carnes, inquam, & ex ventre, & extrinſecus attrahunt*. Indicat autem ſenſus ipſe corpus totum tam foras, quam intro ſpirabile eſſe. Hanc Hippocratis ſententiam confirmat Galenus in comment. ad hunc locum vulgariū quorundam obſervatione, qui per flagrantem ſolem conſecti iinere, domum reverſi, ſqualidum corpus, oſque aridiſſimum ſe habere, dicebant, necnon ardenſiſſima ſibi cruciari: a lavatione autem ſitim extinctam eſſe, os humectatum, pariterque totum corpus molle, atque humidum eſſe. Eum priorem depoſuiſſe ſqualorem ſate-

bantur. Alii vero & in ſoliſ corpus ſuum aquam attrahere intabitanter ſe percepſiſſe, affirmabant. Non ſolum vero hic ſed alibi etiam ſupra citata Hippocratis verba interpretatur Galenus de aeris attractione in corpus per arteriarum ad cutem pertinentium ora. Diſerte id explicat in *lib. de uſu pulſuum cap. 5.* ubi ait: *Sicuti nimirum per ora (arteriarum) quæ in cutem finiuntur, quidquid balneuoſum fumidumve excrementum habemus, id exerunt; recipiunt autem ex circumdato nobis aere non exiguam in ſe portionem. Atque id eſt, quod Hippocr. foras, introque ſpirabile totum corpus dixit*. Idem repetit *lib. 8. de Hipp. & Plat. decret. cap. 8.* ubi etiam triplicem hujus attractionis cauſam allignat. Non ſolum autem, ut modo dicebamus, & ut notat Keillius *M-d Stat. Britan. diſquiſ. 2. p. m. 39.* a Galeno recepta fuit hæc Hipp. opinio de aeris per cutem introitu, ſed apud omnes poſtea Medicos uſque ad ſæculum proxime elapſum ita obtinuit, ut a nullo unquam in dubium vocata fuerit. Solum id factum eſt poſt inventum ſanguinis circuitum, quanquam non ab omnibus. Boyleus pluribus conatur hunc ingreſſum externorum corpusculorum in cutem oſtendere in ſuo *Tentam. de corp. anim. poroſitate cap. 3.* Cum eo conſentit P. Lana *Mag. nat. & art. lib. 2. cap. 1.* & Fanton. *Diſſert. 2. de com. velam. p. m. 25.* Sed omnium maxime in id nititur ante memoratus Keillius, in ea quam nominaviſſus ſecunda *Diſquiſitione*, ubi inter alia, quæ tranſitum hunc a cute ad corporis interiora demonſtrant, præter vulgatiſſima experimenta cantharidum, & hydrargyri, aliud etiam affert alii plantis pedum admoti quod ſpiritum oris graveo-

lentem reddit. Cui simile illud est, quod a nobis aliquando observatum fuit, de Benzoini tinctura, quæ manibus tantummodo affricata urinam odore violaceo imbuat, perinde ac illa eadem refina, & alix id genus intro sumptæ facere consueverunt.

(108) *Subarere vero ea &c.* Veteres plures Hippocraticum illud: *corpus totum intro esse spirabile intellexerunt* de alimento ex aere attracto, uti notavit Galenus l. *supra cit.* Boerhaavius autem non adeo se alienum ab ea opinione ostendit, quin aliquid ex aere adduci ad nutrienda animantium corpora suspicatus fuerit. In suis enim *Elem. Chem. T. & P. 2. Prolegom. n. 2.* ubi loquitur de *partita continua, & reparatione corporum animalium*, hæc habet: *Non manent ergo hoc respectu quæ fuerunt, sed quotidie peratit nova substituant ex assumpsit cibis potibusque, & forte aere: quia pullum ovi, incubatu fœti ovo supposito ponderosorem Bellinus deprehendit.*

(109) *Tum autem &c.* Huc referenda est Bellini observatio, cujus modo mentionem fecit Boerhaavius. Postquam ergo Vir incomparabilis (*de motu cord. prop. 4. p. m. 116.*) lectorem suum invitavit ad diligenter examinanda pondera corpusculi seminis, quod in ovo est, & liquidorum, ex quibus formatur pullus, hæc subiungit: *& si in horum ponderum administratione, contingat aliquid inexpectatum, fiat scilicet invenias pullum esse majoris ponderis, quam sit pondus liquidorum, ex quibus compositus est; existimato se habere argumentum certissimum, quo constituere possis tuto, extrinsecum aliquid immiseri corpori pulli, ipsique pondus addere, atque ita pondus pulli reddere majus, quam sit pondus liquidorum ovum*

implentium, ex quibus componitur. Hanc observationem commemorat Fantonus *Dissert. 13. p. m. 342.* Est autem istud ponderis incrementum, quod supra ovi liquida sumit pullus, eo mirabilius quod in eo calore contingat, quo immaniter dissipari ovi liquores deberent, quando multo minorem iisdem dissipandis sufficere quotidiana experientia ostendit. Ova enim & frigida, & frigidum in loco servata aliquod ponderis sui momentum certis intervallis deperdere observavit Boyleus *tentam. cit. cap. 3.* Vid. etiam Bellin. *de M. cord. prop. 9. p. m. 143. col. 1.* Fanton. *dissert. 1. de comm. vclam. p. m. 26. & dissert. 13. p. m. 340.* Novissime quoque diligentissimus Reaumurius in suo elegantissimo Opere de Insectis *Tom. 2. mem. 1.* consideravit perspirationem, quæ ova vel summa cura custodita conficit, atque corrumpit. Ea occasione modum tradit, quo exhalatio ista impediri, atque hæc diutissime conservari possint. Modus eo redit, ut vernice aliqua extrinsecus obducantur. Dum vero considerat, incubatus calore non tantum ab ovo exhalari, quantum in multo minore calore, qualis est aeris nos ambientis, exhalatur, id rejicit in liquorum ovo contentorum, circularem motum. Hic juxta perspicacissimum Philosophum & putrefactionem, ad quam illi cæteroquin sunt prout, & assiduam, quæ extra incubatum fit, eorum dissipationem inhibet. Cæterum nobis superiore æstate ovorum per ejus tempestatis calorem decrementum observantibus accidit, ut etiam de extrinseci alicujus in eadem ingressu certiores fieremus. Ex duobus ovis quæ in conclavi sicco, nec admodum tamen calido servata fuerant, alterum 24. al-

te.

terum 23. granorum pondere, intra horas triginta diminutum est. Illud in cellam vinariam, quæ frigida erat quidem, non multum tamen humida, translatum est: hoc eodem in loco, in quo antea fuerat, est cultoditum. Postridie autem primum illud 12. granorum pondere, alterum nihil augmentum invenimus. Placuit autem etiam in animantibus diu sine cibo viventibus experiri quid exterioris aeris calor posset in eorum corpora. Viperas ad experiendum selegimus. Hæc si Digbeo credendum esset (*Orat. de pulv. lymph.*), & Laurentio Straußio (*Epist. ad eundem. Equit. Digbeum*), non solum diu manent sine cibo, sed incrementum etiam, solius aeris pabulo, fumunt. At nobis id videre non contigit. Ex duabus enim Viperis, quarum alteram vivam, alteram laqueo suffocata in eadem aeris temperie a die 12. Septemb. ad 20. Novemb. servavimus, viva quidem minorem ponderis sui jacturam semper fecit, quam mortua, quod sane notabile est, sed aliquam tamen semper fecit. Sic ut vere a Georgio Wolff. Wedelio (*Patbol. Med. Dogm. sect. 3. cap. 2. p. 464.*) dictum fuisse cognoverimus, *Viperas, si nutrimento destituantur, crescere a solo aere experimentis contrarium esse. Diu vivere ipsas vitro asseruatas, verum emaciarî, & mori tandem.* Id accidit nostræ, postquam translata fuit in hypocaustum, cujus calor fere ad æstivum accedebat. Octavo enim die, ex quo ibi servata fuit, mortua inventa est. His octo diebus quadraginta granorum pondere diminuta est, quinque videlicet in singulos dies, cum ante vix unius grani pondus quotidie amitteret. Ex quo apparuit quantum valeat exter-

nus calor ad conficienda istorum animantium corpora. Sed hic quoque inter Viperam hanc, & alteram, quæ mortua jam pridem fuerat, notabile discrimen fuit. Trium enim supra quadraginta granorum fuit intra idem tempus, & eodem in loco postremæ hujus decrementum. Cum ergo ab ambiente aere minus consumi videatur in hac animantium specie vivens corpus, quam mortuum, facile erit, ut in suspitionem veniamus occulti alicujus alimenti, quod ab aere in hæc corpora invehatur: nisi forte cum Reaumurio existimemus, circulari humorum motu, quem admodum in ovis incubatis, ita & in his animantibus, eorum nimiam transpirationem cohiberi. Verum non opus est ex istis observationibus argumenta fumere incrementi ab aere animantium corporibus dati, cum ex Keillio habeamus in Aphorismis staticis, quos ex accuratis observationibus constituit, atque firmavit, non solum per omnes corporis poros continuum facilemque aeri patere ingressum, & egressum, sed etiam quæ in aere sub vaporis specie circumvolitant aqueas particulas, & cute nostrâ attractas cum sanguine commisceri, & corpus pondere augere: itemque corpora morbo aliquo extenuata, aut evacuatione exinanita plus humoris ab aere trahere, quam repleta: & denum plus attrahere nos tempestate nebulosa, quam sicca; noctu, quam interdiu; dormientes, quam vigilantes; atque hinc fieri posse, quod nocturna perspiratio sit diurna semper minor.

(110) Immanis quædam &c. Cujusmodi illud est, quod in *Comment. Bon. Acad. pag. 145.* ex Cl. Jo. Ant. Mundini relatione memoratur Virgini cuidam Moniali accidisse, cui post suppressa menstrua tantum uring

pro-

profluvium ex improvise factum est, quantum vix credi potest. Idque per nonaginta septem dies sic continuavit, ut nulla die libras pauciores, quam quadraginta tres Virgo reddiderit, quibusdam diebus etiam unciis octo vel novem supra illas. Post dies nonaginta septem remisit profluvium, atque ad libras quotidianas duodecim redactum est, eaque mensura perstitit ad quatuor menses. Inter hæc potio nulla erat, quin immo sic liquida omnia Virgo abhorrebat, quasi hydrophobia laboraret. Cibus in singulos dies modicus, ut libras aquaret vix duas; eique feces respondebant. Somnus quietus, nisi menjendi voluntate sapius turbaretur; vires exigua, non tamen fracta. Se nulla neque corporis emaciatione, neque eorum flacciditas. Hoc profluvium ideo protulimus, quod & a nostris observatum fuerit diligentissime, & pleraque excedat quæ apud Scriptores prostant. Inter quæ cum celebre illud sit, quod puellæ Mediolanensis accidisse fertur (Card. de rer. variet. cap. 44) ; duratione tamen, & quantitate longe a nostro superatur. Cum enim illa 60. dierum spatio, detracta cibi, & potus quantitate, mille septingentas quadraginta libras urinx reddiderit; Monialis nostra intra idem tempus bis mille quadringentas sexaginta libras emisit; cum totis diebus nonaginta septem urinx quantitas ad ter mille noningentas septuaginta septem libras, sequentibus vero quatuor mensibus ad ducentas supra mille libras ascenderit. Jam vero quod de hac Moniali narratur, eam sic liquida omnia abhoruisse, quasi hydrophobia laboraret, nobis in mentem revocat historiam hydrophobiæ ejusdem singularis, quam ex Jo. Bapt. Wenckh. relatam habemus in *Eph. A. N. C. Cent. V. VL. obs. 30.*


Hanc passa est mulier quædam & antea bibax, & postea assidue sitibunda. Et si vero siti impellebatur ad bibendum, attamen ne guttam quidem aquæ, aut cujuscumque alterius liquoris sumere poterat; sed neque fructus succulentos, aut simile aliud, quod paullo humidius esset. Quod si forte aquæ guttulam vehementi siti compulsa deglutisset, tussis, vomitu, capitisque doloribus correpta plures septimanas decumbere cogeatur. Quod autem ad rem nostram facit, viginti, triginta, quandoque etiam plures urinx uncias quotidie reddidit; menstrua semper fluxerunt; nec macilentior, nec pinguior fuit; faciei coloris non amisit, licet quartum jam annum cum dimidio in eo statu transigisset, cum historia scriberetur. Omittimus alia profluvia, & admirandas quasdam egestionis, cujusmodi fuit sanguinea illa, quam toties memorata puella Pavatina post duorum mensium omnimodam abstinentiam perpessa est. Per tres enim menses continuos quotidie vel alternis diebus sanguinem libra pondere per alvum rejecit primum floridum, mox aquosum, & nigricantem, quid demum, alio subsistente, vomitu rejectus fuit. (Senn. l. c.) Hujus similem fuisse dicit Gasp. a Reyes (l. c. n. 23.) historiam quandam aliam quam scribit Matth. de Gradi (cap. de Vomitu) de Moniali Ordinis D. Augustini, qua tribus annis vixit vomens omnem cibum, & in majori quantitate quam illum ingererat, abortu statim vehementissimo ventriculi dolore, qui non aliter, quam sanguinis missione alleviatur. Incredibile autem fuit quoties, & quantâ in copia sanguis illi educeretur, ut non solum semel, sed bis in septimana, per octo menses continuos phlebotomaretur, & aliquando per duos menses ter in hebdomada, ita ut alternatis die-

diebus hoc fieret ad uncias 6. vel 7. singulis vicibus extrahendo. Mirabilis certe (subjungit a Rejes) sanguinis abundantia! Sed eam multo admirabiliorem facit vomitus is, a quo non videas quid superesse possit ad corpus sustentandum. Hujus similem alium, in quo pariter ea erat totius excreti copia, ut cibum assumptum longe superaret, cum vidisset olim Herc. Saxonia, neque perspiceret, unde tanta pituitæ copia, quanta egerebatur, oriri posset, ægra interim satis carnosa, & boni habitus, non dubicavit materiam ejus aliquam ex crassiore etiam parte aeris attracti deducere fretus auctoritate Galeni id accidere alicubi docentis; *Med. Sept. lib. 3. sect. 5. cap. 25.* Vid. etiam *Hild. Gen. 4. obs. 32.* eandem historiam referens ex Jac. Zvvingero. Verum hæc, uti dictum est, omittenda exi-

stimamus, quod ipsa rei accurate observandæ difficultas fallaciam facere possit. Cæterum neque nobis ejusmodi vomitus exemplum deesset, quod asserremus. Vivit enim adhuc apud nos puella, quæ primum quidem, acerbissimis stomachi doloribus, deinde vomitu assiduo per aliquot annos cruciata est. Ac si assidentibus habenda est fides, assumptorum copiam longe excedebant, quæ rejiciebantur. Quamvis autem id credibile facere possit nova, & multo diligentior rei hujus per mentem integrum observatio præcedentibus narrationibus egregie respondens, ab ejus tamen historia explicatius tradenda, dum omnia quæ ad ipsam pertinent usquequaque nobis perspecta fuerint, abstinēbimus.

Finis Primæ Partis Libri Quarti.







[



